



PL
2457
P29
Y. 11

一切經音義卷二十一 大乘經

大慈恩寺翻經沙門元應撰

大菩薩藏經

大方等十輪經

說無垢稱經

解深密經

分別緣起經

能斷金剛般若經

菩薩戒本

稱讚淨土佛攝受經

佛地經

勝軍王經

記法住經

六門陀羅尼經

般若波羅蜜多心經

大菩薩藏經第一卷

薄伽梵

扶劒反義總衆德至尚之名也餘則不爾故諸經首皆置此名舊言婆伽婆訛也

室羅

伐尸逸

反舊經中言舍衛國或作舍婆提城又言憍薩羅皆一也此云聞者城十二遊經云無物不有國法

鏡經言聞物國善見律云多有國言多有聰明智慧人
及諸國珍奇皆歸此國故云多有其義一也又舍衛者
是人名昔有人居住此地往古有王見此地好故乞立
爲國以此人名號舍衛國又云仙人住處皆古名也在
中印天魔莫何反書無此字譯人義作梵言魔羅此翻
度境天魔名障能爲修道作障礙故亦言殺者常行放
逸斷慧命故或云阿素洛舊云阿修羅又云阿須倫皆
惡者多愛欲故也阿素洛梵言訛轉也此云不又言障
蔽亦云非天至如鬼神雜受福者印度亦通名非天非
天者以共三十三天鬪競故別標名又最勝者名天劣
者非藥又舊名夜叉又云閱叉一也此云能噉摩揭陀
天渠謁反舊云摩伽陀或言摩竭陀又作摩竭提皆梵言
轉耳摩伽此云露陀此云處名甘露處國上古諸天共
阿修羅鑽海水甘露安置此國故以名焉又摩揭陀是
人名往昔有人於此修功德得生天上遂本爲名亦言
善勝國又名鷲峯梵言姑栗陀羅矩吒山此云鷲峯或
星處國也鷲峯言鷲臺言此山旣栖鷲鳥又類高臺

也舊云耆閣嶺山者訛略也僧伽胝陟尸反舊言僧伽

也姑音渠乙反矩音俱禹反僧伽胝梨此云合謂割之

合成也又云重謂重作也膽怕徒濫反下音白反膽安

王名聚落著之伏外道衣膽怕也膽然安樂也怕靜也

謂恬然寂靜也膽無撓乃飽反擾也亂也字安繕視戰

怕無為自荷也無撓從手廣雅撓亂也安繕反謂

青紫帝青是帝釋寶青色也以其天弓亦言帝弓即天

色也俗云絳出鮮盛者名虹末尼珠摩鉢反舊言摩尼喬荅

暗昧名蜺蜺音五奚反末尼珠謂珠之總名也喬荅

摩義一名曰種二名牛糞種三名泥犁種也後貌蘇桓

五奚反爾雅後貌如戲貓食虎豹郭璞等注皆云即師

子也穆天子傳云後貌走五百里是也梵言僧訶僧借

音私蠅反戲仕板反斫曰爾雅注引穆天子傳傭圓勅

日後貌日走五百里此脫日字貌爾雅作麇傭圓勅

反爾雅傭均也謂齊網鞅莫槃反蒼頡篇覆蓋今亦謂

等也又作臚俗字也網鞅覆蓋物為鞅或作縵漫二形

借字 雙跖 又作蹠同之石反 瞿拉坡 郎答反下普何那

庾多 翼王反舊言那由他案百俱胝名阿由諸蘊反於粉

言塞建陀此翻名蘊猶積聚末摩 此云死節言人身中

義也說文為蘊字從草溫聲 搏人即癡瞽 公戸反無目謂之瞽目眠眠然平合如

死也 癡瞽 鼓皮也斫曰無目上當有釋名二字 摩 移瞻反或作改摩聲之轉也舊云閻羅又云閻摩羅

司也又作夜磨盧迦亦作閻摩羅社閻摩此云雙羅社

此云王兄及妹皆作地獄王兄 六處 案梵本云呵也怛

治男事妹理女事故曰雙玉也 處 所舊名入失之耳梵 呼毘反下莫報反說文惛

云鉢羅吠舍此云入 惛 不了也廣雅惛癡也耄忘

亂也斫曰惛不了也說文作不僚僚慧也唐韻力小切

僚了音近相借後漢書孔融傳云小而了了亦是慧意

也了說文本訓咆行脰相交也牛行脚相交為咆咆唐

韻力摩納婆又言摩納縛迦此云儒童舊言摩那婆或
弔切作那羅摩那又作摩納翻爲年少淨行五
分律名那羅摩納愚異生也言愚癡闇冥不生無
譯爲人皆一也異生
小兒也或作小兒凡夫又作嬰愚凡夫義皆一
也有作毛道凡夫或作毛頭凡夫者失之久矣
旃荼羅
馳家反謂屠殺者種類之
總名也舊云旃陀羅訛也
被涼渠向反字書云施胃於
以取禽獸者道曰涼今畋獵家施涼
其形似弓也

第二卷

健達縛

渠建反此云食香以香自資故亦言香行或云

樂神者義譯也舊言乾闥婆亦
作乾香和皆國音之不同也揭路茶
渠竭反此云金

樓羅訛也緊捺洛
奴葛反歌神也頭作馬頭亦言是人
樓羅訛也非人舊云緊那羅或作真陀羅皆一

也 牢呼洛 或作莫呼此云大腹行即蟒神也一云大

鉢 烏沒反舊言優鉢 鉢特波頭暮此云赤蓮花也 拘

賀 莫候反舊言拘物頭或作 奔茶 宅加反舊言芬利亦

花 觀史多 都古反舊云兜率陀或作兜駛 四洲 之由反

也 中可居曰洲言水 疏伽沙 渠陵反舊云恒河此河從無

布怛那 都達反舊云富單那或作富多 沒特伽羅子 徒

反此云綠豆子乃從母為名出 舍利子 梵言舍利富多

家侍佛左邊舊云目犍連者也 舍利子 羅此言舍利弗

多羅此梵音轉耳舍利母名眼之青精名舍利又母 所

眼似鸛鵒眼因以名焉經中或言鸞鷺子者一義也 說

嬈 奴子反嬈惱也說文嬈擾也三蒼嬈弄也星衍曰說

文嬈苛也一日擾戲弄也一日嬈也此引未全嬈直

好兒一 **蹶失** 居月居衛二反謂驚駭急疾之兒也 **靜慮** 舊言定說文靜審也安也息也慮思

也 **匱乏** 渠愧反匱乏也亦竭也乏少也 **三摩地** 舊言三摩提此云等持也 **柁那** 徒我反此

云施波羅密多此云到 **鄔柁南** 烏故反下徒我反此云自說舊言鬱陀那

第三卷

鄔波索迦 或言優波娑迦近侍也言優婆塞者訛也此云近善男亦云近宿男謂近三寶而往宿也

或言清信士善 **鄔波斯迦** 或言優波賜迦此云近善女言優婆夷者訛也 **羯羅**

宿男者義譯也 **頻伽** 居謁反或作迦陵頻伽此云好聲鳥也 **庭燎** 徒經反下古文燎同力照反周禮供墳燭庭燎

鄭元 曰墳大也樹於門外曰大燭門內曰庭燎天子百公五十侯伯子三十也 炳曰燎本作寮說文寮柴祭天

也柴字解曰燒柴樊燎以祭天神是也燎放火 **贍部棕** 也通作寮漢書杜欽傳作賴借字也作燎未詳

陀金

奴葛反或作剌浮那他金舊云闍浮檀金名一也

面水

極深然金色徹出水上若轉輪王出世諸夜叉等

神取

此金將來博易故人閒有之若著闍中閤色則滅

也那

他此言蘇揭多渠謁反舊言修伽陀或作修伽度

江亦

云海也蘇揭多亦作修伽多此去善逝即如來德

之一

號也有三義一讚目詣隣陀山舊言目真隣陀或

歎二

不迴三圓滿也目詣隣陀山舊言目真隣陀此云

脫鮮

支私延反纂文云白鮮瞻博花舊言旃歟迦或作

也鮮

支絹也亦名縞也瞻博花詹波花亦作瞻匐

又作

占婆花皆方夏之差耳此云金色花大論云蘇末

黃花

樹也樹形高大花亦甚香其氣逐風彌遠也蘇末

那花

摩鉢反舊言蘇磨那花色黃白亦甚婆使迦花舊

婆師

迦或云婆師波利颯然蘇合反疾兒也廣雅颯颯

花此

云夏生護花也颯然風也風吹木葉落聲也

第四卷

幟幟 比遙反下古文作恠同昌志反通俗文徽號曰幟私記曰幟廣雅幟旛也亦頭識也斨曰古文恠當作恠見玉篇又通作志史記周昌傳云沛公以周昌爲職志索隱曰志旗幟是也 灰燼 似刃反說文謂火之餘木也方言自關而西秦晉之間炊薪不盡曰燼也

第五卷

隍池

胡光反蒼頡篇隍城下坑也說文城池有水曰池無水曰隍也

第六卷

蹇吃

居展反下居乞反通俗文言不通利謂之蹇吃古文作蹇蹇二形非是又作刊同居展反方言蹇亦吃也楚人語下古文飲同居乞反氣重言也星衍曰古文作蹇之蹇當作蹇易王臣蹇蹇古本作蹇也此反云非是誤矣字書無蹇字亮吉曰又作刊未詳玉篇有刊字音七見切解曰切也從刀從干與刊字異然亦與蹇義不

合不知何字之誤耳。站曰：吃說文本作飲。詞疾，徒貢反。翫也。一曰口不便言作吃者，乃借用字。謔謂急也，通俗文言過謂之謔。詞謔音麤，貢反。炘曰：纂文云：謔謂急也，謂字當是詞字之訛。後漢書鄧后紀：輕薄謔詞。注言塵黷，徒屋反。蒼頡篇云：黷垢也。急據也。本此。塵黷，聲類黷黑也。廣雅：黷蒙也。魯鈍，盧古語參也。魯孔安黃鵠，又作鷺，同力斯反。方言：倉庚自關國曰魯，亦鈍也。黃鵠而西謂之鷺，黃或謂之黃鳥，或謂之楚雀。廣志作黃離，留廣異名也。炘曰：又作鷺之鷺，乃鷺字誤。文鷺見山海經并集韻。

第七卷

誼譁，古文援謹二形。今作誼同虛元反。下音花。誼譁聲也。謂言語亂聲，譁譁也。譁音女交反。炘曰：古文援之援當作譁。詩：衛風終不可譎。諂，以朱反。周書：面從曰譎。今大學引詩作誼是也。譎諂，諛不擇是非而言謂之譎。希其意道矯飾，飢小反。矯謂其言謂之諂也。矯飾，假詐不實也。矜伐，居陵反。矜謂自尊大也。自賢曰。

矜國豬胡困反說文國厠也祇仰旨時反字關鍵古文

二形同奇譽反方言關東謂親昵者亦數也

之鍵關西謂之鑰鑰壯也親昵雅又極暱同女要反爾

親昵者亦數也桎梏之逸反下公篤反在手曰桎在足

巫音祛記反桎梏日桎亦即桎械也春秋疏曰桎梏

俱名別足古文踴跂二形同魚厥五刮二反別阿遮利

為械別足斷足也廣雅別危也謂斷足則危也阿遮利

耶此云軌範師舊言阿閣梨或作阿祇利紆鬱伊于反

屈也紆縈也曲也鬱碑儉反詩云我位孔貶傳車

哀思也心不安也貶退日貶墜也貶捐也滅也車

路舉魚反釋名云古者車如居言行所以居人邀請於

也下又作輅同盧故反言所以步之於路也邀請遙

反邀呼召薩伐若而者反此云一切餽餉徒奚反下戶

也亦求也薩伐若智舊言薩婆若餽餉孤反通俗文

酪酥謂之餽餮餮胡老反小爾

餮餮精醇者也皓齒胡老反小爾

餮餮精醇者也皓齒雅云皓白也

餮餮精醇者也皓齒雅云皓白也

第八卷

鵠波柁耶

徒我反舊言和尙或言和闍皆訛也此云親教亦云近誦以弟子年小不離於師常逐常

近受經而誦也又言知有罪知無罪也

惡癘

又作癘同力太反說文癘惡疾也

塹埴

式延反下

時力反塹柔也和也擊也埴土也黏土曰埴

鼓觸

古文做埴三形同宅庚反鼓柱所曰鼓本作堂說文

堂距也廣韻作埴撞也觸也又鼓數同作做者駢駝各誤說文做平治高土可以遠望也做非此用

反又作橐音託知水呵噉謂怒聲也

同剉

于臥反說文泉所出負千斤者也

日說文剉折傷也斫

壓竿

於甲反下側格反竿亦壓

訓見王篇非說文也

愚戇

都降反說文戇亦

言魚世反通俗文云夢語謂之不覺妄言也

日戇也

也此引蔡混

第九卷

逆旅

力舉反左傳保於逆旅杜預曰逆旅客舍也

中殀

又作天同於矯反說文屈也折也字從大

象形

不申也不盡

杜多

舊言頭陀此云修治亦云洮

載

天年謂之天也

梓

古文櫨梓不三形今作藥同五割反爾雅梓餘也再也言木餘再生梓也

第十卷

山狖

餘究反說文禺屬善遊蒼頡篇云似猫搏鼠出河西似獼猴而大蒼黑色江東養之捕鼠為物捷健

也 蜚

蜚古文蜚同古魂反禮記蜚蟲未蟄鄭元曰蜚明蟲也陽而生陰而藏者夏小正曰蜚小蟲也

蜚魂也 魂

不肖

先妙反廣雅肖似類也說文骨肉相

然小蟲動也

似曰肖言不肖者謂骨肉不相似類

不似其先也謂倖惡者

綺繪

又作績同胡憺反說文有也字從肉倖女耕反文曰綺五彩曰繪繪畫也

亮吉日說文綺文繪也繪會五禾繡也此引非本文也

第十一卷

忿懟

塗淚反爾雅懟怨也謂忿怒之怨恨也

口噤

古文噍同渠飲反噤閉口不開爲噤也

矛稍

又作鈇我二形同莫侯反下山卓反說文矛長二丈八尺或作槩俗字也所曰稍丈八尺非說文語釋名云矛長丈八尺曰稍馬上所持言其稍稍便殺也本此

第十二卷

驍勇

古堯反廣雅驍健也勇急也說文良馬也

勅敵

渠京反左傳勅敵之人杜預曰勅強也廣雅勅

武親姻故曰姻也所曰說文姻壻家也女之所因故曰姻此引郊野音交爾雅邑外謂之郊周禮以宅田任近脫所字郊野郊之地鄭衆曰司馬法云王國百里爲郊

二百里爲州三
憤恚
扶忿反憤盛也怒氣充盛
商佉
言舊

百里爲野也
霜佉或云傷佉亦作餉佉又作穰佉皆梵音
不遑
又作

輕重聲之訛轉也此云貝或言珂異名耳
胡光反廣雅惶暇
究槃茶
或作恭畔茶又作弓槃茶皆

也言無閑暇也
烏曇跋羅花
舊言優曇波羅花或作優曇婆羅花此結

花而難值故經中
似梨果大如拳其味甘無花而結子亦有
何羅怛羅
胡古反或言曷羅怛羅此

以喻希有者也
羅吼羅或言羅雲皆訛也言羅怛羅阿修羅以手障月

時生因以名也又言覆障六年在胎爲胎所覆也又七
年在母腹中一由往業二由現在在往業者昔曾作國王

制斷獨覺不聽入境獨覺在山七日不得乞食同墮地
獄餘報七年在母腹中又由現在者瞿夷是懷羅怛羅

後太子出家六年苦行方得成道於六年中瞿夷憂惱
四大羸弱不能得生至太子成道瞿夷歡喜四大有力
方乃得生與阿難同時而生故首尾七年也如來還國

七日即度出家也
法祠
似兹反爾雅祠祭也謂以大法施故曰法祠也
鳥瑟臙沙
女致反或

作盟瑟尼沙或作鬱瑟尼沙此云髻案無上依經云頂骨涌起自然成髻是也

第十三卷

師傳

方務反傳附也近也審父子君臣之道以示之曰傳傳相也
祈請
渠衣反廣雅祈求也爾雅

祈告也
館舍
古翫反客舍也周禮五十里有館館有委積以待朝聘之客字從食今亦作館所曰館字也

古與管通聘禮管人布幕於寢門外
臧賊
又作賊同作剛反下音求

鄭注管猶館是也今作館者俗字
臧賊
又作賊同五狡反

案納受財貨曰臧說文昧以財
或齧
又作齧同玉篇齧

枉法相謝也蒼頡篇載請曰昧
或齧
齧齧也關中行此

音又下狡反江南行此音所曰說文齧齧骨也玉篇齧

齧也二字當通今亦作咬莊子齊物論咬者司馬彪云

聲哀切咬咬然
或吮
祖交似充二反
調諛
虐反謂調弄

咬非此用矣
說文吮敕也
調諛
虐反謂調弄

戲謔也謔亦喜樂也

宰堵波蘇沒反舊言藪斗波近是也又作偷婆或作兜婆或言塔婆皆訛也此云

廟或言填依泊蒲各反泊止也楚辭忽翱翔之焉泊是也今亦謂附舟於岸曰泊也時縛

皆義譯也

迦此云能活或言更活舊言資穡又作蓄同勅六反資財也貨也蓄積也聚

也芳羞古文作膳同私由反雜味為羞方言羞孰也謂熟食也周禮膳夫掌王之膳鄭元曰羞有滋味

者也所曰膳夫掌王仇疋古文逮同渠牛反爾雅仇疋也相疋耦也苦綸力

之膳羞引脫羞字

反釣綴曰亭館徒令反漢家因奉十里一亭亭留也所

綸綸繩也

風俗通說文亭

民所安定也纔出在哉反廣雅纔暫也僅也不及也

第十五卷

摩訶諾伽那力謂露身大阿末羅摩鉢反舊言菴磨羅果亦作阿摩勒果其

葉似小棗花亦白小果如胡桃其味酸而
且甜可入藥分經中言如觀掌中者也
三摩呬多虛利
反此云等引謂
三摩半那欲入定時名三摩鉢底正
引諸功德也
在定中名三摩半那也

第十七卷

不訥

古文作訥同奴骨反說文訥難踈也謂遲鈍曰訥也所曰說文訥言難也此引係他書之誤遲鈍之

訓見

梗加杏反梗強也字林山
關古文作鑰同余

玉篇

梗榆一名梗有刺如棘也
關古文作鑰同余

下壯也

玷曰說文

關關下壯也引誤

第十八卷

補特伽羅

徒得反此云數取趣
詭詐居毀反謂變詐不實也廣雅詭欺也

制多

舊言脂帝浮圖或云支提皆訛也此云聚相謂累石高以爲相也皆可供養處也或初生成道說法

處也饗養古文叨飢二形同他高反下又作飡同他結反說文饗貪也貪財曰饗貪食曰饗

第十九卷

能環胡串反又音公患反國語服兵環甲賈逵曰環甲衣甲也左傳環甲執兵杜預曰環貫也瑜伽

師地以朱反此云相應謂一切乘境行果等所有諸皆名相應師地謂觀行人地即十七地也諒

難今作亮同力尙反爾雅諒信也

第二十卷

羯利沙鉢那亦作迦利沙鉢拏聲之轉也鉢拏此昌夷反小爾雅云蚩戲也廣雅蚩輕侮也字從出虫也蚩責

所日蚩原誤從山作虫無此字說文蚩蟲也唐韻赤之切戲也之訓爾雅無文廣雅又作𧈧輕侮也說文

又有蚩字讀若騁蟲曳行也從虫少聲非此用足趾

音止字林趾足也釋名云馱都徒餓反謂堅實也則如足一進一止因以為名也馱都來體骨舍利之異名耳

大乘十輪經第一

佉羅帝耶山

或云佉羅提耶山或云佉羅帝山皆一也此云騾林山

牟尼仙

莫侯反舊

言文尼又作茂泥皆訛也此云寂靜亦翻名仁又言智者此亦仙義久在山林修心之屬皆名仙人義通內外不唯頻跋羅蒲沫反或頻婆羅佛本行經云百激輪古外道頻跋羅嚠迦羅名頻婆羅此數當十兆也激輪狄反流急曰激說文邪流急者也斫曰說文激水礙衰疾波也本書第十一卷引云水文凝邪疾急也皆相互異三兆直矯反數名也十億曰兆十兆曰京疫癘下又作癘黃帝筭有三品或十億百億千億也癘癘下又作癘癘同力制反人病相注曰疫癘釋名云癘病氣流行中人如磨礪傷物也疫役也言有鬼行役役不往也畢舍遮舊言毗舍闍又作毗舍遮鬼名也羯吒布怛那餓鬼中勝者也亦言癡狂鬼也

舊言竭吒富咀那此云豐稔而甚反字林禾孰曰稔稔亦季也皆取一終之名也

奧閣訶洛鬼鳥報反此云吸剡魔有作琰魔同以冉反

羅皆一也此云雙世竊識蒲初蔭反羯降轉舌聲伐折脂列

謂苦樂並受號之為雙借音泥插婆初治反鄔波鳥古反睽摩式冉反

菴摩徒感反帝昵借音泥野娜奴可反刺惹勒葛反下菴謎莫計反歛殽借音虛履反弭殽

彌爾鳥奚反齧盧驅禹反瘳綻都賀反遏梨鳥曷反敦祇徒孟

反呼古聲潁盧轉舌

第二卷

聰喆又作哲哲二形同知列反爾雅哲智也乘馭今作御同

魚據反駕馭也謂指麾使馬也凡誣罔武于反說文加
言馭者所以驅之也內之於善也誣罔言也亦欺也以
惡取善癩癩都賢反下核間反廣雅癩狂也平恕尸預
曰誣癩癩風病也聲類云癩小兒癩也平恕反蒼
頡篇恕如也聲類所薦祖見反爾雅薦進也生嫡丁歷
仁心度物曰誣所薦陳也進上陳列也嫡也字書嫡正也公羊傳曰嫡以長珥瑠如志反蒼頡
者何謂嫡夫人之子尊無與敵也珥瑠篇珠在耳也
耳瑠垂珠者也斨曰說文珥瑠也玉篇珠在耳亦可作
耳瑠詩卷耳正義云卷耳如婦人耳中瑠今或謂之耳
瑠是索訶娑各反舊言娑娑或作娑訶瑠洛迦孫馱舊
也拘樓孫此云羯諾迦牟尼舊言拘那含牟尼此云金寂也彌荔多補箋
作用莊嚴也羯諾迦牟尼此云金寂也彌荔多反舊
言薛荔多或作閉黎多皆訛謫罰都革反字林謫過責
也義是其初餓鬼最劣者也謫罰也通俗文罰罪日謫
廣雅罰猜貳而棄反貳之言二也爾雅貳疑也疇咨
折伏也猜貳言有二心皆疑惑也猜妻來反疇咨流

反下子辭反疇語辭發聲也咨舍羅此云百舌鳥雄鳥也若言舍利雌鳥

也珍饌說文作藝同仕眷反乳哺蒲故反哺含幽繫又

馬同知立反繫絆也拘執也斫日又作馬之馬當作馬

說文馬絆馬也從馬口其足春秋傳曰韓厥執馬前讀

若輒即此字也又馬馬一歲也從馬一絆其足讀若弭

一曰若環馬非此用又馬馬後左足自也從馬二其足

讀若注三字相似義亘窮古鄧反詩云亘之柜秬蘇跋

則迴別不可渾也陀羅舊言須跋陀羅此云善賢蘇刺多刺溟海亡瓶反

流也如渤澥等也盧割反此云善樂樂音五教反也

第三卷

北溟有魚是也

豔色又作豔同餘贍反方言秦晉鷦麥又作燕同一見

之閒謂美為豔豔亦光也反爾雅鷽雀麥

郭璞等云
卽鷺麥也

第四卷

視覘

勅廉反覘謂窺視也覘亦伺

號

又作吽吽吽三

雅

雅吽鳴也嘯也所曰玉篇吽呼俱呼具二切吽亦噓吹

之也又與雖通史記殷本紀云有飛雉登鼎耳而吽雖

唐韻古侯切廣雅鳴也之訓本此廣韻吽牛鳴呼也吽

吽同是吽與吽吽皆相通矣唯吽字玉篇訓云厚怒聲

又吐也廣韻亦不與吽目挑他堯反聲類挑挾也謂以

吽吽同未知所本矣目挑手挾取物也挾音於亢反

竭藍婆

去謁反舊經云

髻髻

說文作莖莖同仕行反下

所曰說文莖莖莖莖亂也杜林說莖莖莖莖

兒髻髻見玉篇解曰髮亂兒髻又作鬢也挂其古文作

賣反廣雅兩脛又作脛同賢定反說文脛脛脚脛也脛音

挂縣也下孟反江南呼脛爲脛山東曰脛敞敞

音文孟反斫曰山東
曰脂敞疑衍脂字
捫足莫昆莫本二反聲類云
捫摸也字林捫撫持也

第五卷

寇敵口候反尚書寇賊姦宄范甯集解曰寇謂羣行攻
剽者也說文寇暴也廣雅寇抄也剽音芳妙反

愚蠢尹降反說文蠢愚也蒼頡解
詁云蠢愚無所知也亦鈍也

第六卷

嬰纏於盈反嬰猶纏繞也漢書嬰城
固守音義曰以城自繞者也
營耨說文又作鋤
同乃候反除

田器也名耨似鋤耨耨禾也耨音火高反斫曰耨說文
本作耨耨器也或從金作耨亦作耨春秋僖三十三年
左傳見冀缺耨杜注耨鋤
也釋文乃豆反鋤田也

第七卷

礪毒

又作慘同初錦反礪惡毒害也所曰慘毒之慘本當作慘史記酷吏傳云雖慘酷斯稱其位矣是也

借字

作礪者

呵叱齒逸反方言叱呵怒也

舌牯

又作齟同其蔭反牛舌病

也或作

毗攝浮

舊言毗攝羅亦云隨葉佛此云種種變現也

懇切

古文誤同口很反通

俗文至誠曰懇懇堅忍也所曰說文

盧至

舊言樓至佛此云可愛樂

最後

說無垢稱經第一卷

菴羅衛

舊云菴羅樹園即菴羅婆女以園施佛仍本澍為名也言衛者此女昔常守衛看護此園林

甘

之喻上句二反時雨也謂潤生百穀者也借以喻之

方術

脣聿反法也又邑離中道曰術術通也

咕種

昌葉反舊言離車子又作栗昌亦作離昌又作律車皆訛也此云仙族王種也

希夷

聽之不聞

日希視之不見曰夷言持髻舊經云螺髻者梵隧級醉
無聲曰希無色曰夷也本無譯人立義耳
反下音急掘地通路曰隧隧經也聲類延道也級階次
也案西域井如此方古井掘地為隧施安陞級入中取
水也舊言邱井者非當
梵名故依元本譯也

第二卷

八無暇遐嫁反言八難之時無迦遮末尼舊言迦柘柘之夜反此云

精水竚立又作佇同除吕反久也謂久立也

第三卷

得痊七泉反病愈古文瘡同史乳反方言差愈也說文除也愈病瘳也所日愈病瘳也說文作瘳

黿鼉魚袁反下徒多反三蒼黿大鼃也鼃似蛟而大山海經云江水足鼃郭璞曰似蜥蜴大者長一丈有

鱗彩可以為鼓也

第四卷

毗奈耶

舊言毗那耶亦云毗尼皆訛略也此云離行行亦道也謂此行能離惡道也亦翻為滅分得也

言調伏化度者義譯也此有三義一引載義如十利等功德為此法所引載也二調直義能令身口二業調伏

正直也三上勝地義從戒上鰥寡古頑反釋名曰無妻定乃至上四沙門果地也鰥寡曰鰥無子曰獨言鰥

人愁悵不寐目常鰥鰥然茵蓐又作鞞同於人反說文如魚眼不開故字從魚茵蓐車中重席也釋名云文

鯛車中坐者也用虎皮為之有文彩因與下輿相連著也三蒼蓐薦也所曰因與下輿相連著也與原誤作以

傍生梵言吉利藥住尼亦云帝利耶瞿榆泥伽此云傷行舊翻為畜生或言禽獸者分得仍未總該也

驚悸

古文瘁同其季反字林悸猜疑古文職猓二形今心動也說文氣不定也作惛同巖來反猜

亦疑也廣雅猜懼也斫曰說文倩恨賊也玉篇疑也職
廣雅睽視也廣韻睽也猓廣韻不安貌職猓皆非此用
此云古文未詳恠說文姦也
玉篇恨也今作亦所未解

第五卷

詢求

私遵反詢問也諮親爲

師捲

又作拳同渠員反指握爲捲譬喻也言師

之匠物不如卷之執握客而不說也斫曰握拳之拳古亦作捲說文拳手也又捲乞勢也國語曰有捲勇是拳捲兩通也

第六卷

夷塗

弋之反說文夷平也亦常也

擔山林

梵言竭達羅舊言佉陀羅南地多饒此木也

同

又作魏叶二形同胡頰反爾雅協和也合也亦同也

輕蔑

又作憊同莫結反說文憊謂相輕傷也星

衍曰說文懺輕易也商書曰日以相陵懺與此引異也

解深密經第一卷

蠹羅綿

或作妬羅上都路反舊言兜羅綿皆一也

飢餒

徒奚反下戸孤反謂酥酪之精醇者也通

俗文酪酥謂之飢糊是也

第二卷

大青

梵言唐訶泥羅亦是天帝所用莊嚴寶也

末羅羯多

莫鉢反亦言磨羅加多綠色寶也大

論云出金翅鳥口

毗濕縛藥

此云有種種功能藥也

婆羅疵斯

拏點

反舊言波羅柰或作波羅柰斯又作婆羅捺寫皆一也

卷五卷

誕生

達坦反詩云誕彌厥月傳曰誕大也

分別緣起經上卷

偻曲

力矩反廣雅云偻曲也言脊不伸僵偻也

能斷金剛般若經

誓多林

時制反舊言祇陀或云祇洹皆訛也此云戰勝波斯匿王之子也當生之日王破賊軍因以名

也對面念

念即定也慧也定慧照境其猶對面也

技淚

古文摺同亡粉反廣雅技拭也作捫

莫本一二反

聲類云捫摸也兩通所目摺說文本作

摺解云撫也一日摹也

廣韻武巾切捫說文撫持也唐

韻莫奔切音訓皆相近

羯利王居謁反舊言迦利王或

與技通用未知所本也

烏古反又言優波尼

諍王

鄔波尼殺曇分

沙陀反此數之極也

菩薩戒本

屬耳

之欲反國語恐國人屬耳目於我韋昭曰屬注

鼻

古文劓同魚器反說文劓決鼻也割也謂割去其

耳

讓記反廣雅紛聒公活反謹聒也蒼頡

管駕善

曰御

稱讚淨土經

阿泥律陀

舊言阿那律或阿菟樓駄此云無滅又云如

滅所求如意

阿濕摩揭婆

渠謁反或作阿含磨揭

洛揭婆

或言目娑羅伽羅娑此云石藏或是虎魄

羽鮮白鷺白舊云迦陵毗伽又作歌羅加祐
鳥卽白鷺也頻伽此云好音聲鳥也
古文閼佑二形同爰救反字林祐者助也斨曰說文祐
助也玉篇云或作佑又閼古祐字廣韻佑佐也助也祐
神助也故
皆可通

佛地經

眇然彌繞反廣雅眇寞也眇遠也所都當胡反字林有
眇然遠視眇然寂寞不知邊際也宗廟先君之主
曰都城郭之城曰都
又人之所聚曰都

示教勝軍王經

倡優齒揚反說文倡樂也蒼頡篇倡能也優樂也諧綺
也戲笑之伎也謂樂人所爲戲笑自怡悅也

帋又作祀同疋亞反廣雅帋襍通俗文兩複帋也斨曰
說文帋二幅曰帋正字通引通俗文亦云帋兩幅曰

軋此引通俗
錦衾 衾祛金反字林
駿馬 子潤反穆天子傳

文脫帛字
郭璞曰馬之美稱也說文駿馬才良者
瞑目 覓靈反說

也亮吉日今本說文作駿馬之良材者
瞑目 文瞑翁反說

爾雅翁
辟手 卑役反謂舒手附
曰暴 蒲穀反暴曬也說

合也
身也廣雅辟除也
曰暴 文暴晞乾也字從

日從出從升米字
雨漬 左賜反通俗文水

意也升音巨恭反
雨漬 浸曰漬漬潤濕也
霜封 府龍反

固也亦緘
筋骨 居欣反說文肉之有力者曰筋字從

檢之也
筋骨 竹星衍曰今本說文作筋肉之力也
徇

利
辭俊反蒼頡篇云徇
求也廣雅徇營也

如來記法住經

拘尸
舊經中或作拘夷那竭又作究施城那者以梵言

那伽囉此云城也譯言上茅城者多有好茅故也

枯槁
古文槁說文作槁同
阿輸迦 此云無憂或言阿育

苦道反槁木枯也
阿輸迦 者訛略也是阿闍世

海山仙館叢書

王孫 訕謗 所姦反 蒼頡篇云訕也 廣雅訕謗毀也

六門陀羅尼經

識謎 初蔭反 下 跋迭 徒結反 隸鑠 書斫反 達佺 女履反 阿刺葛 落

般若多心經

揭帝 渠謁反 莎阿 蘇和反

一切經音義卷二十一終

一切經音義第二十二卷

大乘論

大慈恩寺翻經沙門元應撰

瑜伽師地論第一卷

大唐新譯

瑜伽羊朱反此譯云相應一切乘境行果等所有諸法皆名相應境謂一切所緣境此境與心相應故名境相應行謂一切行此行與理相應故名行相應果謂三乘聖果此果位中諸功德法更相符順故名果相應師地師謂三乘行者由聞思等次第習行如是瑜伽隨分滿足展轉調化諸衆生故名瑜伽師師謂教人以道者之稱也舊經中言觀行人者也地謂境界所依所行或所攝義是瑜伽師所行境界故名爲地卽十七地也唄此云集總散或言攝散亦云攝施也摩虛利也引謂勝定地離沉掉等平等能引也或引平等能引諸功德或平等所引謂定前加行故名能引也作

一七終言卷二十一

戲蒲皆反案俳者樂人所為戲笑以自怡悅者也三蒼
俳嘯也嘯吹聲也說文俳戲也戲字從戈盧聲盧音
虛猗反斫曰樂人所為戲笑人原作以聲之誤也說文
俳戲也戲字從戈盧聲原脫也戲二字戲說文本訓三
軍之偏也一日兵也詩衛風以為戲諱字禮坊
記云閨門之內戲而不歎鄭注以為言笑也應舐字
古文馳同食爾反應吮祖充食充二反說文吮嗽也
謂以舌取食也應吮嗽津液也嗽音所角反若
星思定思冷二反酒歇也儀路所行為路路亦道也威
西通俗文醉除日醒是也儀路儀所行也謂色依香味
為路又威儀末摩莫鉢反此云死節身中有此補特伽
依心為路也末摩節也謂若打若搏人即死也補特伽
羅案梵本補此云數特伽此云取羅此云趣數取趣謂
數數往來諸趣也舊亦作弗伽羅翻名為人言捨天
陰入人陰捨人陰入畜生陰近是也經中或作福伽羅
或言富伽羅又作富特伽耶梵音轉也譯者皆翻為人
言六趣通名人也斯謬甚矣人者案梵本云末奴沙舊
經名摩窻沙此云人亦言有意以多思義有智慧故名

爲人也鬼畜無此何得
 名入斯皆譯者之失也
 也 咀沫 又作齟同才與反通俗文咀
 嚼也三蒼咀嚙也又含味也 角力 古文劓同古
 量也角試也說文角平斗斛也皆單作角或作犄者此
 古文麤字音在古反麤略也犄非此用斫曰玉篇劓音
 喧角毛也此爲角字古文未詳角量角試二訓俱本管
 子七法篇說文角獸角也象形角與刀魚相似故角字
 從刀魚省此引作平斗斛也不知所本犄玉篇與觸同
 古文作𠂔此爲麤犄字本呂覽及漢書天文志禮記月
 令其器高以麤呂覽作犄漢天文志云庶得麤犄是犄
 字有麤字之解非犄卽爲麤字也此以爲古文麤字誤
 矣 黑𦍋 奴溝反埤蒼犄胡羊也通 或晴 又作醒姓二形
 俗文羊卷毛曰犄是也 同日盈反聲類
 云雨止曰晴晴亦星見也星衍 嬉戲 又作僖同虛之反
 日又作醒之醒當作暉見玉篇 說文僖樂也蒼頡
 篇嬉戲 麥果 書又作穎同口果反或言子或云粒又言
 等也 皂皆一也皂音逼方俗語耳玷曰說文皂

穀之馨香也象嘉穀在裹中之形匕者所以扱之或說
皂一粒也又讀若香唐韻皮及切據此則皂非方俗語
也

宗葉

子形反廣雅宗本也葉世也謂族
類繁盛也詩云本枝百世是也

鍵南

巨偃反
舊云伽

訶邠此云堅厚至第
七日肉團方堅實也

黑黠

於滅反字林黠深黑
也言形色黯黑也

讌會

反作宴燕二形同於薦
反讌飲也樂也小會也

粟稗

蒲懈反謂草
之似穀者也

踰僵

又作僎
趨二形

同都田反下居良反僎倒
也僵偃也謂反倒偃卧也

殆盡

徒改反殆近也幾也
逼近也幾音渠機反

殞沒

于愍反聲類殞
沒也古今語耳

銳利

羊稅反廣雅銳利也說
文銳芒也言利如芒也

一磔

古文庀同知格反通俗文張申曰磔廣雅磔張也開
也斫曰古文庀當作庀玉篇云庀亦作磔開庀也

槁

古文殯說文作槁同
苦道反槁木枯也

激注

經歷反流疑邪急
流疑邪急激也亮吉日說

文激水礙衰疾波也本書卷十一引作水文凝邪疾急
也卷二十二引作邪流急者也各引不同互有詳畧

風也又作颯同比遙反暴風衝薄補莫反薄迫頗抵遲

反梵言塞腋眠迎此云水玉或云白珠舊言頗黎是也

大論云此寶出山石窟中過千年水化為頗梨珠案西

域暑熱無水極饒此物石迦字林丁各反又竹格反山

非冰所化但石之類耳石迦名也此無會釋所以仍立

本名也所曰王篇砒竹格竭達去謁反此云檐木山此

切礎也礎丁回切亦作礎竭達山多饒此木故以名也

驚羅葉一奚反樹名也舊經重級之等次曰級也謂階

幸胡耿反幸遇也言人君所牝象牌盡脾死二反說派

至皆被德澤故曰幸也牝象文牝畜母也難也派

流普懈反分流也說文水之邪流硯伽其外反譯云天

別也廣雅水自汾出名派也硯伽堂來以彼外書

見高處也謂從天來也案佛經此河從無熱惱也東面

象口出流入東海舊云恒河亦言恒伽河或作恒迦河

皆訛循其自猶從也案此亦與巡字同也設拉郎荅

也設拉反樹

名也如皂莢樹類而角甚長裏中有**杭稻**俗作梗同加

紫如縣名妬羅縣堪以為衣者也**無乞**又作莛同痕入聲一音胡結反堅

也江南呼梗為**無乞**米也謂米之堅鞭香擣不破者也

籒音仙方言也今關中謂麥屑堅者為**莛頭**亦此也江南呼為**莛子**音

徒革反斫曰**稭**說文作**稭**稻也稭香粟不潰也**稭**從禾

氣聲氣即氣字故唐韻**稭**音居气切**莛**玉篇堅麥也史

記作**覈**陳平傳云亦食糠覈耳晉灼曰京師人謂麥麤

屑為**紇頭**覈**顧**自關而西秦晉之間曰**眊**也**遞相**

皆音近相假也**顧**眊見反說文眊邪視也方音**遞**相

古文虎同徒禮反爾雅遞迭也郭璞曰**訶**皆古文皆歔

謂更易也方言遞代也迭音徒結反**訶**皆二形同子

爾反鄭元注禮記云口毀曰**訶**說**司契**反廣雅司主也

文訶訶斫曰訶訶說文作訶苛也**司契**反廣雅司主也

說文契大約**婆羅門**此言訛略也應云婆羅欲末拏亦

也字從大**婆羅門**言婆羅賀摩拏此義言承習梵天

法者其人種類白云從梵天口經中故獨取梵名唯五

天竺有諸國即無經中梵志亦此名也正言靜允言是

梵天之呼刺落葛反亦言牟呼栗多梵音轉也舊多摩睺多也發憤扶忿反憤勝也怒氣

苗允充盛也說文破穀又作穀同口角反吳會間音哭剖胎憤滿也盈也

普厚反剖猶破也豐稔而審反字林官僚又作寮同力彫反同官為

僚爾雅邱肆陳也所以陳貨鬻之物於邱也肆亦列也

僚官也氏肆陳也所以陳貨鬻之物於邱也肆亦列也

謂列其貨迫懣虛業反謂以威力相恐懼也近事梵言

賄於市迫懣亦言懣赫或云恐懣皆一也近事鄔波

索迦此云近事謂親耄孰古文毫耄二形今作耗同莫報反禮記八十曰耄鄭元曰

近三寶而奉事也耄孰即懣亂多忘也所曰耄說文

耄懣也亦亂也忘也耄孰從老蒿省聲玉篇作耄云與耄

作耄解云年九十曰耄從老蒿省聲玉篇作耄云與耄

同曲禮八十九十曰耄此引無九十二字略也注耄懣

忘也此引脫忘字又通作旄孟子反其旄倪即耄倪也

作耗之耗本當作耗稻屬牧牛莫祿亡福二反三蒼牧

又耗減也不得與耄字通牧牛養也方言牧飢之也

補盧沙

舊言富樓沙此云土

補盧衫

所作

補盧戇拏

皆所

反下女加

補盧沙耶

所為

補盧沙頰

都我反

補盧殺沙

皆

反能作士

補盧鏹

所戒反所依士聲明

驚駭

駭下駭反蒼頡篇

士屬

補盧

中七轉呼召聲也

驚駭

駭下駭反蒼頡篇

驚起

流轉

梵言僧婆洛此云流轉謂於六趣循環往來

也

誦此云死語之別也故

雜糅女救反今以異色物相參

以本名誦音女咸反也

飯渾濁

胡昆胡袞二反渾

也

亂也亦水流聲也

也

第三卷

分析

思歷反析分破也字從斤分木

池沼

之遶反說文

說文沼池水從水

孔

隙裂也字從自從白上下小也

召聲此引脫誤也

孔

有瞋

列子作瞬同尸閭反說文瞋目開閉數搖也

八岡

纂文作剛同古浪反大鼓也

都曇

徒南反

窰堵魯迦香

蘇骨反下都古反經中兜樓婆香是龍腦香案西域

香樹松身異葉花果亦別初採既濕尚未有香木乾之後循理而析其中有香狀若雲母色如冰雪此謂龍腦

香

神夜反又音石形如小麋齋有香也

素泣謎

迷細反香名也此唾

涕

古文𩇛同勅計反三蒼涕鼻液也

蔬菜

所於反凡可食之菜通名曰蔬字林蔬菜也

暴乾

蒲穀反小尔雅暴乾也字從日從出從米字意也巨恭反拱手也

休愈

許由反下更乳反廣雅休

善慶也愈

盪滌

古文滌同徒朗反下徒的反通俗文澡器謂之盪滌也斫曰說文盪滌器也滌

水滌滌也二訓不同此云滌為盪字古文或以音近相假耳

擗

又作擗同女革女

說文擗

儒童

而朱反儒柔善也童幼少也舊言摩納或云摩耶婆譯云年少或言年少淨行近是

七系下系卷二十二

王

彭孝反瘡皰也說文面生熱氣曰皰今取此義所
曰今本說文作面生氣也本書卷十四引亦有熱

呼曷反次陟鎔反下竹咸反郝呼各反凡戰聲亦因

匱乏渠愧反少財曰匱暫無名乏詩云孝子不匱匱竭也人多不解此匱字欸然呼

拚 補莖反。謂禪繩墨曰拚。江南名枰音普庚反。炘曰禪當是。

若斲都角反鑿也說文斲研也又補治曰斲鑿音慙若

在災反廣雅纔暫也三鐵弗

直追反蒼頡篇樵用**或築** 古文
打物者也字從木也 **𣎵** 𣎵同

陟六反說文築檣

也廣雅築刺也

兩膊

補莫反肩膊也或作膊普莫反

禮鄉飲酒禮介俎脊脅

膊物令薄也膊非今用斫曰儀

少牢饋食禮不升肩臂膊膊骨二膊脇也又

此云二字皮禡側救反下之涉反又音輕今禡疊物及

異用欠考禡禡裙禡皆作此也斫曰又音輕之輕當作

輒蓋禡字古與輒通輒有輒音故鐵鉗奇廉反鉗謂鑷

此字亦音輒也說文輒領端也鐵鉗取物也通俗文

鍛具曰鉗鉗持也或作鉗洋銅以涼反謂炙之消爛洋

束人頸鐵也非今所用洋銅洋然也三蒼洋洋大水

也燐燐徒郎反下烏迺反通俗壤矩吒俱庚反此云糞

亦名針口蟲穿黑鰲力奚反通俗文斑異曰鰲字林黃

骨食髓者也黑鰲黑也斫曰班異曰鰲異當是黑字

之訛玉篇鰲黑也攄攄又作粗同側加反下充世反釋

廣韻黑而黃也攄攄名云攄又也謂五指俱往又取

也攄制也制攄脊脊又作吕同力舉反脊亦脊也說文

之使順已也脊脊脊骨也太岳為禹臣委如心呂因

封呂鐵柴今作陳又作紫同子累反廣雅柴口也字書

侯也鐵柴今作陳又作紫同子累反廣雅柴口也字書

傳毅七激詩云鳴璫飲泉他舍反說文遠取曰探

作此字音與吮同似充反探啄採取也下丁角反鳥食

也咏卷縮聲類云此亦養字同奇員反詩云有卷者阿

齧也卷縮傳曰卷曲也所曰說文養曲角也故聲類與

卷曲之炮潰古文殯同胡對反蒼頡災炭則才反釋名

卷通炭炭亦炭飲尾又作尿同乃弔反字林泥小便也

木曰炭炭亦炭飲尾又作尿同乃弔反字林泥小便也

也炭音似刃反飲尾又作尿同乃弔反字林泥小便也

故字林變淋漏力金反三蒼淋瀝悚慄思勇反下力質

作尾也淋漏水下也淋瀝也悚慄反謂悚懼戰慄

也慄亦蘇陀味舊經中作須陀飯獎化又作弊同子兩

憂感也蘇陀味此天甘露食也獎化反小爾雅云弊

率勸勵也又成也助也所曰說文獎喉犬厲之也從犬

將省聲是獎本字當從犬借為獎厲字也此作獎又作

弊皆奮戈方問反廣雅奮振也謂揮振也字從大從佳

非也奮戈從田所曰說文奮翬也從奮在田上詩曰不

能奮飛奮鳥張毛羽自奮也讀若睢是奮字
乃從奮在田上非從大從佳從田也此誤
文揮奮也振訊
也廣雅揮動也綺鈿徒堅反字略
車爲路者言所以步之於路也或曰路者玉輦輿力展
也人君之正車也詩云人君之車曰輅也輅者王輦輿反下
羊署羊如二反輦人挽車也今王者所
乘也車無輪曰輿亦總稱車曰輿也耳
施珠曰璫而獲胡郭反草曰刈穀曰獲詩云
本出西戎而獲十月穫稻是也今皆通語
雅宏壯大也宏亦屋
深響寬容含物也繪車素鄭元曰繪畫也尙書山龍
華蟲曰繪孔安國曰繪會也會合
五彩也舊經中言種種車闔也鼓譟反鼓動也譟誼
鳴也雷呼曰譟家語云談譟許虛反爾雅戲譟也謂相
萊人鼓譟劫定公是談譟調戲也譟亦喜樂也斫曰
譟當音許虐反此云許虐
反形之誤也唐韻虛約切

第五卷

不嫖乃了反說文嫖嫖戲也三蒼嫖弄也斫羈遊居儀反廣

雅音旅羈客也音橋

第七卷

颯然桑合反疾也颯颯風吹木司已似滋反下徐理反

也祀地體允與振反爾雅允繼嗣也說薄蝕補莫反下

祭也書日月薄蝕韋昭曰氣往迫之曰薄蝕毀曰蝕釋餉餉法

名云日月虧曰蝕稍稍侵毀如蟲食草木葉也餉餉法

或云霜法或作襄法又作勝法皆所所求福也爾雅所

梵音輕重此云貝亦言珂異名耳

告也叫也祈祭者所求福也爾雅所

叫呼而告請事也

第八卷

流梔

又作輓同於革反梔梔謂壓牛領者也斫曰輓說文本作輓輓前也莊子馬蹄篇加之以衡梔作梔

又與梔通說文梔大車梔他字書皆以梔為俗厄字不與輓通說文厄科厄木節也從月尸聲唐韻五果切

楮多

居運反此有二義一云蟻子二蟻子云蟻卵既合兩義故置本名蟻蟻他勞反下文反索左傳縉雲氏有不才子貪於飲食昌於貨賄歛積

不知紀極人民謂之饕餮杜預曰貪財曰饕貪食曰餮也

罰黜

又作紕同恥律反小罪曰罰黜也字林猥衆也衆雜

亂也

第九卷

恩造

在老反廣雅造成也謂恩成此事者也

酷暴

古文響皓皓三形同口木反說文酷急也甚也

謂暴虐斫曰說文酷酒厚味也此引非說文語又皓旱
氣也此為古文酷未知所本皓響相通帝響史記三代
世表作帝皓然亦未聞為酷字古文也
置兔子邪反兔網曰置也遮取兔也
卜錫娑居
反又作補錫娑聲之轉也謂也
馬雅馳奔也騁走也
除糞擔死屍等鄙賤種類也

第十卷

黑黧

於簞反謂面上黑子也說文中黑也斫曰黧引說
文中黑也與今本同本書卷九引作面中黑子也

較完

偃曲

紆府反通俗文曲脊
謂之偃偻偃亦曲也

喘瘵

昌爽反氣急也下
蘇豆反說文瘵逆

氣僂

前

力主反一命而僂再命而
僂三命而俯身愈曲也

炴羸

烏皇反炴弱也
通俗文短小曰

炴炴
小也

第十一卷

歡娛

字詁古文虞今作娛同疑區反說文娛樂也書中虞樂皆作虞

猶豫

翼周反下以庶反說文隴

西謂犬子為猶猶性多疑預在人前故不決者皆謂之猶豫爾雅云猶如麋善登木健上樹也猜度古文

職今作惓同羸來反猜疑也下徒各反度測量也

笑睇

徒計反禮記不能睇視鄭元曰睇傾視也方言

陳楚之間謂眄曰睇

啞啞

乙白反字林笑聲也器仗祛纂文云顧視曰睇

反下治亮反漢書制器械之品應劭曰內盛曰器外盛曰械一曰無盛曰器仗兵器也五刃總名兵人所執特

曰憤丙

公對反下女孝反說文憤亂也韻集丙猥也衆也丙從市從人字意也或作闢字

口很反通俗文至誠曰懇懇亦堅忍也到至也至極也苦也

陋小

又作狹同胡夾反說文陋隘也不廣

大之名也

第十二卷

尺鷃

又作鷃同鳥諫反鷃雀也亦名鷃鷃一名鴈纂文云關內以鷃為鷃爛堆也案鷃長唯尺即以名焉

一作斥小澤也

所曰說文鷃雇也廣韻鷃鷃同爾雅鴈

鷃郭曰今鷃雀

莊子斥鷃笑之釋文斥司馬彪云小澤

也本亦作尺鷃

鷃雀也此云一蚌蛤蒲講反下古合反

名鴈未詳又引纂文有脫設

蚌蛤出珠白好也字林

燕雀所化也月望則蚌

浴搏徒官反通俗文手團曰搏

蛤實月晦則蚌蛤虛也

浴搏言可團圓也案西域國俗

法澡浴初訖碎以諸果或藥用酥為搏將

摩拭身令其潤滑乃去風等故名浴搏

云黛花舊言優鉢羅

呵叱齒逸反方言呵怒也陳謂之

或作漚鉢羅皆訛也

呵叱亦呵也禮記尊客之前

不叱狗

荏苒而甚反下而琰反

是也

謂儵忽須臾也

第十三卷

宴坐

石經為古文燕一見反陶練徒刀反言功之多也說文宴安也謂安息也

陶練

謂作毛器練謂消

鏐 潤洽 又作零同胡夾反說文怛覽都達反下力暫反也

修妬路此云綫也

第十五卷

倡女

齒楊反倡姪放蕩也說文倡樂也

不慈

蘇寸反字林慈順也謙也恭也

賢哲

胡堅反士

之美稱也多才也賢士堅明故從取又賢者國之寶用與貝同故從貝字意也下又作詰同知列反爾雅哲知也方言齊宋之間謂知為哲哲謂照了也灼曰說文賢多才也從貝取聲取堅也從又臣聲古文以為賢字案賢之從貝取其多才之意古文作取取堅也亦取堅剛之義蓋取士用才惟剛乃得為賢也此解字義太為穿鑿不目眩 古文眴同胡遍胡蠲二反字林眩亂也惑知所本目眩也三蒼視不明也灼曰說文眩目無常主也眴目搖動也眴本作旬從目勻省聲二字異訓揚雄劇秦美新云臣嘗有顛眴病李善文選注曰眴與眩古

字通**角犴**音封今有此牛形**嘶聲**又作警同蘇奚反說文

聲散**哮吼**古文懣同呼交呼校二反說文虎鳴也一日

也作哢同呼狗反**咆勃**蒲交反下蒲沒反說文**蹢躅**丁賢

聲類呼臯也又作蹢同居月反說文蹢走頓也廣雅蹢倒也蹢象位

廬屋反祿福也案古者人無耕稼多食野鹿在朝之人

闕於田獵官賜以物當於鹿處後人因之謂為食鹿變

鹿為祿者取**敦肅**古文惇同都魂反說文惇厚也**謇吃**

其神福之義古文謖蹇二形今作謇同居展反下居乞反方言謇吃

楚語也謇難也吃重言者也所曰謇方言作謇謇極吃

也集韻同謇謇即蹇**饒速**倉陷仕鑒二反非次而言也

省文字又通作蹇也**儵**禮記長者不及無儵言是也

儵亦暫也字從人或作才冉反小飲也曉非此用**竦肩**古文竦慢從三形今

反廣雅也。根栽，則來反，謂草木植曰栽。防，邦扶放反，此謂女工刺繡裁等業也。

第十六卷

黑說大說

謂若佛及弟子所說惡法名為黑說。所說善法名為大說。又四果人及獨覺菩薩等說名為黑說。若佛所說，又作槐，槐二形同。摩訶反，齊謂火。

說名為大說也。燬之，又作槐，槐二形同。摩訶反，齊謂火。說文作焮，春秋傳衛侯燬，乃作燬。二字同。訓火也。詩如燬，釋文云音毀。齊人謂火曰燬。郭璞音貨，字書作焮。音

毀，或云楚人名火曰燥。齊人曰燬。吳人曰焮。此亭羅，徒方俗譌語也。玉篇焮，火也。烈火也。槐燬，並同。親昵，反下力賀反。漢家因秦十里一亭亭流也。羅謂戌屬也。遊兵以禦寇者，韻略云：邏亦循行非違也。

又作暱，同女乙反。爾雅：昵近也。又亟也。親昵者，數相近也。

第十七卷

詭現

居毀反詭誑也不實也怨尤禹流反案尤亦普燭

朱欲反蒼頡篇燭

諧耦

胡皆反下吳口反廣

身康

苦郎反康

照也然火為照也

所惠

胡桂反周禮施其惠鄭元曰賜衣也樂也亦靜也

說文惠仁

便臻

側陳反爾雅臻至也

第十八卷

擅名

市戰反說文擅專也

諾瞿陀

舊經中作尼拘陀或言尼俱盧陀亦作尼俱律又作尼俱樓迦此

訛也舊譯云無節或言縱廣也

摩迦

亦言摩魯迦舊經中作摩樓迦此亦藤類蔓生纏繞樹至死者也

凶猾

又作廋同許願反下胡刮反廣雅凶惡也字書猾惡黠也方言凡小兒多詐或謂之猾也斫曰說文

凶惡也象地穿交陷其中亦作刳見抄虜力古反漢書
漢書藝文志天文家星事矧悍是也抄虜生得曰虜斬
首曰獲戰而俘獲窺窬邱規反下又作關同弋楚撻初
也虜掠奪取也窺窬朱反說文窺小視也楚撻呂
反一名荆漢書陸賈曰秦莊王名楚故改爲荆遂行於
世撻擊也楚極人卽痛因名楚痛也斫曰秦莊王名下
原脫楚字庸人與恭反謂常愚短者也心不克伏又作
據史記增庸人節慎口無法言惡人爲友也克伏克同
口得反字林克能也爾雅勝也

第十九卷

制多舊言支提或言支帝皆一也此云可供養處謂佛
初生成道轉法輪及涅槃處皆應供養恭敬生諸
福爲墉又作墉墉二形同庾鍾反爾繩紕又作誚同女
也雅牆謂之墉城亦謂之墉也繩紕心反謂牆繩
也本機上縷也斫曰說文紕機縷也或從任作係玉篇
縷織也廣韻齊也或作紕蓋南古音近王故紕縷通也

腥臊又作胜同先丁反下桑刀反腥臊臭也 翱翔反迴

飛也飛而不動曰翔釋 區擊於口反說文毆 淪墜力均

名翔遨也言遨遊也 區擊擊也字從攴 淪墜反廣

雅淪沈 左道資可反左下也上在右也不便也禮記執

沒也 左道左道以亂衆鄭元曰左道若巫蠱及俗禁

衣僅又作勤同渠鎮反字林僅財能也僅亦劣也斫曰

射儀云蓋勵有存者是也 波羅延謂西域邑落名也阿

此云又作勤乃俗字也 波羅延氏多彌勒字也或作

阿耆多此云無勝謂無人 所蠹阿各反字林蠹蟲行毒

能勝也舊言阿逸多訛也 所蠹也廣雅蠹蛆毒痛也

第二十卷

達須謂此等人微識佛法 篋戾車莫結反下力計反舊

穢人此等全 頑嚚戾鰓反下魚巾反廣雅 阿遮利耶此

不識佛法也 頑嚚頑鈍也三蒼嚚惡也 阿遮利耶云

軌範師舊經中或言阿祇利或作阿闍黎義譯炎舌古
云正行或云於善法中教授令知名阿闍梨也言舌文
諦諱誠三形同胡快反合會善言也忻曰話說文本作
語又云籀文從會作諱玉篇諦古文話誠玉篇廣韻皆
七賜切解云謀也此爲躁動又作趨同祖到反躁无灌
話字古文不知所本
歌賚反說文漑灌也灌注也

第二十一卷

塵宇

又作寓同于甫反屋宇也釋名云宇羽也如鳥羽
也如鳥羽翼自覆蔽也命謂在家如屋中塵恒被

全汗不得

僧伽眠

陟尸反此云合或言重謂割之合成
又重作也舊經律曰作僧伽梨或作

安靜也

僧伽致

林藪

桑苟反平地叢木曰嚴仁魚劒反酢之
林澤無水曰藪也

酉酉甚者曰醺也

第二十二卷

卉木

虛謂反百草之總名也方言姝妙好也色美也方

言趙魏燕代之

鬱

盛氣也說文蒸火氣上行也謂熱

間謂好為姝

氣蒸出也風風謂風所飛揚也

芬

復敷雲反下扶福反芬

上升也

又作夭同於矯反說文夭屈也廣雅云折也釋名

夭逝云少壯而死曰夭如取物中天折也不盡天年謂

怨

視由反怨耦曰讎讎對也

黎

力奚

也逝往也雅黎庶蒸多衆也

第二十三卷

呀

許牙蘇豆二反上氣噦噦

又作

同於越反下一

塞

喉曰噦噦音近當相通也說文噦氣悟也

癰

又作癰

解

喉音近當相通也說文噦氣悟也

癰

同都賢

反下核閒反廣雅狂也風陰遁徒雷反陰腫病也釋名云下重曰遁也病也聲類云癰小兒癰也玉篇直僞切埤蒼云病也左傳云有重遁之疾與腿同案引左傳見成六年本作腿杜注云重腿足腫下重曰遁非釋名語此俱帥又作率同所律反字略云將引不知所本帥也帥行也謂將領行也積予積予羸鸞反攢擲也下又作戕銓二及鎔以終反江南行此形同莫侯反說文矛長二丈也音謂鎔鑄銷洋也油糖又作餠同徒郎反錫鑄也又沙糖也煎甘蔗汁作之錫似盈切及鎔為菹藏魚笋為鮮周禮供五醢七菹鄭元曰細切為醢全物若牒為菹中國皆言醢江南悉名菹牒音治輒反或作苴子拍匏普陌反下渠六反三拍匏蒼云毛丸可戲者也拓石古文所拓二餘反誤也拓本音之石切說文拾也陳宋語或從庶他各反斫曰拓拓音之石切說文拾也陳宋語或從庶作撫廣韻始音他各切手承物也又拓有開義揚雄甘泉賦云拓迹開統是也作斫即析俗字非古文拓攘臂當作拓廣韻開衣領義近相借拓席主非此用也攘臂

而羊反攘除也謂
 除衣袖出臂也
 扼腕史記又作掬同於責反說文把持也
 是也炆曰說文楬把也
 擊劍胡跪古歷反謂以
 或作扼此引多持字
 反隱伏而發也漢書高
 祖中匈而言足指是也控引苦貢反小爾雅控引挽也
 也
 投輪投擲也西國多用此戰輪形如此閒輓轡繞輪
 或頭或鼻中
 即破斷也

第二十四卷

勇悍胡旦反廣雅勇悍果敢也說
 文悍勇也有力也悍傑也
 施幪虛偃反蒼頡篇

為幪
 房穗又作萃同辭酌反房居也言子居其中也穗
 也
 本作采解曰禾成秀也人所收者曰穗也炆曰穗說文

又作萃之萃當是采字之訛萃為草兒非此用也

第二十五卷

耐椎

奴代反下直追反參毒也通俗文沙土入食中曰

礪

礪日礪本當作慘說文慘毒也唐韻七感切廣韻慘

土也初朕切礪食有沙礪也與慘同音礪慘皆非此用

也

堅勁

居盛反字林勁詰難去一反廣雅蛆螯知列反

反關

西行此音又呼各反山東行此音蛆舉古文賈

東西

通語也說文蟲行毒也廣雅蛆痛也

反器

誼也譁不靜也亦聲也乞句古賴反又音葛蒼頡

斨曰

說文器聲也或省作賈乞句篇乞行請求也字從

人從

亡言人亡財物盲瞽公戸反無目謂之瞽釋名云

則行

求勾字意也盲瞽瞽眠眠然目平合如鼓皮也

砂磧

清石反三蒼磧水中沙灘也灘音他難振恤古文

二形

同諸允反小爾雅振救也說文振舉也下又作卹

同私

聿反說文恤收也憂也振恤憂貧也斨曰說文振

海山仙館叢書

舉救也此引脫救字拒說文給也一曰約也二字不同

唐韻皆章刃切宸說文屋宇也唐韻直鄰切宸非此用

也救援禹眷反助也謂生色可染生色即金也言生便

染即銀也言色可持毫充芮反字林細羊毛垆野反爾

染變故云可染也持毫也獸細毛亦曰毫

雅邑外謂之郊郊外謂之野野外謂之牧牧外謂之林

皆各七里林外謂之垆垆無里數設百里之國邑王者

之界也若擘補革反擘裂也姪佚三蒼亦逸字同與一反

也若擘廣雅擘分也姪佚蒼頡篇佚蕩也佚樂也

凡百扶巖反三蒼數之總名也廣雅凡總皆也

第二十六卷

小札側黠反三蒼柿札也今江南謂斫削木片稜層洛

反下徂曾反謂慘烈倉感反下力折反說文慘憂兒也

形勢高兒也

反下徂曾反謂慘烈倉感反下力折反說文慘憂兒也

形勢高兒也

反下徂曾反謂慘烈倉感反下力折反說文慘憂兒也

形勢高兒也

不知悖惡古文諄憖二形同蒲沒補潰二反廣雅憖亂

所本悖也亦逆也星衍曰悖說文本作諄解曰亂也

或從心作悖籀文聰敏眉殞反敏達也廣雅敏亟嘲調

從二或作籀也聰敏也聰先知也察也聰也

又作嘲竹包反下徒弔反韻隸伐多賢結反此言適時

三蒼嘲調也謂相戲調也韻隸伐多又云室星則北方

宿也禍之得子仍以名焉坐禪第一者憺怕徒濫反下

是也舊言梨波多或云黎婆多皆訛也憺怕普白反廣

雅憺怕寂寞寬骨又作臑同苦桓苦昆二

也亦恬靜也骨反埤蒼臑尻也髀上也

脅骨也字從肉領輪胡慙反領頰車也

或作勒非體也領輪言骨圓如輪也

狀如花鬢因以名也齒鬢齒形行列

第二十七卷

筋脈居銀居欣二反下忙厄反說文鑽燧祖桓反下又

肉之力曰筋脈或作脉俗字也

一刃至音義卷二十二 六 海山仙館叢書

七經音義卷二十一

反火母也論語鑽燧各異木也世本造火者燧人因以
名也斨曰燧說文作鏹陽鏹也玉篇以取火於曰禮內
則云左佩金燧右佩木燧鄭注或榛仕巾反廣雅木叢
金燧取火於曰木燧鑽火也或榛生曰榛草叢生曰
薄也或渚之與反爾雅小洲曰渚言四方畢鉢羅風著人
身班駁如皐毗濕婆風又言毗濕婆風此咬藍婆風舊
鉢形者也或作毗嵐婆或作韓藍亦隨藍又作聰俊又作雋同
中或作毗嵐婆或作韓藍亦隨藍又作聰俊又作雋同
旋藍皆梵之楚夏耳此云迅猛風也聰俊子閭反絕
異也王逸注楚詞云千人才為俊一國高為傑也斨曰
英雋之雋本通用雋漢書禮樂志進用英雋是也說文
雋肥肉也從弓所以射佳俊才過千人也

第三十卷

稻稈又作科同公但反字林禾莖也斨曰說文稈禾
莖也或從干作秆此云又作科科乃秆之誤也蟲

胆治中千餘二反通俗文

第三十一卷

學樣翼尙反規模曰樣近字也舊皆作象或像今不復行也

第三十二卷

濫湓以苒反下與一反案濫湓謂器盛物盈滿也 諸維翼佳反廣雅維隅也淮南子云天有四維

是豪塹胡刀反釋名城下道也豪翔也都邑之內所 也翔翔祖駕處也所曰釋名內下有人字此脫鳥

波尼殺曇分舊經中作優波尼沙陀分謂數之極也 蔓延無販反下餘戰

不絕長餘招反通俗文 至向許亮反說文 喉筒徒

無極也燒瓦竈曰竈也 反三蒼竹管也今 燒燼又作婁同似進反說文火之餘

言喉如筒喻名也燒燼木曰燼即火槽也亮吉日說文

一刃至音義卷二十二 七 海山仙館叢書

夷火餘也一曰薪也與此引不別足

古文踟躕二形同魚厥五刮二反別

同燴說文焦也廣韻火餘木也

斷足

眇漭

亡沼反下莫朗反眇漭廣大也亦深遠也

鼻

古文鼻同魚器反字林割鼻也

囊

袋

坤蒼作韜又作排同蒲戎反鍛家用吹火令熾者也

第三十三卷

垣城

宇煩反四周牆也釋名云垣援也人所依阻以為榜衛也

迄至

虛訖反爾雅迄至也方俗語耳

誼譟

古文作叩又作謹同虛袁反廣雅誼鳴也內聲也下桑到反說文譟擾耳孔也聲類譟羣呼煩擾也

星衍

曰說文叩驚嘩也讀若謹又謹譟也徐鉉曰

叩或通

謹史記鼃錯傳諸侯誼譟是謹又通誼也

古歷反

下土桓反激邪流急也說文湍疾瀨也淺水流

沙上曰

湍也堵曰激說文水礙裴疾波也本書累引互

異貪婪

又作嚇嚇二形同刀南反嚇亦貪也楚辭衆皆競進而貪嚇王逸曰愛財曰貪愛食曰嚇也

第三十四卷

乾曝

又作曝同祛及反通俗文欲燥曰曝曝微乾也所曰玉篇曝欲乾也吸乾也廣韻曝在二十六緝吸

在三十三業

馬奇匹肩反纂文云

踏踣

渠員反下渠王反埤蒼踣踣不

義近相通也

扁馬謂躍上馬也

也

也

也

也

音脉木爾雅小雨謂之

也

也

也

也

烏孔反下於屈反

也

也

也

也

兒也鬱樹木叢生也

也

也

也

也

徒木反爾雅水注澮醴水如醴酒可以養老可以愈患

也

也

也

也

者殉利辭俊反蒼頡篇關鍵又作闕鍵二形同奇蹇反

也

也

也

也

日鍵關中

伊師迦山名也言此山

也

也

第三十六卷

剛毅牛既反說文毅果決也甲冑古文鉤同除救反說文冑兜鍪也斫曰古

文鈞當作軸說文冑從月由聲作冑又引司馬法從革作輶荀子儀兵篇冠軸帶劒作軸也散他迦

多衍那迎多姓也衍那子也散他標別其類也舊經論作訕大迦旃延或作珊陀迦旃延皆訛

第三十七卷

達羅弭茶呪呪名也弭音亡爾反鵬黃又作鵞同力貲反方言倉

謂黃鳥或謂之楚雀異名也

不殫殫多安反無餘曰殫廣雅殫盡也而隕于愍反爾雅隕墜落也說

第三十八卷

鼯鼠胡鷄反說文小鼠也爾雅鼯鼠郭璞曰有螫毒也食人及鳥獸雖至盡而不知亦不痛今謂之甘口

鼠

聆音

力丁反蒼頡篇聆聽也耳所聽曰聆也

誥訓

古文作古今作故同姑護反又音古說文

誥訓古言也訓導釋也亮吉日

師拳

又作捲同渠員反指握為拳譬喻也

言師之匠物不如拳之執握爰而不說也斡曰爰亦作

看與吝同說文吝恨惜也古文從辵作𢇛徐鉉曰俗作

忤係念古文繼繫二形同古帝反說文係絜束也亦相

係念

嗣也斡曰說文繼續也繫繫纆也纆維也係繼

繫三字訓各不同義相通借爾雅係繼也後漢書李固

傳羣下繼望即同繫望左傳襄十八年獻子以朱絲係

玉二鼓是係

亦通繫也

第三十九卷

媒媾

謨杯反下古豆反媒謀也謀合異姓使相成也白虎通曰媾厚也重婚曰媾也

罩羅古文二形同竹校反捕魚籠也斡曰罩說文捕魚器也廣韻

罩罩同集韻翟或作翟玉篇翟小網也說文翟覆鳥令

不得飛走也讀若

到作筠者俗字

矧渠向反字書施冒於道曰矧

矧仕咸反不廉也下又作膳餽二形同

嗜視利反說文嗜欲意也貪無厭者也

乳哺含食也謂

口中嚼食

曉喻又作諭同央句反三蒼譬諫也喻

也哺飤也

乃飽乃校二反說文

敝愧女盞反爾雅面慚曰敝方言

撓擾也又曰撓亂也

自揆渠癸反爾雅揆

樹修時注反廣雅樹立也

供贍

聲類作饔同時燂反字書贍足

街賣古文街同胡麵公

賣也廣雅蓄積又作槁同耻六反廣

稍楚職反說文稍

街詁也雅畜聚也亦積也

麥莖也楚穀麥楚也斫曰玉篇楚與力

切麥楚也麥穀破碎者謂之麥楚也

第四十卷

啟導

又作启同苦禮反說文启開也導引也

擣義

又作麾同虛爲反舉手曰麾謂手之指也

荷

乘

古文柯今作何同胡我反又胡歌反小爾雅何揭擔也謂擔負也斨曰負荷通作何詩何蓂何筮是也古

文作柯所

正延

以旃反

止慙

又作慙慙二形同却厲反爾雅慙息也止息也斨曰慙字

書亦作慙

又作慙皆同詩召伯所憇釋文本又作揭息也說文惕息也惕與揭音同相假慙蓋惕字破體之譌

也說文惕息也

今爲憇經傳屨亦通堅

蚩

充之反三

詩民之悠堅

毛傳息也釋文或作屨

蚩

蒼蚩輕侮

也小爾雅蚩戲也

下才笑謙

冲

說文作盭同除隆反字反謂謂嬌弄譏責也呵也

盭說文盭器虛也

老

巨力

其吕反字林大也方言齊宋子曰道盭而用之

第四十一卷

遮遏

古文闕同於曷反爾雅遏止也謂逆相止為遏遏亦遮也

宰堵波

蘇沒反下都古反此云廟

或云墳義翻也或云大聚或言聖相謂累石等高以為相也舊經論中或作蘇偷婆或作蘇斗波或作兜婆或

云偷婆亦作塔婆皆訛略也

宰官

祖殆反聲類云宰治也謂治邑誼吏也廣雅宰制也謂制事者也

嘩

虛元反下呼瓜反三蒼誼言語詢也譁言語譁譁也詢音徒刀反紛聒敷云反下公

聒誼語也蒼頡篇聒擾耳孔也

龍戾

或作龍同祿公反下三蒼作淚同力計反很戾也謂很剛強也斡曰

集韻龍戾很也或作龍首假借字候廣韻音同麗俗戾字也

綜集

子送反綜習也三蒼綜理經者也謂

機縷持絲交者也

第四十二卷

同齡

又作稔同歷經反字林年齒也禮記古者謂年為齡人壽之數也斡曰玉篇稔年也故與齡通廣韻

矜穗 **攜從** 胡閨反廣雅攜提挈也謂提持也 **環甲** 胡慢

孰也 **漢書**孟康曰攜連也亦牽將行也 **環甲** 工患

第四十三卷

泯 一 弥忍反爾雅泯盡 **傘屨** 又作繖同先岸反謂張帛

廣雅泯絕滅也 **法溟** 莫經反說文小雨溟溟也莊子南溟天池也

第四十四卷

璩印 巨於反字書玉名也 **儲器** 直於反儲貯也備也謂

耳璩也印臂印也 **藻飾** 祖老反水草之有文者畫 **格量** 加額反蒼頡 **不斥**

藻菜於衣以爲服章也 **齒** 亦反指斥也漢書音義曰斥不用也說文斥卸屋也 **廣雅** 斥推也 **斨** 曰斥本作庌今本說文誤作卻屋也

不譴

去戰反蒼頡篇譴訶也廣雅譴怒也說文譴謫問也

第四十五卷

闐闐

胡關反下胡對反說文闐闐市門也星衍曰說文闐市外門也無闐字見徐鉉新附云市垣也此引

不知所本

第四十六卷

曩昔

奴朗反爾雅曩久也猶徃久古昔也

第四十八卷

牟娑羅

或作謨薩羅或作摩娑羅亦作目娑羅梵言訛轉也此云馬腦案此寶或色如馬腦因此以為

名廁填

古文窰同徒堅反三蒼廁雜也間雜也廣雅填塞也亦滿也或作鈿非此用也所曰填古文作

一七
二
三

竄見玉篇說文宀部上部兩見解同塞也漢書溝洫志負薪竄決河作竄又與鎮通鎮星五行志皆作填星也

侵掠又作剽同力尙反通俗文遮取謂之抄掠謂強奪取也

第四十九卷

鑿泥耶踴鳥奚反下市莫反鹿王名也舊經中伊泥延又作因尼延亦作啞尼延皆一也啞音一賢

反勢峰謂陰莖也舊言馬陰藏相是也羯羅頻迦或作歌羅頻伽或作加羅毗迦亦作迦陵

頻伽皆梵音輕重聲之訛轉也此示好聲鳥也烏瑟膩沙又作嗚瑟尼沙或言鬱尼沙此云髻謂頂

骨涌起自膝股又作骹同公戶反說文股髀也釋名股固也為強固也兩髻徒見反髻

然成髻也月股也釋名股固也為強固也兩髻徒見反髻

肉高厚者廣雅體虛腭邱魚反下又作齶同五各反齶居也齒所居也腭齒肉上下肉

豚也體音苦昆反齒腭居也齒所居也腭齒肉上下肉垠音語巾反所曰腭本作齶玉蜀除言南楚疾

七經音義卷二

愈謂之餲郭璞曰餲肴饌胡刀胡交二反下仕眷反廣

除也方俗語異耳

具食也謂飲食也所曰說文簞

具食也或作饌此引多一備字

也字婆羅疵斯女黠反或云婆羅捺斯又作波

從犬婆羅疵斯羅奈同一也舊譯云江遶城也

第五十卷

誠勗古薤反下許玉反誠警勅也亦輕穀胡木反以羅

密古有幪穀霧穀言細如霧也

第五十二卷

焚燎古文爰憤二形同扶雲反下又作燎同力照反說

燎也所曰古文憤當作煩玉篇焚燒也煩爰同上焚說

文本作焚從火𤇀𤇀亦聲𤇀藩也此解字意非說文本

義也焰從風飛火也三蒼進火曰燹也

第五十三卷

塗冠

古翫反謂冠著花爲冠也

赫奕

餘石反廣雅赫明也奕盛也謂光明煜曜也字從大

第五十五卷

愚魯

力古反論語參也魯孔安國曰魯鈍也

第五十六卷

惡又聚

惡又樹名其子形如無食子彼國多聚以賣之如此間杏仁故喻也

安繕

邦反舊市戰

言安禪那此云眼藥也

耳輪

彼國王等或用金銀作此耳輪形如鉢支著耳匡中用以裝飾故名耳輪

也舊經言耳

魯達羅天

此云暴惡自在天之別名也

毗瑟簸天

奴故反舊

云毗樓紐或言毗紐皆訛也此當幻惑
義是伐藪天別名也舊言婆藪天也
世主天此梵天之異名

第五十八卷

齧

又作沛同子禮反廣雅齧瀦也謂手掬出汁也斨

云通

巨夷反此云癡蟲謂獸畜

作沛

也家語云食草者愚是也岐路古文樛堀二

第五十九卷

爾雅道二達謂之岐釋名輪圍于非反山名也

厭

於冉反下都道反字苑厭眠內不祥也山東音

半尸

此是呪法西國有此謂呪於死尸令起殺人

半尸

半尸者呪令起坐令起尸鬼殺人故半尸

第六十卷

磁石

組茲反埤蒼磁石謂吸鐵者也

娑梨藥迦

謂彼國邑落名羯吒斯居謁反

之別

傷悼

徒到反方言秦晉謂傷為悼悼亦哀也

勢攬

又作勢同力容反下居縛反勢劃也

直破曰勢瓜傷曰

妻孥

怒胡乃故二反小爾雅云孥子也

閭邑

呂居反周禮二

十五家為閭閭里門也說文閭侶也五家相伴侶也

日說文閭里門也周禮五家為比五比為閭閭侶也二十五家相羣侶也此引脫誤惟羣作伴二義皆通

第六十一卷

錫賚

星的反賜與也爾雅錫快於亮反謂忿怨也亦賚賜也謂上與下辭也

懊恚

於報反懊恚悔恨也頒賜又作班同補顏反小爾雅勞來郎恚悔恨也頒賜布也爾雅班遍與也

一七
糸
言
新
卷
二
一
二
三

反下力代反慰勞廣雅來勲也勞來諮詢私遵反詢問
不怠也或有作資賜與也資非此義諮詢也左傳訪問
於善為諮諮親為詢諮問善道也詢問親戚之議也罄竭古文室同口定反說文
斨曰古文室當作室說文亢部有室字解云空也缶部
又有罄字解云器中空也兩處皆引詩餅之罄矣是二
字本通無古
今之別也俳優樂於牛反字林倡優博奕古文籒下餘
或謂之碁自關而東齊魯之間皆謂圍碁為奕也斨曰
博說文本作籒局戲也六箸十二碁碁古者烏曹作籒論
語不有博奕英傑奇列反千人為傑傑耽湏古文嫺
乃通作博也英傑亦特立也才能也
舍反下古文酺同亡善反說文嫺
樂也嗜也湏耽於酒謂酒樂也

第六十二卷

瑟社

勑里反舊言俱絺羅譯
云膝也言膝骨大也

第六十四卷

麟角理真反仁獸也說文麟麕身牛尾一角角頭有肉

網文章彬彬然亦靈獸也

第六十七卷

傲誕五誥反下達坦反傲謂不敬也絢藻呼麴反字林文成曰絢絢

亦文章之兒也藻伐地迦人名也從人名暴燥蒲卜反下桑老

水草之有文者也反釋名燥焦也說文燥乾也

第六十八卷

若蘭又作躡何力丹反通俗文縱失曰蘭也斨曰列子說符篇宋有蘭子張湛云凡物不知生謂之蘭殷

敬順云史記無符傳出入謂之蘭蘭子謂賄貨古文賄

以枝妄遊也故通俗文謂縱失曰蘭也同呼罪

反財貨也通俗文財帛曰賄周禮通貨賄鄭元曰金帛

玉曰貨布帛曰賄也斫曰玉篇賄贈送財也賄同上

膏音方脂肪也通俗文在腰曰肪音方

肥也三蒼有角曰脂無角曰膏

第六十九卷

飴餇音提胡酥酪之精醇者曰飴餇通俗文酪酥謂之飴餇是也

第七十卷

曛暮許軍反楚辭與曛黃而為期銓量又作矦同七泉

銓玉逸曰曛黃黃昏也暮晚也反廣雅稱謂之

銓謂銓量輕重也斫曰說文銓衡也亦通作輪

第七十一卷

中的

知仲反下又作𠂔說文作的同都歷反的明也從射質也謂的然明見也今射棚中珠子是也

容

且容反廣雅從容舉動也謂詳審閑雅之兒也

河濱

比人反字林濱水崖也廣雅濱湄浦崖也

第七十六卷

毀齷

徒木反謗齷也廣雅齷痛也謂怨痛也

珍羞

古文膳同私由反貴異名珍雜味為膳羞謂有

滋味名也方言羞熟食也

第七十九卷

騫脣

去焉反廣雅騫舉也

迨尔

又作攸同以周反小笑也笑離齒也漢書項岱曰迨寬舒顏色之兒

也又作猶然猶笑兒也斨曰迨與攸同書彞倫攸敘漢書五行志作迨敘班固答賓戲主人迨爾而笑文選李注迨爾寬舒顏色之

迦理沙般拏

奴家反般拏此云銅錢十六般拏為一迦

利沙般
拏者也

第八十三卷

襲師

古文哉同辭立反左傳凡師輕曰襲掩其不備也

摩納縛迦

此云儒童或云年少淨行

舊經中言摩納等是也

底沙

比邱名也為之說經名底沙經此亦星名因星立名西國多此也

第八十四卷

柔倭

奴和奴迴二反說文倭摧也兩手相切也

破析

普彼反纂文云破猶分也

僵仆

蒲北芳務二反仰謂之僵伏謂之仆說文僵却偃也仆前覆也

皓首

胡老反小爾雅皓素白也

黃皴

七旬反字略云皴皮細起也

徂落

又作殂同在胡反爾雅徂落死也

笞罰

又作柶同丑之反廣

雅楠笞

鳥鹵

又作瀉鹵二形同齒亦私亦二反下力古反說文瀉鹵西方鹹地也斫曰瀉鹵說文

擊也

作廣鹵解云鹵西方鹹地也
東方謂之廣西方謂之鹵
仍立梵
遽務又作據同渠庶反
名也
徐伽女履反此云流注不
斷亦言害爲含兩義

第八十五卷

鳩集居牛反爾雅鳩聚也謂收聚也
囹圄力丁反下魚呂反獄名也三王始有獄
幽繫知立

反詩傳曰繫絆也謂拘執也兩足不相過謂之繫

第八十六卷

怒憾胡紺反廣雅憾怨恨也字林憾不安也
浸淫七林反浸淫者轉大之言也浸淫移徙處日廣

也微褊卑緬反說文褊小也爾雅褊急也陳也

第八十七卷

愚

亦鈍也廣雅愚無所知也

茫然

莫唐反案茫然

宮

闕

釋名闕在門兩傍中央闕然為道也

踰隍

胡光反三蒼隍城下坑也說文城池有水曰隍也

第八十八卷

歔歔

欣居反下欣既反蒼頡篇泣餘聲也亦悲也

拊膺

芳舞反下又作癢同於疑反拊拍也廣雅

拊擊也膺匈也斫曰膺說文本作瘠也

冤結

古文冤冤二形今作怨同於元反說文冤屈也廣雅冤抑

也思念

阿死羅摩登祇旃茶

女名也摩登祇女之名也由阿死羅女之別名此女由

卑賤故恒以掃市為業用供衣食也

被笮

謂以槽笮出汁也

奴骨反訥遲鈍也說文訥難也

第八十九卷

朋疇直流反同門交曰朋疇類也等也王逸注楚辭云二人為正四人為疇疇猶伴侶也藿登徒

反下莫崩反韻卑此匹余反下資余反通俗類云失卧極也諛訛文難可謂之諛訛也懨知劣

也懨懨亦憂也類云懨短氣兒

第九十卷

覆苦舒鹽反茅苦也爾雅白蓋謂之苦言編菅以覆屋曰苦也勉摩辯反下力制

勸強為勉勵也勉力為勵也

第九十一卷

儵歸又作倏倏二形同書育反儵忽急疾兒也斫曰說文儵青黑繒發白色也倏集韻光動兒倏說文疾

也長也三字皆菅茅屬也菅茅古顏反爾雅如鴝除禁反郭璞曰以音近相通

長頸赤喙

子然

居列反案子猶單已孤獨也說文無右臂日子也

沿流

翼泉反字林從

水而下曰沿順流也沿亦緣也

火奚

古奚反性多燥烈故以喻也

第九十二卷

漂漾

匹遙反下翼尚反案漂漾搖蕩也

第九十四卷

啖食

古文噉又作啖同子益反通俗文入口曰啖蟲食曰啖也

不允

弋進反允當也允信也爾雅允

誠也

第九十五卷

纖繳

之若反謂矰之射者也繳纏也矰音增弋射矢也

腎膜

又作翳同於計反下音莫韻集云腎

目障 病也 睽彌葉 式冉反其葉苦也婆羅葉 箭筈 占活反釋名箭其未

與弭祖會也 謂 桃梯 古文橫牘二形同古黃反聲類作

木皆 三槍 千羊反說文槍距也槍 撓攪 呼高反下古郊反

第九十七卷

蘇息 先胡反小爾雅更 瘠田 古文瘠瘵瘠三形同才亦

言洪 餘質反說文

第九十八卷

褻讚 補高反案襄猶 猿猴 又作猿同禹煩反似彌猴而

甚哀五百歲化為攫攫 瘠摩 初委反通俗文捫摸曰瘠

一七終言蕭卷二十一

字有初委都果二切
汎成又作汎同字梵反廣雅
乘駕

故與揜字互通也
食證反三蒼載
土邱古文丘說文土之高也爾雅非人
日乘馬日駕也
所為為邱一日四方高中央下亦

印日

第九十九卷

種蒔時至反栽蒔也
波輸鉢多此塗灰外道名也遍身

纔蔽形但非赤色為異
爾事魔醯首羅天王也
簡靜古限反爾雅簡
大也亦略也

第一百卷

蕭然桑條反詩傳曰蕭蕭
變革古文莫憚謹三形同古

從口口為國邑國三十年而法更別取別異之意也口
音韋也所曰古文莫乃革字之訛說文革古文革白聲

一切經音義卷第二十二

七絲音義

三

一切經音義卷第二十三

大慈恩寺翻經沙門元應撰

顯揚聖教論

對法論

攝大乘論

廣百論

佛地經論

掌珍論

王法正理論

大乘成業論

正理門論

大乘五蘊論

顯揚聖教論第一卷

稽首

古文稽首苦禮反說文稽下首也白虎通曰所以稽首何稽至也首頭也言頭著地也周禮太祝辨

九承

一曰詣首二曰頓首是斫曰稽說文本作詣從首

旨聲

作稽者解曰留止也別係一字古書皆通用引周

禮太祝

辨九擗擗原誤將紹古文絜同市遶反爾雅紹

作承擗

說文拜字也將紹繼也謂繼續先宗也諡法

曰疏遠

繼位曰紹斫曰古錯綜祖送反謂錯要其文綜

文紹從

邵作絜見說文錯綜理其義也廣雅錯廁也

言相閒

廁也綜總也總括文義也錯亦校也校理也說

文綜機

縷也謂持絲交者屈繩制經令開合也絲紀也

理也紀領
 絲別也
 駛流山吏反蒼頡篇駛疾也字從史
 善輓又作輓同於革反
 也謂轅端壓牛馬
 惻愴古文惻同楚力反下初亮反說
 領者也榻音革
 迦多行那姓也因姓為名
 心詭居毀反詭謂變詐不實
 忌憚渠說反下徒旦反忌畏
 甘執古籃反廣雅甘樂也
 馱也說文
 勉勵摩辭反下力制反勸獎也勉強謂自勸
 甘美也
 兩悵快勅亮反下於亮反說文悵望恨也快心不
 反悵快服也亮吉曰說文悵不快懟也與此引異
 所吞
 他痕他賢二反吞謂不嚙也
 溪沼又作谿同苦奚反下
 說文吞咽也廣雅吞滅也
 沼小池也
 巨壑其呂反下呼各反巨大也爾雅水注川
 沼小池也
 雅流水深則成壑壑亦溝也
 炎燎于廉
 力照反炎亦燒也說文炎火光
 蔓延亡怨餘戰二反
 灰
 上也燎放火也火田為燎也
 蔓延謂連縣不絕也

燼又作燼同似進反說文火之餘木曰燼析曰燼說文

已從火不扣苦後反廣雅扣擊也拊革也下古核反革

鼓也黏勇反謂雄武果決也諡法曰知死不避曰勇縣命

為仁靜慮慈井反說文靜審也安也息也慮漏匱渠愧

財曰匱禮記即財不匱鄭元曰匱乏也詩云孝子不匱傳曰匱竭也

第二卷

鄔波陀耶鳥古反下陀音徒我反此云親敎或言郁波弟耶夜亦云近誦以弟子年小不離於師常

近受經而誦也舊云和上或云和闍皆于闐阿僧企耶

等諸國訛也義譯云知罪知無罪為和上也阿僧企耶邱鼓反此云無央數縕習鳥昆反論語溫故而知新何舊言阿僧祇訛略也

後時習之謂之溫溫煖也取其義矣炳曰正文細當作
溫引論語注溫尋也皇侃本作煇煇本作煇說文煇熱
湯中爇肉或從災作燧今皆作尋春秋哀十二年左傳
必尋盟若可尋也亦可寒也杜注尋重也正義引儀禮
鄭注尋溫也言尋盟者以前盟已寒更溫
之使熱溫舊卽是重義故以尋爲重也

第三卷

奕根

而充反梵言沒栗度此言奕物柔曰奕也

阿世耶

此云意樂樂音五孝反亦言種子

預

流

翼庶反梵言率路多阿半那此言預流一切聖道說
名流能相續流向涅槃故初證聖果創衆勝列故名

預流

預及也衆預也舊言須臾多分得也須陀洹

一閑

者說

也或云逆流或言入流亦云至流皆一也

一閑

古閑

反梵言翳迦鼻至迦翳迦此云一鼻至迦此云閒

閒謂

壁際孔也說文閒隙也言有一閒隙有不得般涅槃

槃也

舊言一種子者梵言鼻跋迦此言種斯或竭伽祛

譯者

不善梵言或筆人不尋本語致茲訛失也竭伽祛

反此云犀牛毗沙拏此云角謂犀牛一角一亦獨也喻獨覺也言一一獨居山林也毗婆沙作渴伽月藏經作佉伽皆說也

第六卷

什物

時立反什聚也雜也謂資生之物也今人言家產器物猶云什物物即器也江南言什物北土名五

行史記舜作什器於壽邱漢摩怛理迦都達反舊云摩書貧民賜田宅什器並是也

夷此云行母亦云本母或云行工業古紅反詩云工祝境界謂起行所能生行故也

日工升攝沙葉經亦言申恕林或作申恕波林樹名所也

所巨衣反廣雅祈求也爾雅祈叫也叫呼請事也

第七卷

樹杪

彌達反通俗文樹鋒曰杪杪謂微細也

官僚

又作寮同力雕反爾雅僚官也同官曰僚也

或翹

祇遙反廣雅翹舉也爾雅翹危也舉足縣危也

蝸虫

古華反說文蝸螺也斫曰說文作蝸羸羸

螺羸也一曰虎喻

第八卷

俱胝

竹尸反佛本行經作拘致云一

素恒

纜力暫反此

言修多羅或云

吠舍

扶廢反舊言鞞舍此云坐謂坐估也案天竺國俗多重寶貨此等營

修妬路皆訛也

求積財巨億坐而

戊陀羅輸句反舊言首陀謂田農宦

出內故以名焉

第九卷

伊師迦

山名也言此山高聳我
優如之故以喻之也

第十卷

商賈

始羊反下公戶反行賣曰賈坐賣曰賈白虎通曰
賈之言商商其遠近通四方之物以聚之也賈固

也固物以待民求其利也賈亦通語也斫曰商說文作
賈行賈也從貝商省聲作賈者不省也今借用商字

方域

也廣雅邦域國也言問邱逸反廣雅詰責鬱爾於
也為通反說文域邦

反謂樹木叢生
鬱鬱然氣盛也

颯然

吹桑合反疾兒也謂風
反唐徒也徒空

唐捐

徒郎反
下以專

也說文捐棄也
薄蝕

薄蝕

補莫反下神職反小爾雅薄近也
漢書日月薄蝕韋昭曰氣往迫之

日薄虧毀曰蝕如
毗羅婆果

毗羅婆果

亦云頻螺果或言避邏果
皆訛也果行金色如甘子

蟲食草木葉也
大西國祠王多用此

餉佉

戶尚反此云目或言珂
舊云懷佉或云傷佉

木作幢莊嚴供養也

第十一卷

尙論

市讓反廣雅尙高也說文尙會也尙亦上也

倡女

齒惕反嫖女也說文倡樂也

雨衆

于矩反梵言縛利沙亦云敗利沙此云兩外道名也鍵拏此云衆謂雨等師徒之衆故云兩衆者也

又作砮同七泉反稱衡也廣雅稱謂之銓所以稱物知輕重者也刊定口刊反廣雅刊

也凌侮又作凌同力蒸反三蒼凌侵也廣雅凌犯也下

又作凌之凌當係陵字之誤史記秦始皇本紀陵水經地孟康云陵作凌猶歷也是凌亦可作陵矣凌從水當

作從冰冰說文作夂乃夂凍字俗混作冰冰本疑字也遞互古文遞同徒禮反方

斫日說文遞更易目眩侯通胡觸二反字林眩纔取在

也集韻或作遞目眩亂也三蒼眩視不明也纔取災

反廣雅纔暫也未愈古文瘡同瑜乳反方言愈差也說亦劣也不久也文愈病瘳也斫日愈說文作瘳徐

一
步
經
音
義
卷
二
三
王

鉉曰今別迦末羅病舊云迦摩羅病此云黃病或云惡

作愈非如封反又音封今有此形奴課反三蒼悞弱斯

角犴牛形小體上有犴者也有此形悞廣雅柔與劣悞也

聲悲聲也方言誓噎也痛也孝古文號同呼交呼校

怒聲下文响咩二形今作物又作吼同呼苟反咩也

斫曰說文哮豕驚聲也號虎鳴也一曰師子二解不同

風俗通引詩闕如哮虎今本作號蓋二字以同聲相假

號非哮古文也玉篇吼牛鳴也咩同狗牛鳴也亦作响

四字同解故通响玉篇咆也廣雅咆鳴也瞑目又

又解云响亦噓吹之也敦肅古文惇同都屯反說文惇厚

眠同蔑田反說文瞑敦肅也下思六反肅敬也嚴也謂

目翕也眠寐也卧也敦肅也斫曰說文敦恕也詆

整兒也亦誠也自警誠也斫不同古多通用鄙俚補

也一曰誰何也惇厚也二解不同古文五鄼為鄙俚者蒼

反下又作野同力子反鄙陋也說文五鄼為鄙俚者蒼

頡篇國之下邑曰俚漢書質而不俚如淳曰雖質猶不

如閭野之鄙言也鄧音祖旦反百家也析曰俚說文聊也漢書皆用作聊賴之聊唯司馬遷傳贊司馬貞解作鄧俚野說文南陽西鄂亭古未見
儷與鄧通用者或音同相借耳
麤獷古猛反獷強過
隙邱逆反說文壁際孔
蹇蹇難也下所立反說文蹇不滑
竦肩古文竦雙二形今作蹇同須奉
語蹇難也下所立反說文蹇不滑
也字從四止四止則不通字意也
所頃二反廣雅
竦上也眺也
酷怨古文馨焙倍三形今作酷同口木
反說文酷急也甚也亦暴虐也

第十二卷

達羅弭

彌爾反呪名也此**傳述**食聿反述謂訓其**沒力**無下翻但存本耳

伽羅子

亦言勿伽羅勿伽此云胡豆卽是綠色豆也羅此云取依此閑語應言取綠豆此是其姓上古

仙人名勿伽羅不食一切物唯食胡豆故名取胡**鄔波**豆是此仙人種故以爲姓也舊言目捷連訛略也

第樂鳥古反下尸藥反舊言深遂古文悵同私醉反說
優波提舍此云論義也文深遠也所曰遂說
文深遠也玉篇作遂悵說
文深也悵非遂古文也

第十三卷

精懇

古文作誤同口很反通俗

鄔波婆娑

亦言優波娑娑此云近住

謂受八戒者近阿羅漢等善人而住者也杜多亦言蘄吼多此云洮汰亦言漢等除一義耳皆謂去其衣服飲食住處三種欲貪也舊言頭陀者訛也經中亦作十二誓行蘄音徒斗反汰音太所曰蘄當作蘄集韻徒口切圓艸禱也

第十四卷

毗瑟斂天

奴故反亦言毗瘦細天此當勾惑義此天有大威德乘金翅鳥行行時有輪以爲前導欲

破卽破無有能當也西爾迦女履反此云有軍外道喬荅摩此有三義

一云日種二言牛糞種三望上種以瞿曇

名目九義故也舊信瞿曇因緣具如經說踰跼渠員反

反埤蒼踰跼不伸也說文作踰謂

行遽趨也案踰亦曲也趨音錄

蒼燒郭璞曰弄也里閉力擬反下胡旦反五鄰爲里謂

廣雅掩挑擣燒也

中閉門也乾曠古寒反下又作曠同祛

謂巷門也乾曠及反通俗文欲燥曰曠

第十七卷

邪佚古文佚同與一反蒼頡篇佚惕也佚樂也惕音蕩

佚也二解不同音同可以

假借耳佚非古文佚也

米穀邪酒此云米穀邪酒謂根莖花

果等雜酒末陀酒謂蒲桃酒

第十九卷

伐勒迦梨

此云如鸚鳥鴈反鸚雀也亦名鸚鵡纂文場

墮

仲良反方言坻坻封塲也下力悚反耕墮有界塲者也坻音遲塲音劣

第二十卷

艱難

古閑反說文土難治也

剖析

普厚反剖猶破也中分

波羅闍

已迦

此云他勝謂破戒煩惱為他勝於善法也舊云波羅夷義言無餘若犯此戒永棄清眾故曰無餘也

對法論第一卷

爰發

王元反爰引也爾雅爰曰於于皆語辭也韓詩爰發蹤之兒也

叅綜

麤南反下祖送反謂叅伍

其義也

有情

梵言薩埵此云有埵此言情故云有情言眾生者案梵本僕呼膳那此云眾生

語名別也
庶令
戶預反庶猶冀也冀望得也
辯蘊
於分反梵言塞建陀此翻名蘊由積

聚義說名為蘊字林蘊積也廣雅蘊聚也聚音才句反

左傳蘊藻杜預曰蘊聚也蓄藏諸色故言色蘊受想等

四義亦如之舊經論中或言五眾又云五聚
異孰
不善切

頗亦近是仍末總名舊翻陰者失之久矣

有漏法為因能感無記之果因果種別名異任運酬因

名孰果異因孰故名異孰又因感果時勢力成就異於

前位名為異
堅勁
居盛反字林
旃彈那
徒旦反或作旃檀那此外國香

孰舊言果報
薩迦耶見
梵言也迦耶此云身薩名不定或言虛偽或說無常或言為有

木也有赤白
紫等諸種
斯由大小諸師見解不一
祠祀
似茲反下徐里反爾雅

既含多義所以仍置本名
元
祠祭天也祀地祭也

歛爾
吁勿反蒼頡篇歛猝起也
憤發
扶粉反方言憤盈也謂憤怒氣盈滿

也亦情
心戾
力計反字林
心府
夫字反廣雅府聚也白虎通曰人有六府謂大

腸小腸膀胱
胃三焦膽也
慳吝
古文吝同力鎖反堅著多惜曰吝方

名橋設
居天反橋謂假詐也橋誰也擅稱上命曰橋非
先王之法言曰橋字從手今皆作矯非體也斡

曰說文橋舉手也一曰橋擅也矯採箭
箝也二解不同今皆通用以音近也
悅豫
翼庶反爾雅悅豫喜

樂也豫
聰叡
古文膚聲二形同以芮反廣雅叡智也說

亦安也
義谷取響應不窮目取明識意字意也叡音殘斡曰說
文叡深明也通也從叡從目從谷省古文作膚籀文作

斡此解字頗涉
穿鑿不可從也

第二卷

文身
梵言鰓膳那此言顯了但以文能顯義故以代之
舊言味身或云字身一也鰓音蒲眠反案說文昔

蒼頡造書依類像形故謂之文其後形聲相益即謂之
字字者孳乳浸多也字生也斡曰鰓字見廣韻部田切

黃瓜名也引 **異生性** 梵言婆羅必栗託佗耶婆羅此云

說文見叙 作愚異生言愚癡闇冥無有智慧但起我見不生無漏

故也亦言小兒別生以癡如小兒不同聖生故論中作

小兒凡夫是也又名嬰愚凡夫亦云嬰兒凡夫凡夫者

義譯也廣雅云凡輕也謂輕微之稱也舊經中或言毛

道凡夫或云毛頭凡夫案梵本毛名孺羅愚名婆羅當

由孺婆聲之相近致斯訛謬譯人之失也佗音魚訖反

孺音縛 **哀壹鵠等** 烏可反下烏古反此等諸字要藉助

佗反也 **文卵殼** 又作殼同口角反吳會閩音哭 **羯邏藍** 舊言歌

也 **卵殼** 卵外堅皮也尚在卵中謂之殼 **羯邏藍** 羅邏此

云和合又云凝滑言父母和合如蜜和酪泯然成一頁

於受生七日中凝滑如酪上凝膏漸結有肥滑也 **安**

部陀 亦言過部曇或作頽浮陀皆梵言輕重耳此云胞

猶如麋栗置 **閉尸** 亦名卑尸此云肉團至第三七日結

厚白飲中也 **聚成肉團** 若男則上闕下狹若女則

一切經音義卷二十一

上狹下闊成肉**材**貨徂災反人所寶曰財金玉曰**大材**
團猶粟未堅也**財**貨財謂資生也亦財穀也
在哉反材用也亦質性也凡木
已斬伐可施工匠者曰材也
擔也斫曰引說文柯當作何揭擔也當作詹也徐鉉云
詹何即負何也借為誰何之何今俗別作詹荷非是詹
說文
何也

第五卷

等允翼刃反允繼也**摩納婆**或云摩那婆此云年少淨
子孫相承繼也

瞻部洲時焰反從樹為名舊言**阿闍底迦**此云無欲謂
剎浮或云閼浮皆一也

亦言一闍底柯此云多貪謂貪樂生死不求出**阿顛底**
離故不信樂正法舊言阿闍提譯云隨意作也

迦此云畢竟謂畢
竟無有善心也

第六卷

東毗提訶

或云弗婆提或言弗于逮皆梵音訛轉也此云前在諸方之前也

西瞿陀尼

或云俱耶尼或作瞿伽尼瞿此云牛陀尼此云取與以彼多牛用市易如此閏用錢帛等也

北俱盧

洲

或云鬱單越或言鬱多羅拘樓此云勝洲也

覲史多天

亦言

多或云兜率陀皆梵音訛轉也此云妙足天亦云知足天也

樂變化天

五孝反但此天雖有寶女

於變化者心多愛著於男亦爾故以名焉舊言化樂天音樂失之久矣

蘇迷盧山

或言須彌樓此

云妙高山亦云好光山

層級

徂登反下居立反說文層重累也級階次也星衍曰

舊言須彌者訛略也

輪圍山

梵言柘迦羅此云輪山舊云鐵

圍圍即輪義本無

晴明

又作腥姓二形同自

健達縛建

反此云鯁香亦云食香一云樂神經中作香音神是也舊云乾闥婆訛也中殀又作夭同於少壯而死曰夭廣雅夭折也如鍵南渠偃反亦云伽訶取物中折也不盡天年曰夭也鍵南此云堅至第四七日時肉團鉢羅奢佉亦云波羅捨佉此云枝枝第伍方堅實也鉢羅奢佉七日時上有形相若至第六七日從五處更生耳鼻手足等故有重枝名有風生眼耳等孔亦大生苦也

第七卷

憤丙

公丙反下女孝反說文憤亂也韻集丙猥也

三摩呬多

虛利反口云字引謂勝定也離

沈掉

等平等曰引也或引平等謂引諸功怡悅爾雅怡

德或

平等所引謂定前加行故名能引也怡悅爾雅怡

懌悅

中庸以鍾反廣雅庸和也小爾雅索迦徒餓反此

樂也

中庸雅庸善也謂和善人也馬索迦譯云奴

鹵土

力古反謂确薄之地也也熏塗蒲頓反通俗文悖土天生曰鹵人生曰鹽也熏塗曰塗說文塗塵也所

曰悖土之悖當作埤本書卷三引通德失多勒反德謂俗文作埤廣雅埤塵也一日塵起兒德失福德之德也失謂過失之失也義非稼穡加暇反下所力反字林種獲得之得故此字也稼穡曰稼收曰穡說文禾之秀實爲稼一云在野曰稼也斫曰說文稼禾之秀實爲稼莖節爲禾一日稼家事也一日在野曰稼此引略确口交反下苦角反通俗文堅鞭謂之确确謂瘠薄地也瘠音自亦反

第八卷

勤策男

初革反策驅也勤勞也梵言室末拏伊落迦此云勞之小者也亦言息慈謂息惡行慈義譯也

舊言沙彌

鄔波索迦

烏古反亦云優婆娑柯受三歸住者訛略也五戒者優婆此云受娑柯此云男

一云近事或言近宿謂近事三寶而止宿也又鄔波斯云善宿亦言親信皆義譯也舊言優婆塞訛也鄔波斯迦亦言優婆私呵優婆此云受私呵此扇搥半擇迦音云女餘義同前舊言優婆夷訛也

勅佳反舊經論中或作般叱或作般茶迦皆梵音輕重
耳此云黃門其類有五一半擇迦總名也有男根用而
不生子二引利沙半擇迦伊利沙此云妬謂見他行欲
卽發不見卽無亦俱男根而不生子三扇搥半擇迦謂
本來男根不滿亦不能生子四食又半擇迦謂半月能
男半月不能男也五留拏半擇迦留拏此云割謂被刑
者置兔姊邪反兔網曰置釋名云置遮也遮取兔也所
也猶遮也疏引李巡云兔歐擊鳥厚反說文歐唱令家尺
自作逕路張置捕之也歐擊捶擊也字從父歐唱令家亮
反謂作音樂戲人也又云尋香人也是等家無產業唯
乞自活若見飲食處卽往至彼爲設倡妓求財食也
旃荼羅直加反此云執暴惡人亦言惡殺謂屠殺者種
之竹若不然王則與**羯恥那**居謁反此謂**凌蔑**力承反
罪舊言旃陀羅訛也**羯恥那**煮狗人也**末尼**下莫結
反凌相侵犯也**鋤利**息廉反廣雅鋤鋸利**末尼**亦言摩
蔑相輕易也

尼此云寶珠謂
珠之總名也
茗然也
徒彫反
迢迢遠
洲渚
脂由反
下脂

中可居曰洲
小洲曰渚

第十卷

跶跶
子六反
下子亦反
廣雅
跶跶
畏敬也
字林
跶跶不進也

第十一卷

諷誦
否鳳反
諷謂詠讀也
謂背文也
周禮注
綴緝
張衡

七立反
綴連也
緝續也
說文
綴合令箸
洛又
亦言洛沙
也
斡曰
說文
綴合箸也
此引多一令字
此當十萬

一百洛沙
爲一俱
胝
薩伐若
此云一切智舊
言薩婆若訛也

第十二卷

疏伽沙

渠相反河名也從無熱惱池東面象口流出入東海也其沙至細與水同流以手掬水沙滿手

中急把於沙還隨水出經中多此喻也舊言恒河者訛也

手麾

許皮反舉手曰麾謂手指也

譏弄

居衣反廣雅譏刺也說文譏非也

毀咎

子爾反口毀曰咎說文咎呵也斨曰說文作咎苛也呵說文作

訶解云大言而怒也

第十三卷

口孕

翼證反含實曰孕孕妊子也孕侮也侮音身

婆羅泥

女點反國名也舊言波羅奈譯云江

遶城言此國名青黃等色名和合色也烏莫迦花等色名俱生色也烏沙斯星此云太白星取其白色也

第十六卷

英俊

猗京反下文作儁同資閏反淮南子云智闡鐸迦出萬人曰英千人曰俊俊謂絕異於人也闡鐸迦

徒洛反人名躁急祖到反論語云言未及之而言謂也此云樂欲

陀論六論中第五名闍陀論釋作首伽法謂佛弟子五通仙人等說偈名首盧伽也

攝大乘論第一卷

幟幟比遙反下尺志反舊音識與知識同幟頭上幟也所以相別也通俗文徽號曰幟私記曰幟徽音呼

歸反謂以絳帛等書著背上曰徽廣雅幟幟幟也墨子云長丈五廣半幅曰幟字皆從巾也

業具軍

八轉聲中業聲第二具聲第三夫言論之道能有立破義同軍故故立軍名第二轉聲詮所作業第三轉聲詮能作具軍詮業具名業具軍八轉聲者一體二業三具四爲五從六屬七依八呼此如吉明具釋七轉常用呼聲用能詮七泉反詮謂顯了義說文詮具也案具說事稀也能詮理曰詮淮南子云詮言者謂譬類人事相解喻也所曰引淮南天魔作障礙也亦名殺者論中釋斷子當是注中語

慧命故名爲魔常行放逸而自害身故名魔魔是位處
卽第六天主也名曰波旬此云惡愛卽釋迦佛出世魔
王名也諸佛出世魔各不同如迦能闢昌善反廣雅闡
葉佛時魔名頭師此云惡瞋等也
覺寤而有言曰寤眠後覺寤也
相舊云首魯茶宅加反字緣也能顯所作義有魯茶經
楞嚴也
部佛去世後四百年中從說一切有分出此部唯立一
藏言唯有一經藏也以作此名者云經是根本律及
阿毗曇還解經義既不出彩畫七在反下胡卦反五色
經外故唯立一經藏也
畫墨礙字略作罍同胡卦反絛礙也斫曰說文絛繭滓
也墨礙也集韻罍礙也絛礙之絛本吠世師扶廢反亦
作絛罍罍皆世俗字展轉互增耳
或言鞞世師皆訛也此云勝異過餘論故名勝能破
餘論令壞故名異其論以六句義爲宗或云六諦師

資師徒也資用也又取也老子善人不善
人之師不善人善人之資資如資財也
攝言諸聖人所作莫問重頌字之多少四句為頌者皆
名伽他案西國數經之法皆以三十二字為一伽他或
言伽陀訛也舊云偈
者亦伽他之訛也
耳此譯有四義一不可樂二不可救濟三闇冥四地獄
經中言地獄者一義也所以仍置本名或言非行謂非
法行
處也
阿婆摩
渠業反亦言阿伽摩此云教法或言傳謂
展轉傳來以法相教受也舊言阿含訛略
也
二厘
值連反梵言阿縛遮羅此云市厘禮記市厘不
征鄭元曰厘謂市物廊舍也今市中行肆是也
舊云欲行非也案梵本僧塞迦羅
此云行名不當本故立為厘也
有癩
核閒反聲類
云小兒癩也

第二卷

化地部

第三百年中從一切有部出也梵言磨醯奢娑
迦亦名彌喜捨娑阿此云地亦教地或言正地

人名也但此羅漢在俗為王國師匡化土境故名化地
今人佛法佛法如地又匡化之故以名也舊云彌沙塞
者說**樹增**時注反廣雅樹值建立也**照矚**之欲反矚
也**徹**古玩反貫達也徹通也蒼頡**繒索**又作冑同古迄反
篇貫穿也以繩穿物曰貫也**繒**聲類冑係取也以
繩取獸**未嘗**視羊反未嘗未曾也**率爾**疏律反爾雅率
曰冑**未嘗**廣雅嘗暫也試也**率爾**循自也謂先以
已意而言也論語子路率爾而**巨勝**其吕反巨大也本
對何晏曰先三人而對是也**巨勝**草云胡麻粒大者
為**巨****衆纈**賢頡反案纈以絲縛繪染之解絲成文曰纈
勝今謂西國有淡醴汁點之成纈如此方蠟點
纈也**訖埤緣**都果反此云己竟義如言澡**和糲**古文初
也**訖埤緣**浴已飯食度山已度河也**和糲**二形同汝
救反廣雅糲雜也今謂異色物相集曰糲斫曰古文初
當作紐說文紐雜飯也玉篇糲同飢當作餽說文餽雜
飯也五音篇海有飢字解**彎弓**烏環反開弓也小**華鬢**
同餽乃餽字之訛俗也

梵言摩羅此譯云髮音蠻案西國結髮師多用蘇摩
那花列結之無問男女貴賤皆此莊嚴以為飾好也
稗徒黎反下蒲懈反稊似稗布末那摩鉢反此是
地穢草也稗草之似穀者也胡衮二反渾濁也說文
渾混流聲一曰洿下兒此引非說文語是鮮廣雅鮮
好也善也

第三卷

焚燒扶雲反焚亦燒也字從火燒林意也斫曰說文
焚燒田也從火楸楸亦聲此說字義無所本也

犯又作愆僮二形同去連反說文僮過也亦失也罪也
犯犯侵也星衍曰愆說文本作愆或從寒省作憲籀文

作僮玉篇僮同愆俗字囹圄周禮三王始有獄廣雅云
也據此則僮當作僮也

夏曰夏臺殷曰羑里周曰囹圄皆獄之別名也釋
名云囹圄領也囹圄也領錄囚徒禁禦之也羑音酉穢積

且歷反積石為磧說文水
階有石曰磧廣雅磧瀨也

第四卷

瞽眩

於計反韻集云目障病也

憺怕路

徒濫反下音白

寔也亦恬靜也

身寐

明庇反寐謂眠就也國語

言寂寥無人也

湍洄

土桓反下音迴激水為湍水轉為洄

祿孔二反謂

也湍曰淺水之淺當作

刀仗

治亮反人所執持為仗仗

瀨說文瀨水流沙上也

也亦作艷同餘贍反

倡者者

諸野反說文者

明下句出也

牒本釋之故重言者也

如如歷法

文者別事詞也與此引不同亦明句有誤

如如非一

故曰如如下如是

尋伺

胥吏反梵言毗恒迦此云尋毗

如是者指前也

察或思或慧於境推求麤位名尋卽此二種於境審察
細位名伺故言尋伺舊名覺觀者案梵本菩提名覺毗
鉢舍那名觀譯人不蟠曲蒲寒反廣雅蟠曲 荪子洲又
尋本語致斯乖失也 椰同以遮反師子國南浮海數千里洲人卑小長餘三
尺人身鳥喙唯食椰子既無穀稼所以不識於牛也 所
曰椰說文作桺解云木也廣韻作椰云椰子木名出交
州其葉背面相似荪說文荪荪也荪菖蒲也荪非此用
作荪者 迦比羅此云赤色謂赤色仙人也造 騷揭多渠
誤也 反是修伽陀弟子名也修伽 擾動而紹反說文擾煩
隨者卽佛十號中善逝是也 也廣雅擾亂也

葢五卷

尼捷茶書

此集異名書也如一物有多名等

御衆

魚據反駕御也廣雅御使也驅之內善也

謂指麾

不逮

徒戴反爾雅逮及也方俗言耳

劬勞

寔俱反韓詩劬數也詩傳曰劬勞病也數

音所阿練若阿此云無練若有兩義一曰聲謂無人聲
角反阿練若及無鼓譟等聲二曰斫謂無斫伐等誼
雖言去聚落一俱盧舍為阿練若俱盧舍謂大牛鳴音
處亦須離斫伐處也譟音桑到反
五里舊云一俱盧舍此云五百弓也

第六卷

羅怛羅亦云羅吼羅舊言羅睺羅此云障月以羅怛羅
脩羅手障月時生因以為名七年母胎中一

由往業二由誅國追于反罰罪也廣雅誅殺
現在故也說文誅討也亦責也
反舊言那由他益除古元反方言南楚疾
此數當千億也愈謂之蠲蠲亦除也
反廣雅木叢生曰榛字林山榆一名梗有刺筴可以為

蕪蕪者也梗強也斫曰說文榎山枌榆有束茨可為蕪
蕪者字阿揭陀藥亦言呵竭陀或云阿伽陀
林本此阿揭陀藥梵言訛轉也此云九藥也

怯憚又作

同

祛業反怯多畏也下徒旦反憚驚難也
斫日怯說文本作祛杜林說從心作怯

第七卷

潰散

古文潰同胡對反蒼頡篇潰旁決也說文潰漏也

怨誰視由反三蒼怨偶

離正

嗚柁南

烏骨反下徒我反此云陀散亦言攝

遊玩

也五喚反字林玩弄也廣雅玩好也

瞿沙經瞿沙此云妙音人名也從人名經也

第八卷

聰敏

眉殞反聰聽微也先知也敏明達捷疾也

第九卷

卽士釋

亦言依士士謂主也立名從主故言依士如言眼識等也

持業釋

業謂用也立名所名

目於垣牆韋昭曰屬注也漢書音呆王補道反說文保

可保
摩理此云母伽羅摩此云村今以邑

巾有三義一云龍二云象三云不來孔雀音則拏補

反下羅割反外道六師中人名也舊言富隰別

第十卷

反三蒼愚無所知也亦鈍也廣雅龔頑嚚也

禹侯屬獸之愚者與此引不同又真書五鯪反下魚巾

也頑鈍也蒼頡篇惡也左傳心不測德義之經曰頑

口不道忠信之言曰嚚是也所曰不測之測左傳作則

此誤也 毗盧宅迦王 舊言毗流 瑠璃 瑠璃又言鞞頭梨從山

為名謂遠山寶遠山即須彌山也此寶青色一切寶皆

不可壞亦非煙焰所能鎔鑄唯鬼神有通力者能破之

為物或云是金翅鳥卵敲此 牟娑洛寶 亦名摩娑羅 渴

寶鬼神破之以賣與人也 帝青 梵言因陀羅尼羅目多

濕摩揭婆 亦名阿輪摩竭 帝青 是帝釋寶亦作青色以

其最勝故稱帝釋青或解言帝釋所居處波利質多羅

樹下地是其寶故名帝釋青目多此云珠以此寶為珠

也大青 梵言摩訶泥羅此云大羯維怛諾迦寶餘 第七

明祇訶目多明音 拯拔 蒸上聲說文拯上舉也謂救助

許伊反不同也 阿僧伽 阿此云無僧伽此云著短聲呼之

徐鉉曰今俗 阿僧伽 若長聲呼之即云眾舊云僧佉訛

別作拯非是 也

廣百論第一卷

循法

似遵反爾雅循自也自詎有渠據反詎何也未薩

埤刺闍荅摩

刺音勒達反荅摩此云闍餘含多義不可

躁警

居影反警戒慎也駭浪胡族反三蒼駭警也廣雅

胡族反之音當是胡楷反

奔濤

徒刀反蒼頡濤篇濤大波也

文慨

以終反江南行此

第二卷

波羅奢樹

此云赤花樹樹汁滓極赤記論外道即毗伽

也衆蠹

都故反字林木蟲心穿食人器物者也如白魚等所曰木蟲心當作木心蟲說文蠹木中蟲或

從木作蟲象
蟲在木中形

第三卷

時痕

胡根反通俗文瘡癥曰痕痕傷跡也

主宰

相治反禮記宰夫爲獻主鄭元曰宰夫主膳食之官

也多羅果

其樹形似櫟櫟直而高聳大者數圍花白而大若捧兩手果孰卽赤狀若石榴生經百年

方有花果舊言貝多誤也

荀避

公厚反廣雅荀且也亦誠也

依隄

丁奚反又音帝說文隄塘也防

也積土防水曰隄隄土橋也字從自所曰隄字

從自不從自自俗作阜自俗作堆二字不同也

反蒼頡篇蚩輕侮也蚩笑也躍而上也騰馳也

眯覆

米禮反草人目曰眯也今言眯目是也

勝焰

徒登反騰謂跳

第四卷

恒策迦

都達反龍王名也昔有仙人會咒此龍令其入火龍王憂怖遂投帝釋遠座而住仙人知已更

以咒帝釋與龍一時俱墮帝釋求哀得免所患龍遂死焉甘饌仕眷反說文甘美也饌具飲食也斫曰說

文作簋解曰具食也或作饌

第五卷

編石

卑綿反編次石也字林編織也以繩次物曰編也

未達邾果

或云摩陁邾又言摩陁羅

此云醉果甚堪服食羯羅邾西國豆之差別也能令人醉故以名焉服食甚不益人

第六卷

羈纏

居猗反革駱馬頭曰羈羈檢也檢持制之也

耽嫻

都含反下米善反說文耽嫻樂也嗜也嫻耽

於酒也斫曰說文作嫻嫻樂也嫻沈於酒也湛說文沒也一日湛水豫章浸無嫻字漢書禮樂志通作湛沔

嬀字見楚辭大招王逸謂目美兒嬀非此用也
 又作胡咽二形同戶孤反說文胡牛顙垂下者也亮吉日說文作牛顙垂也
 文撓擾也
 攪亂也
 真蹶又作蹶同丁賢反下居月
 也下吳狡反江南音也說文齧齧也
 圉者胡圉反廣雅
 圉者胡圉反廣雅
 或作溺
 高腴公勞反下庾俱反肥壤
 亂也
 也膏脂也腴腸下肥也

第七卷

薩羅羅薩羅

此言地羅薩此云味
此字聲假而非實也

三

挫汝

其鋒曰挫

說文挫摧也
亦抑也折也

磁石

也謂吸鐵者也

瞽目

公戸反三蒼
無目謂之瞽

釋名云瞽目者眠眠然目平合如鼓皮也

鳥留子

許牛反下力周反字書鵠
鵠鉤鵠也廣雅鵠鵠鵠鵠

也山東名訓侯關中名訓狐亦名怪鳥晝伏夜行鳴為怪也梵言優樓歌是造韓世師論師說六諦義者也此仙人晝日恒住山中夜則出扣人門乞食若得則食不得則空度由其夜行故稱鵩鵩又此鳥多住山巖中此仙人亦爾寔繁時質反下扶園反說文寔止也亦實也故以名焉寔繁詩云寔命不同傳曰寔是也又云六月繁霜傳曰繁多也禮記孔子裹襃奴鳥反下乃可反裹辭讓之節繁鄭元曰繁盛也裹襃奴鳥反下乃可反喜林皮變反說文拊手曰拊謂拊嬉戲虛之反嬉樂也樂節也星衍曰拊說文作拊嬉戲蒼頡篇嬉戲也簪星囚苜蘇醉二反妖星也言星光似埽簪也

第八卷

滌除

徒的反說文滌洒也謂盪洒除去垢穢也

該通

古來反該備也方言該咸也亦苞也

立尿

又作泥同奴弔反字林尿小便也俗通文出脬為尿醫方多作溺古字假借也析曰尿當作尿說文尿人小便

也從尾從水又作泥當是泥字破體之訛借作溺者本
史記范雎傳賓客飲者醉便溺雎溺說文本作休解云
沒也溺說文水自張掖刪丹西至酒泉合黎餘
波入子流沙是溺為水名數字展轉相借也
反埤蒼稍長
一丈八尺也
寢語牛世反通俗文夢語謂臘縛郎盍反
作羅婆六十恒彌忍反字林泯然盡汝曹自勞反
殺那為一羅婆也廣雅泯絕滅也
亦羣居黝反下孚云反廣雅糾急也說
也糾紛文繩三合曰糾糾絞戾也紛亂也

第九卷

根系

奚計反爾雅系繼也世本有

咀嚼

才與反下才弱反咀含味也咀

嚙也嚙齧也

嬰孩

於盈反下胡來反釋名云習前曰嬰投之嬰前以乳養之故曰嬰兒孩小兒笑也

第十卷

服膺

扶福反下於兢反爾雅服業事也膺身親也謂親承服事習道藝也又云悅懌服也郭璞曰喜而服

從也又作伏兩通所曰伏說文本訓何也又借為屈伏之伏左傳既伏其罪是也服說文從舟反聲解云用也

一曰車右騎所以舟旋古文從人作舛又借為懾服之服易豫卦刑罰清而民服是也是以伏服兩通履

辯

力句反屢數非考苦老反謂質覆之自呈馳京反案

也說文

措言置也又安也施也沃以烏穀反通俗文漑

呈平也

措言置也又安也施也沃以烏穀反通俗文漑

也

殉命辭俊反漢書臣瓚曰亡身從物曰殉殉亦盡也

佛地經論第一卷

劫比拏王

女家反南嶠薩羅國主封主字林封爵諸侯

也聲類建國以土地曰封周禮建邦國而制其城諸公之地封壇方五百里諸侯之地方四百里等也起土為

界曰封

第三卷

如鈷奇廉反通俗文鍛具補特伽羅此云數取趣謂數

第六卷

殉利辭俊反蒼頡篇殉求也漢書勇悍何旦反說文悍

蒼悍傑也如濕飯怛羅都達反即蘇達

第七卷

踰繕那市戰反亦言踰闍那此云合也應也計應合爾國繕那亦有大小或三十里或四十里昔來皆取四十里也舊經論中或云由延又作由旬或言俞旬皆訛略

也底沙佛舊經中作弗沙佛同一也蘇達那等亦作蘇陀沙拏此云善與亦言好施舊云

須達拏
訛也

掌珍論上卷

樊籠扶袁反案樊即籠也莊子澤雉不祈畜於樊中是也所曰樊籠之樊說文本作柸解云藩也樊本作

樊解云驚不行也從火從柸今柸樊不分也安膳那藥舊作安禪那牧牛莫

亡福二反三蒼牧養也方言牧飼也畜養誣罔武手反

之總名也所曰飼當作飼說文飼字也誣罔說文加

言曰誣誣亦罔也妄也餌能如志反蒼頡篇餌食也

欺也以是為非曰罔下卷
嗚鉢烏沒反或言優鉢羅又作銅鐸部餘涉反上座部
謳鉢羅一也此言黛花也銅鐸部也鑿赤銅鐸書

字記文今猶**犢子部**梵言跋私弗多羅此云可住子部在師子國也舊言犢子者猶不了梵音長短故也長言呼跋私則是可住若短音呼則言犢從上座部中一切有部出也

王法正理論

錫賚星的反賜與也爾雅錫賚**悞恚**於報反悞恚**罄竭**古文

錫同口定反說文器中空也爾雅罄盡也斫曰室當作室見說文**英傑**於京反下奇列反淮南子云智

出萬人為英千人為傑傑亦特立也才能也

大乘成業論

食米齊宗舊云食屑此外道修行苦行合手大指及第二指以物縛之往至人家舂穀簸米處以彼

縛指拾取米屑聚置掌中隨得少多去以為食若全粒者即不取之恐多所取故縛兩指耳亦名鷄鳩行外道

拾米如鷄

凸出

也蒼頡篇作突徒結反字苑凸起也突奚鳩行也

名突幽也

去解云不順忽出也

反偏下也

狹反容塾下也

皮豔

等也

蜜漬為

音蘇感反

舊言俱

也此即

作釋經

軌法也

佛栗氏子

人因地為名也

正理門論

懷兔

彼土名月為兔故以喻焉月中兔者佛昔作兔王為一仙人投身入火以肉施彼天帝取其體骨置

凸出

也蒼頡篇作突徒結反字苑凸起也突奚鳩行也

名突幽也無突字之解不知所本突說文窵窵溪也釋

去解云不順忽出也從到子易曰去如其來如

反偏下也下蒼頡篇作容烏

狹反容塾下也字苑凹陷也

皮豔

等也

蜜漬為

音蘇感反

舊言俱

也此即

作釋經

軌法也

佛栗氏子

人因地為名也

懷兔

於月中使得清涼又令地躋躋躋躋踴留反下腸誅反廣雅上衆生見而發意故也躋躋躋躋猶豫也亦躋躋也

大乘五蘊論

尤蛆有憂反下知列反尤亦倨傲居御反下五到反說文倨不遜也倨不恭敬也廣雅倨也此引倨字訓非說文語也蒙昧字體作遜也倨倨也易云蒙者蒙也謂蒙昧幼老謂不我求公反下莫對反易云蒙昧昧者闇也謂闇蔽無知也易云蒙昧幼老謂不我求

一切經音義卷第二十三

一切經音義卷二十四

小乘律

大慈恩寺翻經沙門元應撰

阿毗達磨俱舍論第一卷

俱舍

此翻云藏則倉庫繭鞘之總名也舍藏義一切以名焉繭音公殄反鞘音私妙反刀室也藏有多名

斯一

稱也諸冥詞之總也小余雅云冥闇昧也說文冥幽也

亦夜

也字從一音古縈反從口從六日數十十六日而

月始

虧冥字意也所曰說文冥從一聲曰數十云乃字

意也

淪沒力均反廣雅淪沈也沒誠勗居薤反下虛玉反

也

勗又誠亦告慎也迦多衍尼子以善反舊云迦旃延子字

也勗謂勉強也

迦多衍尼子從姊為名有言迦多衍那

聲之

轉也鳥柁南鳥古反下徒我反此云自說謂不待請問

轉也

鳥柁南而自說也舊云優陀那郎無問自說經是

也毗婆沙或言鼻婆沙隨相論作毗頗沙此譯云廣解

也等謝似夜反廣雅所吞他痕他賢二反謂不嚼也有

爭又作爭同側逝側耕二反蒼頡篇諍訟也亦引也說

逝字當是進字之訛說文諍氣騰徒登反廣雅騰昇

止也爭引也此引不知所本阿伽伽此云

隙也隙裂也說文竅空也隙壁際孔也阿伽阿有

二義或言無或云極猶

第二卷

畢舍遮舊經中名毗舍閣亦言辟舍室獸摩羅形如象

律中或作失收摩羅或作失守摩羅梵音轉耳譯云殺

子魚也善見律云鱗魚也長二丈餘有四足似鼉齒至

利有禽鹿入水齧腰卽扁蝠卑眠反下方目反崔豹古
斷者廣州土地有之蝠蝠今注云蝠蝠一名仙鼠一
名飛鼠五百歲色白腦重集物則傷鳥許牛反下力周
頭垂故謂倒挂蝙蝠食之神仙也傷鳥反爾雅鶴忘欺
郭璞曰今江東呼鶴鷁爲鷁鷁音格廣雅鷁鷁鷁鷁
也鷁音邈講反亦云梟鳥晝伏夜視鳴爲怪也關西名
訓侯山東名訓狐纂予干梵言悉伽羅形色青黃如狗
文云夜則拾人瓜野干羣行夜鳴聲如狼也字有作
射干案子虛賦云騰遠射干司馬彪郭璞等注並云射
干似狐而小能緣木射音夜廣志云巢於危巖高木也
禪經云見一野狐又見野干是也斫曰干說文作豺解
云胡地野狗或從犬作犴余雅經獲似狸郭注今山民
呼貓虎之大者爲貓豺音岸疏引字林云豺胡地野狗
似狐黑喙周官射人土以三耦射豺侯卽此獸也又與
干同儀禮大射千五十才狼仕皆反蒼頡訓詁云豺似
鄭注干讀爲豺是也豸狼狗白色有爪牙迅捷善搏
噬爾雅豺狗是也噬音時制反斫曰爾雅豺狗足郭注
脚似狗此引是字乃足字之訛也說文豺狼屬狗聲

猫狸又作猫同亡剿亡包二反下力其反野曰狸鳩摩邏多此

童首謂諸童子胞胎補茅反說文漢唾反古文黼同他計

中為上首也也周易齋咨涕洟自防援禹眷反謂守護視衛之頗眠

目曰涕自鼻曰洟防援言也援亦取也字從手頗眠

迎陟尸反亦言婆破致迦西國寶名也舊云頗梨者訛

遇千年氷化為頗梨珠此或有也但西國極攄掣又作

饒此物彼乃無水以何為化但石之類耳攄掣又作

側加反下又作掣同充世反釋名攄又也謂五指俱往

又取也掣制也制頓之使順已也掣亦牽也斡曰說文

相挹也讀若楷梨之攄凡從且之字若退置之類攸攸文

皆從盧故攄相同方言攄攄取也南楚之中凡取物滿

泥中謂之挹或謂之攄是攄攄又有二讀矣掣說文木

作掣解云引縱曰掣玉篇掣掣竝同掣從愿省聲攄說

文小兒瘰癧病也六書故謂小兒風驚乍掣乍縱慈石

掣也縱則掣而乍舒也瘰癧因掣縱立文也

徂茲反埤蒼礪石 **拊手** 芳主反猶拍也廣雅 **相糅** 古文

也謂吸纖者也 **拊手** 拊擊也案拊亦撫也 **相糅** 古交

二形同女救反廣雅糅雜謂向許亮反三蒼向北 **香菱**

也今以異色物相參曰糅 **向** 出牖也向亦窻也 **香菱**

又作菱字苑作菱同私佳反韻略云胡菱香菜也博物

志云張騫使西域得胡菱是也今江南謂胡菱亦為葫

蘘音胡祇近後 **樺皮** 胡霸皮木名皮 **冠花鬢** 古玩反冠

改亦為香菱 **樺皮** 可以飾弓者也 **冠花鬢** 猶著也下

梵言摩羅此譯云鬢音莫班反案西國結鬢師後用蘇

摩耶花行列結之以為條貫無問男女貴賤皆此莊嚴

或首或身以為飾好則諸經中有花鬢是大鬢寶鬢 **豉**

等同其事也字從髟音所衡反曼聲曼音彌天反 **豉**

桑 桑朗反埤蒼鼓板也字書鼓材也今江南名鼓匡為

壺 桑音五寡反亮吉曰廣韻桑鼓匡木也桑同廣雅

鼓桑謂 **指韜** 今作楷同徒荅反說文指楷韜也今之

之韜也 **指韜** 射韜也站曰說文楷縫指韜也一日韜也

讀若眾與此引異韜也本 **捺落迦** 奴葛反受苦處也或

書卷十四引作韋韜也 **捺落迦** 言那落迦受罪人也

此云不可樂亦云非行謂非法行處也或在山間或大海邊非止地下言地獄者一義翻也

第三卷

扇攄半擇迦

勅佳反舊經論中或言般吒或云般茶迦皆方音輕重也半擇迦此云黃門總其類

有五今此第三扇攄半擇迦者謂本來男根不滿亦不能生子也

眼臉

居儼反字略云謂目外皮也

第四卷

警覺

古文慙傲二形同居影反警誠慎也勅戒之也起也廣雅警不安也斫曰說文警戒也慙敬也本兩

訓苟子

儼詩慙革二兵楊諒注慙戒也是慙警通矣漢

書梁孝王

傳出稱警人言趣顏師古注警戒肅也趣止

行人也

周禮夏官鄭注作

印可

伊振反印信也文記施

傲蹕是

警又通用傲矣

印可

行所在信用也字從爪

下下音

節斫曰說文印執政所持信

勇悍

與腫反下胡

也從爪

從下下即節本字非音節也

勇悍

旦反勇謂雄

武果決也謚法曰知死不避曰勇縣命為仁曰勇說文
悍勇有力也三蒼悍傑也傑謂智出千人也斫曰說文
悍勇也此引**不閑**字體作憫同核艱反閑謂習解之稱
非說文語也**不閑**也慣習工善曰閑也斫曰不閑之閑
本當作閑余雅閑習也曹植王粲誅云何道不洽何藝
不閑是也又通作嫻史記屈原列傳嫻于辭令又作嫻
也憫本作憫說文愉也愉薄也玉篇**意旨**脂以反說文
憫戾也廣韻憫心靜也憫非此用矣**意旨**作指指意也
志**未嘗**也視羊反廣雅嘗試也暫**詔誑**丑冉反希其意道
也**未嘗**也先也未嘗未曾也**詔誑**其言謂之詔謂傾
身以自下也諂亦**橋**亂居天反謂假詐誑惑也說文橋
佞也誑惑也欺也**橋**亂壇也壇稱上命曰橋字體從壬
今皆作矯星衍曰字體從壬壬字當是手**烈**曰離折反
字之誤也說文矯揉箭箝也矯非此用**烈**曰廣雅烈
盛也說文**舉恃**古文怖同時止反恃賴也韓詩無母何
烈火猛也**舉恃**恃恃負也斫曰說文玉篇廣韻皆無怖
字字書有之不言**凌蔑**力昇反下又作憊同韓結反蒼
所本蓋俗字也**凌蔑**顏篇凌侵犯也說文憊相輕傷

也斫曰說文懷輕易也商書曰以相陵

懷此引小異凌懷之凌本當作陵也

不敬也輕傷於焚燒古文爰爇二形同扶雲反說文云

人也逸放縱也焚燒古文爰爇二形同扶雲反說文云

唐捐空也說文捐徒也徒

第五卷

半核娑乃可反舊言波那娑果

鬱單越或言鬱怛羅越亦言市廛治連反梵言阿縛遮

廛而不征鄭元曰廛謂市物邸舍也廛居也人所居也

方言東齊海岱之間謂居曰廛舊云欲行疑誤也案梵

名行為僧軌範又作范同音犯軌則也範法也謂可為

塞迦羅也軌範法則亦教人法則也梵言阿遮利耶舊

言阿闍之僵仆居良反下古文路同蒲北反仰謂

梨訛也僵仆之僵伏謂之仆言偃卧前覆也憤恚粉

反方言憤盈也說文憤員殳又作隕同為愍反聲類
滿也謂憤怒氣盈滿也殳殳云殞沒也亦墜落也達

耳羅云攝受法嗚恒羅鳥沒反此云攝受勝殞耆羅渠

也白鷺來故反白水鳥也頭翅背上皆有長翰毛前

古文孚同辭利反尔雅胡胡妃封反又音封下又作頤

肉窶如駢駢者曰犂今有此牛形小體上有犂是也說

文胡牛頤垂下也釋名胡在咽下垂者也焮曰下又作

頤咽二形咽乃咽之誤說文胡牛頤垂也玉篇廣韻皆

云頤咽同又徐本說文及玉篇廣韻引皆無下字此引

有下字仍未又作訥仍二形同而陵反廣雅仍重也尔

衍文也仍未雅仍因也乃也焮曰說文仍因也訥厚也

唐韻同如乘切無訥字玉篇訥福也中名殍成反名標

又就也亦作仍三字同音相假也中名殍也亦所以

召質也自命也左傳名以制義廣雅名成也字

從口從夕夕則不相見須口以名之字意也文字云

慈恣二反案說文昔蒼頡造書依類像形故謂之哀呵
文其後形聲相益即謂之字字生也孽乳浸多也
鳥可反謂無
義文字也
嗚遮鳥沒反字界也此言合集義界謂字母也

第六卷

羯刺藍盧葛反或作羯羅藍或云歌邏邏皆一也此云凝滑亦言和合謂父母不淨如蜜和酪泯然成

一於受生初七日中潤沃古文沃同烏木反沃猶漑灌也澆也漬也

凝滑如酪上凝膏也作沃隸省作沃諾瞿陀舊言尼俱隨樹或作尼俱律或

洪非古文也云尼拘盧隨皆一也舊譯中天又作天同於矯反諺文

云無節一云縱廣樹也物天折中斷也字從大象形不中鴉足亞加反言草如

也也又不盡天年謂之夭字意也農夫古文農農二形同奴冬反說文農耕也所曰古

農夫

文農農當作農禁農說文本作農籀文從林作

農古文作農
又作農也

第七卷

聳

古文竦懼二形同須奉所項二反廣雅聳上也下

公旦反聳謂莖本也枝幹也星衍曰聳說文作聳
解云生而聳曰聳從耳從省聲竦敬也從立從束束自
申束也懼作懼解云懼也從心雙省聲三字不同然懼
字解引春秋傳駟氏懼見左傳昭十九年今本作聳文
選揚雄長楊賦整輿竦戎李善注引方言云西秦之間
相勸曰聳竦與先兆除知反賈逵注國語云兆見形占
聳古字通也先兆也亦機兆也謂事先見者曰兆占
相之鹽反方言占視也亦侯也出哉郁机反字林咄相
凡相候謂之占占亦瞻也咄哉呵也字書咄吐吐
音齒逸反所曰字書咄吐吐二吐字皆叱字之譌玉篇
咄叱也叱唐韻昌栗切與齒逸之切相同吐字不得有
齒逸切之音也

第八卷

反質

之逸反廣雅質問也亦定也

卵殼

又作殼同口角反吳會間音哭卵外堅也尚在卵中謂之

穀而歟

吁物反蒼頡篇云歟猝起也亦忽也

身纔

在灾反纔僅也劣也不久也廣雅纔暫也三蒼

纔微

固唯

古文作志同古護反固必也小爾雅固亦故也所曰玉篇意護也漏也堅也常也安也案

固字亦有堅固之解故可通作意諸如札南謂斫削木

字書皆以意為固古文未詳所本也

星逆

古文逆或作趙同班孟反逆謂散走也所曰說文無

片為柿關中謂之札或

星逆

逆謂散走也所曰說文無

曰柿札柿音敷廢反

逆字徐鉉新附字有解云散走也蓋逆字古與屏字通

借禮王制屏諸遠方與大學逆諸四夷解同故說文有

屏無逆也玉篇逆散走也或作

囄柁南

烏沒反下徒我反囄此言集柁

趙趙走也知逆逆趙皆通矣

囄柁南

反囄此言集柁

南此云施謂集

琰摩

以舟反或作閻摩羅或言閻羅亦

以施柁字從木

琰摩

作閻摩羅社又言夜摩盧迦皆是

梵音楚夏聲之訛轉也此譯云縛或言雙世竊謂苦樂並受故以名焉又云閼摩此云雙羅社此言王兄及妹皆作地獄王兄治男事妹治女事故曰雙王也

第九卷

俱胝陟遲反或言俱致此當億謂千万也或十萬為億或萬萬為億西國俱胝或千万或十億或百億甚

不同故存訖栗枳居紙反即迦葉佛父王之名也諷頌方鳳辭用二反

本名耳以聲節之曰熊馬胡宮反說文熊如豕山居多蟄其掌似人掌名曰蹠音煩亮吉日說文熊

獸似豕山居冬蟄從能炎省黃盧彼宜反爾雅羆如熊聲此引多字乃冬字之誤也羆黃白文郭璞曰似熊

而長頸似馬有髦高脚猛憨多力能拔此愛之羯吒私別名也

木闕西名猥羆憨音呼濫反猥音加羯吒私渠偃反茅廬力居反寄止曰廬別舍也黃帝為廬鍵南舊云伽

所以避寒暑也春秋去之冬夏居之

訶那此云堅厚至第四
悶 **跽** 鄧冀反詩云我思不悶傳
七日肉團方堅厚也

作濇同所立反謂不滑也字
醫者 於其反說文治病工
從四止四止即不通字意也

藥非酒不散故字從酉毆病人聲也毆於奚反或作鑿
翳二形並俗字也星衍曰說文醫病工也毆惡姿也醫

之性得酒而使從酉王育說一曰毆病聲酒所以治病
也周禮有醫酒此引畧也廣韻鑿同作翳者乃翳蔽字

也 **嬰兒** 於盈反三蒼女曰嬰男曰兒釋名云人始生曰
嬰兒 嬰兒前曰嬰投之嬰前而乳養之故謂嬰兒

也 **睽末梨** 式染反滑草也用 **潰爛** 古文殞同胡對反蒼
之洗手甚滑澤也

潰漏 **叵觀** 普我反三蒼云叵不可也反 **為述** 唇韋反孔
也 正為乏反可為叵皆字意也

也案述謂訓其義理也 **涕淚** 他禮反詩云涕泗滂沱傳
爾雅述循也循行也

廣雅涕離繫 亦云不繫梵言尼乾亦言泥犍連其外道
泣淚也

泣淚也 離繫 拔髮露形無所貯畜以手乞食隨得即瞰

食播輸鉢多補賀反亦作波輸此是塗灰外道遍身塗

異耳奉事摩醯般利伐羅勾迦亦言簸利婆羅閼迦此

留少髮餘盡剃去內衣在體纔蔽形醜其衣染以赤土之色也

第十卷

龍鎮知陣反又音珍說文鎮壓部多已生義含多解飢

饑古文作飢又作饑同凡治反爾雅穀不孰為飢蔬不

集韻乃俗字也非古文說文飢訓洋銅以章反謂煮之

餓也饑訓穀不孰今皆互用矣洋銅消爛洋洋然也

三蒼洋大水兒也瞻部時焰反樹名也舊經中或炎石

字略作煬釋金也三灾籀文作災又作裁秋二形同則

一切經音義卷二十四 八 海山仙館叢書

曰灾又天反時曰灾灾亦病也析曰灾說文本作沐浴
裁解云天火曰裁或作灾古文作𣎵籀文作災也沐浴
莫卜反說文濯髮曰沐洗身曰浴亮吉日說文沐濯髮
也浴洒身也洒滌也洗洒足也洗洒不同此引以洒為
洗誤也埃塵鳥來反蒼頡篇性囂謂謹譁不靜也

第十一卷

踰繕那

市戰反此云合也應也計應合計度量同此方
驛也自古聖王一日行也案西國繕那亦有大

小或三十里或四十里昔來皆取四十里為定舊經論
中或作踰閼那或作由延亦作由旬或云俞旬皆訛略
也諾健那謂露身大如箬蒼頡篇作圖同市緣反圓倉

江南行此音又上搏擊徒桓反搏圓也厚也廣雅蘇迷
仙反中國行此音搏擊搏著也搏之令相著也

盧此云妙高山亦言好光山舊踰健達羅舊言由乾陁
言須彌或云須彌樓皆訛也

雙山言此山峯有伊沙馱羅舊云伊沙唵羅此云自在

二隴道因以名之

諸峯形如車去謁反此云檐山木言此山軸故以名也寶樹形若檐山木遂以名之蘇

達梨含那此云善見言此山端嚴繡頰濕縛羯拏鳥葛反此

云馬耳言此山峯形毗那怛迦都達反此云有障礙神

如馬耳因以名之

見他事皆為障礙此之山尼民達羅舊言尼民陀羅此

峯似彼神頭故以名也

言海中有魚名尼民達羅此吠瑠璃扶廢反舊言鞞梨

山峯形似彼魚頭故復名也

也或云毗瑠璃亦作鞞瑠璃皆梵音訛轉也從山為名

鞞頭梨也山出此寶謂遠山寶遠山即是蘇迷盧山也

此寶青色一切寶皆不可壞亦非煙焰所能鎔鑄唯有

鬼神有通力者能破之為物或云金翅鳥卵殼此殼即

是此寶鬼神破舍提洲勅皆矩拉婆洲略縱廣足容反

之以賣與人也

表縱長也韓詩說曰南**宛伽河**其昇反諸經論中或

北曰縱東西曰廣是也恒河或言恒伽河恒河從無熱惱池東面多

恒伽河或作强伽河皆訛也此河從無熱惱池東面多

口而出流入東海舊譯云天堂來以彼外書云本入摩

醯首羅天頂從耳中出流在地上以此天化身在**信度**

雪山頂故作是說見從高處而來故云天堂來也

河舊云辛頭河此云驗河從池南徙多河斯爾反或言

面銀牛口中流出還入南海也徙多河私多或言悉

隨亦言私隨皆梵音之差也此云洽河從無熱惱池西

面瑠璃馬口而出流入西海即是此國大河之原其派

流之小縛薊河舊言博又河或作簿又亦云婆又河又

河也縛薊河言嚙又河皆一也此云青河從池北面

頗黎師子口中流出入**塘煨**徒郎反下烏迴反通河鼻

北海即此黃河似是也塘煨俗文熱灰謂之塘煨河鼻

旨一義也此云無閒無閒有二一身無閒二受苦無閒

娘矩吒女良反下俱禹反此云糞屎蟲有紫策利子累

如針亦名針口蟲穿骨食髓者也

雅策口也方**𠵽食**古文𠵽又作𠵽同子益反通俗**銛利**

言策鳥喙也**𠵽**私廉反廣雅銛籤利**探喙**他舍反說文手遠取曰探模

也謂刀銳曰銛也**探**也𠵽曰說文揅遠取也本書

卷十一引作手遠**鐵仗**治亮反執持名仗謂兵器**刀槍**

取也此引衍模字**鐵**總名也刀稍梓棒等皆是

千羊反蒼頡解詁云木兩**禦捍**古文歌同魚舉反小爾雅

頭尖銳曰槍說文槍距也**禦捍**雅禦抗也禦當也爾雅

禦禁謂未有而預備之也字從示下又作扞同胡旦反

說文捍止也蔽也亦衛也𠵽曰古文歌當作𠵽說文𠵽

禁也一曰樂器控楬也形如木虎釋名𠵽衛也衛止也

所以止樂也此禁𠵽𠵽止本字也禦說文云祀也禦祀

之義今不適被三蒼古文作這同之赤尸亦**尼刺**洛割

復見矣**適被**二反適近也始也又往也**尼刺**反此

云裂言身**頰𠵽**鳥曷反下陟黠反**臙臙婆**呼各反此

皸裂也**頰𠵽**此從聲為名也**臙臙婆**皆從受苦

之聲為**支派**普懈反水分流曰派說文水之邪**俱盧舍**

名也**支派**流別也廣雅水自汾出名派也

諸經中或作句盧舍或作拘樓賒亦作拘屢舍皆梵音

輕重也謂大牛鳴音聲聞五里又云五百弓八俱盧為

一踰繕那即四十里古稼穡加殿反下所力反字林種

者聖王一日所行也稼穡日稼收日穡說文禾之秀

實曰稼一日層級才登反下居及反說文層重封邑逢

在野曰稼屋也亦壘也級謂階次也反起土為界封爵也周禮四井為邑方二

里也凡邑有宗廟先君之主曰都無曰邑妬羅綿反舊

言兜羅角勝古文辭同古卓反角比量也禮記習射禦

綿也角勝角力廣雅角量也角試也說文角平斗解

也並單作角或作摘此古文粗字音在古反摘略也所

曰古文辭當作辭說文辭平斗斛也不單作角玉篇云

辭今作芬馥敷雲反下扶福反方言芬和也擁遏反蒼

角也芬馥謂芬香和調也字林馥香氣也擁遏反蒼

韻篇遏遮也爾雅遏止笑視私妙反字林笑喜也字從

也今謂逆相止為遏也笑視竹從犬聲竹為樂器君子

樂然後笑又作笑俗字也所日說文無笑字徐鉉云唐

韻引說文笑喜也從竹從大而述其義今俗皆從犬又

案李陽水刊定說文從竹從天義云竹得風其體天屈
如人之笑陽水及此所解字義皆屬穿鑿此云從犬聲
尤與笑聲無涉惟又作矣字八者象笑時口
上之文天者聲也此恐非俗字惜無考耳
印度反下
徒故反或言天竺或云身毒或作賢豆皆訛也正言印
度印度即度名月月有千名斯稱一也良以彼土聖賢
相繼開悟羣生如月照臨因以名也一說云賢豆本名
因陀羅婆他那此云主處主謂天帝也當以天帝所護
故世久
婆訶麻
婆訶此言箴或云箴麻
佉梨此云一斛
號也
洲渚之與反爾雅水中可居曰洲小洲曰渚洲謂水中
有平地可居也釋名云洲聚也人及鳥獸所聚息
處
焚燎古文燎同力照反燎謂放火也
灰燼又作裘同
也
文火之餘木曰燼
僧企祛鼓反此言無央數
嗚蹯鳥沒
小爾雅燼餘也
倉鄧
婆喝呼曷
醯都虛奚
粘後乃兼
姥達莫古
反
羅攬又
監

反
麟角
理真反仁獸也爾雅麟麋身牛尾一角不角者

角
麋牝也故云不角者麋說文麟字本作
目僚
又

僚
同力彫反爾雅
喬荅摩
借音渠喬反姓也喬猶瞿之

官寮也同官為僚
鬱馥
於勿反下扶福反爾雅鬱

也舊云瞿曇略也
銓量
又作砣同七泉反

狂
齒揚反謂變易情性也亦狂
銓量
廣雅稱謂之銓言

知輕重也漢書應劭曰
貧匱
渠愧反無財曰貧乏
輟其

銓稱衡也量斗斛也
訶梨怛雞
舊言訶梨勒翻為天主持來

爾雅輟已也
殷淨
於斤反詩云殷其盈
霖淫
力金反左傳

此土人參
霖淫
云雨三日已

謂之淫淫謂之霖
瞽目
一作瞽目病生翳也斨曰說文無

醫字翳字解云華蓋也亦無日病之說此引不知所本玉篇云醫眼疾也

第十三

鬱金

此是樹名出蜀賓國其花黃色取花安置一處待

香

爛壓取汁以物和之為香花粕猶有香氣亦用為

也

火糟

祖勞反字林糟燒木焦也說文糟焦也

寐覺

密庇反寐眠孰也國語獻公寢反不寐是

也亦

隄塘

古文隄同都奚反下徒郎反說文隄塘也爾

卧也

雅隄

謂之梁李巡曰隄防也障也漢書無隄

之與

韋昭曰積土為封限也

心栽

子來反栽植也今時名草木植曰栽

所曰

隄古文隄字見玉篇

瘡

又作瘡同故護反久病也說文瘡病也所曰瘡說文

本

作瘡解云久病也此引脫誤亦通作固禮月令國

多

固疾是也又通鋼漢書

賈誼傳必為鋼疾是也

第十四卷

正學

荒言式又摩那謂三歲學戒者也

或趨

求累反今江南謂屈膝立為踞趨中國人言胡踞音

其上反胡音護踞音丈羊反禮記授立不趨作跪借字耳斫曰趨說文木作跪解云拜也集韻作趨云與跪同然則跪為正字制多舊言丈提或云脂帝浮圖皆訛也

趨乃俗字耳

制多

此翻應名可供養處佛涅槃處生

處說法處悉名制多

娶妻

七句反取也詩云娶妻療病如之何傳曰娶取婦也療病

皆須供養恭敬也

說文作療同力照反三蒼療治病

宰羅迷麗邪末陀

音

也姑曰說文療治也或從寮作療蘇漫反宰羅米酒也迷麗邪謂根

稗子

蒲懈反說文曰禾別也草之似

莖花葉雜酒也末陀謂蒲甸酒也

穀者

也

第十五卷

屠羊

達胡反說文屠剗也廣雅魁膾苦迴反下古外反屠壞也案屠分割牲肉也魁膾魁師也首也膾切

肉也主殺人者也或有作僧音

置涼

古文羅置二形同子邪反下渠亮反

爾雅兎罟謂之罟郭璞曰罟遮取兎也韻集云施罟於道曰罟今畋獵家施罟以取鳥獸者其形似弓也斨曰說文置兎网也或從糸作羅籀文從盧作罟字書皆無罟字乃置字之訛也集韻云置古作羅**典刑**伐又作數同丁繭反廣雅典主也下胡經反刑罰罪也易曰刑法也井為刑法也春秋元命苞曰刑字從刀從井井以飲人人入井爭水陷於泉以刀守之割其情欲人有畏慎以全身命也故字從刀從井斨曰說文數主也典五帝之書也莊都說典大冊也然則數主之**凶教**又數當作數典冊之典當作典今數皆借用典矣**凶教**又兕同許恭反下古文諄愬二形同蒲沒蒲憤二反凶暴也兕惡也悖亂也亦逆也星衍曰說文凶惡也兕擾恐也二解不同今皆互用說文諄亂也或從心作悖籀文從二或作薺廣韻諄言亂也愬昏亂也教教卒旋放之兕解各不同今**乞匈**古艾反蒼頡篇乞行請求也字體皆假借互用也**乞匈**從人從亾言人亾財物則行求匈

也毗訶羅亦言鼻訶羅此云遊謂僧淮陀止尹反此云

陀訛難愈古文瘡同史孔反說文陶家又作甸同大勞

也記陶瓦器也蒼頡篇陶作瓦家也舜始為陶于河濱是

音鹹鹵胡緘力古反說文鹵謂西方鹹地也确薄之地

姚方釋名云地不生物曰鹵坑葬古文阱菜二形同才性

故字從西省下象鹽形也坑葬反說文大陷也蒼頡篇

甯謂掘地為坑瘡觸初委反瘡模也通俗文捫模曰瘡

張禽獸者也養飢囚恣反廣雅餒飢也蒼頡篇飢飽也謂以飲

也量養飢食設供於人曰飢故字從人餒音於僞反或
作餉俗猜阻古文賊猜二形今作惓同波刺私羅葛
字也猜阻來反猜疑也廣雅猜懼也
言波斯或言波斯國名也臨近西海最饒寶物諸
國商人皆取其貨斯以龍威珠力古昔推焉耳
尼近

底

此言深入義貪之異名也言窮極無歇故以名也

布灑他

所解反此云增長謂半月又磨增長

戒

根也又磨此謂忍謂容恕我罪也舊言

佞歌

奴定反

也

說文巧媚高材曰佞又偽善曰佞字從女從仁論語

惡

夫佞者此則從女之義左傳寡人不佞不能事父兄

此

則從仁之義也所曰說文佞巧謂高材也

毀

些古文

從

女信省此云從仁并解字義皆不知所本

毀

些古文

二

形同子爾反說文咎阿也禮記咎者莫不知禮之所

生

鄭元曰口毀曰咎所曰說文咎苛也本書卷十四引

作

阿也此作

倡伎

齒揚反下渠綺反說文倡樂司祀似

阿

乃誤字也

倡伎

也三蒼倡俳也伎謂藝能也

反

下徐理反爾雅祠祭也

又

天祭曰祠地祭曰祀

第

十七卷

替

善

他計反爾雅替廢也止

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

也

替滅也謂滅絕也

布刺拏

洛割反或作補刺拏此云滿舊言富

蘭那 龍戾 經中或作龍同祿公反下三蒼作倮 乖穆 又

也 同力計反很戾也謂很戾剛強也

睦同莫穀反睦和也 堯角 苦交反下胡角苦角二反孟

爾雅睦敬也厚也 石礪 子曰礪礪薄墾地也通俗文

物堅韞謂之礪礪堅韞則不宜五穀也 斨曰孟子則地

有肥礪趙岐注礪薄也此引非孟子語不知何書之誤

果 辛 字苑作蕝同盧葛反通俗文辛甚曰蕝江南言蕝

束 中國言辛斨曰玉篇蕝辛蕝也字苑作蕝不知所

從恐 後填 古文寘同徒堅反廣雅填塞也斨曰說文亢

誤 填字解云塞也唐韻陟鄰

切二切不同實一字也

第 第十八卷

後炮 又作醕同蒲孝反小腫起也說文炮面生氣也斨

曰本書卷九卷十四卷二十二引說文皆作面生

熱氣也惟此引與說文同無熱字玉篇作面皮生

氣也玉篇面部又有醕字解云面瘡也義亦相同 溫誦

烏昆反論語溫故而知新何晏曰溫尋也鄭元注禮
記云後時習之謂之溫煇也取其義矣背文曰誦 三

罰扶發反罪之小者大娑羅樹名也是大富貴家義也
曰罰罰亦折伏也

皆呼為荷負又作拘何二形同胡歌胡可二反小爾雅
娑羅也荷負何揭擔也何任也斫曰拘字見集韻與荷

同俗被斫思歷反折分也字從斤分底沙丁禮反舊云
字也木為斫今俗作枴皆從片

也赫奕呼格反下餘石反小爾雅作赫燿明末度迦果
赫奕也廣雅赫奕盛明也字從大燿音亦

謨鉢反舊云摩賃婆果女鵠反形如此苦棟馱都徒餓
頭此言美果也樹也棟音力見反

堅實也此亦如來
體骨舍利之異名

第十九卷

藹羅筏拏

烏艾反舊羅伊羅鉢多羅亦云哩羅鉢多羅
伊羅此云香鉢多羅此云葉名香葉象也

第二十卷

姬媵

居疑反下餘證反漢書文帝母薄姬如淳曰姬衆妾之總名也姬亦女官也秩比二千石位次婕妤

下左傳以媵秦穆姬杜預曰送女曰媵媵送也寄也公羊傳曰媵者何諸侯一國嫁女則二國媵之以姪娣從

釋名云姪娣曰媵媵承也承事適纏壓周成難字作甯也今三品曰姬五品曰媵是也

反蒼頡篇云壓鎮也笮也抄音祖曷反斫曰說文入觚刺血謂之甯難字訓抄王篇抄逼抄也抄乃俗字甯笮

皆抄本字說漏泛今作犯同敷劒反廣雅漂激匹遙反文笮迫也

反浮吹曰漂流急曰激漂亦搖揚也

第二十一卷

尤重

有周反尤甚也亦多也異也過也

防邏

謂力賀反戌屬也韻略云邏謂循行非違也遊兵以禦

寇者 藪膏 徒登反下亡登反韻 集云藪膏失卧極也

第二十二卷

一 睫

說文作睪釋名作眇同子葉反目傍毛也山東田里間音子及反

有序

古文序同徐與反次

也有次序也白虎通曰序者序長幼也所曰古文序見王篇云今作序

藪豆

甫蜜反人家亦種之堪食

用為藻豆

深

馬所更反蒼頡

悵望

勅亮反說文悵望恨也

蟲胆

餘

極佳也

反通俗文肉中蟲謂之胆

膽又也

寬

作膽同

苦

昆

二反

豚

三蒼蠅乳肉中曰胆

也

反說文

股外也

北人用此音

又方爾

也

廣雅

膽豚

豚

也

反江南

行此音

或作

脛俗字

也

所曰

說文

膽髀上

也

廣

韻

體也

譬也

苦昆

切

見

二十三

菟

膽

兩股

間也

官

切

見

二十六

桓

本兩

解集

韻乃

云

膽

通

股

也

古文

作

脾此

引并

本一

磔

古文

庀同

知

書

卷

十二

引

皆有一

外字

一

磔

文

張

申曰

磔廣雅

也開 **吠嵐婆** 力含反案舊經論中或作毗藍婆或言旋
也 藍婆又作鞞嵐婆或作隨藍婆皆梵之楚

夏耳此云
迅猛風也

第二十三卷

循身 古文昶同似遵反爾雅率循自也郭璞注曰又為
循行也循亦遍也巡歷也所曰古文昶當作徇說

文徇行示也司馬法斬以徇今通 **欽重** 去金反欽敬也
用循說文循行順也與徇不同 諡法曰威儀備

悉曰 **披閱** 餘說反簡閱也小爾雅云閱 **飲光部** 梵言迦
具也具數於門中曰閱也 葉波迦

此葉云光波此云飲今依此閒語名飲光有二義一迦
葉波是上古仙人此人身有光明能飲諸光令不復現

此羅漢是彼種故因以名焉二此阿羅漢身作金色常
有光明以閻浮檀金為人并此羅漢身光飲金人光不

復現故 **臺觀** 徒來反下古玩反爾雅四方而高曰臺又
名飲光 **臺觀** 云觀謂之闕孫炎曰門雙觀也釋名云觀

者於上
觀望也

第二十四卷

檐怕

徒濫反下囚白反說文檐安也謂檐然安樂也檐亦恬靜也怕靜也無爲也子虛賦云怕兮無爲檐

今自

憍陣那

除云反舊云憍陳如訛也此云火器是姓阿若是名亦云初智以最初悟無生而得

智由本
願也

唯目

莫鹿反目謂紀錄也又條目也

第二十五卷

楷定

口駭反廣雅楷模品式法也

喬底迦雖蹶

又作蹶同居月巨月二反說文蹶僵也仰

臥也斫曰說文蹶僵也子曰跳也或從闕作蹶仰臥之訓非說文語

第二十六卷

一七終言事卷二十一

金礦

古文砮同古猛反說文礦銅鐵璞也所

登祚

徂故

位也國語云天地之所祚賈逵曰祚祿也

第二十七卷

那羅延

那羅此翻為人延那此云生本謂人生本即是梵王也外道謂一切人皆從梵王生故名人生

本蟠結

蒲塞反禮記而蟠于地鄭元曰蟠委也廣雅健也蟠結蟠曲也迴也方言未昇天龍曰蟠龍是也

馱梨

持呪女名也從國為名此女聲呼之男聲猶健馱羅國也

伊利尼

又點反此云古相觀察

曼馱多

莫槃反此云我養則頂生王之名也

第二十八卷

阿笈摩

渠業反此云教法亦言傳謂展轉傳來相教授也

第二十九卷

怨讎

視由反憎惡怨憾曰讎讎對也爾雅讎匹也春秋傳怨偶曰讎是也青瘀於慮反說

也廣雅

由鄙

悲美反鄙惡也廣雅鄙恥羞愧也

依怙

胡古反爾雅怙恃也韓詩無父何怙

怙賴

爾焰

余瞻反此云所知舊作爾炎一也

確陳

碑蒼作搞同苦學反廣雅云確謂堅韌牢

固也

斫曰搞集韻同敵橫摘

儒童

而俱反說文儒柔也謂柔悞也童幼也謂

也稿非確

用未

知何以相通

頻毗婆羅或言頻婆娑羅亦云萍沙王一

幼少也梵言

頻毗

娑羅

此云顏色端正或云色像殊

摩納縛迦

妙又頻婆是也

刻婆柁梨

徒我反是西方一類小乘

木彩畫等形像也

勒具

曹何反此十二月星

伐蹉

則婆羅門姓也

如

毗忍反說文畜母也雌曰牝

嗚求其牝非但畜也

牝詩曰雉鳴求其牝非但畜也

一七系言義卷二十四

制怛羅

都達反人名也此正月

普莎訶

蘇和反普呪聲也莎訶此云善

說拘緣

俱禹反下以專反廣志云似橘而大如飯簇可也浣濯漚葛紵也今出番禺以南縷切密漬為

糝食之甚佳

簇音呂

紫礦

古猛反謂波羅奢汁也其色

番音潘

桑感反

紫礦

赤用染皮攪也其樹至大亦

名甄叔迦

一物也花大如升極赤葉寺瓢瓠女良反如瓜

至堅勒商人

縫以為袋者也勒音刃日襄瓠中瓢瓣也

辦音蒲

莧反

瓢而羊反

一切經音義卷二十四

一切經音義卷第二十五 小乘律

大慈恩寺翻經沙門元應撰

阿毗達磨順正理論第一卷

嘉瑞賈遐反下時惴反爾雅云嘉善也美也蒼頡篇阿瑞應也信也言有善美之德卽應之以信瑞也

氏多常爾反此云無勝舊言阿嗜多或作訕言蒼頡篇阿逸多皆訛也是彌勒今生名也

云訕誹也廣漏洩息列反廣雅洩溢也指鬘莫斑反卽央

雅訕誹毀也漏洩也發也亦漏也指鬘指髮也烏盧頻螺迦葉波

掘此云指鬘羅此言鬘或云結斷人烏盧頻螺此云木瓜林在此林下修道因以名焉迦葉波是姓舊

言優樓頻螺正法華經云上時迦葉兄弟三人居長者也唐攪古卯反唐徒也往空也字書攪攪也怛策迦達

也唐攪撓音呼刀反撓攪也說文攪亂也怛策迦達

反下初革 **扣擊** 說文作敔同苦 **愀奕** 如果反下而究反
 反龍名也 **扣擊** 厚反敔亦擊也 **愀奕** 三蒼愀弱也廣雅
 奕柔 **稱權** 渠負反廣雅稱鍾謂之權權重也知輕重也
 也 **稱權** 字從手斤曰說文權黃花木從木藿聲一曰
 反常是稱鍾之權即從
 木之權此云從手大謬

第二卷

茗然 徒彫反茗薺也遠 **瞿波洛迦** 此云牧 **宰堵波** 蘇涉
 也 **茗然** 也薺音徒計反 **瞿波洛迦** 牛經也 **宰堵波** 反下
 都古反此云廟或云墳或言聚相謂累實等高以為相
 也舊言藪斗波或云偷婆又言塔婆皆方下輕重耳

第六卷

晦冥 呼對反爾雅云霧謂之晦言霧則天地交 **雲霧** 又
 合冥冥無所覩見也劇霧則晝昏冥也 **雲霧** 作
 氛同敷雲反釋名云氛粉也潤氣著草木因冷則色凝
 白若粉也爾雅云地氣發天不應曰霧霧陰氣濕也

廓清

口郭反爾雅廓大也所頒又作班同補姦反小爾雅頒敷布也爾雅斑通賦與也

第七卷

彈斥

徒干反下鵠亦反廣雅彈抨也漢書音義曰眩曜斥不用也亦疎遠也斥指也抨音普庚反

胡麵

反廣雅眩頑五鰓反下魚巾反廣雅頑鈍也蒼

惑亂

也照明也頑韻篇惡也左傳心不則德義之

經為

頑口不道逞丑并反說文逞通也小爾雅逞快

忠信

之言曰逞也方言自關而東曰逞江淮陳楚

之閒

曰好也逞說文逞通也楚謂疾行為逞春秋傳

曰何

所不逞欲蓋逞字本有兩解故方言亦兩見一曰

速逞

疾也東齊海岱之閒曰速楚曰逞一曰逞曉快也

自關

而東或曰曉或曰逞江淮陳楚之閒曰逞自關而

西曰

快此引聰以芮反聰聽微也方維以佳

方言

謨也聰也又先知曰聰深明日方維反廣

雅維

隅也淮南子云天有四維是也

第八卷

躊躇

腸留反下腸誅反廣雅躊躇猶豫也亦躑躅也

異生

梵言婆羅必栗託乞那婆羅此云愚必栗

託此云異乞那此云生應言愚異生異云小兒別生亦言嬰愚凡夫又小兒凡夫皆一義也

第九卷

躁動

又作趨同子到反躁擾也不安靜也釋名躁燥也言物燥即動而飛揚也

中庸

以鍾反廣雅中

平也庸和也小爾雅庸善謂平和善人也

第十卷

蚩笑

昌夷反小爾雅蚩戲也蒼頡篇蚩輕侮也笑喜弄也字從古止即之字也

褒貶

補高反下碑儉

反案褒揚美謀義莫侯反謀論也議圖也敵論廣雅敵也貶黜退也言議事為謀詳論曰議也敵論廣雅敵

當對也爾雅敵匹也惶亂胡光反惶謂憂惶在心之兒也寔多是
反爾雅時寔是也說文寔止也

第十一卷

貪輓又作扼同烏革反所以扼牛謫罰都革反通俗文

也亦罪過也輓亦輓也輓音革謫罰罪曰謫謫責

罰折伏也輓輓莫崩反下公內反三蒼我頃邱穎反

頃列侯問案有頃猶須吏之間也亦不久也所曰我當

作俄說文俄行頃也玉篇俄頃也說文頃頭不正也假

為頃忌憚渠說反下徒憚反廣雅忌恐畏顧眄孤布反

刻字忌憚疑難也說文忌憎惡也顧眄下眠見

反說文還視曰顧邪視曰眄也

第十二卷

一七系子事卷二十一

幟幟皆從遙反下昌志反通俗文微號曰幟私記曰幟字

兩通所引通俗文微號曰幟微當當作微或作微說文

微幟也以絳微帛著於背春秋傳曰揚微者公徒今左

傳作微見昭公二十一年杜注微識也正義微識制如

旌旗書其所任之官與姓名於其上被之於背釋文識

本又作幟蓋微公幟私故末奴沙謨鉢反亦言摩

云微號曰幟私記曰幟也末奴沙菟沙此云人魍魎

古文螭螭二形同亡強力掌二反說文螭螭山川之精

物也通俗文木石怪謂之魍魎也星衍曰說文作螭螭

徐鉉以魍魎為俗字其實左傳只作罔兩為最古國語

作螭螭與說文同魍魎二字已見玉篇亦繇來久矣

濕縛羯磨天此云種種工業案西國加趺古退反爾雅

其義謂交足坐也經中或作結交趺坐是也山東言甲

跌江南言跔跨跔音平患反跨口瓜反有從足作跔文

字所無也鳥陀夷此云出現我也

第十三卷

嬉戲

又作僖同虛之反說文僖樂也蒼頡篇僖戲笑也

汝曹

又作瞽同自勞反史記十餘曹修之

如淳曰曹輩也亮吉曰曹

毗瑟姦奴故反天名也舊言說文本作瞽隸變為曹也

毗瑟姦

毗紐天亦言毗樓紐

天訛也

第十四卷

梯墜

都鄧反廣雅墜履也依之而上者也字從自

室路迦

舊言輸盧迦或云首盧迦又言首盧

柯案西國數經之法皆以三十二字為一室路迦又多約凡夫作世間詠者也此則闡陀論中之一數也

第十六卷

昇陟

砥棘反言進達之昇曰陟詩云陟彼高崗陟登也爾雅陟昇也謂登昇之也

痲痛

蒲罪反下

盧罪反字略云痲癩
小種也今取其義
波沓波種徒荅反則婆
羅門姓也

第十八卷

池沼之繞反說文
沼池小池也
命命鳥梵言耆婆耆婆鳥也
子息思力反兒子
曰息息者氣

在人身中所稟以生也東觀漢記云此蓋我
子息事也今人出錢生子亦曰息義一也

第十九卷

是疇除留反楚辭誰可與子匹疇王逸曰二乳醅又作
人爲匹四人爲疇疇類也亦作伴侶也
匹迴反謂未漉酒也言乳能成醅醅能成酒也亮吉日

醅集韻或作醅案說文醅從酉音聲音從否聲否從口
從不醅之作醅廣樹攬文作封同時注反廣雅樹立也

即從音之省也
廣樹攬文作封同時注反廣雅樹立也
曰攬文作封之封
屢辯力句反尙書屢省乃

當作封見說文
屢辯成孔安國曰屢數也

第二十卷

持絹

又作冒同古犬公縣二反聲類云冒以繩係取鳥獸也

挽出

古文輓同無遠反說文輓引車

也

鄙俚

字體作野同力子反說文五鄙為鄙鄙野也蒼頡篇國之下邑曰野漢書質而不野如淳曰雖

質猶不如閭里之鄙言也鄙猥陋也

尙年

市讓反蒼頡訓詁云尙上

廣雅鄙猥也

也猶盛

衰耄字體作瘵同所龜反說文瘵減也損也禮

年也

今作耗

同莫報反禮記八十曰耄謂昏忘也閭亂也所

日說文衰草雨衣也秦謂之萆唐韻蘇禾切瘵減也一

日耗也唐韻楚追切衰笠之衰與盛瘵之瘵原係二字

詩小雅何衰何笠唐石經加艸作蓐而瘵減之字遂借

用衰矣耄說文作毫廣韻又作耄見經典省此云古文

毫耄乃蓐耄之訛也今作耗說文作耗解云稻屬詩大

雅耗斁下土正義引韓章句云耗惡也廣雅耗減也耗

不當與耄通然荀子修身篇云多而亂曰耗是耗又有

亂訓惛耄耗亂

鳩摩羅設摩

此云童寂多造詩詠者扇帙略外道名也造因明者

義亦可假也
郎毗毗婆沙中
扇提羅外道也

第二十一卷

無繁

扶袁反詩云正月繁霜傳曰繁多也盛也

水濯

從角反說文濯滌也洒也謂以水淨物曰濯也

設支

舊言舍脂此云能縛謂女人若可愛能生男子染著通名設支

第二十二卷

荏苒

而甚反下而琰反言須臾也

阿奴律陀

亦作律盧骨反此匡助云隨順義人名也

邱方反爾雅匡正也助佐也亦復也

世羅鄔波

鳥古反此云小石也

屬斯

之欲反屬著也亦連

續也
適也

第二十三卷

師雨

千矩反謂雨安居也

童堅

殊庾反謂寺人未冠者之名也使通內外之令

以其無有禮

蕭蛸

音蕭蕭爾雅蛸蛸一名長跖跖音居

入出便疾也

蟪蛄

蟪蛄反郭璞曰小蜘蛛長脚者俗呼為

喜子詩云蟪蛄

蛄

古文班同胡公反俗音絳爾雅音義

蛸在戶是也

蛸

雙出鮮盛者為雄雄曰虹暗者為

雌雌曰蛸蛸音五

蛸

說文蛸蛸也江東呼為蛸蛸江

名虹攻也純陽攻陰氣也

蛸

音帝蛸音董折曰蛸蛸江

東呼雲音芋見爾雅郭注陸德明釋

縛

縛喝國臨縛芻河

文云虹郭音講俗亦呼為青絳也

縛

其國中有如來澡罐可一斗餘衆色炫炳金石難名又

有佛牙又有佛掃帚迦奢草作也長二尺餘圍七寸其

把

雜寶波吒釐也是一華樹名因此華樹以目城也

第二十四卷

尺蠖

鳥郭反說文伸屈蟲也爾雅蠖尺蠖一名步屈宋地曰尋桑吳人名桑闔闔音古合反即桑蟲也

阿泥律陀

皆一也此云無滅亦云阿毘樓駄亦言阿泥盧豆

於八十劫人天之中往來受樂于今不滅故云無滅月又所求如意亦名如意即甘露飯王之子佛堂弟也

友

蒲崩反下于久反說文同門曰朋同志曰友廣雅友親也愛也所曰說文朋古文鳳象形鳳飛羣鳥從以

萬數故以為朋黨字友同志為友從二又相交友也無

同門曰朋之文此引誤易兌卦君子以朋友講習正義有同門曰朋之文而不言所出周禮大司徒聯朋友鄭

注曰同師曰朋案弟子之弟子為門人同門即係同師也此特望文為義方域為逼反域居也說文域邦周禮

耳初無所本也

方域

方域謂建邦國造都鄙制鄉邑

所曰域說文本作或解云邦也從口從戈以守一地

或從土作域或即今國字也後人借作疑惑之惑別制

國字而或之本解遂亡此方域亦猶疆告毒口木反謂

域畛域耳引說文域字之解未比附也酉毒暴虐也說

文酷急也甚也白虎通冀除又作覲同羈致反飄鼓匹
日酷極也教令窮極也冀除
反下公戸反飄吹也鼓動也
也案凡動物皆謂之鼓也

第二十五卷

師徒

達胡反類也莊子云孔邱之徒司馬彪曰徒弟子也

仁孝

而親反愛人以及物曰仁上下相親

日仁貴賢親親曰仁殺身成人曰仁爾雅善父承稟鄧
母為孝諡法曰慈愛忘勞曰孝從命不違曰孝

反稟受也

第二十六卷

苟欲

公厚反廣雅苟且也亦誠也

言詞

魚鞮反下似資反直言曰言言已事也答述為詞為人說

也禮記三年之喪言而不詞是也言亦云也發端也說文詞者意內而言外也亦審言語也

第二十七卷

𠂔度

案詔定古文官書圖𠂔二形同達胡反下徒各反廣雅𠂔度也議也計也度量也所曰說文𠂔𠂔也

唐韻

方美切圖甘畫難也唐韻同都切集韻𠂔與鄙通

爾雅

圖謀也𠂔𠂔之𠂔與圖謀之圖相異遠甚古文官

書謬誤不

每言母最反三蒼每非一𠂔𠂔才笑反𠂔謂

足憑也

定之辭也每亦數也𠂔𠂔才笑反𠂔謂

亦訶

也

第二十八卷

紉繩

女珍反字林云瀑流蒲報反蒼頡解詁安𠂔波言

單繩

曰紉索也云瀑水瀆起也

所立反

此云氣謂霧氣等也

第二十九卷

爲杖直亮反杖猶據也亦杖託

第三十卷

染汙

汙紆剗鳥故二反字書汙塗也字林汙穢也咀嚼又作齟同才與反下慈藥反食味也咀齟也通

俗文咀齧

津液

津液于隣反下夷石反三蒼津液汁也說文

曰嚼也

說文液盡也與此引不同星衍曰說文盡本作盡氣液

也從血𦵏聲與盡不同盡器中空也從血𦵏聲盡今借

用津𦵏今作燼

誠言

市盈反廣雅誠實也

燼乃俗字也

齋心

昨迷反說文毗齋人齋也字從肉毗音蒲迷反𦵏曰毗齋說文作毗齋

暫也蒼頡篇

仁兩辭也

居衣反下又作諫同且潰反

數

寅又作瞬同尸閏反說文瞬目開

譏刺

廣雅譏刺也說文譏誹也

閉數

搖也玷曰說文刺直傷也諫數

諫也譏諫本字作諫刺乃假借字也

第三十一卷

𦵑方

楚力反謂正方也星衍曰詩𦵑𦵑良耜毛傳𦵑𦵑

脾亦反說

關閉

補結補計二反說文闔門也茶毒達胡

文闔開也

重壘

又作壘同力癸

拼量

補莖反謂彈繩

雅茶毒痛也

重壘

反壘亦重也

拼量

黑曰拼江南名

亦行惡也

尋

息胡反蘇活也小爾雅死

相瀨

仕加反下

庾反

尋

而復生謂之蘇蘇寤也

相瀨

力艾反通

俗文

餘曰

相廣雅相距也詩云如彼棲相是也析曰

詩大雅

名晏作

如彼棲相毛傳云苴水中浮艸也正義

云苴是

艸之枯

槁逐水流者棲謂棲息於水上也字書

亦有棲

字乃棲

之訛相字亦有苴音見集韻解云以水

為闌非

可頸

字林邱加反言以口齟也大齧也擘肘補

此用也

齒頸

今以手也下居井反頸項前也擘肘麥

反下

矧人反

當春

肉

攪腹

九縛居碧二反說文攪爪持

曰矧

也

擘

分裂也

攪腹

也通俗文手把曰攪蒼頡篇

攫搏也獸窮
則攫是也
摺心他勞反說文摺摺也摺一活反中
鑱國言摺江南言挑挑音土彫反

刺位衫反下七亦
瀉諸或作瀉同力木反水下兒也
篇瀉竭也涸也
瀉諸或作瀉同力木反水下兒也

瀉瀉也瀉同
唼鉢羅鉢羅或云漚鉢羅訛也
鉢特鉢羅或云漚鉢羅訛也

摩徒得反此云赤蓮華舊言
淒勁且奚反下居政反詩

寒風也勁
屯聚徒昆反廣雅屯堅
疆鞭居良反下五更

切急也
口口彊物
緊捺落奴葛反此云是人非人歌神也頭作

堅曰鞭
也
炬鍼其呂反下聲類今作針同支
空歐又作嘔同於

釋名云歐偃也將
毒脬又作脬痂二形同火斬反江南

有所吐脊偃歐也
文脬創肉反出也唐韻香近切此引脫創字玉篇脬香

斬切腫起也痛向斬切創肉反腫起也亦作脬廣韻痛

瘡中冷疥厥竝同香斲切別出
鬼咽又作咽同一千
字引說文不與痛同解音則同也
名頸**剡**音皮下又作凍同子禮反廣雅剡剡也鬻瀧
為咽**剡**也謂擲出汁也斲曰又作凍之凍當作涕鬻
與涕通見類篇凍字不
當有子禮反之音也
饗受又作享同虛仰反歆享也
飲俱**臻**側巾反爾歆娛字詰古文虞今作娛同疑區
反雅臻至也藿娛反說文娛樂也言皆有樂也

第三十二卷

烏施羅本草名也形如此
剡勝又作克同口得反字林
土細辛其體極冷

藤徒登反廣雅藤葛也今
呼如葛蔓莖者為藤
率土所律反爾雅
率自也循也

第三十三卷

夷悅余之反說文夷平也
明也常也悅樂也
所瀾又作爚鬻灼三形同與
灼反通俗文以湯煮物

曰淪廣雅淪湯也謂湯內出之也江東受淪為煤煤音
助甲反析曰說文淪漬也燐火飛也一日蒸也鬻內肉
及菜湯中薄出之灼激水聲也井一有水一無水謂之
濁灼四字解各不同而淪燐鬻三義差可比附玉篇淪
煮也內肉湯中而出也鬻訓與說文同是淪鬻可通矣
燐訓電光也灼字無訓廣韻鬻淪同燐煜燿光又燐燐
光兒灼濁灼燐灼通淪未知所本然不肖私妙反小爾
燐有蒸解義猶相近灼則相去遠矣不肖雅不肖不似
也言骨肉不似其先故曰不肖厭壽於冉反下都導反
謂寧惡之類也字從肉小聲厭禱字苑厭眠內不祥
也伏合人心曰厭說文告事制作之世反製裁製也制
求請曰禱謂請於鬼神也制作斷之也說文作制
菴沒羅舊言菴磨羅亦作阿摩勒皆訛也葉如小主宰
祖待反禮記宰夫為獻擅立市戰反廣雅擅專專已之
主謂主膳食之官也擅立也專己自為也專已緣
反專猶自是也
事壹也任也

一七
一五
一

第三十四卷

屋宇

古文寓籀文厲同于甫反說文宇屋邊簷也釋名云宇羽也如鳥羽翼自覆蔽也於國則四陲為宇

斫曰宇籀文從禹作寓見說文此云古文寓即寓之誤又云籀文厲不知所本說文宇屋邊也小一簷字脫文

也人揜

又作斂揜二形釋名作揜同巨金反揜急持也持匈也斫曰說文揜急持衣衿行也揜同廣

鉸持也讀若琴玉篇揜急持衣衿行也揜同廣揜達又韻揜急持也揜揜同四字訓皆相近可通用也揜達作

筆同之藥反下古文教同他達反廣雅捶揜擊也斫曰說文捶以杖擊也筆擊馬也據此則笞人當從捶笞馬

當從筆矣然二字通用已久說文揜鄉飲酒罰不敬揜其背古文作處周書曰違以記之集韻云揜古作教

塶界

居良反塶境也亦界也爾模放又作摹同莫胡反雅塶陞也塶場在外陞也

規形曰模亦模取像也斫曰說文模法也摹規也本二字義近相通也

第三十五卷

評論

皮柄反字書評訂也訂平議也訂音唐頂反

為挫

祖卧反說文挫摧也謂折其鋒也挫折也

衤襟

居今反說文襟衽也聲類云交領者也

恍惚

忽虛往反漢書音義曰恍惚眼亂也似有無也虛

妄見也

第三十七卷

耶舍

此云譽謂名譽也

蘇陀夷

舊言須陀耶此云其起

大生主

舊言摩訶波闍翻為

大愛道者是也

迄今

虛訖反爾雅迄今至也

無乏

扶法反暫無名乏闕少也反可為叵反正為乏字意也

第三十八卷

婆雌子部婆

音蒲賀反云犢子部舊名跋私弗多羅上

古仙人名跋私其母是此仙人種故姓跋

私有羅漢是此女人之子從矩摩羅多

母作名說一切有部中出也矩摩羅多

諸童子中

為一首也

上喬荅彌

第三十九卷

言博或謂之某說文籒局戲也六著翅蘗

十二某古者鳥曹作籒籒亦著名也

穀麥等生芽者也

釀醞也作酒曰釀此引欠分晰

誦讟徒木反左傳民無誦讟杜預曰讟

誦讟也廣雅讟惡也方言讟痛也

深僊古文作寒

誦讟也廣雅讟惡也方言讟痛也

誦讟也廣雅讟惡也方言讟痛也

文作讐今作愆同去連反說文過也斡曰愆說文本作愆或從寒省作寒攴文作讐玉篇愆同愆俗集韻邈與愆同寒篆本作憲說文別有憲字解曰實也虞書剛而憲唐韻先則切今書憲憲不分矣

第四十卷

山澤直格反水聚曰澤釋名云兗州人謂澤為掌言水淳處如掌中也

第四十一卷

媒媾孤候反白虎通曰媾無辜古胡反爾雅辜罪也扼腕又作搦同於責反說文扼把也盈手曰扼廣雅扼用暢勅亮反廣雅揮刀歸

持也史記扼腕以言是也反說文揮奮也振訊也歛縮鼻也本二字歛非吸古文也廣韻吸噏同亦不通歛玉篇引詩載吸其舌今作翕蓋吸翕歛噏皆以音近

反說文揮奮也振訊也歛縮鼻也本二字歛非吸古文也廣韻吸噏同亦不通歛玉篇引詩載吸其舌今作翕蓋吸翕歛噏皆以音近

歛玉篇引詩載吸其舌今作翕蓋吸翕歛噏皆以音近

相通
假也

第四十二卷

呪詛又作祝說文作詛同之授反詛詛也下古文禱同
也謂使人行事阻限於言也所曰說文祝祭主贊詞者
訓誥也詛訓也此引誤訓古與祝通詩大雅侯作侯祝
傳云祝詛是也廣韻祝詛作呪詛本戰國策許綰為我
呪是也禱為詛古文見漢書劉屈釐傳云屈釐復坐祝
禱要斬是也

第四十三卷

迦栗沙鉢拏

又作迦理沙般拏拏音女家反鉢拏此陋

訥

陋醜畏也亦小也下古文訥同奴骨反訥遲鈍也說文訥難也所曰史記李將軍傳廣訥口少言漢書作

啊故爲調
古文也
室利毘多
此云吉祥護舊言
尸利毘多訛也

第四十四卷

梅怛麗藥

都達反此云慈卽舊云慈氏者也慈有二因緣一值慈佛發心二初得慈心三昧因以名焉言彌勒或云

梅佉黎並訛也

罕聞

呼旱反罕希也爾雅希寡尠罕字從干從岡星衍曰罕說文從岡干聲

第四十五卷

拘枳羅鳥

居爾反或作拘耆羅此云好聲鳥也

第四十六卷

客館

又作館同古玩反客舍也周禮五十里館館有那委積以待朝聘之客亮吉日館作館者俗字

那

一七 新子集卷二十一

地迦城

此云鳴或云河主域名也

郡市迦林

此云麤布袋林名也

藍博迦經

此言

作動經

第四十八卷

珊若婆病

桑干反此云廢風病發不起者也

寶玩

古文玩同五喚反字林玩弄也廣雅玩好

也斫曰玩弄之解見說文又云或從貝作既也

第五十一卷

愚顛

都絳反說文愚也癡也顛愚鈍也

於塊

古文由同苦對反由結土也土塊也斫曰塊說文本作出

解云璞也或從鬼作塊

愚蒙

又作矇同莫公反蒙謂蒙覆不明也斫曰說文冢覆也蒙王女也矇童矇

也三字義別然童矇之矇易蒙卦作蒙春秋昭十三年左傳晉人執季孫意如以幕蒙之則蒙又借為冢覆之

冢矣蓋皆以音同互用也

第五十二卷

名鑒

又作鑑同古鑑反廣雅鑒炤耀也鑒所以察形星衍曰鑒說文本作鑑解云大盆也一曰鑑珠可以

取明水於月作鑒者隸書破體字

詭設居毀反詐不實也亦相欺也

誇誕徒苦華反下言誕徒直反通

俗文自矜曰誇諡法曰華而無實曰誇誕諷也欺也不實大也

第五十三卷

憩無

又作惕蒼頡篇作憩同祛例反爾雅憩息也

鑽燧

又作鑒同辭醉反火母也論語鑽燧改火

是也世本造火者燧人因以名也斨曰玉篇燧以取火於日亦作鑒燧燧同說文鏐陽鏐也鏐塞上亭守燧火者篆文省作燧鏐燧解本不同玉篇乃合為一也

波濤

徒勞反三蒼大波為濤也

同求

滑慈先吏

二反字林伺
候也伺察也

第五十四卷

熙怡

虛之反下與之反說文熙怡和悅也方言
怡喜也湘潭之間曰紛熙或云熙怡也

耽話

作譚

古文作譚誠二形同胡快反聲類
譚誠二形同胡快反聲類

云話

訛言也廣雅話調也謂調戲也
訛言也廣雅話調也謂調戲也

很戾

胡壘反下
力計反很

違也戾曲也狻猊先桓反下五奚反卽師子也出西域

字從彳艮聲狻猊爾雅後視如戲貓食虎豹穆天子傳

狻猊走五百里是眇垢充尸反說文叢兜眇叢音莫結

也戲音仕板反眇垢反垢曰說文眇目傷貲也一日

菅兜叢目眇介齒下界反說文齒相身矦才戈反廣雅

也與此引異齒切也三蒼鳴齒也身矦矦短也通俗

文株儒誇衒古文眩衒二形同胡麵公縣二反說文衒

曰矦矦誇衒行且賣也亮吉曰衒說文本作衒或作衒

也衒名辭俊反蒼頡篇衒扞拭武粉反下舒翼反廣雅

求也廣雅衒營也扞拭也振也爾雅拭清

一七
二一
三

也言校拭所以爲清絜也

第五十五卷

侮蔑

古文侮同亡府反廣雅侮輕也說文侮惕也謂輕惕斫日說文侮傷也古文從母作侮此引誤也又

說文傷輕也此輕傷從心亦誤

第五十七卷

俱祉羅

隻里反舊言摩訶俱絺羅此云大膝膝骨大故也卽舍利子舅長瓜梵志也

第五十八卷

屏氣

俾頷反屏蔽也脇尊者虛業反卽付法藏中波奢隱也藏也蔽也

脇不著地因以名焉

第五十九卷

一切類音卷之二十五

規度又作類同九吹反下徒各反規求也計也規模也
夫之見必合規矩圻曰說文規有法度也從夫從見言丈
解字義不知所本又通作舊曲禮立視五雋鄭注舊猶
規也謂論轉之度故子雋鳥亦作子規也又作類似誤
說文類舉頭也從頁類聲字與缺通見詩小雅及士冠
禮注音義皆洄復胡環反下扶福反三蒼狎惡古文虐
與規無涉洄復洄水轉復亦洄水深也
反狎近也廣雅狎習也謂近而狎之習而行之也圻曰
說文狎犬可習也玉篇狎易也近也習也狎同狎今為
闊狹虐薄矩羅俱禹反舊言薄俱羅此云善容涎洩諸
今作狎薄矩羅持一不殺戒得五不死者也涎洩書
作次漢涎沅四形同詳延反字林慕欲口液也亦小兒
唾也圻曰涎說文本作次解云慕欲口液也或從侃作
衆攏文作攏廣韻次涎同涎說文斑駁又作辨同補蠻
語涎歎也與涎相通未知所本斑駁反蒼韻篇斑文

也雜色為斑也析曰說文本作
辦解云駁文也廣韻斑同辦
鰲笑睇徒計反纂文顧視曰睇睇亦
傾視也禮記不能睇視是也
黯安也怕靜也亦
無為自得也

第六十卷

囊囊

拜反今治家用吹火令熾者也
剝剝食證反剝脛

踝

古文脛同胡定反字林脚脛也
一尋似林反小爾雅

釋名脛莖也直而長如物莖也
尋倍尋曰常唯局衡玉反從也小爾雅局近也爾雅

第六十二卷

可廁

測冀反廣雅廁閒也
蒼頡篇廁次也雜也

自刎 古文殤同亡粉反字略云斷首曰刎刎割也通俗

不同此云殤為庸愚與鍾反庸謂古文刎誤也

第六十九卷

巨富 其呂反小爾雅巨大也方**匪宜** 跌斐反詩云匪來

傳藥 凡飯藥傳藥而毒刺是也**萌芽** 古文氓同麥耕

田之萌曰云云又戰國策施及萌隸皆以萌為氓也

第七十卷

眇然 忙紹反眇眇遠也亦深大也**稽遲** 古奚反說文

第七十三卷

一七紅音書卷二十五

揭地羅

去謁反舊言佉陀羅本名也

第七十四卷

孳產

子思反方言東楚之間凡人畜乳而雙產謂之釐孳下所限反生其種曰產說文產生也朝貢

古弄反貢薦也

廣雅貢上也

第七十五卷

貿易

莫侯反小爾雅貿交擯黜又作絀同恥律反廣雅易也三蒼貿換易也黜去也亦放也退也斡

曰說文黜貶下也絀絳也二字異解禮王驍健古堯反制云不孝者君絀以爵是黜絀相通也驍健廣雅驍

亦健也勇急也懷孕古文驍同移證反含實曰孕三蒼說文驍良馬也孕懷子也廣雅孕娠也字從子從

乃斡曰孕古文

作驍見玉篇

第七十六卷

火蟪

之容反今江北通謂蝻蝗之類曰蟪亦曰蝻蟪一名蝻蟪一名蝻蟪俗名春黍蝻音思容反蟪音思

與逝多

時制反此云戰勝是俱薩羅國波斯匿王之子反也太子誕生之日王破賊軍內官聞奏因以名

也舊云祇陀或云移多亦言祇洹皆訛也移音是奚反

第七十九卷

砂磧

七亦反水中沙灘也說文水渚有石曰磧灘音他丹反

第八十卷

奢侈

昌是反侈亦奢泰也

疵斯

女黠反國名也舊言波羅柰國也

僕隸

蒲卜反下力計反廣

雅僮僕役使也僕附也從於人也周禮男求晴又作腥子入于罪隸鄭衆曰隸奴也賤也役也


求晴


又作腥

同自盈反聲類云兩
止曰晴晴亦精明也

一切經音義卷第二十五







海山藏板

十部體

通考

PL
2451-
p29
V.12
帝統歌

三皇

盤古天地人三皇有巢燧人制作彰。

五帝

伏羲以下三十世。繫傳推尊惟五帝。羲農黃帝并堯舜。功德巍巍垂萬禩。

夏

十七帝 共四百五十八年

禹啟太康仲康立。帝相少康杼槐繼。芒泄不降局。廬傳孔甲。皇發履癸畢。

商

二十八帝 共六百四十四年

成湯太甲及沃丁。太庚小甲雍己承。太戊仲丁外
壬嗣。河亶祖乙祖辛。繩沃甲祖丁南庚立。陽甲盤
庚及小辛。小乙武丁祖庚建。祖甲廩辛次庚丁。武
乙太丁帝乙紂。二十八帝商紀終。

周

三十七帝 共八百七十三年
自武王起

文武成康稱盛世。昭穆恭懿孝夷厲宣王中興幽
平桓莊釐惠襄頃匡繼。定簡靈景悼敬元貞定哀
思考威烈安烈顯逮慎靚王赧至東周君始絕。

列國

列國之時首秦楚。燕魏趙韓齊爲伍。

秦

二帝 共十五年 自始皇起

秦之興也。維莊襄。始皇吞并二世亡。

漢東漢後漢

西漢十三帝 東漢十二帝 後漢二帝 共二十七帝 西漢三

百十一年 東漢一百九十六年 後漢四

十三年 共四百五十年

高惠文景武昭宣元成哀平短祚年。孺子淮陽遭
賊莽。光武中興明章傳。和殤安順冲質續。桓靈至
獻操逆天。三國分爭。昭烈正。後帝偏安。漢祀延。

晉

西晉四帝 東晉十一帝 共十五帝 西
晉五十二年 東晉一百四年 共一百五
十六年

晉武惠懷愍元帝明成康穆哀帝奕簡文孝武及
安恭兩晉共傳十五世

南北朝宋齊梁陳附北魏東魏西魏北齊北周

宋武少文孝武帝廢明蒼梧順不嗣

八帝共
六十年

齊高武鬱海明東和帝七世齊祚終

七帝共二
十四年

梁之高祖曰武帝簡文元敬後宣世

六帝共九
十九年

陳武文帝臨海宣世系終於後主年

五帝共三
十三年

北魏附紀自宋始。東西相繼至梁止。北齊附梁終於陳。北周附陳隋乃已。

隋
三帝 共三十八年

隋文得統界。煬帝廢墜之餘。恭莫繼。

唐
二十帝 共二百九十年

高祖太宗高中睿明皇肅代德順繼。憲穆敬文武宣懿僖昭昭宣二十帝 舊

五代後梁後唐後晉後漢後周

後梁太祖與均王。二帝 共十七年

後唐莊明閔廢亡

四帝 共十四年

後晉高祖出乃畢

二帝 共十一年

後漢高祖續隱帝

二帝 共四年

後周太祖傳世宗恭帝一年五代終

三帝 共十年

宋

北宋九帝 南宋九帝 共十八帝 北宋一百六十七年 南宋一百五十二年 共三百一十九年

太祖太宗真仁英神哲以後徽欽行南渡高孝傳

光寧理度恭端帝昺傾舊

遼

九帝 共二百一十九年

太祖建極後唐初太宗之下世穆書景聖興宗道
宗繼天祚式微國乃除。

金

十帝 共一百二十年

太祖滅遼太宗治北宋淪亡熙宗立廢帝世章衛
紹王宣宗哀宗及末帝。

元

十四帝 共一百六十五年

太祖太宗定憲繼世祖定鼎四海一成武仁英泰
定傳明文寧順十四世。

明

十六帝 共二百七十七年

太祖之孫建文。年成祖靖難。付仁宣。英景憲。孝武。
世穆神光熹愍十六傳。

皇輿全圖





帝

統

圖

天皇 地皇 人皇


伏羲 神農 黃帝 少昊 顓頊 帝嚳

唐虞舜夏

大禹 帝啓 太康

仲康 帝相 少康 帝杼 帝槐 帝芒 帝泄

帝降 帝局 帝廑 帝孔 帝皐 帝發 履癸



周

懿王 恭王 穆王 昭王 康王 成王 武王 文王

孝王 夷王 厲王 宣王 幽王
魯衛鄭晉齊滕
曹許燕秦楚蔡
宋杞陳薛吳莒

東周

平王 桓王 莊王 釐王 惠王 襄王 頃王

匡王 定王 簡王 靈王 景王 悼王 敬王

元王

貞定王

哀王

思王

考王

威烈王

安王

顯王

慎齋王

報王

東周君

秦

始皇

一世

漢

高祖

惠帝

文帝

景帝

武帝

昭帝

堯元鳳

建元 元光 元朔
元狩 元鼎 元封
太初 天漢 太始
征和 後元

宣帝

木始地節
神爵五鳳
黃龍

元帝

初元永光
建昭嘉寧

成帝

建始河平陽朔
鴻嘉永始元延
綏和

哀帝

建平

平帝

元始

孺子嬰

淮陽王

新

東漢

光武帝

建武
中元

明帝

永平

章帝

建初
元和
章和

和帝

永元
元興

殤帝

延平

安帝

永初
元初
永寧
建元
延光

順帝

永建
陽嘉
建康
永和
安帝

冲帝

永嘉

質帝

本初

桓帝

建和
和帝
永寧
延熹
永康

靈帝

建寧
熹平
光和中平

獻帝

初平
興平
建安

後漢

昭烈帝

章武

後帝

建興
延熙
景耀
炎興

魏

文帝

黃初

明帝

太和
青龍
景初

廢帝

正始
嘉平

弑帝

元
甘露

元帝

景元
咸熙

大帝

黃龍
嘉平
赤烏
大元

會稽王

建興
五鳳
太平

景帝

永安

烏程侯

興元
甘露
景初
天紀

晉

武帝

泰始 咸寧
太康

惠帝

永熙 永平 元康
永康 太安
永興 光熙

懷帝

永嘉

愍帝

建興

東晉

元帝

太興 永昌

明帝

太寧

成帝

建和 咸康

康帝

建元

穆帝

永和 升平

哀帝

隆和 興寧

帝奕

太

簡文帝

咸安

孝武帝

寧康 太元

安帝

隆安 元興 義熙

恭帝

元熙

漢

前趙

南燕

西燕

後趙

後秦

北涼

前燕

前涼

西涼

前秦

後涼

北燕

後燕

西秦

大夏

宋

武帝 永初

少帝 景平 廢為營陽王

文帝 元嘉

孝武帝 孝建 大明

廢帝 景平 元北

明帝 義嘉

蒼梧王 元徽

順帝 昇平

齊

高帝 建武

武帝 永明

鬱林王 隆昌

海陵王 延興

明帝 建武 泰始

東昏侯 永光

和帝 出興

梁

武帝 天監 大通 大統 太清 大同 大業

簡文帝 太清

元帝 承聖

敬帝 紹聖

昭懷太子 太清

世宗 承聖

陳

武帝 承聖

文帝 天康 天嘉

臨海王 天監

宣帝 太建

後主 至德 承聖

北魏

道武帝 登國 皇始 天賜

明元帝 承興 神瑞

太武帝 始光 神䴥 延和 正平

文成帝 興安 興光 天安 和平

獻文帝 天安 皇興

孝文帝 延興 承明 太和

宣武帝 景明 正始 永平 延昌

孝明帝 神龜 孝昌 正光

孝莊帝 建義 永安

東海王

節閔帝

孝定王 出興

孝武帝 承熙

孝靜帝

文宣帝 大統

廢帝

恭帝

北齊 文宣帝 天保

廢帝

孝昭帝 皇建

武成帝 太平 河清

後主 天統 武平 隆化

幼主

北周 孝愍帝

明帝 武成

武帝 保定 天和 建德 宣政

宣帝

靜帝 大象 大定

文帝

開皇 仁壽

隋煬帝

大業

恭帝

唐

高祖

式德

太宗

占觀

高宗

永徽通鑑
調露永隆
開耀

中宗

由龍

睿宗

景雲太極
延和

明宗

開元天寶

肅宗

至德乾元
上元寶曆

代宗

大厝

德宗
濬 興

順宗
永貞

憲宗
元和

穆宗
長慶

敬宗
寶歷

文宗
太和 開成

武宗
會昌

宣宗
大中

懿宗
咸通

僖宗
乾符 廣明 中和 光啓 文德

昭宗
龍紀 大順 景福 乾寧 光化 天復 天祐

昭宣帝

莊宗同光

明宗長興

閔宗應順

愍帝隋泰

後梁

太祖乾化

後唐

後晉

高祖天福

後漢

高祖乾祐

後周

世宗顯德

恭帝

太祖

廣順

岐

吳

蜀

閩

楚

吳越

湖南

南漢

北漢

南唐

後蜀

荆南

太祖 建隆 乾德 開寶

太宗 太平興國 雍熙 端拱 淳化 至道

真宗 咸平 景德 祥符 天禧 乾興

仁宗 天聖 明道 景祐 寶元 康定 慶曆 皇祐 至和 嘉祐

宋 英宗 治平

神宗 熙寧 元祐 紹聖

哲宗 元祐 紹聖 元符

徽宗 建康 崇寧 宣和 大觀 政和 重和

欽宗 靖康

南宋

高宗 建炎 紹興

孝宗 隆興 乾道 淳熙

光宗 紹熙

寧宗 慶元 嘉泰 開禧 嘉定

理宗 寶慶 紹定 端平 嘉熙 淳熙 開慶 景定

度宗 德祐

恭宗 德祐

端宗 景炎

帝昀 祥興

遼太祖

太宗天顯會同
奇

世宗天祚

穆宗應德

景宗保寧乾亨

聖宗統和開泰
太平

興宗崇寧宗興
重熙

道宗清寧大康
大安壽隆

天祚乾統保大

金太祖肇國天輔

太宗天會天祥

熙宗天會
皇統

廢帝天德

世宗大定

章宗明昌承安
大和

衛紹王太安至寧

宣宗貞祐興定
元光

哀宗天天興

末帝

夏

元

憲宗	定宗	太宗	太祖
			莫啓輝聖武

英宗	仁宗	武宗	成宗	世祖
至石	皇慶 延祐	至天	至天 大德	至元 統

順帝	寧宗	文宗	明宗	泰定帝
至正 元統 至		至順 天曆		致和 泰定

明

太祖洪武 建文 成祖永樂 仁宗洪熙

宣宗宣德 英宗正統
復辟
英順 景帝景泰 憲宗成化

孝宗孝治 武宗正德 世宗嘉靖 穆宗隆慶

神宗萬曆 光宗泰昌 熹宗天啓 愍帝崇禎

上附論題

古史輯要卷一

首出御世

○混沌紀

盤古氏生於大荒。莫知所始。混沌初分。首出御世。

○三皇紀

漢史以伏羲神農黃帝爲三皇。恐非。按諸史並以天地人爲三皇。取天開子地闢丑

人生寅之

義較確。

天皇氏號天靈。繼盤古御世。兄弟十三人。各萬八千歲。時民風沕穆。居不知所在。行不知所之。飢就食。渴就飲。悶悶然如人之方孩。獸之適野耳。

地皇氏繼天皇御世。兄弟十一人。各萬八千歲。爰定三

爰定三辰

辰以別日月。

人皇氏繼地皇御世。兄弟九人。合四萬五千六百歲。區

分天下為九。各御一區。為政教所自始。

○五帝紀漢史。少昊顓頊高辛堯舜為五帝。恐非。按諸史並以伏羲神農黃帝堯舜為五帝。且全史自三皇至舜。中間相繼御世。不下八十餘氏。獨紀五帝者。以其治功最著耳。

有巢氏古民穴居。患禽獸。帝構木為巢。令民居之。以避

其害。

燧人氏古茹毛飲血。民未知烹。帝察五行。知空有火。麗

木則明。教之鑽木取火。以為烹。○作結繩之政。立傳

茹毛飲血

政教所自始

遂皇有四佐

教之臺。而民以遂。故又號遂皇。○有佐四。而相道由立矣。

伏羲氏

風姓。號太昊。都宛邱。今陳州。百一十五年。

帝母居華胥

今藍田縣。

之渚。履

巨人跡。娠帝。○以木德王。作網罟。以佃。漁。用充庖廚。

供犧牲。又名庖犧氏。○因河圖。畫八卦。衍六十有四。

爲萬世文字祖。○造書契。制有六。一象形。二會意。三

指事。四假借。五轉註。六諧聲。使天下文字必歸六書。

○古民野合。知有母。不知有父。帝始以儷皮爲禮。定

婚娶。○作荒樂。歌扶徠。斲桐爲二十七絃之琴。曰離

天下文字必
歸六書

徽。絙桑為二十六絃之瑟。○以龍紀官。

後神農火紀官黃帝雲紀

官少昊鳥

紀官本此。

女媧氏

少昊弟。

時共工氏與祝融氏戰不勝而怒。頭觸不

周山崩。天柱折。地維缺。女媧乃煉五色石補天。斷鼇

煉石補天
斷鼇立極

足撐地。

神農氏

姜姓號炎帝。又烈山伊耆二氏。都曲阜百四十年。

以火德王。制耒耜。教

教民樹藝五穀

民耕。○遍味草木。以察寒溫平熱之性。辨君臣佐使

始立醫藥方書

之義。立方書療民疾。○日中為市。使民知貿易。

有熊氏

公孫姓。又姬姓。號黃帝。名軒轅。百年。

始畫野。得百里之區。萬立步。

得六相而天
地治

占斗綱所建
作甲子

定畝以制民產。○得相六而天地治。蚩尤明天道。太
常察地理。蒼龍辨東方。祝融辨南方。風后辨西方。后
土辨北方。○古民視花木開謝爲春秋。至是始定千
支造甲子。甲闕逢乙旃蒙丙柔兆丁彊圉戊著雍己
屠維庚上章辛重光壬元默癸昭陽子困
敦丑赤奮若寅攝提格卯單閼辰執徐己大荒落
午敦牂未協洽申涸灘酉作噩戌闔茂亥大淵獻命
容成造周天。及調厯。伶倫造律呂。太容作咸池之樂。
隸首作算數。甯封爲陶正。赤將爲木正。共鼓造舟楫。
邑夷造車輪。岐伯作內經。雷公究息脈。妃西陵氏教
民蠶。而一切宮室服食之制畢舉。時諸侯相侵。帝治

鳳巢阿閣
屈軼生延

兵殺蚩尤于涿鹿。今涿州。為後世征伐始。由是民不習

偽官不懷私。人無天札。物無疵癘。虎豹不妄噬。鳳巢

阿閣。麟遊于苑。時廷有草。見佞輒指之名曰屈軼。

學人每稱堯舜為文明。

按此則黃帝實開之。

金天氏

黃帝子。己姓。名摯。號少昊。都曲阜。八十四年。

以金德王。能修太昊政。

故名。帝母感大星如虹。生帝。樂曰大淵。

高陽氏

黃帝孫。號顓頊。都帝邱。今濮陽。七十八年。

帝母感瑤光貫月之祥。生

帝于若水。遂以水德王。時九黎以神怪惑天下。帝

戮之。始造歷。以孟春月為歲首。故又號歷宗。樂曰

承雲。

高辛氏

少昊孫名俊號嚳都亳今偃師縣七十年

帝四妃長姜嫄與帝祀天

生稷次慶都有赤龍祥孕十四月生堯次簡狄有飛

燕祥生契樂曰九招

赤龍飛燕之

祥

堯仁如天

陶唐氏

嚳子名堯都平陽今晉州一百年

帝仁如天智如神就如日望

如雲茅茨不翦素題不枿大路不畫太羹不和土簋

爲飯布衣以臨衣履不敝盡不更治世五十載萬邦

協和帝微服遊康衢有童謠曰立我烝民莫非爾極

不識不知順帝之則有老人含哺鼓腹擊壤歌曰日

微服遊康衢

華封三祝

三年成都

出而作。日入而息。鑿井而飲。耕田而食。帝力何有于

我哉。及觀華封民祝曰。使聖人富壽多男子。按外紀堯欲禪

位許由。許由曰。汚吾耳。往水洗之。適巢父飲牛于下

流。遂牽去。曰。恐汚吾牛口也。後許由隱箕山終。又堯

時紀十日並出。焦枯禾稼。命羿

射去其九。說皆不經。姑存之。

有虞氏

姚姓。黃帝八代孫。都蒲阪。五十年。

帝父瞽瞍惑于後娶。并少子

象。嘗欲殺舜。舜烝烝乂。不格姦。耕歷山。人皆讓畔。漁

雷澤。人皆讓居。陶河濱。器不苦窳。所居三年。成都自

是元德升聞。時堯以子丹朱不肖。求可代己者。四岳

皆舉舜。堯乃歷試以艱。使之慎。微五典。五典克從。納

舉舜登庸

八愷八元

于百揆。百揆時敘。賓于四門。四門穆穆。納于大麓。烈
風雷雨弗迷。立為相。堯崩。諸侯推舜即位。○以土德
王。廣求賢自輔。命禹為司空。棄為后稷。契為司徒。皋
陶為士。垂為共工。理共也。益為虞。伯夷為秩宗。夔典樂。
龍作納言。是名九官。時高陽氏有才子八愷。高辛氏
有才子八元。胥舉用之。又帝鴻氏有不才子渾沌。即驩
兜。少昊氏有不才子窮奇。即共工。顓頊氏有不才子檮
杌。即鯀。緡緡雲氏有不才子饕餮。即三苗。是為四凶。胥誅戮
之。○立誹謗之木。彈五絃之琴。歌曰。南風之薰兮。可

解慍阜財

一夔足矣

聲律身度

以解吾民之慍兮。南風之時兮。可以阜吾民之財兮。
樂曰韶。重黎欲增典樂者。帝曰。一夔足矣。○鳳來儀。
景星出。慶雲興。南巡狩。崩于蒼梧之野。諸侯推禹卽
位。

夏紀

姒姓。黃帝孫。鯀之後。都安邑。今平陽。凡十有七君。得年四百五十有八。

大禹

鯀子。二十七年。

以金德王。帝聲爲律。身爲度。初受命治水。

痛父功不成被誅。乃焦思居外十三年。過家門不入。
陸行乘車。水行乘船。泥行乘橇。山行乘橐。以開九州。
度九山。通九道。而四隩可居。○懸器以招言曰。敎寡。

鼓鞀求諫

一饋十起

下車泣罪

人皆以堯舜之心為心

生寄死歸

鑄鼎以象九州

人道者擊鼓。告事者鐸。諭以義者鐘。語以憂者磬。訟

獄者鞀。每一饋十起。一沐三握髮。○出見罪人。下車

泣。曰。堯舜之人。以堯舜之心為心。今寡人為君。各自

為其心。寡人痛之。○南巡濟江。有龍負舟。帝曰。生寄

也。死歸也。視龍蜿蜒耳。何懼焉。會諸侯于塗山。今懷遠縣

執玉帛者萬國。防風氏後至。戮之。○鑄九鼎以象九

州。時天雨金三日。樂曰。大夏

帝啓。禹子九年時有扈氏不道。威侮五行。怠棄三正。啓滅之。

太康。啓子二十九年荒於獵。十旬弗歸。其相后羿距之于河。弗

許歸而立仲康。

仲康太康弟。羿為相。時羲和亂於酒。亦羿黨也。王命允

侯征之。

帝相仲康子。二。羿逐王。帝邱篡位。羿臣寒浞殺羿及王。

代之。王后緡方娠。奔有仍。后母家也。生少康。

少康相子。二。王居有仍。田一成。十里。眾一旅。修德以收夏

一成一旅
修德以收民

民。時夏舊臣靡舉兵滅浞而迎少康。

帝杼少康子。帝槐杼子。二。帝芒槐子。十。帝泄芒子。十

帝不降泄子。五。帝扃不降弟。二。帝廩扃子。二。

十九年。帝扃。十一年。

劉累豢龍

孔甲不降子三好鬼神。時天降雌雄二龍。劉累善擾龍。

令豢之。後雌死。累潛醢以食夏后。夏后饗之。既而使

求之。累亡去。

帝皐孔甲子帝發皐子十

履癸發子名桀力能申鐵鉤索。有施氏以妹喜進。桀寵

之。為瓊室瑤臺。肉山脯林。酒池可運船。一鼓而牛飲

者三千人。以供妹喜之樂。湯放于南巢而死。

○商紀子姓契之後都亳。今歸德州。後盤庚改號

成湯契十三世孫名初。桀殺直臣龍逢。湯諫之。桀怒。囚

肉山酒池

成湯解網

湯德及禽獸

湯以六事自責

于夏臺已而得釋。出見人張四面網爲解其三。止置一。祝曰。欲左者左。欲右者右。欲上下者上下。聽不用命者入耳。諸侯聞之曰。湯德至矣。及禽獸。○大旱七年。太史請以人禱。曰。吾所禱爲民耳。若以人。請自當。遂翦髮斷爪。身撻白茅。爲犧牲狀。禱于桑林。以六事自責。曰。政不節歟。民失職歟。宮室崇歟。女謁盛歟。苞苴行歟。讒夫昌歟。言未已。大雨數千里。以莊山之金鑄幣濟民。樂曰大獲。

太甲

湯孫三

沃丁

太甲子二
十九年

太庚

沃丁弟二
十五年

桑拱于朝

小甲 太庚子十七年 雍己 小甲弟十七年

太戊 雍己弟十七年 毫有桑生于朝。至暮大拱伊陟曰。妖不

勝德。太戊修德三日而桑死。○三年四夷重譯至者。

七十六國。重復曰重。傳四夷之言曰譯。

仲丁 太戊子十三年 外壬 仲丁弟十五年 河亶甲 外壬弟九年 祖乙 河亶子十九年

祖辛 祖乙子十六年

沃甲 祖辛弟十五年 祖丁 祖辛子十二年 南庚 沃甲子十五年 陽甲 祖丁

子七年

盤庚 陽甲弟十八年 初河屢決。都亦屢遷。至是又決。乃作誥。

諭民復都亳改號殷而商復興。

夢帝賚良弼

雉升鼎而雊

小辛

盤庚弟二十八年

小乙

小辛弟二十八年

武丁

小乙子號高宗五十九年

恭默思道夢上帝賚良弼乃繪形旁

求天下得傅說于版築立為相○祭成湯有雉升鼎

耳而雊也○夷人重譯來朝獨鬼方不廷伐之三年乃

克商道中興

祖庚

武丁子

祖甲

祖庚弟三十三年

廩辛

祖甲子六年

庚丁

祖甲次子二十年

三年

武乙

庚丁子四年

為木偶人號曰天神令人與搏不勝戮之

○為革囊盛血。仰射之。曰射天。○獵于渭。雷震死。

太丁

武乙子。三年。

帝乙

太丁子。三十年。

帝三子。長微子啓。為庶生。季受辛。乃嫡也。

辛母知其暴。不可立。請立啓。太史爭之曰。有嫡不可

立庶。乃立受辛。

辛母可謂賢矣。商祚之斬。非太史誤之歟。

拒諫飾非

紂

帝乙子。名受。辛。二十二年。

才力過人。智足飾非。言足拒諫。視天下

象箸玉盃

皆出已下。○始為象箸。箕子歎曰。彼為象箸。必為玉

伐有蘇獲姐

盃。○伐有蘇氏。以姐已獻。王寵甚。作靡靡之樂。北里

已
宮中為長夜

之舞。宮中九市。為長夜飲。○以周侯昌。九侯鄂侯為

飲

一物足以釋

西伯

獻地請除炮烙之刑

聖人心有七竅

麥秀之歌

三公九侯進女于王。女不喜淫。殺女及九侯。鄂侯爭之。亦被殺。周侯聞而歎。崇侯虎言之。王遂囚周侯于羑里。散宜生以美女獻王。王曰。此一物足釋西伯。乃釋囚。○西伯獻洛西地。請除炮烙之刑。許之。○造鹿臺以聚財。鉅橋以貯粟。比干諫之。王怒曰。渠自謂聖矣。聞聖人之心。七竅。遂剖以視其心。○西伯發舉兵伐王。前徒倒戈。王奔鹿臺。衣寶玉自焚。○箕子過故墟。歌曰。麥秀漸漸兮。禾黍油油。今彼狡童兮。不與我言兮。殷民聞之皆涕。

史云微子抱器奔周。非也。箕子當商亡。武王訪道。猶長往朝鮮。

若商存而歸仲尼何以並仁之。

○周紀

姬姓。稷之後。按稷母踐巨人跡而孕。以為不祥。棄之于陌。牛馬不踐。棄之于水。飛鳥相覆。乃收養之。因名棄。後堯舉為農師。封于邠。今西安府。五傳至公劉。遷邠。今邠州。又九傳至古公。遷岐。今岐山縣。又三傳至武王。有天下。初都邠。今咸陽縣。成王遷都洛。今洛陽。凡三百七十有三。

西伯得呂望于渭

文王

季歷子。名昌。雖興。王業未即王位。

呂望年八十釣于渭。今鳳翔府。西伯

西伯得呂望于渭

出獵。卜曰。非熊。非羆。非虎。非貌。所獲伯王之輔。果遇望。載歸。尊為太公。又曰。尚父。亦名。○嘗治沼。見死人骨。命瘞之。吏曰。無主也。曰。有天下者。天下主。有一國

古史輯要

白魚入舟

武王

文王子名發七年

觀兵孟津

今孟津縣

渡河白魚躍入舟既渡

者一國主寡人固主也天下聞之曰澤及枯骨况人乎○虞芮之君欲訟田于王如周見民讓畔慚曰吾所爭周人所耻乃還史稱西伯陰行善政非也八百來會即武王猶出不期况文王有火光下覆王屋時諸侯不期而會者八百越二年陳師敖野伐紂夷齊扣馬諫曰父死不葬爰及干戈孝乎以臣弑君忠乎太公曰義人也扶去之後餓死首陽山歌曰登彼西山兮采其薇矣以暴易暴兮不知其非矣神農虞夏忽焉沒兮我安適歸矣吁嗟殂

縱馬放牛

兮。命之衰矣。○王卽位。釋箕子囚。表商容閭。封比干墓。散鉅橋粟。發鹿臺財。縱馬于華山。放牛于桃林。偃戈收甲。示不復用。凡古帝王後。與一時功臣同姓。無不錫土。○王疾。周公禱于先廟。請以身代。史氏藏其稿于金縢。樂曰大武。

成王

武王子名誦三十七年

王幼。周公負扆代政。

三叔

管叔蔡叔霍叔流

言曰。公將不利于孺子。遂與武庚紂反。公奉命討之。因居東。時王亦疑公。及啓金縢。見禱詞。乃泣迎歸。○與弟叔虞削桐葉爲珪。戲曰。以此封若。史佚曰。天子

天子無戲言

重譯來朝
海不揚波

中國有聖人

指南車

九府圖法

無戲言。遂封唐侯。○交趾重三譯來朝。公曰。德澤不加。君子不臣其人。譯曰。天無烈風淫雨。海不揚波。三年矣。意中國有聖人乎。故人朝。夷人迷歸路。公制指南車以導之。○遷都洛而定鼎于郊鄩。卽洛地。鼎禹所鑄。三代寶之。○太公立九府圖法。圓通之法也。以足國用。○太公治齊。五月報政曰。尊賢尚功。周公聞之曰。後必有篡其國者。伯禽治魯。三年報政曰。尊賢親親。太公聞之曰。後世寢弱矣。○周公訓伯禽曰。吾一沐三握髮。一飯三吐哺。天下士至者千百人。始得三士焉。汝慎毋以

國驕人

思故懷棠

康王

成王子名釗二十六年

召公治西方聽訟于隴陌嘗廬棠樹

下公死民思之不忍伐棠爲作甘棠歌

昭王

康王子名瑕五十年

王巡狩濟漢漢人以膠膠船至中流

膠液王溺死

先王耀德不觀兵

穆王

昭王子名滿五十五年

欲征犬戎祭父諫曰先王耀德不觀

兵勿聽竟征之得四白狼四白鹿以歸犬戎自是不

作祥刑書以誥四方

復朝○命呂侯作祥刑書誥四方

按祥刑一書猶庶幾泣罪解網之意

共王

穆王子名繁十二年

懿王

共王子名懿二十五年

是時王室既衰詩人作刺

孝王

懿王弟名辟方十五年

非子

飛廉孫

善豢馬命主馬汧渭之間

馬大蕃以有功封秦使續伯益後

初舜封伯益于秦

時大雹

牛馬死江漢俱凍

按秦初封而災遂見蓋履霜之兆也君子痛周祚而謂孝王自貽伊

戚耳

下堂見諸侯

夷王

孝王子名夷十六年

覲禮不明王始下堂見諸侯○征太原

獲馬千匹以還

厲王

夷王子名胡三十七年

榮夷公好利王任之芮良夫諫不聽

芮良夫諫專利監謗弭謗

○國人謗王使衛巫監之有告必殺道路以目莫敢

防口甚于防川

二相共理國事

士不易言而求生

言。王喜曰。吾能弭謗矣。召公曰。障之也。防民之口。甚于防川。川壅而潰。所傷必多。不聽。後民羣起。攻王。王奔彘。尋崩。

宣王

厲王子名靜四十六年

周公召公

非前周召

相與輔王。海內翕然

向風。○王不籍千畝。虢公諫曰。民之大事在農。怠農匱民。將何以國。○王晏起。姜后脫簪珥待罪。曰。好色而怠政。亂之生也。自妾始。王由是勤政。卒稱中興。○將殺其臣杜伯。而非其罪。伯之友左儒爭之。再四。王曰。易而言則生。不易則死。儒曰。士不易言而求生。遂

伯左儒死于杜

殺杜伯左儒死之

幽王

宣王子名宮
涅十一年

西周山川震。岐山崩。伯陽父曰。洛竭

夏亡。河決殷亡。周其衰乎。夏末有褒人神。化為二

龍。言于廷。夏后殺之。藏其脰。

龍津沫

于櫝。厲王發視之。

化為龜。有童女遇之。輒孕。至宣王時生一女。懼而棄

之時。童謠曰。壓弧也。

弓箕服也。

矢囊也。

實亡周國。王下令。凡

鬻此者。戮。適夫婦以鬻此。逃見所棄女。收奔褒女。長

褒人獻之王。寵甚。因廢申后。及宜臼。而立褒姒。與伯

服。姒不好笑。王誘之萬方。無故舉烽火。諸侯皆

舉烽火戲諸侯

壓弧箕服

遣兵伐申

東周

作內政而寄軍令

至。妣乃大笑。初，宜臼奔申。王欲殺之，因伐申。申侯與西戎伐王。王舉烽，諸侯不至。以前誰之故也遂殺王。諸侯迎宜臼立焉。

平王

幽王子。名宜臼。五十年。

以豐鄆逼犬戎，乃東遷洛。而西周亡。

自是諸侯日強。

按孔子春秋始于魯隱元年，即平之四十九年。

桓王

平王孫。名琳。二十三年。

王伐鄭，鄭射王中肩。○管仲相齊，作

內政，寄軍令，以成富強。而齊遂伯桓尊之為仲父。○管仲與鮑叔交，每分利多，自與叔不以為貪。知仲貧也，嘗戰北，叔不以為怯。知有老母也，仲曰：「生我者父。」

知我者鮑子

母知我者鮑子也。

莊王

桓王子名釐王胡齊五年

齊楚盟于召陵

惠王

釐王子名闕二十六年

鶴乘軒

于召陵。○狄人伐衛。衛懿公好鶴。鶴有乘軒者。將戰。

國人皆曰。使鶴。衛師敗。遂為狄所滅。

襄王

惠王子名鄭三十二年

齊桓會葵邱。今考城縣王使宰孔致胙。命

天威不遠顏咫尺

無下拜。桓曰。天威不遠顏咫尺。乃下拜登受。○狄伐

晉侯請隧

王。王奔鄭。晉文公奉王歸。以有功于王。欲請隧。王曰。

此王章也。不許。晉文乃止。

楚子問鼎
在德不在鼎

立孤與死孰
難

頃王

襄王子。名壬臣。六年。班。六年。

定王

匡王弟。名瑜。二十一年。

楚莊公伐陸渾。觀兵于周郊。王使王

孫滿勞之。楚子問鼎之輕重大小。對曰。在德不在鼎。

周德雖衰。天命未改。鼎未可問也。楚子慚退。

簡王

定王子。名夷。十四年。

晉屠岸賈滅趙朔。朔有遺腹子武。賈索

之急。朔客程嬰公孫杵臼謀曰。立孤與死孰難。嬰曰。

死易。立孤難。臼乃取他兒匿山中。嬰誑賈曰。與我千

金。告以趙氏孤處。賈殺杵臼及他兒。而真孤得免。後

十五年。武長。嬰與共謀滅賈。

六官之長皆
民譽
和戎五利

魯人爲奏六
代之樂
周禮盡在魯

古之遺愛

靈王

簡王子名泄心二十八年

晉悼公年十四甚賢六官之長皆民

譽遂復伯業時悼公欲伐戎魏絳陳和戎五利公從
之○二十一年孔子生至敬王四十一年卒葬魯北
泗上○

景王

靈王子名貴一十五年

子產相鄭一年民怨曰孰殺子產吾

其與之三年誦曰子產而死誰其嗣之子產卒仲尼
聞之曰古之遺愛也○吳季札聘魯請觀周樂魯人
爲奏六代之樂○晉使韓宣子來聘見易象春秋諸
書曰周禮盡在魯矣

覆楚復楚
包胥如秦乞
師

敬王

景王子名正四十四年

楚人伍員父爲楚平王所殺員曰我

必覆楚員之友申包胥曰我必復之員說吳伐楚鞭

平王屍包胥如秦乞師秦王哀之爲賦無衣遂出師

敗吳○孔子爲司寇有子訟父者赦之季孫曰司寇

欺余嘗云治必先孝今赦之何哉孔子聞之曰罪不

在民也○孔子相定公會齊景公于夾谷齊人奏夷

樂劍戟而前孔子責卻之景公慚懼乃歸所侵汶陽

地以謝○孔子攝相事七日誅少正卯魯大夫曰人有

五惡竊盜不與焉心逆而險行僻而堅言僞而辨記

墮三都

麇裘之謗

子路治蒲三
善

醜而博。順非而澤。五者卯兼有之。○孔子使子路爲
季氏宰。墮三都。費邑。郈邑。成邑。皆三桓私立也。○孔子司寇三月。男
女別于途。道不拾遺。魯大治。其初謗之曰。麇裘而鞞。
投之無戾。鞞之麇裘。投之無郵。至是誦之曰。衮衣章
甫。實獲我所。章甫衮衣。惠我無私。○子路治蒲。孔子
過之。入其境。田野治。曰善哉。恭敬以信矣。故民盡力。
至其庭。甚清閒。曰善哉。明斷以察矣。故民不擾。○孔
子謂子路曰。試注水焉。中則正。滿則覆。夫物烏有滿
而不覆哉。子路曰。持滿有道乎。子曰。聰明知睿。守之

臨河興歎

以愚功被天下。守之以讓。勇力振世。守之以怯。富有四海。守之以讓。○老子楚人也。李姓名耳。又名聃。爲周下吏。孔子如周。問禮于聃。聃曰。良賈深藏若虛。君子盛德容貌若愚。孔子曰。鳥吾知其能飛。獸吾知其能走。走者可以網。飛者可以矰。至于龍。吾不知乘風雲而上天也。老子其猶龍乎。○孔子適宋。習禮檀樹下。桓魋惡而伐其木。適鄭。鄭譏曰。東門有人。其類類堯。其項類臯陶。其肩類子產。其腰以下不及禹三寸。累累然若喪家之狗。將適趙。臨河聞舜華見殺。晉賢大夫。歎曰。吾

西狩獲麟

熒惑守心

生聚教訓

臥薪嘗膽

之不濟此命也。遂反魯作春秋。以西狩獲麟遂絕筆。

○熒惑守心

心宋之分野

宋景公憂之。司星者請移于民。

景公曰。民吾子也。司星者曰。君有仁言矣。何憂熒惑。

果移三度。

元王

敬王子名仁六年

初吳越戰于檣李。吳王爲越所殺。其子

夫差常使人呼曰。而忘越王之殺而父乎。三年敗越。

于夫椒。

今常州

越王句踐使人行成。許之。伍員曰。越十

年生聚。十年教訓。二十年之外。吳其爲沼乎。越王歸。

臥薪嘗膽。修政二十餘年。乃伐吳。吳亦行成。范蠡不

范蠡乘舟五湖

卿相布衣之極

初命三晉為諸侯

可吳王自刎。○范蠡知越王未可久事，乃變姓名為鴟夷子皮，泛湖去。後齊聘為相，喟然曰：「家致千金，官居卿相，布衣之極也。」遂解印散其金而隱陶，又名陶朱公。

貞定王元王子名介考王貞定子名崑十六年王以周微，力不能

支，乃封其弟于河南，為西周公。封少子于鞏，為東周公。○陳公子完奔齊，齊立為臣，賜姓田氏，為後田和祖。

威烈王考王子名午晉六卿魏氏韓氏趙氏智氏范氏中行氏共分晉

使尹鐸為晉

陽令

繭絲保障

沉竈產蛙

豫讓義士

漆身吞炭

將以愧人臣
懷二心

地而魏韓趙請為侯王許之

六卿分晉天子既不能討而又寵錫之後此何

誅焉

趙簡子使尹鐸令晉陽鐸曰繭絲乎保障乎曰

保障哉尹鐸乃損其戶數

使滅賊也

及襄子簡子即位智

伯求地弗許智伯合韓魏攻之襄子走晉陽三家圍

而灌之城不浸者三版沉竈產蛙民無叛志襄子使

張孟談潛約二家共滅智伯分其地襄子漆智伯頭

為飲器伯臣豫讓欲報之挾匕首入襄子宮為左右

獲襄子曰義人也舍之讓又漆身為癩吞炭為啞乞

于市期必報曰吾以愧天下後世為人臣懷二心者

豫讓不忘國

士之遇

過廬必式

文侯不失虞
人之期

君仁則臣直

後伏橋下。襄子過之。馬驚。遂殺讓。○初讓欲報襄子。五起不中。人曰。子嘗事中行氏。智伯滅之。不以報。今必爲智伯死。何也。曰。中行衆人遇我。我衆人報之。智伯國士遇我。我國士報之也。○魏文侯師卜子夏。田子方每過段干木廬必式。世號文侯三友。○文侯與羣臣飲。會天雨。命駕將適野。衆止之。文侯曰。吾與虞人期獵矣。可不一會哉。遂往。○文侯問曰。我今何如主。皆曰。仁君。任座獨曰。君嘗得中山。不以封其弟而封子。豈仁乎。文侯怒。問翟璜。璜曰。仁君。君仁則臣直。

任座言直

子方不禮子

擊

貧賤驕人

五者足以定相

古史新要卷一

七

向者任座之言直是以知之。文侯召任座爲上客。○

子擊

文侯子

道遇田子方。子方不爲禮。擊曰。富貴者驕

人乎。貧賤者驕人乎。子方曰。貧賤驕人耳。富貴安敢

驕人。國君驕則失國。大夫驕則失家。夫士貧賤者不

合則納履而去。安往不得貧賤哉。○文侯與田子方

飲。侯曰。鐘聲不比乎左高。子方曰。聞君明樂官。不明

樂音。今君審於音。恐聾于官也。○文侯卜相于李克。

曰。魏成翟璜孰可。克曰。居視其所親。富視其所與。達

視其所舉。窮視其所不爲。貧視其所不取。五者足以

三人皆君師

吳起殺妻求將

司馬穰苴弗能過

吳起吮卒

定之乃相成。璜不悅。克曰：成所進三人，子夏子方，于木。君師

之子所進五人。李克、吳起、樂羊、西門豹、屈侯附。君臣之子惡得比成

也。璜默然。○魯欲將吳起，魏人。攻齊，疑其妻齊女，遂殺

妻。求將大破齊。或言曰：起嘗不奔母喪，今又以將殺

妻忍人也。起懼，奔魏。李克曰：起雖貪淫，然用兵卽穰

苴，莫過。魏將之攻秦，拔其五城，起爲將，能與士卒同

甘苦，卒有患疽者，起爲吮之。嘗觀樂羊爲將，食子示威，易牙主庖烹子獻主

起真其流哉。呂氏曰：起貪人，何與卒同甘苦，以貪功名也。猶漁人以餌致魚，非肯捨餌，志在魚也。貪也。

安王。威烈王子，名驕。二十六年，齊田和遷其君康王海上，自求爲侯。

吳起勸武侯
修德

在德不在險

舟中之人皆
敵國

吳起田文論
功

西吳車要卷一

三

王許之。○魏武侯擊子浮西河，謂吳起曰：美哉山河之固也。起曰：昔三苗左洞庭，右彭蠡，禹滅之；桀右太華，左河濟，伊闕在其南，羊腸在其北，湯滅之；紂左孟門，右太行，常山峻其南，大河經其北，武滅之。蓋在德不在險。苟不德，舟中皆敵國也。○魏相田文、吳起爭曰：將三軍，使士卒樂死，孰與起？治百官，實府庫，孰與起？守西河，秦人不敢東向，孰與起？三者出吾下，位乃加吾上，何也？文曰：主少國疑，方是之時，屬之子乎？屬之我乎？起懼奔楚，立爲相，多廢公族，共殺之。○子思薦

官人猶用木

二卵棄干城之將

母在政身未敢許人

齊侯來朝人下益賢戚王

苟變衛侯曰嘗賦于民食人二雞子子思曰官人猶用木杞梓連抱而有數尺之朽良工不棄今以二卵棄干城之將不可使聞鄰國也○嚴仲子與韓相俠累隙仲子聞聶政俠以金百鎰為政母壽欲得政報累政曰母在政身未敢許人也母卒政往刺殺累自破面決眼出腸而死韓人暴其屍政姊往哭曰此軼人聶政也何愛妾身而沒弟之名乎亦自死

烈王安王子名時周室微甚齊威王獨來朝天下益賢喜七年

威王○齊威王語卽墨今膠州大夫曰子令卽墨毀言

烹阿封卽墨

年少有奇才

孝公布德修政
衛公孫入秦

日至至視卽墨不然。是子不賂吾左右也。語阿今東平府大夫曰。子令阿譽言日至至視阿不然。是子賂吾左右也。遂封卽墨大夫。烹阿大夫。及左右嘗譽者。自是莫敢飾非。齊大治。

顯王

烈王弟名扁四十八年

魏相公叔痤語惠王曰。衛鞅年少有

奇才。君如不用。必殺之。毋令出境。山東諸國皆擯

秦。不與盟。秦孝公發憤修政。欲以強國。有衛鞅入秦

說孝公變法。秦人不悅。鞅曰。民不可慮始。可與樂成。

論至德者不和于俗。成大功者不謀于衆。公曰善。欲

徙木立信

齊魏會于
郊

齊王寶賢

下變法令。即今保甲連坐法。恐民未信。立三丈木于南門。募

民能徙北門五十金。一人徙之。輒與令初下。太子犯

之。鞅曰。太子不可刑。刑其傅。公子虔。公孫賈。明日秦人皆趨

令。十年道不拾遺。野無盜賊。秦大治。昔齊桓不背曹沫之盟。晉文不

貪伐原之利。文侯不失虞人之期。秦幾迫之。但強秦者。缺亡秦者。亦鞅後扶蘇賜死。不敢白。不韋作令書

懸都門。令增減一字者千金。卒莫敢易。非以法哉。○齊威王魏惠王會于田

惠王曰。寡人有照車十二乘。珠十枚。威王曰。寡人有

檀子守南城。楚人不敢寇。盼子守高唐。趙人不敢漁

于河。黔夫守徐州。則燕趙賓從。種首備賊盜。而道不

四臣照千里

明主愛一噸
一笑

治秦與五穀
大夫孰賢

拾遺此四臣者將照千里豈特十二乘哉惠王慚○
韓昭王有敝袴命藏之待有功者曰明主愛一噸一
笑况敝袴哉○衛鞅立阡陌法以有功秦封商於十
五邑號曰商君刑甚酷嘗臨渭水論囚水盡赤○衛
鞅問趙良曰我治秦與五穀大夫孰賢良曰千人諾
諾不如一士諤諤請正言之五穀治秦暑不張蓋勞
不坐乘一救荆禍三置晉君併國十二死之日秦民
皆涕君之治秦陵公族殘百姓公子虔杜門不出八
年矣秦王一旦捐賓客起而謀君者豈微哉孝公卒

齊伐魏以救

韓

孫臏滅竈

大樹白書

蘇秦說六國

雞口牛後
穀擊肩摩

公子虔等以篡論鞅裂其屍以鞅係五馬鞭之使裂魏使龐涓

伐韓韓求救於齊齊以孫臏伐魏臏至魏令軍曰滅

竈誘之兵每一竈兵死則竈滅涓喜曰知齊兵素怯入吾地三

日亡者過半併日追之臏伏兵馬陵今大斫樹橫道

書龐涓死此樹下六字令萬弩夾道以火為號涓夜

至樹下以火燭之萬弩俱發涓自刎太子虜○蘇秦

齊洛陽人初以衡術說秦不用去說趙資輿馬遍說五國

說辭詳見國策其說趙畧云秦之不兵趙畏韓魏議

其後也約五國以攻秦則秦不敢出函谷窺山東矣

說韓畧云寧為雞口毋為牛後以韓之強而有牛後

擊人肩摩連衽成帷。揮汗成雨。乃欲西事秦。竊爲大王不取也。其說楚畧云。帶甲百萬。粟支十年。伯王之藉也。從反則諸侯割地事楚。衡成則楚割地事秦。此兩策者。相去遠矣。立爲從約長相。

六國初秦說秦歸嫂不爲炊。在不下機。及相六國。昆

弟妻嫂。俯伏不敢視。秦曰。何前倨後恭也。嫂曰。季子

位高金多也。越二年。秦使犀首公孫衍約齊攻趙而從

解。趙王讓秦。秦走燕。欲報齊。語燕王曰。臣居燕不能

使燕重。在齊則燕重。乃詐奔齊。誘王窮奢以敝齊。齊

大夫與秦爭寵。刺殺之。○張儀相秦。以衡術說六國。

詳見國策。其說魏畧云。梁地四平。無名山大川之限。地勢固戰場也。今親兄弟。尙有爭錢財相殺傷。乃恃

蘇秦敝齊爲
燕
張儀說六國

孟嘗名重天下

孟嘗君養士

狗盜雞鳴

反覆蘇秦之謀欲無危得乎其說楚畧云合六國以攻秦何異驅羣羊而攻猛虎其不格明矣又云連雞不得俱飛也令割地事秦後儀與秦隙諸侯皆畔儀復相

魏卒田文

齊王侄封于薛

號孟嘗君廣招遊士食客數千

人名重天下秦聘為相或譖曰孟嘗先齊而後秦秦

其危哉王囚孟嘗孟嘗求釋于王幸姬姬欲得狐白

裘

孟嘗曾獻之王無以應

其客善狗盜入王宮盜出獻姬乃釋

及至關關法雞鳴出客客有善雞鳴野雞聞之皆鳴

乃得脫

慎靚王

顯王子名定七年

燕相子之欲得燕權使蘇代

蘇秦弟

佯

燕王屬國子之

投杼下機

信臣不如其母

謗書一篋

致士先從隗始

古史補要卷一

三

言曰。燕不任其臣。無能伯也。燕王噲遂任子之。禪其國。而燕大亂。齊取之。燕叛。共立太子平爲王。卽昭王。秦使甘茂伐韓。茂曰。魯有與會。參同姓名者。殺人人告其母。織自若。乃三告。則母投杼而走。臣之賢不若參。王之信臣不如其母。恐大王之投杼也。昔魏文侯中山拔之。得謗書一篋。文侯不信。以示樂羊。其致成功宜也。○燕昭王修政。命郭隗求賢。隗曰。古以千金求千里馬。馬已死。涓人買其骨還。君怒。涓人曰。死馬且買。況生乎。不期年。千里馬至者三。王欲致士。請自隗始。况賢于隗哉。遂師事隗。

樂毅伐齊

王蠋死節

田單火牛

田單攻狄不克

士爭趨燕。樂毅劇辛往焉。○樂毅破齊。聞王蠋賢。使人請之。蠋曰。忠臣不事二君。乃縊。毅封其墓。半歲下齊七十餘城。獨莒。卽墨未下。樂毅老之。或譖于昭王曰。呼吸下七十城。今三年不拔二邑。欲久仗兵威。收齊衆南面耳。昭王遂立毅爲王。毅泣辭。昭王幸惠王。惑于田單反間計。使騎劫代毅。毅奔趙。田單用火牛計。取刃束牛角。取葦束牛尾。火其尾。牛奔。軍盡觸死。大敗燕。七十城復焉。○田單攻狄三月不克。歸問魯仲連。仲連曰。將軍在卽墨。坐則織簣。立則杖鉞。將軍有死之心。士卒無生之

氣故捷。今將軍有夜邑之奉，**滯**上之娛，有生之樂，無

死之心，故也。單乃厲氣循城，立矢石之所。狄人乃下。

赧王慎靚子名延五十九年。**平原君**趙王弟。食客數千人。有公孫龍

堅白異同之說

者，能為堅白異同之說，與孔穿論臧三耳甚析。○衛

臧三耳
左氏易胥靡

胥靡亡之魏。君以左氏易之。左右曰：以一都買一胥

靡可乎？君曰：法不立，誅不必，雖左氏無益也。○屈平

屈原作離騷

即屈原。任楚以讒見斥。平作離騷辭悟王。王不悟，遂懷

石投汨羅江死。○趙王得和氏璧。楚人卞和以璧獻楚，刖其足。後獻趙

趙相如完璧歸

秦，約以十五城易之。藺相如捧璧往秦，秦無意與城

秦趙會于澠池
相如請秦王
擊缶

相如屈廉頗
廉頗負荊請
罪

器南兵至

相如默令懷歸。而以身待命于秦。秦王賢而禮歸之。
○秦趙會飲澠池。秦王請趙王鼓瑟。相如亦請秦王
擊缶。王不欲。相如曰。五步之內。臣得以頸血濺王矣。
秦王乃擊趙王歸。以相如爲上卿。位居廉頗右。頗欲
辱之。相如每望見頗。輒避。曰。以秦之威。我廷叱之。獨
畏廉將軍哉。顧秦不敢兵趙。以吾兩人在。今兩虎鬪。
必一斃。吾且先國事而後私仇也。頗聞之。肉袒謝罪。
遂成刎頸交。○楚欲伐周。周使人言曰。裂其地。不足
富國。得其民。不足強兵。而有弑其主之名。恐器南則

遠交近攻

韓魏天下之樞

兵至矣。大王何利焉。乃止。○范雎魏人入秦。說曰。以秦之大。制諸侯。猶驅韓盧韓地之犬。名盧。極猛。搏寒兔也。今不如遠交而近攻。則得尺王之尺。得寸王之寸。夫韓魏天下之樞也。親之以威。楚趙附。則齊附。而韓魏因可收矣。王悅。以雎為客卿。按秦王天下全在雎之一說。六國惟不知樞耳。○魏使須賈至秦。初。范雎同須賈使齊。賈疑雎私于齊。歸告魏相齊。齊折其肱。拉其齒。雎詐死。置廁中。賂守者得脫。更名張祿入秦。至是微行見賈。賈曰。范叔一寒至此。乃取綈袍賜之。及賈入相府。見為雎。乃謝罪。

趙括代廉頗

趙括徒能讀父書

毛遂自薦

處囊脫穎

睢曰。所不死者。綈袍戀戀。尚有故人意耳。後魏殺齊以謝睢。○秦伐趙。廉頗知莫敵。堅壁不出。秦縱反間。曰。秦獨畏馬服君。趙名將。之子括耳。趙王遂以括代頗。相如曰。括徒能讀父書。不知合變也。括之母亦上書具言。括不可將。王不聽。竟大敗。失上黨地。趙兵四十萬盡爲秦白起所坑。○秦攻趙邯鄲。趙使平原君求救于楚。約其門下傑士以行。得十九人。餘無可取者。毛遂自薦。平原君曰。賢士處世如錐處囊。其末立見。先生未有見也。曰。使遂早處囊中。則脫穎而出。非特

利害兩言決耳

合從為楚非為趙

因人成事

平原君不敢相天下士

仲連不肯帝秦

其末見而已。平原君與之行。至楚。楚王久不決。毛遂按劍而前曰。從之利害。兩言決耳。以楚之強。屢為秦挫。此百世之怨。合從為楚。非為趙也。楚王唯唯。與遂歃血。殿上遂以手招十九人。上殿曰。公等碌碌。因人成事者也。楚使春申君救趙。平原君歸曰。勝不敢復相天下士矣。○初秦伐趙。魏人以為便。孔斌曰。燕雀處堂。自以為安。竈突炎上。棟宇將焚。不知禍之及已也。秦收趙。魏必次之。○魏使辛垣衍說趙帝秦。魯仲連聞之。見衍曰。彼秦棄禮義而尚首功之國也。即肆

先生天下士
戰國以來一
人

公子竊符救
趙

無忌大破秦
師于邯鄲

六術五權三
至

奇貨可居

然而帝連有蹈東海死耳。衍拜曰：先生天下士也。不

敢復言帝秦矣。

蘇氏曰：仲連戰國以來一人也。

○秦伐趙，平原君讓

魏不救，信陵君

魏王弟，名無忌，食客三千人。

請于王，不許。客侯嬴

曰：魏兵符在王臥內，苟得竊之，矯命兵可徵也。信陵

君賂如姬

王幸姬。

竊之，率兵救趙，大破秦師于邯鄲。信

陵君遂居趙，不還。

○荀况

蘭陵人。

與趙王論兵要在附

民，為將在操六術

號令賞罰等件。

持五權，明三至，王善之。

○秦太子妃華陽幸而無子，夏姬生子異人，質于趙。陽

翟

今河南府。

大賈呂不韋適趙，見之，曰：此奇貨可居。說曰：

未亡而嬴秦

先亡信哉

○後秦紀實呂姓不韋後必分後秦者以別姓氏也
都咸陽今陝西凡二君得年四十混一止

十有

二年

李牧北邊良

將

始皇帝名政王位二十五年帝位十二年李牧趙北良將也守鴈門所

收市租悉以享卒卒日受賜願一戰大破匈奴十年

不敢近趙○初以呂不韋為相封文信侯號曰仲父

嘗入宮與太后通懼覺乃進嫪毐于太后生二子至

是事發王誅嫪毐廢太后殺其二子不韋亦自殺○

太后廢諫死者二十七人茅焦解衣伏質曰陛下裂

質茅焦解衣伏

復為母子如初

藉寇兵而資盜糧

韓非善刑名法律之學

韓非作說難

燕丹遣荆軻入秦

假父。撲二弟。遷母后。恐桀紂不過也。聞天有二十八宿。願死備其數。王乃迎太后歸。母子如初。○秦大索逐客。楚人李斯亦在逐中。斯上書王。畧云昔穆公西得百里奚于宛。迎蹇叔于宋。求丕豹公孫支于晉。孝公用商鞅。惠王用張儀。昭王得范雎。而秦遂強。四君者皆客之功。客何負于秦哉。今却客以業諸侯。所謂藉寇兵而資盜糧者也。乃除逐客令。復斯官。○韓公子非善刑名法律之學。作說難諸書。見古說秦。因納地請藩。而韓滅。非子隨見殺。○初燕太子丹質于秦。秦不為禮。丹歸欲報之。聞荆軻。賂使刺秦王。懼不得近。乃取樊於期頭。秦將得罪奔燕。故取以獻於期。

圖窮而七首

見

王翦伐楚

史記卷六

聞之遂自與燕地圖獻秦王。圖窮而七首見。軻把王

袖。袖絕。王環柱走。左右曰。王負劍。遂拔劍斬軻。大發

兵攻燕。燕斬丹獻按荆軻之刺與博浪之擊皆千古義舉。惜不成耳。溫公謂丹之速禍

非矣。則齊事秦甚謹。胡為亦滅之也。○秦滅趙及魏。以王翦將六十萬

人滅楚。明年又滅燕。因令王賁將兵入臨淄。誘齊王

封以五百里。齊王降。置之松柏之間餓死。○秦并天

下。自謂德冠三皇。功過五帝。號曰始皇帝。令繼世者

由二世至萬世無窮。以水德王。言以水尅周之火也。易亥月為

歲首。○王綰請王諸子。李斯曰。周封同姓甚衆。故至

樹敵

秦分天下為

三十六郡

徙豪傑于咸

陽

立石頌德

張良為韓報仇

大索十日

子房一擊之力

築長城威震匈奴

此今立國是樹敵也。始皇乃分天下為三十六郡而

徙天下豪傑于咸陽。收天下兵器鑄金人十二。○始

皇幸泰山立石頌德。禪梁父。為壇祭之日禪會天雨。避松下。

封松為五大夫。遂與方士徐市入海求三神山。蓬萊等山

不死藥。浮江至湘山祠。舜二后祠大風幾覆。始皇怒。赭其

山。○張良五世相韓。韓亡欲報之。令力士操鉄椎擊

始皇于博浪沙中。誤中副車。始皇怒。天下大索十日。

晦菴謂椎雖誤中。然已奪魄。自是陳勝輩繼起。皆子房一擊之力也。○盧生曰。亡秦者

胡也。乃隱語。指胡亥。始皇乃築長城起臨洮止遼東。延袤萬

秦建阿房宮

諸子誦法孔
子
扶蘇監蒙恬
軍于上郡

可易車馬

餘里威震匈奴。○李斯請非秦紀者焚。凡藏詩書及
偶語百家。棄市所不去者。獨醫卜諸書。始皇善之。○
始皇以咸陽宮小。乃營朝宮于上林苑。先建前殿阿
房。東西五百步。上可坐萬人。下可建五丈旗。役隱宮
徒刑七十餘萬人。男子割勢。婦人幽閉。曰隱宮。○諸生四百六十
餘人。以譏訕坐坑。太子扶蘇諫曰。諸生誦法孔子坑
之天下動矣。始皇怒。使出監蒙恬軍于上郡。○始皇
出遊崩于沙邱。趙高宦者李斯謀立胡亥。懼扶蘇。乃祕
之不發喪。詐為詔。賜扶蘇死。言監軍無功。始發喪。葬驪山。

下。

騁六驥過決隙

陳勝起兵

王侯將相寧有種

耳餘勸陳勝立六國後鼠竊狗偷不足憂

二世皇帝

始皇少子名胡亥二年

王曰人生如騁六驥過決也隙

願窮樂終年壽耳趙高曰賢請嚴法盡除先帝臣則

得肆志矣遂投舊臣○陳勝陽城人字涉業耕嘗語人曰

苟富貴無相忘人笑曰傭耕何富貴勝曰燕雀安知

鴻鵠志哉王侯將相寧有種乎至是起兵于蕘在沛郡

詐稱扶蘇據陳自立為陳王張耳陳餘曰是示天下

私也莫如立六國不聽諸郡縣苦秦法者亦多殺其

吏以應○時盜紛起左右誑王曰鼠竊狗偷不足憂

大丈夫當如此
東南有天子
氣
所居上有雲
氣
劉季斬蛇

也。

○劉邦

字季沛人。爲亭長。

起兵于

沛

今沛縣。

邦隆準龍顏。左

股黑子七十二。有大度。不事家人生業。嘗遊咸陽。縱

觀。曰。大丈夫當如此。時呂公善相。見季奇之。因女焉。

初始皇言東南有天子氣。季遂自疑。匿芒碭山澤間。

呂后求之。每得。季問以故。后曰。季所居上有雲氣。季

嘗夜行。遇蛇斬之。後人至蛇所。有老嫗泣曰。吾子白

帝子也。今赤帝子斬之。嫗忽不見。後人告季。季益自

負。蕭何曹參率沛子弟歸之。立爲沛公。○項梁

楚將。下相。

人。今宿遷縣。嘗殺人。與兄子籍避于吳。籍長八尺。力能扛

項羽學萬人敵

賢主必行督責之術

指鹿爲馬

鼎少學書。不成學劍。曰書足記名姓而已。劍一人敵也。當學萬人敵。至是殺會稽守。以梁代之。而自立爲將。○田儋齊後起兵。自立爲齊王。周市楚將立魏。後爲魏王。韓廣趙將自立爲燕王。張耳、陳餘立趙。後爲趙王。上因兵紛起。問李斯。斯曰。賢主行督責之術。羣臣百姓救過不暇。暇圖變哉。乃益嚴法。○趙高欲專權。誘上曰。天子所以貴者。臣下莫得見面耳。上遂居禁中。事悉聽于高。高與李斯隙。遂誣斯族之。高一日持鹿獻上。誑曰。馬也。上詢之左右。或默。或言鹿。高陰中言鹿。

張良以太公
兵法說沛公
沛公殆天授

范增說梁立
楚後

項羽斬宋義

者以法。自是莫敢有言。○張良字子房率多人道遇沛公。以太公兵法說之。無不喻。良曰。沛公殆天授。遂從之。○項梁以八千人渡江而西。沛公往焉。鄼人范增今巢縣年七十。說梁曰。陳勝惟自立。故為秦滅。今君必立楚王為名。民望收矣。乃立楚後懷王為義帝。張良亦說立韓後為韓王。○上命章邯攻楚。梁羽季三人迎戰于雍邱。大破之。梁有驕色。上空國兵攻楚。楚敗。項梁死。章邯因攻趙。懷王使宋義將兵救趙。號鄉子冠軍。義頓兵不進。項羽曰。國兵新破。急緩可乎。遂殺

沉船破釜

沛公寬仁長者

沛公輟洗見酈生

陳留天下之衝

義引兵渡河。沉船破釜。持三日糧。以示必死。立破秦兵。○楚懷王約能先入關者王。羽憤欲往。諸將曰。羽慄悍。所過必殘。不可。沛公長者可使。乃遣沛公。沛公引兵過高陽。酈食其人謁沛公。據牀洗足。酈生曰。足下誅無道秦。不宜倨見長者。沛公輟洗謝之。因請計。酈生曰。足下兵不滿萬。徑入強秦。所謂探虎穴者也。陳留今開封府天下之衝。城中多積粟。誠說之使下。圖秦不難矣。沛公從之。果下立食。其爲廣野君。每以說樹功。○趙高每言關東盜無能爲。至是逼高懼誅。乃弑

二世于望夷宮立子嬰。嬰痛父被弑。遂夷高三族。沛
公兵至霸上。秦兵皆靡。嬰知莫敵。遂降。衆欲誅之。沛
公曰。已降而殺。不祥。乃屬吏。

古史輯要卷二

○漢紀劉姓堯之後都長安秦舊都是為西漢滅秦五年始平楚為一統凡十三君合王莽淮陽王十六年共二百三十年

附楚義帝

楚霸王

蕭何收相府圖籍

高祖皇帝

名邦字季十二年

沛公入咸陽諸將爭取財物蕭何

忠言逆耳利
于行
沛公還軍霸
上

獨收相府圖籍以此沛公得知天下扼塞戶口多少之處公見秦宮室婦女欲留咸陽樊噲曰公欲有天下耶將為富翁耶凡此皆秦所以亡也張良曰忠言逆耳利於行毒藥苦口利於病願聽噲言乃還軍霸上

約法三章

項羽定河北

志不在小

謝羽鴻門

項莊拔劍起舞

古史補遺卷二

王召父老約法三章殺人死盜及傷人抵罪悉除秦苛令而吏

民安堵如故唐氏曰不殺子嬰約法三章楚漢得失全在于此○項羽既定

河北欲西入關因秦卒多怨羽夜坑殺二十餘萬人

○沛公遣兵守函谷已而羽至見關閉大怒攻破之

范增曰吾使人望沛公有天子氣其志不在小急擊

勿失項伯善張良夜馳約良俱走良不許強伯見沛

公公厚遇伯且曰吾所以守關備他盜耳敢反乎伯

歸約旦日速謝羽旦日沛公來謝羽鴻門羽留飲增

數目羽召項莊舞劍為戲欲殺沛公項伯亦舞劍以

樊噲帶劍入
軍門

奪天下者必
沛公

身蔽公。樊噲帶劍直入。髮上指。眦盡。裂。羽曰。壯士。賜
之酒肉。立飲。啗之。羽曰。能復飲乎。噲曰。臣死且不避。
斗酒安足辭。懷王約先入關者王。沛公入咸陽。分毫
無近。還灞上。以待將軍。將軍不功。是務謝而聽細人
言。欲誅首功。此亡秦之續耳。公如廁。與噲間行。灞上
留張良。謝羽歸。增曰。唉。豎子不足謀。奪將軍天下。必
沛公也。范增之殺沛公。以有天子
氣。吁。果天子矣。誰能殺之。○項羽居咸陽數
日。乃殺子嬰。掘始皇塚。燒秦宮火。三月不熄。取寶女
東歸。曰。富貴不歸故鄉。如衣繡夜行耳。韓生曰。人言

沐猴而冠

養民致賢

張良燒絕棧道

楚人沐猴而冠。果然。羽聞烹韓生。○項羽陽尊義帝。

實不用其命。自立為西楚霸王。都彭城。今徐州。立沛公

為漢王。止漢蜀等郡。三分關中。立三秦將。章邯。司馬欣。董翳。皆降將。為

王。距塞漢路。漢王怒。欲攻羽。蕭何曰。姑就漢。養民以

致賢。收用已蜀。還定三秦。天下可圖也。漢王善之。以

何為相。遂往漢中。張良送至國。王令良歸韓。良勸王

燒棧道。路險架木而行曰棧。以絕盜兵。且示羽無東意。後楚殺

韓王。良復歸漢。綱目曰。張良始終為韓。初從沛公立韓。以報秦也。韓滅復歸漢。欲報楚也。

韓信。淮陰人。家貧業釣。漂母憐而飯之。信曰。必厚報。曰。

韓信胯下之辱

設壇拜將

一軍皆驚

三秦可傳檄而定

吾哀王孫而進食。豈望報乎。信嘗遇豪少年。侮以勝下。信不爲意。初仗劍投羽。羽不用。歸漢。蕭何奇之。一日信亡去。何夜追信。衆言丞相亡去。王怒。如失左右手。未幾何至。語王曰。信國士無雙。王欲有天下。非信不可。王乃設壇拜將。諸將皆喜。人人自以爲得大將。至拜乃信也。一軍皆驚。延信上坐。信曰。項王喑啞叱咤。千人皆廢。然不任賢。匹夫之勇耳。接人多姁姁。每吝爵賞。婦人之仁耳。王誠反其道。三秦可傳檄定也。王大悅。恨得信晚。○王引兵定三秦。王陵沛人率其黨

陵母伏劍

漢王爲義帝發喪
漢軍敗于睢水
大風天晦

古史輯要卷二

三

歸項羽取陵母置軍中招陵。陵母寄語陵曰：漢王長者毋以妾故二心，遂自刎。○項王密使黥布弑義帝于江中。按漢雖有併吞之心，終不便于義帝，羽何不悟爲漢翦所忌也。新城三老董公說漢王曰：羽弑帝，願王素服，率諸侯兵伐之。王爲帝發喪，合諸侯兵伐楚。彭越降，遂入彭城，收其寶貨。美人日置酒高會。羽率兵還，破漢軍于睢水。今靈壁縣。漢軍溺死者二十餘萬，水爲不流。會大風天晦，王乃得遁。時太公呂后間行求漢王，羽獲之，置軍中爲質。○陳平武陽人，今開封府，字孺子。嘗爲父老宰社肉，甚均，曰：使平宰

宰天下如是

肉

陳平美如冠

玉

計足以利國
家

漢王命蕭何
守關中

木罌渡軍

天下有如是肉。後因魏無知見漢王。授護軍中尉。多
受軍人賂。周勃曰。陳平美如冠玉。其中未必有也。嘗
聞平居家盜嫂。今又受賂。王讓無知。無知曰。今有尾
生。嘗與女子約于橋下。適水至溺死不去。孝已。高宗子。至孝。之行而無益勝
負之數。王用之否。顧吾進平以其足利國家耳。盜嫂
受金何論乎。○漢王至滎陽。諸敗軍皆會。漢兵復振。
乃東征。蕭何輔太子守關中。轉糧調兵。未嘗乏絕。○
韓信攻魏。魏塞臨晉。信為疑兵。備船欲渡。而陰使伏
兵從夏陽以木罌渡河。直入魏。已定魏地。而魏兵不

韓信背水陣

立赤幟

韓信師事廣武君

知。韓信攻趙。廣武君

李左車

欲引兵間道陰絕漢糧。

成安君不聽。

卽陳餘

信乃設背水陣。令二千人持一

赤幟。夜從間道入趙。候信戰詐敗。趙兵空壁來逐。二

千人直入趙壁。拔趙幟。樹漢赤幟。趙兵反驚走。漢兵

來攻。大破之。信令生獲廣武君者千金。未幾縛至。信

師事之。廣武曰。敗軍之將。不可語勇。信曰。百里奚居

虞。虞亡。相秦。秦伯非愚虞而智秦也。用不用耳。向使

成安聽公。僕就擒矣。廣武曰。狂夫之言。聖人擇焉。將

軍初定。趙魏兵必疲。毋更事燕齊。臣請說下燕齊。無

酈食其謀撓
楚權

請借前箸

陳平反間

大牢具進

患矣。信從之。燕果下。酈食其議立六國以屈楚。王善之。令刻印。適張良至。王語良。良曰。陛下事去矣。請借前箸爲王籌之。時主方食故借箸以指黠今從王者欲得咫尺地耳。使立六國各歸事其主。誰與佐王乎。王輟食。令趣銷印。前日立六國以地非吾有借他人地樹自己威則可今地皆吾地也乃割以予人豈不謬哉○陳平請捐金行反間以貳楚君臣。王予金四萬斤。恣平所爲。令誑項王曰。亞父龍且等怨王不封賜。欲合漢。羽已疑之。及羽使人至漢。平令以太牢進見。羽使佯驚曰。吾意亞父使。乃項王使也。復持去以惡。

天下事定

紀信誑楚

馳壁奪符

知天之天者
王事可成

古史輯要卷二

五

草具進。使歸語羽。羽益疑。亞父憤曰。天下事定矣。王
自爲之。乞骸骨歸。疽發背死。○楚圍滎陽。紀信曰。事
急矣。臣請誑楚可脫。乃乘王車。出東門降。楚兵皆往
東。王得從西門遁。羽燒殺信。信以身代王。後論功而無一及。漢真寡恩哉。
漢王由成臯北渡河。自稱漢使。馳入趙壁。時韓信張
耳未起。王卽其臥內奪印符。召諸將更置之。信耳起。
知大驚。王令張耳守趙。韓信領兵攻齊。○漢王欲捐
成臯。今河南府。屯鞏洛。以距楚。酈生曰。知天之天者。王事
可成。國以民爲天。民以食爲天。敖倉多粟。羽拔滎陽而不堅守。敖

天所以資漢

吾翁即若翁

漢王分羹

為天下者不

顧家

數羽十罪

酈生下齊

為將不如一
豎儒之功

倉此天所以資漢也。王從之。遂取成。皇軍廣武。以就
敖倉粟。楚兵食盡。語漢王曰。不急下。吾烹太公。王曰。
吾翁即若翁。必欲烹。幸分我一杯羹。羽怒。欲烹項伯。
曰。為天下者不顧家。烹之何益。羽數挑戰。王曰。吾寧
鬪智。因數羽十罪。伏弩射王中胸。乃捫足曰。虜中吾
指。恐言中胸。人心動也。漢高可謂機智絕敏者矣。王病創。強起以安士卒。
酈生請于王。往齊說下之。韓信聞齊下。欲引兵返。蒯
徹曰。未聞詔止攻齊也。今酈生以三寸舌。刻日下齊。
七十城。將軍以數萬兵。經歲下趙五十城。反一豎儒。

囊沙壅水

躡足附耳

立信爲齊王

武涉說韓信

蒯徹說韓信

不若矣。信乃攻齊。齊以酈生賣已烹之。項羽使龍且救齊。相距于濰水。信夜以囊盛沙壅水不流。候戰。詐敗。楚兵追至半渡。令決囊沙。盡溺死。而齊地平。韓信使人請曰。齊多詐之國。願爲假王鎮之。王怒。陳平躡足附耳曰。今漢方不利。寧能禁信王乎。王悟。復罵曰。大丈夫當爲眞王。何以假爲。遂立信爲齊王。○項羽聞龍且死。大驚。使武涉說信連和。三分鼎足。不從。○蒯徹說韓信曰。相君之面。不過封侯。相君之背。貴不可言。今楚漢兵疲。足下因而據之。天下朝齊矣。信曰。漢

時者難得而易失

楚與漢約中分天下

養虎貽患

信越期會不至

四面皆楚歌

王遇我甚厚。豈忍背乎。徹曰。勇畧震主者身危。功蓋天下者不賞。且功者難成而易敗。時者難得而易失也。時乎。時乎。不再來。信猶豫不忍背漢。卒謝徹。羽食盡兵微。乃約鴻溝以西為漢。東為楚。而歸太公呂后。以和。盟罷各去。良平曰。天方授楚。王勿取。是養虎貽患也。王遂引兵固陵。今固始縣而約韓信彭越兵共攻楚。信越不至。為楚兵所破。張良請以楚地與信。越令兩人自戰。于是信越皆會垓下。今亳州羽聞漢兵皆楚歌。大驚曰。楚盡降矣。在重圍中。夜起與虞姬飲。且悲

亭長艤船待羽
項羽不渡烏江

歌曰。力拔山兮氣蓋世。時不利兮騅不逝。騅不逝兮
可奈何。虞兮虞兮奈若何。遂潰圍而出。至陰陵。今無
爲田父誑。陷大澤中。復至烏陵。今和漢兵追及羽曰。
吾八年七十餘戰。未嘗敗北。今天亡我。非戰之罪也。
立斬漢將。及兵百餘人。有亭長艤船以待。曰。江東亦
足王也。願急渡。羽歎曰。籍與江東子弟八千渡江而
西。今無一還。縱江東父老憐而王我。我何面目見之。
遂自刎。林氏曰。高祖百戰百不勝。惟不勝一勝必王。
項羽百戰百不敗。惟不敗一敗必亡。且羽一
生病在多疑。卽不渡江亦是疑。亭長耳不則奚潰
圍而出哉。雖然。其一種氣岍處。猶令千載生色矣。

城下猶聞絃歌聲

封韓信為楚王

三人皆人傑

項羽不能用

范增

田橫不肯歸

漢

楚地盡平。獨魯不下。漢王至城。猶聞絃歌聲。曰。禮義之國也。持羽頭示魯。乃下。以魯公禮葬羽。封項伯為列侯。○漢王即帝位於汜水。今山東曹縣封韓信為楚王。而奪齊王位。信至楚。報漂母千金。召辱已少年為中尉。○上論楚漢興亡。曰。運籌帷幄。決勝千里。吾不如子房。鎮撫國家。餽餉不絕。吾不如蕭何。連百萬兵。戰勝攻取。吾不如韓信。三人皆人傑。吾能用之。故興。項羽有一范增。而不能。用。故亡。○田橫齊後不服。上招之。橫率其客二人來。將近漢。自殺。上以王禮葬。二客治

臣各爲其主

兩賢豈相戾

人臣無效丁公

金城千里

扼吭拊背

張良謝病辟

穀

前漢書卷二

卷二

喪畢亦死。其黨五百人聞之皆赴海死。○季布嘗逐上。上至是求之急。布藏魯朱家。使人說上曰。臣各爲其主。何以私怨求人。上召布爲郎中。丁公亦嘗逐上。上語曰。兩賢豈相戾哉。丁公遂還。至是謁上。上斬之。曰。使後世人臣無效丁公也。○婁敬後賜姓劉論建都曰。洛陽四面受敵。有德易王。無德易亡。秦金城千里。三面險阻。獨以一面制諸侯。乃扼天下之吭而拊其背也。羣臣皆執周王八百。秦亡二世爲辭。獨張良亦主敬議。遂都長安。○張良謝病辟穀。不食也。曰。臣以三寸

三寸舌爲帝

者師

張良從赤松

子遊

僞遊雲夢

狗烹弓藏

多多益善

高帝善將將

蕭何發縱指

示

舌爲帝者師。此布衣之極。願棄人間事。從赤松子遊。
耳。謂良得仙術非也。良子。○韓信居楚。人以反告上。
上僞遊雲夢。縛信歸。信曰。狡兔死。走狗烹。高鳥盡。良
弓藏。天下已定。我固當烹。上赦之。封淮陰侯。信每稱
病不朝。上嘗問曰。我能將兵幾何。曰。止十萬。上曰。卿
何如。曰。臣多多益善。上笑曰。何猶爲我擒。曰。陛下不
善將兵。而善將將。○上封功臣。蕭何食邑獨多。功臣
不服。上曰。諸君知獵乎。追殺兔獸。狗也。發縱指示人
也。眾乃服。上使張良自擇齊三萬戶。良曰。臣會陛下

陳平不背本

沙中偶語

急先封齒

詔定元功位
次

蕭何萬世功
帶劍履上殿

古史補遺卷二

七

于留封留足矣。乃侯留封陳平侯。平請及魏無知。上曰。可謂不背本矣。遂賞無知。○上懲秦孤立。乃大封同姓。卽微時外婦子亦封王。時諸將未封者坐沙中。偶語上望見。張良曰。陛下以若屬取天下。今分封不及。故相聚謀反耳。宜急取平日甚憎者封之。則若屬可安。上乃侯雍齒。諸將曰。雍齒且侯。吾輩無患矣。○詔定功次。皆首曹參。鄂千秋曰。參一時畧地功耳。陛下數困山東。蕭何每進兵給餉。獨全關中以待陛下。此萬世功也。上賜何帶劍履上殿。入朝不趨。因侯鄂

禮樂積德百
年而後興

綿蕞

今日知帝之
貴

陳平六出奇
計

天子以四海
爲家
劉敬議和親

千秋。尊太公爲太上皇。羣臣以醉爭功殿上。拔劍
擊柱。上厭之。叔孫通請定朝儀。魯兩生不欲。曰。禮樂
積德百年乃可興。通曰。鄙儒不知時變。遂率衆往野。
爲綿蕞習之。長樂宮成。羣臣朝賀。莫不肅。上曰。吾
乃今知帝之貴。拜叔孫通爲太常。匈奴寇邊。上伐
之。被圍于白登。七日。用陳平計得解。平嘗從征。凡六
出奇計。蕭何治未央宮。太麗。上怒。何曰。天子以四
海爲家。非此無以樹威。匈奴入侵。劉敬請以公主
妻之上。取他女爲公主妻。冒頓乃和。上寵戚姬。姬

周昌諫廢太子
期期不奉詔

壯士白見四人

四千戶慰趙子弟

吾悔不用蒯徹計

生如意。上欲廢太子立之。御史周昌多口踰曰。陛下廢太子。臣期期不奉詔。上笑。立如意為趙王。因以昌相之。○陳豨反。上親征之。命周昌選趙壯士可將者。昌白見白于王使見也四人。上罵曰。豎子能將乎。既而各封千戶。左右訝之上曰。豨反。趙地皆豨有。何愛四千戶。不以慰趙子弟。時韓信舍人告信與豨全謀。呂后蕭何給信入朝。斬之。信曰。悔不用蒯徹計。乃為兒女子詐。遂夷信三族。上返問呂后曰。信死何言。曰。言悔不用蒯徹計。上捕徹至。曰。若教淮陰侯反乎。徹曰。

高材疾足先得

跖狗吠堯

樂布哭彭越

陸賈稱說詩

書

馬上安事詩

書

陸賈新語

樊噲排闥直人

然秦失其鹿天下共逐疾足者先得焉。跖之狗吠堯。堯非不仁。狗固吠非其主耳。上赦之。○上初征陳豨。徵彭越兵不至。遂夷三族。樂布哭之。上欲烹布。布曰。陛下困梁陽。微夫人之力不至此。今以小故誅之。恐功臣人人自危也。上拜布都尉。○陸賈時時稱說詩。書上罵曰。乃公也。自稱居馬上得之。安事詩書。賈曰。寧能馬上治之乎。乃述古興亡十二篇以進。號曰新語。○見古文。○上疾臥禁中。詔戶者弗入。羣臣樊噲排闥直入。見上枕宦者臥。泣曰。陛下不見趙高乎。上笑起。○

三人同功一體

薛公料黥布

過魯以太牢

祀孔子

四百年精神

命脉在此

以沛為湯沐

邑

太子天下太

史記卷一百一十五

二

黥布反。薛公曰：信越布同功一體之人也。上誅信越，
 布疑禍及故反耳。使布出上計，山東非漢有，中計勝
 敗未可知，下計陛下安枕矣。然布必下計，上征平之。
 ○上過魯，以太牢祀孔子。漢家四百年精神全在于此。○上過沛，
 召親故與飲，上擊筑而歌曰：大風起兮雲飛揚，威加
 海內兮歸故鄉。安得猛士兮守四方。且泣曰：其以沛
 為朕湯沐邑。薄收其賦，僅供湯沐。○上病，欲易太子，叔孫通曰：
 必欲易，臣請以頸血污地上，曰戲耳。通曰：太子天下
 本，本搖天下動。奈何以天下戲乎？呂后召張敖畫計。

上不能致者
四人

四皓羽翼太
子
相國爲民請
苑
真宰相事

良曰。上不能致者四人。東園公。綺里季。夏黃公。用里先生。今致之侍

太子。則太子重。上見四皓。驚曰。公等何遠我。從吾見

乎。曰。陛下善罵。臣等義不辱。故匿聞。太子仁孝慈敬。

天下延頸有日。故從之。上指示戚夫人曰。羽翼成矣。

莫能易也。○蕭何以上林苑多空地。請令民入田。上

疑其受賂。械係之。王衛尉曰。有便于民。請之。真宰相

事。如以利相國守關中。稍搖足。關以西非陛下有也。

彼不以此時利。今利細人金乎。乃釋。昔田子方之馬賣于人。至老。買

者欲棄之。子方曰。少服其力。老而棄焉。吾不忍也。遂以金贖。夫一馬且然。况開國之相乎。○上病

安劉必勃

人彘

東曹參遵何約

篤語呂后曰。相國死。曹參可代。王陵少戇。陳平可佐之。平雖智有餘。然難獨任。周勃重厚少文。安劉氏者。必勃也。遂崩。

孝惠帝

高祖長子。名盈。七年。

太后酖殺趙王。斷戚夫人手足。去眼。

暉耳。飲瘖藥。使居廁中。號曰人彘。召上觀之。大驚曰。

此非人所爲。朕何以治天下。遂日飲樂不聽政。○蕭

何病上。問誰可代相。何曰。曹參嘗與何隙。至是聞

何死。告舍人治行。曰。將入相。頃之果召參爲相。一遵

何舊政。民歌曰。蕭何爲法。較若畫一。曹參代之。守而

清靜寧一

後世賢師吾儉

太后欲王諸呂

王陵面折廷諍

弗失載其清靜民以寧壹○蕭何為相不治恆產曰

後世賢師吾儉不賢無為世家所奪○匈奴遺書高

后無狀后欲征之季布曰言雖惡何足計乃善其辭

以復匈奴慚謝書畧云兩主不樂無以自娛以其所有易其所無

高皇后

呂氏名雉高帝后惠帝母也惠帝無子高后取他氏子繼之惠帝崩立為少帝高后代政八年

○史係統高后者高后王諸呂呂祿等俱后弟王陵曰高帝

見少帝非劉也刑白馬盟曰非劉氏後者無王陳平周勃聽之陵退

讓平勃曰白馬盟諸君不在耶平勃曰廷諍臣不如

君安劉氏後君恐不如臣按高后幸先平勃死耳若後死二子如此言何哉程

人臣之義當以王陵爲正。劉章以軍法行酒。

平勃相結

酈寄說呂祿以兵屬太尉劉氏左祖

古史補遺卷二

子曰。人臣之義。當以王陵爲正。○劉章念諸呂擅權。嘗入侍宴。請以軍法行酒。后許之。時諸呂有醉逃者。章追斬之。自是諸呂稍下。章嘗託歌云。深耕溉種。立苗欲疏。非其種者。鋤而去之。后亦心畏章。○陳平患諸呂。陸賈曰。天下安。注意相。天下危。注意將。將相調。則權不分。而變可弭矣。乃交驩太尉。○周勃以制諸呂。○太后崩。諸呂欲篡。時兵權盡屬呂祿。周勃令酈寄。祿之友。說祿以兵權屬勃。勃入軍。令曰。爲呂氏右祖。爲劉氏左祖。軍中皆左祖。勃遂將北軍。悉捕諸呂斬之。○羣臣皆言少帝

王者無私

詔議賑恤
除挾書律

丞相社稷臣

非真惠帝子。乃迎代王。嗣帝位。代王不果。周勃宋昌力迎之。至渭橋。勃請間。宋昌曰。所言公。公言之。所言私。王者無私。勃乃跪上天子璽。王西向讓者三。南向讓者再。乃即位。

太宗孝文帝

名恆。高帝中子。二十三年。

詔議賑恤。

除挾書

秦法。挾書者斬。

并

妻孥連坐法。

年八十。上賜米肉。九十。上者帛二匹。不時存問。

上厚遇周勃朝。

罷乃目送之。嘗稱為社稷臣。袁盎曰。劉氏不絕如帶。

丞相功適會其成耳。今有驕色。而陛下更過遇之。不可。有獻千里馬。上曰。吉行日五十里。師行日三十。

却千里馬

陳平不對錢

穀決獄之問

宰相上佐天

子

吳公治行爲

天下第一

一歲超遷大

夫

賈生至言

而明車馬卷二

里。朕乘千里馬。獨先安之。不受。○上問周勃。一歲錢

穀決獄幾何。勃謝不知。及問陳平。平曰。宰相上佐天

子。理陰陽。內親百姓。外撫四夷。使羣臣各任其職。而

已錢穀獄事。何與焉。勃知才不及平。乃謝相歸。○南

越反。上使陸賈往諭之。乃朝。尹氏曰。文帝一紙書。賢于十萬兵也。吳公

河南守。治行天下第一。召爲廷尉。公薦賈誼。洛陽爲博

士。上奇之一。歲超遷大夫。誼請改正朔。興禮樂。盡變

秦舊法。上每謙讓未遑。○日食。上曰。朕過所致。願羣

臣共摘之。○賈山上書。名曰至言。畧云。雷霆之所擊。無不摧折。萬鈞之

止輦受言

袁盎卻坐

擬漢開籍田

詔

賜民今年田

租之半

除誹謗妖言

法

所壓無不糜滅。今陛下威命非特雷霆也。勢重非特萬鈞也。山東之民聞詔下舉賢。雖老羸癯疾。願緩須臾死。以觀德化之成。今日從上嘉納。嗣是凡遇上疏。馳射以墮大業。臣竊悼之。輒止輦受之。○上幸慎夫人。令與寶后並席。袁盎引卻。慎夫人曰。獨不見人彘乎。上悅。賞之金。○賈誼曰。積貯天下之大命也。誠驅游食之衆。轉而緣南畝。人各食其力。樂其所矣。上詔開籍田。賜民今年田租之半。○詔除誹謗妖言。法曰。古明王建誹謗木。今加之。法朕恐無由聞過也。○張釋之爲騎郎。十年不得調。嘗與上論事。上曰。卑之。無甚高論。令可行也。乃言秦

釋之不拜齊

釋之奏當罰金廷尉天下之

賈誼治安策

漢得失。上悅。拜僕射。○上登虎圈。問上林尉以禽獸。不能對。有嗇夫代對甚悉。上欲拔上林令。張釋之曰。以口給而超遷。諛上者至矣。乃止。○張釋之為廷尉。時上出。有驚乘輿馬。釋之曰。犯蹕當罰金。上怒其輕。對曰。法如是。何可踰。廷尉天下之平也。一傾。民安措手足。又有盜高廟玉環。釋之奏當棄市。上怒欲族。對曰。盜宗廟器而族之。假令竊長陵高帝墓。一抔土。何以加法乎。○太子入朝。不下司馬門。張釋之劾不敬。上加重其直。○賈誼上治安策甚愜。上加納之。畧云。今之勢可

抱火積薪

芒刃斧斤

投鼠忌器

大臣短賈誼

前席賈生

賈誼為長沙王太傅

為痛哭者一。流涕者二。長太息者六。進言者曰。天下已安已治矣。臣獨曰未也。夫抱火積薪之下而寢其上。火未及然。因謂之安耳。○屠牛垣一朝解十二牛。而芒刃不鈍者。其排擊皆理解也。至醢髀之所。非斤則斧。仁恩。人主之芒刃也。權勢。人主之斧斤也。今諸侯王。皆衆醢髀也。陛下釋斧斤之用。而撓以芒刃。恐不折則缺耳。○今天下方疾大腫。一脛之大幾如腰。一指之大幾如股也。○人主之尊如堂。臣卑如地。故陞九級。廉遠地。則堂高。陛無級。廉近地。則堂卑。○諺曰。投鼠忌器。夫鼠近于器。尚忌刃投。况貴臣之近主乎。○大臣多短賈誼。上遣為長沙王。傅後上召誼。至上時坐宣室受釐。食祭昨。因問鬼神事。誼具言其故。至夜半。上前席既罷。曰。吾久不見賈生。自謂過之。今不及也。遂遷梁王傅。後梁王墮馬死。誼亦自傷失職。

詔鑄四銖錢

文帝誅薄昭

晁錯上言邊事

四者兵之至要

泣死。○或誣周勃反。下廷尉。薄太后曰。向將北軍。誅諸呂。縮帝璽。不以此時反。今乃反耶。遂赦。初。勃下獄。獄吏難之。勃曰。吾將百萬兵。安知獄吏之貴。○詔鑄四銖錢。錢四分重也。淮南王反。徙蜀。道死。民歌曰。一尺布。尚可縫。一斗粟。尚可舂。兄弟二人不相容。上聞而悼。封其子。○薄昭。太后弟。殺漢使。坐誅。上使羣臣喪服往弔。乃自殺。○匈奴數苦邊。晁錯上言邊事。并募民田塞下。兵事畧去器械不利。以其卒予敵也。卒不堪用。以其將予敵也。將不知兵。以其主予敵也。主不擇將。以其國予敵也。四者兵之至要也。○匈奴之長技三。中國之長技五。今義渠新降。其技與匈奴同。令

兩軍相為表裏

明君貴五穀

而賤金玉

智囊

除肉刑

文帝有刑措之風

拊髀思頗牧

古者推轂遣將

兩軍相為表裏而各用其長斯萬全矣。○屯田畧云。貉人能耐寒。粵人能耐暑。驅漢卒一旦走塞外。不戰幾矣。○足餉畧云。明君貴五穀而賤金玉。今欲足邊莫如令民輸粟于邊以免罪。不三年而塞上多饒矣。上嘉納之。錯為人深刻多智。太子號曰智囊。○淳于意有罪當刑。其女緹縈上書願沒入為官婢以贖父刑罪。上憐之。詔除肉刑。上務寬厚。至斷獄四百有刑措之風。○上曰。聞昔李齊之賢。戰於鉅鹿。下今每飯意未嘗不在鉅鹿也。馮唐曰。尚不如廉頗李牧上拊髀曰。誠得頗牧。寧憂匈奴哉。曰。雖得弗能用也。古者推轂遣將。曰。閫以外將軍主之。今魏尚守雲中。坐差

文帝不能用
頗牧

玉杯改元

申屠嘉辱鄧
通

勞軍細柳

百史車要卷二

七

六級削爵。

兵法以獲級多。上賞。尚止得六級故削。

臣故曰。雖得頗牧弗

能用也。乃復尙爵。

○新垣平

方士使人持玉杯獻上。上

刻人主延壽四字。平先誑曰。闕下有寶玉氣。頃之果

獻玉杯。上悅。遂改十七年爲元年。後上覺其詐。斬之。

○丞相申屠嘉入朝。見鄧通狎上。嘉曰。陛下誠愛羣

臣。則富貴之。毋以朝廷瀆也。朝罷。召通欲斬之。上度

丞相已困通。使使急持節召通。因謝嘉曰。此吾美臣。

君釋之。通至。爲上泣曰。丞相幾殺臣。○匈奴入雲中。

上令周亞夫次細柳。劉禮次霸上。徐厲次棘門。上往

按轡徐行

真將軍

四百年文帝

所貽

詔減筭法

晁錯謀削七

國

勞棘門灞上直馳入至細柳不得入曰軍中但聞將

軍令不聞天子詔上使使持節詔亞夫開壁門門者

曰軍法不得馳驅上按轡徐行至營亞夫持兵揖曰

介冑之士不拜上改容式車勞畢出曰此真將軍矣

棘門灞上若兒戲耳月餘匈奴退呂氏曰惜露臺費

匈奴不盡人之財不盡人之財不伐匈奴不盡人之財

孝景皇帝

文帝子名啓十六年有元年中元後元三號

詔減筭法民三十稅

一

初文帝稅屢盡除至此又稍復

時七國多橫晁錯議削其地吳王

遂糾諸王反上命周亞夫將兵擊之吳相袁盎與錯

趙涉遮說亞
夫將軍從天而
下亞夫堅壁不
出

素隙。上書請斬錯。兵乃止。上默然良久。遂斬錯。鄧公
曰。吳欲反久矣。特借錯爲辭。夫錯患七國而請削地。
誠忠計也。今戮之。是爲諸王報仇也。上曰。吾亦恨之。
亞夫至滎陽。趙涉遮說曰。兵尙神密。將軍何不走藍
田。抵洛。直入武庫。令諸侯驚曰。從天而下也。亞夫從
之。使輕騎絕吳楚糧道。吳兵饑挑戰。亞夫堅壁不出。
吳引兵去。亞夫追破之。七國皆滅。上初與梁王與上
王俱竇飲。曰。朕傳位與若。至是因上廢太子而立王。
太后生。氏子徹竇太后請立梁王爲嗣。以袁盎諫不可。梁王

田叔悉燒梁獄詞

田叔空手來見

蒼鷹

直不疑償金

不疑長者

顧謂上席取箸

快快非少主臣

怨之令羊勝刺殺盎。上遣田叔往持獄。太后憂梁事。日夜泣不食。田叔捕羊勝等殺之。悉燒梁獄詞。空手來見。託言梁王不知。太后立起加飡。梁王入朝謝罪。太后及上相泣如故。上益賢田叔。○郅都行法不避權貴。權貴皆側目。號曰蒼鷹。○直不疑爲郎。同舍有歸者。誤持他同舍郎金去。或意不疑。不疑償之。後歸者至。還其金。亡金郎大慚。時稱不疑長者。○上召亞夫。賜食。忘置箸。亞夫不悅。顧謂上席取箸。上笑曰。此非不足君所乎。亞夫出。上曰。此快快非少主臣也。稱

治者動推文景。夫景何可配文哉。其無罪廢后與太子夫婦父子之倫失。許梁王傳位不與。兄弟之義失。殺申屠嘉。晁錯。周亞夫。君臣之道失。所取者獨節儉一事。克配文耳。

世宗孝武皇帝

景帝子名徹。五十四年有建元。元光元朔。元狩。元鼎。元封。太初。天漢。太始。征和。

後元十號。詔舉賢良。上親試策。董仲舒凡三對皆善。拜江

仲舒有儒者氣象

都王相王多驕。仲舒以禮匡之。

程子謂仲舒有儒者氣象。

上好

儒。趙綰薦申公。上安車蒲輪。

以蒲縛輪使穩。

迎之。首問治亂

之事。申公曰。為治不在多言。顧力行何如耳。上拜為

為治不在多言。為治顧力行耳。

大夫。議明堂等事。尋免歸。竇太后好黃老。

黃石公老聃。

不悅儒術。以萬石君家。

石奮父子四人。俱官至二千石。故云。

不言而躬

萬石君家不言躬行。

詔選天下四方才智之士

詔舉孝廉

何不直取武庫

汲黯以嚴見

倉汲黯矯節發

內多慾而外施仁義

行遂寵之。○招四方才士。東方朔司馬相如朱買臣莊助等。嘗在左右。朔等持論詆諧。大臣多屈于其辨。○詔舉孝廉。置五經博士。定四科取士法。孝廉。明經。賢良。茂本。○丞相田蚡驕侈。治宅甲諸第。嘗請地益宅。上怒曰。何不直取武庫。○汲黯都尉性多直。以嚴見。時河內失火。上使視之。黯復曰。家人失火。不足憂也。臣過河內。見貧人傷水旱萬餘家。臣謹持節發倉以賑。請伏矯制之罪。上益賢黯。時上招文學。黯曰。陛下內多慾而外施仁義。奈何欲効唐虞乎。上怒。退曰。甚矣汲黯

汲黯何如人

汲黯社稷臣
不冠不見黯

王恢韓安國
議伐匈奴

作見知法
汲黯叱詰張
湯

之慙也。或告黯黯曰：天子置輔臣，寧令從諛乎？上嘗問莊助曰：黯何如人？助曰：使黯居官，無以異人。至輔少主，守成深堅。操守之深，遠堅固也。招不來，麾不去，卽賁育莫奪也。上曰：古社稷臣，黯近之矣。上每不冠，不敢見黯。○李少君以却老方獻，而方士紛至。○王恢議伐匈奴，韓安國曰：勿擊，便恢曰：邊境屢驚，擊之便。乃伏兵馬邑，誘匈奴入塞。關吏有以伏告匈奴，驚還。○張湯定律多刻，作見知法。見知不舉，連坐。湯舞智御人，汲黯叱曰：刀筆吏不可爲公卿。果然，湯嘗與顏異隙，時上有令

擢宏對爲第一
公孫子毋曲
學以阿世

漢之飛將軍
主父偃三人
上書

下不便。異微反唇。湯入其腹。誹坐斬。自是有腹誹法。
誹以腹亦從何辨。將仁孝盡可誣矣。朝野怨湯。卒以罪自殺。○上策士
擢公孫宏第一。轅固年九十餘。亦以賢良徵。宏仄目
事固。固語宏曰。毋曲學阿世也。宏每諛上。汲黯當殿
叱之。○上遣唐蒙通南夷。入夜郎。今四川立爲郡。司馬
相如通西夷。叩筰冉驪。若水。牂牁。皆爲郡。○軹人郭
解。關東大俠也。殺人甚衆。上捕族之。○李廣守北平。
匈奴號曰。漢之飛將軍。數歲不敢近。○主父偃嚴安
徐樂三人上書曰。天下之患。在土崩。不在瓦解。今海

公等何相見
之晚

公孫宏布被
丞相封侯自
弘始
開東閣以延
賢
宏薦仲舒爲

內虛耗。又深入匈奴。民情洶洶。土崩之勢也。上曰。公
等何相見晚也。俱拜郎中。主父偃曰。諸王日強。縱
之固亂。削之亦亂。請裂其地與諸王子弟。則彼無辭。
而諸子弟且德上不削之削也。上善之。公孫宏爲
布被汲黯議其釣名。上問宏。宏曰。三公爲布被。誠似
釣名。使無汲黯直。陛下安聞此言。上益重宏。謙。公
孫宏封侯。丞相封侯自宏始。宏開東閣。延賢參謀。嘗
惡汲黯。董仲舒叱已欲誅之。無名。以宗室多難治。乃
令黯爲右內史。仲舒爲膠西王相。衛青屢征匈奴。

膠西相
汲黯不拜衛

青

大將軍有揖

客

遇黯加于平

日

置武功爵

三人言利析

秋毫

卜式助邊

中
以卜式爲郎

有功封侯公卿靡不卑奉汲黯獨抗禮人謂黯當拜
黯曰大將軍有揖客顧不重耶青聞愈賢黯遇之加
于平日○張騫使月氏返言大宛多善馬大夏有邛
竹杖多奇珍上由是日事西南夷○國用大乏令民
買爵免罪以給軍支名曰武功爵又令孔僅桑宏羊
等領鹽鐵事算舟車權酒酤言利析秋毫○卜式輸
財助邊上曰欲官乎有冤欲鳴乎式曰不然陛下苦
匈奴賢者宜死節有財者宜輸委耳上欲顯之風百
姓乃拜郎中○淮南王謀反曰汲黯守節難惑以非

發蒙振落

其他如發蒙振落耳。發去鏡之塵蒙振下樹之落葉言易也。後事敗。自

殺○渾邪王降。上發兵二萬迎之。馬不足貸于民。民

匿馬上欲斬長安令黯。曰須斬臣。民乃出馬。上默然

曰。吾久不聞黯言。今復妄發矣。命降者徙居邊郡。○

得神馬于渥洼水中。令爲歌頌之。汲黯曰。王者作樂

承宗廟。今以馬歌。先帝豈知其音耶。○上爲霍去病

治第。去病曰。匈奴未滅。無以家爲也。上益賢之。○衛

青霍去病合攻匈奴。所殺十餘萬。自是匈奴遠遁。幕

南無王庭。○甯成爲都尉。甚酷。民曰。寧見乳虎毋逢

幕南無王庭

久不聞汲黯之言

得神馬于渥洼水中

帛書飯牛

以汲黯爲淮

陽守

補過拾遺

倪寬課最

甯怒。○少翁以鬼惑上。上所幸李夫人死。少翁夜致之見上。後書一帛。令牛飯之。誑上曰。此牛腹有奇殺視之。得帛書。上心知爲少翁筆。誅之。○上以汲黯爲淮陽守。黯稱病不能任。願出入禁門。補過拾遺而已。上曰。君薄淮陽耶。遂令守此十載卒。○倪寬勸農緩刑。征稅多假貸。後寬以此免。民恐失之。大家牛車小家擔負。租稅纒屬不絕。上愈奇寬。課更以最。○王溫舒_{河內守}。上書連坐豪猾。法論刑至血流十里。會春溫舒歎曰。令展一月。吾事足矣。○上親將兵北征。告單

起柏梁臺

老人牽狗

仙者得之自然

宏羊作平準法

烹宏羊乃雨

天旱意乾封公孫賀不受

于曰。若能戰。天子自將以待。不能。急來臣。單于遠遁。乃還。而四夷帖服。○上溺仙事。起柏梁臺。作承露盤。以銅爲之。夜令承露。飲之。可仙。○上巡東海。祭八神祠。恍聞呼萬歲者三。見一老人牽狗。忽不見。上以爲仙也。遂封泰山。禪梁父。欲往蓬萊求仙。東方朔曰。仙者得之自然。躁求無益也。陛下須還宮靜待之。仙將自至。乃止。○桑宏羊以平準法得幸。天下之稅。封侯。時早。卜式曰。烹宏羊乃雨。上默然。○上憂旱。公孫卿曰。黃帝時封則天旱。上曰。今天意欲乾封乎。欲所封之。土乾燥也。○上相公孫

相

蘇武使匈奴

咽雪牧羝

羝乳乃得歸

李陵有國士之風

作沈命法

王賀陰德

問巫蠱之法
果何自而起

賀賀以上多殺大臣。乃泣不受印。上怒。強之受。賀出。

曰。我從是殆矣。○中郎蘇武使匈奴。單于強之降。不

從。置武大窖中。絕飲食。會天雪。武取旃毛和雪咽之。

數日不死。復遷武北海牧羝。曰。羝乳乃歸。羝不乳。示不得歸。

○李陵李廣孫伐匈奴敗。因降上怒。司馬遷稱陵有國

士風。其不死。欲圖報也。土以遷阿陵。遂下遷腐刑。勢

也。○范昆等持節捕盜。作沈命法。沈沒其命王賀以捕盜

多所縱坐。免。賀曰。吾活萬人。後世其興乎。○上為衛

太子立博望苑。有女巫入官中。教埋木人。官中可免

耶

壺關三老上書

田千秋以太子屍

為歸來望思之臺

古史車馬卷二

三

厄。上一夕夢數千木人。持杖擊之。乃疾。江充與太子
 隙。因言上疾皆太子巫蠱為祟。上命治巫蠱。充因持
 太子。太子斬充。遂出武庫兵欲反。詔捕之。壺關三老
 茂曰。子盜父兵。以救難耳。何邪心也。上悟。尚未明赦。
 太子度不得免。遂自刎。衛后太子母亦縊。上既而悔。高
 寢郎高帝寢廟之所田千秋知之。詐稱白頭翁與言曰。天子
 之子誤殺人。何罪哉。上曰。此高帝使公示我。遂以千
 秋為卿。未幾相。又未幾侯。而族江充家。作思子宮。歸
 來望思臺于湖。上盡屏方士。歎曰。天下豈有仙人。

下詔深懲既
往之愆

皇子弗陵生

堯母門

霍光可任大
事

畫周公圖賜

霍光

盡妖妄耳。節食服藥。差可少病而已。○桑宏羊請田
輪臺威西域。上不可。下詔深懲既往之悔。○初趙婕
妤居鉤弋宮。妊十四月。生子弗陵。上以堯十四月生。
遂名宮門曰堯母門。至是上欲立弗陵。以其年穉母
少。欲以大臣輔之。察霍光去病弟。可任大事。乃畫周公
負成王圖賜光。上病篤。光曰。如不諱。當誰立。上曰。君
未喻前畫意耶。遂立弗陵。後數日。以他事賜鉤弋夫
人死。左右曰。立其子。殺其母可乎。上曰。呂后之慘。諸
公不聞耶。上崩。光輔幼主。政自己出。小心謹慎。天下

天下想其丰采

想其丰采

孝昭皇帝

武帝子。名弗陵。十三年。有始元元鳳元平三號。

有詐稱衛太子。騎黃

犢詣闕下。羣臣駭之。雋不疑曰。昔蒯瞶出奔。輒拒不

納。春秋是之。太子既得罪奔。當就獄。上與霍光嘉之。

大臣當用有經術

曰。公卿當用有經術者。不疑乃名重朝廷。

按不疑斷者甚是但

不疑名重朝廷

云春秋是輒則謬矣。惜光不學。莫辨其謬也。

○雋不疑為京兆尹。每論囚。

其母輒問有所平反活幾何人。或無所出。母怒為不

食。○蘇武持節匈奴十九年。鬚髮盡白。節旄盡落。至

蘇武臥起持漢節

雁足吊書

是以書繫雁足入漢。上得之。語匈奴以武所在。匈奴

拜爵武爲典屬國

昭帝辨上官桀之詐

傅介子斬樓蘭

驚乃歸武。武還上拜爲典屬國。霍光盡罷武帝賦法外和匈奴。稍復文景故業。時上官桀與光有卻。詐爲燕王上書誣光。上曰：「此詐也。」將軍調校尉未十日。燕王何以知之？且將軍爲非。不須校尉。上年方十四。尙書左右皆驚。後桀黨又譖光。上曰：「大將軍忠臣。先帝囑以輔朕。敢有毀者。斬！」後桀謀弑上而立燕王。謀洩。遂族桀。樓蘭王殺漢使。傅介子誘殺之。更其國曰鄯善。介子還上封以侯。上崩無嗣。霍光奉太后詔迎昌邑王武帝子。卽位。王縱淫無度。光憂之。田延年

漢之伊尹

霍光益重經術士

嚴延年劾奏
霍光
朝廷嚴肅敬
憚
獄中有天子
氣

曰將軍能更立賢。漢之伊尹也。時王出遊。夏侯勝曰。天久陰不雨。臣下必有謀上者。陛下出欲何之。光聞驚問勝。勝對言在洪範傳。光益重經術士。光白太后。太后召王解其璽。逐還昌邑。霍光此舉于漢忠矣。獨惜其始之不慎也。丙吉奏衛太子孫病已當立。霍光乃奉太后詔迎之。嚴延年劾光擅廢立。奏雖寢。朝廷肅然憚焉。初病已生數月。坐巫蠱事在獄。丙吉哀其無辜。乳養之。或告獄中有天子氣。詔盡殺病已。賴吉以全。時上林苑蚕食柳葉。成公孫病已立五字。至是果驗。

詔求微時故劍

霍光稽首歸政

廷中稱平

夏侯勝論武帝不宜立廟樂

事君識鯁直字

中宗孝宣皇帝

武帝孫初名病已後改名詢二十五年有本始地節元康神爵五鳳甘露黃龍

號七衆議立霍光女爲后上初已娶許氏乃詔求微時

故劍示故劍且求况后乎大臣知旨白立許倢伃爲后○上厚

遇霍光光歸政上不受凡事先白光乃奏○召河南

丞黃霸爲廷尉霸行法多寬仁廷中稱平○詔立武

帝樂夏侯勝論其無道不宜立樂衆劾勝獨黃霸不

劾勝霸並下獄霸在獄從勝講尚書更冬不怠程子曰勝

事君識鯁直字霸治民識循良字二子可無愧尚書矣○霍光妻顯謀立其女

爲后会許后病娠使女醫投毒死光知大驚終不忍

鉅甬投書
廣漢鉤距

發奸摘伏如
神
天下無冤民
民自以不冤

祭孝婦乃雨
于公高大門

古史考要卷二

三

發舉後女果立后。○匈奴入。會雪深丈餘。不能還。盡

擊殺之。邊患始寧。○趙廣漢為潁川守。設鉅甬。甬開小孔

令民投書告奸。而奸黨悉散。及為京兆尹。尤善鉤距。鉤之有距。吞則

順。吐則逆。嘗數人聚一舍謀劫。語未竟。捕者至矣。時稱發

奸摘伏如神。○于定國為廷尉。朝廷稱之曰張釋之。

為廷尉。天下無冤民。于定國為廷尉。民自以不冤。初

定國父為獄吏。東海有孀婦侍姑。姑恐妨其嫁。自縊。

姑女告為婦逼。坐斬。東海旱三年。于公知其故。言于

令曰。必祭某婦。乃雨。果驗。于公吏獄多活人。會家改

閭

春秋譏世卿

魏相請去副封

孝宜勵精為治

刺史吏民之本

漢世良吏為盛

門閭曰。須高大可容駟馬。吾後必興也。○霍光卒。上
 即日封其子。賜葬如王禮。魏相曰。春秋譏世卿。故宋
 三世為大夫。則惡之。上不聽。○時上書者用二封。其
 副封先白尚書。然後以正封奏。尚書每視副封不便。
 多壅之。魏相請去副封。上曰善。拜相給事中。○上深
 知民艱。勵精為治。賞信罰必。凡二千石有治効。輒加
 秩。曰。刺史吏民之本。久乃服其化。不可數易。故漢世
 良吏于斯為盛。○王成偽增戶口入萬。賜爵侯。○上
 聞霍氏毒殺許后。乃收諸霍印。諸霍有逆謀。上族之。

芒刺在背

霍禍萌于驂
乘

曲突徙薪

赤子弄兵潢
池
治亂民猶治
亂繩

賣劍買牛
賣刀買犢

廢霍后。初霍光爲上驂乘。上憚光。若有芒刺在背。世傳霍氏之禍。釀于驂乘云。○徐福嘗請抑霍氏及族。凡告者皆封。或言曰。客有過主人者。見其竈直突。傍多薪。客言宜曲突徙薪。未幾火。鄰人救之。乃殺牛置酒以謝人。曰。向使聽客言。卽牛酒可省。今曲突徙薪無恩澤。焦頭爛額爲上客。上乃遷徐福爲郎。○渤海多盜。上命龔遂鎮之。遂曰。民困饑寒。故弄兵于潢池耳。治亂民猶治亂繩。不可急也。乃單車至府。悉罷捕盜令。但以執田器爲良民。令民賣劍買牛。賣刀買犢。

廣漢見事風

生

百姓追歌之

以蕭望之為

平原太守

尹翁歸披籍

取人

魏相諫伐匈奴

義兵者王

此兵何名

而盜悉解。○趙廣漢見事風生。無所迴避。嘗以私怨殺人。坐斬。吏民詣闕泣代。後百姓追思歌之。○上命蕭望之出守平原。望之曰。出諫官補郡守。恐朝無諍臣。是憂末而忘本也。乃徵還。○尹翁歸守扶風。今鳳翔郡中吏民賢奸皆有籍。披籍取人。無不畏服。○馮奉世使西域。會莎車叛。遂徵諸國兵平之。後上欲封侯。蕭望之論其矯制。漸不可長。乃以為大夫。○上欲伐匈奴。魏相曰。聞兵義者王。兵應者勝。兵忿者敗。兵貪者破。兵驕者滅。此兵不知何名也。○丙吉為人深厚。

丙吉不道前恩

輔
試望之于三

謝
舉賢豈容私

賢哉二大夫

自會孫遭遇絕口不道前恩。會宮婢自陳阿保之功。因及吉。上乃問吉。吉終不言。上大賢之。封爲侯。○蕭望之初補平原守徵還。上欲詳觀其政。乃復試之三輔。扶風馮翊京兆號爲三輔。○張安世湯子以父子封侯。權位太盛。乃辭。嘗薦人來謝。安世曰。此公典。豈容私謝耶。○疏廣與子疏受。傳太子。至是父子乞歸。上賜金七十斤。公卿祖帳滿道。道路觀者曰。賢哉二大夫。廣受日以所賜金置酒延客。不爲子孫立業。曰。賢而多財損其志。愚而多財益其過。吾不欲以過益後也。○黃霸守

黃霸治行天下第一

聖主得賢臣頌

可將無踰老臣

兵難遙度

充國條陳便宜十二事充國振旅而還

潁川治行天下第一。時屬令許丞賢，但病耳。或告逐之曰：許丞廉吏，重聽何傷？○上幸甘泉，郊泰畤，聞益州有金馬碧雞之神，遣王褒往求之。褒乃作聖主得賢臣頌以諷。畧云：人主勤于求賢，逸于得人，何必偃仰屈伸若彭祖、啍噓呼吸如喬松哉。○先零諸羌叛，上問誰可將。趙充國年七十餘，對曰：無踰老臣。上問當若何？對曰：兵難遙度，願至金城。今臨洮圖上方畧。充國至，不輕與戰，欲以威信招降。罕開奏請屯田，乃陳便宜十二以聞。越明年，諸羌皆降。充國振旅還。○上方煩刑法，任宦官，蓋寬饒曰：陛下以

益寬饒以直
言死

丙吉問牛喘

時人以爲知
大體
閉閣思過

屠伯

古史補遺卷二

三

刑餘古以宜者用刑爲周召。法律爲詩書。上怒。下寬。饒吏寬。

饒自刎。闕下士民憐之。○丙吉爲相。尚寬大。嘗出遇

羣鬪。不問。及見牛喘。問之。吉曰。民鬪。惟京兆事。方春

未熱。而牛喘。此時氣失節也。吾三公調陰陽。職當問。

人以爲知大體。○馮翊守韓延壽。多惠政。民有兄弟

訟。田曰。吾爲守。而令骨肉訟。將誰咎。乃閉閣思過。訟

者遂自悔。後延壽以侈棄市。百姓莫不流涕。○河南

守嚴延年。多酷。民號曰屠伯。卒坐怨棄市。初延年母

聞報。囚大驚。曰。天道神明。人不可殺。吾不意當老見

東漢賢智其母

黃霸功名損于治郡

楊惲廉潔無私

孫會宗遺書戒楊惲

須富貴何時

子被刑也。遂歸。至是莫不賢智其母。○黃霸長于治民。及爲相。功名損于治郡。初霸守潁川。以鳳集遷相。至是張敞舍鵲飛入霸府。欲奏爲神鵲。後知從敞來。乃止。漢宣時。鳳凡五集。豈亦鵲之類歟。○楊惲廉潔無私。但好矜已。能發人隱。居家多治產自娛。其友孫會宗遺書戒之。惲覆曰。田家作苦。歲時伏臘烹羊烹羔。斗酒自勞。酒後耳熱。仰天拊缶而呼烏烏。且歌曰。田彼南山。荒蕪不治。種豆一頃。落而爲箕。人生行樂耳。須富貴何時。會日食變。或譖惲驕奢所致。上斬之。○羣臣奏張

五日京兆

漢家自有制度

匈奴位在諸侯王上

上思股肱之美

圖功臣于麒麟閣

麒麟閣

唯霍光不名

詔諸儒講五

經同異

經同異

敝為憚黨。時敝掾有事屬敝。按掾曰。五日京兆耳。安能復按事。敝聞竟致之死。敝亦坐此免。不數月。京兆枹鼓紛起。上復召敝而盜解。○太子勸上緩刑用儒。上曰。漢家自有制度。本以伯王道雜之。奈何純用德教。委任俗儒乎。○匈奴入朝。待以不臣之禮。位諸侯王上。○上以四夷賓伏。思股肱之美。乃繪功臣十一人于麒麟閣。而列其姓名。獨霍光不名。但曰大司馬大將軍博陵侯霍氏。○詔諸儒講五經。以梁邱易名。大小夏侯尚書。大名勝。穀梁春秋。名俱為博士。

中書政本之地

地

蕭望之請罷

中書宦官

賈捐之諫棄

殊崖

禹入聖域而

不優

廣德請從橋

聖主不乘危

聖主不乘危

孝元皇帝

宣帝子名爽十六年有初元永光建昭竟寧四號

史高以外戚領尚

書事石顯宏恭典樞機蕭望之奏中書政本之地不

宜用宦官顯恭因譖望之召下廷尉望之聞詔自殺

上驚曰果然殺吾賢傅○珠崖等郡今廣東叛上欲征

之賈捐之曰堯舜聖之盛禹入聖域而不優三聖人

地皆不過數千里其不欲附聲教者不強也○上往

酹宗廟欲御船薛廣德請從橋上不悅張猛曰船危

橋安聖主不乘危上曰曉人不當如是耶乃從橋○

劉向字更生等多抗論石顯嘗譖之向懼危乃上書上

轉石拔山

功
甘陳矯制立

于
王嬙下賜單

一
信臣治行第

不報。書畧云。執狐疑之心者。來讒賊之口。持不斷之意者。開羣枉之門。今用賢若轉石。去佞如拔山也。
○石顯益擅權。與牢。梁。五鹿充宗為黨。民歌曰。石耶牢耶。五鹿客耶。印何纍纍。綬若若耶。京房諷上曰。今天下治耶亂耶。上曰亂。房曰孰致之。上莫知。房曰陛下所最幸而進退天下者是上。乃喻然亦不能退顯也。未幾房為顯誣死。○甘延壽。陳湯以誅西單于當封。匡衡論其矯制。劉向曰。不煩一兵。不費斗糧。以建大功。可無封乎。並封侯。○匈奴請為壻。上以宮女王昭君賜之。○河南守召信臣治行第一。民號曰召

召父

父。石顯懼諸言者。乃先設驗。嘗請干上。遇夜有建
白詔吏開門上許之。後顯故夜入言者。果論其矯詔。
開宮門上笑以書示顯。顯泣曰。從來誣臣。事多類此。
上益信顯。

孝成皇帝

元帝子名鰲。二十六年有建始河。

谷永對策

殿上知王鳳擅權

鳳上母舅為丞相。

陰欲自託乃云方今骨

肉大臣有申伯之忠

周宣王舅上以策示鳳。

遂擢永

光祿大夫。悉侯諸舅

王音王商王立王根王逢時。

相繼為相。劉

向憂王氏權盛乃作洪範傳

中皆古今興亡之事。諷上上心知

劉向進洪範傳

大臣有申伯之忠

趙張三王

王莽折節恭

儉

何武去後見思

班生謹言

借劍斬佞臣頭

向忠。但終不能奪王氏權。○王章耿直。雖為王鳳所舉。每摘鳳過後。為鳳誣死。○京兆尹趙廣漢。張敞。王章。王尊。王駿。皆有能名。民稱曰。前有趙張。後有三王。○新都侯王莽。從姪。偽為謙恭。外交英俊。內事諸父。指五。曲有禮意。虛譽用是滿世。○何武為京兆尹。所居無赫赫名。去後多見思。○上與張放等日飲禁中。時繪紂沉湎圖于屏上。問侍中。班伯對曰。紂為酒荒。天祿弗保也。上曰。幸聞班生謹言。○時多災異。皆謂王氏傳權所致。張禹獨謂不然。朱雲請尚方劍。斬佞

朱雲折檻

輯檻旌直臣

劉向請興禮樂

哀帝躬行節儉

臣之頭上問爲誰。雲曰。安昌侯張禹上怒。下雲獄。雲
扳殿檻。檻折。大呼曰。臣得從龍逢。比干。遊足矣。未知
聖朝如何耳。上釋雲。命無更檻。輯之以旌直臣。○得
古磬十六枚。皆曰瑞。請定法。劉向曰。法所以殺也。于
磬何取。請陳禮樂。○劉向極論王氏上曰。君且休矣。
吾將思之。上深嘉其忠。欲用爲九卿。終爲王氏所持。
不得遷而卒。○上相王莽謙恭益著。○

孝哀皇帝

名欣。元帝庶孫。成帝無子。迎立之。六年。有建平元壽二號。躬行節儉。政由

己出。天下翕然望治焉。○以朱博爲丞相。有大聲如

洪範所謂鼓妖

下車拜謁

鄭崇心如冰

致成周白雉之瑞

莽功德比周

公

九錫

吳市門卒

鐘鳴揚雄曰此洪範所謂鼓妖也。○侍中董賢權倖人主。卽丞相孔光下車拜謁不敢抗禮。鄭崇極諫上曰君門如市。又誰禁乎。對曰臣門如市。臣心如冰。下崇獄死。

孝平皇帝

名衍亦元帝庶孫哀帝無子迎立之五年號元始

太后臨朝王莽秉

政時越裳重譯獻白雉。又有黃龍遊江中。臣民盛稱

莽功德如周公。上加莽安漢公。尋賜九錫。○初梅福

極論王氏不聽。至是知莽必篡。乃棄家遁。後有見其

易姓名爲吳市。○王莽殺不附己者百餘

今會稽

逢萌掛冠

作策禱于泰
時
藏策金滕

翟義舉兵討
莽

人海內震焉。逢萌曰：三綱絕矣，不去禍將及。乃解冠掛東都門，率家浮于海。○王莽因臘日上椒酒，毒上疾。莽作策禱于泰，時願以身代，而藏策金滕。○初孟通浚井，得白石，上有丹紋，安漢公莽為皇帝七字。羣臣奏莽攝帝位。○上崩無子，時宣帝元孫嬰，莽利其幼，迎立之。

孺子嬰

名嬰，宣帝元孫，三年。

詔莽假皇帝。東郡太守翟義會諸郡

兵討莽。莽仿周書作大誥諭天下，遣孫建等破義。未幾廢孺子為安定公，而即帝位，改國號曰新。義兵雖敗，然新

復井田法

龔勝死節

薛方守箕山之節

陳咸用漢家

祖臘

我先人豈知

王氏臘

莽之際無此一舉
大義不幾盡滅乎

附王莽名莽字巨君十三年有莽狹小漢制乃復井田

初始天鳳地皇三號

法名天下田曰王田不得私相買賣○莽欲伐匈奴

嚴尤諫曰古來征匈奴者未有得上策也周得中策

漢得下策秦無策焉不聽○莽迎龔勝勝不食十四

日死時清名之士紀遂等四人皆仕莽獨薛方謝曰

堯舜在上下有巢由小臣願守箕山之節莽從之○

陳咸三子俱在位令解綬歸卧不出戶猶用漢家祖

臘曰我先人豈知王氏臘乎○唐尊太柴車籍藁飲

揚雄三世不徙官

揚雄太元法言何如

揚雄投閣

劇秦美新

劉秀起兵春

陵

秀隆準日角

立劉氏以從人望

食必瓦器。民有犯刑者。令衣赭衣。別之。○揚雄三世

不徙官。成哀莽三坐劉棻事。下捕時雄校書天祿閣。

聞捕至。從閣投下。幾死。後莽因雄太元法言。內盛稱

莽功德。又有劇秦美新之文。乃免。以雄之才而失節于莽君子羞之

○劉秀字文叔與兄續起兵春陵。今寧遠縣秀隆準日角。

絳衣大冠。皆驚非常。從者甚衆。初劉元亦景帝後起兵平

林。至是相合。兵勢大振。首攻潁川。馮異率五縣來降。

樊崇起兵莒。朱其眉以別。曰赤眉兵。

淮陽王。名元。景帝子。長沙王之後。二年。諸將議立漢後從人望。初劉元

劉秀小怯大
勇
風雷瓦屋皆
飛

在平林兵中號更始將軍時諸將皆貪元懦弱畏續
威明遂立元○漢兵圍宛岑彭死守數月乃下劉續
高彭節義封以侯○王莽大發兵逆漢劉秀獨戰數
十合大敗莽兵諸將曰劉將軍見小敵怯見大敵勇
也會大雷風飛瓦雨下如注莽兵溺死數萬○漢兵
入武關鄧曄開關以迎莽奔漸臺追斬之○平林諸
將以續兄弟威名曰盛勸更始除之忽坐續以他事
死秀識其意乃不爲續服笑語如常每獨處多泣○
公孫述起兵成都隗囂起兵隴西卜者王郎詐稱成

復見漢官威儀

鄧禹杖策追

秀

延攬英雄

任使諸將皆

當其才

北道主人

蕪蕪亭豆粥

水堅可渡

帝子。百姓信之。立爲天子。○劉秀過洛陽。民泣曰。不
圖今日復見漢官威儀。秀出鎮河北。所過郡縣。無不
被澤。鄧禹杖策追秀。曰。願公延攬英雄。以悅民心。天
下不足定矣。秀悅。每任將。多決于禹。皆當其才。○更
始日夜飲宴。膳夫皆授上爵。長安歌曰。竈下養中郎。
將爛羊胃。騎都尉爛羊頭。關內侯。由是關中離心。○
耿弇謁劉秀。秀攜弇至薊。○今順天。指弇曰。此我北道主
人也。會薊中起兵。應王郎。秀急趨蕪蕪亭。馮異進豆
粥。又前阻滹沱河。以水堅得渡。渡畢。水解。至南宮。會

對竈燎衣

南宮麥飯

劉秀披輿地圖示禹

赤子慕慈母

大樹將軍

蕭王始貳于更始


大風避入空舍。馮異抱薪。鄧禹爇火。秀對竈燎衣。異進麥飯。乃馳信都。定計討王郎。斬之。得吏民黨逆書數千。秀不視。盡焚毀。曰。令反側子自安。秀披輿地圖。示禹曰。天下郡國。今始得其一。子言不足定。何也。曰。方今亂離。人思明君。如赤子慕慈母。在德厚薄。不以大小也。○劉秀令衆卒各屬所將。皆願屬大樹將軍。馮異謙下恤士。秀嘗與諸將論功。異獨屏坐樹下不言。故號。○更始心懼劉秀。乃立爲蕭王。徵詣行在。耿弇曰。更始必敗。毋令他姓得之。秀乃不就徵。始貳于更始。○劉秀攻銅馬賊。盡降。


蕭王推赤心
置人腹中

冠恂文武備
足
委冠恂以河
內

令諸降者各歸營。自按行部陳。降者更相語曰。蕭王
推赤心置人腹中。安能不投死乎。關西號秀爲銅馬
帝。赤眉兵攻長安。劉秀遣鄧禹西襲關中。慮河內
無守。禹曰。寇恂文武備足。乃拜恂太守。謂恂曰。高祖
留蕭何守關中。吾今委公河內也。秀禹引兵各往。恂
調糧供軍。未嘗乏絕。







PL
2451
P29
V. 13

古史輯要卷三

○東漢紀景帝子長沙定王之後都洛陽凡一十有三得年百九十有六

世祖光武皇帝景帝五世孫名秀三十三年有建武中元二號賈復與五校戰

光武恤賈復之孤

傷瘡甚上驚曰失吾名將聞其婦有孕生女我子娶

之生子我女嫁之不令憂妻子也復尋愈○上北破

諸賊諸將請上尊號不許耿純曰諸將從王者欲攀

攀龍附鳳

龍鱗附鳳翼以成其志耳今不正位號恐失人望上

彊華進赤伏

終未決會彊華進赤伏符符曰劉秀發兵捕不道四

符

夷雲集龍鬪野四七之際火爲王自高祖至此二百二十八年乃四七

行已在清濁
之間
禮順人情

鄧禹名震關
西

隗囂名震西
川

二十
八也乃卽位于鄯後遷都洛陽○赤眉假立劉後爲
名乃奉劉盆子歸長安更始敗降封爲長沙王尋被
殺○宛人卓茂哀平間爲密令行已在清濁之間多
善政民有訴其亭長受賂茂曰律設大法禮順人情
置不問後以王莽篡歸至是上首訪茂擢太傅封以
侯○鄧禹西入關中吏民望風附禹禹每駐節勞之
由是禹名震關西諸將欲徑攻長安禹曰赤眉鋒銳
未可當也北地三郡土廣穀饒姑就養待其斃遂引
兵北所至皆降○隗囂名震西川馬援往焉初援貧

馬援老當益壯

宋宏薦桓譚鼓琴悅其繁聲

寇恂屈賈復

欲田于邊。其兄曰：汝大材，當晚成。良工不示人以樸也。援曰：丈夫窮當益堅，老當益壯。乃田邊郡，治產萬餘。曰：財貴能賑施也。不則守財虜耳。遂盡散而歸。囂○宋宏薦桓譚。上令譚鼓琴，悅其繁聲。譚見宏至，失其常度。宏免冠謝曰：譚以鄭聲悅上，皆臣薦之罪也。上謝宏。時湖陽公主寡，意欲妻宏。宏曰：貧賤之交，不可忘。糟糠之妻，不下堂。上謂主曰：事不諧矣。○賈復部將殺人於潁川。太守寇恂捕殺之。復怒，欲殺恂。時復過潁川，恂稱疾不見。左右以爲怯。恂曰：昔相如不

兩虎安得私鬪

奮翼澠池
東隅桑榆
待盆子以不死
徐宣鐵中錚錚

子陽井底蛙

畏秦王而畏廉頗為國也。上聞召恂復至曰：天下未定，兩虎安得私鬪？今日朕分之。于是極歡去。○馮異大破赤眉兵，上勞之曰：始雖垂翅回谿，異初為赤眉所敗終能奮翼澠池，可謂失之東隅，日出處收之桑榆。日沉景劉盆子奉帝璽以降，上待以不死，謂徐宣赤眉將曰：卿所謂鐵中錚錚，傭中佼佼者也。○隗囂使馬援往成都，觀公孫述。述素善援，援至，述盛備衛，乃延援入，歸語囂曰：子陽述字井底蛙耳，不如專意東方。指漢援奉書入洛陽，上袒幘坐迎，援曰：臣遠來，何以知非奸人而簡

恢廓大度同符高祖

高帝無可無不可

遼東豕

封子密爲不義侯

龐萌社稷臣

易若是。上笑曰。卿說客。非刺客也。援歸謂上。恢廓大度。同符高祖。囂曰。于高祖何如。援曰。不如也。高祖無可無不可。今上動如節度。且不喜飲。囂曰。如卿言。反復勝耶。○初。漁陽守彭寵以助上兵。請封。朱浮曰。遼東有豕生子白頭。將獻之道。遇豕皆白。乃止。以子之功。遼東豕也。至是據漁陽反。寵蒼頭蒼頭漢奴名。子密殺寵以降。上封爲不義侯。○時涿郡守張豐平原守富平俱反。耿弇討平之。○上使龐萌討董憲。陰合焉。上曰。朕嘗謂萌社稷臣。諸君得毋笑其言乎。遂親往征。

班彪著王命論

天子明見萬里

功足相方

有志者事竟成
煥然文物可觀

古史要略卷三
之○班彪著王命論詳見古史勸隗囂事漢。囂不聽。彪遂避地河西。時河西守寶融未有屬。囂使人說曰。更始垂成復敗。此一姓不再興之徵也。當各據土宇以圖鼎立。融以彪言。決策東向。適上有璽書至。諭融河西皆驚。以天子明見萬里外。○耿弇破張步于祝阿。悉平齊地。上往勞之。曰。昔韓信破歷下。今將軍攻祝阿。功足相方。而難過之。將軍前在南陽。建此大策。嘗以爲落落難合。有志者事竟成也。○詔起太學。上親詣之。而煥然文物可觀矣。○馮異治關中。或譖其百姓

一丸泥東封
函谷關

周黨不以禮
屈

明王有不賓
之士

友人拒王良

歸心號咸陽王。異懼上書謝。上曰：將軍于朕義為君臣，恩猶父子，何嫌何疑而有懼心？○王元說隗囂曰：神龍失勢，與蚯蚓同。今天水完富，請以一丸泥為大。王東封函谷關，此萬世一時也。圖王不成，其敝猶足霸。囂善之。○徵處士周黨。王良至，黨伏而不謁。范叔論其不敬。上曰：明王必有不賓之士，賜之金帛，歸獨良仕。至司徒，良為官布被瓦器，妻子不入官舍。一日謁友，友拒不見。良慚，遂歸。連徵不起。○上物色畫人也訪嚴光。字子陵，會稽人。三徵乃至。光臥邸不起。上即其臥

子陵不可相
助爲理
士固有志

客星犯御座

置兩子于度
外
豆粥麥飯意
厚久未報
馮異不忘巾
車之恩

所撫光腹曰。咄咄子陵。不可相助爲理耶。光乃張目。熟視曰。士固有志。何至相迫乎。上引光入。因共偃臥。光以足加上腹。明日太史奏客星犯御座。上笑曰。朕與故人嚴子陵共臥耳。光固謝去。釣富春山卒。○時羣寇皆平。獨公孫述隗囂未下。上積苦兵間。謂諸將曰。且當置此兩子于度外。○馮異入朝。上曰。豆粥麥飯。厚意久未報。曰。願陛下無忘河北之難。臣不敢忘巾車之恩。○異在巾車爲漢兵獲。上釋用之。上賜之金帛還。○執金吾朱浮曰。堯舜之盛。猶加三考。間者守宰數易。何以責

詔上疏不得

言聖

君象臣象

鄭興不爲讖
校尉督責三
公

師臣者帝

召父杜母

拔佩刀以斷

君勒

聚米爲山谷

效乎。上然之。○日食。詔上疏不得言聖。鄭興曰。頃年
日食多在晦。皆月行疾也。日君象。月臣象。君急亢則
臣迫促。故月行疾而晦食。陛下宜思柔克之政。○詔
田租三十稅一。○上與鄭興議郊祀。欲斷以讖。符興
曰。臣不爲讖也。○江馮請以校尉督察三公。陳元曰。
師臣者帝。賓臣者霸。未聞公輔制于有司也。○南陽
守杜詩多善政。民曰。前有召父。後有杜母。○上欲征
隗囂。郭憲曰。東方初定。車駕未可遠征。乃拔佩刀斷
上勒。上問馬援。援聚米爲山。指畫形勢。上曰。虜在吾

虜在吾目中

得隴望蜀

吾悔不用郭

子橫之言

借寇一年

取士皆用儒

術

祭遵憂國奉

公

入戰八克

目中矣。遂征鬻鬻奔西城。尋命來歙討平之。上馳封賜岑彭書曰。兩城若下。便南取蜀。地人苦不知足。既得隴。復望蜀也。○潁川盜起。上曰。吾悔不聽子橫憲之言。上歸。率寇恂往征。盜悉平。上還。百姓遮道曰。願復借寇君一年。恂嘗守潁川。乃留恂。○祭遵御兵嚴肅。每取士皆用儒術。遵死。上歎曰。安得憂國奉公如祭征虜者乎。○來歙破元安。公孫述大懼。使人刺殺歙。又使岑彭代之。述使人詐降。刺殺彭。復令吳漢逼成都。入戰八克。述被刺死。遂平蜀。○初。述徵李業。譙元

西土歸心

貴戚斂手避

二鮑

忠臣不私

鄧惲拒關不

納

尤武保全功

臣

功臣悉令列

侯就第

不至。並賜鳩死。徵王浩王嘉俱自殺。徵任永馮信皆
托青盲謝。徵費貽漆身為癩以逃。上悉封其墓。獨貽
存徵為太守而西土歸心。○鮑永劾趙王良不敬。鮑
恢鯁直。不避強禦。上曰。貴戚且斂手避二鮑。○任延
為武威守。上戒以善事上官。延曰。忠臣不私。私臣不
忠。上下雷同。非陛下福也。上善之。○上獵夜還。上東
門守鄧惲拒關不納。乃從中東門入。明日上賜惲布
百匹。而貶中東門守。○上欲全功臣。悉令列侯就第。
不得預朝政。且上方以吏事責三公。故功臣並不用。

吏事責三公

韓歆以直諫死

河南南陽不可問

首服如東海公對

○鄧禹居家淳備有子十三人使各守一藝○韓歆好直言每于上前指天畫地以諫上惡之免歸仍宜詔責之歆自殺以非其罪百姓不厭上爲成禮葬○詔檢覈官民豪猾時諸郡各遣使奏事上見陳留吏牘上有書云潁川宏農可問河南南陽不可問上詰吏吏不以實對時皇子東海公陽年十二在幄後曰河南帝城多近臣南陽帝鄉多近親故也上示吏吏首服如東海公對上由是奇愛陽乃廢郭后立陽母陰氏太子疆郭后子自請備藩許之詔曰春秋之義立

麥穗兩歧
張堪善政

文叔今乃能
如此
柔道治天下

子以貴陽母貴宜承大統

胡氏曰春秋聞立長立賢不聞貴也若云貴節疆母

不嘗爲

○漁陽守張堪多善政民歌曰桑無附枝麥

后乎

穗兩歧張君爲政樂不可支○上幸章陵故里置酒

與諸母酣飲衆曰文叔向與人不款曲惟直柔耳今

乃能如此上笑曰吾治天下亦欲以柔道行之○湖

陽公主蒼頭殺人洛陽令董宣格殺之

不用械曰格殺

上怒

箠宣宣曰無箠請自死遂觸楹流血上令叩頭謝主

宣不可左右強使頓宣兩手據地終不肯俯主曰文

叔白衣時尙藏亡匿死吏不敢至門今乃威不行一

天子不與白衣同

董宣強項

郭況金穴

馬援願死于邊

烈士當如是

反風滅火

虎北渡河

此長者之言

令乎。上笑曰。天子不與白衣同。因敕強項令出。賜錢三十萬。○上數幸鴻臚郭況第。賜金甚多。京師號曰金穴。○拜馬援爲伏波將軍。征交趾。大破之。援與孟冀曰。男兒當死邊野。以馬革裹屍還葬耳。何能臥牀上。在兒女子手中耶。冀曰。諒烈士當如是。○上問劉昆曰。汝前令江陵反風滅火。後守宏農。虎北渡河。果何德政至是。對曰。偶然耳。上笑曰。此長者之言也。○西域遣子入侍。上不許。乃閉關謝使。○馬武請伐匈奴。上曰。吾不事遠也。○武陵蠻入寇。馬援請征之。上

據鞍以示可用

矍鑠哉是翁

馬援戒子

刻鵠畫虎

明珠文犀

意其老。援據鞍顧盼以示可用。上曰：矍鑠哉是翁。乃遣援。援欣語友曰：吾年迫懼不得死國，今獲願矣。援大獲蠻兵，病卒于軍。遺書戒子曰：汝曹聞人過失，如聞父母名耳。可得聞，口不可得言也。故效龍伯高，不得刻鵠，不成，尚類鶩。若效杜季良，不得畫虎，不成，恐類狗矣。時訟良浮薄者，以援書証。上壻梁松坐與良游，幾得罪。松遂怨援。初，援在交趾，以薏苡能輕身，勝瘴，載一車歸。至是，譖以所載皆明珠文犀。上怒，援妻不敢歸。援葬，乃藁葬城西。○上幸南頓，詔復田租。

天下重器

邱隴同體

一見決聖

桓譚非聖無法

一歲頓人乞復十年。上曰：天下重器，常恐不任。曰：復一日，敢期十歲乎？○上作壽陵，詔曰：無爲山陵陂池，使迭興之後，與邱隴同體。○第五倫領市事，公平廉介。每讀詔書，歎曰：此聖主也。一見決矣。○上東巡，羣臣請封禪。上曰：卽位來，百姓怨氣滿腹，吾誰欺？欺天乎？何事污七十二代之編錄？後上讀會昌符，云：赤劉之九。光武爲高祖九世孫會命岱宗。泰山爲岱之宗遂禪泰山，宣布讖文于天下。桓譚言讖之非經，上怒，謂譚非聖無法，遂貶。○上每旦視朝，夜分乃罷。太子曰：陛下有禹湯之

樂此不為疲

幸辟雍養三老五更

圖畫二十八將于雲臺

馬援不與雲臺

劉平以善政被徵

減年從役撞郎

明而失黃老養性之福。上曰：吾自樂此不為疲也。

顯宗孝明皇帝

光武少子。初名陽。更名莊。號永平。十八年。

上幸辟雍行養老

禮以李躬為三老。

知天。地人。

桓榮為五更。

知五行。更代。

偕諸儒

說經冠帶環橋門。觀聽者至億萬。○立馬援女為后。

德冠後宮。好讀書。衣大練。裙不緣。○上圖畫中興功

臣二十八將于雲臺。首鄧禹。獨馬援以椒房故不與。

○全椒令劉平多惠政。民戴之。或增賞就賦。減年從

役。徵為議郎。○上怒藥崧以杖撞之。崧曰：天子穆穆。

諸侯皇皇。未聞人君自起撞郎。乃赦。○上性偏察。羣

封還詔書

賜郭賀以三公服

宋均去獸

佛教入中國之始

爲善最樂
班超立功西域

臣多畏之。鍾離意獨敢諫不避。每詔不便。輒封還。○
荊州守郭賀有殊政。賜以三公服。敕行部去檐帷。令
百姓見其容服。○九江多虎害。太守宋均曰。咎在貪
吏。均盡退之。後無復患虎者。上擢均尚書令。○天竺
國有神。名曰佛。上使人求其書。而偕沙門即今僧人來。爲
佛入中國之始。○上問東平王蒼處家何樂。曰。爲善
最樂。上嘉之。○班超使鄯善。其主初遇超甚謹。後忽
懈。超曰。此必北虜有使至。超乃語其吏士三十人曰。
不入虎穴。不得虎子。因夜入虜營。斬其使。鄯善皆驚。

耿恭拜井

揚水示虜

廉范守雲中

廉范縛炬退

虜

郎官上應列

宿

楊終請罷邊

兵

不以鱗介易

衣裳

為政猶張琴

瑟

遣子入侍而西域通。○耿恭守西域，匈奴絕其水道。士卒渴，斲馬汁飲。恭于城中拜祝，穿井。揚水示虜，虜以為神，乃引去。○匈奴入雲中，太守廉范夜令兵士各縛兩炬，炬每三頭，焚火營中，星列。虜疑漢兵救至，驚還，追破之。○館陶公主為子求郎，上曰：「郎官上應列宿，出宰百里，苟非其人，則民受殃。」不許。

肅宗孝章皇帝

明帝子名炆。十三年有建初元和章和三號。

楊終請罷邊兵

曰：「孝元棄珠崖，光武絕西域，不以鱗介易我衣裳。」上從之。○時吏治尚嚴，陳寵曰：「為政猶張琴瑟，大絃急。」

宜廣至德以奉天心
馬廖勸成德政

言戲有切事實

廉范五袴

白虎觀議五經同異

者小絃絕。陛下宜廣至德以奉天心。上納之。○上欲封諸舅。馬太后引諸呂五王為戒。上乃止。○馬廖太弟勸上成德政。曰。移風易俗。必有其本。語云。吳王好劍客。百姓多創瘢。楚王好細腰。宮中多饑死。城中好高結。髻以結髮。四方高一尺。城中好大袖。四方全匹帛。斯言如戲。有切事實。上納之。○廉范遷蜀郡守。舊制禁民夜作。以防火。范至。削其令。但嚴使儲水。民便之。歌曰。廉叔度。來何暮。不禁火。民安作。昔無襦。今五袴。○詔諸儒會白虎觀議五經同異。上親臨決。作白虎奏。

下車先問大姓

何異指鹿為馬

久念令人驚

孤雛腐鼠

中牟三異

李邑毀班超

求忠臣必于

孝子之門

南陽朱季

議○周紆令洛陽下車先問大姓吏以豪強對紆怒

曰本問貴戚如馬竇輩豈知此賣菜傭乎京師乃肅

清○竇憲后奪公主田園上責曰何異指鹿為馬乎

久念令人驚怖國家棄憲如孤雛腐鼠耳憲乃稍抑

○魯恭為中牟令有三異蝗不入境化及禽獸童子有仁心○李邑

密上疏毀班超上知超忠反責邑後超令邑將烏孫

入侍或曰曾毀君超曰內省不疚人言何恤○詔議

貢舉韋彪曰求忠臣必于孝子之門宜以孝行為先

○臨淮守朱暉字多善政民歌曰強直自遂南陽朱

毛義奉檄

賢者不可測

第五倫一夜
十往

白衣尙書

祠孔子于闕
里

季吏畏其威。民懷其惠。○張奉慕毛義名。往謁適府。檄召義守安陽。令義色喜。奉心賤之。後義母死。徵辟皆不起。奉歎曰。賢者固不可測。往日之喜。爲親屈也。○人問第五倫有私乎。倫曰。有。吾兄子病。一夜十往。退而安寢。吾子病。雖不往。而竟夕不眠。○鄭均多節義。上幸其廬。賜尙書祿。時號白衣尙書。○上幸闕里祠孔子。語孔僖曰。今日之祠榮乎。曰。屈萬乘以重道。主德之輝也。臣何私榮。上笑曰。非聖後能爲是言乎。○班固請集諸儒議漢禮。上曰。議禮之家。名爲聚訟。

大章一夔足

竇憲擊匈奴

燕然刻石勒功

鄭眾辭多受少

宦官用權自此始

筆不得下。昔堯作大章曰：一夔足矣。

孝和皇帝

章帝子，名肇，十七年有永元元號。

上即位方十歲，竇太后

臨朝。○竇憲殺都鄉侯，太后使憲擊匈奴，贖罪，大破

之。登燕然山，命中護軍班固刻石勒功還。○竇氏父

子兄弟充滿朝廷。上知有逆謀，與中常侍鄭眾迫憲

自殺。班固坐憲客下獄死。上策勛班賞，鄭眾辭多受

少。上賢之，而宦官用權自此起。胡氏曰：年十四能除

用宦官，所謂前門拒虎，後戶進狼也。○封梁竦亦太三子侯。梁氏曰：盛

○上每欲官鄧后子弟，后輒哀請遜避，故兄隲終上

投筆封侯

願生入玉門

關

班君所言平

關西孔子

世不過中郎將。○初班超書生時。投筆有封侯萬里外之志。後以征西域有功。封侯其地。至是以老乞歸。曰。臣不敢望酒泉郡。但願生入玉門關。上使任尙代超。超曰。水清無大魚。宜寬以撫之。尙曰。吾意班君有奇策。今所言平平耳。後尙竟失邊和。

孝殤皇帝

和帝子。名隆。號延平。一年。

上卽位時。生纔百餘日。鄧太后

臨朝。未幾上崩。迎清河王祐。章帝孫。立之。

孝安皇帝

章帝孫。名祐。十九年。有永初元。初永寧建元。延光五號。

鄧騭薦楊震。字伯

起。

荊州刺史震廉介好學。人號關西孔子。震嘗舉王

楊震四知

清白吏遺子

孫

以虞詡爲朝

歌長

盤根錯節別

利器

設三科以募

士

綵線縫裾

宣言上書註

兵

虞詡增竈

密。密夜懷金謝震。震曰：故人知君，君不知故人，何也？
密曰：暮夜無知者。震曰：天知地知，子知我知，何謂無
知？或勸震置產。震曰：使後世稱清白吏子孫，所遺多
矣。○朝歌賊連年莫平，鄧騭惡虞詡，令爲朝歌長，親
友弔之。詡曰：不遇盤根錯節，孰別利器乎？詡至，設三
科。劫盜傷人，游惰三科。募壯士，貫其罪，使入賊中，誘之，劫伏兵
誅之。又潛遣人以綵線縫賊裾，有入市，輒擒之。賊皆
駭散。詡以功遷武都守。賊衆數千遮詡。詡宣言上書
請兵。賊衆稍散。因日夜兼行，令吏士各增竈。詡曰：昔

薛包至孝

廬外旦入活掃

子吾師表
子國有顏子

叔度汪汪千頃波

城西夕陽亭

古史車要卷三

孫臏減竈以見弱。速其追也。今吾增竈以示強。緩其追也。○汝南薛包少至孝。為異母憎。逐之。包廬于外。旦入洒掃。上聞。徵為侍中。不拜歸。○汝南今汝寧府守王龔好士。袁閔薦黃憲。憲不屈。初憲年十四。荀淑遇之。移日不能去。曰。吾師表也。已而謁閔。曰。子國有顏子。寧識之乎。閔曰。見吾叔度。憲字耶。陳蕃嘗曰。時日之間。不見黃生。鄙吝復生。郭泰太原人字林宗曰。叔度汪汪千頃。波澄之不清。滄之不濁。未可量也。○楊震為宦者。江京等譖逐。至城西夕陽亭。曰。吾不能誅奸邪。何面目

十九侯

樊英進退無所據

盛名其實難副

李固負笈從師

見日月乎。遂飲鴆死。○上崩。閭太后臨朝。欲立幼專

政。迎惠王子懿。章帝孫。立之。未幾崩。宦者孫程等十九

人迎立濟陰王保。而十九人皆侯。

孝順皇帝

安帝子。名保。十九年。有永建陽和永和漢安建康五號。

上徵樊英。待以

師禮。及應對無奇。張楷曰。天下有二道。出與處也。子

恐進退無據矣。○上徵黃瓊。李固遺書迎之曰。嶢嶢

者易缺。皎皎者易污。盛名之下。其實難副。願先生宏

此遠謨。毋令人言處士盜虛聲也。瓊至。數上書。上皆

採之。○李固丞相少好學。嘗易姓名。負笈遠遊。從師。

李固為世大

儒

茂才異行如

顏淵子奇

孝廉聞一知

幾

尚書猶北斗

表曲影斜

憂在腹心之

疾

李固政為天

下第一

為世大儒每至公府密入省親不令友人知為邵子

○左雄論孝廉非四十不舉若茂才異行如顏淵子

奇齊人年十八自可不拘時舉廣陵今揚州府徐淑年未

四十雄曰顏淵聞一知十孝廉知幾耶無以對乃罷

○洛陽地坼李固對策累云陛下有尚書猶天之有北斗北斗為天喉舌尚書為

君喉舌也表曲者影必斜源清者流必潔猶扣木幹百枝皆動也本朝者心腹也州郡者四肢也臣

所憂心腹之疾非四肢之患也上覽對以固為議郎朝廷肅然後出

守泰山政為天下第一徵將作大匠○立梁氏為后

弟冀為大將軍而梁氏日盛梁氏一門七侯三后六貴人三大將軍尚公主

張綱埋輪

張綱恩信降賊

法真身難得見

二天

于劍當車

三人卿尹。○遣杜喬等分行州郡。張綱獨埋車輪不
行。曰。豺狼當道。安問狐狸。遂劾梁冀。奏雖不行。京師
肅然。冀恨綱。令守廣陵。以廣陵積賊難平。綱單車入
賊壘。諭以恩義。賊泣曰。日二千石不道。故相聚偷生。
今聞明府言。乃更生辰也。遂降。○徵法真不至。人曰。
真名可得聞。身難得見也。○蘇州刺史蘇章有故人
守清河犯贓。章置酒與飲。故人曰。人皆一天。我獨二
天。章曰。今夕與故人飲。私恩也。明日刺史按事。公法
也。逐正其罪。○太子出讀。上使种暉侍之。時宦者單

車迎太子。曷手劍當車曰。無詔何知非好也。宦者不敢對。還請旨。太子乃得去。上益嘉曷持重。○

孝冲皇帝

順帝子名炳。一年號永嘉。

上年二歲。梁太后臨朝。時梁氏

擅權。皇甫規對策及之。

畧云。君舟也。民水也。羣臣乘舟者也。將軍兄弟操楫者也。

皇甫規舟楫之喻。君舟民水。

若其怠弛。將胥溺矣。

上崩。太后迎渤海孝王子續立之。

孝質皇帝

章帝元孫。名續。一年。

上年八歲生而聰睿。嘗目梁冀曰。

跋扈將軍

此跋扈將軍也。冀懼。置毒於餅。弑上。

孝桓皇帝

名志。章帝曾孫。封蠡吾侯。質帝崩。太后迎立之。二十一年。有建和。和平。元嘉。永嘉。永壽。延熹。永康。

七號。

梁太后猶臨朝。自李固免。中外喪氣。惟杜喬

杜喬正色

荀氏八龍

五百里內有

賢人聚

難兄難弟

今日得御

崔實政論

昇平梁肉

宜寫一通置

座側

正色不撓。梁冀誣固喬與賊通。並下獄死。○荀淑泣
事明治。稱為神君。有子八人。時號八龍。陳實與荀淑
齊名。嘗詣淑。長子元方御車。次子季方參乘。孫長文
尚幼。抱車中。至淑家。八龍迭侍左右。淑孫或尚幼。抱
膝上。太史奏德星見。五百里內。當有賢人聚。實嘗評
其子曰。元方難為弟。季方難為兄。○李膺性簡亢。獨
于荀淑宗師之。淑子爽嘗謁膺。為之御。喜曰。今日得
御李君矣。○崔實作政論諷上。畧云。治國似治身。德
教者昇平之梁肉也。
刑罰者治亂之藥石也。以刑罰治平。是以藥
石供養也。以德教除殘。是以梁肉治病也。仲長統

潁川四長

慨然有澄清四海之志

陳蕃下榻

見其書歎曰。人主宜寫一通置座側。○韓詔爲嬴長。賊衆聞其賢。相戒不入境。時荀淑鍾皓陳實皆爲邑長。所在有賢聲。號爲潁川四長。四公皆潁川人。○梁氏威權震世。天子拱手聽命。上不平。密與宦者單超等五人謀誅梁冀。而封超等侯。世號爲五侯。○范滂少厲清節。黃瓊薦爲清詔使。滂攬轡有澄清四海之志。守令臧污者。皆望風解印去。○陳蕃尙書令徵處士徐穉等五人。皆不至。蕃方峻不延客。獨穉來。設一榻。去則懸之。又薦魏桓。桓曰。後宮千數。其可損乎。廐馬萬匹。其

魏桓三不可
爲漢中主

劉寵一錢

華夏鮮見其
儔

李郭仙舟
孟敏墮地不
顧

可減乎。左右權豪其可去乎。蕃皆曰不可。桓遂謝不
至。○上問袁延曰。朕何如主。對曰。爲漢中主。可與爲
善。可與爲非也。上曰。敬聞闕矣。拜延中郎將。○會稽
守劉寵遷司空。山陰六七老叟。人齎百錢送之。寵爲
人選一大錢以受。餘不取。○郭泰遊洛陽。符融一見
嗟異。因介于李膺。河南尹。膺曰。林宗。泰字。華夏鮮其儔。後
膺與泰同舟歸。衆賓望之爲神仙焉。○孟敏荷甌墮
地。不顧而去。郭泰問之。敏曰。甌已破矣。顧之何益。泰
奇其品。勸令遊學。遂知名當世。○仇香爲蒲亭長。有

枳棘非鸞鳳

所棲

避雨危坐

李膺破柱

登龍門

劉寬蒲鞭示辱

母訟子不孝。香往諭之。其子輒化。王奐考城令語香曰。枳棘非鸞鳳所棲。百里非大賢之路。乃捐俸資香入太學。郭泰謁曰。君泰之師也。○茅容嘗耕避雨樹下。眾皆夷踞。容獨危坐。郭泰異之。曰。吾友也。○宦者張讓弟朔爲令。犯贓。畏李膺。匿讓家。合柱中。膺破柱殺朔。自是膺名益高。凡士被其容接。號爲登龍門。○劉寬多仁恕。歷典三郡。吏民有過。但蒲鞭示辱而已。○初上受學周福。時擢尙書令。又河南尹房植有名當朝。謠曰。天下規矩房伯武。植字因師獲印周仲進。福字二

南北黨人之議

尔資畫諾

成瑨坐嘯
天下模楷

屣履到門

賈父所生

家賓客互相譏訕。由是甘陵福植俱有南北部。而黨人之議起。○汝南守宗資以范滂為功曹。南陽守成瑨以岑晊為功曹。皆委心聽任。謠曰。汝南太守范孟博。滂南陽宗資主畫諾。字南陽太守岑公孝。字宏農成瑨。但坐嘯。○郭泰賈彪遊太學有聲。嘗曰。天下模楷李元禮。字李膺。不畏強禦陳仲舉。字陳蕃。天下俊秀王叔茂。字王暢。於是公卿貶議者皆屣履到門。○賈彪為新息長。窮民多不養子。彪加以殺人罪。數年間養子千數。曰賈父所生也。名子為賈子。女為賈女。○張成善

陶古之直

實武申訟黨人

願埋首陽山側

放黨人歸田里

范滂不謝霍譖

風角觀四角之風知吉凶知當赦教子殺人李膺捕殺成成通於宦官誣膺等與太學生結黨譏上上怒下膺等獄獄吏請祭臯陶范滂曰臯陶古直臣知滂無罪將理之帝如其有罪祭之何益賈彪說實武霍譖訟黨人冤上使宦者王甫復訊范滂等二百人皆三木囊頭暴塉下滂曰身死之日願埋首陽山側使上不負皇天下不愧夷齊也甫怒之為請於上悉放歸田錮終身○黨人皆天下名士將軍皇甫規恥不得與乃自陳亦黨列朝廷竟不問○范滂往候霍譖而不謝或

叔向不見祁奚
平原無黨

劉勝閉門掃軌
劉勝自同寒蟬

讓滂。滂曰：叔向不見祁奚，吾何謝焉？
昔范宣子囚叔向，以祁奚言免。

○詔鉤黨郡縣多所舉。獨史弼。
平原相。一無及。曰：承旨

誣陷善良，所不能也。○杜密、劉勝並仕歸密。每於守

令多陳說。勝閉門掃軌，不一謁。密曰：知善不薦，聞惡

勿言，自同寒蟬而已。若達賢糾惡，以助明府，萬一密

志也。衆乃服密。

孝靈皇帝

名宏，章帝元孫。桓帝無子，竇太后迎立之。二十二年有建寧、熹平、光和中平四號。

竇

武陳蕃領尚書事。李膺、杜密等亦復用。時宦官曹節

等共媚太后。武蕃欲誅之，而節等反矯詔殺武蕃。初

士大夫皆重其道

三君一世所宗俊顧及廚

閉門伏牀而泣
一縣不知所為

李杜齊名

膺等雖廢錮士大夫皆重之更相標榜當時有三君
竇武陳蕃劉淑三人爲一世所宗也八俊李膺杜密等八人爲一世之後八顧郭泰范滂夏馥等八人能顧人及張儉岑晁等八人廚能使人追及八廚能以財救人
 之號及武蕃被戮宦官復奏鉤黨李膺自詣獄死吳
 道受詔捕范滂閉門伏牀而泣一縣不知所爲滂聞
 曰必爲我也遂詣獄縣令郭揖欲解印與滂俱走滂
 曰滂死則禍塞何敢累君併及老母乎母曰汝與李
 杜齊名死亦何恨滂跪謝母訖顧語子曰欲使汝爲
 惡惡不可爲使汝爲善我非爲惡聞者皆涕黨人死

郭泰不為危

論

張儉望門投止

明廷戴半去

孔褒一門爭

死

夏馥變姓名入山

至百餘。郭泰歎曰。人之云亡。邦國殄瘁。漢室滅矣。但不知烏止誰之屋耳。泰不為危論。故處濁世禍不及。○張儉望門投止。莫不破家相容。時匿李篤家。上令毛欽捕之。欽曰。足下何專取仁義。篤曰。今欲分之。明廷戴半去矣。欽亦不捕而去。後儉亡魯。投孔褒。不遇。褒弟融匿之事泄。儉復亡。上捕褒融入獄。融曰。匿儉實融。褒曰。儉實求我。其母曰。罪當坐妾。一門爭死。詔獨坐褒。夏馥聞之曰。一人逃死。禍及萬家。何以生為。乃變姓名入林慮山卒。○初范滂等非毀朝政。申屠

獨蟠超然評
論外

胡廣中庸

初聞西邸

驄馬御史

趙苞不顧私
恩

蟠曰。昔處士橫議。卒致坑儒之禍。今之謂矣。乃絕迹
梁。陽間。後滂等罹禍。獨蟠超然評論外。○胡廣周流
四公。歷事六朝。京師諺曰。萬事不理。問伯始。廣字天下
中庸有胡公。多遜言取媚。天下薄之。○上每歎桓帝
不能作家。乃開西邸。賣官以爲私藏。○桓典常乘驄
馬。宦官畏之。語曰。行行且止。避驄馬御史。○趙苞守
遼西。鮮卑入寇。劫苞母爲質。苞泣語母曰。義不得顧
私恩。母曰。毋以我故。虧忠義。苞遂戰而母被害。苞歸
葬。訖曰。食祿避難。非忠。殺母全義。非孝。遂泣死。○上

虞舜比德唐堯

真楊震子孫

橋元異曹操

月旦評

治世能臣亂

世奸雄

以崔烈為大

司徒

人嫌銅臭

曰朕于桓帝何如。楊奇曰。猶虞舜比德唐堯。上不悅。曰卿真楊震子孫。死後必復致大鳥矣。震死有大鳥集柩前。葬畢乃○張角以妖術聚眾十萬。皆裹黃巾。號黃巾賊。京師震動。上遣兵討之。不勝。會騎都尉曹操將兵合戰。破之。橋元見操異曰。君異世才也。然未有名。可交許劭。劭好覈論人物。每月輒更其題品。故汝南有月旦評。操往問劭。劭曰。子治世之能臣。亂世之奸雄。操大喜。○崔烈入錢五百萬拜司徒。其子曰。恐人嫌其銅臭。○初陳實為太邱長。平心率物。民曰。寧為刑罰加。

無為陳君短

無為陳君短至是死海內赴弔三萬餘人○何進欲

誅宦官反為張讓矯詔以殺袁紹乃勒兵悉斬宦者

○上崩初立子辯董卓以陳留王協賢廢辯立之

孝獻皇帝

靈帝少子名協三十一
年有初平興平建安三號

董卓徵天下名士

董卓徵天下名士
荀爽三日周
歷三台

拜荀爽司空三日之間周歷三台蔡邕初為議郎亡

命江海至是卓復強之起獨申屠蟠不就○關東諸

郡起兵誅董卓袁紹屯河內曹操屯酸棗袁術屯魯

陽卓畏兵盛劫上遷都長安避之○涿郡劉備有大

志往見公孫瓚瓚拜平原相備少善河東關羽涿郡

公孫瓚以劉
備為平原相

劉備有大志

寧歆優劣

不使王彥方

知

遺布勸爲善

荀彧吾子房

王允使呂布

誅董卓

伯喈曠世逸才

張飛俱部下周旋寢食不離常山趙雲亦往從備。○
管寧與華歆友共鋤地見金寧揮鋤不顧歆捉而擲
之人以是知其優劣。○王烈善諭人有盜牛者主獲
之盜曰刑罰是甘乞不使王彥方知也。烈字彥方烈聞之
遺布一端勸其爲善後盜牛者路遇遺劍守之以還。
○荀彧往從曹操操大悅曰吾子房也。○王允密使
中郎呂布刺殺董卓百姓歌舞于道蔡邕坐卓黨下
獄馬日磾曰伯喈字邕曠世逸才請別足令續漢史允
不可竟致死。○劉備領徐州牧曹操欲取徐州荀彧

將軍之關中

河內

孫策威震江

東

養鷹

天下英雄惟

使君與操

方食失七箸

曰高祖守關中光武據河內今兗州天下要地將軍
 之關中河內也操從之○孫策堅與舒人今舒城縣周瑜
 善時年皆十餘歲策引兵渡江所向皆破威震江東
 ○呂布攻徐州劉備走曹操操令領豫州牧呂布使
 人求徐州牧于操操曰養將如養鷹餓為用飽則颺
 去布不悅未幾操攻殺布○曹操語劉備曰今天下
 英雄惟使君與操耳備聞大驚方食失箸恐操畏已欲害之也
 會雷震備曰迅雷必變良有以也○劉備復據徐州
 曹操攻備擒其妻子及關羽備奔袁紹紹遣顏良攻

關羽報效曹公

髀裏肉生

劉備見諸葛

亮于隆中

伏龍鳳雛

三謁乃見

荆州用武之地

操令羽擊之。立斬良于萬眾中。初操待羽甚厚。羽以此報之。乃奔備。左右欲追。操曰。各為其主。勿追也。○曹操攻袁紹滅之。因攻劉備。備奔劉表。荆州刺史。備嘗流涕歎曰。平常身不離鞍。髀裏肉皆消。今髀裏肉生。功業不建。老將至矣。○諸葛亮。字孔明。居隆中。今鄧州。劉備訪士于司馬徽。徽曰。此間有伏龍鳳雛。備三謁。亮乃見。曰。曹操擁百萬眾。挾天子。令諸侯。難與爭鋒。孫權策弟。策死立之。據江東。國險民附。可為援而不可圖。今荆州地形四塞。用武之國。益州沃野千里。天府之地。而其

天所以資將軍

猶魚有水

孔明卧龍

濟大事以人
爲本

升樓去梯

主皆不能守。此天所以資將軍也。將軍若跨有荆益，修政觀變，伯可圖矣。備曰：善。遇亮甚厚。關羽、張飛不悅。備曰：孤有孔明，猶魚之有水也。羽飛乃止。○龐德公嘗曰：孔明爲卧龍。士元，龐統字德公，涪人。爲鳳雛。德操，司馬徽字爲水鑑。○曹操攻劉琮，劉表子。降。或勸劉備攻琮。荆州可得。備念表嘗托孤，不忍。備過襄陽，歸者萬餘。或勸速行保江陵。備曰：濟大事者，人爲本。今歸吾，何忍棄去？○初，劉琦，劉表長子。爲異母所憎，不自安。數謀於諸葛亮。亮不對。乃引亮升樓去梯。謀之。亮曰：不見重耳居外。

據水斷橋

共圖大業以
此方寸地
諸葛說孫權

英雄無用武
之地
強弩之末不
能穿魯縞

而安乎。琦遂請外守江夏而立琮。○曹操恐劉備據
江陵。乃將精兵追備于長坂。備棄妻子走。張飛據水
斷橋。瞋目橫戈。操兵乃返。趙雲抱備子至。夏口會備。
○徐庶母爲曹操所獲。庶指其心曰。欲與將軍圖大
業。此方寸地也。今方寸亂矣。遂別備詣操。○曹操進
軍江陵。孔明往說孫權曰。劉豫州逃遁至此。英雄無
用武之地。今操遠來。兵必疲。所謂強弩之末。不能穿
魯縞也。將軍誠與豫州協力。破曹必矣。時操遺權書。
言以八十萬衆。會獵於吳。吳衆失色。議迎操。獨周瑜

孫權拔刀斫案

孫劉大破曹

兵于赤壁

曹操自陳功

伐

築精舍爲二

十年規

漢將軍曹侯

之墓

蛟龍得雲雨

智謀士所見

畧同

決策拒之。權拔佩刀斫案曰：敢言迎者，與此案同遂。

合備兵用黃蓋計。

先誘操連舟，復詐降，近操舟，縱火燒死大半。

拒操於赤

壁。大破之。操遁還。○曹操下令曰：孤始于譙築精舍。

爲二十年規，欲待天下清耳。及徵校尉，數興義兵，以

平天下。使孤死，題墓道曰：漢故征西將軍曹侯之墓。

云。設國家無孤，不知幾人稱帝；幾人稱王矣。然封孤

四縣，願還三縣，以減孤責可也。○劉備求荊州於孫

權，許之。且以妹娶備。周瑜曰：恐蛟龍得雲雨，終非池

中物也。權不聽。備歎曰：智謀之士所見畧同。孔明諫

曹操使蔣幹
諄周瑜

周瑜高致

周瑜薦魯肅

自代

飲醇醪不覺

自醉

讀書大有所

益

非復吳下阿

蒙

別三日刮目

相待

孤莫行。亦慮及此。○曹操使蔣幹說周瑜。瑜曰。大丈夫處世。遇知己之主。假使蘇張更生。能移其意乎。幹但笑無所言。還白操曰。瑜高致。非言詞能間也。○周瑜臨終語孫權曰。今曹操在北。而劉備寄寓有似養虎。天下終始尚未卜。魯肅忠烈。可以代瑜。初程普侮瑜。瑜不校。普曰。與公瑾瑜字交。若飲醇醪。不覺自醉。○孫權謂呂蒙曰。孤嘗讀書。大有所益。卿可不學乎。蒙乃就學。後魯肅見蒙。驚曰。非復吳下阿蒙矣。蒙曰。士別三日。即當刮目相待。○龐統守耒陽。不治。魯肅曰。

士元非百里才

親禮亞于孔

明

法正說劉備

取益州

君子愛人以德

生子當如孫

仲謀

孔明以嚴治

蜀

士元非百里才。使處別駕。始展驥足耳。劉備乃拜統治中。親禮亞于孔明。○益州牧劉璋遣法正結劉備。正陰說備取益州。備不可。龐統曰。逆取順守。古人所貴。備自將數萬人入益州。嚴顏太歎曰。所謂獨坐窮山。放虎自衛也。備圍成都。璋出降。遂有益州。○董昭請曹操加九錫封魏公。荀彧曰。君子愛人以德。遂飲藥死。或此一死。差可蓋佐逆之愆矣。○曹操進軍濡須口。今巢縣。見孫權軍伍整肅。歎曰。生子當如孫仲謀。權字。若景升劉表字。兒子豚犬耳。乃還。○諸葛亮治蜀頗嚴。法正引約法

諸葛亮言爲治之要

蔣琬社稷器爲政以安民爲本

劉備不許孫權取益州

三章爲辭。亮曰：君知其一，未知其二。秦政苛民，怨故利用，寬耳。劉璋闇弱，蜀人專恣。今威之以法，法行則知恩；限之以爵，爵加則知榮也。○蔣琬長廣都不治，備怒。孔明曰：琬社稷器，其爲政安民爲本，不事修飾。○曹操收伏后璽，令華歆壞戶發壁，牽后出。上時在殿后，披髮泣於上。上曰：我亦不知命在何時。遂下后幽室死。二子皆鳩殺。○荀攸嘗與曹操密謀帷幄。操曰：文若字或之進善，不進不休。公達字攸之去惡，不去不止。○初，孫權欲取蜀，劉備曰：吾宗室也，若取，吾當披

披髮入山

劉備人傑

孔明明於治

國

關張勇冠三

軍

漢中益州咽

喉

孔明能盡時
人器用

古史車要卷三

三

髮入山矣。及備取蜀。權怒。令還荊州。會曹操攻漢中。
 備懼。割荊州之半以和權。○曹操攻張魯。漢中破之。
 自進爵為王。劉曄曰。劉備人傑也。得蜀尚淺。其民未
 附。可乘勝擊之。少緩。孔明明於治國。關張勇冠三軍。
 不可犯矣。操不從。○劉備攻漢中。不利。乃徵兵益州。
 孔明謀之。楊洪。洪曰。漢中益之咽喉。今曹操破之。此
 家門禍也。發兵何疑。孔明表洪為蜀郡守。李嚴薦楊洪。未幾表
為守史故曰孔明能盡時人之器用。○曹操將兵臨漢中。趙雲帶數十
 騎出營視之。操兵大出。雲且戰且却。入營。更大開門。

子龍一身都是膽

關羽威震華夏

呂蒙襲關羽

白衣搖櫓

關羽失荊州
孫權論周瑜

董得失

公瑾邈焉寡

儔

操疑有伏引去雲以勁弩追射之操兵大敗明日劉

備至營視日子龍雲一身都是膽備遂有漢中稱漢

中王○關羽攻樊城今襄陽府拔之威震華夏曹操欲遷

都避羽司馬懿請操割江南和孫權說之襲羽權令

呂蒙定計蒙乃詐病使羽不防使陸遜代將羽素輕遜故使羽益

不自備蒙陰發兵使白衣搖櫓作商賈狀晝夜兼行

馬忠獲羽章鄉斬之遂失荊州呂蒙亦疾發死○孫

權語陸遜曰公瑾拓荊州邈焉寡儔子明呂蒙字籌畧

次於公瑾取羽勝于子敬魯肅字子敬一見便及帝王

一見便及帝

王大畧

一短二長

孫權稱臣于

操

曹操為周文

王

大畧一快也。赤壁之役。勸孤召公瑾定計。二快也。後
 勸孤借荊州與備。是其一短。然不足損二長。○孫權
 上書曹操稱臣。言天命屬魏。權欲魏滅漢。以便已耳。羣臣皆勸
 操正大位。操曰。若天命在吾。吾為周文王矣。○曹操
 薨。太子丕即位。未幾廢上為山陽公。而即帝位。追操
 曰武皇帝。

○後漢紀

景帝子。中山靖王後。都蜀。今四川成都。曰曹丕篡漢。遂正號後漢。其二君得年四十

有三。諸史並以正統予魏。以列國待漢。獨綱目以昭烈紹漢遺統。庶幾春秋之義云。

附魏

曹姓。漢相曹參後。都許。今許州。共五君。丕。睿。芳。髦。璜。得年四十有六。

附吳

孫姓漢將孫堅後都建業今南京共四君權亮休皓得年五十有九

昭烈皇帝

名備字元德三年號章武

上聞獻帝遇害乃發喪制服即

帝位武擔

山名

之南諸葛亮為丞相○上恥關羽之沒

令張飛將兵擊孫權會其帳下張達等殺飛

按羽善待卒而

帝自將伐吳

驕士大夫飛知禮士而不恤軍人均以短致敗惜夫

○上自將兵伐吳相拒數

法孝直制主上東行

月為陸遜所敗遁還亮歎曰孝直

法正字

若在必能制

主上東行○初上伐吳連營七百餘里魏主聞曰備

不曉兵豈連營可七百里乎孫權上事今至矣後七

日吳破漢書到○魏主不拜孫權為吳王權使趙咨

吳王聰明仁
智雄畧

吳王志存經
畧

帝王之學與
蒼生異

車載斗量

吳蜀何先

劉備有雄才

陸遜見兵勢

入謝不口。吳王何等主。曰：聰明仁智雄畧之主也。納魯肅于凡品。聰也。拔呂蒙于行陣。明也。獲于禁不殺。仁也。取荊州不血刃。智也。據三州虎視天下。雄也。屈身陛下。畧也。曰：吳王學乎。曰：吳王志存經畧。不効書生尋章摘句也。曰：吳如大夫幾人。曰：聰明特達八九十人。若臣車載斗量。不可勝數。○魏主丕問伐吳蜀何先。賈詡曰：劉備有雄才。孔明善治國。孫權識虛實。陸遜見兵勢。皆難卒謀也。○上病篤。語孔明曰：君才十倍曹丕。若嗣子可輔。輔之。如不才。君可自取。孔明

諸葛亮受顧命

君才十倍曹丕

不

孔明自校簿

書

為治有體

遣鄧芝修好

于吳

諸葛亮一時

豪杰

泣曰。臣敢不竭股肱之力。效忠貞。繼之以死。上敕太
子曰。勿以惡小為之。勿以善小不為。汝父德薄。不足
效也。汝于丞相。當事如父。乃崩。孔明自校簿書。楊
顒諫曰。為治有體。丙吉問牛喘。陳平謝錢穀。誠達于
體也。今自校簿書。不亦勞乎。後顒卒。孔明垂涕三日。
○遣鄧芝修好于吳。曰。大王命世之英。孔明亦一時
豪傑。蜀有重險。吳有三江。進可混一。退可鼎立矣。吳
遂絕魏合漢。亦即帝位。

後皇帝

名禪。昭烈子。四十年有建興。與延熙景耀炎興四號。

吳丞相顧雍寡言笑。

封侯家人不

知

顧公言必有

中

用兵攻心為

上

七縱七擒

南人不復反

長江限南北

嘗封侯還而家人不知吳王權曰顧公不言言必有

中○雍闓反孔明率兵往討馬謖送之曰攻心為上

攻城為下願公服其心也孔明斬雍闓生擒孟獲闡

不服縱使復戰七縱七擒獲曰公天威也南人不復

反矣○魏主伐吳臨江見波濤洶湧歎曰天所以限

南北也乃還○魏主丕殂子叡立初丕叡出獵見子

母鹿丕射其母命叡射子叡泣曰既殺其母何忍更

殺其子丕惻然丕嘗殺叡母也孔明上出師表詳見古文伐魏

魏延請假兵從秦嶺而東子午而北直抵長安則咸

孔明不用魏延危計

亮軍攻祁山

馬謖違亮節制

馬謖街亭之敗

馬謖言過其實

王業不偏安

四聰八達三

豫

公琰當與吾

共贊王業

畏蜀如虎

陽一舉定矣。孔明以為危計不用。乃自率兵攻祁山。

馬謖與魏張郃戰于街亭。違孔明節制大敗。向昭烈

謂孔明曰。馬謖言過其實。不可大用。至是敗。孔明揮

淚斬之。撫其孤。○孔明又上出師表。畧云。先帝以漢

不偏安。故託臣討賊。臣鞠躬盡力。死而後已。至成敗利鈍。非臣之所能逆睹也。伐魏圍陳倉。

以糧盡還。○魏諸葛誕等結黨相推。有四聰八達三

豫之號。董昭上疏論之。○蔣琬為長史。每足食給餉。

孔明曰。公琰琬託志忠雅。當與吾共贊王業。○孔明

伐魏圍祁山。司馬懿斂軍不敢戰。賈詡曰。公畏蜀如

正方腹中有

鱗甲

不圖復有蘇

張之事

木牛流馬

諸葛亮屯田

渭南

遺巾幘婦人

之服

孔明不食前言

虎奈天下笑何。乃出戰大敗。孔明亦以糧盡還。○李

平以督糧多錯。削爵徙梓潼。孔明曰。人言正方平字腹

中有鱗甲。不圖復有蘇張之事。○孔明作木牛流馬。

運糧斜谷口。大舉伐魏。分兵屯田五丈原。今扶風縣襍渭

濱居民民安堵如故。孔明數挑戰。司馬懿不出。孔明

遺以巾幘。婦人喪服激懿。懿怒。終不敢戰。時孔明使至。懿

問孔明寢食。使曰。丞相夙興夜寐。嗽食不至數升。懿

喜曰。亮食少事煩。其能久乎。孔明卒軍中。朱氏曰。鞠躬至死之

言為不。楊儀振旅還。懿追之。姜維反旗鳴鼓。若將向食矣。

死諸葛走生仲達

孔明八陣圖

天下奇才

聞諸葛亮卒

廖立垂泣李

平致死其故

何歟

王昶戒子

顧名思義

餅名如畫地作

懿懿斂軍退。諺曰：死諸葛走生仲達。懿後懿按行孔

明營壘，觀八陣圖，歎曰：天下奇才也。○初孔明廢廖

立為民，聞其卒，立泣曰：吾終左衽矣。李平亦孔明所

廢，聞之病發死。習氏曰：鑑明而醜者忘怒，武侯于廖李是也。○魏刺史王

昶多謹厚名。兄子曰沉，曰默。已子曰深，曰渾。嘗遺書

戒之，欲汝曹顧名思義也。書畧云：物速成則疾亡，晚就則善終。朝華之草，夕而

零落。松柏之茂，隆寒不衰，是以君子戒闕黨也。○人或毀已，當退而自求，若已有可毀，則彼言當矣。已無

可毀，則彼言妄矣。當則何怨于彼？妄則何害于我？○救寒莫如重裘，止謗莫如自修。○魏主曰：

取士以名，如得畫餅，不可啖也。虞毓曰：名不足致異

董允秉心公亮
董允以嚴見
憚
六經聖人糟粕
善易者不言
易

人而可得常士。○蔣琬爲丞相，無喜色，舉止一如平
日。衆望大服。○魏主叡殂，子芳立。曹同請衆建藩臣。
諺曰：百足之蟲，至死不僵，以扶之者衆也。芳不從。○
董允秉心公亮，上甚憚之。宦官黃皓畏允，故終允之
世，不敢爲非。○魏何晏好黃老，謂六經聖人糟粕，嘗
與管輅論易。輅曰：善易者不言易。晏歎曰：可謂要言
不煩。又嘗爲名士品目，自命一時才傑。○吳主權殂，
子亮立。亮令黃門取蜜，黃門與藏蜜吏隙，陰置鼠糞
蜜中。亮取糞剖之中，燥曰：此必黃門所爲。久則中溼。

呂岱戒諸葛
恪十思

矣。左右驚服。○吳太傅諸葛恪以輕肆見殺。初呂岱
戒曰。每事必十思。恪曰。季文子三思。仲尼非之。君命
恪十思。明恪之劣也。○魏將軍司馬師懿子廢魏主芳。
迎高貴鄉公髦立之。○魏封司馬昭師弟師死昭代之為晉
公。加九錫。魏主忿昭威權。乃討昭。昭黨賈充等刺髦。
迎常道鄉公璜立之。初魏地龍見井。髦曰。龍君德也。
不在天而在井。非祥兆。果應。○吳孫琳廢吳主亮。迎
瑯琊王休立之。○姜維數伐魏。蜀人苦兵。譙周作仇
國論諷之。○魏嵇康阮籍阮咸山濤向秀王戎劉伶

竹林七賢
士大夫以爲
賢

鍾會聞所聞
而來

鄧艾以氊自
裹

等友善。號竹林七賢。日飲酒爲樂。士大夫以爲賢爭效之。○鍾會謁嵇康。康不爲禮。會將去。康曰。何所聞而來。何所見而去。會曰。聞所聞而來。見所見而去。○劉伶每乘鹿車。攜酒出遊。使人荷鍤隨之。曰。死便埋我。○阮籍與人奕。會母死。對者令止。籍不爲意。居喪飲酒。無異平日。○魏使鄧艾等攻蜀。間行至陰平。甚險。艾以氊裹身滾下。將士扳木緣崖而進。直至綿竹。斬諸葛瞻。上請降。上子譙怒曰。當背城一戰。死社稷。以見先帝也。上不聽。譙哭於昭烈廟。自殺。○尹氏曰。譙有烈丈夫。

風。後帝可謂上愧父。下愧子矣。○吳主殂。姪皓立。

晉紀

司馬姓。魏將懿後。中朝都洛陽。遷長安。東晉都建康。今應天。共十有五君。得年百五十有五。滅魏十六年。始平吳為一統。

青麻代青絲

世祖武皇帝

名炎。司馬昭子。二十五年。有太始。咸寧。太康三號。司馬昭殂。子炎

受魏主禪。即帝位。○御牛青絲勒斷。詔以青麻代之。

戒魏奢侈。故矯以儉也。

○吳主遷都武昌。

今武昌府。

民謠曰。寧飲建

業水。不食武昌魚。寧還建業死。不止武昌居。乃還都

建業。○上徵李密。密以祖母老不就。嘗曰。密顧影無

儔也。○上欲滅吳。令羊祜督襄陽軍。祜務恩懷吳人。

晉徵李密不至
李密顧影無儔

羊祜務恩懷
吳
輕裘緩帶

陸抗論時政
豈有酖人羊
叔子

長江一葦可
航

在軍嘗輕裘緩帶。侍衛不過十數人。○吳以陸抗督
荊州軍。抗曰。德均則眾勝寡。力侔則安制危。備陳時
宜十七條。吳主不納。○羊祜陸抗對境相拒。使命常
通。抗疾。求藥于祜。祜以成藥與之。抗即服不疑。或諫
抗。抗曰。豈有酖人羊叔子祜宅哉。每交兵。刻日方戰。不
為掩襲之計。○上欲納衛瓘女為太子妃。羣臣欲納
賈氏。上曰。衛氏有五可。種賢而多子。美而長白。賈氏
有五不可。種妒而少子。陋而短黑。後竟納賈氏。○賀
邵諫吳主曰。長江之限。一葦可航也。時羊祜陰令王

木梯蔽江

山公啟事

家人筐篋中

物

三徵七辟不

就

門人廢蓼莪

羊祜陳伐吳

之計

峴山建碑立

廟

墮淚碑

濬益州刺史治水軍大作舟艦木梯蔽江而下吾彥取梯

白吳主曰晉必有攻吳之計王不聽○山濤為吏部

每甄拔人物各為一題目奏之時稱山公啟事○吳

人多言瑞韋昭曰此家人筐篋中物耳○王裒痛父

死非命父儀為司馬昭殺隱居教授三徵七辟皆不就嘗讀

哀哀父母生我劬勞輒三復流涕門人為之廢蓼莪

○羊祜面陳伐吳之計上善之未舉而祜卒南州士

民哭聲相接祜嘗遊峴山襄陽人立廟建碑其地見

者皆涕因名墮淚碑○傅元每奏劾或值日暮捧簡

臺閣風生

欲言而止者

三

此座可惜

外寧內憂

釋吳以爲外

懼

鐵鎖橫江

北軍飛渡

破竹迎刃而解

竦誦待旦。由是臺閣風生。莫不震懾。○太子昏愚。衛
瓘因侍宴。佯醉欲言而止者三。以手撫牀曰。此座可
惜。上悟。佯曰。公真大醉耶。○程據獻雉頭裘。上焚之。
以絕獻異者。○初。曹操分南匈奴爲五部。劉豹爲部
長。豹子淵。幼而雋異。入侍晉。後爲五胡亂華之首。○杜預請兵
伐吳。上從之。山濤退語曰。外寧必有內憂。今宜釋吳
爲外懼。○吳置鐵鎖橫江。截舟路。王濬煉斷鐵鎖。遂
克西陵。杜預遣將夜襲樂鄉。吳兵曰。北軍飛渡也。杜
預會諸將曰。兵勢如破竹。數節之後。無復著手處也。

恐負名賢知顧

廉濬爭功

劉毅方帝和

王濬督舟師入建業。吳主降。諸葛靚邀張悌遁去。悌曰。我荷名賢知顧。常恐不得其死。今乃遁耶。靚流涕別。悌與晉兵戰死之。○詔賜吳主侯曰。朕設此待卿久矣。吳主曰。臣於南方亦設此待陛下。○王渾王濬爭功。范通謂濬曰。卿當口不言平吳之事。若有問。但曰。老夫何力之有。王渾能無愧乎。○郭欽請徙諸降胡於邊郡。上不從。漢魏來胡人降者多處塞內。○上置宮人五千餘。常乘羊車。恣其所之。輒宴寢其宮。宮女競以竹葉插戶引之。○上問劉毅曰。朕方漢何如主。對曰。桓靈

桓靈不聞此言

劉毅論中正
入損
倉卒宜備非常

張華盡忠王室

上曰何至此對曰殆不如也桓靈賣官入官庫陛下賣官入私門上曰桓靈之世不聞此言○薛瑩稱吳士第一陸喜曰吳士有五格瑩其在四五間乎○郡國立中正九品官人法行之浸久多弊劉毅奏其法有八損○宮中火上登樓望之皇孫適年五歲牽上裾入暗處曰暮夜倉卒宜備非常何可令照見乎上奇之初上知太子愚欲廢之以逼慧乃止

孝惠皇帝

武帝子名衷十七年有永熙永康永康永寧永安光熙永興七號

賈后干政

猶畏張華華盡忠王室雖暗主在上而朝野安靜○

牙籌會計

得種鑽核

聖人貴

將無同

三語掾

寧馨兒

名教內自有樂地

崇有論

司徒王戎性多貪。園田徧天下。每自執牙籌。晝夜會計。家植好李。恐人得種。臨賣鑽其核。戎取士多以名。嘗問阮瞻曰。聖人貴名教。老莊明自然。其旨同異。對曰。將無同。戎辟之。時號三語掾。○尙書令王衍善清談。山濤見之曰。何物老嫗。生寧馨兒。猶言好兒然誤天下蒼生者。必此人也。○吏部郎畢卓多放達。好飲。比舍郎釀熟。卓盜飲之。爲掌酒者獲。明旦視之。畢吏部也。樂廣笑曰。名教內自有樂地。何必乃爾。○何晏等祖述老莊。崇尚虛無。士大夫相習成風。裴頠著崇有論。

江統徙戎論

為官為私

魯褒錢神論

張茂先華而不實

挽之不克。○江統以夷狄亂華，作徙戎論，警上上，不

納。邱氏曰：劉淵匈奴也。居晉陽。石勒羯也。居上黨。姚萇羌也。居扶風。苻堅氐也。居臨渭。慕容皝鮮卑也。

居昌黎。中原半為夷穴。不亂得乎。○上躃駭，嘗聞蝦蟆鳴，曰：此鳴者

為官乎？為私乎？聞民饑死，曰：何不食肉糜？故政出多

門，賄賂公行。魯褒作錢神論，譏之。論曰：錢之為體，有乾坤之象，親之如

兄。字曰孔方，無德而尊，無勢而熱，排金門，入禁闥，危可使安，死可使活，貴可使賤，生可使殺，是故忿爭非

錢不勝，幽滯非錢不拔，怨仇非錢不解，令聞非錢不發。洛中朱衣當途之士，愛我家兄，皆無已極。凡今之

人，惟錢而已。○裴頠薦韋忠于張華，忠不應，辟曰：茂先華

華而不實，逸民頠怨而無厭，棄典禮而附賊，后恐其

銅駝在荆棘
寧

貂蟬盈座

五難四不可

荷紹朝服登
輦

溺于淵而餘波及。我况可褰裳就哉。○索靖知天下
將亂。指宮門銅駝歎曰。會見汝在荆棘中耳。○賈后
毒殺太子適。趙王倫起兵殺后。及張華裴頠石崇等。
以崇富。籍其家。崇曰。財之害人若此。上出奔。倫篡立。
每朝會。貂蟬宦者冠盈座。時謠曰。貂不足。狗尾續。齊王
冏起兵殺倫。迎上復位。冏恃功擅權。孫惠諫以五難
四不可。大權不可久執。大名不可久荷。大功不可久居。大威不可久任。冏弗聽。成都
王穎起兵伐冏。自立爲皇太弟。東海王越奉。上伐穎。
上中三矢。百官皆潰。獨嵇紹朝服登輦。以身蔽上。被

此嵇侍中血

張翰思葦鱸

人生貴適志

一紙書賢十部從事

古史輯要卷三

殺血濺上衣。左右請浣。上曰。此嵇侍中血。勿浣也。○

張翰懼禍。及因秋風起。思菰菜葦羹。鱸魚膾。歎曰。人

生貴適志耳。富貴何為。遂引去。○劉宏督江漢。每手

書賜諭。民悅。曰。得劉公一紙書。賢於十部從事。○晉

將軍劉淵。見晉骨肉相殘。遂自稱大單于。都左國城。

尋稱漢王。元帝時滅于趙劉曜。○李雄自稱大成王。都成都。後

改號漢。穆帝時滅于晉桓溫。○河間王顒將張方廢穎。而立豫

章王熾為皇太弟。○上食餅中毒。崩。皇太弟即位。

孝懷皇帝。武帝少子。名熾。號永嘉六年。王衍。字夷甫。為司徒。弟澄都督。

晉王衍三窟

何曾日食萬錢

百六椽

荊州族弟敦刺史青州曰。荆有江漢之固。青有負海
 之險。二人居外。吾居中。足為三窟矣。按衍雅好風流。而以三公營私。
窟。風流安在。卒死石勒排牆之下。窟又安在哉。○何曾居家多侈。日食萬錢。
 猶云無下箸處。初侍武帝。退語諸孫曰。今上貽謀不
 過及身而已。汝曹必及于難。至是果見殺。○漢王聰
淵攻洛陽。上奔長安。為所執。安定守賈疋音雅與漢戰。
 不克。乃迎秦王業入長安。立為太子。○時江東差安
 士民多南渡。避亂。王導說瑯琊王睿都督建業收納英俊。
 辟掾百有六人。時號百六椽。陶侃庾亮皆往焉。○桓

王導江左夷吾

楚囚對泣

聞雞起舞

祖逖中流擊楫

祖逖誓清中原

祖生先吾著鞭

晉書卷三

彝周覬避亂江左。彝見王導，退語覬曰：「向見管夷吾。」

吾輩無憂矣。諸名士遊宴新亭，相視流涕。導曰：「當戮」

力王室，克復神州，何至作楚囚對泣耶？」○漢王宴羣

臣，令上着青衣行酒。庾珉等哭死，上亦被弑。

孝愍皇帝

武帝孫名業號建興四年

祖逖有大志，與劉琨同寢。

逖琨俱司

州主簿

聞雞鳴，蹴琨曰：「此非惡聲也。」因起舞。往見瑯琊

王睿，請兵北伐，得部曲百餘，渡江中流，擊楫曰：「逖不」

能清中原，有如此江。」

言不返也。

琨語人曰：「常恐祖生先吾」

著鞭。」○陶侃刺史廣州，齋置百簋，每朝運于齋外，夕

陶侃連璧
陶侃致力中

義士貞女

照蒼生何由仰

返于内或問侃侃曰方欲致力中原恐安逸不堪任
事耳○漢劉曜陷涇陽執梁緯不屈曜曰義士也賜
之劍自殺曜欲娶緯妻辛氏辛氏曰二夫之婦明公
又安用之曜曰貞女也亦聽自殺曜進陷長安上出
降漢王令上行酒執蓋尚書辛賓抱上哭死上亦被
弑。

中宗元皇帝

名睿惠帝曾孫初都督建業及愍帝被弑乃即位十六年有建武中興永昌三號是

為東晉按上母通于小吏牛金而生上上命王導同
上實牛姓也故當時有牛繼馬後之謠
坐御牀導曰若太陽下同萬物蒼生何由仰照乃止

溫嶠絕裾

王與馬共天下

王導求救于

周顗

伯仁以百口

累卿

古史輯要卷三

○漢劉曜篡漢自立改號趙遷都長安成帝時滅于後趙石勒

○石勒自稱後趙王後改號魏穆帝時滅于燕○祖逖鎮雍

邱今杞縣後趙民多歸之逖卒後趙遂取陳留等郡時劉

琨亦死于難○溫嶠欲詣建康其母止之嶠絕裾往後母

死不及奔喪為嶠終身恨○王敦王導子姪布列顯

要謠曰王與馬共天下上畏而疎之導能推分淡如

也敦懷忿作亂導詣臺待罪周顗適入呼曰伯仁顗字

以百口累卿顗不顧及見上極言導無罪既出復表

救之導未之知陰恨顗上隨召導入命督軍伐敦敦

王導不答殺
周顗

伯仁由我而
死

幽冥之中負
此良友

錢世儀精神
滿腹

據石頭城攻之弗克。上許敦以丞相督軍事。乃還武昌。時敦以周顗有高名。欲殺之。問于導。導不答。遂殺顗。後導見顗救已之表。泣曰。我雖不殺伯仁。伯仁實由我而死。幽冥之中。負此良友。

肅宗明皇帝

名治。元帝子。號大寧三年。

溫嶠諂事王敦。每結錢鳳為

援。曰。世儀

鳳字

精神滿腹。鳳悅。薦嶠丹陽尹。嶠恐去後

為鳳所間。乃于敦餞別時。詐酒與鳳隙。後鳳果短嶠。敦以有隙不聽。○王敦疾甚。上以敦死。詔列敦罪狀。敦怒。欲起兵。命郭璞筮之不吉。敦大怒。曰。爾壽幾何。

荆州士女相

慶

聖人惜寸陰

陶侃惜分陰

竹頭木屑

陶侃砥柱晉

孝
卞壺父子忠

古史輯要卷三

曰命盡今日。敦遂斬璞起兵。上親征之。敦黨盡平。○

陶侃夢生八翼飛天。果都督荆襄八州。州士女踴躍

相慶。侃嘗曰。大禹聖人。尚惜寸陰。吾輩當惜分陰。嘗

造船。其竹頭木屑皆藏之。眾不解。後會雪晴。廳地餘

溼。乃以木屑鋪地。及伐蜀。以竹頭作釘造船。其精密

類如此。梅福稱其忠勤似孔明而砥柱晉室果然

顯宗成皇帝。明帝子名衍。十七年咸和。咸康二號。卞壺泣事精勤。眾皆誚

之。壺曰。諸君子風流相尚。執鄙吝者。非予而誰。○蘇

峻鎮歷陽。今和州。起兵攻建康。卞壺戰死。二子隨之。其

父忠子孝何恨

温嶠合陶侃

討峻

陶侃戎服登舟

蘇武節似不如是

如是

石勒比高光

大丈夫礪礪落落

母曰。父死忠。子死孝。妾何恨乎。桓彝宣城內史赴難。裨惠止之。彝厲色曰。見無禮于君者。若鷹鷂逐鳥雀也。遂屯蕪湖。後戰死于涇縣。温嶠合陶侃攻峻。侃即戎服登舟。與嶠直趨建康。殺峻于石頭城。王導入城。令取故節。侃笑曰。蘇武節似不如是。導色慚。○後趙王勒語羣臣曰。使朕遇漢高。當北面事之。遇光武。可並驅中原。未知鹿死誰手。大丈夫當礪礪落落。終不效曹孟德操。司馬仲達輩。欺人孤兒寡婦。狐媚以取天下也。○時尚風流。殷浩為風流宗。每與褚裒高談名擅江東。桓

季野皮裏春

秋

王導問江東

米價

每事安能盡

善

克讓自是美

事

舉扇自蔽
元規塵汚人

王導因事就

古史補遺卷三

三

彝常譏季野

字稟

有皮裏春秋

言短長人也

○王述性沈靜

人目爲癡。王導辟至。首問江東米價。述張目不答。導

每發言。一座莫不贊美。述正色曰。人非聖賢。安能盡

善。導改容謝之。述後受尚書令。其子坦之言故事。當

讓。述曰。謂我不堪耶。坦之曰。非也。但克讓自是美事。

述曰。旣堪矣。何讓爲。○慕容皝自稱燕王。

帝奕時滅于秦

庾亮雖外鎮。遙執朝權。王導惡之。每遇西風塵起。舉

扇自蔽。曰。元規塵汚人。

亮字

○王導簡素寡欲。善因事

就功。故居相三世。及卒。而倉無儲穀。衣不重帛。

殷浩才名冠世

康皇帝

名岳。成帝弟。成帝無子。立之。號建元二年。

殷浩才名冠世。庾翼曰：此

此輩宜束之高閣

輩宜束高閣。俟太平時用耳。時人擬之管葛。孔明伺

伺出處以卜興亡

其出處卜江左興亡。累辟不起。後會稽王昱遺書力

請之。乃出刺史揚州。

桓溫拜表即

孝宗穆皇帝

康帝子。名聰。十七年。永和升平二號。

桓溫將請伐漢。拜表即

桓溫威名大振

行。直入成都。滅漢。而溫威名大震。蒲洪自立為秦

王。改姓苻氏。

武帝時。滅于後秦。姚萇。

張重華自立為涼王。武帝

時滅于秦苻堅。

殷浩北伐屢敗。免為庶人。至是桓溫遺書

答書竟達空函

浩欲復用。浩欣然將答。慮有謬誤。開閉十數。竟達空

捫虱談當世

務

江東無卿比

神州陸沉

謝安有重名

不出當如蒼

生何

髯參短簿

晉春秋

孫盛直書時

函○桓溫伐秦王猛來謁捫虱而談世務旁若無人
溫徐曰江東無卿比也溫登平乘樓在今江陵望中原歎
曰神州陸沉王夷甫諸人不得辭其責○秦王堅得
王猛一見如舊友自謂如元德之遇孔明○謝安有
重名雖布衣時人以公輔期之僉曰安石不出如蒼
生何累辟乃就

哀皇帝

名丕成帝子穆帝無子迎立之四年隆和興平二號

桓溫以郗超為參軍

王恂為主簿謠曰髯參軍短主簿能令公喜能令公

怒○桓溫伐燕敗于枋頭孫盛作晉春秋直書其事

事
此史關君門
戶事

溫怒謂盛子曰此史若行自是關君門戶事盛子請
于父不許遂私改之

帝奕

名奕哀帝弟哀帝無子
迎立之號太和六年

桓溫鎮姑熟

今太平府

有逆志

歎曰男子不能流芳百世亦當遺臭萬年乃詣建康
廢上爲東海王而立會稽王昱溫威振內外卽上亦
拱手聽命而已

太宗簡文皇帝

元帝子名昱
號咸安二年

謝安見桓溫遙拜溫驚安

曰未有君拜於前臣揖於後也溫色沮

烈宗孝武皇帝

簡文子名曜二十四
年寧康太元二號

桓溫入朝京師洵

謝安遙拜桓
溫

坦之倒執手

板

謝安神色不

變

郗生入幕之

賓

基功不廢絲

竹

謝安舉謝元

謝安違衆舉

親

晉正朔相承

洵皆云欲誅王坦之謝安因移晉室坦之謁溫汗流沾
 衣倒執手板安獨神色不變時溫盛兵備衛安曰諸
 侯有道守在四夷何須壁後置人耶與溫笑語移日
 郗超坐溫帳中會風動帳開安笑曰可謂入幕之賓
 矣○謝安為相務舉大綱時人比于王導而文雅過
 之安好聲律即基功之慘不廢絲竹○詔求良將謝
 安舉兄子元以應郗超曰安能違衆舉親元實不負
 所舉○秦王猛臨終語秦王曰晉正朔臣沒後願毋
 以晉為事○秦執吉挹魏興太守不言不食死秦王曰周

投鞭斷流

帝王歷數豈有常

圍棋賭墅

是日便為敵手

孟威不屈于前。丁亥遠潔已于後。吉子冲挹字閉口而死。何晉多忠臣也。○秦主堅謀伐晉。權翌曰。福德在吳。伐之必有天殃。且長江之險。未可圖也。堅曰。以吾之眾。投鞭于江。足斷其流。符融亦曰。晉雖弱。天意必不絕正朔也。獨不記王景略猛字之言乎。堅曰。帝王歷數豈有常耶。遂以八十萬眾伐晉。江東震恐。謝元問計謝安。安夷然曰。已別有旨。乃與元出遊墅圍棋。安棋嘗劣于元。是日元懼。便為敵手。○秦兵屯洛澗。今定遠謝元謝石等。水陸並進。大敗秦兵。符堅登壽陽城。

草木皆兵

風聲鶴唳皆兵

謝安屐齒之折
遇風颺有凌霄之志

今壽州。望見入公山。草木皆疑晉兵。有懼色。元等復渡。

淝水擊之。秦兵潰奔。聞風聲鶴唳。驚為追至。晝夜奔

回。○敗秦捷至。時謝安適與客棋。閱書了無喜色。客

問之。安曰。小兒輩遂已破敵。局竟還內。過戶限。不覺

屐齒之折。○秦使慕容垂北鎮。權翌曰。垂勇畧過人。

譬如養鷹。遇風颺起。每有凌霄之志。垂往北。果自立。

為後燕王。後為馮跋篡。改為北燕。○姚萇自立為後

秦王。安帝時為劉裕所滅。○慕容冲自立為西燕王。不數年為後燕所滅。

○乞伏國仁自立為西秦王。宋元嘉時滅于夏。○呂光自立

為後涼王。安帝時滅于後秦。○長星見上惡之。舉酒祝曰。長

星勸你一杯酒。自古何有萬歲天子耶。

安皇帝。武帝子。名德宗。二十年。拓跋珪自立為魏王。為

祖。甲子舉兵伐燕。太史曰。昔紂以是日亡。為兵家

疾日。珪曰。武非以是日興乎。遂克燕。命朝野皆束髮

加帽。置五經博士。問李先曰。何物可益人神智。先曰。

莫若書籍。遂命郡縣索之。○慕容德自立為南燕王。

不十年為晉。○李暠自立為西涼公。宋永初時滅于北涼。○禿

髮利鹿孤自立為南涼王。不數年滅于西秦。○沮渠蒙遜自

命朝野束髮
加帽
置五經博士
何物可益人
神智

立為北涼公。

宋元嘉時滅于魏。

○桓元

晉將

封楚王。加九錫。尋

廢上即帝位。元登御座。忽陷。殷仲文曰。聖德深厚。地

不能載。元大悅。元耻無隱士。令皇甫希居山林。徵之

固辭。乃下詔旌禮。號曰高士。時謂之充隱。○劉裕少

有大志。以賣履為業。晉拜參軍。至是入朝。桓元后曰。

裕龍行虎步。不久為人下。宜早除之。元曰。我方平蕩

中原。非裕不可。俟關洛平定。然後別議耳。○劉裕與

何無忌

裕

劉毅共討桓元。或謂裕必無成。元曰。裕一

世人傑。毅一擲百萬。無忌酷似其舅。何謂無成。裕等

時謂之充隱

劉裕龍行虎步

劉裕一世

何無忌酷似其舅

穆之決斷如流

崔浩料人物

王猛符堅之管仲

劉裕司馬之曹操

遂斬元迎上復位。○劉裕抗表伐南燕。過大峴山。曰。虜已入吾掌中矣。遂滅燕。○劉裕之總朝政。決斷如流。目覽詞訟。手答牋書。耳行聽受。口並應酬。互支不悖。○魏主問崔浩曰。劉裕伐秦克乎。浩曰。克。然克秦歸。必篡其主。浩嘗論近世將相曰。王猛之治秦。符堅之管仲也。慕容恪之輔主。慕容暉之霍光也。劉裕之平亂。司馬德宗之曹操也。○劉裕滅秦東歸。留子義真守咸陽。未幾大夏王起兵據之。義真奔歸。

恭皇帝

安帝弟名德文號元熙二年

劉裕封宋王加九錫密令上禪

位而廢上為零陵王尊弑之

南北朝

按南北朝以江為界不能混一故分記耳正朔仍屬南當宋初北朝猶有西秦大夏北燕

北涼西涼五國至宋文帝時始盡滅于魏

○宋紀

劉姓彭城人都建康凡八主得年六十

附北朝魏

拓跋姓胡人。都于鄴。

高祖武皇帝

名裕號永初三年

謝晦還都

賓客輻輳兄瞻曰此

豈門戶之福耶乃置竹籬隔之

營陽王

名義符武帝太子史曰少帝號景平一年

上居喪無禮檀道濟等廢

為營陽王

而迎宜都王義隆立之

太祖文帝

名義隆武帝三子號元嘉三十年

陶潛

字淵明侃曾孫

為彭澤令吏

籬隔門戶

不為五斗米

折腰

陶潛賦歸去

來辭

五柳先生傳

王仲德獨有

憂色

道濟唱籌量

沙

壞汝萬里長

城

江左風俗於

斯為美

請束帶見督郵。潛曰：吾豈以五斗米折腰，即解綬歸賦歸去來辭。著五柳先生傳。並見古文累辟不起。別號靖節先生。○上使到彥之伐魏。魏主北渡。諸軍皆喜。王仲德獨有憂色。曰：河水一合，虜將復來。冬，魏果攻虎牢。彥之敗還。○檀道濟伐魏多捷，以食盡引還。魏人追之。道濟夜令唱籌量沙。魏人謂其糧給，不敢迫。○上畏檀道濟威名，詔誅之。道濟脫幘投地曰：乃壞汝萬里長城。魏人聞之曰：道濟死，吳子輩不足憚。○上勤政。江左風俗於斯為美。後言治者稱元嘉焉。○魏

政治稱元嘉
盡誅天下沙
門

筆公可謂社
稷臣
宗慤長風破
浪

用崔浩言盡誅天下沙門毀佛像○燕有女子化爲
男燕亡之兆○衡陽王義季出畋遇耕者左右逐之農曰
一日不耕民失其時奈何以從禽逐老農也王賢而
賜之食辭曰大王不奪農時則境內皆飽也王問其
名不告○魏主獵獲鹿數千詔以牛車運回古弼諫
其荒逸不應詔魏主曰筆公弼頭尖故名可謂社稷臣○
上令宗慤伐林邑破之慤常言願乘長風破萬里浪
○遣王元謨伐魏沈慶之曰耕當問奴織當問婢今
與白面書生謀兵濟乎果大敗魏人南下所過赤地

春燕巢于林木
連雞不得俱飛

袁顥稱高祖
儉素之德
田舍翁得此
已為過

無餘春燕巢于林木。言無屋舍也。○上合夏攻魏。崔浩曰。連雞不得俱飛也。○太子劭弑上。武陵王駿舉兵誅劭而自立。

世祖孝武帝。名駿。文帝次子。十一年。孝建大明二號。上奢侈無度。壞高祖

所居陰室。起玉燭殿。袁顥盛稱高祖儉素之德。上曰。

田舍翁得此已過矣。○上崩。太子子業立。子業殘暴。

多殺臣下。壽寂之弑之。迎湘東王彧即位。

太宗明帝。名彧。文帝少子。七年。泰始泰豫二號。賜王景文。刺死景文時與

客棋。叩函閣畢。置局右。神色不變。局竟。徐示客。飲藥。

卒。○魏主係囚。每至積年。曰。人苦則思善。故智者以

囹圄為福堂。朕欲令悔過耳。

蒼梧王明帝子。名晃。號元徽五年。上懼蕭道成都督威名。欲殺之。道成

乃弑上。立安成王準。準年方十歲。

順帝明帝少子。名準。號昇平三年。詔禁驚眼錢。入水不沉。千錢不盈

三寸。○蕭道成封齊王。未幾稱禪。即位。

齊紀蕭姓。漢蕭何後。凡七主。得年二十四。附北朝魏改姓元氏。遷都洛陽。

太祖高帝名道成。號建元四年。上即位。謝朓不應詔。左右欲殺之。

上曰。殺之。令成其名。乃止。○上衣中有玉玦。命碎之。

詔禁驚眼錢

黃金與土同

價

蕭衍有文武才

王謝家物

魏主遷都洛陽

曰留此政長病源。嘗曰使我治天下十年。黃金當與

土同價。

世祖武帝

高帝子。名顯。號永明十一年。

蕭衍有文武才。王儉奇之曰。

蕭郎出三十貴。不可言。○陳顯達居官清儉。其子以

塵尾拂蠅。令燒之。曰。此王謝王導謝安家物。汝不須捉。○

魏築長城。遷都洛陽。改姓元氏。○上崩。西昌侯鸞奉

太孫昭業立之。尋被弑而立新安王昭文。尋又廢昭

文自立。

高宗明帝

名鸞。武帝兄。號建武五年。

修晉諸陵。增置守衛。○魏主好

據鞍不忘講道

魏主禁胡服

胡語

步步生蓮花

六貴同朝

今天下見二義士

何預天下士大夫事

讀書。手不釋卷。在輿據鞍。不忘講道。詔禁胡服胡語。有太平風。

東昏侯

名寶卷。明帝子。號永元二年。

上昏淫無度。嘗鑿金為蓮花貼

地。令潘妃行其上。曰。此步步生蓮花也。○上親信宦

官於諸嬖臣。皆號為鬼。時大臣用事者六人。蕭衍曰。

六貴同朝。亂將作矣。尋起兵廢上。而立南康王寶融。

和皇帝

名寶融。東昏侯弟。號中興一年。

封蕭衍梁王。未幾稱禪。馬仙琕

袁昂俱不降。衍曰。今天下見二義士。乃厚遇之。顏見

遠不食死。衍曰。我自應天順人。何預天下士大夫事。

顏見遠乃至此。

○梁紀

蕭姓。齊之疎族。凡四主。得年五十四。

附北朝東西魏

以後分爲二。東魏都鄴。滅于齊。西魏都長安。滅于周。

崔亮資格用人

高祖武帝

名衍。四十八年。天監普通大通。中大通大同。中大同。太清七號。

魏崔亮奏定

資格。專以停解日月爲斷。沉滯者皆稱能。薛淑曰。若

不問賢否。惟取年月。執簿呼名。一吏足矣。何謂銓衡。

吉玢乞代父命

○吉玢年十五。遇父當誅。請代之。丹陽尹王志欲舉

吉玢不因父取名

以孝。玢曰。是因父取名。罪莫大焉。力辭。○上崇釋氏。

梁主捨身同泰寺

齋食布衣。廟祀麴爲犧牲。嘗捨身同泰寺。羣臣以錢

執筆觸寒

高公雄才蓋

世

借蛟龍以雲

雨

山中宰相

請舉十三州

內附

得景則塞北

可清

亂階在此

億萬贖還宮。○上勤於政。冬月視事。執筆觸寒。手皴。

指間起細白皮。每斷重罪。終日不憚。○上太子昭明。讀書一

目五行俱下。後天死。○魏委高歡鎮并州。慕容紹宗

曰。高公雄才蓋世。復令握兵。如借蛟龍雲雨矣。弗聽。

歡至并。遂另立東魏主。遷都鄴。東魏文帝時。滅于齊高洋。○上徵

陶宏景不至。上每有事往決之時。號山中宰相。○侯

景叛東魏歸梁。請以十三州內附。羣臣不可。上曰。得

景則塞北可清。遂封河南王。周宏正曰。亂階在此矣。

○熒惑入南斗。諺曰。熒惑入南斗。天子下殿走。上憂

東魏移檄梁

天威難犯

一門已登鬼錄

之。乃跣足下殿以禳。及聞魏主走。長安上曰。虜亦應天象耶。○東魏移檄梁曰。侯景凶人之性。誨之慢藏。彼必自據淮南。亦欲稱帝。但恐楚國亡猿。禍延林木。城門失火。殃及池魚耳。○侯景反攻陷臺城。入見上。上神色不變。景稽顙殿下。不敢仰視。出曰。天威難犯。耶。後上飲膳多為景制。口苦求密。不得曰。荷荷。歎聲遂崩。

太宗簡文帝

武帝子名綱號太寶二年

吳興守

張嶮

被囚

侯景欲活

之。嶮曰。速死為幸。景仍欲存其一子。嶮曰。吾一門已

長鯨短狐

太平玉燭

戎服講老子

文武之道今夜盡

言以輔要卷三

三

登鬼錄不就虜求全也。遂俱殺。○侯景弑上自立。始

與守陳霸先奉湘東王繹攻景。斬之。乃勸繹即位。繹

曰。淮海長鯨。雖云授首。襄陽短狐。時岳陽王謦反。未全革面。

太平玉燭。明時曰玉燭。爾乃議之。固請即位。○東魏高洋

歡封齊王。尋篡位。國號齊。陳宣帝時滅于周。

世祖孝元帝。武帝少子。名繹。號承聖三年。上好談元。魏兵入境。尙戎

服講老子。及攻城急。遂取古今圖書十四萬卷焚之。

歎曰。文武之道。今夜盡矣。乃出降。尋被弑。陳霸先奉

晉安王方智即位。○魏立岳陽王謦。昭明太子子。初合魏攻梁故立。

龍逢比干未
是俊物

丈夫寧可玉
碎

於江陵即帝位。是為後梁。陳長城公時滅于隋。○齊李集諫齊主。齊

主怒。令縛沉水中。久之引出。諫如故。如此數四。齊主

大笑曰。天下有此癡人。方知龍逢比干未是俊物。

敬帝。名方智。元帝子。三年。紹泰太平二號。上禪位陳霸先。尋被弑。○魏宇

文覺篡魏自立。國號周。陳宣帝時滅于隋。

○陳紀。陳姓。漢陳寶後。吳興人。凡五主。得年三十有二。

附北朝周齊。周。宇文姓。都鄴。齊。高姓。都長安。陳宣帝時俱滅于隋。

高祖武帝。名霸先。號永定三年。齊主盡滅元氏。元景安欲改高姓。

兄景皓曰。丈夫寧可玉碎。何忍瓦全。

投籤階石

雖眠亦令驚覺

兩姑之間難為婦

世祖文帝

名蒨武帝兄武帝無子迎立之七年天嘉天康二號

上勤政每夜刺閨

取外事分判敕傳更籤殿中者投階石令鎗然有聲

曰吾雖眠亦驚覺○齊賀若敦以言見殺臨歿引錐

刺其子舌以戒之

臨淮王

名伯宗文帝子號光大二年

安成王瑱廢上為臨淮王自立

○周楊堅姿相奇偉來和曰公眼如曙星無所不照

當王天下時周欲用堅其父忠曰兩姑之間難為婦

勿往後忠死堅仕周

高宗宣帝

名頊武帝兄號太建十四年

周楊素為詔書下筆立就無

富貴來逼臣

不美。周主曰。弗憂不富貴。素曰。但恐富貴來逼臣。臣

無心圖富貴也。○周楊堅進爵隋王。未幾滅周。國號

隋。

時齊已滅。後數年滅後梁。而北朝混一。

長城公

名叔寶。宣帝子。七年。至德。禎明二號。

隋李諤曰。魏崇文辭。周齊彌

月露風雲

甚。連篇累牘。不出月露之形。積案盈箱。盡是風雲之

狀。朝廷據茲擢士。恐以無用爲用也。隋主納之。詔天

隋置義倉

下文翰。並宜實錄。○隋置義倉。令民出粟儲之。備凶

年。○上起臨春三閣。窓楣皆沉檀。緣飾盡金玉。日與

玉樹後庭花

宮嬪歌飲其間。有玉樹後庭花等曲。○上恣肆日甚。

面改則心可
改

投梯于江

長江天塹

蘇威五教

傅綽諫曰。東南王氣盡矣。上惡。頃之令改過免殺。綽
曰。臣心如面。面不可改。心可改乎。遂殺。○隋大作戰
船。將伐陳。或請密之。隋主曰。若彼知改。吾何求乎。因
使投梯於江。令陳知之。○隋大舉伐陳。上曰。王氣在
此。彼何為者。孔範亦曰。長江天塹。虜能飛渡耶。相與
縱酒賦詩。不輟。隋兵直入建康。執上滅之。

○隋紀

楊姓。華陰人。漢楊震後都長安。凡四主。
得年三十八。自東晉分裂後至此混一。

高祖文帝

名堅。二十四年。
開皇仁壽二號。

上以陳法久弛。令蘇威作五

教。使民誦之。陳民驚駭。為亂。執新令殺之。曰。更能使

小事何忍勤

勞使君

草滿張網

一錢而死

王通詣闕獻策

得失在僕

儂誦五教耶。○辛公義凡決訟。有禁者卽宿廳。曰。余無能化民。至禁民在獄。而安寢於家可乎。罪人聞之。悔悟。後有欲訟者。曰。此小事。何忍勤勞使君。乃止。○平鄉令劉曠有異政。民皆息訟。獄中草滿庭。可張網。○詔盜錢一文以上皆棄市。有三人共盜一瓜。坐死。民情洶洶欲亂。上聞之。乃停此法。○王通謚文中子詣闕獻太平十二策。弗納。通歸教授河汾間。累徵不起。楊素勸之仕。通辭甚執。或語素曰。通實慢爾。素因語通曰。公而可慢。則僕得矣。不可慢。則僕失矣。得失在

讒國譽媒

翦綵爲花

作清夜遊曲

僕公何與焉。嘗語弟子曰。聞謗而怒者。讒之國也。見

譽而喜者。佞之媒也。○晉王廣因謀殺兄立爲太子。

至是復弑上卽位。

父兄並弑卽桀紂所未有也。江都之役。隋煬何怪焉。

煬帝

名廣。高祖次子。號大業十三年。

上築西苑。周二百里。窮極華麗。宮

樹凋落。則翦綵爲花綴之。每月夜攜宮女數千騎遊

幸。作清夜遊曲。馬上奏之。○遣丁壯百萬。西築長城。

以距榆林。後弗克而止。○造輿衛儀服。詔州縣送羽

毛。民捕之無遺。有鶴巢高樹。取之不得。思伐焉。鶴恐

傷其子。自拔髦毛投地。時人以爲瑞。○上北巡遼東。

空上單于臺

無向遼東浪

死歌

罄竹決波

文靜奇世民

世民命世才

旌旗千里突厥可汗來迎上悅賦詩曰呼韓稽顙至
屠耆接踵來何如漢天子空上單于臺○上征高麗
敗還動衆百萬死者相枕天下騷動有鄒平民王薄
倡亂作無向遼東浪死歌惑衆四方避役者多歸焉
李密數上十罪內云罄南山之竹書罪無窮決東海之波流惡難盡自號魏公
起兵攻洛口倉破之一時據地叛者不可勝紀○唐公李淵有男
四次世民智勇過人劉文靜見而奇之謂裴寂曰此
子豁達類漢高神武同魏祖命世才也時世民往見
靜靜說曰今羣盜蜂起誠能驅而用之不過半年帝

君言正合吾意

世民說李淵起兵

指野鳥為鸞

李淵定計入關

李淵以書招

李密

李密妄自矜

大

業可成。世民笑曰：「正合吾意。」遂說淵起兵。淵大驚，及再四說從之。乃命世民集兵旬日，萬餘。直拔西河，執高德儒，斬之。曰：「爾指野鳥為鸞，欺人主，取高官，罪當誅。」餘分毫無犯。民大悅服。世民還晉陽。淵所封地往返僅九日。淵喜曰：「以此行兵，橫行天下可也。」遂定計入關。

中○李淵以書招李密。密曰：「願戮力同心，執子嬰于咸陽。」殲商辛於牧野。淵得書笑曰：「李密妄自矜大，絕之反增一敵。不若推奉驕其志，我庶得專意西征。」乃復書曰：「當今司牧非子而誰？」密喜曰：「唐公見推，天下

世民請先入
咸陽

一見如舊識

李淵約法十
二條

不足定矣。○李淵起兵晉陽。隋遣宋老生拒之。會積
雨。淵不得進。欲引兵北還。世民曰。欲興大義。當先入
咸陽。號令天下。今遇小敵。遽爾班師。從義之衆。恐一
朝解體也。淵乃進兵。遂敗老生。克霍邑。濟河。關中歸
者如市。房元齡謁世民于軍門。一見有如舊識。引爲
謀主。元齡亦自幸遇知己。知無不爲。

恭帝

名侑。文帝嫡孫。號義寧二年。

李淵克長安。與民約法十二條。悉

除隋苛政。乃廢煬帝爲太上皇。而迎代王侑卽位。上
尊禪位于淵。○煬帝爲上皇。荒淫日甚。宇文化及弑。

之於江都

古今車要卷三

三

古史輯要卷四

○唐紀李姓成紀人。都長安。唐初篡國。尚有十二高祖五十六年盡平。凡二十一君。得年二百一十

有九。

唐主稱裴監不名

蕭瑀繩違舉過

李密開倉賑給

所天在此

真英主

高祖神堯皇帝名淵。號武德元年。上厚裴寂。稱爲裴監而不名。

委蕭瑀以庶政。瑀繩違舉過。人皆憚之。○李密開洛

口倉散米。取之任意。賈閏甫曰。民以食爲天。今之附

者。以所天在也。一旦米盡。民散。明公孰與圖大事乎。

至是密敗歸唐。見世民驚服曰。真英主也。後密叛去。追斬之。

○徐世勣據李密舊境。欲歸唐。不忍背密。乃啟密自

世勛真純臣

李素立守法

王者所與天

下共法

授七品清要官

詔定租庸調

法

天下名義非婦人所知

古史輯要卷五

獻上曰。世勛不背德。不邀功。純臣也。賜姓李。○有犯
 法不至死。上欲殺之。李素立不可。曰。三尺法。王者與
 天下共也。陛下甫創洪業。奈何棄法。上善之。命擬授
 七品清要官。或擬司戶。上曰。此官要而不清。又擬祕
 書郎。上曰。此官清而不要。乃授侍御史。○詔定租庸
 調法。租出穀。庸出絹。調出布綿。○隋末錢薄甚。以紙皮爲之。至是
 始行開元通寶錢。十錢重兩。○隋將堯君素守河東不下。
 唐遣其妻子招之。君素曰。天下名義。非婦人所知。乃
 引弓射殺妻。遂自殺。○上考功臣。李綱孫伏伽第一。

李綱差盡忠款

丈夫意氣相期

公何相報之速

唐以秦王為天策上將

秦王開館延賢

十八學士登瀛洲

曰李綱差盡忠款。孫伏伽可謂誠直。○秦王世民破劉武周。囚其將尉遲敬德。世民急釋之。賜以金曰。丈夫意氣相期。勿以小嫌介意。必欲往。請以此金相資。未幾。世民為王世充所圍。敬德躍馬橫刺。翼世民出圍。世民曰。何報之速也。賜金一篋。寵遇日隆。○上以世民功大。封為天策上將。令開府置僚屬。延文士十八人。杜如晦。房元齡。虞世南。褚亮。姚思廉。李通元。蔡允恭。薛元敬。顏相時。蘇勗。于志寧。蘇世長。薛收。李守素。陸德明。孔穎達。蓋文達。許敬宗。號為十八學士。士大夫預其選者。時人謂之登瀛洲。○上出杜如晦補外官。世民患

如晦王佐才
隔千里如面
談

張鎮周不私
故人
傳奕請除佛
法

蕭瑀不生空
桑

古史補遺卷五

之房元齡曰。如晦王佐才也。不宜外補。上曰。元齡爲
吾兒奏事。隔千里如面談。○張鎮周都督舒州。今安慶府
舒其故里也。召戚屬與飲。曰。今日猶得與故人歡飲。
明日則都督治事耳。自是境內肅然。○傳奕請除佛
法。蕭瑀曰。佛聖人也。非聖者無法。奕曰。人之大倫。莫
如君父。佛以世嫡叛其父。諒蕭瑀不生于空桑。列子云有
莘氏採桑得嬰兒于乃遵無父之教哉。瑀不能答。上
詔除天下佛法。○上以世民功大。欲立之。世民固辭。
乃立建成。建成懼世民以金一車。賄尉遲敬德。刺殺

公心如山岳

秦王功蓋天下

建成請兵討

黑闥

元齡勸行周公之事

太白經天

世民敬德不從。世民知之。語敬德曰。公心如山岳。雖積金至斗。知公不移。○魏徵說太子曰。秦王功蓋天下。中外歸心。殿下無大功以鎮海內。今劉黑闥敗亡之餘。宜請兵討之。以助功名。庶可自安。太子從之。遂破黑闥。○上知太子與世民有隙。欲遣世民居洛陽。令建天子旌旗。自陝以東。皆屬焉。房元齡勸行周公之事。世民曰。吾誠知禍。但骨肉相殘。大惡也。俟其發。討之可乎。○太白經天。傅奕奏。太白見秦分。秦王當有天下。上以示世民。世民具奏。建成罪狀。遂伏兵元

武門射殺建成及元吉。上乃立世民為太子。未幾目稱太上皇。太子即位。

太宗皇帝

名世民高祖次子號貞觀二十三年

魏徵初勸建成除上。至是

秦王制服突厥

秦王制服突厥

殿廷習射

太宗一舉而三失

召徵眾皆危之。徵容止自若。上改容禮之。引為詹事主簿。○頡利入寇。上親擊之。蕭瑀不可。上曰。彼以我有內難。故深入。設示之弱。彼必大掠矣。及頡利請和。許之。瑀又不可。上曰。朕即位日淺。一與虜戰。損必多矣。瑀曰。非所及也。○上引將卒習射於殿。羣臣多諫不聽。范氏曰。天子非教射之人。卒伍非進見之地。太宗一舉而三失矣。○上

張蘊古上大寶箴

聖主不以天

下奉一人

瑤臺瓊室

糟邱酒池

詔諫官隨宰

相入閣議事

得絹甚于受

刑

弓矢喻治道

患吏多受賂。密遣人試之。受絹一匹。上欲加刑。裴寂曰。受贓罪誠當死。但使人遺之。是陷人於法也。上悅。乃止。○張蘊古上大寶箴。上嘉納之。賜以帛。累云。聖主以一人治天下。不以天下奉一人。壯九重于內。所居不過容膝。彼昏不知。瑤其臺而瓊其室。羅八珍于前。所食不過適口。惟狂罔念。○詔諫官隨宰相入閣議事。有失輒諫。○上讓封德彝不舉賢。彝曰。未有奇才。上曰。古之致治者。寧借才異代乎。○長孫順德私受絹。事發。上反賜絹愧之。曰。果有人性。得絹之辱。甚於受刑。○上曰。朕少得良弓。近以示人。乃曰非良也。木心不

命京官更宿
中書內省

魏徵不存形
迹
魏徵願爲良
臣

古史要略四

臣

直。脈理皆邪。朕以弓矢定天下。識之猶未盡。况天下
之務乎。命京官五品上更宿中書。問民間疾苦。政事
得失。○有請去佞臣。上問爲誰。對曰。陛下先陽怒。試
之。執理不屈。直也。畏威順旨。佞也。上曰。是詐。自朕先
矣。何以責臣。○魏徵事上。每不存形迹。上讓之。徵曰。
君臣一體。何形迹之可存。又曰。臣願爲良臣。毋爲忠
臣。稷契臯陶。君臣協心。俱享尊榮。良臣也。龍逢比干。
面折廷諍。身誅國亡。忠臣也。上悅。賜絹五百匹。○嶺
南酋長馮盎叛。上欲往討。魏徵諫。使諭之。盎遣子入

一言勝十萬

師

見面必資明鏡

剖身藏珠

徙宅忘妻

此誠致治之

要

祖孝孫作唐雅樂

朝上曰。魏徵一言。勝十萬師。賜絹五百匹。○上問人主何爲明暗。魏徵曰。兼聽則明。偏信則暗。上曰。人欲自見其面。必資明鏡。君欲自知其過。必待忠臣。○上曰。朕聞賈胡得美珠。剖身藏之。是愛珠不愛身也。人君徇欲忘國。何以異。是。魏徵曰。人有善忘者。徙宅而忘其妻。甚至桀紂之忘其身。亦猶是也。○上曰。人言天子無所畏。非也。朕上畏皇天。下畏臣民。魏徵曰。此致治之要。能慎終如始。則善矣。○祖孝孫作唐雅樂。上曰。禮樂者。聖人緣物設教耳。治之隆替。豈由此。杜

聖人緣物設教

太宗吞蝗

民以穀爲命

白鵲合歡如腰鼓

鵲死懷中

房杜謀斷相資

淹曰。昔齊陳將亡。作伴侶曲。玉樹後庭花。而聞者皆悲。何得言隆替不由此。上曰。樂者聞之則樂。憂者聞之則憂。憂樂在人。非關樂也。○畿內蝗。上掇數枚吞之。曰。民以穀爲命。汝食之。寧食吾肺腸。蝗乃滅。○有白鵲巢寢殿。合歡如腰鼓。左右稱賀。上曰。誠家給。無瑞。不害爲堯舜。民困多瑞。何減于桀紂。○魏徵素敢諫。善回主意。上每爲之霽威。上嘗得佳鵲。望見徵來。匿懷中。徵久奏事。鵲竟死於懷。○房元齡明達吏事。杜如晦引拔士類。二人爲相。謀斷相資。故唐世賢相。

唐世賢相推
房杜
五花判事

常何薦馬周

陳便宜二十
餘條

爲臣具草

馭戎上策

師古作王會

圖

張元素諫修
洛陽宮

推房杜。○唐故事。凡軍國大事。許中書舍人各執所見。雜署其名。謂之五花判事。上曰。比來中書不聞違異。但行文書。誰不可爲也。元齡等頓謝。○旱。詔羣臣極言得失。常何以武人不能言。會馬周客於其家。代陳便宜二十餘條。上怪問之。何曰。此臣客馬周具草也。上詔爲御史。因賜何絹三百匹。○突利可汗入朝。上曰。人謂馭戎無上策。今朕安中國以服四夷。非上策乎。時夷人朝者甚衆。顏師古爲作王會圖以賀。○上修洛陽宮。張元素曰。往者平隋。命毀宮室。今此役

張公有回天之力
隋文帝勵精之主

太宗禁笞囚背
自謂與諸子何如

不息甚于煬帝矣。上悅。賜絹二百匹。魏徵曰。張公有回天之力。○上問蕭瑀曰。隋文何如主。瑀曰。亦勵精主也。按文帝臨朝不暇退食。乃令衛士傳餐。上曰。然不任臣下。故二帝而亡。朕信任賢才。事關宰相。孰敢不盡心乎。○霍王元軌。太宗弟。好讀書。能下人。或問劉元平曰。霍王何所長。元平曰。無長。問者怪之。元平曰。人惟有短。乃見長。如霍王原無短。何從見長乎。○上讀鍼灸書云。五臟附于背。詔自今毋得笞囚背。○上謂王珪曰。卿自謂與諸子何如。對曰。孜孜奉國。不如元齡才兼文武。不

耿君不堯舜

王珪確論

帝王不易民
而化

房元齡奏閼
兵

二喜一懼

如李靖。敷奏詳明。不如彥博。理煩治劇。不如戴胄。耻
君不堯舜。不如魏徵。至嫉惡好善。臣亦有微長。衆服
珪確論。○封德彝曰。三代以還。人俗漸澆。故秦任法
律。漢襍伯道。誠欲化不能也。魏徵曰。五帝三王。不易
民而化。行帝而帝。行王而王。顧所行何如耳。若云漸
澆。今將漸入鬼魅矣。上從徵言。歷一年。斷死刑者僅
二十九。○房元齡奏閼兵。上曰。隋煬帝兵不足耶。能
使民人安。此朕之甲兵也。○上曰。朕有二喜一懼。比
年多稔。邊境無虞。二喜也。治安則驕侈易生。驕侈則

越日五覆奏

不受康國內

附

治國如治病

魏徵獨以爲

不可

文帝不及始皇

會須殺此田

舍翁

危亡立至。一懼也。○詔決死刑。必越日五覆。奏請乃定。臨刑去音樂酒肉。○康國求內附。上曰。招絕域而斃百姓。朕不爲也。絕之。○上曰。治國如治病。病愈尤宜調護。魏徵曰。內外治安。臣不爲喜。惟喜陛下安不忘危耳。○羣臣請封禪。魏徵獨不可。曰。文帝不禪。豈不及始皇耶。事遂寢。○上欲避暑九成宮。馬周諫曰。陛下以宮小而避暑。是留上皇于暑中。而自居涼處也。○上罷朝。怒曰。會須殺此田舍翁。后問誰。上曰。魏徵每廷辱我。后以朝服賀曰。主明臣直。今魏徵直由

魏徵斌媚
虞世南上聖
德論

敬德拳毆道
宗

蒯醢非高祖
之罪

魏徵不觀七
德舞

陛下明也。上悅。○魏徵每諫不從。上與之言。輒不應。且曰。舜戒臣云。爾無面從。若心知其非。而口應之。是面從也。豈稷契事舜意耶。上笑曰。人言魏徵舉止疎慢。我視之。更覺斌媚。○虞世南上聖德論。上曰。何敢過擬。但比近世主差勝耳。如朕不能慎終如始。恐使後世笑卿也。○大宴慶善宮。尉遲敬德爭次。拳毆皇叔道宗。目幾眇。士不懌曰。乃知韓彭蒯醢。非高祖罪也。敬德始戢。○魏徵欲上偃武修文。每侍宴。見七德舞。上破劉武周時所作。則俛首不視。見九功舞。則諦觀之。○上

縱回來歸

魏徵不可一日去左右

入宮失一良佐

作層觀以望昭陵

錄囚。縱使回家。期以來秋就死。至期皆自請。上悉赦之。○上置酒未央宮。上皇命突厥起舞。歎曰。胡越一家。古未有也。○上分天下爲十道。令大臣分巡天下。或薦魏徵。上曰。徵規朕失。不可去左右。○九年。上皇崩。○皇后長孫氏崩。后嘗諫上。又製女則十三卷。土覽而悲之曰。入宮失一良佐矣。○初葬上皇子獻陵。至是葬后于昭陵。上思念不已。作層觀以望昭陵。嘗引魏徵同登。使視之。徵曰。臣眊不能見。上指示之。徵曰。臣以陛下望獻陵耳。若昭陵固已見之矣。上泣爲

魏徵十思

一字不可增

減

宰相領度支

魏徵上十漸

萬世知君臣

之義

撰定五經正

義

呂才刊定陰

陽雜書

之毀觀。○魏徵上十思。如思止思謙思節等項也上曰：當置之几

案。○以比韋弦。西門豹性急，佩韋緩之。董安性緩，佩弦急之。○馬周為中書

論事切理，一字不可增減。上聽之忘倦。○房元齡為

相，以度支係天下利害，求其人弗得，乃自領度支。○

魏徵上十漸曰：陛下志業比貞觀初，漸不克終。上以

疏列屏，并付史館，使萬世知君臣之義。賜徵金十斤。

馬十匹。魏徵知無不言，為汲黯後一人。太宗言無不納，亦漢文後一主也。○上幸太

學，命孔穎達撰五經正義，賜穎達及諸生帛有差。○

上命呂才刊定陰陽雜書，悉參以經史，識者以為確

識者以為確論

史氏不能書吾惡

公主妻薛延陀

太宗保此三鑑

論其序祿命畧云。長平坑卒。未聞共犯三刑。南陽貴士。何必盡當六合。同干而貴賤殊。共胎而夭壽異。命果足據哉。又序葬事畧云。上古委壑。初何擇地乎。○上欲自觀史。褚遂良不可。凡史不令人主自觀。使善惡無隱也。上曰。朕有三行。一鑒前代。二進善人。三斥羣小。亦欲史氏不能書吾惡也。○岑文本拜中書令。有憂色。語賀者曰。吾今受弔。不受賀也。○突厥入寇。上以公主妻薛延陀。突厥長。和親。○魏徵薨。上製碑文曰。以銅為鑑。可正衣冠。以古為鑑。可知興替。以人為鑑。可明得失。朕常保此三鑑。今亡朕一鑑矣。○上曰。舜造漆器。諫者十餘。何也。褚遂良曰。漆器

忠臣愛君必防其漸
圖畫功臣於凌烟閣

剪鬚和藥

路碑

房元齡刪高祖實錄

六月四日事

太宗面論羣臣得失

不已。必用金玉。忠臣愛君。務防其漸。○上圖功臣二十四人。魏徵房元齡等於凌烟閣。○魏王泰。上次有寵。欲奪太子。太子承乾謀殺泰。事發。俱廢為庶人。而立晉王治。○李世勣疾。方云鬚灰可療。上自剪鬚和藥。世勣叩謝。上曰。為社稷。非為卿也。何謝為。○初魏徵薦杜正倫。侯君集。至是二人以罪誅。上乃疑徵。因路所立碑。以魏徵之忠。太宗之明。猶不免于疑。君臣之際。蓋其難哉。○房元齡刪高祖實錄於上。六月四日事。殺建成之事。多微諱。上曰。周公誅管蔡以安周。朕所為亦類是。須直書之。○上論羣臣得

飛鳥依人

太宗親征高麗

生日不爲樂

子路有負米之恨

失曰。無忌決斷事理。攻戰非所長。高士廉臨難不苟。所乏者規諫耳。馬周直言。任使多稱。遂良每寫忠愛。親附於朕。譬如飛鳥依人。人自憐之。○高麗王蓋蘇文叛。上親征之。拔遼東。進攻安市城。薛仁貴奮擊。所向皆摧。高麗盡遁。上以糧盡。班師。深悔無功。歎曰。魏徵若在。必不使朕到此。乃馳驛以少牢祀徵。復立所製碑。○上生日。不爲樂。曰。朕有四海。而承歡膝下。永不可得。子路所以有負米之恨也。子路貧時負米百里外養親。及仕楚。親歿。不得負。詩云。哀哀父母。生我劬勞。朕奈何以父米以養。故恨。詩云。哀哀父母。生我劬勞。朕奈何以父

師且黜浮薄

帝範賜太子

其人已
在宮中

太宗以術斥
李世勣何如

母劬勞之日爲樂乎。○張昌齡王公瑾文名震京師。王師且知貢舉。黜其浮薄。上問之。對曰。若置高等。恐後進效之。有傷雅道。○作帝範十二篇。賜太子。且曰。朕無足法也。汝當更求古哲王爲師。○太白屢畫見太史。祕記云。唐三代後。女主武氏當王。上問李淳風。對曰。臣仰稽天象。其人已。在宮中。土曰。凡疑似者。盡殺之。對曰。王者不死。殺無益也。○上謂太子曰。汝與李世勣無恩。恐不能服。今我斥遠之。候我死。汝親任之。太子卽位。遂擢爲僕射。改名李勣。以同世民。故去世字。

日引刺史入

閣

永徽有貞觀之風

佳兒佳婦

家事何必更問外人

高宗皇帝

名治。太宗九子。三十四年永徽。顯慶。龍朔。麟德。乾封。總章。咸亨。上元。儀鳳。調露。永隆。開耀。

永淳。

上曰引刺史入閣問民疾苦長孫無忌褚遂良

同心輔政故永徽有貞觀風○初上為太子見才人

武氏悅之太宗崩武氏出為尼上幸寺見之納為昭

儀太宗嘗納元吉妻魏徵諫止之今武氏侍太宗十三年而高宗納之是太宗無兄弟之倫高宗無父

子之倫免于亂得乎欲立為后褚遂良曰先帝託臣曰佳兒佳

婦今以付卿非大故勿廢也武氏經事先帝眾所共

知萬世而下謂陛下何如主因擲笏解巾叩頭流血

不聽復問李勣勣曰此陛下家事何必更問外人許

三箭定天山

中外謂之二

聖

張公藝九世

同居

張公藝上百

忍圖

身言書判

裴行儉知人

先器識而後

文藝

敬宗亦云。田舍翁多收十斛麥。尚欲易婦。况天子乎。
 上乃貶遂良。廢皇后立之。○鐵勒聚衆十萬。在天山
 挑戰。薛仁貴發三箭殺三人。餘皆降。歌曰。將軍三箭
 定天山。將士長歌入漢關。○上苦風眩。目不能視。凡
 奏議一聽。皇后決之。中外謂之二聖。○張公藝九世
 同居。上問之。公藝書忍字百餘以進。上賜以帛。○唐
 制。取人以身言書判。身體偉。言詞正。書寫楷文理辨。四者俱優。則先
 德行。○楊炯駱賓王等。皆有文名。裴行儉曰。士先器
 識。而後文藝。炯等淺浮。豈享爵之器耶。後皆如其言。

北門學士
朝陽鳴鳳

笑中刀

李敬業移檄
討武后

○太后引文士。令參決以分相權。謂之北門學士。○
時羣臣多緘默。李善感諫。封五岳。天下謂之朝陽鳴
鳳。○李義府爲中書。容貌溫恭。與人語必多笑。而狡
險忌刻。時人謂笑中有刀。又以其柔而害人。號爲李
貓。

中宗皇帝。名顯。高宗子。居房州。十四年復附則天順聖

皇后。武氏名。聖高宗后。改國號周。僭○太后廢上爲

廬陵王。居房州。立豫王旦。中宗弟。爲睿宗。居別殿。政事

皆決于太后。○李敬業。李勣子。移檄討武后。檄云。武后

包藏禍心

開告密之門

徐杜獨存忠
怨

四時仕宦

唾面自乾

竊窺神器。一杯之土未乾。六尺之孤何在。試觀今日之域中。竟是誰家之天下。太后遣兵平之。○狄仁傑奏焚吳楚淫祠。千七百餘所。獨留四祠。
夏禹。太伯。
季札。伍員。○太后懼人心怨望。盛開告密之門。使人密告
而羅織成黨。羅網無辜。織成誣伏。法官競為深酷。獨徐有功。杜景儉。李日知。不離刑曹。終無死法。○傳游藝請改國號為周。詔豫王旦為皇嗣。賜姓武氏。游藝期年中。歷衣青綠朱紫。人稱四時仕宦。○婁師德寬慎。謂其弟曰。吾位宰相。汝為州牧。恐不免。弟曰。人或唾某面。拭之而已。師德曰。拭之反重其怒。夫唾不拭自乾。當笑

金藏剖胸

九月梨花

杜景儉真宰

相

姑姪與子母孰親

卿足繼祁奚

蘇模稜

受之。○有告皇嗣異心。太后鞫其宮人。安金藏引劍剖胸。以明皇嗣無異。睿宗得免。○九月梨花。太后以爲瑞。杜景儉曰。陰陽不時。咎在臣等。太后曰。真宰相也。○太后欲立武承嗣爲太子。狄仁傑曰。姑姪與子母孰親。陛下立子。則萬歲後。配食太廟。立姪。未聞姪爲天子。而祔姑于廟也。太后乃召廬陵王。立爲太子。○狄仁傑舉其子爲地官郎。稱職。太后曰。卿足繼祁奚矣。○蘇味道爲相。處事不欲明白。惟模稜兩端。時稱蘇模稜。○婁師德薦狄仁傑入相。而仁傑不知。嘗

婁公盛德

狄仁傑薦張

柬之

桃李悉在公

門

公方今第一
人

議師德。太后曰。朕之知卿。乃師德薦也。仁傑出歎曰。婁公盛德。我爲包容久矣。○狄仁傑薦張柬之。姚元崇等數十人。或謂仁傑曰。桃李悉在公門矣。曰。薦賢爲國。非私也。○張昌宗等譖魏元忠。欲廢太后。因賂張說。証之。宋璟謂說曰。名義至重。鬼神難欺。不可黨邪害正。如以此獲罪。其榮多矣。及太后問說。說曰。臣實未聞。乃張昌宗逼臣証耳。太后怒。貶元忠。流說于嶺表。○太后宴朝臣。張易之兄弟位宋璟上。易之素憚璟。語曰。公方今第一流。何不坐。璟獨不爲禮。○楊

六郎面似蓮

花

蓮花似六郎

請兄入此甕

行冲請備藥物

再思爲相。善媚。或謂張昌宗曰。六郎昌宗別名面似蓮花。再思曰。乃蓮花似六郎耳。侯思正以詭詐見寵。擢爲御史。太后曰。卿不識字。對曰。獬豸何嘗識字。但能逐邪耳。太后從之。周興來俊臣皆以酷法阿太后。或告周興逆謀。令俊臣按之。誑興曰。囚有不服。當用何法。興曰。取大甕。令囚入中。外以火炙之。俊臣乃取甕如興法。因謂曰。有旨。請兄入甕。興叩頭服罪。太后原之。元行冲語狄仁傑曰。凡人必有脯醢以適口。參朮以攻疾。僕知明公之門。珍味多矣。請備藥物之。

藥籠中物
蘇味道以雪
為瑞

墨敕除官

欽明八風舞

祝公五經掃
地

末仁傑歎曰。吾藥籠中物。何可一日無也。○三月雪。
蘇味道賀瑞。王求禮曰。三月雪為瑞。雪臘月雷為瑞。
雷乎。太后為之罷朝。○時賄賂公行。宮中降斜封墨
敕以除官。不用正封。曰斜。不用硃印。曰墨。○張柬之舉兵討武氏。斬
張昌宗等。遷太后上陽宮。迎上即位。復國號唐。薛季
昶曰。二凶雖誅。張昌宗。祿產猶在。呂祿。呂產。比武三思。草不去
根。終當復生。○上宴羣臣。祝欽明。請作八風舞。備諸
醜態。盧藏用曰。祝公五經掃地盡矣。○上立韋氏為
后。亦專朝政。武三思通焉。上使后與三思雙陸。而自

傍爲之點籌。武后之勢復振。三思懼張柬之等五人。

張柬之敬暉桓彥範元曉袁恕己乃假封五王。令出鎮一方。尋誣以

反。悉誅之。未幾武三思爲太子重俊所殺。而太子亦

被殺。韋后乃以餅餽上。立溫王重茂。是爲殤帝。睿宗

子隆基起兵討韋氏。盡誅其黨。

睿宗皇帝

名旦。中宗弟。三年。景雲太極二號。

盧藏用則天時隱終南山。

徵爲左拾遺。

時有補闕連車載拾遺平斗量之謠。

司馬承禎指終南語

藏用曰。此仕宦捷徑也。○上以功立隆基爲太子。尋

傳位。自稱太上皇。

仕宦捷徑

以高力士為

監門將軍

宦官之盛自

此始

元之進十事

長枕大被

養藥焚鬚

花萼勤政樓

焚珠玉錦繡

于殿前

元宗明皇帝

名隆基。睿宗三子。十四年。開元天寶二號。

以高力士為監門

將軍。知內省事。而宦官自此盛。○上擢姚元之為相。

避開元號。元之進十事。必能從方就職。上納之。元之

乃謝。○上選樂工數十人于梨園。教以法曲。○上素

友愛。為長枕大被。與兄弟同寢。時薛王有疾。上親為

養藥。回風焚鬚。曰。王病愈。鬚何足惜。嘗作興慶宮。立

兩樓。西曰花萼。相輝樓。南曰勤政。務本樓。時與諸王

宴其上。○上以風俗侈靡。罷織錦坊。焚珠玉錦繡于

殿前。令后妃無得服錦。○盧懷慎清儉。所居不蔽風

伴食宰相

救時之相

捕蝗

御仗讀

彈劾
宋璟奏復舊制

張說陰祈改

雨。妻子不免饑寒。嘗自愧才不及姚崇。每推重之。時稱伴食宰相。○姚崇遇事明決。每有德色。謂齊澣曰。我何如相。澣曰。可謂救時之相耳。○姚崇宋璟相繼爲相。崇能應變。璟每持正。故唐世賢相。前稱房杜。後稱姚宋。○山東蝗。姚崇命捕瘞之。盧懷慎以爲殺傷過甚。崇曰。何不忍于蝗而忍人之饑死乎。若有禍崇。請當。○貞觀之制。御史彈百官。對仗讀彈文。故大臣不得專權。小臣不得誣謗。宋璟奏復舊制。○吳兢撰則天實錄。直書宋璟激張說事。說陰祈改數字。兢曰。

數字
吳兢直筆

天下本無事

始募兵充宿

衛

兵農自此分

問裴光庭奏
用循資格何

如

聖書

若狗公請。此史不爲直筆。○高仲舒博古典。齊澣達
時務。姚崇每向之質疑。歎曰。欲知古。問高君。欲知今。
問齊君。○陸象先蒲州刺史。政尙寬簡。嘗曰。天下本無事。
庸人擾之耳。○唐初置府兵。百姓苦之。至是募壯士
充宿衛。兵農自此分矣。○裴仙先以罪下獄。張嘉貞
請杖之。張說曰。士可殺不可辱。古者刑不上大夫。爲
其近君也。且仙先可杖。行及吾輩矣。嘉貞無以應。○
裴光庭爲吏部選人。多循資格。限年月。凡庸滯者。皆
喜爲聖書。而才俊之士。無不嗟怨。○王毛仲嫁女曰。

知卿不能致
者一人
飲不盡厄
韓休守正不
阿

貌瘦天下肥

音樂較勝負

萬事俱備。但未得客。上曰。知卿所不能致者一人。必
宋璟也。上爲召之。璟至。飲不盡厄。托言腹痛歸。韓
休爲相。守正不阿。上小有誤。輒問韓休知否。言終諫
疏已至。上嘗臨鏡。默然不樂。左右曰。韓休爲相。陛下
殊瘦。上曰。吾貌雖瘦。天下必肥。上帥太子往苑芟
麥。曰。用薦宗廟。不敢不親。且使汝知稼穡之艱耳。
命安祿山胡人。爲節度使。討奚契丹。失律喪師。當誅。上欲赦
之。張九齡言。其有反相。不可宥。上不聽。上宴五鳳
樓。命附京刺史縣令各率樂工以較。懷州刺史最盛。

連袂歌于薦

千秋金鑑錄

宰相係國家安危

立仗馬
一鳴輒斥去

以楊氏為貴妃

上曰懷州之民其塗炭乎。唯元德秀止遣樂工數人連袂歌于薦。上曰直賢人之言哉。○千秋節上生辰八月十五羣臣皆獻寶鏡。張九齡述前代興廢為五卷謂之千秋金鑑錄。以獻。○上欲相李林甫。張九齡曰宰相係國家安危。相林甫恐為社稷憂。上不聽。乃罷九齡而相林甫。○李林甫欲擅權。召諫官曰諸君不見立仗馬乎。食三品料。一鳴輒斥去。自是言路遂絕。○駙馬楊洄譖太子瑛。鄂王瑤。光王琚。有異謀。俱賜死。○納壽王妃楊氏為貴妃。而為壽王別娶。明皇殺三子。納子妃。三綱。

宰相以刑措
受賞

風度得如九
齡否

曳白

口蜜腹劍

羅鉗吉網

李邕如干將

莫邪

絕矣。何
以爲君。○徐嶠奏獄院殺氣由來烏鵲不棲。今鵲巢
其上。幾致刑措。上歸功於相。李林甫牛仙客賜爵公。
明皇殺三子。○上思張九齡。每宰相薦士。輒問風度
猶云刑措乎。○苗晉卿選士。以張倚得幸于上。取其子
如九齡否。○李林甫多以計傾人。世謂其口蜜腹劍。嘗以吉溫羅
希奭治獄。除不附已者。時號羅鉗吉網。○李邕以才
見殺。盧藏用曰。君如干將莫邪。難與爭鋒。終虞缺折
耳。○安祿山腹大。上笑指曰。此中何所有。對曰。止有

腹中止有赤

心

祿山出入禁

中

洗祿山兒

泰山冰山

二十四郡無

一義士

顏真卿起兵

討賊

不識真卿作

何狀

一赤心耳。祿山出入禁中。拜貴妃為母。遇祿山生日。

厚賜金帛。越三日。召入宮。以錦裹祿山。令宮女捧洗。

之上。往觀。賜貴妃洗兒錢。自是祿山益肆。賜爵王。

楊國忠貴妃弟為相。或勸張彖謁之。彖曰。君輩倚之為

泰山。吾以為冰山。皎日若出。君輩失所恃矣。○安祿

山請以番將代漢將。從之。楊國忠謂其必反。上不聽。

未幾祿山果反。河北郡縣皆風靡。上歎曰。二十四郡

曾無一義士耶。及顏真卿平原太守起兵討賊。上喜曰。不

識真卿。作何狀。乃能如是。祿山陷東京。破魏郡。遂稱

至死罵不絕口

父老遮道留

太子

太子卽位靈武

李勉尊朝廷

大燕皇帝顏杲卿常山太守拒戰被擒。噀血罵曰。恨

不斬汝羯奴。幸速殺我。祿山大怒。綁杲卿于橋柱。舂

之。舂古瓦反。剔肉至骨。至死罵不絕口。祿山進陷潼關。上出奔

蜀。至馬嵬。軍士饑疲。憤殺楊國忠。嘗與祿山隙。激之使反。及貴

妃乃行。父老遮留太子。太子馬擁不得行。遂至靈武

卽位。遙尊元宗爲上皇天帝。

肅宗皇帝名亨。元宗子。七年。至德乾元至元寶應四號。時制度草創。大將管

崇嗣在朝堂背闕坐。李勉劾之。上曰。朕有李勉。朝廷

始尊。令狐潮祿山將。圍張巡于雍邱。巡將六人議降。

藁人縋城

面中六矢不動

未識人倫焉
知天道

雷海清擲樂
器於地

巡乃設天子像。帥將士朝之。皆泣下。遂斬六將。而軍心始奮。城中矢盡。巡縛藁人千餘。被以黑衣。夜縋城。潮兵射之。得矢十萬。後巡令雷萬春在城與賊交語。賊伏弩射之。面中六矢而不動。潮疑木偶人。及語。乃大驚。遙謂巡曰。觀雷將軍。知足下軍令矣。然如天道何。巡曰。君未識人倫焉。知天道。相拒二百餘戰。賊遂敗走。○顏真卿以蠟丸達表于靈武。上亦以蠟丸頒詔江淮。由是諸道唐分天下十五道知上卽位。而勤王益衆。○祿山宴羣臣。樂工雷海清不勝悲憤。擲樂器於地。

衣白山人

衣紫絕羣疑服此豈可無名

明皇思九齡先見遣使祭曲江
雖陽江淮之保障

西向慟哭。祿山支解之。○上欲相李泌。泌力辭之。但以布衣從軍。軍士指曰。衣黃者聖人也。衣白者山人也。上語泌曰。艱難之際。且衣紫絕羣疑。既而曰。服此豈可無名。乃出懷中敕。為侍謀軍國。元帥固辭。乃受。○上皇思張九齡先見。遣使至曲江祭之。○尹子奇。祿山圍睢陽。張巡許遠。謂為江淮保障。一失。賊必長驅。是無江淮也。固守之。糧盡。食馬。馬盡。羅雀掘鼠。雀鼠盡。巡殺愛妾。遠殺其奴。以食士。士病不能戰。而城陷。巡西向拜曰。臣力竭矣。願為厲鬼。以殺賊。巡等三

行兵不依古法

張巡許遠烈

丈夫

天以完節付

二人

郭子儀克復

兩京

以魚朝恩為
觀軍容使

李光弼代子
儀

十六人皆被斬。生致許遠于洛陽。越三日。張鎬河南節度

救至。巡行兵不依古法。但曰。令兵識將意。將識士情。

人自為戰耳。贊曰。巡遠可謂烈丈夫矣。死守孤城。令

救至。十日而賊亡。又天所以完節付兩人。不徒生也。○安祿山子慶緒殺祿山

即位。○郭子儀朔方節度克復兩京。洛陽東京長安西京安慶緒奔

河北。上入西京。迎上皇還。請避位東宮。上皇不許。○

郭子儀等九節度使討安慶緒。以宦官魚朝恩為觀

軍容使。師敗於河陽。魚朝恩短子儀之敗。上命光弼

代子儀節度朔方。朔方將士樂子儀之寬。憚光弼之

樂竟憚嚴

李泌歸衡山

諸鎮自為黨援

程元振不以聞

古史要略卷四

三

嚴。○史思明慶緒將殺安慶緒稱帝。未幾。史朝義思明子

殺思明即位。○僕固懷恩請會諸節度討史朝義。遂

復東京。○李泌屢乞歸。上不得已聽歸衡山。泌之乞歸頗似

子房獨其後之仕于德宗其去子房大不侔矣。○僕固懷恩懼賊平寵衰乃

奏以史朝義降將田承嗣等節度河北自為黨援上

從之

代宗皇帝名豫初名俶肅宗次子。十七年廣德永泰太寶三號吐蕃入寇程元振

不以聞。及至奉天。乃詔郭子儀出禦咸陽。時子儀閑

廢日久。部曲離散。僅得二十騎。即行遣使請益兵。元

以子儀為西京留守將士喜其來而悲其晚李郭齊名

子儀免胄釋甲子儀單騎見虜郇模獻三十

振不以奏致吐蕃直入長安上出幸陝州賴子儀疑兵而虜乃遁詔子儀西京留守○僕固懷恩反上封郭子儀為汾陽王鎮河東懷恩將士悉歸之咸喜其來而悲其晚○李光弼封臨淮王與郭子儀齊名治軍多嚴戰功為中興第一及在徐州擁兵不朝諸將不復稟畏光弼愧恨亡○僕固懷恩誘回紇吐蕃入寇郭子儀免胄釋甲單騎見虜回紇見郭令公子儀嘗封令公與回紇相約皆驚慚請擊吐蕃以謝過○晉州男子郇模獻三十字一字為一事日團者請罷團練使日監者請罷監軍使上召

楊綰清儉
子儀減座中
聲樂

猫鼠同乳

崔祐甫不賀

郭公勲高
裴諤明郭公
之不足畏

見賜之衣。○楊綰性清儉。及為相。郭子儀聞之。遂減座中聲樂。黎幹省騶從。崔寬毀第宅。皆以綰清儉故也。

德宗皇帝

名适。代宗子。二十六年。建中興元貞元三號。

朱泚度獻猫鼠同乳。

百官稱賀。崔祐甫曰。物反其常。何以賀為。○時禁屠。

郭子儀隸人犯之。裴諤以奏。或曰。獨不為郭公地乎。

諤曰。郭公勲高。上或忌之。吾故發之。以明郭公不足

畏。正為郭公地耳。○上遣使求賢。關播曰。此可得于

進士耳。有道賢人。肯隨玉牒至乎。○李寶臣節死。田

子儀悉屏侍
妾

裴垪知言

借商錢
稅間架
財者人之本

悅節度爲其子請襲。不許。遂合兵拒命。河南騷動。時諸節度皆據邊兵。雖名藩臣。實不用命。惟子儀書入朝者七。洵唐室一人也。○盧杞往郭子儀問疾。子儀悉屏侍者。或問之故。子儀曰。杞貌醜而心險。婦人見之必笑。杞柄權。吾族無遺矣。○郭子儀薨。以其身係天下安危者三十年。裴垪稱其功益天下。而主不疑。位極人臣。而衆不疾。窮奢極欲。而人不非之。○田悅。朱滔等反。俱稱王。時兩河用兵。府庫不支。詔借商人錢。稅間架。陸贄恐民生變。奏曰。財人之本也。本傷則枝瘁矣。宜罷諸稅。上不聽。○李希烈圍襄

陽姚令言

亦節度

率兵入援過京師冀得厚賜及犒師

惟糲食菜餒衆怒聞瓊林大盈二庫金帛皆滿遂斬

關而入上出幸奉天○亂兵推奉朱泚泚稱權知六

軍段秀實以笏擊其額被殺泚遂稱大秦皇帝○朱

秀實以笏擊
朱泚

泚圍奉天幾陷李懷光

節度

入援泚敗走長安時懷光

聲言欲請上誅盧杞杞懼不令見上詔使乘勝攻長

安懷光以千里赴難咫尺不得見天子意怏怏引兵

去○高重捷與李日月

朱泚將

戰死被斬首去上哀之

結蒲爲首以葬朱泚見其首亦哭曰忠臣也東蒲爲

蒲首蒲身

日月之母不坐

軀命同瓜菓

公輔諫造塔

李晟克復京城

李燿密言于上

身葬之。日月亦戰死。其母不哭。曰。國何負汝而反。及泚敗。獨日月之母不坐。○上以所撰赦文示陸贄。贄曰。知過非難。改過爲難。臣願聖慮更思所難。○李懷光反。上奔梁州。民有獻瓜菓者。欲授以官。陸贄諫曰。夫士以亡軀命。獲官。而此以二瓜菓獲之。是同軀命于瓜菓也。○上造塔葬公主。姜公輔諫之。上曰。造塔小費。非宰相宜論。陸贄曰。論事者。計是非。不計大小。○李晟平朱泚。克復長安。迎駕還。○馬燧平李懷光。光子燿自殺。○初懷光反。時燿爲御史。知父必反。密告于上。曰。君父一也。父負君。不忍不告。臣

禁軍脫巾求糧

醉人爲瑞

宰相之職不可分

趙光奇言百姓不樂

道也。君殺父，不忍不。○關中食廩竭，禁軍或脫巾求死。子道也，衆皆賢之。○糧上憂之，會韓滉運米至陝，上大喜。比年多饑，至是麥熟，市有醉人，以爲瑞。○上以李泚平，章事復以刑罰委柳渾。泌曰：「宰相之職，不可分也。若各有主，是有司非宰相也。」○上出畋，入民趙光奇家，問百姓樂乎。對曰：「不樂。前詔兩稅之外，無他徭。今誅求益甚，何樂之有。」上命復其家。○上謂李泌曰：「人言盧杞奸邪，朕殊不覺。」泌曰：「倘覺之，豈有建中之亂。」上曰：「建中之亂，術士豫請城奉天，此蓋天命。」泌曰：「天命他人可言，惟

君相不言命
君相所以造
命

延齡堯代之
共工魯邦之
正卯陽城論
延齡

李兼月進

閉門撤業
陽城自署其
考
陽城撫字心
勞

君相不言命。君相所以造命也。○諸州大水。陸贄請
賑。上曰。淮西缺賦。不宜賑。贄曰。寧人負我。毋我負人。
○裴延齡以聚斂見倖。陸贄諫曰。延齡堯代之共工。
魯邦之正卯也。上怒。貶贄。陽城率諫官極論延齡奸
佞。上仍欲相延齡。陽城哭於朝。乃止。○時羣臣多以
進奉市寵。李兼有月進。韋臯有日進。○使宦官于市
中買商貨。謂之宮市。市皆閉門撤業。○陽城左遷道
州刺史。賦稅不登。城自署考曰。撫字心勞。催科政拙。
考下下。

順宗皇帝

名誦德宗子一年號元貞

時王伾王叔文韋執誼等專權

互相推曰伊周管葛復出上以瘋疾不能臨朝傳位

太子自稱太上皇

杜黃裳請以
法制藩鎮

憲宗皇帝

名純順宗子五年號元和

杜黃裳請討劉闢曰陛下欲振

紀綱宜以法裁藩鎮上然之○上論古帝勞逸何如

杜黃裳曰勞于求賢逸于任人虞舜所以治也至秦

始衡書

日衡表章必至一石為程不滿不休

隋文傳餐見前而皆無補于

治以勞非所勞也○李吉甫為相謂裴垍曰報主惟

在進賢公有精鑒幸為我言之垍取筆書三十餘人

杜黃裳論帝
王勞逸

時稱吉甫得人

裴埒賞諫官

憲宗遣使賑恤

李藩批勅

同年偶同一第

吉甫言天下已太平

時稱吉甫得人。○裴埒為相。獨賞諫官。上問治要何先。埒曰。先正其心。有故人求京兆判。埒曰。公才不稱此官。何敢以私害公乎。○上遣使賑饑。戒之曰。勿効潘孟揚。飲酒遊山而已。○李藩遇敕下不便。即於黃紙後批之。裴埒薦之為相。○上憤諸鎮世襲之弊。欲革之。李絳宰相曰。河北諸鎮相黨。未可輕議。惟淮西無援。可圖也。○元義方譖李絳私其同年。絳曰。夫以九州之人。偶同一第。有何情私乎。○李吉甫以天下太平。勸上為樂。李絳曰。河南北不能制者五十餘州。犬

爲政寬猛何先
寬猛先後可見

談理不知倦

田興舉魏博
歸朝
李絳揣魏博
若符契

戎近接涇隴。烽火屢驚。正陛下宵衣旰食之時。豈得謂太平哉。上退曰。吉甫專爲媚。絳真宰相也。○上問寬猛何先。權德輿曰。秦以慘刻亡。漢以寬大興。則寬猛先後見矣。○上與宰相論治。延英殿暑甚。汗透御服。恐上倦。求退。上曰。朕入宮。所接惟宮人耳。故樂與卿等共談。不知倦也。○田季安薨。子懷諫自襲。李吉甫請討之。李絳曰。懷諫乳臭。大權必有所屬。不必觀兵。當自歸。未幾。田興果遷懷諫來歸。上曰。絳揣魏博若符契。乃詔田興爲魏博節度。命裴度齎錢百五十

軍士歡聲如雷

裴度為田興

陳君臣之義

李絳不避親

故

朝廷自有典

刑

君子與君子

合

柳宗元梓人傳

萬緒賜將士將士歡聲如雷裴度為與陳君臣之義

與聽之終夕不倦○李絳用人不避親故曰非親非

故孰諳其才苟所用非人朝廷自有典刑上曰然○

李吉甫屢詰于李絳故以朋黨誣絳曰君子與君

子合豈能使之與小人合哉絳竟罷憲宗銳意中興

絳裴度○梁悅以報父仇殺人莫定其罪韓愈曰律

無復仇之條非闕也以不許則傷孝子之心許之人

將倚法矣是在酌事而處之○柳宗元善為文作梓

人傳喻相業畧云梓人不執斧斤惟麾衆工及大

古史通要卷四 唐紀

三 海山仙館叢書

種樹郭橐駝

傳

樹郭橐駝傳。喻政教。畧云凡木植之欲沃。置之若棄。則天全矣。若其朝視暮撫。甚者

爪其膚以驗生枯。言甚切理。久討淮西未克。上憂

李光顏勇而知義

之裴度曰。李光顏勇而知義。必能立功。果捷。上以度

裴度知人

為知人。○李師道密遣人刺殺武元衡。以元衡謀討淮西。故刺之。

并擊裴度。傷其首。京師大駭。請罷度。安諸鎮。心上曰。

一度足破二賊

吾用度一人。足破二賊。李師道王承宗。若罷度。是中奸謀矣。

李愬雪夜襲蔡州

度遂請親討之。○李愬雪夜襲蔡州。擒吳元濟。具橐

李愬出迎裴度

韉迎拜裴度。度將避之。愬曰。蔡人不識上下之分。願

公因示之。度乃受拜。即以蔡卒為牙兵。或意其反側。

蔡人則吾人

裴度表求自退

朝廷輕重在宰相

以柳泌知台州刺史

韓愈諫迎佛骨

貶韓愈為潮州刺史

仰之如泰山北斗

度曰元惡既擒。蔡人則吾人也。○以皇甫鏖同平章

事。裴度耻與小人同列。上表求退。曰天下治亂係朝

廷。朝廷輕重在宰相。陛下何自墮昇平乎。上意度言

為黨。不之省。○上好仙。方士柳泌言天台多靈草。可

合長生藥。請吏茲土求之。遂命刺史台州。○上遣使

迎佛骨。供奉禁中。韓愈獨上表極諫。○畧云。自五帝至

未有佛也。迨漢明始入中國。其後奉佛益謹。年代益

促。則佛不足信明矣。乞以骨投諸水火。永絕後世之

惑。佛如有靈。能作上怒。貶愈潮州刺史。贊曰。韓愈排

崇禍。愈請當之。子。學者仰如泰山北斗。蘇東坡曰。文起八代之衰。道

濟天下之溺。精誠能開衡山之雲。而不能回憲宗之

古文。韓愈卷四。唐紀。三。海山仙館叢書

公之所能者
天
元宗理亂之
所分

心正則筆正
柳公權筆諫

正身要略四

惑能馴鯉魚之暴而不能弭羣小之謗。○上問崔羣
蓋公之所能者天也。所不能者人也。

曰元宗先理後亂何也羣曰用賢則理用邪則亂人

皆以天寶十四年安祿山反為亂之始臣獨以開元

二十四年罷九齡而相林甫為理亂所以分也○上

服金丹暴崩。或言宦者陳宏志弑逆特諱言耳。

穆宗皇帝。名桓憲宗子四年號長慶。上見柳公權學書跡愛之公權

曰運筆在心心正則筆正上默然改容知其以筆諫

也○李宗閔對策每譏李吉甫吉甫子李德裕學士恨

之自是各分朋黨。漢之黨始于甘陵二郭而成于太學諸生唐之黨始于宗閔對策而

柳公綽誅舞
文史

劉栖楚碎首
玉堦

八關十六子
膽落溫御史

成于錢徽之貶。上以四海漸平。乃銷兵。時軍士落籍者。皆聚山澤為盜。悉歸王庭湊。自是再失河朔。終唐世不能復取。○柳公綽度節治二吏一犯賊。一舞文。判曰。賊吏犯法。法在。奸吏亂法。法亡。竟誅舞文者。○上服金丹崩。

敬宗皇帝

名湛。穆宗子。四年。號寶曆。

上每日宴樂。劉栖楚請碎首玉

堦。以謝諫職之曠。○李逢吉用事。所親厚者八人。附之者八人。時稱八關十六子。勢傾朝野。○李祐度節進馬百五十匹。溫造彈其違勅進奉。祐曰。幾膽落于溫。

丹展六箴

重宰相所以
尊朝廷
裴度失印

裴度識量

古史輯要卷四

五

御史矣。○上遊幸無度。比昵小人。李德裕獻丹展六箴。○牛僧孺罷爲節度。過襄陽。柳公綽迎之曰。重宰相所以重朝廷也。○裴度復入相。忽左右白失印。度飲酒自如。頃忽白於故處得之。或詰其故。度曰。此必盜之印書契耳。急則投之水火。緩則復還故處。人以是服其識量。○劉克明宦弒上。立絳王悟。王守澄宦討克明。殺悟。立江王涵。

文宗皇帝

名涵。穆宗次子。十三年。號太和開成。

時宦官橫肆。會上詔舉賢

良。劉蕡對策。極言其禍。考官皆憚服。終畏宦官不敢

漢魏以來無

比

經月不答一人

御戎以信爲上

天下何時太平

太平無象

取李邵曰。劉蕡下第。我輩登科。能無汗顏。乃上疏言。
蕡策漢魏以來無與爲比。乞讓第。竟不報。○崔郾治
陝。經月不答一人。及遷郾。尙嚴。或問之。郾曰。陝土瘠。
民淳。吾撫之。不暇。郾則險而狡矣。故嚴。○悉怛謀。蕃
以維州來降。李德裕遣兵據其城。牛僧孺謂禦戎以
信。宜還其城。逐怛謀于吐蕃境。誅焉。上從之。而牛李
互益構怨。○上問天下何時太平。牛僧孺曰。太平無
象。今四夷不侵。百姓樂業。亦云小康矣。○杜牧憤河
朔諸鎮之橫。朝廷專事姑息。乃上疏。名曰罪言。○

謂位卑而

去朝中朋黨

難

石榴夜有甘露

露

言上不報。○時李德裕李宗閔朋黨方熾。上歎曰。去

河北賊易。去朝中黨難。○上畏宦官之橫。與李訓鄭

注謀誅之。會稱左金吾廳後石榴夜有甘露。上命諸

宦官往視之。訓注因伏兵縱擊。謀洩。反為殺傷千六

百餘人。諸部官吏舒元興等坐斬者千餘人。自是宦

官愈橫。天下事皆決于北司。宰相行文書而已。○上

求文貞公魏徵笏于魏謩徵五世孫宰相。曰。此甘棠之比也。○

上舉衫示柳公權曰。此衣已三澣矣。公權曰。陛下富

有四海。當修政為急。澣衣其末節耳。○裴度薨。上問

服澣衣乃末節

魏謩亦甘棠之比
此衣已三澣

裴度以身係國家輕重裴度比子儀

李德裕論邪正

正人如松柏

遣李回宣慰三鎮

其家得遺表半藁。以儲位未定為憂。度威望達四夷。以身係國家輕重。如郭子儀者二十年。○上語周墀曰。昔周赧。漢獻受制強臣。朕受制家奴。方之赧獻。殆不如也。因泣下。○上疾甚。仇士良等官廢太子成美而立穎王。灋為太弟。

武宗皇帝

名灋後改名炎。文
帝弟。六年號會昌。

李德裕曰。人主致治在辨

邪正。夫正人指邪人為邪。邪人亦指正人為邪。然正人如松柏。邪人如藤蘿。辨之匪易也。○劉禎節度自為留後。李德裕請討之。懼河朔三鎮為援。乃遣李回宣

郭誼賣禎求
賞

宣宗有隱德

致太平以此

言為首

書貞觀政要

於屏風

詔杜牧撰韋

丹遺愛碑

樵夫言涇陽

縣令

下步車馬

三

慰三鎮。遂奉詔討禎。禎將郭誼斬禎以降。李德裕曰。始輔為亂。終賣禎求賞。亦斬之。○上崩。以太子幼。宦官迎皇太叔光王忱即位。

宣宗皇帝

名忱。憲宗少子。十三年號大中。

初上以不慧聞厚。自韜晦。故

宦官迎立之。及立。敏于裁決。人始知有隱德。○上讀

太宗金鏡錄云。至亂恆由任奸。至治恆由任賢。士曰。

求致太平。當以此言為首。又書貞觀政要於屏。每拱

手讀之。○韋丹觀察沒四十年。民猶歌思。上命杜牧撰

丹遺愛碑。擢其子御史。○上獵遇涇陽樵夫。問其令。

南北司如水
火

手筆除君頑

祈佛乞留

處分驚人

面察刺史能
否

宰相可謂有
權

李行言對曰。性執。上歸。貼其名于殿。除海州刺史。○
上欲誅宦官。令狐綯曰。但有罪勿赦。有闕勿補。其黨
自盡。宦官竊見其奏。由是南北司如水火。○上獵渭
有父老聚佛寺。上問之曰。縣君李君奭考滿當去。故
祈佛乞留耳。上歸。除懷州刺史。○上令韋澳纂州縣
風土。上之號曰處分語。薛宏宗語澳曰。今土處分我
州事驚人。及詰之。皆處分語中事也。○詔刺史至京。
面察除官。令狐綯徙其故人鄰州刺史。便道之官。上
讓綯曰。宰相可云有權。綯汗透重裘。○上崩。上明斷

令狐絢汗透

重裘

小太宗

白衣宰相

獨眼龍

恭儉惠民恤士故大中之政人號為小太宗

懿宗皇帝

名璠宣宗子十四年號咸通

令狐絢執政其子瀉多主之

時稱白衣宰相

僖宗皇帝

名儼懿宗子十五年乾符廣明中和光啟六德五號

上昏庸委政田令

孜

宦官

呼為阿父

○黃巢起兵

山東攻潼關

上幸興元

巢遂入長安稱齊帝鄭畋刺血為表請兵討賊楊復

光

宦官

言李克用

節度大同一目微眇人稱獨眼龍為後唐祖

驍勇而忠詔

召之遂破巢上還長安○上崩宦官楊復恭迎壽王

傑即位

柳氏爲士大夫所宗
柳玘戒子

孔宣父不責他人

鄭縈歇後詩

歇後鄭五作宰相

鎔鐵錮門

昭宗皇帝名傑僖宗弟十八年龍紀大順景福乾寧光化天復天祐七號柳氏自公綽來家法爲士大夫所宗。柳玘戒子曰：凡門第高不可恃，行已少失，得罪重于他人。○王建屢請誅田令孜，不許私殺之，表奏請罪。畧云：開柙出虎，孔宣父不責他人，當路斬蛇，孫叔敖蓋非利己，專殺不行于閭外，先機惡失于穀屯。○鄭縈好詼諧，多爲歇後詩，譏時事。上徵爲相，縈笑曰：歇後鄭五作宰相，時事可知矣。固辭不獲，未幾致政去。○上與崔允宦謀誅宦官，宦官懼，突勒上入少陽院，鎔鐵錮其門，矯詔立太子裕。崔允誅宦官，迎上復位，猶懼宦官爲禍，乃合朱全

全忠請遷都
洛陽

忠節兵討之。盡除宦者。止留幼弱三十人脩役。朱全忠逼上遷洛陽。盡毀長安宮殿。上至洛陽。全忠使朱友恭等弑上。而立輝王祝全忠聞之。徻驚慟哭曰。奴輩負我。令我受惡名于萬代。遂殺友恭。友恭臨刑罵曰。賣我以塞天下之口。如鬼神何。

昭宣皇帝名祝。昭宗九子。二年。仍用天祐年號。彗星竟天。占當君臣俱災。

朱全忠乃殺朝士三十餘人。以應天變。初李振屢舉不第。深恨朝紳。言于全忠曰。此輩嘗自謂清流。宜投濁流。乃投入黃河。○朱全忠封梁王。加九錫。尊稱禪。

清流使爲濁

遷上為齊陰王

○後梁紀

朱姓都洛陽。二主十七年。按五代時正統相承耳。當時篡國。尚不可勝紀。

附契丹

胡人都遼國號契丹。其祖耶律姓阿保機名也。

太祖皇帝

初名溫唐節度改名全忠篡位時改名晃。七年有開平乾化二號。

梁封馬殷

為楚王據湖南

滅于南唐

封錢鏐為吳越王據杭州

滅于宋

封劉隱為南海王據廣州

滅于宋

封王審知為閩王據

福州

滅于南唐

以高季昌為節度據江陵

滅于宋

李茂貞自

稱岐王據鳳翔

滅于後唐

楊行密自稱淮南王國號吳據

金陵

篡于徐知誥

王建自稱蜀王即帝位據西川

滅于後唐

生子當如李亞子

白衣侍樽
終身止稱前進士

克用自稱晉王。據洛陽。克用薨。梁主攻之。李存勗克用子曰。梁欺吾新立耳。遂舉兵大敗梁。梁王驚曰。生子當如李亞子。克用為不亡矣。

末帝

名友貞。太祖三子。十一年。貞明龍德二號。

梁震唐進士。

語高季昌曰。願以

白衣侍樽俎。

時季昌欲官震。故云。

終身止稱前進士某。晉王

攻梁急。梁主曰。李氏吾世仇。首不可令彼斷。皇甫麟

泣。遂弑梁主。因自殺。

○後唐紀

朱耶姓。沙陀人。唐賜姓李。都洛陽。共四主。凡十三年。是時合五國四鎮。

附契丹

殊非從來征伐之意
承業稱唐官終身

是為天下亦猶

莊宗皇帝

名存勗三

封張承業

官

燕國公

不受曰吾王

世忠于唐今即大位殊非從來征伐之意遂自稱唐

官終身○唐主善音樂嘗自描粉墨與優人共戲以

悅劉夫人○內府錢山積軍士怨其不賞賜遂反唐

主出關東招撫為流矢所中殂

明宗皇帝

名嗣源本胡人克用養子八年天成長興二號

唐主自謂太平馮道

曰臣嘗履險憂馬蹶執轡甚謹幸而無失至坦途放

轡俄而隕為天下者亦猶是唐主又謂年登道曰詩

云二月賣新絲五月糶新穀醫得眼前瘡剗却心頭

曲盡田家情

狀

四民中最為

勤苦

石敬瑭割十六州與契丹

肉。此詩曲盡田家情狀。蓋農歲凶病穀貴。歲登又病

穀賤。四民之中。惟農最苦也。

閔帝

名從厚。明宗子。在位五月。號應順。

潞王從珂。

明宗養子。本王姓。

廢閔帝自

立。

廢帝

名從珂。二年。號清泰。

石敬瑭

明宗壻。

稱臣契丹。

約割

幽薊十六

州。假兵滅唐。

○後晉

紀。石姓。沙陀人。都大梁。凡二主。年十有一。是時凡五國三鎮。

附契丹

高祖皇帝

名敬瑭。七年。號天福。

徐知誥受吳禪。

即位金陵。

國號南

唐。

號南

唐改姓李。

後滅于宋。

劉知遠保河東

齊王

名重貴。高祖姪。高祖無子。大臣立之。四年。號開運。

晉主致書契丹。稱孫不

稱臣。契丹怒。滅晉。尋以人心不服。北歸。○劉知遠聞

契丹入汴。今開封府。保河東。不入援。及晉亡。乃卽位。晉陽。

更稱天福十二年。

○後漢紀。劉姓。沙陀人。都大梁。二主。共五年。是時四國三鎮。

附契丹。滅晉。還改國號。遼。後滅于金。

高祖皇帝

名高。字知遠。初爲晉軍。以功封北平王。二年。號乾祐。○晉亡五月。漢主

始遷天梁。改號漢曰未忍亡晉也。

隱皇帝

名承祐。高祖子。三年。仍號乾祐。史宏肇不喜文臣曰。安定國家。

將相如水火

裂黃旗被體

百世帝王師

長樂老敘

在長鎗大劍。安用毛錐。王章曰。無毛錐。則財賦何從。

可出。自是將相如水火。郭威反。漢主為亂兵所弑。威

請于太后。欲立贊隱帝弟。軍士大噪。裂黃旗。以被威體。

太后命威監國。未幾即位。

○後周紀郭姓。耶州人。都大梁。凡三主。計十年。是時五國三鎮。附遼

太祖皇帝名威。三年號廣順。劉文知遠弟。聞漢亡。即位晉陽後滅于朱。

○周主謁孔廟。將拜。左右疑之。周主曰。百世帝王師

也。敢不拜。○周太師馮道卒。道歷相四姓。唐晉漢周。臣事

十君。嘗著長樂老敘。以自述累朝榮遇之狀。臣至歷相四姓。

猶云榮遇可謂

狗彘之甚矣。

世宗有平天下之志

命近臣著為君難論

點檢作天子

刻木為農夫

世宗賑淮南之飢

世宗皇帝

名榮。柴太后姪。太祖無子。養以為子。六年。號顯德。

周主有削平天下

之志。命近臣著為君難論。及開邊策一道。有王朴獻

策。周主納之。○趙匡允

時為點檢。周主偶得一板。上云點檢作天子。遂廢張點檢

以匡允威名日盛。每臨陣。必繁纓飾馬。或曰。恐為敵

所識。匡允曰。吾固欲其識之耳。○周主留心農事。嘗

刻木為農夫。置殿側。時夜讀均田圖。歎曰。此致治之

本也。○淮南飢。以米貸之。或曰。民貧不能償。周主曰。

民吾子也。安在責其必償哉。○時乏錢。詔毀天下銅

毀佛像以鑄錢

王朴作律準

日下一日

黃袍加身

攬轡誓諸將

中 陶穀詔出袖

佛像鑄錢。畧云佛以利人為急使其真身在尚當棄捐況此像哉王朴作律準。

定大樂甚悉。因上言曰。此法出臣獨見也。

恭帝

名宗訓世宗子半年仍號顯德

傳言遼合北漢入寇周主使趙匡

允拒之。苗訓占天文見日下一日。指示眾軍曰。此天

命也。是夕次陳橋。議立匡允。夜半軍士直逼寢所。匡

允驚起。未及措對。黃袍已加身矣。遂擁還汴。匡允攬

轡誓諸將曰。朝市府庫分毫無犯。則可不。則我不為

若主也。至汴時。早朝聞變。朝士不知所為。匡允涕泣

語羣臣曰。為六軍逼至此。奈何。然猶未有禪詔。陶穀

問取天下者
上世以德中
世以力末世
以謀其詳何
如

天命之歸近
三代

乃出諸袖中。遂用之。乃拜受卽位。

鄭氏曰。商周取天下以德。漢唐以力。宋以謀。說者
謂宋有天下。乃天命也。愚謂實不然。傳言遼漢合
寇。而空國兵以授匡允。及陳橋事定。何嘗見遼漢
隻馬哉。至身上之黃袍。豈軍中立就袖中之草詔。
料平日夙成。此必匡允之定謀。趙普之協力也。吾
故曰。太祖之得天下也。天命之歸近。三代人謀之
施過。漢唐向使太祖誠無利天下心。卽當陳橋之
變。何不効陽城箕山之節哉。

變而不變則其山之高

勢固無所不周而大則無所不至

故曰水無形而山有定形

故曰山有定形而水無形


故曰水無形而山有定形


故曰山有定形而水無形


故曰水無形而山有定形

故曰山有定形而水無形

故曰水無形而山有定形







PL
2451
p29
v. 14

古史輯要卷五

宋紀趙姓涿郡人。都大梁。是為北宋。凡九帝。得年百六十七。合南宋凡十八帝。共年三百有二。

附遼

赤光異香之瑞
太祖皇帝名匡九。十七年。建隆。乾德。開寶三號。上生于夾馬營。赤光滿

贈韓通為中書令
室異香經宿不散。人稱為香孩兒營。○贈韓通中書

王彥昇終身不得節鉞
令旌其忠。怒王彥昇。故終身不授節鉞。初韓通謀拒上。為王彥昇

天下自此定
殺。○陳搏隱華山。聞上即位。曰。天下自此定矣。○杜

太后治家多嚴。上御極。拜於殿前。愀然曰。天子有道。

此位可保。否則求為匹夫不得矣。○李筠取周太祖

周李筠死節

太祖混一規模

以賓儀為翰林學士

賓儀清介厚重

長君社稷之福

杯酒釋兵權

像懸壁涕泣。約北漢伐宋。上攻殺筠。平潞州。○以賓

儀為學士。儀清介厚重。嘗入侍。見上岸幘。露頂曰岸幘。顏冠曰幘。

跣足。遂不進。上改容謝之。○杜太后遺詔傳位光義。

即太光義傳光美。亦太光美傳德昭。太祖曰。國有長

君。社稷之福也。周恭帝以七歲失國。太后戒此是矣。而太宗卒致弟姪不得其死。非以此

哉。○趙普請上奪諸節度權。上召石守信等飲。酣曰。

天子不若節度之樂。朕實不能安枕也。對曰。誰敢萌

異心乎。上曰。如麾下之欲富貴。何。一日黃袍加汝身。

欲不為不得矣。今卿等何不釋兵權。為子孫立遠業。

責其人而密
諭漢超

雪夜幸普家

守信等俱乞罷。○李漢超守關南。民有訟強娶已女
爲妾。上責其人遣之。乃密諭漢超令還其女。超感悟。
卒爲良吏。○郭進守西山。有訟進不法事。上令進殺
之。會北漢來侵。進貫其罪。使赴敵自贖。其人果捷。進
卽以聞。○上欲復令符彥卿典兵。趙普力諫。上曰。朕
待之厚。豈相負耶。普曰。周待陛下薄乎。乃止。○上每
事必往決趙普。會夜大雪。往普門。立風雪中。普知迎
入。爲熾炭燒肉。普妻行酒。上以嫂呼之。因與普計下
太原。普曰。太原當西北二面。若下。則邊患獨當之。不

補綴舊牘

剛毅果斷

塵埃中識天子宰相

世脩降表李家

如侯平諸國。則彈丸黑子。安能逃乎。上曰。吾意正如此。○趙普嘗薦人。至再四。上怒。裂其牘。普補綴復奏。乃得俞。其剛毅類如此。○趙普嘗言。微時所不足。上及已者。上曰。塵埃中識天子宰相。則人皆物色之矣。○蜀主遣趙彥韜。約北漢伐宋。彥韜至汴。以蠟書獻之上。得書喜曰。兵有名矣。命王全斌等伐之。克蜀主命李昊草降表。前蜀之亡。其降表亦昊所草。蜀人夜書其門曰。世脩降表李家。○命和峴定雅樂。○范質卒。命子勿請諡。光義曰。宰相無右質者。獨欠世宗一

解貂裘賜全

宰相須用讀書人

橐中惟圖書

五星聚奎

以曹彬爲宜

徽使

穀子名在第六

六

死耳。○汴京大雪。上念西征將士。解所服紫貂裘帽。馳賜王全斌。仍諭諸將以不及徧之意。故多感激成功。○初上改元。命擇前代未有年號。及蜀平。見蜀宮人鏡背云。乾德四年鑄。上怪問竇儀。儀曰。德三年也。此必蜀物。昔蜀主曾有此號。上歎曰。宰相須用讀書人。○曹彬平蜀返。橐中惟圖書而已。上嘉之。命爲宜徽使。○丁卯三月。五星聚奎。宋一代人文之盛兆于此。○王裕知貢舉。陶穀子邴名在第六。上謂左右曰。聞穀不能訓子。邴安得登第。因詔自今舉人。凡關食祿之家。悉委

紫雲黑龍

以董遵誨爲
通遠軍使

吾當救此一
方民
太祖推心置
人腹

中書覆試。○上喜觀書。雖在軍中。手不釋卷。初趙普
以吏起。上勸使讀書。亦手不釋卷。○上微時。依董遵
誨之父。誨嘗侮之。一日語上曰。每見城上有紫雲黑
龍。此何祥也。上不對。至是語曰。卿記紫雲黑龍乎。誨
惶恐請死。上拜通遠軍使。○北漢主鈞請存漢血食。
上哀之。終鈞之世不加兵。○命獄吏恤囚。遇盛暑。五
日一檢視。○南漢主爲燒煮劓剔刀山劍樹之刑。上
曰。吾當救此一方民。乃伐之。○劉鋹漢主被擒。賜之酒。鋹
疑有毒。上曰。朕推赤心置人腹耳。取鋹酒自飲。○劉

劉溫叟清介

西舍封識宛

然

撫士卒不吝

賈賞

犯法有劍

注雨釋官人

戒公主用翠

羽

海物必佳

鼎鑑猶有耳
趙普社稷臣

溫叟御史清介。晉王光義嘗賜之錢。溫叟封置西舍。明

年復賜所封宛然。晉王聞而奇之。及卒。上曰。必得純

厚如溫叟者可代。○上曰。朕撫士卒固不吝賞。苟犯

吾法。惟有劍耳。○夏淫雨。上以宮怨所致。乃釋官人

百餘。○公主以翠羽飾衣。上曰。京城効此。翠無遺類

矣。命去之。○上為周恭帝發喪。輟朝十日。○上幸趙

普家。會吳越致海物十瓶于普。上曰。海物必佳。飲之

皆瓜子金也。上不悅。○雷德驤大理卿短趙普。上怒曰。

鼎鑑猶有耳。汝不聞普社稷臣乎。乃斥德驤。其子訟

皇弟忠孝全德

江南一以委卿

李煜一門不可加害

渡江獻策

渡江若履平地

焉。上復驤官。而普恩漸替。尋罷河陽節度。普上表自

訴曰。外人謂臣輕議皇弟。皇弟忠孝全德。矧有昭憲

杜太。遺命。上封其表藏之。此普之市恩太宗也。按普功過相生。豈古純臣哉。

○命曹彬伐南唐。上曰。江南之事。一以委卿。切勿暴

掠生民。城陷之曰。李煜一門不可加害。按南唐徐知誥。後蓋改姓

李也。○曹彬克池州。次采石磯。初南唐樊若水。池州人。以

舉進士不第。釣于采石。乘小舟引絲。以度江之廣狹。

因上書于宋。言江南可取。請造浮梁以渡師。上從之。

至是試舟于采石。不差尺寸。大軍渡江。若履平地。○

父子可兩家

臥榻之側豈容他人鼾睡

曹彬誓不妄殺

舟中惟圖籍

衣衾

曹彬不伐

曹彬圍江寧。唐主遣徐鉉言于上曰：李煜如子事父，何罪見伐？上曰：曾父子可兩家乎？鉉辨之力，上怒曰：天下一家，臥榻之側，豈容他人鼾睡耶？○唐城將陷，曹彬忽稱疾，諸將請藥。彬曰：余疾非藥石能愈，願諸君不妄殺，則愈矣。捷至上，泣曰：必有罹鋒刃者，寔可哀也。命出米十萬賑之。太祖一泣，真不愧三代仁主哉。○曹彬返舟中，惟圖籍衣衾而已。閣門榜云：奉勅差往江南，句當公事。回時，人嘉其不伐。按彬為宋良將第一。○曹彬伐唐歸，上曰：本授卿使相，即宰相。然太原未平，姑少待之。賜錢五

好官不過多得錢

黃祿封甚固
途中宜密觀

今日復見太平天子

洞開諸門
此如我心

十萬。彬曰。人生何必使相。好官不過多得錢耳。此彬托辭。

非真欲得錢也。○吳王俶來朝。及還。賜以黃祿。封甚固。戒曰。

途中宜密觀。啟之。皆羣臣乞留俶疏也。俶歸感甚。每

視事。命徙坐東偏。曰。西北者神京在焉。敢正坐乎。○

上如西京。今河民曰。不圖今日復見太平天子。上欲

都此。以晉王諫還東京。今汴○上後苑彈雀。臣有奏

急事者。出視之。乃常也。上怒。對曰。亦急于彈雀耳。上

撞其兩齒。臣曰。恐史官書之也。上乃慰以金帛。○上

御殿。命洞開諸門。曰。此如我心。少有邪曲。人皆見之。

取艾分痛

他日太平天子

燭影斧聲

擬宋賜呂蒙
正綠袍韓芻
錫宴詩章謝
表

○晉王嘗病灼艾。上取艾自灸以分其痛。上每言晉

王龍行虎步。他日太平天子。德福非吾所及。太祖傳太宗一

事直與堯舜合符。惜太宗不能無負耳。○上不豫。壬子夜召晉王。囑以

後事。屏左右。但遙見燭影下。晉王若有遜避之狀。既

而引柱斧戳地。大聲囑曰。好為之。遂崩。按宋史癸丑多帝崩則所

云壬子子夜之事。或亦私史之訛耳。

太宗皇帝

初名匡義。改光義。及即位。改名炁。太祖弟。十二年。太平興國。雍熙。端拱。淳化。至道。六號。

詔制六科取士。臨軒親策。命呂蒙正以下。一榜盡賜

及第。

初太祖幸洛陽。張齊賢以布衣獻策。還語太宗曰。我得一張齊賢。我不官之。他日留為汝相至。

太宗不行太
原之賞

齊賢之論豈
知本

古史輯要卷五

才

是齊賢名在榜末。故一榜盡賜及第焉。

○以孔宜襲封文宣公。

孔子十四代

孫。○德昭從上攻太原。軍中嘗夜驚。不知上所在。有

謀立德昭者。上聞不悅。捷還。久不行賞。德昭爲之言。

上怒曰。待汝自爲之賞。未晚也。德昭自刎。德昭死。光

美不自安。上召趙普詢以太后遺詔。普曰。陛下豈容

再誤。由是光美遂得罪。越二年卒。

普以一言誤主。真逢君之惡也。

○

上欲取幽薊。張齊賢曰。聖人舉事。動出萬全。百戰百

勝。不若不戰而勝。五帝三王。未有不先根本也。

幽薊不取

則河北不固。而河南亦不能安。枕齊賢之言。豈確論哉。

○上作假山爲樂。姚坦

君臣可謂兩

全

此子亦參政

蒙正雅量

開卷有益

有道仁聖之

主

勤行脩煉無

出此

曰。但見血山耳。言皆民膏血也。上急毀焉。○趙普以議罷相。

上作詩餞之。相泣別。宋琪曰。君臣始終可謂兩全。○

呂蒙正參知政事。有朝士指之曰。此子亦參政耶。蒙

正若爲不聞。同列欲詰其姓名。蒙正止之。時人服其

量。○詔舒雅等脩太平御覽一千卷。上曰。讀三卷。宋琪

以勞瘁諫。上曰。開卷有益。不爲勞也。○陳搏入朝。賜

號希夷先生。宋琪問以脩養。搏曰。今上有道仁聖之

主也。正宜協力致治之秋。勤行脩煉。無出于此。○遣

曹彬等分道伐契丹。與耶律休哥戰于岐溝。敗績。楊

齊賢代州之捷

用賢公典

誓見避殿減膳

黑面大王

詔貸義門陳競粟

寇準直言

業復戰於陳家峪。兵敗死之。○張齊賢知代州。契丹薄城。齊賢于三十里外。列幟燃芻。契丹疑救至。北走。追擊大捷。○李昉為相。每求用者。雖才可取。必正色絕之。已乃擢。子弟問其故。昉曰。用賢公典。若受其請。是私恩也。○旱。遣使決獄諸州。是夕雨。彗出東井。上避殿減膳。是夕彗滅。○尹繼倫_{巡檢}大敗契丹于徐河。契丹相戒曰。當避黑面大王。_{繼倫面黑}○江州陳競五世同居。人幾滿千。以家眾乏食。詔貸粟二千石。_{按競家犬至百餘。一大不食。羣犬俟之。其義氣之感如此。}○寇準嘗奏不合。上怒起。準輒

半部論語佐
太平

學士之職清
要貴重

不欲宜官預
政

宣徽執政之
漸

知子莫若父

引上衣。上嘉之曰。朕得寇準。猶太宗之得魏徵也。○
趙普復相。雖多忌刻。然能任事。每退輒閤門讀書。嘗
曰。臣有論語一部。以半部佐太祖定天下。以半部佐
陛下致太平。○以錢若水爲學士。上曰。學士清貴。非
他官可比。朕嘗恨不得爲。○王繼恩宦者平蜀寇。議除
爲宣徽使。上曰。朕不欲此輩預政。若宣徽使執政之
漸也。○寇準請建儲。曰。謀及婦人中官不可。謀及近
臣不可也。惟陛下之自擇耳。上曰。壽王可乎。準曰。知
子莫若父。聖慮旣以爲可。願卽決之。○呂蒙正薦可

蒙正器量

呂端大事不糊塗

少年天子

捲簾升視下拜

使朔方者。上不許。他日三問。三以其人對。上曰。蒙正器量。我不如。用其人。果稱職。○呂端為相。持重識大體。上嘗謂其小事糊塗。大事不糊塗。故每事必經參酌。○立壽王為太子。謁廟還。京師擁道喜曰。少年天子也。上語寇準曰。人心遽屬太子。置我何地。準賀曰。此社稷福也。○上崩。后與王繼恩謀立楚王。名元佐。上長子。呂端知之。亟白于后。乃奉太子即位。垂簾引見羣臣。呂端平立不拜。請捲簾升視。乃下拜。

真宗皇帝

名元侃。更名恆。太宗三子。初封壽王。二十五年。咸平景德。天禧。大中祥符。乾興。六號。遣

熙寧以前小人難知

李沆引燭焚詔

李沆無密奏

明王之治愛民

得卿無西顧

憂

陳恕不進府

庫條目

使除天下逋欠一千餘萬。釋囚三千餘人。用王欽若之言也。呂氏曰。漢唐之小人易知。宋之小人難知。熙寧後之小人易知。熙寧前之小人難知。如欽若。丁謂之奸。其與君子何異哉。○李沆平章事。上一夕持手詔。欲以劉美人爲貴妃。沆對使者引燭焚詔曰。但道臣沆以爲不可。事遂寢。○上嘗問李沆無密奏。沆曰。公事則公言之。何用密爲。○召終南隱士種放爲司諫。詢以政。放曰。明王之治。愛民而已。○張詠知益州有異政。上曰。蜀有卿。朕無西顧之憂矣。○上命陳恕條具中外錢穀以聞。恕久不進。上讓之。恕曰。陛下富于春秋。若

三居相位

田錫直臣

人主當使知
四方艱難

此參政他日
之憂
李沆不用丁
謂

知府庫充。恐生侈故也。○呂蒙正辭相歸。宋之三居
相位者。蒙正趙普耳。○田錫左拾遺悉焚生平奏錄。曰。
可藏此以買直乎。及卒。上惻然曰。錫直臣也。天何奪
之速耶。○李沆日奏四方水旱盜賊。王旦以爲細故。
沆曰。主上年少。當使知四方艱難。不然血氣方剛。不
留意聲色犬馬。則土木甲兵禱祀之事作矣。吾老不
及見此。參政他日之憂也。○丁謂與寇準善。準薦謂
于沆。沆曰。顧其人。可使位人上乎。準不然。沆笑曰。他
日後悔。當思吾言。○李沆曰。沆爲相。論語中節用愛

聖言終身誦之

寇準宰相材

了此不過五日

賦詩退虜

人一句。尙未能行。聖人之言。終身誦可也。○李沆治第。僅容旋馬。或謂其太隘。沆曰。爲宰相廳。誠隘。爲太祝奉禮廳。則寬矣。及卒。諡文靖。按沆免齊賢一事。乃白璧微瑕耳。○初。畢士安薦寇準忠義宰相材也。至是俱相。○契丹侵澶州。今大寇準飲笑自如。言于上曰。了此不過五日。願駕幸澶州。羣臣不可。獨高瓊曰。君輩能賦詩退虜耶。遂勸上幸澶。河北諸軍皆歡呼萬歲。聲聞數十里。契丹氣奪。準欲令獻幽薊之地。以上方苦兵。適契丹請盟。準不得已聽之。約歲納幣三十萬于契丹。以

南北弭兵

孤注

霍光傳不可
不讀
張公諭我

天書降于承
天門

王旦得毋不

可乎

此酒極佳

百身軀要卷五

南朝爲兄。北朝爲弟。各還。自是南北弭兵。準之力也。
準自澶歸。頗矜其功。王欽若譖于上曰。陛下聞博乎。
輸錢欲盡。乃盡出所有。謂之孤注。陛下寇準之孤注
也。斯亦危矣。上乃出準知陝州。張詠曰。霍光傳不可
不讀。準歸取讀之。至不學無術句。笑曰。張公諭我矣。
○寇準用人。不置例簿。曰。宰相期進賢耳。例簿何爲。
○天書見承天門之鴟尾。王欽若所爲。王欽若請封禪。上
曰。王旦得毋不可乎。按旦王祐子。祐爲官不阿。嘗曰。祐不做。我兒必做。乃手植三槐。
于庭曰。後必
有爲三公者。
乃以酒賜旦。因語曰。此酒極佳。可歸與

孫奭議天書

之非

相公何故不

在中書

北門鎖鑰

孫奭諫西祀

朝廷有人
五鬼

妻孥共之。及發。皆美珠也。且由是不敢異議。而封禪

遂成。獨孫奭學曰。天何言哉。况有書乎。上默然。○寇

準知天雄軍。契丹使過之。曰。相公望重。何故不在中

書。準曰。主上以朝廷無事。北門鎖鑰。非準不可耳。準

言而威契丹。重朝廷。且諱主上之失。真純臣哉。○孫奭諫西祀曰。纔畢東封。

又議西幸。方今野雉山鹿。並形奏簡。秋旱冬雷。率皆

稱賀。夫國將興。聽于民。將亡。聽于神。可不思哉。上雖

嘉其忠。而不從。○夏州飢。趙德明保吉子求粟。王旦令

自詣京師取。德明曰。朝廷有人。乃止。○時五鬼媚上

文靖真聖人

陳彭年號九

尾狐

夷簡宰相材

寇準愧歎以

為不可及

吾榜得人最

多

古史車夢卷五

橫行。王欽若。丁謂陳彭年。劉承珪。林特。王旦欲諫。業已同之。欲去。則

上遇之厚。追思李沆先識。歎曰。文靖真聖人也。○陳

彭年性奸佞。時號九尾狐。○呂蒙正卒。上幸其第。曰。

卿諸子孰可用。對曰。有姪夷簡。宰相材也。祁奚之薦

之薦謝元。曹彬之薦曹瑋。蒙正之薦夷簡。四子皆得聖賢之公心者也。○寇準數短王

旦。而旦專薦準。上時言于準。準乃愧。歎為不可及。○

丁謂嘗言。吾榜得人最多。李沆寇準。王旦。○張旻以治兵太

峻。激變。上欲罪之。王旦曰。若罪旻。今後帥臣何以禦

眾。欲罪兵。又懼驚眾。不如擢旻。使解兵柄。反側自安。

王旦善處大事

王旦真宰相

王子明遲我十年作宰相

可惜張師德

真宰相之言

矣。上從之。兵果安。上曰。王旦善處大事。真宰相也。○
上欲相王欽若。王旦曰。臣見祖宗朝。未有南人當國
者。乃止。及旦罷。欽若遂入相。語人曰。爲王子明。旦遲
我十年作宰相。○旱蝗。李迪請罷營造。乃雨。蝗赴海
死。○王旦爲相。言無不從。凡有奏請。上輒曰。王旦以
爲何如。旦凡薦人人。未嘗知張師德。兩謁不見。旦曰。
可惜張師德。吾向稱其有士行。不意爾及吾門也。○
薛奎轉運江淮。王旦曰。東南民力竭矣。奎退曰。真宰
相之言。○王旦疾。上親調藥。臨終。謂子曰。我則無過。

得天書乾祐山

會食拂鬚

王曾調和兩宮

目中久不見寇準

獨不諫天書一事。命諸子削髮披緇以斂。楊億以爲不可。乃止。○加向敏中左僕射。上意敏中賀客必多。密使人覘之。門闌悄然。庖中寂無一人。上笑曰。敏中大耐官職。○寇準得天書乾祐山。巡檢朱能造。上迎入禁中。準乃復相。準爲相。丁謂事之甚恭。嘗會食羹污準鬚。謂起拂之。準笑曰。大臣乃爲官長拂鬚耶。謂慚恨遂隙。○上瘋疾。事決于太后與太子。中外以爲憂。賴王曾調和兩宮。○丁謂私貶寇準知湘州。上不知。問曰。目中何久不見寇準。羣臣莫敢對。○丁謂擅權。請

王曾正色立朝
居停主人勿復言

王曾計去丁謂

太后非大事。但令內侍傳奏。王曾曰。兩宮異處。而柄歸宦官。禍端兆矣。獨曾正色立朝。時倚爲重。○丁謂貶寇準雷州司戶。王曾論之。謂曰。居停主人勿復言。曾嘗以宅假準故也。

仁宗皇帝

名禎。真宗六子。四十二年。天聖明道景祐。寶元。康定。慶曆。皇祐。至和。嘉祐。共九號。王

曾言丁謂包藏禍心。貶崖州司戶。道經雷州。準絕不見。初丁謂貶寇準。命宋綬草詔曰。春秋無將。漢法不道。至是綬卽曰。無將之戒。舊典甚明。不道之辜。常刑罔赦。朝論快焉。初寇準被貶。京師語曰。欲得天下寧。

枯竹盡生笋

仲淹尚風節

孫奭進無逸

圖

魚頭參政

人臣當引君
以堯舜

當拔眼前丁。欲得天下好。莫如召寇老。不數月。謂亦
 貶人。皆謂天道報復之速也。○寇準卒。歸葬西京。人
 皆設祭于道。折竹植地。掛紙錢焚之。踰月。枯竹盡笋。
 眾因立廟。號竹林寇公祠。○仲淹尚風節。晏殊知
宣州今寧國府延之教生徒。後薦仲淹祕閣校書。○龍圖
 學士孫奭進無逸圖。上嘉納之。○魯姓。魯宗道剛直。貴戚
 憚之。目為魚頭參政。以魯姓。且骨鯁。○劉太后崩。上始親政。
 ○廢郭后。孔道輔學士。孔子四十五代孫。不可。呂夷簡曰。有漢
 唐故事。道輔曰。人臣當引君堯舜。豈宜引漢唐為法。

范仲淹上百官圖

四賢一不肖詩

王曾志不在溫飽

王曾不欲恩歸已

耶。且大臣事唐。如子事父母。父母不合宜。諫奈何。順父出母哉。乃黜道輔。○范仲淹以呂夷簡進用者多出其門。乃上百官圖。指示曰。如此爲序次。如此爲不次。夷簡不悅。遂貶仲淹知饒州。○歐陽修余靖尹洙以救仲淹俱貶。蔡襄作四賢一不肖詩。人士傳焉。○王曾卒。曾三試皆第一。宋三試第一者三人。宋庠。王曾。馮京。人曰。狀元試三場。一生喫著不盡。曾曰。平生志不在溫飽。○王曾進退。人人莫之知。范仲淹曰。公盛德。獨少汲引耳。曾曰。執政而令恩歸于已。怨將誰歸耶。曾輔幼主。當母后專政之時。

王曾社稷臣

腹中數萬兵

任福違琦節制

懸哨家鴿

龍圖老子

富弼使契丹

榮辱之言感

悟

富弼却割地

求婚

秋而身名兩全。○趙元昊保吉孫稱帝。國號夏。寇延州。可謂社稷臣矣。

范雍以敗貶。令范仲淹代之。夏兵相戒曰。小范老子。

腹中有數萬兵。不比大范老子可欺也。○夏兵寇渭。

州。任福違韓琦節制。輕進遇敵于道傍。得數盒發之。

乃懸哨家鴿飛起。夏兵四合。福戰死。○范仲淹知慶。

州。約束諸羌。悉親愛之。呼為龍圖老子。○契丹來求。

關南地。上使富弼往諭曰。北朝以得地為榮。則南朝。

以失地為辱。兄弟之國。可分榮辱乎。契丹主曰。吾故。

土也。弼曰。幽薊十六州。獨非南朝故土。弼反覆辨諭。

富弼却獻納
二字

天下稱爲韓
范
三人忠誠剛
直

契丹心折。乃請和親。弼止許增幣。弼還。上復使持和親增幣二議往。弼至。藏和親約。但示增幣。契丹欲得獻納字。弼曰。有兄而稱獻納于弟乎。力却之。按弼往得家書。輒焚之。乃曰。徒亂人意耳。故能成功契丹。韓琦范仲淹安撫陝西。二人號令嚴明。羌不敢犯。謠曰。軍中有一韓。西賊聞之心膽寒。軍中有一范。西賊聞之驚破膽。天下稱爲韓范。○以蔡襄歐陽修王素知諫院。余靖爲右正言。襄曰。三人忠誠剛直。但恐邪人禦之耳。然禦之術有三。不過曰沽名干進。彰君過爾。惟上察之。○歐陽修

歐陽修進朋

黨論

歐陽修何處

得來

良醫壽民

慶歷聖德詩

仲淹上十事

富弼上安邊

十三策

韓琦陳救弊

八事

一筆句之

進朋黨論修論事每切直上嘉其敢言曰如歐陽修者何處得來○罷夏竦而用韓琦范仲淹蔡襄曰陛下既得良醫當信任不疑斯能壽民苟術不盡用雖有和扁難責效矣○石介作慶歷聖德詩衆賢之進如茅斯拔大奸之去如距斯脫其師孫復聞之曰介禍始于此以罷夏用韓范而作矣○開天章閣引輔臣入對范仲淹上十事富弼上當世之務十條安邊十三策韓琦陳救弊八事上悉納之○范仲淹閱班簿司監之不才者一筆句之弼曰一筆句一家哭矣仲淹曰一家哭何如一路哭耶

女奴陰習介書

一網打盡

富弼賑飢

狄青良將材

○胡瑗教授湖州。能明經義。敦寔學。詔取其法。著爲定式。○夏竦恨石介詩。乃使女奴陰習介書。初介勸弼等行伊周之事。至是令改伊周爲伊霍。又僞作介爲弼等撰廢立詔草。以聞。弼等俱斥。○蘇舜欽議論多傾權貴。王拱辰等嫉之。劾其以妓樂娛賓。被斥者十餘人。皆知名之士。拱辰曰。一網打盡矣。○富弼知青州。河北京東大水。流民就食。存活甚衆。上加禮部侍郎。弼曰。此臣職也。敢受賞乎。○狄青數立奇功。范仲淹曰。良將也。授以左氏春秋曰。將不知古今。匹夫

秋青折節讀書

勇耳青乃折節讀書。○歐陽修上疏曰杜衍衍范仲淹淹韓琦琦富弼弼不聞有可罷之罪恐謀臣不用敵國之福也

羣小懼修乃左遷知滁州。○范仲淹卒諡文正好施

予置義田以贍宗族海內敬慕其德惜當朝不久莫

能成先憂後樂之志。宋朝人物當以仲淹第一○詔定雅樂時黃

鍾聲鬱劉義叟曰此謂害金上將病心腹矣果驗。○

茹孝標獻芝草上曰朕以年豐為瑞耳免其官以絕

天下獻瑞者。○唐介劾文彥博私通宮掖上怒貶介

介由是直聲震天下士大夫稱真御史必曰唐子方

本朝人物第一

豐年為瑞

唐介直聲震天下

鐵面御史

將相得人
范鎮請建太
子

彥博長者
安敢自附梁
公

介之劾雖直矣。○趙抃彈劾不避權倖。京師目爲鐵

面御史。○文彥博富弼平章事。士大夫慶于朝會契

丹使至。謂王德用曰。天子以公爲樞密。而用富公爲

相。將相皆得人矣。○上乏嗣。范鎮請立宗室。畧云。太

子而立太宗。天下之大公也。真宗養宗子于宮中。天下之大慮也。願以太祖之心。行真宗故事。可乎。疏

屢上。待命百餘日。鬚髮皆白。朝廷知不可奪。乃罷諫

職。○文彥博語上曰。唐介論臣雖訛。其直足取也。上

復召知諫院。時稱彥博長者。○有持狄梁公狄仁傑像

獻狄青。誑爲遠祖。青曰。安敢自附梁公也。遣之。○包

變俗之志

安石萬言書

何如

富弼請終喪

司馬光三劄

五規

恐遂爲例

拯知開封府。京師語曰。關節不到。閻羅包老。人以其笑比黃河之清。歐陽修知貢舉。痛抑澆薄。文體自是少變。張昇指切時弊。上曰。卿孤立。乃能如是。昇曰。臣仰托聖主。是爲不孤。陛下之臣。謀國者少。竊謂陛下孤立耳。王安石人臨川舉進士。遂有矯世變俗之志。上萬言書。上悅。採之。富弼丁母艱。上五起之。弼固請終制。司馬光知諫院。進劄子三。規五。上深納之。上曰。朕昨不昧。思食燒羊。恐遂爲例。故忍一夕之飢。嘗有獻蛤蜊二十八枚。枚值錢千。上曰。一下

人事非面受
自不可

王珪真學士
仁宗至仁之
主

韓琦危言動
太后

筋費二十八千，吾不堪也。○京師疫，太醫進方，苦無犀角。上出通天犀二，賜之曰：豈珍異物而賤吾民哉？○蘇轍對策過直，或請黜之。上曰：求直言而以直黜，天下謂我何？○上乏嗣，詔以從兄懿王子曙為皇子。召王珪作詔。珪曰：此大事，非面受旨不可。歐陽修聞之曰：珪真學士也。○上崩，雖深山窮谷，莫不悲號。宗為宋仁主，雖有廢郭后一事，不足為全璧玷也。

英宗皇帝名曙，仁宗養子。更名宗寔。四年，號治平。上疾，曹太后攝政，為內

侍所間相隙。韓琦以危言動太后曰：聖躬若失調，太

此常事不足道

韓琦請太后還政

韓公必自有說

后不得辭其責。后驚曰。是何言。我心更切也。復見上。上曰。太后待我少恩。琦曰。舜獨稱大孝。餘豈盡不孝哉。父母慈而子孝。此常事。不足道。惟父母不慈而子亦孝。乃足稱耳。上大感悟。韓魏公以一言感悟。卒以慈孝聞其功偉矣。○韓琦請太后還政。太后起。琦卽命左右撤簾。簾落。在于御屏後。見太后衣。○初。兩宮相隙。皆內侍任守忠間之。一日。韓琦出空頭勅一道。歐陽修已簽。趙概難之。修曰。韓公必自有說。旣而召守忠數其罪。謫蘄州。取勅與之。卽日押行。恐少緩則生變也。中外快心。○

司馬光奮筆

文章名冠天下

事三朝皆以

六事獻

平生學力盡

在是

人臣當盡力

事君

富韓並著勲

業

議奉懿王禮。司馬光奮筆曰：宜稱皇伯。衆論是之。獨

歐陽修不可。卒從修議。稱懿王爲親。夫人爲后。衆論

不服。修力求退。苦心韓愈遺稿。遂以文章名冠天下。

神宗皇帝

名頊。英宗子。十八年。熙寧元豐二號。

以司馬光爲學士。知制誥。

辭曰：不能四六。強之乃就職。上疏論主術之要三。仁

明武治術之要三。任官信賞必罰。因曰：臣侍三朝。皆

此六事。平生學力盡在是矣。○韓琦處危疑之際。知

無不爲。曰：人臣惟求盡力。至于成敗。天也。與富弼並

著勲業。故時稱賢相。必曰富韓。○以趙抃參知政事。

琴鶴自隨

為治擇術為先

詔封太祖後

常袞辭堂饌

不加賦而國

用足

桑宏羊欺武

帝之言

王韶上平戎

策

王韶上平戎策

三

上曰聞卿匹馬入蜀以一琴一鶴自隨為治簡易亦稱是乎○詔學士王安石越次入對上問為治何先對曰擇術為先上問唐太宗何如主對曰陛下當法堯舜何以太宗為哉○詔封從式太祖曾孫德芳孫也舒國公奉太祖祀○上南郊羣臣以國用不足乞勿賜金帛王安石曰常袞辭堂饌當時非之上賜臣御食曰堂饌常袞唐宰相也且善理財者不加賦而國用足司馬光曰夫財不在民則在官設法奪民害甚加賦此桑宏羊欺武帝之言也○王韶上平戎策△王安石以為奇乃啟熙河之役

安石以為奇謀

神宗始開熙

河之役

人君所畏者

天

宰相自有度

經術所以經

世務

人才難得亦

難知

禽鳥得氣之先

○上以災避殿減膳。王安石言其非關人事。富弼歎曰。人主所畏者天。苟不畏天。將何不可為。乃極諫之。○上欲相安石。唐介曰。宰相自有度。安石狷狹少容。而濶議無寔。必欲求賢相。呂公著司馬光韓維其人也。上竟相之。語曰。人言卿知經術。不知世務。安石曰。經術所以經世務也。○王安石立新法。大率皆權利之計。言于上曰。人才難得亦難知。要當不為眾論所惑。○初邵雍于天津橋聞杜鵑聲曰。洛陽舊無杜鵑。今至焉。夫禽鳥得氣之先。則南方之氣至矣。上必用南人作

劉恕不習金

穀爲辭

天下自此多

事

恢張堯舜之

道

士大夫皆稱

得人

呂誨獨言其

不可

袖中彈文乃

新參

君寔亦爲是

言

呂誨畧疏十

事

相多引南人。天下自此多事矣。至是果驗。○王安石與劉恕善。欲引置三司。恕以不習金穀爲辭。因曰。公欲恢張堯舜之道。不應以利爲先。安石遂與之絕。○

詔劉彝等八人分斂天下。○蘇轍諫青苗法。苗青時貸以錢

候熟出厚息償之○王安石執政。士大夫皆稱得人。呂誨獨

謂不可。將入劾。司馬光問何事。誨曰。袖中彈文乃新

參也。光愕然曰。衆喜得人。奈何論之。誨曰。君亦爲是

言耶。因書安石十事。大好似忠。大詐似信。誤天下蒼

生者。必斯人也。誨乃被黜。誨三居言職而三見黜。人

談天下蒼生

必斯人

三居三黜

韓琦乞罷新法

治天下如治室

葉祖洽以附

會首選

君輩坐不讀書

書

何書可讀

天下事非一

家私議

何書可讀

服其直。○范純仁

仲淹子

言王安石變法害民。乞退之。

不聽。遂求罷職。執政諭之曰。毋輕去。已除知制誥矣。

曰。言不用。萬鍾非願也。○韓琦乞罷新法。上曰。信然。

如坊郭之民。安得青苗。乃強與之。上雖疑其法。而終

不能革。○司馬光極言變法之非。曰。治天下如治室。

非大壞不更造也。上欲大用光。為安石阻。不果。光曰。

陛下誠止青苗法。雖不用臣。臣受賜多矣。○葉祖洽

以附新法。策士居首。○趙抃數言新法不便。王安石

曰。君輩坐不讀書耳。抃曰。皐夔稷契。有何書可讀。○

天下事非一家私議
安石愧屈

熙寧三舍人

呂獻可之先見

范景仁之勇決

蘇軾三言

程顥赴中臺議事。王安石方怒言者。厲色以待。顥曰。天下事非一家私議。願平氣聽之。安石愧屈。顥乞罷。許之。○蘇頌李大臨宋敏求以論新法並落職。天下謂之熙寧三舍人。○司馬光上疏曰。臣之不才。最出羣臣下。先見不如呂誨。公直不如范純仁。程顥敢言不如蘇轍。孔文仲勇決不如范鎮。今羣臣許歸。乞依例致仕。許之。○蘇軾號東坡上言。陛下求治太急。聽言太廣。進人太銳。願鎮以安靜。上曰。朕當熟思。○鄧綰以附新法得幸。人皆嗤之。綰曰。笑罵由他。罷好官自

呂誨以疾喻

政

天下事尚可

為

鮮于侁三難

唐垌疏論安

石

唐垌慷慨自

若

世稱三劉

立太學三舍

我為。○呂誨言臣本無宿疾。偶值醫者用藥乖方。遂

成瘋痺。病危。語司馬光曰。天下事尚可為。君寔勉之。

目遂瞑。○利州民不受青苗錢。王安石讓鮮于侁。知

州。侁曰。民自不願。豈能強之。蘇軾稱其上不害法。中

不廢親。下不傷民。是為三難。○唐垌叩陛奏疏凡六

十條。大聲宣讀之。慷慨自若。乃貶垌。○立太學三舍。

初為外舍。次為內舍。終為上舍。○劉攽能文。與兄敞。敞子奉世。名相

埒。世稱三劉。攽以諫新法貶。○周敦頤號濂溪。嘗著太

極圖說通書。學行冠世。頤舅鄭向簿分寧縣。有獄久

老吏不若

鄭俠繪流民圖

神宗罷新法十八事

傳法護法

鄭俠取傳爲兩軸

正直君子

言責在監門

不決。頤至。一訛立辨。邑人驚曰。老吏不若也。○旱飢民困于征求。流離載道。鄭俠繪流民圖。發馬遞上。上聞長吁數四。卽罷新法十八事。是日大雨。呂惠卿泣于上。而新法復行如故。○王安石以言者甚衆。乞罷相。薦韓絳。呂惠卿以代。時號絳爲傳法沙門。惠卿爲護法善神。○鄭俠疏論呂惠卿朋奸壅蔽。仍取唐魏徵李林甫傳爲兩軸。題其外曰正直君子。邪曲小人。乃貶俠。楊國信謁俠曰。御史緘口不言。而君獨疏論不已。是言責在監門。而臺中無人也。因取名臣諫書。

以此爲正人助

漢文何如主

文帝加有才
一等

頒王安石三
經新義

櫪馬皆驚

二帙授俠曰。以此爲正人助。○上問王安國弟安石曰。漢文何如主。對曰。三代來未有也。上曰。但恨其才不能更法耳。對曰。文帝以德化民。殆加有才者一等矣。安國嘗力諫新法。謂兄之誤其主。○王安石復入相。詔頒安石所修詩書周禮新義。卽今文章之制。于學官。分經取士。獨春秋一義。目爲斷爛。不以取士。後因羣議。乃復春秋取士法。○魏國公韓琦卒前一夕。大星殞州治。櫪馬皆驚。上悼之。自製碑文。載琦大節。因篆其首曰。兩朝顧命定策元勲之碑。○契丹改號遼。遣人來

議疆事。詔韓縝如河東割地七百里界之。○上以星

孛求直言。語王安石曰。聞民苦新法。安石曰。祁寒暑

雨。民猶怨之。此無足恤。時王安禮安石弟上言大臣乘

權。故干陰陽而召星變。上覽之嘉歎。呂氏曰。司馬光言安石三不足

天變不足懼。人言不足恤。祖宗不足法。由此觀之。是有四不足。將民怨亦不足恤矣。○司馬光

惡呂惠卿。嘗讀漢史。至張釋之論畜夫利口。乃曰。孔

子惡利口之覆邦。固以是哉。蓋以譏惠卿也。○邵雍

號堯夫。遊學四方。久之幡然來歸。曰。道在是矣。時新法

行。吏士每引去。雍曰。此賢者盡力之秋。新法固嚴。能

賢者盡力之秋

寬一分則民受一分之賜

堯夫內聖外王之學

撤坐輟講

關中士人宗師

與孟子性善養氣之論同功

寬一分。則民受一分賜矣。引去何爲。雍爲學。堅苦刻勵。冬不爐。暑不扇。夜不就枕者數年。程顥嘗與議論。曰。堯夫內聖外王學也。卒諡康節。○張載號橫渠善經書。終日危坐一室。每仰思有得。則識之。或中夜起坐。取燭以書。嘗坐虎皮講易。及見二程。兄程顥號明道。弟程頤號伊川。深明易道。卽撤坐輟講。命諸生轉師之。後舉進士。知雲岩。以新法不合。隱居南山。學古力行。爲關中士人宗師。所著正蒙東西銘行世。程顥嘗言西銘與性善養氣之論同功。○上語呂公著釋老之事。對曰。非堯

堯舜惟知人
安民

一路福星

舜所知也。堯舜惟以知人安民爲難耳。○蘇軾每以詩諷上。御史李定舒亶聞于上。遂貶軾。尋下獄。詩律云。諷上嚴法日。讀書萬卷不讀律。致君堯舜終無術。諷上興水利日。東海若知明主意。應教斥鹵變桑田。諷上禁民鹽日。豈是聞韶解忘味。邇來三月食無鹽云。賴曹太后及王安禮力救行免。後王珪舉詠檜詩。劾其不臣。上曰。彼自詠檜耳。何預朕事。○以鮮于侁轉運京東。司馬光曰。此一路福星也。安得百子駿。侁字。布列天下乎。侁至京東。奏罷新法。大不便數事。而民大悅。○馮京乞罷歸。初不容于王安石。復見傾于呂惠卿。而中立不倚。人服其操。

人才半為司

馬光所壞

蒲宗孟不取

司馬光

惟此一人

文郁方尉遲

敬德

司馬光上資

治通鑑

太后罷新法
十餘事

○上嘗歎無人才。蒲宗孟曰：人才半為司馬光邪說

所壞。上曰：宗孟乃不取司馬光耶。朕見辭樞密一節。

惟此一人。宗孟慚。○夏人入寇，王文郁率死士百餘

敗之。時以方之尉遲敬德。○司馬光編資治通鑑。上

曰：前代未有此書。過荀悅漢紀遠矣。按神宗廟周程張邵以道學顯

司馬光以史學著，使天不生安石，其登斯世于唐虞無難矣。

哲宗皇帝。名煦，神宗太子。十五年，元祐紹聖元符三號。太后臨朝。英宗高后。詔罷

新法十餘事。○高遵裕。太后叔父。有罪當誅，令西征自贖。

蔡確請復其官。太后曰：得免誅幸矣，敢言官乎。確慚。

天丁謂為真

宰相

衛士以手加

額

留相天子活

百姓

天下拭目觀

新政

拯溺救焚

諡節孝先生

退。○司馬光居洛十五年。天下謂為真宰相。至是人

臨也。○衛士望見。皆以手加額曰。此司馬相公也。遮

道聚觀。不得行。皆曰。願留相天子。活百姓。太后問為

政何先。對曰。開言路。○王珪卒。時號三旨宰相。初曰

旨。繼曰。領聖旨。終曰。奉聖旨。議其無所建白也。○司馬光為門下侍郎。時號參知

政事。名此。天下拭目觀新政。光言新法非先帝本意。改之

當如拯溺救焚。況太后以母改子。何待三年乎。眾議

乃定。○賜楚州孝子徐積粟帛。諡節孝先生。積父名

石。終身不用石器。遇石不敢踐。其孝類如此。○呂公

呂公著上十事

中國相司馬

三代兵農爲一

蔡京獨如納

著上十事。與司馬光同心輔政。而吏民懽呼。○程顥
留心經濟。嘗曰。新法之行。寔吾黨激成之。豈可獨罪
安石也。及卒。文彥博題其墓曰。明道先生。○司馬光
爲尙書左僕射。時改平章事名此。遼人勅其邊吏曰。中國相
司馬矣。毋妄開邊釁。○蘇軾論差役法曰。三代兵農
爲一。至秦始分。民不知兵。兵不知農。農出穀帛養兵。
兵出性命衛民。由來便之。公欲行差役法。是罷征卒
而復民兵。恐未便也。司馬光不可。命差役之行。定期
五日。同列病其太迫。蔡京獨如約。光喜曰。人人奉法。

蘇軾至言

此法終不可
罷

蘇軾草制

天下傳誦稱
快

如公則何不可。○范子淵開河無功。會蘇軾草詔以
累云。以有限之財。與必不可成之 時稱至言。○王
役。驅無辜之衆。置之必死之地。
 安石聞罷助役法。愕然曰。此法終不可罷。○詔文彥
 博為致仕宰相。六日一朝。兩月一赴經筵。時年會蘇
 軾草制竄呂惠卿。畧云。以聚斂為仁義。以法律為詩
書首建青苗。次行助役。均輸之政。
下同商賈。手寔之禍。察及雞豚。姑寬兩觀之誅。天下
薄示三苗之竄。○手寔。令民手具戶口寔也。
 傳誦稱快。○司馬光病篤。不復自覺。諄諄如夢中語。
 然皆天下事也。及卒。太后及上大慟。京師罷市往弔。
 四方皆畫像以祀。哭之如私親。光嘗言平生所為無

所爲未嘗不可對人言

陝洛皆化其

德

蘇軾奇才

金蓮送蘇軾

歸院

光鎮易地則

皆然

君德成就責

經筵

不可對人言者。陝洛皆化于其德焉。○蘇軾每侍讀。至治亂之際。輒反覆開導。太后曰。先帝每誦卿文章。必歎曰。奇才。奇才。但未及大用耳。軾泣下失聲。后與上亦泣。乃命坐賜茶。撤御前金蓮燭送歸院。○范鎮致仕。鎮恭儉慎默。口不言人過。其學本六經。決大義。臨大節。雖萬乘前無所屈。人曰。范景仁。鎮字。司馬君寔。光字。易地皆然。○程頤請坐講禮。曰。天下重任惟宰相。經筵。天下治亂係宰相。君德成就責經筵。頤在經筵。多用古禮。蘇軾嫉其不近人情。遂相修隙。于是有洛

洛黨蜀黨期

黨

范祖禹不立

黨

洛黨應敵之

兵

人衆虎寡

數十人而制

千虎

蘇轍諫調停

古史輯要卷五

三

黨

程頤爲首宋

蜀黨

蘇軾爲首呂

朔黨

劉摯爲首之

語惟范祖禹司馬光不立黨

劉氏曰漢之黨以不賢

之黨俱賢然頤無心于黨特其門人爲之耳至軾則

有心攻人矣譬之兵家朔黨自守之兵洛黨應敵之

兵而蜀黨則爲侵凌之兵○常安民遺呂公著書曰去小人不難

勝小人難耳常見猛虎負嵎卒爲人勝者人衆而虎

寡也奈何以數十人制千虎乎公著得書默然○時

熙豐舊臣多懷怨望呂大防欲稍引用以平夙怨謂

之調停蘇轍獨不可乃止○梁燾好引進人才或曰

公所植桃李乘時而發但不向人開耳○高太后崩

女中堯舜

祖禹經世之
女

一 祖禹講官第

語羣臣曰。老身歿後。必有調戲官家者。公等亦宜早
退。毋爲奸邪所傾。因各令吃社飯一匙。曰。明年社飯
時。思老身也。宜仁后召故臣罷新法絕私恩人以爲女中堯舜信矣。○上初親
政。范祖禹上疏曰。陛下方攬庶政。必有小人進言。謂
太后不當改先帝政。逐先帝臣。此間言不可聽也。蘇
軾方具疏草。見祖禹疏。曰。經世之文也。遂附名奏。不
報。○楊畏言宜述神宗舊政。舊臣上卽召用章惇呂
惠卿等。復內侍六人職。蘇軾范純仁泣諫不聽。乞罷
歸。○范祖禹乞罷。禹守正多獻納。蘇軾稱爲講官第

追貶元祐宰

執

問宋朝家法

遠過漢唐其

詳何如

田畫責鄒浩

何如

上所當為而

未止此

一○章惇入相。大引其黨。欲發司馬光呂公著塚以
 許將諫止。○王安石配享神宗廟。○廢孟后。初高后以孟后
 賢立之。且歎曰。追貶司馬光等秩。在朝直諫者皆被
 惜其福薄耳。
 斥章惇欲誅元祐黨人。許將曰。本朝遠過漢唐。以未
 嘗誅戮大臣也。上然之。○薛昂等乞毀資治通鑑板。
 賴陳瓘引神宗序文以言。得不毀。○田畫與鄒浩以
 氣節相厲。及廢孟后。畫語人曰。志完。浩字。不言。可絕交
 矣。浩果以諫遠竄。畫送之曰。願君毋以此自滿。士所
 當為。未止此也。遂泣別。

徽宗皇帝

名佶。神宗十一子。哲宗無子。立之。二十六年。建中靖國崇寧大觀政和重和宣和七號。

向太后

神宗后。

攝政。詔盡復元祐所貶官秩。而章惇等

俱罷。悉革其法。○曾布為相。弟肇學士曰。章惇蔡卞之

蔡京足以兼二人

奸。蔡京足以兼之。可不嚴杜乎。布不聽。竟用京。○流

星入尾。西北有赤黑氣。散為白。任伯雨曰。此夷狄竊

世濟忠直

發兆也。○上賜范純仁墓碑曰。世濟忠直。○任伯雨

半歲間上百

居正言。諫官。半歲上疏百八。曾布密諭以少默。伯雨論

八疏

鄧洵武獻愛

莫助圖

益力坐貶。○鄧洵武獻愛莫助圖。極口稱蔡京。上乃

刻石于端禮

門

相京。○向太后崩。蔡京復貶司馬光等秩。籍其黨百

海內稱其正直

乞免鑄安民二字

朱勔領花石綱

劉達請毀元祐黨人碑

二十人立奸黨碑有石工安民曰民愚不知立碑之意但如司馬相公海內稱其正直今謂之奸邪民不忍刻也因泣曰乞免鑄安民二字于石末恐得罪後世○王安石配享孔子廟位次孟軻○上好花石蔡京以朱勔典花石綱凡民間一石一木堪玩者卽以黃帕覆之每撤屋掘牆以出時民咸指花石爲不祥芟之恐後○李星見劉達請毀元祐奸黨碑上從之○宋初制六科取士後以十科取士至是詔以八行取士○程頤及門多名士而謝良游酢楊時呂大號

程門四先生

程頤晚得二

士

陳禾引落帝

裾

留衣旌直臣

執中猶蚊負山

林攄不識甄徹字

為程門四先生嘗曰吾晚得二士張繹○陳禾請竄

童貫蔡京上拂衣起禾引落上裾上曰正言時禾為右正言

碎朕衣矣禾曰陛下不惜碎衣臣豈惜碎首內侍請

易衣上曰留此以旌直臣明日謫禾○何執中入相

陳朝老曰執中而相猶蚊負山也言不勝任○久旱彗見

上相張商英彗沒即雨上書商霖二字賜之○林攄

中于御前唱貢士姓名不識甄徹字上笑曰卿誤矣

攄不謝而退乃黜○女直國稱帝更號金其地在遼外○

方士林靈素善妖幻上寵之大興道教冊上為道君

小官何敢論
大事
愛君之心一

吾道南

游楊立雪

宋昭諫伐遼

教主皇帝。○蔡攸京子媚上曰。人主當以天下爲娛。上
令苑中多爲村房。盛聚異類。每靜夜。禽獸聲徹。宛若
山林間。○上每微行。曹輔諫焉。余深曰。輔小官。何當
論大事。輔曰。大官不言。故小官言之。官有大小。愛君
一也。竟貶輔。○楊時師事程顥。甚篤。一日歸。顥目送
之曰。吾道南矣。後又師事程頤。頤一日瞑坐。時與游
酢並侍。及頤覺。則門外雪深三尺矣。○蔡攸權勢軋
父。父子各立門戶相敵。○宋江等三十六人寇京東。
莫有能格者。○詔合金攻遼。宋昭曰。金限于遼。猶虎

鄭居中辭魯
不拜
有狐升御座
而坐
李綱刺血上
書

南朝可謂無
人

狼之限于阱也。合金攻遼。是去陷阱而懷虎狼也。求
無吞噬得乎。上不聽。○滅遼。金主約以燕薊六州與
宋。宋許金歲幣百萬。○詔班北伐賞。獨鄭居中不拜。
○有狐升御座而坐。男子孕婦人鬚之異。○金人南
寇。上欲東幸避之。李綱刺血上書。乃止。

欽宗皇帝

名桓。徽宗子。二年號靖康。

陳東

生上疏言金兵皆六賊。蔡京

梁師成。李彥。朱勔。王黼童貫。

所致。請斬之。○金兵濟河。笑曰。南朝

可謂無人。使以千百人守此。我豈得飛渡耶。○金兵
圍汴。宋將無敢抗者。獨李綱奮身禦之。稍退。上以張

罷李綱以謝
金人

李綱獨憂

許翰書杜郵
二字遺綱

天下稱為老
種
老將收功

可與輔政者五

三

邦昌奉康王構質于金。求成。因罷李綱以謝。陳東率
都人聞鼓喧呼。乃復綱官。割三鎮畀金。金人乃班
師。李綱獨憂。謂金必復來。數上邊計。不用。及太原圍
急。上遣李綱援之。許翰書杜郵二字遺綱。杜郵在咸陽縣秦白
起刎于此。時耿南仲綱不得已受命。入對曰。臣行無
欲害綱。故許翰遺之。綱不得已受命。入對曰。臣行無
復還理。願察臣孤忠。以全君臣之義。○種師道年高
天下稱為老種。上欲罷之。許翰曰。呂望以來。如王翦
趙充國。老將收功者多。上不聽。○尹焞紹聖初應舉。
見發策不善。不對而去。歸告母。母曰。吾欲汝以善養。

善養祿養

賢哉母

安國封還辭

頭

張叔夜帥師入衛

南朝惟李侍郎一人

宗澤死中求生

不欲以祿養。程頤聞之曰。賢哉母也。○廢王安石廟祀而誅蔡京等。以楊時陳東之諫。○胡安國入對甚切。耿南仲嫉之。因罷李綱。安國封還辭頭。坐貶。○何臬言三鎮不可割。曰。河北皆吾赤子。奈何棄以與敵也。○金兵圍汴。勤王師無一至者。獨張叔夜帥師入衛。○金誘宋議和。上如青城。至金營。金人迫上易服。李若水大哭。罵不絕口。死之。金人曰。向遼亡死義甚衆。南朝惟李侍郎一人。上之至金。若水勸之也。○宗澤救兵。則一死可贖誤國罪矣。○宗澤救兵。曰。今日進退皆死。當于死中求生。將士悉奮力。前後。

金人夜得空營

吳革死節
張叔夜不肯
署狀

歟天左祖

十三戰皆捷。澤意賊夜必復來。乃徙其營。金人夜至。得空營。大驚。自是憚澤。不敢長驅。○金陷京師。劉韜。吳革等數百人死之。金冊立張邦昌為楚帝。張叔夜不肯平署狀。金乃執太上皇及上太皇后及后與太子北歸。獨孟后以廢居別第。免。呂好問遺書責邦昌。邦昌氣沮。乃迎孟太后聽政。遣人至濟州迎康王構。奉孟太后詔。畧云。歷年二百。人不知兵。傳世九君。世無失德。雖舉族有北轅之憂。而數天同左祖之心。乃眷賢王。越居舊服。漢家之厄。十世宜光武之中興。獻公之子九人。惟重耳之尚在。茲乃天意。夫豈構乃慟哭受命。卽位于應天。是日孟太后東京人謀。

撤簾。

○南宋紀

都應天。徙臨安。是為南宋。凡九君。得年二百五十有二。

附金

姓完顏。金太祖。名阿骨打。後更名。身。其初為女直。乃遼之屬國也。

高宗皇帝

名構。徽宗九子。三十。六年。建炎。紹興。二號。

詔修宣仁后實錄。

高后諡宣

張所具言五利

追貶蔡京等秩。○張所陳還京

汴梁。五利。

一奉宗祀。二安人心。

三係四海之望。四釋割河北之疑。五有定所。得一意防邊。為黃潛善所阻。竟貶。○

李綱上十事

上欲相李綱。綱預上十事。

一議國是。二議定都。三議赦令。四議僭逆。五議偽命。

六議戰。七議守。八議政。本。九議久任。十議修德。請必如議。乃供職。上即班綱。

議于朝。惟僭逆偽命二事。留中不行。綱曰。二事。今日

二事。今日政刑之大

李綱經制兩河

朝廷永無北顧之憂
張叔夜義不食粟
宗澤奇岳飛

之大者。陛下欲建中興之業。而崇僭逆。僞命之臣。誰不解體。乃貶邦昌。與其黨。○李綱經制兩河。曰。今河東失者六州。河北失者四州。餘郡猶朝廷有也。使不急撫之。恐爲金人有矣。莫若置招撫經制二司于河東北。擇有才畧者爲之。則永無北顧之憂矣。上從之。○張叔夜從欽宗而北。道不食粟。飲湯而已。及白溝。叔夜仰天大呼。扼吭而卒。○岳飛犯法。將刑。宗澤一見奇之。曰。將材也。會金人入寇。令立功贖罪。大敗金兵。然飛好野戰。澤因授以戰圖。飛曰。陣而後戰。兵法

運用之妙本
乎一心
用兵在先定
謀
史柴採樵
君殆非行伍
中人
南陽光武所
興
策無出于此

之常。運用之妙。存乎一心。澤深然之。○張所問岳飛
曰。爾能敵幾何。飛曰。勇不足恃。在先定謀。昔欒枝曳
柴以敗荆。莫敖採樵以致絞。皆謀定也。所矍然曰。君
殆非行伍中人。○李綱言南陽光武所興。高山可以
控扼。平野可以屯兵。西隣關陝。東達江淮。南通巴蜀。
北距王都。陛下既不還汴。策無出此者。上許之。而爲
汪伯彥黃潛善所阻。○曹勛持二帝手書。至自金上。
大哭。○上聽汪黃罷。兩河經制招撫司。而李綱力求
去。會侍御史張浚劾綱招軍買馬之罪。遂罷綱。○金

連呼過河者

三

二人相顧倉皇

地世忠舉酒酌

人侵東京。宗澤屢敗之。澤屢請上還京。爲汪黃所阻。憂憤成疾。歎曰。出師未捷身先死。長使英雄淚滿襟。明日無一語及家事。但連呼過河者三而卒。○以汪黃爲左右相。上曰。二卿爲相。何患國事。時金兵南下。汪黃皆不以聞。及入天長。上卽馳瓜州。而汪黃方說法佛堂。不之知。迨聞相顧倉皇。乃馳護。○趙子砥曰。金人請和以練兵。我國斂兵以待和。是畏虎而啖以肉。肉盡終噬人也。大都金人愚宋。始終以和。則此言可謂切中宋弊矣。○苗傳等。內侍。劫上居顯仁宮。而立太子勇。方二歲。韓世忠舉酒

天下常山蛇勢

洪皓真忠臣

趙鼎陳戰守

禦三策

邦義血書衣

衾

岳飛敗金人

于廣德

世忠敗金兵

于江中

酹地誓不與賊戴天。遂與張浚等討之。奉上復位。汪若海言天下如常山蛇勢。秦蜀爲首。東南爲尾。中原爲脊。今以東南爲首。安能起天下之脊哉。將圖恢復。必在川陝。○洪皓使金問候二帝。金迫之仕。不屈。金人曰。忠臣也。流之冷山。○趙鼎陳戰守禦三策。且請幸荆襄。以圖恢復。上不果。○金人入建康。楊邦義刺血書衣裾曰。寧作趙氏鬼。毋爲他姓臣。大罵死之。○金人渡浙。追帝。帝航於海。岳飛敗金兵于廣德。金兵呼爲岳爺爺。韓世忠又大敗金兵于江中。自是金

范冲朱墨史

二史得其正
秦檜還自金
師

浚軍有鐵山
之號
張浚殺曲端

古今事考要略五

三

人不敢復渡江。○金居二帝于五國城。後皆死于此。○范

冲。祖禹子。重修神宗哲宗實錄。舊文以墨書。新以朱書。

世號朱墨史。二史由是得正。○秦檜還自金。或言檜私通金

故縱之還。每言欲天下無事。須南自南。北自北。上喜曰。朕

得一佳士也。命為相。自是專意和金。宋之禍始于安石。繼于蔡京。成

于秦檜。○李成寇江淮。張浚平之。浚軍有鐵山之號。惜哉。

○張浚殺曲端。端死非其罪。軍士多叛者。○頒黃庭

堅所書戒石于州縣。戒云。爾俸爾祿。民膏民脂。下民易虐。上天難欺。○命胡

安國較正春秋左傳。入朝侍讀。安國耻與朱勝非同

儒者進退合義

松柏獨秀

製旗賜飛
岳飛大破楊么

列遂卧家不出。南渡後儒者進退合義。以安國尹焞
爲首。謝良佐曰。康侯。字安國如大冬嚴雪。百草萎死。而
松柏獨秀。秦檜議南人還南。北人還北。上曰。朕北
人。當亦歸金乎。檜大慚。黃龜年劾之。乃免相。榜其罪
于朝。金攻饒風關。吳玠日夜馳三百里援之。至則
以柑遺敵。曰。大軍遠來。聊用止渴。金人驚曰。來何速
也。卒破金兵。岳飛討彭友擒之。虔州府吉。今吉安府悉
平。上手書精忠岳飛字。製旗賜之。楊么陷襄陽。六
郡岳飛請取。襄陽爲恢復根本。趙鼎曰。知上流利害。

趙鼎真宰相

喻子才之功

中興武功第一

李綱陳守備之宜

龜山倡道東南

古史輯要卷五

三

無如飛上從之。飛渡江曰：飛不擒賊，不涉此江。踰月

襄漢悉平。○金寇淮南。趙鼎喻樗敗之。上曰：趙鼎真

宰相。天使佐朕中興。鼎曰：喻子才樗字功也。○韓世忠

大敗金兵于儀真。自建炎來，未嘗與金迎戰。論者以

此為中興武功第一。○詔策戰守。李綱上疏甚悉。上

善之，而不能用。畧云：邇來人臣閒暇，則以和議為得。計倉卒則以退避為善策。且退一步

則失一步，退一尺則失一尺。往自南都退而淮揚，而

河北河東關陝失矣。自淮揚退而江浙，而兩淮東西

失矣。萬一敵騎南牧，又將復退避何所乎？○羅從彥閩人往從楊時，驚汗流背曰：不至是，幾虛過一生。朱熹謂龜山時號倡道東南。

仲素一人
靜中看喜怒
哀樂未發氣
象

自然中有成
法
社稷得人
中興之業在
是

遊其門者甚衆。潛心力學。仲素字。一人而已。○李侗
學于羅從彥。從彥令侗靜中看喜怒哀樂未發前氣
象。久之頓悟。靜居山中四十年。號延平先生。朱熹受
業于侗。稱其自然中有成法。○皇子瑗就資善堂聽
講。岳飛見瑗喜曰。社稷得人。中興其在是乎。○以何
蘄爲金通問使。胡寅諫不聽。畧云。金知我國所重在
在用兵。故常以和增吾所重。平吾所恨。臣吾
所畏。而我國卒不悟。遣使屢矣。金果一憐乎。○岳飛
破楊么于洞庭。或謂飛玩寇。張浚曰。兵有深機。胡可
易言。會召浚還。時以浚
督飛軍飛曰。願少留八日。可破賊。浚

岳侯神算

髯將軍銳不

可當

張浚忌岳飛

詔岳飛張浚

議事

陳公輔乞禁

程氏學

四人道德名

世

尹焞可謂恬

退

許之。飛且攻且招。果八日而湘湖平。浚曰。岳侯神算也。○劉猷劉豫子。豫大宋臣。降于金。寇淮西。為楊沂中所敗。猷曰。髯將軍銳不可當。金人乃大恐。○岳飛數言恢復。上曰。中興之事。一以委卿。時秦檜主和議。忌之。詔飛詣張浚議事。浚亦忌飛。浚欲以淮西軍事付王德。楊沂中等。飛不可。浚怒曰。固知非太尉不可也。飛時為太尉。遂與飛忤。飛即解兵柄乞歸。○陳公輔乞禁程氏學。胡安國言二程張邵四人道德名世。竟貶。○徵處士尹焞入殿說書。尋以疾辭。上曰。可謂恬退矣。○金襲汴。置尙

學書賢于他
好

晏敦復獨有
憂色

曾開不草詔
書

儒者所爭在
義

胡銓抗疏極
言和議之非

書行臺于此。上定都臨安。避之。○上取胡安國春秋傳置座右。廿四日讀一週。陳公輔阻之上。曰。學書賢于他好。春秋之義莫大復仇。高宗有不共戴天之仇。而不知復。亦何取讀春秋哉。○秦檜復入相。朝士相賀。晏敦復獨有憂色。檜堅意和金。金人有詔諭江南之名。上甘之。曾開不肯草詔。檜以執政許開。開曰。儒者所爭在義。爵祿弗與也。胡銓抗疏畧云。金以詔諭江南為名。是欲臣妾我也。劉豫我也。天下者。祖宗之天下也。陛下所居之位。祖宗之位也。奈何以祖宗之位。為金虜藩臣之位乎。今王倫之議曰。陛下一屈膝。則梓宮可還。中原可復。嗚呼。自變故來。何日不以此啗陛下哉。而卒無一驗。則虜之情偽見矣。就令虜決可和。盡如倫議。天下後世謂陛下何。

三軍不戰而

氣自倍

吳師古鉞其

書于木

牆牖皆格言

李綱為遠人所服

如主歟。區區之心。願斷檜等頭。竿之藁街。聲其罪。則三軍之士。不戰而氣自倍矣。否則臣有赴東海而死。寧能處小朝。疏上坐竄。吳師古鉞之于木。亦坐貶。金廷求活耶。

人募其疏千金。

朱熹謂為中興來奏議第一。

時李綱岳飛朱松

朱熹

父等皆力諫和議。俱不報。○晏敦復詆和議不止。秦

檜使人啗之。敦復曰。薑桂之性。到老愈辣耳。○吳玠

每讀史。往事可師者。錄之座右。積久。牆牖皆格言。玠

用兵本孫吳。金人不敢犯蜀。

玠守四川。

○李綱卒。綱以身

係宗社安危。每使者至。金人必問李綱安否。其為

遠人畏服如此。○岳飛駐郾城。與子雲數敗金兵。兩

岳飛郾城之捷

頂盆焚香

書生叩馬

岳飛班師

一日下十二

金字牌

劉錡順昌之捷

捷

兀術驚見順

昌旗幟

河豪傑景從。父老頂盆焚香迎飛者滿道。金人相諭曰。俟岳家兵來卽降。皆呼爲岳父。兀術金太子欲棄汴歸。有書生叩馬曰。自古未有權臣在內而大將能立功者。岳少保將不免能成功乎。乃止。未幾一日下十二金字牌召飛還。檜主和也飛憤泣班師。居民遮道哭聲震野。飛還河南郡縣盡爲金有。○劉錡守順昌大敗金兵。金人望見驚曰。此順昌旗幟也。皆北遁。○岳飛嘗讀秦檜奏疏。至德無常師。主善爲師二語。恚曰。大

臣而忍面欺其主耶。○秦檜思欲成和議。須殺岳飛。

背涅盡忠報
國四大字

事體莫須有
三字何以服
天下

天下太平

乃誘飛部將王俊誣飛手書有異謀。下飛父子獄。命
何鑄鞫之。飛以背示鑄。有舊涅盡忠報國四大字。深
入膚理。鑄白其冤。不聽。韓世忠憤憤詣檜詰其寔。檜
曰。手書雖不明。其事體莫須有。世忠曰。莫須有。三字。
何以服天下。遂殺飛父子。凡訟飛冤者多坐死。金人
聞飛死。酌酒相賀。飛自結髮從戎。卒年三十有九。敵
人嘗曰。撼山易。撼岳家兵難。上嘗欲爲飛營第。辭曰。
金虜未滅。何以家爲。上問天下何時平。對曰。文臣不
愛錢。武臣不惜死。天下太平矣。吳玠嘗以名姝歸之。

跨驢攜酒

洪皓忠貫日月

雖蘇武不能過

官職如讀書

飛辭曰。主上宵旰。豈人臣安樂時耶。飛號武穆。諡忠武王。其忠貞類如此。○韓世忠以論秦檜罷。家居謝客。時跨驢攜酒。縱遊西湖為樂。○時二帝俱死。千金獨韋太后尚存。上哀辭請之。乃歸。韋后并二帝喪。因冊上為大宋皇帝。○洪皓還自金。居金十五年。上曰。卿忠貫日月。雖蘇武不過也。皓見秦檜譏之。檜不悅。語皓子适曰。尊公信有忠節。得上眷。但官職如讀書。速則易終。而無味。未幾以忤檜罷。○金逼王倫降。倫南向慟哭。遂自縊。倫一死可贖前愆矣。○趙鼎不附和議。秦檜惡之。徙鼎吉陽。

此老倔強猶昔

三世同領史職

天地至微之理

高宗作損齋

軍鼎謝表云。白首何歸。悵餘生之無幾。丹心未泯。誓九死以不移。檜曰。此老倔強猶昔。鼎在軍中。語子曰。檜意在我。我生禍及一家矣。遂不食死。書曰。身騎箕尾歸天上。氣作山河壯本朝。鼎為中興賢相第一。○秦塤修撰實錄。祖父孫三世典史。塤秦檜孫。熺之子。熺寔王姓。檜無子立之。吁。天之報檜亦慘矣。不欲他人肆譏也。○秦檜死。檜居相一時忠良誅鋤殆盡。史斷曰。以檜彌天之罪。得保首領。以沒何哉。此天地至微之理也。太宗負太祖以亂其傳。故秦檜負高宗以隕其祚。至觀宣和殿。檜生玉枝。則宋亡之禍兆矣。○上以治道貴清心寡欲。乃作損齋。○虞允文使金。金主曰。

看花洛陽

立馬吳山

張浚冒雪而進

虞允文大敗金兵于采石
允文朕之裴度
高宗付託得人

我將看花洛陽爰命畫工繪臨安湖山于屏而圖已

之像于吳山絕頂金主有立馬吳山第一峯之句遂遷都汴分道南

侵金兵入廬州上欲航閩海建今福避之陳康伯焚詔

乃止時金兵方橫長江無一舟敢行獨張浚冒雪而

進入見上上時在建康衛士舉首加額無不倚以為重金

兵臨采石欲濟江時李顯忠督采石軍未至虞允文

奉命犒師見勢急即帥諸將大敗金兵允文還上曰

朕之裴度○上遜位皇太子脊自稱太上皇曰付託

得人吾無憾矣按脊太祖六世孫秀王偁之子高宗無子婁寅亮以太祖造宋能公天下

而子孫不及享為言。且岳飛張浚趙鼎等贊成之。吁。庶藝祖在天之靈慰矣。

孝宗皇帝

名昀。太祖六世孫。二十七年。隆興乾通淳熙三號。

封張浚魏國公。上

改容曰。朝廷所恃惟公。浚勸上堅意恢復。上嘉納之。

○朱熹知潭州。上封事曰。斯民休戚。係守令之賢否。

然本原之地。則在朝廷而已。○詔改岳飛葬。官其孫

六人。○辛次膺初力諫和議。被斥者三十年。至是知

樞密院。渡江後直臣。次膺為首。○張浚使李顯忠伐

金。復靈壁。

今鳳陽。

等地。上勞曰。十年來無此捷。朕倚公

為長城。顯忠與邵宏淵并力伐金。宏淵恥前功不自

渡江以後直

臣

十年來無此

克捷

倚魏公為長

城

魏公終身不
主和議

十弔十賀

舉朝皆婦人

允文材館錄
何如

已出。按兵不救。顯忠師敗。主和議者皆咎浚。上曰。今日邊事倚公爲重。人言何畏。浚竟被劾罷。尋卒。浚志恢復。終身不主和議。功雖不就。人稱其忠焉。○胡銓力言金不可和。誠不和金。無書名之恥。再拜之屈。去十弔而就十賀。利害較然矣。詩云。毋用婦言。今舉朝皆婦人也。不聽。○魏杞使金。金人脇杞去大宋。大字杞拒之。卒正敵國之禮而還。○劉珙曰。人言漢高輕儒非也。漢高英主。使遇名世。必敬信不暇。其所不重。特腐儒耳。○陳俊卿虞允文二人居相。並以人才爲

馳射圖恢復

春秋經中之史

綱目史中之經

三人學有淵源

三字佩之終身

朱熹得道統之正

急有所見聞。卽記之。號材館錄。故所用皆名士。○上射弩。斷絃傷目。陳俊卿曰。陛下有事馳射。以志恢復耳。誠能任將作士。則義氣奪敵人于萬里外矣。奚事馳射哉。○朱熹通鑑綱目成。邱氏曰。春秋經中之史。綱目史中之經。春秋以後。僅見此書也。○朱松知饒州。病危。囑熹曰。胡憲。藉溪先生。劉勉之。白水先生。劉子翬。屏山先生。三人學有淵源。汝往師之。熹就學焉。及舉進士。復師李侗。蓋子翬嘗以易之不遠復三字。俾佩之終身。故熹得道統之正。自子翬。○楊甲對策言恢復之不堅者二。上不悅。置之第五。○張栻

楊甲對策

孝宗恢復不

堅二事

進對自盟于

心

聖門有人

敬夫大本卓

然

朱熹政事可

觀陳賈乞禁偽

學

浚子字敬夫。

卒病危。猶手疏勸上親君子。遠小人。每進對

必先盟心。嘗師胡宏。宏曰。聖門有人矣。朱熹亦言已

之學。乃積累而成。敬夫則大本卓然。○呂祖謙號東萊。夷

簡五世孫。作大事記。上接春秋。學以關洛為宗。一日誦孔

子躬自厚薄。責于人。句。忽覺平時忿恨。渙然冰釋。朱

熹言學如伯恭。字謙。方能變化氣質。○浙東飢。王淮宰

薦朱熹提舉。浙東熹至。下令米商悉蠲其征。四方米

至者輳集。上曰。朱熹政事却有可觀。○下朱熹社倉

法于諸路。豐年積穀。以脩民飢。○陳賈奏朱熹假道學。乞禁革

平生所學四字

上從之。尤袤曰。道學者。堯舜之帝。禹湯文武之王。周

公孔孟之教皆是也。豈宜禁革不聽。以熹嘗抗疏論王淮親家故淮

令賈。○上皇崩。上欲致三年喪。羣臣不可。上曰。自我

作古何害。自漢文變古以來能終喪者孝宗一人而已。○朱熹欲入奏。或

曰。正心誠意之論。上所厭聞。毋復言。熹曰。平生所學

惟此四字。熹投匭進封事。上善之。令崇政殿說書除

主太乙宮。○上傳位太子。自稱太上皇。

光宗皇帝。名熹。孝宗三子。五年號紹熙。劉光祖乞禁道學之譏。王介

對策。亦言今之道學皆今之正人也。今一網盡之。而

留正引裾泣
諫

尊天下第一
等人

天下以道學爲諱。何以立國乎。自是道學之譏少息。
○上欲誅宦者。宦者遂謀離間兩宮。因言上皇有廢
上而立上子擴之意。上遂不朝上皇。上皇疾。留正請
上問之。上拂衣起。不聽。○使者自金還。金人問朱熹
先生安在。乃以朱熹知潭州。○上皇崩。上疾不執喪。
中外謗之。上臨朝忽仆地。趙汝愚等謀以太后旨禪
位嘉王擴。擴固辭。已乃卽位。

寧宗皇帝

名擴。光宗三子。三十年。慶元嘉泰開禧嘉定四號。

初黃裳爲嘉王翊

善。曰。欲進德修業。須尊天下第一等人。因以朱熹對。

朱熹極言四事

一網打盡

天下號爲六君子

蔡元定請以著快

朱子更號遜翁

至是召入經筵。○朱熹極言四事。韓侂胄惡之。使優人峩冠濶袖象大儒。戲于上前。因謗熹不可用。乃罷熹。熹在朝四十六日。知無不言。○韓侂胄欲害趙汝愚。曰。彼宗室也。誣以逆謀。則一網盡矣。遂罷汝愚。太學生楊宏中等六人。伏闕上書。言汝愚之忠。皆被竄。天下號六君子。自是大權盡歸侂胄。○朱熹家居草封事。極言趙汝愚冤。蔡元定熹門人懼賈禍。請卜之。值遜。熹乃焚藁。自號遜翁。○韓侂胄論朱熹十罪。因言蔡元定佐熹爲邪。乃貶元定于道州。熹與從游數百

季通不挫之

節

孔孟正脈

元定老友

令書不是偽
道學五字

柴中行不願
考校

人餞別泣下。而元定笑語不異。平時熹喟然曰。友朋
相愛之情。季通元定字不挫之節。可謂兩得矣。初元定
父以程氏語錄邵氏經世張子正蒙授曰。此孔孟正
脈。長師于熹。熹叩其學。驚曰。此吾老友。不當在弟子
列。及去道州。從者曰。衆逾年卒。學者號西山先生。
時試進士。必令書不是偽道學五字。柴中行云。自幼
讀程氏易傳。如以為偽。不願考校。士論壯之。許及
之。諂事韓侂胄。每屈膝求之。嘗值侂胄誕賀之後。至
不得入。遂從竇進。時有由竇尚書屈膝執政之誚。

朱熹絕筆

黃幹知言

到處及物卽
功業

趙師霽諂事韓侂冑。侂冑嘗遊苑曰。此間特少雞鳴
大吠。俄聞吠聲。視之乃師霽也。○朱熹卒。諡文號
晦菴。所
著甚博。而絕筆于大學誠意章。從者甚廣。其最知名
則黃幹李燔等。幹嘗曰。由孔子而後。曾子子思得其
微。至孟子而始著。由孟子而後。周程張子繼其絕。至
熹而始著。李燔嘗曰。凡業不必待位。但隨力到處有
以及物。卽功業也。熹稱曰。他日任斯道者必燔也。○
處士呂祖泰上書乞斬韓侂冑曰。道學自古所恃爲
國。而禁逐之。是將空陛下之國而不悟耶。侂冑怒。乃

史彌遠請殺
侂冑

孟宗政威名
震外

催科中撫字
刑罰中教化
趙方名言

貶祖泰。○金兵分道南侵。上懼請和金人要以五事。
內一在誅韓侂冑。史彌遠侍郎遂乘此殺侂冑。而金兵
乃息。○元太祖奇渥溫姓鐵木真名始稱帝。太祖為蒙古酋
長。時宋有號。至世祖始號大元。○劉燭乞開偽學禁。追復趙汝愚等
秩。刊朱熹四書于太學。○元侵金兩河。遼東俱下。金
主遷都于汴。○孟宗政大敗金人。金人自是不敢窺
襄漢。威名大震。金人呼曰孟爺爺。○趙方令青陽曰。
催科不擾。催科中撫字。刑罰不差。刑罰中教化。人以
為名言。迨守襄陽十年。以戰為守。隱然有樽俎折衝

趙方樽俎折衝

蜀人始知有學

之風。元主滅回國。見一異獸能言。耶律楚材曰。此名角端。日行萬八千里。上天惡殺。遣之以告陛下。元主即日班師。上崩無子。史彌遠與楊后矯詔立沂王繼子貴誠。更名昀。昀太祖十世孫德昭後也。

理宗皇帝

名昀。太祖十世孫。四十年。寶慶紹定。端平。嘉熙。淳祐。開慶。景定。八號。魏了翁開

陳邊事被劾。遂築室白鶴山。士爭負笈從之。蜀人始

知有學。○潘壬起兵。立濟王竑為帝。竑亦沂王繼子。寧宗立為太子。

竑不從。自討平之。史彌遠誘殺竑。真德秀曰。爭立非

濟王本意。奈何殺之。○追贈張九成。崇國公。以成正

三凶四木

此舉大快公
論
心同理同

色立朝。有中興明道功。○梁成大等三人。趙汝述等
四人。共爲史彌遠鷹犬。人號三凶四木。○罷真德秀
魏了翁。梁成大曰。真德秀乃真小人。魏了翁乃僞君
子。此舉大快公論。識者笑之。○陸九淵號象山曰。東海
有聖人出焉。此心同。此理同也。至西南北海。以及百
千萬世。有聖人出焉。此心此理。亦莫不然。嘗與朱熹
遊白鹿洞。講論相契。○陸九齡九淵弟曰。晝觀諸妻子。
夜卜諸夢寐。兩無所愧。始可言學。○圖功臣二十四
人于崇德閣。以趙普爲首。贈朱熹徽國公。熹子朱在侍郎人

恨不與之同
時

知孝不堪與
成大同傳

擬宋真德秀
進大學衍義
德秀直聲震
朝廷

古列傳要卷五

三

對上曰。先卿中庸序。朕讀之。不忍釋手。恨不與之同
時也。德秀了翁熹匹儔也。而竄之。熹卽同時。竄或不免。能用乎。○元議與宋伐金。
金使人至宋曰。元人滅國四十。以及夏。夏亡及我。我
亡必及宋矣。上不從。金主棄汴走。元兵執其諸王以
去。而困辱之狀。尤甚徽欽焉。○梁成大羽翼史彌遠。
雖李知孝與之共事。猶鄙之。嘗曰。所不堪者。他日與
成大同傳耳。○元滅金。或請宜定中原。上從之。遂襲
汴。爲元兵大敗歸。自是淮陽無寧日矣。○召真德秀。
魏了翁爲學士。德秀進大學衍義。慨然以斯文自任。

德秀以斯文
自任

北方始知經
學
幼童拜受藥
酒

好名孟子所
不取

諸生相慶得
師
姚樞隱于蘇
門

凡奏疏皆切時務。直聲震朝廷。了翁入對甚悉。上俱
嘉納之。○元破許州。得姚樞。姚復二人至燕。北方始
知經學。○元破蜀。劉銳度不免。聚家人飲藥酒。積屍
焚之。有幼子六歲。賜藥酒。猶拜受。銳尋自刎。○陳埴
史彌遠外甥。上疏乞去君側之蠱。彌遠責曰。何爲好名。埴
曰。好名孟子所不取。然求士于三代之上。惟恐好名。
求士于三代之下。惟恐不好名。埴非好名。特權辭以謝耳。至是拜
司業。諸生相慶得師。○追封周程張朱五人從祀孔
子廟。黜王安石祀。○元姚樞棄官隱于蘇門。誅茅爲

室堂龕

音堪畫也

魯司寇像。傍列周程張邵司馬六君子。

姚樞以道自任

讀書其間。以道自任。○元耶律楚材多直言。元主每

士論稱為六君子

見楚材來。輒曰。汝又為百姓哭耶。楚材曰。臣非好言。

楚材名言

但人主與一利。不若除一害。生一事。不若減一事也。

諸生作捲堂文

人以為名言。○太學生黃愷伯等。上書論史嵩之。不

史范俱相

報范鍾。惡其言事。欲逐之。諸生聞之。作捲堂文。

班聲如雷。儒者乃有此

以辭先聖。即日俱行。○余玠帥師平蜀。王夔率所部

來謁。班聲如雷。而玠自若。夔退曰。儒者乃有此人。玠隨以計斬夔。蜀民愛玠如父母。○元廉希憲雅嗜書。

人

廉孟子

稱師臣而不名

許衡陳時務五事讀書欲何為

一日攜孟子與太弟言太弟善之目為廉孟子○元

圍鄂州急賈似道密稱臣納貢乃解而上不知詔褒

其功○賈似道置公田法似利民徐經孫陳著陳茂

濂皆上疏去時稱三烈○置權場于樊城元誘宋置此而元因

據田是元兵有據以遏南北之援乃中元人計也

度宗皇帝名櫟理宗姪理宗無子立之十年號咸熙賈似道以太師封魏國

公上每稱師臣而不名朝臣皆頌為周公○元中書

許衡陳時務五事元主納之衡少受業輒叩其師曰

讀書何為師曰應舉耳衡曰恐不止是師退語人曰

許衡穎悟過

人

人心猶印板

係籍聖賢

希憲已受孔子戒

此兒他日必過人吾非其師也。後果師事姚樞。以道自任。嘗曰。人心猶印板。板本不差。雖摹千萬紙皆然。○客有盛稱徐安裕者。謝枋得曰。昔呂伯恭中第歸學者。請升講座。陳同父曰。宰相可生殺人。臺諫可彈劾人。國子監官可考校去取人。此三等謂之係籍聖賢。開口高談。無敢爭辨。今伯恭未是係籍聖賢也。伯恭大笑而止。安裕固係籍聖賢。是宜子之頌也。客大慚。○元主令廉希憲受八司馬戒。對曰。臣已受孔子戒。元主曰。孔子亦有戒耶。曰。臣戒不忠。子戒不孝。是

似道鬪蟋蟀

教人與用人
相反

汪立信三策

也。○樊城圍急。賈似道方與羣姬鬪蟋蟀。有狎客戲
曰。此軍國重事耶。適上有問邊事。對曰。樊城今襄陽之
困已三年矣。似道訪其人。誣之死。自是無敢言邊事
者。○元以許衡為祭酒。嘗語諸生。今讀一書。必于自
身理會有可用否。又曰。教人與用人反。用人當于其
長。教人當于其短。又曰。學者治生最急。苟生計不足。
則必嗜利以喪所學。又曰。書中有疑。要看到無疑。無
疑又要看出有疑。其教術類如此。

恭宗皇帝

名顯度。宗子。二年號德祐。

上年四歲。太后臨朝。○汪立信

古史重刊卷三

三

陳三策于賈似道

上策沿江置守。江岸相距七千里。百里一屯。屯有守將。十屯為府。府

有總督。其尤要害處。三倍其兵。無事泛舟往來。有事東西齊擊。中策輸幣緩師。下策則銜壁輿櫬矣。似

道抵策于地。及元兵圍建康。立信遇似道于蕪湖。似

道慚悔。立信歎曰。今江南無一寸乾淨地。我去尋一

片趙家土死耳。○元兵徇池州。趙昂發

通判語妻雍氏

曰。汝歸。吾當死此。妻曰。命官命婦一也。君為忠臣。妾

獨不可為忠臣婦乎。遂同縊。書于几曰。國不可背。城

不可降。夫婦同死。節義成雙。○元兵徇饒州。舊相江

萬里死之。初萬里聞襄陽陷。鑿城芝山。扁其亭曰止

趙昂發節義成雙

扁亭止水

文天祥起兵入衛

忠臣之家

長嘯非聖門
居敬之道

柳岳如元請
行成

水人莫之喻。至是遂赴止水死。○知贛州文天祥起兵入衛。其友止之。天祥泣曰。固知無濟也。但樂人之樂者。憂人之憂。食人之食者。死人之事耳。○汪立信聞王師敗。遂扼吭而卒。元伯顏入建康。聞立信三策。歎曰。宋能用之。吾安得至此。求其家厚恤之。曰。忠臣之家也。○王柏少慕諸葛。自號長嘯。及讀居處恭二句。歎曰。長嘯非聖門居敬之道。亟更魯齋。○時江南郡縣降陷者半。守令悉竄。使柳岳如元行成。伯顏曰。汝國得天下于小兒。亦失于小兒。其道如此。尚復何

尹穀招鄉人行冠禮

尹穀舉家自

焚

文天祥不屈

杭潮五日不至

言不許。○元過潭州。尹穀進為二子冠。招鄉人行冠

禮。曰。欲令兒曹冠帶。見先人于地下。遂俱焚。○元逼

臨安。今杭州。陳宜中白太后奉璽降。文天祥被擒。楊亮

節奉益王昞。音是。廣王昀由温州航海至福州。與張世

傑陸秀夫等奉益王即位。天祥亦亡歸福州。圖興復。

○元兵分駐錢唐江沙上。人方幸必為潮溺。而潮水

五日不至。○元分南人為十等。儒列于九。介娼丐之

閒。

端宗皇帝

名昞恭宗兄。三年號景炎。

李庭芝鎮揚州不下。元以太后

李庭芝斬使
焚詔

此皆節義文
章

李芾死節

詔諭芝曰。奉詔守城。未聞以降也。芝開壁納使斬之。
卒爲元兵所殺。揚民莫不流涕。○興化軍陷。陳文龍
被執。指其腹曰。此皆節義文章也。可相逼耶。遂不食
死。○上爲元兵所逼。舟居泉州。徙潮州。抵峒州。崩。
十

帝昀

名昀。端宗弟。
二年號祥興。

元兵襲文天祥。虜其妻歐陽氏。子佛

生環生。而天祥與子道生遁。元追之急。趙時賞曰。天
祥若死。宋無賴矣。遂誑元人曰。我天祥也。執之。而天
祥乃得脫。○李芾召帳下沈全忠曰。吾分當死。吾家

沈全忠自刎

陸秀夫正笏

立朝

日書大學章

句進講

陸秀夫死節

人不可辱。忠泣下。芾引頸受刃。忠盡殺之。遂自刎。

上播越崖山。陸秀夫儼然正笏。如立治朝。雖流離中。

猶日書大學進講。○元以舟師並進。宋師大潰。陸秀

夫負上同溺。亡年八歲從死者十餘萬人。張世傑欲求趙

氏後復興。至中流。颶風大作。世傑仰天呼曰。豈天意

耶。天不欲存趙。大風覆我舟。舟遂覆。

○元紀奇渥溫姓都燕今順天府。凡十君。得年八十有九。

世祖皇帝名忽必烈。太祖四子。十六年。至元至正二號。擒宋丞相文天祥。兆

去。天祥八日不食。猶生。孛羅召見。天祥長揖不屈。孛

事君如事父
母

文天祥正氣
歌

羅詰以古今興廢。天祥曰。一部十七史。從何處說起。
李羅曰。汝立二王。何濟。對曰。人臣事君。如子事父母。
雖父母疾不可救。豈有不進藥之理。盡吾心焉。不可
爲則天也。乃下天祥獄。在獄作正氣歌云。天地有正
氣。雜然賦流形。下則爲河嶽。上則爲日星。于。人。曰。浩
然。沛。乎。塞。滄。溟。在。齊。太。史。簡。在。晉。董。狐。筆。在。秦。張。良
椎。在。漢。蘇。武。節。爲。嚴。將。軍。頭。爲。嵇。侍。中。血。爲。張。睢。陽
齒。爲。顏。常。山。舌。或。爲。遼。東。帽。清。操。勵。水。雪。或。爲。出。師
表。鬼。神。泣。壯。烈。或。爲。渡。江。楫。慷。慨。吞。胡。羯。或。爲。擊。賊

牛驥同皁
雞栖鳳凰食

古道照顏色

啼鵲帶血歸

笏。逆。豎。頭。破。裂。是。氣。所。磅。礪。凜。冽。萬。古。存。當。其。貫。日。
月。生。死。安。足。論。嗟。予。遘。陽。九。隸。也。實。不。力。楚。囚。纓。其。
冠。傳。車。送。窮。北。牛。驥。同。一。皁。雞。栖。鳳。凰。食。一。朝。濛。霧。
露。分。作。溝。中。瘠。哀。哉。沮。洳。場。爲。我。安。樂。國。顧。此。耿。耿。
在。仰。視。浮。雲。白。悠。悠。我。心。憂。蒼。天。曷。有。極。哲。人。日。已。
遠。典。型。在。夙。昔。風。簷。展。書。讀。古。道。照。顏。色。附過金陵
詩云草舍
離宮轉夕暉。孤雲飄泊欲何依。山河風景原無異。城
郭人民半已非。滿地蘆花和我老。舊家燕子傍誰飛。
從今別却江南日。天祥留燕三年。坐卧小樓。足不履
化作啼鵲帶血歸。地上欲用之。對曰。倘緣寬假。得以黃冠歸故鄉。他日

成仁取義

讀書所學何

事

問文天祥謝

枋得二公死

節何如

俱不失爲忠

臣

平生爲虛名

所累

方外脩顧問可也。因乞死。上不忍。左右力贊之。遂殺天祥。臨刑。從容語曰。吾事畢矣。南向再拜。乃就刃。其衣帶中有贊云。孔曰。成仁。孟曰。取義。惟其義盡。所以仁至。讀聖賢書。所學何事。而今而後。庶幾無愧。南北聞者。無不流涕。○詔求南人有才者。魏天祐以謝枋得號壘薦。枋得兩以書辭。竟執之北去。或謂其不死。枋得曰。程嬰公孫杵臼。一死十五年之前。一死十五年之後。俱不失爲趙氏忠臣。至燕。五日不食死。○許衡卒。語子曰。我平生爲虛名所累。不能辭官。死後勿

聖人精義殆不止是

加封孔子大成至聖文宣王

雙斧伐枯樹

請諡立碑。但書許某之墓。令子孫識其處足矣。○劉因閱經書訓詁。歎曰。聖人精義殆不止是。及見周程諸書。曰。我固謂當有是也。因評曰。周至精。邵至大。程至正。朱子極其精。極其大而貫之以正也。累徵不起。成宗皇帝名鉄木耳。世祖孫。十三年。元貞大德二號。加封孔子大成至聖文宣王。

武宗皇帝

名海山。順宗子。六年。號至大。

丞相阿沙不花曰。陛下麴蘖

是好。姬嬪是耽。猶雙斧伐枯樹也。

仁宗皇帝

名愛育黎拔力八達。順宗次子。十年。皇慶延祐二號。

李孟曰。陛下御極。

此書有益國家

治天下此一書足矣

國史院萬世公論

賜幣旌直

問拜住為相三畏何如

物價頓減。方知聖人神化之速。上曰。踐祚未及月。豈有物價頓減之理。此言非所賴也。孟慚退。○上讀貞觀政要曰。此書有益國家。見大學衍義曰。治天下此一書足矣。俱命刊行。○上曰。人言御史臺任重。朕謂國史院尤重。御史臺是一時公論。國史院乃萬世公論也。

英宗皇帝

名碩德八剌。仁宗子。四年。號至治。

元夕欲張燈結綵。張養浩

諫以非居喪所宜。上賜之帛。○拜住為相曰。臣有三畏。畏辱祖宗。畏識見未盡。畏年少不克負荷。上曰。今

盤圓則水圓

朱子道問學居多

范梈可方東漢君子

亦有魏徵乎。對曰。盤圓水圓。孟方水方。有太宗則有

魏徵矣。○吳澄嘗言朱子道問學居多。陸子尊德性

為主。○上與拜住勵精圖治。奸黨鉄失等畏誅。乃弑

上及拜住而迎皇叔也。孫鉄木兒即位。

泰定皇帝名也。孫鉄木兒英宗叔。五年。天定致和二號。首誅鉄失等正其罪。

而海內翕然向服。

明宗皇帝名和世疎。武宗長子。初封周王。出鎮雲南。泰定崩。大臣迎立之。半年。號天恩。

文宗皇帝名圖帖睦爾。武宗次子。五年。號至順。范梈居官多異績。吳澄曰。

梈獨行可方東漢君子。

寧宗皇帝

名懿璘質班。明宗次子。文宗崩子幼。遣命立之。在位兩月而崩。年七歲。

順宗皇帝

名安權。帖睦爾。明宗長子。三十六年元統至。元至正三號。

元年正朔。汴城。

為學猶五味
在和

徽宗惟一
不能

雨血。○金履祥語許謙曰。士之就學。猶五味在和。醢鹽既和。則酸鹹頓變。子見我三日矣。猶夫人也。豈吾之學無以變子乎。謙乃力學數載。盡得履祥之妙。○上嘗閱宋徽宗畫稱善。嘆嘆曰。徽宗多能。惟一事不能。上問何事。對曰。獨不能為君。○虞集嘗讀柳子厚非國語曰。國語誠非。柳子之語亦非也。作非非國語謂之。○虞集與弟槃構二室。左書陶潛詩曰。陶菴右。

文章以氣為主

主

一代文章巨擘

擘

石人一隻眼

西夏車馬名

五

書堯夫詩曰邵菴○楊載宰國府推官文章以氣為主故

范梈楊載虞集俱一代文章巨擘云○丞相脫

脫多忠計與哈麻隙哈麻劾之令出督征多捷未幾

為哈麻矯詔殺而國遂不可為○上荒淫日甚與西

番僧演撲兒法令宮女戲為天魔舞○役民開黃河

民愁冤思亂先是童謠云石人一隻眼挑動黃河天

下反及開河果得石人一眼○劉福通倡言韓山童

係宋徽宗後奉以起兵紅巾為號初山童父以白蓮會聚眾妖言山童

乃彌勒佛下後山童死更立韓林兒山童稱小明王生民多信之

國號朱建都亳州

後為張士誠滅

○徐壽輝以妖術聚眾亦

紅巾為號據蘄州及徽杭等地稱帝國號天完

後為陳友

諒

○方國珍據浙江等地明王珍據成都等地

後俱明太

祖

○張士誠據蘇松等地稱吳王國號周

後為明太祖滅

陳友諒

徐壽輝將弒輝自立

據江西等地國號漢

後為明太祖滅

○明

太祖起兵據金陵不十年而四海削平元主為明太

祖兵促夜半率后妃太子北遁明太祖以其知順天

命特諡曰順

古史輯要卷六

○明紀

朱姓。濠州人。都應天。後永樂遷都順天。自洪武至崇禎共十七帝。自洪武元年至崇禎十

七年。共二百

七十有八年。

太祖高皇帝

名元璋。字國瑞。號洪武。在位三十一年。

父世珍。始徙濠州之

紅光滿室

鍾離。母陳氏方娠。夢神授藥一丸。吞之。及誕。紅光滿

室。自是夜數有光起。鄰里驚以爲火。輒奔救。至則無

有。年十一。父母及兄俱疫死。孤無所依。乃入皇覺寺

爲僧。嗣遊食江淮三年。海內寇賊蜂起。定遠人郭子

興起兵據濠。太祖年二十四。謀避兵。卜于神。去留皆

神
謀避兵卜于

縱還婦女

常遇春先登

不吉。卜舉大事吉。遂往。子興奇其狀貌。妻以所撫馬公女。卽高皇后也。是冬元將賈魯圍濠。太祖與子興力拒之。嗣與徐達、湯和、費聚等南畧定遠。計降驢牌寨民兵三千。與俱東。子興用太祖計。遣張天祐等拔和州。檄太祖總其軍。諸將皆惶恐。搜軍中所掠婦女縱還家。民大悅。○郭子興卒。常遇春來歸。太祖擊海牙于峪溪口。大敗之。遂定計渡江。乘風引帆。直達牛渚。常遇春先登。拔之。太祖謂諸將曰。太平甚近。當與公等取之。遂乘勝拔太平。○大破海牙于采石。進

解甲酣寢達旦
我來爲民除亂

攻集慶擒陳兆先降其衆三萬六千人皆疑懼太祖
擇驍健者五百人入衛解甲酣寢達旦衆心始安○
再敗元兵于蔣山太祖入城諭曰我來爲民除亂其
各安堵如故吏毋貪暴虐殃吾民改集慶路爲應天
府時張士誠自淮東陷平江轉掠浙西太祖旣定集
慶患士誠強江左浙右諸郡爲所并于是遣徐達攻
鎮江拔之諸將奉太祖爲吳國公貽書張士誠○遣
使招諭方國珍謀取浙東未下諸路戒諸將曰克城
以武戡亂以仁吾比入集慶秋毫無犯故一舉而定

師行如火不戢將燎原

爲天下屈四先生

花雲被縛奮起

夫師行如火。不戢將燎原。爲將能以不殺爲武。豈惟國家之利。子孫實受其福。○方國珍以溫台慶元來獻。○徵劉基。朱濂葉琛章溢至。曰。吾爲天下屈四先生。賜坐。○基元進士。授高安丞。以不合去。縱遊西湖。嘗言金陵有天子氣。○陳友諒攻陷太平。知府許瑗死之。守將花雲被縛。奮起奪刀。連殺數人。賊碎其首。至死罵不絕。妻郤氏赴水死。○陳友諒弑其主徐壽輝。自稱皇帝。國號漢。盡有江西湖廣地。約士誠合攻。應天應天大震。諸將議先復太平。以牽之。太祖曰。不可。乃馳諭胡大海。擣信州。牽其後。

康茂才給友諒

與友諒接戰
鄱陽湖

而令康茂才給友諒。令速來。友諒果引兵東。常遇春等以舟師出龍江關。乘大雨擊之。友諒敗走。遂復太平。分徇南康。建昌。饒。蘄。黃。皆下之。○朱文正守南昌。陳友諒大舉圍之。太祖自將救南昌。與友諒接戰于鄱陽湖。友諒兵號六十萬。連巨舟爲陣。望之如山。遇於康郎山。太祖分軍十一隊以禦之。會日晡。大風起。乃命敢死士操七舟。實火藥蘆葦中。縱火焚舟。風烈火熾。湖水盡赤。友諒兵大亂。屢敗。退保渚磯。中流矢死。其子理奔武昌。○張士誠自稱吳王。○太祖圍武

太祖卽吳王
位

昌分徇湖北諸路皆下。○太祖卽吳王位。建百官。○
追痛死節諸臣。悉封廟祀。蔭其後。諭曰。立國之初。當
正紀綱。元氏闇弱。威福下移。馴至于亂。今宜鑒之。○
命徐達常遇春帥師二十萬討張士誠。諭曰。城下之
日。無妄殺掠。取勝之道。宜先攻湖州。諸將領命行。蘇
杭悉平。囚士誠送建康。士誠自縊。○召諸將議北征。
太祖曰。元建國百年。守備必固。吾欲先取山東。撤彼
屏蔽。移兵兩河。破其藩籬。拔潼關而守之。天下形勝。
入吾掌握。然後進兵元都。勢孤援絕。不戰自克。鼓行

設起居注二員

但願陛下法堯舜

郡各一衛

以太牢祀孔子

而西雲中九原關隴可席卷也。諸將皆曰善。○元年羣臣勸太祖卽皇帝位。從之。定有天下之號曰明。建元洪武。立取士法。置翰林院。設起居注二員。記言動。立妃馬氏爲皇后。帝語羣臣曰。后向遇朕。征輒以不殺爲勸。其視唐太宗長孫后尤過也。后聞曰。妾安敢比長孫后。但願陛下法堯舜耳。立標爲太子。命李善長等傳之。○命劉基定律令曰。毋示兩端。令奸吏得託也。○定兵制。郡各一衛。有事詔總兵官佩將印督之。無事則還所佩印。權歸朝廷。○以太牢祀孔子。仍

遣使訪求賢才

立功臣廟于雞籠山

定內侍官制

遣使曲阜致祭。○時廣東廣西福建山東悉平。乃命徐達直取元都。元主率后妃太子北遁。達等入城市。不易肆。止封其府庫圖籍。禁士卒侵暴。○遣使分行天下訪求賢才。○劉基致政歸。上手詔復召基至。賜其祖父公爵。○年。立功臣廟于雞籠山下。享太廟。詔曰。朕淮右布衣。因天下亂。率眾渡江。保民圖治。今十有五年。荷天眷佑。悉皆戡定。用是命將北征。齊魯之民。饋糧給軍。不憚千里。朕軫厥勞。已免元年田租。其北平燕南河南山西今年田租。悉除之。○定內侍官制。

大封功臣

制諭吏部曰。內臣但備使令。毋多人。馭之之道。當使之畏法。勿令有功。○常遇春克開平。七月卒于軍。詔李文忠領其衆。○三年。徐達爲征虜大將軍。李文忠馮勝鄧愈湯和副之。分道北征。○時久旱。帝素服草履步禱山川壇。露宿。凡三日大雨。○北征師還。告武成于郊廟。大封功臣。進李善長韓國公。徐達魏國公。封李文忠曹國公。馮勝宋國公。鄧愈衛國公。常遇春子茂鄭國公。湯和等侯者二十八人。設壇親祭。戰沒將士。○四年。潁川侯傅友德爲征虜前將軍。率步騎由秦

開國文臣第

一

合祀天地

罷出書廢丞
相

隴伐蜀克階州至重慶下成都四川悉平明昇降封

歸義侯○六頒昭鑒錄訓誡諸王令有司上山川險

易圖○八致仕誠意伯劉基卒基輔上籌畫中原每

抗言直議帝以子房况之賜誥曰學為帝師才本王

佐渡江策士無雙開國文臣第一卒之先以所習天

文祕書封授子槿上之○九遣官省厯代帝王陵寢

禁芻牧○十二始合祀天地于南郊○十三胡惟庸

謀反伏誅惟庸誑言井出甘泉邀上往觀圖弑賴內使門者雲奇止駕為左右捶死上覺族惟

庸立廟以祀雲奇○罷中書省廢丞相等官以胡惟庸故更定六

仁
后嘗濟以寬

南
沐英留鎮雲

部官秩立中左右前後五軍都督府○十四年傅友德

藍玉沐英帥師征雲南諸路俱降雲南平○十五年馬

后崩后性恭儉既貴服澣濯之衣上以威武治天下

后嘗濟以寬仁及病不肯服藥曰死生有命使服藥

不瘳陛下寧不以愛妾之故而殺諸醫乎上痛悼終

身不復立后○十六年召征南師還沐英留鎮雲南復

鳳陽臨淮二縣民繇賦世世無所與又免畿內各府

田租○十八年魏國公徐達卒達用兵如神善拊循其

下得壯士與謀輒不殺恩結爲我用所至民皆不擾

好談經術古事

富老其才輔汝

法外用刑本非常典

歸朝。單車垂橐。生平無聲酒伎。朕之好。親禮儒生。好談經術古事。在北平。疽發背卒。上爲輟朝。親製神道碑。○二十皇太子標薨。謚懿文。立皇孫允收爲皇太孫。○四年徵方孝孺至。寧海人。帝喜其舉動端嚴。謂皇孫曰。此莊士。當老其才輔汝。除漢中府學教授。○二十涼國公藍玉謀不軌。伏誅。坐其黨數萬人。○二十諭羣臣曰。朕起兵至今四十餘年。灼見情僞。懲創奸頑。或法外用刑。本非常典。後嗣止循律與大誥。不許用黥刺。剗閹割之刑。又曰。朕罷丞相。設府部都察院。分

改定律法多
從寬大
召方孝孺為
侍講

燕王內自危

理庶政。事權歸于朝廷。嗣君不許復立丞相。皇親惟
謀逆不赦。餘罪宗親會議取上裁。○頒皇明祖訓條
章于中外。○三十一年帝崩。年七十有一。

恭閱惠皇帝

名允收。太祖孫。懿文子。號建文。在位四年。

帝生頴慧好學。性至

孝。懿文太子薨。居喪毀瘠。又佐太祖改定律法。多從
寬大。即位後。即召漢中教授方孝孺為翰林院侍講。
○諸王以尊屬擁重兵。多不法。帝納黃子澄齊泰謀。
欲因事削除之。憚燕王強。未發。乃先廢周王橚。湘。
代。桂。棣。齊。岷。皆以罪廢。燕王內自危。徭狂稱疾。建

文元年下詔讓燕王并逮王府官僚。棣舉兵反。紿謝貴張昺殺之。遂奪九門。上書天子。指泰子澄爲奸臣。舉兵自署官屬。稱其師曰靖難。拔居庸關。克遵化。永平。耿炳文及燕兵戰于滹沱河。敗績。乃遣李景隆代領其軍。燕王聞之曰。李九江。景隆小字豎子耳。寡謀而驕。其今之趙括乎。○二年李景隆軍敗。退駐德州。復合大軍進戰。繞出王後。飛矢雨注。王三易馬。矢盡劍折。走登堤。燕將士皆失色。會旋風起。折大將旗。王乘風縱火。官軍死者十餘萬人。郭英潰而西。景隆潰而南。參

鐵鉉誤傷王馬

李景隆叛納燕兵

政鐵鉉都督盛庸悉力禦之。擊敗燕兵。濟南圍解。鉉詐降誘王至城急下鐵板誤傷王馬。王以十餘騎逼庸營。野宿。及明起視。已在圍中。諸將以天子有詔。毋使負殺叔父名。愕眙不敢發一矢。是日復戰。兩軍相勝負。東北風忽起。塵埃蔽天。官軍大敗。三年。貶齊泰黃子澄。諭罷燕兵。王不奉詔。四年。詔天下勤王。慶成郡主如燕師。議割地以和不聽。燕兵渡江。盛庸戰于高資港。敗績。燕兵犯金川門。谷王穗及李景隆叛納燕兵。都城遂陷。宮中火起。帝不知所終。燕王遣中使出。帝后屍于火中。

方孝孺被執
不屈

百世後逃不
得一箇字

越入日葬之。或云帝由地道出。滇黔巴蜀間相傳有帝爲僧時往來跡。○燕王駐龍江。下令撫安軍民。大索齊泰黃子澄方孝孺等。榜其姓名曰奸臣並夷其族。坐奸黨死者甚衆。方孝孺被執不屈。乃哀經入見。哀聲徹殿陛。王曰。我法周公輔成王耳。奈成王不在。何。曰。成王子固在。王曰。先生毋太苦。此吾家事耳。因授筆強之草卽位詔。孝孺擲筆于地。哭且詈。王大怒。命夷九族。親故坐死者八百餘人。○劉璟逮繫至京。見上猶稱殿下。且云殿下百世後逃不得一箇字。

詔下獄。自經。尙書暴昭鐵鉉陳迪皆不屈死。

成祖文皇帝

名棣。太祖四子。號永樂。在位二十二年。

復周王橐齊王樸代

改北平曰順天府

王桂岷王榘舊封改北平曰順天府。○命解縉黃淮

入直文淵閣。尋命胡廣楊榮楊士奇金幼孜胡儼同

入直。並預機務。○二年賜曾榮等進士及第出身有差。

選進士爲翰林院庶吉士

始選進士爲翰林院庶吉士。○景清一日早朝。緋衣

入。先是日者奏異星犯帝座甚急。及朝清獨著緋。收

之得所藏刃。遂伏誅。命族之。籍其鄉。轉相攀染。謂之

瓜蔓抄。吏部請罪千戶。違例薦士者。上曰。馬周不因

瓜蔓抄

常何進乎。才則授官。否則罷之可耳。○以僧道衍爲

太子少師。復姓姚。賜名廣孝。○

三年

夏原吉等賑蘇松

嘉湖饑。免天下農民戶口食鹽鈔。○

七年

以北巡告天

地宗社。發京師。皇太子監國。○

八年

以北征詔天下。命

夏原吉輔皇長孫瞻基留守北京。車駕出塞。次威虜

鎮。以橐駝所載水給衛士。視軍士皆食。始進膳。更名

臚胸河曰飲馬。聞本雅失里西奔。遂渡飲馬河追之。

及於幹離河。縱擊大敗之。本雅失里僅以七騎遁。乃

還。詔移師征阿魯台。○

九年

下交趾。右參議解縉于獄。

縉論事忤旨。謫交趾。聞上北幸。潛返見皇太子。上怒其擅歸。故殺之。○十二年親征瓦刺。

敗之。馬哈木宵遁。遂班師。○十五年漢王高煦謀不軌。

徙樂安。○胡廣爲相。專事阿諛。有密投詩其家曰。漢

朝胡廣號中庸。今日中庸又見公。○二十年親征阿魯

台。次雞鳴山。虜宵遁。次西涼亭。亭故元往來巡遊之

所。上望其頽垣遺址。樹木鬱然。謂守臣曰。元氏創此

將遺子孫。爲不朽之圖。豈料有今日。書曰。常厥德。保

厥位。厥德靡常。九有以亡。况一亭乎。○二十年阿魯台

犯大同。開平。諭諸將親征。遂進師。抵白邨山。不見敵。

勒石于清水源之岷。旋師次蒼岷。戍不豫。傳位皇太子。年六十有五。楊榮等以六軍在外。祕不發喪。訃至京。皇太孫至軍中發喪。

仁宗昭皇帝

名高燾。成祖長子。號洪熙。在位一年。

成祖舉兵。世子守北平。

善拊士卒。以萬人拒李景隆五十萬衆。城賴以全。先

是郡王高煦。高燧陰謀奪嫡。計不行。或問太子亦知

有讒人乎。曰。不知也。吾知盡子職而已。內侍黃儼等

謀立高燧。事覺。伏誅。高燧以太子力解得免。○賜吏

部尚書蹇義及楊士奇。楊榮。金幼孜。銀章各一。曰。繩

吾知盡子職而已

救民如救焚
拯溺

愆糾謬。諭曰。前世人主惡聞直言。臣下相與阿附。以
至于敗。朕與卿等當用爲戒。○宥建文諸臣。外戚全
家戍邊者留一人。餘悉放還。○帝聞山東及淮徐民
乏食。有司徵夏稅方急。乃御西角門。詔大學士楊士
奇草詔免稅糧之半。士奇請聞戶工二部。帝曰。救民
之窮。當如救焚拯溺。不可遲疑。有司慮國用不足。必
持不決之意。趣命具紙筆。書詔用璽。付外行之。○帝
不豫。遣使召太子于南京。

宣宗章皇帝

名瞻基。仁宗長子。
號宣德。在位十年。

帝稍長嗜書。知識傑出。

太平天子

內 錮高煦于西

永樂七年。從幸北京。命觀農具。及田家衣食。作務本訓授之。立爲皇太孫。成祖每語仁宗曰。此他日太平天子也。諭邊將嚴守備。趣中官在外採辦者還。罷所市物。○漢王高煦反。帝親征。至樂安。兩遣書諭降。又以勅繫矢射城中。諭禍福。高煦出降。改樂安曰武定州。班師。錮高煦于西內。法司鞫煦同謀者。詞連晉王趙王。詔勿問。○侍讀李時勉。初以言事。改御史。下獄。至是釋之。復爲侍讀。○年。立皇子祁鎮爲太子。廢皇后胡氏。退居別院。立貴妃孫氏爲皇后。○兀良哈寇。

論棄交趾罪

駙虞不質

招隱詩

登萬歲山

會州帝帥精卒三千人擊之。出喜峰口。親射其前鋒。寇望見黃龍旗。下馬羅拜請降。皆生縛之。○論棄交趾罪。王通等下獄。遣李琦羅汝敬立陳嵩爲安南王。陳嵩卒。復遣使諭黎利立陳氏後。○四年南京獻駙虞二禮部表請賀。不許。○御製織婦幽風詩。倚蘭操。四言招隱詩以賜羣臣。○張輔等從遊西苑。詔許乘馬登山。後上御舟。泛太液池。賜士奇等鮓魚醇酒。并御製詩。有樂有嘉魚之句。○帝登萬歲山。御廣寒殿。召儒臣侍。周覽都畿山川形勢。曰。此元之故都也。順帝

道學正脈

西易車馬卷六

三

肆意荒謠。怠于政事。天下遂爲我祖宗所有。侍臣叩
首曰。紂之迹。周之監也。○薛瑄初長于詩賦。及見周
程張朱之書。曰。此道學正脈也。遂焚其舊作。專事道
學。以進士擢御史。三楊士奇欲一面瑄。曰。某忝糾劾
之任。義無相識。三楊稱歎不已。○夏原吉天性寬平。
惻惻無矯飾。嘗閱獄。撫案歎息。欲下而止者再。曰。吾
筆一下。死生決矣。嘗夜過禁門。大雪。有欲不下馬者。
吉曰。君子不以冥冥墮行。其敬慎如此。○五擢郎中
丞。鍾何文淵九人爲知府。賜敕遣之。鍾初至蘇郡。陽

不解事吏所欲行止輒聽之。越三日縛諸吏考掠悉發其弊。投庭下死者數人。吏大懼。復斥屬官貪暴庸懦者。由是上無通事。下無橫科。蘇人稱曰況青天。○擢御史于謙。長史周忱六人爲侍郎。巡撫兩京山東山西河南江西浙江湖廣。○九年。自將巡邊。度居庸關。至洗馬林。閱城堡兵備。○十年。上崩。年三十有八。遺詔國家重務。白皇太后。

英宗睿皇帝

名祁鎮。宣宗長子。號正統。在位十四年。

○戶部上言。請覆核

浙江蘇松荒田稅糧。帝以覈實必增額爲民患。不許。

王振大作威福

女中堯舜

劉球陳十事

下易車要卷六

三

○王振初侍上于東宮。及卽位。遂命掌司禮監。大作威福。一日。太后御便殿。召張輔及楊士奇。楊榮。楊溥。胡濙入朝。謂上曰。此五人先帝所簡貽。凡有行必與之計。上受命。頃命宣王振至。太后顏色頓異。欲誅之。上跪爲之請。乃得解。○四廣西僧楊行祥。僞稱建文帝。械送京師。錮錦衣衛獄死。○七太皇太后張崩。太后稱女中堯舜。臨崩語大臣曰。朝廷大事。尚有二事未辦。一建文之號宜復。一方孝孺之禁宜開。時禁人藏孝孺書者○侍講劉球陳十事。下錦衣衛獄。太監王振使

指揮馬順殺之。

八年。

下大理寺少卿薛瑄于獄。祭酒

李時勉荷校于國子監門。

皆以不附王振故。

九年。

勅邊將備

瓦刺也。先靖遠伯王驥右都御史陳鑑經理西北邊

備。

十四年。

瓦刺也先寇大同。下詔親征。羣臣諫不聽。

命郕王居守。至鵠兒嶺。遇伏。全軍盡覆。次土木。被圍。

師潰。死者數十萬。英國公張輔、泰寧侯陳瀛等皆死。

帝北狩。京師聞敗。羣臣聚哭于朝。徐珵請南遷。于謙

以爲不可。人心始定。皇太后命郕王卽位。遙尊帝爲

太上皇帝。

景皇帝

名祁鈺。正統弟。初封郕王。號景泰。在位七年。

也。先擁上皇至大同。索

金幣約還駕。郭登不納。

武定侯郭英子。

曰：虜給我也。且受命

守城。不敢擅啟。不得已。括城中銀萬餘兩。贖駕。虜笑

擁而去。

○元年。

夷王振族籍其家。廷臣交章劾王振。擅

權誤國之罪。指揮馬順從旁叱各官去。給事王竑憤

起立碎馬順首。奉旨籍振家。重堂邃閣。擬于宸居。器

服綺麗。上方不逮。更執振姪王山。鬻于市。○上皇在

虜。廷值聖節也。先來上壽。又嘗見上皇所御帳房有

火光。若黃龍盤護。上嘗指天象諭袁彬。哈銘曰：天意

人意有在我終當歸

上皇居南宮

有在我終當歸。○二年虜稍厭兵。遣使議還上皇。帝勅謙防護京城。且議通使。謙曰。天位已定。誰復異議。但迎還以弭邊患耳。乃遣楊善迎上皇也。先設宴餞。行率眾羅拜。護送至野狐嶺。上皇還京師。帝率百官朝謁。拜畢。相持而哭。各述授受意。推讓良久。乃送上皇居南宮。○三年廢太子見深為沂王。上皇子立皇子見濟為皇太子。初上欲易儲。恐臣下不從。特進京官各一秩。又密啖諸大臣以金。悉皆緘口。獨王直李侃洒泣求退。○四年皇太子見濟薨。郎中章綸。御史鍾同。並奏。

請復沂王爲太子。下錦衣衛獄。同竟以杖死。○八年帝

不豫。羣臣請建太子。不聽。石亨乃與徐有貞、曹吉祥等謀迎上皇復位。夜半薄南城。毀門而入。掖上皇登輿。羣臣方早朝。會議儲事。忽聞呼噪至殿。相顧失色。而上皇已復辟矣。遂廢帝爲郕王。下于謙、王文於獄。誣以謀立外藩。上持之不下。徐有貞曰：「不殺于謙，今日之事何名？」謙不復自辨。遂遇害。

英宗睿皇帝號天順。在位八年。○元年論奪門迎復功。封石亨、張

不殺于謙今日之事何名

太后備言謙

經濟多難之

軌等爲公侯有差。○太后聞殺于謙爲上備言謙經

功

何必奪門

濟多難之功。上悔之。察迎立外藩事。愈無狀。每詰石
亨。張軌。曹吉祥等。對曰。臣亦不知。乃徐有貞向臣言
耳。帝深銜亨等。有貞遂有金齒之戍。○賜王振祭葬。
立祠曰旌忠。○四年石亨有罪下獄死。○帝言及奪門
迎駕之功。李賢對曰。景帝不諱。陛下宜復位。天命人
心。無有不順。何必奪門。且奪之一字。尤爲非順。幸陛
下洪福。事得濟。假使景帝左右先知之。不審置陛下
何地。帝曰。然。今方悟此輩非社稷臣。不過貪圖富貴
而已。于是詔革奪門功。陞者凡四千人。○五年曹吉祥

謀反伏誅○年八帝不豫遺詔罷宮妃殉葬

憲宗純皇帝

名見深英宗長子號成化凡二十二年

上孝事兩宮從李賢

議尊錢后爲慈懿皇太后貴妃周氏上生母爲皇太后

廢皇后吳氏更立王氏爲皇后○二年諭祭于謙復其

子冕官○李賢丁父憂詔奪情起復修撰羅倫力言

不可疏諫切直賢惡之謫福建市舶司提舉時羅倫

章懋黃仲昭莊景號翰林四諫謫官有差○萬貴妃

專寵兄弟皆官朝士羣趨其門學士萬安認爲同宗

附之○七年立皇子祐極爲太子次年薨乃立祐樞爲

太子。

十三年。

置西廠以刺民事。令太監汪直主之。直

橫暴莫制。商輅項忠請罷西廠。帝從之。未幾復設廠。

錦衣衛官校輒繫人于獄。

十四年。

汪直行邊所至院

道無不屈膝相迎。獨馬文升不爲禮。直誣以罪。謫戍

○陳獻章授翰林檢討。致仕歸。往師吳與弼。杜門靜

坐。嘗曰。學須從靜中養箇端倪。方有商量處。未便靠

書本也。學者稱曰白沙先生。

十九年。

謫汪直爲奉御。

其黨王越戴縉等貶黜有差。

二十三年。

帝崩。年四十有

一。

孝宗敬皇帝

名祐。憲宗子。號宏治。凡十八年。

鄒智言萬安等小人也。

而據內閣。宜退。王恕等君子也。而謫外方。宜進。帝從之。萬安戀戀不肯去。在道猶看三台星也。其無恥如此。○追諡生母紀氏爲孝穆皇太后。○疏文武大臣及中外四品以上官姓名。揭文華殿壁。○三年命天下預備倉積粟。以里數多寡爲差。不及額者罪之。○罷內官燒造資器。○四年以邱濬兼大學士。預機務。濬上大學衍義補。帝嘉之。○六年停甘肅織造絨氍。○十年召大學士劉健。李東陽。謝遷于文華殿議庶政。後以爲

常○

十一
年

罷福建織造綵布○

十二
年

闕里先師廟災○

○邊寇屢警。劉大夏上軍政十弊。帝嘉納之。嘗謂大夏曰。今後凡有疑事。卿可寫揭帖密進。大夏對曰。不。可是。卽前代斜封墨敕之弊也。陛下所行。宜遠法帝。王公是公非。與衆共之。外付之府部。內咨之閣臣。可也。如用揭帖。萬一匪人冒居要職。害可勝道哉。帝稱善○

十五
年

罷廣東採珠○

十七
年

闕里先師廟成○

罷南京蘇杭織造中官○始命兩京五品以下官○

一考察○

十八
年

五月。帝崩。年三十有六○

內使八黨

武宗毅皇帝

名厚照孝宗子號正德凡十六年

復遣內官南京織造○

帝好騎射。時內使八黨。劉瑾用事特甚。日導上弓馬。鷹犬爲樂。戶部尙書韓文。帥廷臣請誅亂政內臣。馬永成等八人。大學士劉健。李東陽。謝遷。主之。不聽。瑾哭訴曰。臣下敢行訕上者。由司禮監無人也。有則人不敢言矣。帝立命瑾掌司禮監。邱聚谷大用。提督東西廠。張永督十二團營。兼神機營。魏彬督三千營。各據要地。○劉健謝遷致仕。罷韓文。○年一杖給事中艾洪御史王良臣等。以劉健謝遷韓文五十三人黨比。

宣戒羣臣。○敕各鎮守太監預刑名政事。○作豹房。

○三命天下選樂工送京師。○逮致事尙書劉大夏

下獄。戍肅州。大夏就道。京師焚香攜饌泣餞。所至爲

之罷市。○五帝自號大慶法王。○張永因寇盜盛起。

言于帝曰。皆劉瑾激成也。今瑾不自安。陰謀不軌。陛

下宜早擒治。帝就夜誅之。籍其家。金銀五千餘萬。他

貨無算。治其黨。戮吏部尙書張綏尸于市。○六自畿

輔及江淮楚蜀盜賊殺官吏。山東尤甚。至破九十餘

城。道路梗絕。○七李東陽致仕。○八以邊將江彬許

泰分領京營賜國姓○

九年復寧王

名宸濠

護衛予屯田

閣臣費宏曰。苟遂其請。江西無噍類矣。力阻之不克。

遂致仕○乾清宮災○

十二年

帝微服出德勝門。如居

庸關。幸宣府。命谷大用守關。毋出京朝官。以前此梁

儲、蔣冕等諫微行故也。親督諸軍。禦小王子○

十三年

自宣府還宮。九月。如大同。偏頭關。自稱總督軍務威

武大將軍。總兵官朱壽加封鎮國公。又自加太師○

十四年

以諫巡幸。杖修撰舒芬等百有七人于闕下。又

杖郎中董翬等三十九人○宸濠異謀已露。帝遣顏

王守仁擒宸
濠

頤壽等往諭革其護衛。寧王遂反。誣帝爲孝宗養子。巡撫孫燧兵備副使許達死之。據南昌。陷南康九江。順薄安慶。知府張文錦死守卻之。遠近因得爲備。江彬請親征。王瓊曰。有王守仁在。無慮也。守仁時巡撫南贛。與伍文定知府帥兵直趨南昌。破之。宸濠聞急。棄安慶歸。守仁迎擊。執之。賊黨皆平。帝自將次涿州。守仁奏捷至。祕不發。遂如南京。○十五年張忠等欲令縱宸濠于鄱陽。待帝自擒。守仁乘忠未至。俘宸濠。送通州伏誅。帝還京師。告捷。陞賞守仁等有差。贈孫燧許

達等秩立廟祀之○十六年疾大漸諭司禮監曰前事

皆由朕誤非汝曹所能預也崩于豹房年三十有一

無子遺詔召興獻王長子嗣位

世宗肅皇帝名厚熜憲宗次子興獻王子武宗從弟也號嘉靖凡四十五年卹正德中

言事罪廢諸臣○錢寧江彬伏誅籍其家縱內苑禽

獸革錦衣衛冒濫軍校三萬餘人○梁儲致仕卒帝

以迎立功欲蔭其子辭不受儲有度量言者詆其主

試受賂交通寧王皆不辨後寧王敗得所餽簿獨儲

不與人始帖然○命禮臣集議興獻王封號廷臣議

尊武宗爲皇兄。孝宗爲皇考。孝宗后爲皇太后。興獻王爲叔父。母爲叔母。不得加皇字。帝不允。進士張璁言。朝議不過拘漢定陶王宋濮王故事耳。今聖考稱叔父。幽冥之中。或不可知。但迎養聖母。稱以叔母。則當以君臣禮見。恐子無臣母之義。臣謂繼統武宗而尊崇其親。則可繼嗣孝宗而自絕其親。不可也。上躍然下。璁奏。楊廷和等抗疏力爭。皆不聽。時迎母妃蔣氏至京。禮部奏用王妃儀仗。上泣啟皇太后。願避位奉母歸藩。以終孝養。羣臣惶怖。○三年。用主事桂萼議。

古史輯要卷六

定稱孝宗爲皇伯考。太后爲皇伯母。興獻王爲皇考。
獻皇帝母曰聖母。杖修撰楊慎等。戍謫有差。○六年以
張璁爲大學士。○七年王守仁討廣西叛蠻。悉平之。○
八年王守仁以病篤離任。道死南安。帝謂其擅離。無人
臣禮。命廷臣議功罪。桂萼言其倡爲邪說。詆毀先儒。
雖剿捕逆濠。論功足錄。然邪說之禁。不容姑貸。帝從
之。奪其子孫封蔭。令伯爵終身。○六年定孔子諡號曰
至聖先師孔子。易像爲木主。另立啓聖祠。○上好瑞。
四方白雀。白兔。白鹿。甘露。靈芝。瑞麥。嘉禾。無歲不獻。

羣臣表賀以爲常。○十三年廢皇后張氏立方氏爲后

○十六年上獻皇帝廟號睿宗。奉神主祔太廟。躋武宗

上。○大享上帝于元極寶殿。○十九年太僕卿楊最諫

服丹藥。予杖死。○二十一年以嚴嵩爲大學士。○帝幸曹

妃宮。旣寐。宮婢楊英以組經上頸。有張金蓮者奔告

太后。馳救得免。楊英伏誅。曹妃王嬪磔于市。○二十三年

加方士陶仲文少師。先是方士邵元節得幸。賜號致

一真人。卒贈少師。因薦陶仲文加秩少保。少師少傅。

後封恭誠伯。○二十七年總督三邊侍郎曾銑上邊務十

方士封伯

棄河套

俺答貢馬互

市

嚴嵩十罪五
奸

入事。營陣八圖。議復河套。嚴嵩論銑妄開邊釁。殺之。
并論夏言黨銑同斬。○二十八年俺答大舉入寇。京師戒
嚴。召大同總兵仇鸞及河南山東兵入援。○三十一年開
馬市于宣府大同。員外楊繼盛言貢馬互市。謬有五。
不可有十。杖貶。○三十一年以徐階爲大學士。○戮仇鸞。
傳首九邊。○三十一年楊繼盛疏嚴嵩十罪五奸。略云。太
祖罷相府而嵩居之。滅祖制也。詔旨出皇上而嵩矯
之。奸大權也。皇上有善政。嵩每攘爲己功。掩君美也。
嵩之矯詔。皆子世蕃手出。縱奸子也。令孫嚴効忠。妄

冒邊賞。竊軍功也。受仇鸞金三千。薦居大將。黨悖逆也。胡騎深入。屢戒勿戰。誤軍機也。徐學詩等以劾嵩削籍。擅黜陟也。選除貪吏。而百姓受毒。失人心也。貪污成風。牢不可破。壞風俗也。具此十罪。又有五好。濟之賂。皇上左右。揣知上意。而逢迎之。是皇上之左右。皆嵩間諜也。以趙文華爲通政。凡疏必先投副封。是皇上之納言。皆嵩鷹犬也。懼緹騎緝訪。卽與廠衛聯姻。是皇上之爪牙。皆嵩瓜葛也。畏臺諫有言。凡選舉必出其門。是皇上之耳目。皆嵩奴隸也。慮部臣不能

地震

平倭

無言。廣羅有才望者結之。是皇上之臣工。皆嵩心腹也。帝大怒。廷杖。後處斬。天下傳誦冤之。先是錦衣經歷沈鍊劾嵩與子世蕃奸貪十大罪下獄。以他事斬。○海賊汪直糾倭寇瀕海諸郡。是時俺荅屢寇南北。無寧日。帝遣趙文華與胡宗憲討之。○三十四年山西隴西河南地大震。河渭溢。死者八十三萬有奇。○三十六年奉天華蓋謹身三殿災。○四十一御史鄒應龍劾嚴嵩父子祖孫憑勢專權。疏入。帝令嵩致仕。子世蕃孫鵠等發烟瘴充軍。後世蕃以通倭伏誅。○三殿成。○分

遣御史訪求方士法書。

○四十年。

倭寇始自江浙。蔓延

淮泗青徐。上至蕪湖南京。分犯閩廣。流毒十餘年。至

是爲諸將屢破。泛海而去。○殺胡宗憲。○建玉芝宮。

○

四十年。

戶部主事海瑞上疏。陛下初年。遠過漢文。二

十年來。法度漸弛。今萬方懸罄。民不聊生。諸臣猶修

齋設醮。天樂天桃。相繼表賀。夫元修以求長生也。然

堯舜禹湯。未有至今存者。陛下師事陶仲文。而仲文

已死。彼旣不能保其身。陛下何復神其術乎。上怒。下

錦衣獄。○帝不豫。服方士王金長生藥而崩。年六十。

謹始十事

穆宗莊皇帝

名載屋世宗子號隆慶凡六年

釋海瑞獄誅王金追奪陶

仲文秩籍其家罷一切齋醮工作及例外採買○大

學士陳以勤上謹始十事曰畏天法祖用人聽言定

志愛民從儉攬權保位接下帝嘉納之○皇后陳氏

移居別宮王時舉等上疏乞正位中宮帝曰后多病

移居別宮以暢意耳汝不知內廷事乃妄言耶時舉

曰寧有夫婦睽違而意暢者乎帝曰待疾愈卽還宮

無多言○二年御史詹仰庇言陛下多取民膏以供造

鼇山修治宮苑使羣小因得乾沒爲聖德累不小帝

俺荅通和

怒斥爲民。○命廠衛密訪部院政事。帝朝講漸疎。百司章奏皆命內臣傳旨。各宮豎日恣○四俺荅孫把漢那吉來降。以爲指揮使。俺荅乞封執叛人趙全等來獻。詔遣把漢那吉歸。厚賜之。○五封俺荅爲順義王。通貢市。邊境稍寧。○六築徐州至宿遷隄三百七十里。○帝不豫。太子年方十歲。召大學士高拱張居正等受顧命輔政。崩年三十有六。

神宗顯皇帝

名翊鈞。穆宗子。號萬曆。凡四十八年。

帝居乾清宮。見無鬚男

子。假稱內使。左右執之。問其名曰王大臣。自總兵戚

繼光所來下東廠鞫問伏誅張居正陰借以傾高拱拱遂罷自是居正威望日重○察京官戒諭廷臣詔曰近歲士習澆漓官方利缺遂使朝廷威福之柄徒爲人臣報復之資用是薄示懲戒餘皆曲貸諸臣宜祓除前愆共維新政○命諸司立程限文簿以防稽緩○命繪天下疆域及京省文武羣臣姓名于御屏朝夕省覽○三編修張位上疏請飭史職略云國家設起居注官實古者左史記言右史記事之制邇來名存實廢如編輯兩廟世宗穆宗實錄不過散取章奏至

仗前柱下之語。爲章疏不及者。何憑修入。且裨官野史。流傳失真。皆史職缺廢所致也。乞早賜紀錄。以光大典。帝從之。始命日講官分直。記注起居。纂輯章奏。臨朝侍班。○書謹天戒。任賢能。親賢臣。遠嬖佞。明賞罰。謹出入。慎起居。節飲食。收放心。存敬畏。納忠言。節財用。十二事於座右。○命撫按官有司賢否。據實薦劾。○年四御史劉臺論張居正逮下獄削籍。○張居正丁父憂。帝命奪情起復。翰林吳中行。趙用賢。員外艾穆。主事沈思孝。四人交章論其忘親貪位。居正大怒。

學士王錫爵曲爲慰解。居正曰：「聖怒不可測。」錫爵曰：「卽聖怒亦爲公。」居正屈膝於地，舉手索刃，作刎頸狀，曰：「汝殺我。」錫爵大驚，趨出。四人廷杖，謫戍有差。○六年
帝冠立，皇后王氏給事中李涑言：「張居正服制在身，不宜預執事，不允。」○詔江南北開墾荒田。○七年遣使分閱邊防。○覈兩畿山東陝西勲戚田賦。○八年河工成。先是淮揚諸郡苦于水，城郭陵寢害無寧歲。上憫之，發金八十餘萬，命御史潘季馴董其事。延袤八百餘里，兩堤夾峙，河流其中。自是陵寢獲安，棄地轉而

張居正請免
通賦

耕桑矣。○賜張懋修等進士及第出身有差。懋修居正之子
也。○九年裁各省冗官。覈徭賦。汰諸司冒濫冗費。○十年
張居正請免天下積年逋賦。疏云。百姓財力有限。卽
歲豐止供當年之賦。苟遇荒歉。現年錢糧尙不能辦。
豈復有餘力完積逋哉。故帶徵一法。名爲完舊欠。實
則減新收也。今歲之所減。卽爲明年之拖欠。見在之
所欠。又是將來之帶徵。誅求無已。民不堪命矣。況其
間豪右不納固多。然窮民力不支亦有之。有司法不
能行豪右。止能及小民。故催科之苦。小民獨當之耳。

下馬車要卷六

從之。○張居正纂累朝寶訓實錄四十款進陳。○年十

張居正卒。帝親祭之。命太僕卿護喪至江陵。○復建

言諸臣職。○年十一我

太祖高皇帝起兵征尼堪外蘭克圖倫城。○年十二張居正

籍居正家

既歿。言者不已。追奪官階。籍其家。榜其罪于天下。家
屬戍邊。○年十三命起海瑞為南京右都御史。瑞疏陳

治安要機于民事尤關切。御史有戲宴者。杖之。肅然

奉法。尋以病卒。葛幃敝衾。有寒士所不堪者。○年十四

禁部曹言事。罷治京畿水田。○年十七免陞授官面謝。

海瑞清節

請健儲

自是臨御遂簡。○十八年。元旦節。大學士申時行等朝

賀畢。因具疏。皇長子常洛九齡矣。請冊立東宮。帝曰。朕

無嫡子。長幼自有定序。卽鄭妃亦請立再四。姑俟長

子壯健。令出閣讀書。卿等無過慮。尋召皇長子立楊

右。帝手執之時。行等熟視良久。賀曰。皇長子龍姿鳳

目。岐嶷非凡。宜早定大計。帝曰。朕知之。○更定宗藩

事例。始聽無爵者得自便。○十九年。享太廟。是後廟祀

皆遣代。○諭廷臣國是紛紜。致大臣爭欲乞身。此後

有肆行誣讎者重治。○京營軍官譁于長安門。○十二

倭犯朝鮮

古史輯要卷六

三

年倭犯朝鮮。陷王京。國王李昫奔義州求救。○二十一年。鄭貴妃寵幸。生子常洵。故儲位久不定。王錫爵密奏甚愴。帝曰。昨讀祖訓。有立嫡不立庶之條。今皇后年尚少。恐後有出。故不果。無已。將三子並封王。少待數年。俟后無出。再行冊立可也。錫爵曰。祖訓所載。蓋就嫡庶並生言之耳。今嫡子未生。而長子年已十二。豈容懸待。况陛下舊曰。原無待嫡之說。今忽變更。跡似可疑。去年之命。既改于今日。焉知今日之命。不改于他年乎。且元子封王。祖訓無之。臣見民間子未有十

復建文年號

中官開礦

二三歲不讀書者。陛下既不卽行冊立。請令出閣豫教。帝不得已允之。○李如松救朝鮮。倭遁。尋遣小西飛請款。○二十三年詔復建文年號。○大學士趙志臯等請發留中章奏不報。○二十四年復議封倭。○始遣中官開礦于畿內。未幾河南山東山西浙江陝西悉令開採。以中官領之。羣臣屢諫不聽。○倭平秀吉不受封。復侵朝鮮。○始命中官權稅通州。是後各省皆設稅使。○皇極中極建極三殿災。○二十七年劉綎麻貴分道擊倭。敗之。倭始去。以倭平詔天下。○二十九年立皇長子。

爲皇太子。○三十一年法司閣臣屢請熱審。不報。○獲妖書。言帝欲易太子。指斥鄭貴妃。詔五城大索。中外危疑。帝召見太子于啟祥宮。諭曰。無恐。此必逆惡捏造。離間我父子兄弟。動搖天下也。因出御筆訓諭一冊。賜太子。後得皦生光者磔之。獄乃解。○三十一年閣臣請補司道郡守。及遣巡方御史。不報。○羣臣伏文華門。疏請修舉實政。降旨切責。○三十三年鳳陽大風雨。毀陵殿神座。○三十四年大學士請補六部大僚。不報。○三十五年給事中翁憲祥言。撫按官解任。宜俟命。不宜聽其自

劾東林講學
諸人

云。不報。○閣臣葉向高上疏言天下治亂。不于其形。于其幾。治非豐亨之說也。朝政清明。庶官輯睦。卽謂之治。亂非禍變之說也。法紀凌遲。人心囂競。卽謂之亂。今天下治耶。亂耶。門戶漸立。釁隙彌開。始而臭味。繼而參商。終而水火矣。始而旁觀。繼而佐鬪。終而操戈矣。株連蔓引。暮距朝夷。可勝道哉。請發羣臣相攻諸疏。公論是非。以肅人心。不報。○左都御史詹沂封印自去。是後尚書趙世卿。孫丕揚。孫瑋。趙煥。閣臣李廷機。皆拜疏自去。○三十九年御史徐兆魁疏劾東林講

二十餘年不
見大臣

張差梃擊

學諸人陰持計典。自是諸臣益相攻擊。○四十南京
御史言臺省空虛。諸務廢墮。上深居二十餘年。未嘗
一接見大臣。天下將有陸沉之憂。不報。○四十福王
常洵始就國。○四十三年。薊州男子張差持梃入慈慶宮。
擊傷守門內侍。太子奏下刑部獄。主事王之案揭言。
張差獄情。事復連鄭貴妃內璫。帝命戮差于市。斃內
璫二人于禁中。梃擊之案從此始。尋召廷臣入見。帝
問太子曰。汝有何語。太子曰。獄已具。不必株連。帝因
宣示羣臣曰。我父子何如親愛。而外庭妄添議論耶。

○四十
六年我

大清兵克撫順城。命楊鎬經略遼東。○四十七年楊鎬大舉誓

師分四路出塞。杜松遇我

大清兵于吉林崖。戰死。馬林敗于飛芬山。復敗沒。劉綎接

戰克營寨十餘。恃勇深入。至阿布達里岡。遇伏。重圍

夾擊。綎不支。遂沒于陣。獨李如柏以經畧令班師。護

全報至。舉朝喪氣。逮鎬以熊廷弼代之。廷臣請增兵

發餉。視朝行政。皆不報。○四十八年帝崩。年五十八。

光宗貞皇帝。名常洛。神宗子。號泰昌。在位一月。贈劉綎秩。立廟祀之。廕

楊鎬四路喪
師

李可灼紅丸

請選侍移宮

其後遣使祭陣亡將士。○再發帑金百萬犒邊。盡罷天下礦稅。起建言得罪諸臣。帝不豫。內醫崔文昇下通利藥。患痢甚。召大學士方從哲等入見。命皇長子出見。冊封李選侍為貴妃。鴻臚寺官李可灼進紅丸。夜崩。年三十有九。熹宗卽位。從廷臣議。改萬曆四十八年八月後為泰昌元年。

熹宗愍皇帝

名由校。光宗子。號天啟。在位七年。

時選侍李氏居乾清宮。

周嘉謨左光斗疏請選侍移宮。御史王安舜疏論李可灼進藥之誤。紅丸移宮二案自是起。己卯選侍移

請逐客氏斬
忠賢

仁壽殿。庚辰。卽皇帝位。○蔭太監魏忠賢。初名進忠。兄錦衣衛千戶乳保客氏爲奉聖夫人。官其子忠賢。河間肅寧人。少黠慧。無藉。與諸少年博。多負。走匿市肆中。諸少年追窘之。因自宮。時熹宗爲皇太孫。忠賢謹事之。導之宴遊。甚得皇太孫歡心。客氏定興民侯二妻。年十八入宮。與忠賢私通。上卽位。御史方震孺請逐客氏。斬忠賢。帝令客氏出宮。忠賢發大監王安鞫問。安詰責令自新。得釋。客氏夤緣復入宮。忠賢嫉安。嗾給事霍維華劾之。客氏從中附和。遂矯旨革安職。逼

令自裁。安既死。而忠賢益無忌憚矣。○命袁應泰代

熊廷弼經畧遼東。○方從哲致仕。○元年御史王心一

請罷客氏香火土田。魏忠賢陵工敘錄不報。時上以客氏保

護聖躬。給護。香火田二十頃。除齊泰黃子澄戚屬

魏忠賢侍衛有功。入陵工敘錄。成籍。○我

大清兵取遼陽。經畧袁應泰死之。京師戒嚴。○命熊廷弼

經畧遼東。王象乾總督薊遼軍務。○永寧宣撫使奢

崇明反。殺巡撫徐可求。據重慶。分兵陷合江。納溪等

圍成都。○御史周宗建請出客氏于外。不聽。倪思輝

謫周宗建

舉內操

朱欽相等相繼言俱謫外任。○以熊廷弼王化貞屢議戰守不合遣使宣諭。○二年我

大清兵取西平堡副將羅一貴死之。總兵劉渠祁秉忠敗沒。王化貞走間陽與熊廷弼等俱入關。○永寧賊將羅乾象約降與官軍共擊賊。成都圍解。○孫承宗入閣預機務。○命王在晉經略遼薊天津登萊軍務。○舉內操鉦鼓聲喧闐宮禁。御史劉之鳳疏諫畧云虎符重兵何可授于巷伯之手。假令劉瑾擁甲士三千能束縛就擒乎。時李應昇黃尊素等繼之皆切責。○

忠賢二十四
大罪

錄方孝孺遺嗣予祭葬及諡○山東白蓮賊徐鴻儒
反攻陷州邑命總兵楊肇基帥兵討擒之○命孫承
宗督理薊遼軍務○封皇弟由檢爲信王○三年顧秉
謙魏廣微俱入閣預機務○光宗選侍趙氏與客魏
不協矯旨賜死裕妃張氏成妃李氏俱譖死復掩殺
胡貴人以暴疾聞○魏忠賢總督東廠○四年左副都
御史楊漣劾魏忠賢二十四大罪畧云忠賢一市井
無賴人中年淨身夤入內地初猶謬爲小忠小信以
倖恩旣乃敢爲大奸大惡以亂政祖制票擬託閣臣

自忠賢擅權。旨意多出傳奉。壞祖宗二百年之政體。
大罪一。劉一燝。周嘉謨。顧命大臣。忠賢翦已之忌。不
容皇上不改父之臣。大罪二。先帝賓天。實有隱恨。執
春秋討賊之義者。孫慎行也。明萬古綱常之重者。鄒
元標也。忠賢皆嗾之使去。顧于黨護選侍之沈灌。曲
意綢繆。終加蟒玉。親亂賊而讐忠義。大罪三。王紀。鍾
羽正。功在國本。忠賢俱陷之。削籍。必不容正色立朝
之臣。大罪四。國家最重枚卜。忠賢一手握定。力阻前
推之孫慎行。盛以宏。豈真欲門生宰相乎。大罪五。爵

人莫重廷推。太宰少宰所推皆黜陪貳。顛倒有常之
銓政。掉弄不測之機權。大罪六。聖政初新。正資忠直。
滿朝薦文震孟等。稍忤忠賢。盡令降斥。屢經恩典。竟
阻賜環。長安謂天子之怒易解。忠賢之怒難調。大罪
七。然猶外廷之臣子也。傳聞宮中貴人荷上寵注。忠
賢恐其露已驕橫。托病掩殺。是皇上不能保其貴幸
矣。大罪八。然猶曰無名封也。裕妃以有姪得封。忠賢
以抗不附已。勒令自盡。是皇上不能保其妃嬪矣。大
罪九。然猶曰在妃嬪也。中宮有慶。已經成男。乃繞殿

流虹之祥。化爲飛星墮月之慘。忠賢與奉聖實有謀焉。是皇上不能保其子矣。大罪十。王安護持先帝青宮四十年。皇上受命擁護。不可謂無勞。忠賢以私忿矯殺。是不但仇王安。實仇先帝之老奴。大罪十一。獎賞祠額。要挾無窮。近又毀人房屋。以建牌坊。鏤鳳雕龍。干雲插漢。又不止于塋地。擅用朝官規制。僭擬陵寢而已。大罪十二。廕中書。廕錦衣。如魏良弼等。五侯七貴。何以加茲。大罪十三。用立枷法以示威。枷號家人者。欲扳陷皇親也。扳陷皇親者。欲動搖三宮也。若

非閣臣力持。椒房之戚。又興大獄矣。大罪十四。生員章士魁以爭煤窰。傷其墳脈。托言開礦而致之死。趙高鹿可爲馬。忠賢煤可爲礦。大罪十五。伍思敬等以侵占牧地細事。徑致困穽。草菅士命。大罪十六。科臣周士樸執糾織監一事。在工言工。忠賢擅停其陞遷。大罪十七。鎮臣劉儕不肯殺人媚人。自是在刑言刑。忠賢以不善鍛鍊。竟令削籍。大罪十八。科臣魏大中到任已奉明旨。鴻臚寺忽傳詰責。煌煌天語。朝夕紛更。令天下視皇上爲何如主。大罪十九。自忠賢受事。

東廠雞犬不寧。野子傳應星等造謀告密。投畀設網。勢不至于興同文之獄。刊黨錮之碑不已。大罪二十。前韓宗功潛入長安。偵探虛實。往來忠賢之家。大罪二十一。創立內操。使羽黨盤踞。昔劉瑾招納亡命。曹吉祥傾結達官。忠賢蓋已兼之。大罪二十二。進香涿州。警蹕傳呼。清塵墊道。儼然乘輿。大罪二十三。聞今春忠賢走馬御前。皇上曾射殺其馬。退有怨言。介介不釋。從來亂臣賊子。只爭一念放肆。奈何養虎兇於肘腋間乎。大罪二十四。疏入。忠賢亦惴惴不得已。泣

訴御前。客氏又從中委曲保持。遂令魏廣微調旨。廣微素結忠賢。次日下漣疏切責之。南北諸臣等効忠賢者。相繼不下百餘疏。皆不納。○杖殺工部郎中萬燝。逮杖御史林汝翥。璟管寶泉局。疏請內監廢銅。忤忠賢。至是復疏劾之。忠賢矯旨令羣閹至燝寓。捽之而出。及至闕。命立斃杖下。林汝翥閣臣葉向高鄉人。忠賢欲借之以傾向高。忽中旨逮汝翥。破杖幾斃。向高疏奏不聽。遂致仕。○削楊漣左光斗籍。○五年。毀天下東林講學書院。○起崔呈秀復爲御史。初呈秀以

貪污爲都御史高攀龍所糾。乃賂忠賢願爲子。遂出中旨。免勘起用。○大理寺丞徐大化劾楊漣左光斗黨同伐異。招權納賄。工部主事曹欽程復劾趙南星周宗建張愼言李應昇高攀龍黃尊素鄒維漣魏大中。誣以受熊廷弼賄。指汪文言爲証。○讞汪文言獄。逮楊漣左光斗袁化中魏大中周朝瑞顧大章下鎮撫司獄。相繼死獄中。○熊廷弼下獄。魏忠賢以其所攜遼東圖畫指爲妖書以獻。特寘重辟。棄市。傳首九邊。○榜東林黨人姓名。頒示天下。崔呈秀授忠賢黨

修三朝要典

人姓名。首列葉向高、韓爌、孫承宗、劉一燝、趙南星、楊
漣、高攀龍、左光斗、孫居相等。次列孫鼎相、徐良彥等。
名曰天鑒錄。又有同志錄、點將錄。一時正人羅織殆
盡。○起用阮大鍼等十一人。○六年修三朝要典。以紅
丸挺擊移宮三案編輯成書。○我

大清兵圍寧遠。參政袁崇煥固守。圍解。以袁崇煥爲僉都
御史。專理軍務。○逮前應天巡撫周起元、主事周順
昌、都御史高攀龍、諭德繆昌期、御史李應昇、周宗建。
黃尊素、攀龍削籍家居。杜門著書。聞緹騎至。手繕遺

衆怒叢毆緹騎

疏自投池中死。順昌吳人。士民素敬順昌。緹騎至。一郡沸然。順昌囚服出門。擁送者不下數千人。赴巡撫署。懇其疏救。巡撫毛一鷺流汗不能出一語。緹騎厲聲曰。東廠逮人。鼠輩敢爾。市人顏佩章等前曰。旨出朝廷。乃東廠耶。衆怒。叢毆緹騎。立斃一人。順昌潛行就獄。與起元等先後拷掠。並死獄中。○設各邊鎮監軍內臣。太監劉應坤鎮守山海關。大學士丁紹軾等諫不聽。○論寧遠解圍功。封魏忠賢從子良卿肅寧伯。○袁崇煥巡撫遼東山海。○浙撫潘汝楨請建魏

忠賢生祠許之。嗣是建祠幾徧天下。○陝西流賊起。由保寧犯廣元。○進魏忠賢爵上公。予誥券加賜莊田一千頃。予魏良卿鐵券。○七年。監生陸萬齡請建魏忠賢生祠于太學傍。歲祀如孔子。○帝不豫。遣詔以信王嗣位。諭以魏忠賢王體乾忠貞可寄大事。封忠賢姪良棟為東安侯。

莊烈愍皇帝

名由檢。光宗第五子。熹宗弟。封信王。號崇禎。在位十七年。

安置魏忠賢

于鳳陽。自縊死。尊戮其屍。○撤各邊鎮守內臣。○免天啓時逮死諸臣。○賊釋其家屬。○魏良卿客氏子侯。

免逮死諸臣

日御文華殿

陝西流賊大起

國興俱伏誅。

元年

命袁崇煥爲兵部尙書督師薊遼。

○燬三朝要典。○削魏忠賢黨馮銓魏廣微籍。○海

寇鄭芝龍降。○詔非盛暑祁寒日御文華殿與輔臣

議政。○革廣寧及薊鎮塞外諸部賞。諸部飢告糴不

許。陝西飢民苦加派流賊大起。米脂人李自成往投

焉。分掠鄜州延安。

二年

定逆案。自崔呈秀以下凡六

等。○皇長子慈烺生。○裁驛站。○流賊犯三水。遊擊

高從龍戰沒。○袁崇煥殺毛文龍于雙島。文龍請餉。

崇煥專主款惡文龍乃決計斬之。○總兵侯良柱擊

古史輯要卷六
三
斬奢崇明。水西賊平。○我

大清兵入遵化。薄德勝門。京師戒嚴。徵天下鎮巡官勤王。
袁崇煥入援。召見平臺。責以逗留罪。下獄。○順天府
尹劉宗周上言。陛下勵精圖治。庶幾太平可致。然不
免見小利而慕近功。今日所亟亟于近功者。非遼事
乎。竭天下之力以養飢軍。而軍愈驕。聚天下之軍以
冀一戰。而戰無日。此計之左也。今日所規規于小利
者。理財也。民力已竭。而有司以培克爲循良。以催科
爲殿最。赤子無寧歲矣。其後國事大壞。盡如宗周言。

○以周延儒爲大學士預機務。○三年禁抄傳邊報。○
延綏甘肅兵潰西去。與羣寇合。○立皇長子慈烺爲
皇太子。○流賊犯山西陷蒲縣。○流賊王嘉允陷府
谷。延綏賊張獻忠聚衆應之。巡撫洪承疇總兵杜文
煥敗賊張獻忠于清澗。○山西總兵王國樑追賊于
河曲。敗績。賊陷寧塞。○殺袁崇煥。○進溫體仁大學
士預機務。○四年總督楊鶴招撫流賊于寧州。羣賊僞
降。尋復叛。陷甘泉。○曹文詔擊賊于河曲。王嘉允敗
死。王承恩敗賊于鄜州。降賊首上天龍。賀虎臣斬賊

劉六于慶陽。○以洪承疇總督三邊軍務。○內臣王應朝、鄧希詔等監視關寧薊鎮兵糧。李奇茂監視陝西茶馬。呂直監視登島兵糧。海禁羣臣合疏諫，不聽。召對廷臣，復語及內臣。帝曰：「諸臣若實心任事，朕亦何需此輩？」○登州遊擊孔有德率師援遼，次吳橋，反陷陵縣、臨邑、商河、齊東，屠新城。○流賊羅汝才犯山西，是冬延安、慶陽大雪，民飢盜賊益熾。○中允倪元璐上言：黃道周以謇諤承貶，劉宗周以骯髒投閒，天下本無人，得其人又不能用，誰爲陛下奮其忠良者？

華允誠刺溫
體仁

○^五孔有德連陷山東州郡。命侍郎劉宇烈討之。孔有德僞降。誘執登萊巡撫謝棟。○陝西賊入山西。連陷大寧澤州。分部走河北。犯懷慶。陷修武。○員外華允誠上言三大可惜。四大可憂。刺溫體仁上切責之。○^六年。曹文詔節制山陝諸將討賊。○副將左良玉破賊于涉縣。賊走林縣山中。飢民爭附之。○命曹文詔諸將限三月平賊。左良玉勦河南賊。曹文詔敗賊于濟源。又敗之于懷慶。尋改曹文詔鎮大同。賊遂渡河。連陷澠池伊陽盧氏。分犯南陽汝寧。遂逼湖廣。○孔

有德及其黨耿仲明等航海降于我

大清

○太監張秉憲請催進賦一千七萬餘兩給事范淑

泰諫不聽○七年廣鹿島副將尙可喜降于我

大清

○設山陝河南湖廣四川總督專辦賊以延綏巡撫

陳奇瑜爲之○總兵張應昌渡河敗賊于靈寶賊自

鄖陽渡漢犯襄陽連陷紫陽平利自河南入四川陷

夔州大寧諸縣俱失守自四川走湖廣副將楊世恩

追敗之于石河口復自湖廣走盧氏靈寶總督陳奇

瑜鄖撫盧象昇會師于上津勦湖廣賊張獻忠流入

李自成詐降

漢南官軍圍高迎祥。李自成諸賊于興安之車箱峽。會大雨兩月。賊食盡。自成賄奇瑜左右詐降。奇瑜意輕賊。許之。縱出險。卽大譟。盡屠所過七州縣。而他賊數萬又會之。賊勢愈張。逮陳奇瑜下獄。○我

大清兵入上方堡。至宣府。詔陳洪範守居庸。丁魁楚守紫荆雁門。我

大清兵克保安。沿邊諸城堡多不守。遣總兵尤世威等援邊。總督張宗衡節制各鎮援兵。我

大清兵克萬全左衛。旋師出塞。○李自成圍賀人龍于隴

李自成竄入
終南山

溫體仁庸奸
誤國

賊十三家

州洪承疇檄總兵左光先與人龍合擊大破之以賊聚陝西。詔豫楚晉蜀兵四道入陝。李自成竄入終南山。已而東出。陷陳州。分犯湖廣河南。○年主事賀王盛劾溫體仁庸奸誤國。謫外。○張獻忠連破河南江北諸縣。陷鳳陽。焚皇陵樓殿。留守朱國相等戰死。事聞。帝素服哭。遣官告廟。逮漕運總督楊一鵬棄市。援兵至鳳陽。獻忠東圍廬州。陷江北十餘州縣。復走漢中。還河南。○命洪承疇出關討賊。李自成大會諸賊于滎陽。共十三家。老回回曹操革裏眼左金王改世王射塌天橫天王混十萬過天星

九條龍順天王。七十二營分道距官兵總兵鄧玘曹
及迎祥獻忠。

文詔連敗之。洪承疇會師于汝州。分部諸將防豫楚
要害。曹文詔追賊至真寧。遇伏力戰死。會自成與獻
忠不協。自成偕迎祥西趨歸德。復入陝西。陷咸陽。獻
忠東下廬州。○命盧象昇總理直隸河南山東湖廣
四川軍務。○洪承疇敗賊于闕山鎮。李自成東走。復
與張獻忠合。總兵祖寬破賊于汝州。會象昇共敗李
自成于確山。左良玉敗賊于閩鄉。老回回諸賊自河
南犯陝西。承疇敗之于臨潼。○帝下詔罪已。避居武

自成復與獻
忠合

下詔罪已

倪元璐奏免
逋賦

英殿減膳撤樂。示與將士同甘苦。○撤監視總理內
官。惟京營及關寧如故。○鄭芝龍擊敗海賊劉香。香
自殺。衆悉降。尋授芝龍總兵。○戶部尙書侯恂請嚴
徵新舊逋賦。從之。○倪元璐奏免逋賦。畧云。盜賊之
禍。震及祖陵。下詔罪已。非徒空言也。今民最苦。無若
催科一應逋賦。宜與蠲除。雜解改從折色。于下誠益。
于上無損。及今不圖。必至無地。非兵無民。非賊陛下
亦安得執空版而問諸燐燹之區哉。○九年張獻忠圍
滁州。盧象昇祖寬大敗賊于朱龍橋。○以淮安武舉

政府覘上意

王推自成爲闖

陳啓新爲給事中。啓新本庸人。時政府覘上意。必有
闕門特達之典故。令啓新上書。跪正陽門。太監曹化
淳聞于上。立致省垣。啓新既進。惟從事敝車羸馬。以
逢迎上意。○盧象昇勦河南賊。高迎祥。李自成分部
入陝西。餘賊自光化走湖廣。陝撫孫傳庭擊擒賊首
高迎祥于盩厔。送京師。伏誅。賊黨推自成爲闖王。洪
承隴敗賊于隴州。賊走慶陽。鳳翔。○張獻忠犯襄陽。
○我

大清兵入昌平寶坻。連下近畿州縣。命尙書張鳳翼督諸

鎮援兵。改廬象昇總督宣大山西軍務。○侍郎劉宗周以論內臣及大學士溫體仁削籍。畧曰。自己己以來。無日不綢繆未雨。而禍亂一至于此。小人進而君子退。中官用事而外臣寢疎。朝政日隳。邊政日壞。皇上惡私交。而臣下多以告訐進。皇上錄清節。而臣下多以曲謹容。皇上崇勵精。而臣下奔走承順。以爲恭。皇上尙綜覈。而臣下瑣悉苛求。以示察。窺其用心。無往不出于身家利祿。皇上不察而用之。則聚天下之小人。立于朝而不覺矣。嗚呼。八年之間。誰秉國成。臣

體仁斤斤自守

于是難爲首揆。溫體仁解矣。○十一年老回回諸賊趨江北。張獻忠羅汝才自襄陽犯安慶。南京大震。左良玉等合兵援之。大破賊。賊走潛山之天王古寨。巡撫張國維檄良玉搜山。良玉不應。尋北去。賊乃復出太湖。連斬黃。敗官軍于豐家店。會援兵至。復破賊。賊皆遁。獻忠入湖廣。命總督熊文燦總理南京河南山陝川湖軍務。駐鄖陽討賊。○李自成自秦州犯四川。陷昭化。劍州等十餘州縣。進攻成都。七日不克。溫體仁罷。體仁性忌刻殘忍。佐政以來。漫無經畫。惟斤斤自

加派輸納事例

大清。

守。不殖貨賄。故上信之。○是年朝鮮降于我。

○工部尚書劉遵憲。上加派輸納事例。○詔求直言。

清刑獄。諭德黃道周上言。陛下方求言而建言者輒

斥。方清獄而下獄者旋聞。上不懌。○十一年。洪承疇敗

賊于梓潼。又敗之于潼關南原。自成盡亡其卒。竄伏

商洛山中。○獻忠爲左良玉前鋒。羅岱射中額。病創

甚。適總理熊文燦刊檄撫賊。獻忠乃僞降。文燦受之。

獻忠仍據穀城。○楊嗣昌入閣預機務。○賊羅汝才

以戰敗乞降。○我

李自成竄商洛山中

張獻忠僞降

論楊嗣昌奪情

張獻忠復叛

大清兵入牆子嶺。盧象昇入援。旋敗于鉅鹿。死之。○黃道

周以論楊嗣昌奪情。謫外。○十二年。我

大清兵入濟南。執德王由樞。下畿內山東七十餘城。劉宇

亮孫傳庭會師十八萬于晉州。不敢進。劉宇亮罷。○

張獻忠叛于穀城。羅汝才等起兵應之。十三家降賊。

一時並叛。隳穀城。陷房縣。左良玉擊之。敗績于羅睺。

山。羅岱死之。○大學士楊嗣昌督師討賊。總督以下

並聽節制。嗣昌誓師襄陽。左良玉爲平賊將軍。專力

勦獻忠。○十三年。總督鄭崇儉大破張獻忠于瑪瑙山。

自成卜于神

擒獻忠妻妾獻忠率千餘騎竄歸興山中。○羅汝才
犯夔州。石柱女官秦良玉連戰却之。總兵柳應元等
又破之于興山。汝才走巫山。與張獻忠合。尋陷大昌
劍州。棉州。瀘州。北渡走漢川。復自巴至開縣。○官軍
圍自成于巴西。自成大困欲自經。養子雙喜勸而止。
自成卜于神吉。軍中壯士多從之。乃輕騎由鄖均走
河南。飢民從者數萬。連陷宜陽。永寧。殺萬安王采鑿。
陷偃師。勢大熾。○十四年。總兵官猛如虎追張獻忠及
于開縣之黃陵城。賊遂東下。陷襄陽。襄王翊銘。貴陽

獻忠投自成

射中自成目

王常法並遇害。尋陷河南州縣。羣盜附者萬計。左良玉追敗之信陽。獻忠東奔。又爲副將王允成所破。衆散且盡。投自成。羅汝才與五百騎糾土賊一斗穀等衆復盛。○李自成得李信牛金星宋獻策等。說自成以所掠財物賑飢民。從者益衆。正月攻河南城陷。福王常洵遇害。前尙書呂維祺死之。遂移攻開封。周王聞賊至。發庫金募死士。與御史高明衡等固守。自成解圍去。連陷葉縣洧川許州并南陽等十四城。再圍開封。總兵陳永福力拒之。射中自成目。○周延儒賀

百兵車馬各二
逢聖復人閣。○我

大清兵攻錦州。洪承疇來援。駐師松山。戰敗。總兵吳三桂

王樸自松山遁。諸軍夜潰。

○十五年。

孫傳庭督京軍救

開封。總兵楊文岳援開封。賊解去。南陷西華。睢州歸

德府。數十郡縣悉殘毀。復攻開封。諸援軍皆屯河北。

不敢進。賊決河灌城。城潰。士民溺死者無算。得脫者

惟周王妃世子。及撫按以下。不及二萬人。賊亦漂沒

萬餘。乃拔營西南去。自成收羣賊。連營五百餘里。再

屠南陽。攻汝寧。由確山陷襄陽。據之。分兵陷荊州。焚

決河灌開封

獻陵。○總兵黃得功。劉良佐。大敗張獻忠于潛山。○

我

大清兵克松山。洪承疇降。祖大壽以錦州降。巡撫邱民仰等死之。十一月。

勲臣分守九門

大清兵分道入塞。克薊州。畿南郡邑多不守。趨曹濮。山東州縣相繼下。○帝下詔罪已。命勲臣分守九門。太監王承恩督察城守。徵諸鎮入援。○十六年周延儒自請督師。許之。○我

大清兵北歸。戰于螺山。八鎮兵皆潰。○魏藻德入閣預機

務周延儒罷。○張獻忠陷漢陽。執楚王華燿。籠而沈諸江。遂僭號。改武昌爲天授府。蘄黃等二十一州縣俱附。左良玉兵復西上。僞官吏多被擒。獻忠懼。復陷岳州。趨長沙。巡撫劉熙祚奉吉王惠王走衡州。尋破。又走永州。廣西賊遂東犯江西。決策入川。○李自成陷承天府。殺羅汝才并其衆。陷潼關。尋陷西安。執秦王存樞。連陷延安鳳翔榆林。陝西地悉歸自成。又遣賊渡河。陷平陽。詔以余應桂總督三邊討賊。然全陝已沒。不能進。初自成據襄陽。自號奉天倡義大元帥。

李自成稱王

改襄陽曰襄京。置僞官。及是改西安曰長安。稱西京。
○京師大疫。○周延儒有罪。賜死。○十七年。李自成稱
王于西安。○幸正陽門樓。餞李建泰出師。○張獻忠
入四川。○自成渡河。破汾州。陷太原。執晉王存桂。北
徇忻代。由柳溝逼居庸。○詔天下勤王。命廷臣上戰
守事宜。李邦華等請南遷。及太子撫軍江南。皆不聽。
封總兵官吳三桂。左良玉。唐通。黃得功。俱爲伯。徵諸
鎮兵入援。命唐通內臣杜之秩守居庸關。太監王承
恩提督城守。○李自成至宣府。太監杜勳。杜之秩。總

曹化淳啟彰
義門


兵唐通俱降。賊遂入關。陷昌平。犯京師。京營兵潰。太監曹化淳。啟彰。義門。賊盡入皇城。不守。帝崩于萬歲山。王承恩從死。御書衣襟爲遺詔。皇后周氏先一日崩。自大學士范景文而下死者數十人。賊遷帝后梓宮于昌平。昌平人啓田貴妃墓以葬。明亡。是年夏四月。我


大清破賊於山海關。自成奔永平。我兵逐之。自成復奔還京師。大掠西走。五月二日。我

大清兵入京師。下令安輯百姓。爲帝后發喪。以帝禮改葬。

議諡號。遣將追自成。與戰連破之。自成中流矢。鳩合
潰散。歸西安。我兵攻拔之。自成復走武昌。爲
我兵所追。部衆多降。自成走延寧。至通城。竄於九宮
山。畧食山中。爲村民所困。自縊死。或曰。村民方築堡
擊之。腦中鉏死。獲自成從父僞侯斬之。○是年張獻
忠據成都。卽僞位。分屠各州縣。將卒以殺人多少敘
功次。其殺男女六萬萬有奇。川中民盡。乃謀窺長安
率衆出川北。我兵至漢中。獻忠曉行。猝遇我兵于鳳
皇坡。中矢墜馬。蒲伏積薪下。
我兵禽斬之。賊黨潰入川南。







道光丁未鑄

史記長

海山館叢書

海王人食養書

史信錄

通考人志

PL
2457
P29
V.15

史記短長說集

先藻泉公輯史記評抄於司馬氏之學博綜條貫惟恐
闕遺卷首錄短長說一冊後繹泉磊泉二公更廣蒐羣
籍集其大成爲評林一書王弼洲所謂發簡而瞭然若
指掌又林然若列瓊寶於肆者也茅鹿門云讀其書有
如湘靈鼓瑟於秋江之上曲終而人不見者徐龍濟以
二公不錄其評爲恨蓋心服之矣書刊於萬厯甲戌至
丙子始竣卷首仍錄是編板久漫漶而後之翻刻者多
舛之故爲世所罕觀嘉慶丙子余主講東林郭晴川學

博以是編見示言其舅氏唐永溪先生所授也其文雖
與國策史記有異同然多奇氣足資博覽弁洲疑爲戰
國逸策又疑爲文景之世好奇之士所假托者卒未有
定論也余觀寒泉子之教荆卿建成侯之飾四皓事詭
而識超謀譎而論達皆戰國策士之習漢以下不能仿
爲之則其爲戰國逸策而漢士增益其說無疑也余獨
異評林之成在萬厯丙子冰溪之授學博在乾隆丙子
今復以丙子歲校刊之則一編之顯晦亦有數存焉者
耶嘉慶二十一年丙子八月吳興凌鳴喈覺甫氏識於

京林講舍

史記短長說卷上

明吳興凌稚隆以棟訂正

王世貞曰耕於齊之野者地墳得大篆竹冊一表曰
短長其文無足取其事則時時與史抵牾云按劉向
敘戰國策一名國事一名短長一名長書一名修書
所謂短長者豈戰國逸策歟然多載秦及漢初事意
亦文景之世好奇之士假托以撰者余怪其往往稱
嬴項薄爰德誕而不理至謂四皓爲建成侯僞飾淮
陰侯毋反狀乃庶幾矣因錄之以佐稗官一種凡四

十則

邯鄲之難楚取魏睢澁之間以自益也江乙爲魏說楚
威王曰臣不佞少習楚事竊以爲先靈王之賢甚於
先莊王也楚王作色曰先莊王雄楚者也九戰而九
勝以盟諸侯光列五霸聲施到今靈王少負不諱罪
爲章華臺而疆內叛之天下不哀客胡諄也曰主臣
莊王之有討於宋也環城芻牧者以百里築室反耕
宋人易子而食析骸以爨王赦之盟而弗有也討鄭
鄭亡其君肉祖牽羊以迎而王赦之盟而弗有也討

陳以夏徵舒僂鄉取一人而又弗有也恤隣厄誅不
庭汲汲乎亡燕息之間戎車屢駕地不加益以空名
爲政於天下者莊王也靈王滅陳滅蔡城不羹躡朱
方兵力所及亡不有也方城外之師與方城內應而
王暴殄也以實利媒禍於天下者靈王也今魏聞趙
之請救而王弗與也潛師乘魏虛而取睢澨之間是
靈王之武也臣竊以王殆賢靈王楚王曰微夫子之
言殆哉請得因睢澨而媾於魏

陳軫謂楚王曰臣欲益王之地而王欲割也臣欲強王

史記卷之十一
之兵而王欲削也欲收六國而宗楚而王欲失也欲
抗楚以抑秦而王欲卑也夫割與削失與卑度非王
欲也然而以意得之得之王之禮張儀而內寵鄭袖
也

謂魏惠王曰酒有酖王食之乎曰否前郎中貌美而陽
彊以備宮監乎曰惡是何言也然則酒之惡酖也爲
毒也宮監之惡前郎中也爲其釣淫也張儀之毒也
甚於酖而其釣淫也甚於前郎中王乃委國而事之
何也

楚項襄王獵於濠而樂也觴羣臣而命之監曰醉適解
客有來謁者曰請須臾曰毋間遂酒之敢問客何業
曰臣不肖少賈而中棄之晚乃業儒見魯儒與吳賈
爭也魯儒曰親重身吳賈曰否身重親魯儒曰吾聞
之夫子矣父母之讐不共戴天其以身也曰以直報
怨吳賈曰吾先君闔閭之有檣李役也王夫差因以
夕枕薪晝茹膽而令於庭曰夫差爾忘越王之殺爾
父乎曰不敢積甲而訓之以伐越棲越勾踐於會稽
之臺而弗誅也爲其稱臣也王句踐因以夕枕薪晝

茹膽而令於庭曰句踐而忘會稽之恥乎曰不敢積
甲而訓之以伐吳棲吳夫差於姑蘇之臺而弗赦也
夫差報親而赦也句踐報身而弗赦也然則身重親
臣未有以折也臣今者過王之國都而知其駢謬也
夫函關之留鄢郢之舉王殆以爲疥癬也置之均已
王面赤趣罷獵

辛八子使其監謂張儀曰妾之有憾於惲君所悉也惟
惲日夜不忘嚙齧稷異日安能頰首而事之今惲幸
在遠可圖也妾欲行申生之胙而思大臣之以遠證

也惟君善謀之請以黃金千鎰爲壽儀曰諾他日見
昭襄王王曰惲之治蜀也庶幾理哉曰然曰惟先生
之習於蜀也吾欲開其西南之地以勁楚後可乎曰
不易也其西南爲羅施鬼方其人若猿獠若蝥又若
偃而又最善毒粟黍之液淬於刃血濡縷立死其食
人有咽而死者有周月而死者有周歲而死者有三
歲而死者施之食有卽沸敗者有十日敗者有陰月
不敗者爲蠱百狀與絜變構是不可滅而致也王曰
先生何以得之曰得之蜀賈之往來能以其物質者

也居歲餘而蜀侯惲以山川之胙來致餽王將嘗之
八子曰是遠餽也試而後嘗之以啖小臣小臣卽斃
昭襄王怒而欲誅之穰侯曰申生可鑒也蜀之程五
於曲沃矣居再旬而毒不敗肉者鮮王益怒曰蜀毒
不敗肉也夫申生冤惲獨不冤使司馬錯賜之劔蜀
侯惲與其夫人皆自裁而誅其郎中令嬰等二十七
人

尉文君謂趙王曰夫從人者意不欲天下之精爲從也
衡人者意不欲天下之精爲衡也夫天下之精爲從

也無間而起其說於從者精爲衡也無間而起其說於衡者從衡錯而傾邪之士得執而操其權故夫利與客逝而害留王也且夫一辯客之任足以食百戰士而有餘王請一切謝客可也

毛公爲信陵君說魏王曰家任長然乎王曰然然則臣之鄉有火於鄰者爰筮燼籒折采廂勢必逮及其長方醉臥不起其弟不得請而從家衆齮水柯斧而救之可乎曰可然則秦虎狼也旦夕且舉趙趙舉而包魏於膏肓之間必不已也秦甲西下軹道南陽封冀

因夏水決滎宿胥之口而灌大梁東兼邯鄲之甲度
白馬而與師會大王雖欲宴然託吏民之上一日得
乎信陵君以王醉之未醒乘見卒力戰破秦師而存
趙以存魏也大王乃厭社稷而怨之乎王曰寡人非
敢怨信陵君也不忍於死者鄙耳毛公曰晉鄙宿將
也將大王十萬之衆於境日費國千金而不恤也觀
社稷之殆淪而次且不進也毋乃以魏爲貨乎信陵
君知誅貨魏者耳不知爲大王將也王謝曰請徐思
之次日薛公見王曰客何來曰邯鄲見信陵君乎曰

信陵君日夜悲啼思大王內責咎外畏誅未敢東駕也信陵君之客三千人人扼腕髮立以大王薄介弟而輕社稷功思以勁血汚屬車之輪臣其一也且以大王之兵符在臥內而客取之若承蜩王謝曰敬因客迎信陵君

趙有樓煩之地贅縣入秦秦欲得之趙弗應也秦王使使以好請而以兵繼之趙王謀於公子勝曰若何公子勝曰洧之富人有溺者人得其屍富人請贖之其人需金甚多富人懇問鄧析曰安之此必無他賣矣

得屍者患之以告鄧析曰安之必無他買今秦無他買而王無他賣也秦不善策而以急來王毋拒也緩之而後要之而不失利也

孟嘗君之爲燕謀齊也燕師剽騎劫破七十二城復去燕而爲齊於是襄王相安平君而誓師焉孟嘗君方食客失箸不知所擇馮煖起而問曰主君殆有憂色乎孟嘗君曰微夫子言之固有請也曰者吾不能事宗國顛越於位又不能備御圉之役以爲都邑憂其能免於嗣人之罰乎事秦秦吾憾也不可以再辱楚

趙吾與也事之吾不忍於先君之邑而棄之又棄客也馮煖曰君何患焉吾請爲君三東其客而薛席於臨菑之社而毋恐吾客一往而齊不敢西南其車騎客再往而齊七命之使馳薛三往而齊請固盟乃屬其客勝臂陽爲得罪於孟嘗君者而奔齊事安平君之舍人以間謁安平君曰薛公不可赦也夫弁髦我前王之托而以齊市燕今又中立弗臣也一世縱敵數世之害也請以歸燕之勁而剪之安平君曰謹受教因相與規兵食勝臂曰夫子之所守卽墨若干仞

曰四仞而不及者八之一其下豐如之上不及者三之一曰薛靖郭君之所築也加尋矣守士幾何曰燼餘也不及萬人曰薛公之所鳩者六萬家家壯男子二而皆荆楚鬪士也客三千人其半劍伎客也兵法十圍而五攻今二之爲兵三十六萬而可曰楚魏之來救若何曰請以白璧十雙金千鎰分而媾於二廷更請以十萬塞其救道安平君不懌曰子策之善今令吾舉國而從事薛而猶不足也請緩之故曰客一往而齊不敢西南其車騎也久之馮煖乃使以二乘

爲秦裝也者而間行至薛曰秦王敬使其大夫某布
之執事不穀欲留君以固秦之社稷而君弗察也雖
然不穀不敢以怨也君誠有意乎穰侯出舍以待君
之臨薛公謝而去之而泄之安平君居有頃則使以
十乘爲趙裝者而至薛曰趙王敬使其大夫某布之
執事曰者君去趙相寡人心怵怵焉恐辱其社稷以
爲先王憂君幸不得志齊敢虛介弟之位與邑以待
薛公謝而去之而泄之安平君居有頃則又以一乘
爲楚裝者夜請鑰而內之與薛公室而語弗泄也乃

使客董之繁菁若以姦得罪者奔而事安平君以間
謂曰君知楚使之一乘夜入薛乎曰知之知楚語乎
曰不知也董之繁菁曰吾得之其內侍者楚王使爲
薛公曰淖齒之與其兵不反也吾不敢以恨其嗣王
雖然請因君而利焉吾欲納甲十萬於薛因子之吏
士與齊故臣嚮而吾以四十萬繼之如其克也盡淄
維之東奄姑攝以爲君封域也不然吾得薛爲外疆
以界齊江漢之漕惟其腴都五倍薛而酬君何如口
口口薛公謝曰未敢以市我先王如其不獲成也

而圖之安平君矍然起見齊王曰薛不易下也而其地楚魏之甘也孟嘗君又諸王之所急也王請得而附之齊王乃使大夫貂勃以七命侯之車服聘於孟嘗君曰伯父先王之所師事也孤不敢以臣惟是五世之昭伯父共之孤不敢外也不腆車服太公之所拜賜於成周者也敢請爲伯仲之邦以世世夾輔齊故曰客再往而齊七命之使馳薛也孟嘗君率薛之吏民而拜賜報聘者行矣乃屬故狗盜之客往而亡何安平君寘相印兵符於臥內而且失之懸賞百戶

以購孟嘗君使敬奉安平君曰有賈於市而得者以獻爲其類於君也不敢私謹以瀆下執事安平君大恐而厚禮孟嘗君使曰爲我謝孟嘗君單之首領實在君所單死而已不死而不左右齊之宗社以奉事君者有如日君無恙而所不得志於單者有如日故曰客三往而齊請固盟也

武安君坑趙降卒四十萬人於長平趙大震還師秦王爲王車而御之旣罷燕舍人錯曰趙不復下矣而武安君且死武安君所謂巧戰而拙勝夫以趙之存者

其耄老哭子弟其孤少哭父兄厲白刃馮堅城而以
故告諸侯曰秦爲無道蠶食六王趙舉勢必及韓魏
南收楚北歸燕而東割齊諸侯之吏士鬪亦死降亦
死等死鬪什伍乎而秦之彊兵傷過半天下之爲趙
者五以五倍之衆協人自救之謀而佐必死之趙當
半殘之秦此猶之乎劒石也劒雖利不缺則折武安
君計不勝必不行行秦王不怒而師辱不行師不辱
而秦王怒臣故曰長平之役武安君爲趙坑四十萬
人又爲四十萬人自坑以謝也

燕王喜使栗腹以百金爲孝成王壽酒三日反報曰趙民其壯者皆死長平其孤未壯可伐也王乃召昌國君樂間而問曰何如對曰趙四達之國也其民皆習於兵不可與戰王曰吾以倍攻之可乎曰不可以三可乎曰不可王大怒左右皆以爲可伐鞠武曰淺矣昌國君之言夫謂趙不可伐者覲在趙者也謂燕不勝趙者覲在燕者也胡以不覲秦夫燕之所以緩中秦禍者趙爲之屏也夫燕收趙而不勝趙燕且爲趙舉是趙失之秦而取償燕也燕收趙卽勝之是齊趙

而速秦舉也禍且鄰我卽勝趙而舉之得瘠國而徹
其屏亦鄰禍也且天下之能禍燕者秦也趙弗與也
其稍足以支秦者齊楚之外卽趙也燕弗與也楚失
鄢郢而東徙弗能軍矣齊中我濟西之役而甫復國
其氣弗振矣趙又喪四十五萬於長平是三國者茅
靡焉燕旦夕之爲秦是憂而何有趙也燕王益怒不
聽遂以有鄢伐之敗

穰侯免相國就封陶出關關吏閱其車輜重千有餘乘
聞之昭王王按劍而怒曰吾王四十年不爲王而爲

穰侯穰侯相三十年不爲秦而爲穰也籍太后朽骨
何避乎必僂而室之武安君恐使其客說曰大王亦
知五霸之所以遂否乎曰不知也齊桓晉文霸而遂
宋襄霸而否者非桓文之獨工而宋襄之獨拙也其
行事謀算等耳齊晉強而宋弱也齊晉之所以強者
何也齊之所以強非始桓而勁也釐襄之世東盡嶠
夷而邑之西畧濟上之十二諸侯而舉其半晉亦非
始文而勁也獻公爲之滅虞滅虢滅魏滅耿滅東山
之狄以大啟曲沃而後文公因之宋襄之地不加闢

於微封而兵不益於殷遺也然則爲晉獻齊釐襄之
所遺者難而爲桓文因者易也今大王信客卿以越
韓魏而攻齊爲穰侯罪夫穰侯之所罪者一耳大王
一憂魏則穰侯爲大王拔河內城大小六十走芒卯
馘暴鳶入北宅圍大梁立責其河東地方四百里連
拔三縣再憂韓魏則穰侯爲舉武安君將而鹵首二
十四萬擒公孫喜三憂韓魏趙則穰侯爲殲其衆華
陽下鹵首十萬取卷蔡陽長社觀津以東臨齊而齊
服其最憂楚則穰侯之所舉武安君輕兵而拔鄢鄧

明年拔郢燒夷陵遂東至竟陵舉宛葉楚不能軍而
竄陳以不振穰侯相而大楚韓魏各割其半以肥秦
秦之所爲秦者三而後客卿得入策也夫客卿之所
爲秘者曰遠交而近攻而其在魏何不令魏近攻秦
而其爲齊謀何不令近攻楚趙而遠交秦也故夫穰
侯之所爲遺者難也且夫秦入楚楚之珍寶齒革悉
以富咸陽而穰侯拾其溢也秦王色沮久之曰吾非
爲穰侯失策也爲秦之有穰侯而無寡人也客曰惟
然有之元二之際嚴君疾用事惠后內主而庶長壯

方棘時有王而無穰侯王得稱有王乎何以至今日哉王曰客休矣吾方思之穰侯乃得良死

信陵君既促駕歸魏魏王與之相持而泣以上將軍印授之信陵君發使使五國趙王曰邯鄲之圍實魏解也且其將者又信陵君雖靡躪之餘不敢不悉發謂尉文君以八萬人往復之楚王曰魏將信陵君矣微魏不虞亡楚亦不虞亡也謂春申君俾都尉英以十萬往其韓王燕王曰魏國吾蔽也不救魏魏必亡魏亡而吾亦踵之且又信陵君將各以五萬人往至魏

郊戰有日矣公子選魏之武士奮擊四而一之得十萬人衆喜曰吾聞王嚙之恃秦衆也蓋三十萬今吾加其四之一而居守者弗與也勝有日矣朱亥曰不然公子不覩夫羣鹿之於虎乎使鹿各逞其技以與虎觸未有不飽虎者也羣鹿併力而負嵎以其角勁外而尻內擲虎未有不靡者也夫秦猶虎也五國五鹿也嚮者鹿猶各逞技焉敢望勝乎信陵君曰謹受教乃身請於四國帥曰唯上國之卹我社稷而以師來也雖然莫適爲長進退之節孰爲之金鼓也利孰

行資不利孰行鉞也請得一人而事之諸帥曰魏師
主也而公子上將也敢不惟命之聽公子乃徧拜以
謝爲壇而令之斬一將之後期者與趙一都尉之亂
行者曰與秦扞而燕以羸師管之佯退以亂其整魏
趙合而盡其良以堅富之楚輕兵爲十覆以待戰酣
而四躡之韓以谿子巨弩長戟斷其後咸如公子教
遂大破王齧抑之於西河之內是時天下稱明兵法
者無如公子雖秦人亦曰自吾下山東未有如魏公
子勁者也公子在吾何以得志乃進間

魏哀王謂公子無忌曰甚哉寡人之不欲事秦也然而無可以與秦勁者公子無忌曰昔者未有魏而晉師之西而格河之外也十九勝焉秦人恐而退自擯爲戎不敢比數於諸侯晉恆以爲權於天下有魏而秦師之東而格河之內也彼十九勝焉君王恐而退自貶爲藩不敢比數於諸侯秦恆以爲權於天下晉一而霸三而弱君王能復求晉後約韓魏而臣之乎可以西却秦南爲政於齊楚魏王曰惡是何言也君晉而身事之也則不若君秦而名事之無忌曰臣固知

其不可也爲從之不固也君亟斷河內毋使崤函游
士之軾入境而媾韓趙是一完晉也車馳金馬馳璧
而南托於楚是益一晉也車馳金馬馳璧而東托於
齊燕是又益一晉也三分晉而抗秦猶庶支三益晉
而秦不立紂哉從衡之利害剖也請燭照然先王之
君臣不察朝蘇氏而夕張儀至於此極也臣竊怪以
君王問晚矣魏王曰善

文信侯且仰藥客周甲曰徐之請隱而窺秦王死未晚
也乃僂行見秦王曰臣東海之鄙人也海有龍魚服

游渚豫且得之束以網罟旄柳鈎乎喉吻之間霜刃
垂飛於纖鱗鼎灼波湧王曰危哉賈師見而愍之脫
衣以質放乎清泠鼓暑揚鬣倏忽變化雨澤四裔垂
領之珠報漁者乎報賈人乎王曰賈人哉客毋爲隱
也賈人因是以衷刃鋸龍之首而擬鱣龍則無異於
讐漁者彼謀彼之謀吾爲吾之爲而已文信侯聞之
立仰藥死也

秦王旣以誅二周韓翦趙魏燕代其舍人之坐文信隱
者跳之楚楚王辟客寢見曰國旦夕亡先生乃幸肯

臨之先生不以亡棄楚敢問秦王何如人也曰秦王
爲人蜂日長準鷲鳥膺豺聲少恩而虎狼心好以禮
下士金石賞罰其大夫何如曰其大夫則刻深悍精
而法於吏將帥䟽猛好謀而毅士卒則習之矣無疲
數日固也數愈勁袒裼赴敵左搃人首而肉之右挾
俘鹵百厲百決楚王瞿然曰秦其帝哉曰帝也等亡
耳曰子之言秦帝也而亡何居曰王不見夫田者爲
狐狸鼯鼯之暴也思豹牙而羆爪者逐之羆豹因是
以齧齧人思又爲狡麋若駮逐之狡麋駮因是以齧

齧人甚毒發矢巧中穿三尺之童得而哺餒之諸國
貍豹也秦則狡麇駁也且夫王之好以禮下士金石
賞罰也此欲得所爲得之其蜂目長準鷺鳥膺羽聲
少恩而虎狼心爲安於君者而已哉其大夫佐其君
得所欲爲得之能無從與君哉其士卒袒裼赴敵左
搯人首而肉之右挾俘鹵百厲百決此自欲得所爲
得之爲安於民者而已哉楚王悅曰然則前楚亡乎
曰非臣所任也臣猶之乎蜜肌以且寄息者非以春
秋寄息者也

荆卿爲燕太子使將入關寒泉子見白虹之貫日也詫
起曰此必有諸侯謀秦王者乎據崤渭之衝而候之
燕車四乘寒泉子視其使貌沈深叵測也其副悍目
哆口怒而面白此骨勇者曰是爲謀秦王者哉奈何
投肉虎狼之口而怨社稷也舍定間行往謁荆卿曰
客何所繇事曰敝邑燕王之孽臣丹聞秦王有意督
過之不勝恐懼以王之欲地讐首獻願世世稱北藩
築宮比於臣妾不識秦王亦肯幸赦燕否寒泉子曰
此非虞野人所任也雖然試爲子籌策之十一夫秦

豺國也其君臣日夜東嚮而思食諸侯王十世矣今業已吞二周揜三晉郡縣之兵旦莫度易水太子爲欲地之足以飽秦王而讐首之足悅乎得燕欲地焉往得太子讐首焉往爲太子計者不過曰吾遣卿西事秦秦王幸而見之以其間爲曹沫所爲反諸侯侵地大善則不可因而刺殺之秦內急主而外寬諸侯以延呼吸之命此大非也幸而計遂爲曹沫要盟而許之釋盟而不食言此五霸之事也非所以語於反覆秦也兵以速加燕計遂已殺王秦之易王也如反

掌而因兵如脫兔兵必速加燕計不遂而主語泄秦王之譏然怒也兵又速加燕加燕而社稷墟燕之子孫之無噍類也授秦以名而快其忿鉤其蠱毒其吻荆卿跽曰不敢先生幸終教軻曰毋也子行而獻欲地讐首秦王必暫悅悅而子說之以寬燕而伐桀楚必從秦兵發子馳而歸報太子以重金寶購齊使悉國兵尾其後約楚而夾擊之以重金寶購匈奴悉胡騎繇五原躡其西北以重金寶徇三晉之亡臣大夫而悉燕兵數十萬壓之必羣起而響應夫秦重兵掣

於外而內空虛四捍不逮驟發於不虞之燕其亡秦
必矣子爲盜俠而貨燕之社稷何所非死乎荆卿拜
而請曰先生之言金石也請毋泄也旣別謂秦舞陽
曰吾非不知彼之謀以曠日持久則不能也吾以刼
許太子而倍之是吾愛身也怯也吾且行矣

周鼎入於泗秦皇帝制詔善游者萬人泗求之不獲盡
斮死獲之以千金若萬戶邑賞客有見者曰臣固能
獲之臣少嘗見之錯彩如鏤而色飛九州之山川民
物都會怪瑋具焉皇帝曰善如布式曰獲之請銷而

器之皇帝曰惡爲其鼎周也如秦則折鈞之喙足矣
客再拜曰主臣陛下之欲得鼎也而不忍毀也昔者
得周之故王胡不以奉而廢之夫陛下易火德而水
易王而稱皇帝金人傀俄萬世師秦唯鼎是周令天
下有以窺見其餘夫三川之陽豈少爲文武昭穆者
哉秦皇帝曰敬罷客吾不復問獲鼎

秦始皇既啗二周平六國郡縣其天下而衛之嗣君猶
稱國也朝而當奪而秦王不省也居數載丞相弗悅
之思而輦其重以黃金百鎰白璧五雙賂中府令高

而祈存焉高謝曰始皇乳虎也弗敢撓且吾何得之
丞相姑待之居無何烏倮以虜之馱馱百足橐馳十
雙獻而始皇封之戎王之甌脫使比列侯以朝趙高
乃通於丞相去疾斯之舍人曰上夕者按圖而不懌
也曰衛蕞爾邑而尙稱君以亂我制丞相其謂何丞
相恐乃上言衛故姬姓侯也今天下邑而獨衛邦令
若長而獨衛君弗當宜罷君爲庶人邑其地始皇讀
而疑忽涕然息上柱曰丞相久不言衛而今言衛者
以我封倮也謂倮賈而我崇賂也下書切責丞相丞

相久不言衛今胡言衛耶丞相豈以身有功當封耶
衛君世世爲秦臣共職貢不乏寧若六王之挾王而
衡我其食封勿奪丞相以咎高高曰非誑也上諱非
其指且不私衛而私僂丞相乃悟竟始皇世不敢言
奪衛

盧生等將就坑搏膺而歎曰天乎余之無罪也余死將
詛諸孔子監者曰叱嗟生惡無罪主上旣以焚孔子
言而召諸儒生乃倍孔子來見乎抑匿孔子乎倍而
來不義匿而事不忠夫仙藥之難就而仙材之不易

遇也而徐市等乃面相謾欺糜膏血而奉之又其以子弟殉大海諸儒生從與如決流退有後言死者而無知也奚所詛死者而有知也奚以見孔子盧生賈然雪涕曰死晚矣死晚矣乃就坑

客謂丞相斯曰相秦而有大功於天下者二人而應侯不與也曰何人也客曰商君文信侯也孝公之初絀秦於西戎弗敢稱諸侯也商君相之明法審勢開阡陌平賦稅上首功別男女秦以富強天子致胙三晉賓服啟秦者商君也商於之邑十五城南面稱寡人

矣然而車裂於澠池之市而民不思先王之困於趙也若笠豕然文信侯捐家而出之碭盎之上又挾秘而超諸公子玉麟之符剖而長有社稷今皇帝得托體焉啟秦有天下者文信侯也河南之邑十萬戶號仲父矣然而服毒於巴蜀之市而民不思何者功大而多食報也功大者厭於主多食報者厭於民應侯則不然躡屩而見王緩頰取相功不過行間益疆不得志於天下鄭邠而杜門蔡入而辟印沒齒之年猶飽應也今主君之功商君文信侯之功也主君之報

商君文信侯之報也竊懼秦之以主君三也

齊君建餓於共松栢之間雍門司馬聞之曰夫非君也
乃走見秦皇帝曰皇帝幸哀憐齊寬之使後五國又
使得比於小國諸侯其亡臣敢以故主請也皇帝弗
悅曰而主塞西界不通故令兵將誅之內於共若奚
問也曰帝秦十世而誅三晉及楚數百戰大者伊闕
丹陽藍田鄢郢長平華陽邯鄲大梁積屍骨百千萬
秦民十二焉齊無是也齊世世受秦好不敢以尺寸
之刃加秦之鳥獸陛下獨不幸赦故王使歸骨東海

乎敢以秦民之故徼惠於陛下秦王按劒而叱曰御史出之毋多言雍門司馬跳謂齊豪曰三晉與楚十世而讐秦數百戰大者伊闕丹陽藍田鄆郢長平華陽邯鄲大梁積屍骨百萬諸侯十九焉今其存者皆其孤也齊無是也大王以齊民故世世受秦好臨淄之塗得以無草莽諸大夫厭梁肉獨不念松栢之間餓者齊豪曰嚮吾齊民也今秦黔首也有秦法在不果也雍門司馬仰天而歎曰悲夫大夫時平則君臣變則行路哉乃間行謁王建相抱而哭俱以餓死

子嬰當立爲秦王家臣韓談見焉仰而賀因俯而弔也
恠問何謂也曰始皇帝過聽廷尉言罷封建諸公子
亡湯沐之奉夷於黔首二世加之過聽中車府令言
十二公子僂咸陽十公主砒死杜公子高雉經於墓
盡先皇帝之遺母得比黔首者今大王旣以超賤離
死拔主萬乘雖然大王爲公子而不蹈非命十一也
今不爲公子而不蹈非命百一也夫以二世之嚴周
廬若礪環衛若螳而咸陽令兵木末而刺之若縛雞
况其下者乎子嬰大憂泣曰奈何子吾身也曰無傷

也彼以重勝二世者以輕敗我者也於是遂定策稱
病來丞相高而與子刺之

史記短長說卷上

終

番禺孟鴻光校

史記短長說卷下

明吳興凌稚隆以棟訂正

楚項王晨朝諸大夫韓生見曰大王有意幸王關中關
中四塞地肥饒可都勿失也項王默未答亞父曰善
哉韓生言也秦以虎踞東面而笞捶天下固萬世業
也沛公聞之驚曰殆矣夫項王虎狼也而據關中是
負嵎而伺肉人也吾且肉矣子房曰無恐也請得見
項伯乃夜見項伯曰舍人言大王乃肯王關中灞澹
之旁美田宅園圃百一之賈君擅甲焉不佞亡臣之

餘敢請其羨伯曰唯唯賴君之庇庶幾有之曰敢問
大王之所與將者師幾何曰四十萬人固也渡江而
北爲楚者師幾何曰十萬有奇人之好去鄉者情乎
曰非情也新城之役秦師之就坑者幾何曰二十萬
人二十萬人之爲父兄若子弟親戚者幾何曰不可
幾也亡慮百萬敢問大王之坑秦師也何故曰爲武
信君乃起歎曰嗟夫君之不蚤計良也今幸乃遇良
爲武信君報也者則爲秦師報也者其懷刃而欲刺
大王與君之腹專矣大王之卒四十萬人其從諸侯

王而國者三十萬人則王卒十萬人不好去鄉者十之八則毋跳而留衛王者十之二矣夫以二萬之卒而欲壓百萬之怨民使之日耽耽焉而計其隙卽灞澹之旁美田宅園圃以億計君安得長擅之乎夫使烏獲酣寢十其仇衷短衣而環侍卽母烏獲明矣項伯曰善八言之項王曰客有稱新城之役者宮其室俘其人寢食其共惴惴焉項王曰亞父亟請之吾非忘之也富貴不歸故鄉如衣繡夜行誰知者明日韓生復流訕乃烹韓生

亞父謂項王曰善勝敵者策敵者也不善勝敵者策於敵者也甚矣大王之爲漢也臣薦韓信而大王不用已令漢用之矣臣薦陳平而大王不用已令漢用之矣漢欲大王殺義帝以爲大王罪大王殺之矣今者又欲大王棄臣大王固先厭臣矣

亞父謂項王曰木蠹膚者淺蠹也蠹衷者全蠹也臣不肖少嘗習於秦知秦之善因六國之間也始用應侯策走信士日夜輦而之函谷之外以害脇諸孱王而相之母事治事練卒務以東折符南訾敵而北肆兵

而歸重於秦偃然而坐制天下之權十七秦猶以爲未也夫吳冠而越吟人得其自也有信信有疑信則日夜輦黃金而走函谷之外以隙乘諸幸臣而誘之而後天下之權十全制也諸孱王各賢其臣而不疑自魏無忌天下之賢公子也收五弱挫強驚於崢澠之外秦因晉鄙客而間之曰是陰王乎公子卒謝病免角尉文君上黨之阨而未快志也又使藺卿之舍人間於平原君曰此夫易與且降矣獨畏馬服君子耳馬服君子代尉文君而喪四十五萬人武遂之役

秦難李牧也則以郭開間曰牧爲壽捍七首行弑也
趙王信之而洊亡燕王不欲誅太子丹以媾代嘉爲
秦間曰秦欲得太子丹頭而飽無所事燕也丹頭獻
而兵朝度遼水之上矣五國兵而齊患亡欲從后勝
爲之間曰齊謹秦秦不忍以尺刃東嚮也齊不備而
王建餓於松栢而後知后勝也是何秦之巧而六國
之拙也故用間難也因間易也雖然猶未盡易也自
夫英主鮮幸而間則破也若乃處骨肉之地當肺腑
之任休戚均焉而且暮爲敵間如伯者此全蠹也雖

英主不得破矣

亞父既謝項王而歸彭城也邑邑刺刺唇燥吻涸淫火
四上焚於大宅肉食鮮進數引漿勺中夜起坐徬徨
顛錯乃召卜師取龜躬以清水澡之以卯祓之祝之
曰玉靈夫子增雖耄老敢忘家國其敢以請則爲楚
卜曰兵庶幾戢哉其兆首仰足開身作外疆請則又
卜曰增病矣其得無殆乎其兆首上開內外交駭身
節折亞父慘然不悅曰卜師前卜師乃前跽曰下走
愚不肖以天請敢以人請也君侯之初從武信君也

爲筴誰。亞父曰立懷王曰武信君之敗於雍王也
君侯奈何不先言之曰固言之而武信君懷弗聽也
然吾時在襄城曰君王之擅殺卿子冠軍也而胡弗
止也亞父曰何哉夫卿子冠軍以口將者也而又多
外心且師老矣秦克趙而強我聞克而餒必敗夫一
呼吸而存亡係焉非君王其誰能安楚卜師曰善君
王之坑秦降卒二十萬新安也而胡弗止也曰吾固
止之而君王方有恐也其秦卒怨且有謀夫六國之
吏民剽項刳腹斷肢屠胃於秦人之手者十世矣而

今幸得復且以秦人之一謝趙人之二而猶未足也
蓋君王一言之而衆刃蝟發誰能已也以諸侯僂秦
二十萬而不可以秦僂諸侯十世而百倍之可吾未
之敢信也曰君王之誅子嬰而燒秦宮室也而胡弗
止也曰有之夫子嬰者秦公子也我楚之先懷王而
以詐死王負芻而以幽死君王之大父燕與武信君
而皆以鬪死夫諸侯王之先降而全者誰也其各修
怨焉夫誰之能止都城之內外若朝宮者大而不可
訓其離宮則孰非諸侯王之故而忍存之夫是以弗

止也曰君王之倍帝約而弗予漢秦也而胡弗止也
曰君王非倍約也以程功也當是時救河北難入關
易支秦之勁難乘秦之隙易籍令漢王與卿子偕而
北也我君王之入關也我入關秦且折而楚漢王與
卿子敗敗而彭城繼之楚亦折而秦且漢王不待報
而遽有秦閉關以扞我是漢先倍約也非君王也曰
然則君王胡以不遂都關中曰以存約也示與漢兩
置之且君王綱紀之僕靡西人焉而皆楚卒也誰能
無楚思卜者前賀曰卜之天而君侯左也卜之人天

且爲右焉雖然義帝江之役其真盜乎抑有以受乎
君王其與聞乎抑弗聞也請更卜之心亞父不能答
夕疽發於背七日而亞父卒

漢王欲媾楚以請太公不得客有侯生者蹙髀膝擗淚
目泥耳前仰後俯衣褐因謁者見曰臣請爲王媾楚
漢王叱曰而胡言之易也謀若良平辯若隨陸弗敢
任行而胡言之易也侯生曰王請太公耶弗請太公
耶請太公也而以輕絕天下士何也令臣必貌見王
王必貌取人則胡不以將張蒼而將韓信王曰善子

先之富貴且共之侯生遂東見項王曰漢王之使陪臣來謁媾未畢項王按劍疾聲若霆霓曰季不欲得父耶欲得父而不以丞相何來令堅儒來調乃公也趣鼎提烹之侯生曰臣始以爲大王英雄也乃今知大王非英雄也大王乃不如漢王項王曰何謂也曰漢王誠欲得太公則遣丞相何來遣臣來是不欲得太公也大王之王漢王也漢王如不聞也旣王漢因以王漢爲大王罪曰負約而愚天下江之役漢王如不聞也義帝死乃以死義帝爲大王罪曰弑君而愚

天下鼎之間太公且就烹漢王如不聞也必太公死
乃以是爲大王罪曰殺吾父弗義請與天下共報之
大王幸赦太公漢王語塞請和也漢之君臣相與謀
曰吾遣丞相何往齎金帛稱臣割地以求太公楚王
必喜而予太公予太公吾毋以爲兵端也乃定使臣
烹臣與太公而後漢君臣之計中夫決謀之謂英立
斷之謂雄大王勇揜謀而不斷已食其禍而食敵以
實利也臣故曰大王非英雄也大王以直予漢則毋
若以曲子漢正告天下曰漢之土地甲兵寡人無所

利焉漢王嘗與寡人約爲兄弟吾不忍其父而歸之
以庶幾息肩元元漢王內逼親外逼名必不敢畔楚
而構禍於天下項王室劍斂膝曰快乎先生之言如
發矇也禮太公使侯生御而歸漢漢王大悅曰此辯
士所居傾國因封侯生平國君

西楚霸王使司馬奉書漢之諸王列侯大將護軍中尉
卒正人吏漢王劉季奸回不道倍詛棄父酗酒嫚賢
以干天伐惟我兩軍迫於克殘不以好見敢布腹心
昔我武信君有討於薛季實帥羣盜而請啟行爰錫

虎賁五千驃將十人以爲季紀綱之僕寡人迅掃河
北遏劉全師季得抵間以入崤函之險蹈空解理兵
刃不血伊誰之故季遂鬻寡人以奸而距嶢關義帝
一介之使逆聞不內寡人以爲討實搖其尾寡人寬
之弗誅念厥功剪茅壓紐王有巴漢惟是故裔勞臣
瓜分天下寡人亡所利焉庶幾與諸侯王息肩季復
潛兵布謀以盜三秦強劫五國衷刃嚮德飭撫浮譖
汙巖寡人簞鼓其下羸秦爲毒屠割寰宇十世之殤
奮其武怒甘心於報新安之役雖寡人先之實諸侯

王吏民意也秦鑿元元之膏以建阿房示萬世侈寡
人有憂焉六王之宮厥亦有孫子臣士痔胸疾首鬱
爲烈炎秦獲六王良者餓死敢忘子嬰之僂惟義帝
之暴終以侍衛不處爲寡人罪君其問諸水濱抑聞
之季也出蜀而東窺關帝豈已大故耶季又聳諸田
畔王命以牽我於齊而入我彭城寡人不獲已迺有
泗睢之役季不習於戰大棄其師寡人寬之弗追季
又跳劫老弱張兵威而窺我寡人不獲已迺有滎陽
之役季又不習於守大棄其師寡人寬之弗追季又

揜奪我同盟挑脇我與國離間我腹心爲鬼爲蜮爲
蝮爲螟寡人欲有肆焉爲先武信君之故與諸侯王
大夫吏之不寧季幸旦赦寡人夕改圖也盟季父而
歸之約曰鴻溝以西爲漢以東爲楚季踴躍稱報世
世臣妾季履后土而戴皇天皇天后土實聞斯言餘
腥在齒復謬聽一二愴壬稱兵固陵矢鏃未交烏潰
獸散今者復誘齊王武王趙王梁相國以土地金帛
而謀楚曰得楚與天下共之諸侯王自視與季父孰
親佐漢而伐人國與沽季父孰德季已滅寡人德棄

父不顧其何有於諸侯王也寡人甲雖敝足以一奮
諸侯王所習鉅鹿彭城事者斬季降請以關中事之
世世鄰好與天無極季能革心自悔竄還故封寡人
亦無所恨

彭王旣封梁大置酒會客扈輒偃而前弔曰嗟夫大王
之以身托王也是殉王也何故曰大王之起鉅野一
役夫耳非六國素貴衆附而暫失職者也大王游師
於梁楚其附離漢若沉而若浮非有蕭曹金石之素
也大王之功獨有徇魏下昌邑絕楚糧道間給軍食

耳非有齊王信畧定之勛也夫蕭曹之貴不益侯而
齊王之立非主上之意也大王安得宴然南面稱孤
哉且圍陵之役漢以誅楚告而大王恐疑惆喝而不
應也漢以勝楚捐睢陽以北至穀城王大王告而大
王翩然來也是以梁而來也抑爲漢而來也者漢焉
得以純臣視大王也且夫天下不一而人易王也天
下一而王不易王也無智愚知之臣故曰殉王也大
王盍謝梁而就侯之故封乎夫以一世王而身裂孰
與百世侯而子孫不絕也彭王嘍喑不忍辭也後竟

有雒陽事

鍾離將軍辟漢亡之楚楚王信欲弗納鍾離將軍恚且
自剄也騎無詭謂曰請爲將軍嘗之乃入拜賀曰大
王行千金報漂母又濶畧惡少年而不誅且官之天
下之士靡不南向馮軾而入楚以得奉大王布衣之
間爲幸大王之英風薄海外今者門有一鍾離將軍
自言與大王有連也楚王曰鍾離將軍故有連也雖
然垓下之決田王亦旣辭梁王而之烏矣願鍾離將
軍之事田王也曰德德者常也德讐者變也然而厚

也讐德者薄也大王旣以幸寬惡少年而不誅且官
之而獨棄鍾離將軍是大王再用變而後居薄也臣
竊爲大王不取也且夫虞卿賢臣也急魏齊之禍捐
相印而與之間行亡命鍾離將軍怨不勝魏齊漢暴
不勝秦而大王之賢遠過虞卿幸毋以他卻也楚王
曰固也鍾離將軍得罪漢而寡人漢臣也寡人眇眇
之身不足以殉鍾離將軍不願見也曰大王虞臣漢
也則請毋虞臣漢夫什方侯之璽漢皇帝腐心而受
之爲其功大也漢皇帝必不忍以大王之匿鍾離將

軍掩大王功明矣且楚國雲夢之渚折蘆之爻亦足以藏鍾離將軍而無憂楚王曰諾請見之

漢之五年封英布爲淮南王出而有驕色隨大夫請見不拜曰幸甚無恙今天下稱雄勇於大王者獨項王耳項王滅獨大王在漢之諸王楚王信最貴大王次之其諸南面而王者固皆雁行弗敢先也雖然大王之所稱功烈於天下者五耳初渡江振武信君之弱而起之以破秦嘉景駒軍一也以二萬人北掇邯鄲之說而爲軍鋒冠二也坑秦卒二十萬以快諸侯三

也取間道破函谷關以與大會兵四也又與衡山臨
江王爲掎之績五也夫是五功而皆在楚漢弗與也
其一功爲楚窘漢者也其二功又豪傑之所腹誹也
大王以九江歸漢龍且來見討弗能距固陵之役在
軍軍不能勝今徒以一歸誠故而偃然而當列城邑
之封又以驕色御之臣恐漢幕之士自執圭而上皆
得持功籍而與大王差計也淮南王謝不敏曰孤之
獲有此日也大夫之賜也請以黃金百鎰白璧一雙
爲大夫壽隨大夫辭而去之曰吾以爲淮南王功也

是吾且代淮南王禍也吾弗敢愛也

高皇后謂鄧侯曰相國來帝討叛豨托君以老婦弱子胡嬀自遂也鄧侯免冠謝曰唯社稷之策與主上之寵命不有寧也后曰吾三使使問軍中事而三不答也意者憂不在外歟夫淮陰侯蹙項之勁也而中廢意怏怏吾甚憂之其反也老婦請厲礮益而爲君先鄧侯曰臣聞之決癰者虞其咽淮陰侯功臣也主上未有命誅之臣懇挑禍也且臣老不足以任大事鄧侯趨出辟陽侯見曰臣異日得侍后未見不色懌者

也今者乃不色懌也毋以臣委弱歟后曰否吾欲甘心淮陰侯相國不與也辟陽侯曰相國文吏易搖臣請徵之出見鄼侯曰下走不敢從百執事以見竊怪相國鮮食惡寢中若負隱懲胡憊也相國謝曰無有曰不佞得從良家侍環衛之列唯是一二語與聞之日者皇后朝罷而歎曰老婦諄過言漢中之帥誰壇而拜者得無生語泄乎吾母子不食新矣鄼侯大恐色變入請死遂謀誅淮陰侯

冒頓爲單于強而數苦北邊高祖患之以問劉敬敬曰

天下初定士卒罷於兵未可以武服也冒頓以力爲威未可以仁義說也獨可以計久遠子孫爲臣耳然恐陛下不能爲上曰誠可何爲不能顧爲奈何劉敬對曰陛下誠能以適長公主妻之彼知漢適女必慕以爲閼氏生子必爲太子代單于冒頓在固爲子壻死則外孫爲單于豈聞外孫敢與大父抗禮者哉兵可無戰以漸臣也上曰善叔孫生進曰大漢方一宇宙超三五乃無故而飾愛女以爲匈奴御得無貽笑後世哉夫匈奴豺狼也其父之不卹而手摘之以死

何有於婦父冒頓之有子也而見其大父之死於冒
頓也則曰吾父且不武何以獨忍吾大父而弗忍外
大父也不然而以十萬騎入塞牧曰均而孫也吾何
以無漢分地請得九州之偏若幽冀者寓牧焉奚辭
捍之上曰虜貪而好色故餌之叔孫生曰冒頓餌人
者也非爲人餌者也不觀其初得志而以其所愛閼
氏予東胡而兵隨其後彼豈其遽耄昏哉而我乃用
彼之餌人而餌之乎上不聽入宮以語呂后后大啼
泣曰妾唯一子一女奈何棄之匈奴上乃歎曰唉而

之不欲棄女匈奴也晚矣則胡以磔淮陰侯也

高皇帝謂羣臣曰吾少也賤嘗習於戰國而未竟也夫
三武安君孰賢陸大夫曰武安君秦似賢夫武安君
秦不假尺箠寸兵一介之衛緩頰而鼓燕厲趙懌楚
靡齊膠韓魏而西脇秦天下之權舒縮三寸之舌佩
金者六此豪達之極操也十五年函谷不出兵而男
女獲老此慈惠之宏覆也臣故曰武安君秦賢舞陽
侯曰不然武安君起賢白起將而摧韓魏伊闕安邑
華陽陘城野王趙上黨楚鄢郢首虜百萬城大小二

百自蚩尤以還未有績烈若是偉著者也身死而秦
用其教以吞天下臣故曰武安君起賢季將軍曰因
易也反難也二武安無無因者起因勇也秦因怯也
以關中吏士之勇卽非起將之勢不得不勝也以六
國之怯卽非秦誘之勢不得不合也武安君牧賢也
夫武安君當衰季之趙厲殘傷之卒北摧虜西遏強
羸若拉朽然反弱而見強反負以要勝牧存趙存牧
亡趙亡臣故曰武安君牧賢帝曰善夫季將軍之言
將矣

建成侯爲太子留侯曰君故爲主上時時秘謀今數欲
易太子太子不敢以望君君爲言太子而主上不聽
也萬歲後太子不敢以望君留侯曰地疎而計親者
拙也位賤而圖貴者諄也且上數在困急中幸用臣
策今策天下安定以愛欲易太子夫以疎賤幾棄之
人而處於骨肉之間百臣等何益建成侯刼曰雖然
爲我強計之曰此未易口舌爭也顧上有不能致者
天下四人東黃公綺里季夏黃公角里先生四人者
老矣皆以爲上嫚侮人故逃匿山中義不爲漢臣然

上高此四人公能爲太子致之乎爲太子致之而見
之上必異而問之問之而事可大助也建成侯曰善
言之高皇后使使者齎黃金百鎰白璧四雙安車四
乘以太子書繇商山而道披箚棘貽四皓曰寡人之
竊寤寐高誼久矣屬卒卒無燕閒之間不敢以身過
請敬使家令布其區區夫四先生鸞矯鵠舉游於空
外糠粃萬乘草芥窮顯使海內傾響而慕聲且以秦
皇帝之強捶六國王而不能以寸組被四先生以項
氏之暴血五諸侯而不能尺刃脇四先生寡人則何

敢言雖然寡人可以執鞭箠而共埽除之役無不爲也寡人竊有請也堯舜欲以天下辱巢許故巢許弗辱也出不能加治於唐虞而遯足增華於堯舜是故其入箕渭益深也若師尙父之於文王則不然八十而非熊九十而鷹揚百有二十而磐石於齊施於孫子大表東海夫天下不以巢許故而廢師尙父四先生有意肯幸臨寡人寡人旦夕事之如父師四先生卽不厭師尙父一沛其餘卷舒若雲又似游龍九有被施萬代若新豈不快哉四皓委髮蛻臥佯憊不屬

曰老臣不足以辱太子使者庶無所之長安千里而遙老臣固道路之遺骨也且焉敢以子先父也使者三請不可乃返建成侯憂曰若之何更見留侯曰子爲之號驚於市而曰鸛也其曰非鸛而訕之者十九號山鷄於市曰鸞也其不卽以爲鸞而訕之者十不一也夫鸛恆見而鸞不恆見也四皓之辟世人久矣帝嚮者固高之特耳之耳建成侯曰請受教闕使者問狀貌所近而推得之舍人中老者爲隱衣冠抵掌而談商山甚悉及太子燕上置酒受留侯辭以從上

怪問曰彼何爲者四人前對言姓名上乃大驚曰吾求公數歲公辟逃我今日何自從吾兒游乎四人皆曰陛下輕士善罵臣等義不受辱故恐而亡匿竊聞太子仁孝恭敬愛士天下莫不延頸欲爲太子死者故臣等來耳上曰煩公幸卒調護太子四人爲壽已畢趨去上目送之召戚夫人指示曰我欲易之彼四人輔之羽翼已成難動矣呂后真而主矣長安人人謂太子能屈四皓也

漢高帝誅淮南王還張飲沛懽甚已而酒見羣臣倨謂

曰吾孰與古帝王稱鄩侯曰堯舜帝不懌曰相國過
諛吾吾焉敢望堯舜哉鄂君曰唯陛下過損以不如
堯舜卽堯舜不如也夫堯唐侯也舜天子之介冑也
陛下起布衣無尺寸之籍其不如一也嬴項之強難
爲力攻百倍水焉堯使禹治之九年而甫畢陛下五
載而大定其不如二也唐虞之甸不千里而近今薄
海內外罔不臣妾其不如三也堯舉共工鯀驩兜而
儋事陛下拔三傑而將相之勤若響應其不如四也
臣故曰陛下過損也非相國過諛也帝大悅曰雖然

請舍是而擬我鄂君曰秦始皇哉帝怒按劒而叱曰
監子吾提三尺誅無道秦童子知之始皇何人而辱
我鄂君再拜曰始皇聖之威也以不足辱陛下乎則
可然愚者任目覩跡從耳程響陛下幸赦之請得舉
其似夫始皇稱皇帝陛下因之不改始皇斥郡縣湯
沐之奉大於王畿陛下因之不改始皇立丞相太尉
御史九卿陛下因之不改始皇築冀宮象天闕陛下
之未央崔嵬不改始皇爲黃屋左纁千乘萬騎陛下
之旌旂鬱然不改始皇惡儒陛下亦惡儒始皇斥太

子陛下亦數欲斥太子然而始皇不好酒陛下好酒
始皇之誅韓趙灌魏鹵趙斬燕滅楚囚齊兵不留行
陛下血濺水而躡滎陽始皇使蒙恬北逐胡築長城
萬里之內無馬跡陛下之困白登七日不食卑賂以
脫始皇下五嶺拓南粵陛下不能使尉佗解椎而正
襟始皇之世六王之裔脇息黔首陛下不能使臧荼
黥布之母反始皇之世剪信終牖下而陛下不能使
韓彭之母族繇此言之陛下殆不如也帝默良久
乃舉爵自罰曰敬以謝鄂君之規

高帝崩曲逆侯畏呂須之讒也舍車而馳至宮哭甚哀
因奏事喪前太后哀之曰君勞出休矣曲逆侯固請
得宿衛太后乃以爲郎中令曰傳教帝居久之曲逆
侯爲人長白姣麗時時與辟陽侯審食其並宿衛其
美險辟陽侯卽辟陽侯亦自以弗如也而太后亦數
目屬之勞賜餐餼上尊相繼曲逆侯心恐乃使其舍
人謁辟陽侯曰陳侯敬使使謁君侯敢布腹心陳侯
雖幸蚤貴然外臣也豈敢以僭君侯惟是長信之目
屬焉懇一旦之失身以爲君侯憂帝長矣無所事傳

侯請得辭宿衛爲外臣辟陽侯心然之耳且又多之也曰是能讓乃請間於太后曰曲逆侯何如臣也太
后曰是忠臣也先帝信之而托肺腑今其傳人主也
十日而不洗沐蚤起宴罷若忘其有家者辟陽侯起
避席曰曲逆侯之爲忠臣天下莫不聞然其美麗也
少而有佚行於嫂天下亦莫不聞今臣幸而得侍宿
衛以貌寢故無譏者以曲逆侯之萬一而波及臣也
臣何所逃死太后不懌曰若貌曲逆侯耳吾何有也
爲出之雖然不可以不重乃拜安國侯右丞相而曲

逆侯爲左丞相

穎陰侯爲大將軍東擊齊齊哀王貽之書曰高帝提三尺劍誅暴秦有天下實賴君侯及二三大臣之力剖符定封以啟湯沐世世勿絕唯是庶邦兆民之供與君侯二三大臣共之惠帝崩高后用事私其家人誅僂懿親翦滅宗社弗神其鬼白馬之盟蔑焉以王諸呂君侯及二三大臣實與聞之曰委曲苟遷以濟大幾今少主非先惠帝遺體兢兢負乘祿產實鑿其牙旦夕改社寡人眇小之區非敢以與宗廟大策唯君

侯與二三大臣是希以微惠於高皇帝今者崤函之間有兵師焉云君侯將之以誅寡人寡人未敢信也寡人少不能知君侯嘗聞之先王言雍邱之起君侯實布腹心高皇帝削羸掃項百十鄰死以有今日爵列通侯位至三事君侯所鄰死百十且富貴者爲高皇帝耶爲呂后也今幸社稷之靈呂氏倒持太阿以授君侯君侯不蚤定計卽不諱與二三大臣何面目見高皇帝於地下潁陰大慚詫曰此嬰之日夜切齒而腐心者也敬與齊王連和

淮南王之椎辟陽侯也免冠詣北闕謝文帝以親親故不忍誅而怒不已也入見太后而請罪曰臣有弟不能訓而擅僇高皇帝之大臣臣不能屬司寇而寬之敢謝不灋太后曰帝毋忘高皇帝耶曰何敢忘曰帝亦知呂后之人璵戚夫人乎曰知之曰高皇帝而在也其能無人璵辟陽侯哉淮南王代帝而行高皇帝誅者也何罪其速賜王冠

順宗實錄卷一

起藩邸盡貞元二十一年二月

唐史臣韓愈撰

順宗至德大聖大安孝皇帝諱誦德宗長子母曰昭德
皇后王氏上元二年正月十二日生大歷十四年封爲
宣王建中元年立爲皇太子慈孝寬大仁而善斷留心
藝學亦微信尙浮屠法禮重師傅引見輒先拜善隸書
德宗之爲詩并他文賜大臣者率皆令上書之德宗之
幸奉天倉卒間上常親執弓矢率軍後先導衛備嘗辛
苦上之爲太子於父子間慈孝交洽無嫌每以天下爲

憂德宗在位久不稍假宰相權而左右得因緣用事外則裴延齡李齊運韋渠牟等以姦佞相次進用延齡尤狡險判度支務刻剝聚斂以自爲功天下皆怨怒上每進見候顏色輒言其不可至陸贄張滂李充等以毀譴朝臣懍懼諫議大夫陽城等伏閣極論德宗怒甚將加城等罪內外無敢救者上獨開解之城等賴以免德宗卒不相延齡渠牟上有力焉貞元二十一年正月癸巳德宗崩

丙申上卽位太極殿冊曰維貞元二十一年歲次乙酉

正月辛未朔二十三日癸巳皇帝若曰於戲天下大
實惟重器祖宗之業允屬元良咨爾皇太子誦睿哲溫
恭寬仁慈惠文武之道秉自生知孝友之誠發於天性
自膺上嗣毓德春闈恪慎于厥躬祇勤于大訓必能誕
敷至化安勸庶邦朕寢疾彌留弗興弗寤是用命爾繼
統俾紹前烈宜陟元后永綏兆人其令中書侍郎平章
事高郢奉冊卽皇帝位爾惟奉若天道以康四海懋建
皇極以熙庶功無忝我高祖太宗之休命上自三十年
九月得風疾因不能言使四面求醫藥天下皆聞知德

宗憂感形于顏色數自臨視二十一年正月朔含元殿受朝還至別殿諸王親屬進賀獨皇太子疾不能朝德宗爲之涕泣悲傷歎息因感疾恍惚日益甚二十餘日中外不通兩宮安否朝臣咸憂懼莫知所爲雖翰林內臣亦無知者二十三日上知內外憂疑紫衣麻鞋不俟正冠出九仙門召見諸軍使京師稍安二十四日宣遺詔上縗服見百寮二十六日卽位上學書於王佐頗有寵王叔文以棋進俱待詔翰林數侍太子棋叔文詭譎多計上在東宮嘗與諸侍讀并叔文論政至宮市事上

曰寡人方欲極言之衆皆稱贊獨叔文無言既退上獨留叔文謂曰向者君奚獨無言豈有意邪叔文曰叔文蒙幸太子有所見敢不以聞太子職當侍膳間安不宜言外事陛下在位久如疑太子收人心何以自解上大驚因泣曰非先生寡人無以知此遂大愛幸與王伾兩人相依附俱出入東宮聞德宗大漸上疾不能言伾卽入以詔召叔文入坐翰林中使決事伾以叔文意入言於宦者李忠言稱詔行下外初無知者以檢校司空平章事杜佑攝冢宰兼山陵使中丞武元衡爲副使宗正

卿李紆爲按行山陵地使刑部侍郎鄭雲逵爲鹵簿使
又命中書侍郎平章事高郢撰哀冊文禮部侍郎權德
輿撰諡冊文太常卿許孟容撰議文

庚子百寮請聽政曰自漢以來喪期之數以日易月而
皆三日而聽政我國家列聖亦克修奉罔或有違況大
行皇帝酌於故實重下遺詔今日至期而陛下未親政
事羣臣不敢安宜存大孝以寧萬國天下之幸不許是
月昇泗州爲上州

二月辛丑朔中書侍郎平章事臣郢門下侍郎平章事

臣珣瑜檢校司空平章事臣佑奉疏曰大行皇帝知陛下仁孝慮陛下悲哀不卽人心聽政事故發遺詔令一行漢氏之制今陛下安得守曾閔匹夫之小行忘皇王繼親之大孝以虧臣子承順之義猶不許

壬寅宰臣又上言曰陛下以聖德至孝繼受寶命宜奉先帝約束以時聽斷不可以久從之

癸卯朝百寮于紫宸門杜佑前跪進曰陛下居憂過禮羣臣懼焉願一覩聖顏因再拜而起左右乃爲皇帝舉帽百寮皆再拜佑復奏曰陛下至性殊常哀毀之甚臣

等不勝惶灼伏望爲宗廟社稷割哀強食

景午罷翰林陰陽星卜醫相覆碁諸待詔三十二人初
王叔文以碁待詔旣用事惡其與已儕類相亂罷之
已酉詔易定節度使張茂昭可同中書門下平章事餘
如故河北節度自至德已來不常朝覲前年冬茂昭來
朝未還故寵之

辛亥詔吏部侍郎韋執誼守右丞同中書門下平章事
賜紫初執誼爲翰林學士知叔文幸於東宮傾心附之
叔文亦欲自廣朋黨密與交好至是遂特用爲相

乙卯太常奏禮云喪三年不祭惟祭社稷周禮園鍾之
均六變天神皆降林鍾之均八變地元咸出不廢天地
之祭不敢以卑廢尊也樂者所以降神也不以樂則祭
不成今遵遺詔行易月之制請制內遇祭輟樂終制用
樂從之又奏禮三年祭宗廟今請俟祔廟畢復常從之
辛酉貶京兆尹李實爲通州長史詔曰實素以宗屬累
更任使驟升班列遂極寵榮而政乖惠和務在苛厲比
年旱歉先聖憂人特詔逋租悉皆蠲免而實敢肆誣罔
復令徵剝頗紊朝廷之法實爲聚斂之臣自國哀已來

增毒彌甚無辜斃踣深所興嗟朕自守洪業敷宏理道
寧容蠹政以害齊人宜加貶黜用申邦憲尙復優貸俾
佐遠藩實諂事李齊運驟遷至京兆尹恃寵強愎不顧
文法是時春夏旱京畿乏食實一不以介意方務聚斂
徵求以給進奉每奏對輒曰今年雖旱而穀甚好由是
租稅皆不免人窮至壞屋賣瓦木貸麥苗以應官優人
成輔端爲謠嘲之實聞之奏輔端誹謗朝政杖殺之實
遇侍御史王播於道故事尹與御史相遇尹下道避實
不肯避導騎如故播詰讓導騎者實怒遂奏播爲三原

令廷詬之陵轢公卿已下隨喜怒誣奏遷黜朝廷畏忌
之嘗有詔免畿內逋租實不行用詔書徵之如初勇於
殺害人吏不聊生至譴市里謹呼皆袖瓦礫遮道伺之
實由閒道獲免

壬戌制中丞皇太子侍書翰林待詔王伾可守中常侍
依前翰林待詔蘇州司功王叔文可起居舍人翰林學
士又以司勳員外郎翰林學士知制誥鄭絪爲中書舍
人學士如故又以給事中馮伉爲兵部侍郎以兵部員
外郎史館修撰歸登爲給事中修撰如故登伉皆上在

東宮時侍讀以師傅恩拜

順宗實錄卷一

一

順宗實錄卷一

南海譚瑩校

順宗實錄卷二

起二月
盡三月

唐史臣韓愈撰

二月甲子上御丹鳳門大赦天下自貞元二十一年二月二十四日昧爽已前大辟已下罪無輕重常赦所不原者咸赦原之諸色人中有才行兼茂明於理體者經術精深可爲師法者達於吏理可使從政者宜委常參官各舉所知其在外者長吏精加訪擇具名聞奏仍優禮發遣舊事宮中有要市外物令官吏主之與人爲市隨給其直貞元末以宦者爲使抑買人物稍不如本估

末年不復行文書置白望數百人於兩市并要鬧坊閱人所賣物但稱宮中卽斂手付與真僞不復可辨無敢問所從來其論價之高下者率用百錢物買人直數千錢物仍索進奉門戶并腳價錢將物詣市至有空手而歸者名爲官市而實奪之常有農夫以驢負柴至城賣遇宦者稱宮市取之纔與絹數尺又就索門戶仍邀以驢送至內農夫涕泣以所得絹付之不肯受曰須汝驢送柴至內農夫曰我有父母妻子待此然後食今以柴與汝不取直而歸汝尙不肯我有死而已遂毆宦者街

吏擒以聞詔黜此宦者而賜農夫絹十匹然宮市亦
不爲改易諫官御史數奏疏諫不聽上初登位禁之至
大赦又明禁又貞元中要乳母皆令選寺觀婢以充之
而給與其直例都不中選寺觀次當出者賣產業割與
地買之貴有姿貌者以進其徒苦之至是亦禁焉貞元
末五坊小兒張捕鳥雀於閭里皆爲暴橫以取錢物至
有張羅網於門不許人出入者或有張井上者使不得
汲水近之輒曰汝驚供奉鳥雀痛毆之出錢物求謝乃
去或相聚飲食於肆醉飽而去賣者或不知就索其直

多被毆焉或時留蛇一囊爲質曰此蛇所以致鳥雀而捕之者今留付汝幸善飼之勿令饑渴賣者愧謝求哀乃攜而去上在春宮時卽知其弊常欲奏禁之至卽位遂推而行之人情大悅

乙丑停鹽鐵使進獻舊鹽鐵錢物悉入正庫一助經費其後主此務者稍以時市珍翫時新物充進獻以求恩澤其後益甚歲進錢物謂之羨餘而經入益少至貞元末逐月有獻焉謂之月進至是乃罷命右金吾將軍兼中丞田景度持節告哀於吐蕃以庫部員外熊執易爲

副兵部郎中兼中丞元季方告于新羅且冊立新羅嗣王主客員外郎兼殿中監馬于爲副

三月庚午朔出後宮三百人

辛未以翰林待詔王伾爲翰林學士

壬申以故相撫州別駕姜公輔爲吉州刺史前戶部侍郎判度支汀州別駕蘇弁爲忠州刺史追故相忠州刺史陸贄郴州別駕鄭餘慶前京兆尹杭州刺史韓皋前諫議大夫道州刺史陽城赴京師德宗自貞元十年已後不復有赦令左降官雖有名德才望以微過忤旨譴

逐者一去皆不復敘用至是人情大悅而陸贄陽城皆未聞追詔而卒於遷所士君子惜之

癸酉出後宮并教坊女妓三百人聽其親戚迎于九仙門百姓相聚謹呼大喜

景戌詔曰檢校司空平章事杜佑可檢校司空平章事充度支并鹽鐵使以浙西觀察李錡爲浙西節度檢校刑部尙書賜徐州軍額曰武寧制曰朕新委元臣綜釐重務爰求貳職固在能臣起居舍人王叔文精識環材寡徒少欲質直無隱沈深有謀其忠也盡致君之大方

順宗實錄卷三

起四月
盡五月

唐史臣韓愈撰

夏四月乙巳上御宣政殿冊皇太子冊曰建儲貳者必
歸於冢嗣固邦本者允屬於元良咨爾元子廣陵王某
幼挺岐嶷長標洵淑佩詩禮之明訓宣忠孝之宏規居
惟保和動必循道識達刑政器合溫文愛敬奉於君親
仁德聞於士庶神祇龜筮罔不協從是用命爾爲皇太
子於戲維我烈祖之有天下也功格上帝祚流無窮光
續洪業逮予十葉虔恭寅畏日慎一日付爾以承祧之

重勵爾以主鬯之勤以貞萬國之心以揚三善之德爾其尊師重傅親賢遠佞非禮勿踐非義勿行對越天地之耿光丕承祖宗之休烈可不慎歟時上卽位已久而臣下未有親奏對者內外盛言王侄王叔文專行斷決日有異說又屬頻雨皆以爲羣小用事之應至將冊禮之日雨乃止迨行事之時天氣清朗有慶雲見識者以爲天意所歸及覲皇太子儀表班行旣退無不相賀至有感泣者

戊申詔曰惟先王光有天下必正邦本以立人極建儲

貳以承宗祧所以啓迪大猷安固洪業斯前代之令典也皇太子某體仁秉哲恭敬溫文德協元良禮當上嗣朕奉若不訓憲章前式惟承社稷之重載考春秋之義授之七鬯以奉粢盛爰以令辰俾膺茂典今冊禮云畢感慶交懷思與萬方同其惠澤自貞元二十一年二月二十四日已後至四月九日昧爽已前天下應犯死罪者特降從流流已下遞減一等文武常參並州府縣官子爲父後者賜勲兩轉古之所以教太子必茂選師傅以翼輔之法於訓詞而行其典禮左右前後罔非正人

是以教諭而成德也給事中陸質中書舍人崔樞積學懿文守經據古夙夜講習庶協于中並充皇太子侍讀天下孝子順孫先旌表門閭者委所管州縣各加存卹庚戌封皇太子長子寧等六人爲郡王

癸酉贈吐蕃弔祭使工部侍郎兼御史大夫史館修撰張薦禮部尙書薦字孝舉代居深州之陸澤祖文成博學工文詞性好談諧七登文學科薦聰明強記歷代史傳無不貫通爲太師顏真卿所稱賞遂知名大厯中江東觀察表薦之授左司禦率府兵曹參軍兼史館修撰

同日賜紫內出衫笏賜登而叔文不霑文珍等所惡獨
不得賜由此始懼以衢州別駕令狐峘爲祕書少監峘
國子祭酒德棻元孫進士登第司徒楊綰未達時遇之
以爲賢爲禮部修史引峘入史館自華原尉拜拾遺累
遷起居舍人大厯八年劉晏爲吏部尙書奏峘爲刑部
員外判南曹累遷至禮部侍郎峘之判南曹晏爲尙書
楊炎爲侍郎峘得晏之舉分闕必擇其善者與晏而以
惡者與炎炎固已不平至峘爲禮部而炎爲相有杜封
者故相鴻漸之子補宏文生炎嘗出杜氏門下託峘以

封岷謂使者曰相公欲封成其名乞署封名下一字岷因得以記焉炎不意岷賣之署名屬岷岷明日疏言宰相炎迫臣以威臣從之則負陛下不從卽炎當害臣德宗以問炎炎具道所以德宗怒曰此姦人不可奈欲杖而流之炎救解乃黜爲衡州別駕貞元初李泌爲相以左庶子修撰徵至則與同職孔述睿爭競細碎數侵述睿述睿長告以讓不欲爭泌卒竇參爲相惡其爲人貶吉州別駕改吉州刺史齊映除江西觀察過吉州岷自以前輩懷怏怏不以刺史禮見入謁從容步進不祿首

屬戎器映以爲恨去至府奏峒舉前刺史過失鞠不得
眞無政事不宜臨郡貶衢州別駕上卽位以祕書少監
徵未至卒峒在史館修元宗實錄一百卷撰代宗實錄
三十卷雖頗勤苦然多遺漏不稱良史初德宗將厚奉
元陵事峒時爲中書舍人兼史職奏疏諫請薄其葬有
答詔優弊元和三年以修實錄功追贈工部尙書是月
以襄州爲襄州府徙臨漢縣於古城曰鄧城縣

順宗實錄卷三

六

順宗實錄卷三

南海譚瑩校

以節度副使將兵千人鎮壽州萬福不以爲恨許杲以平盧行軍司馬將卒三千人至濠州不去有窺淮南意圓令萬福攝濠州刺史杲聞卽提卒去止當塗陳莊賊陷舒州圓又以萬福爲舒州刺史督淮南岸盜賊連破其黨大厯三年召赴京師代宗謂曰聞卿名久欲一識卿且將累卿以許杲萬福拜謝因前曰陛下以許杲召臣如河北賊諸將叛以屬何人代宗笑曰且欲議許杲事方當大用卿卽以爲和州刺史行營防禦使督淮南岸盜賊至州杲懼移軍上元杲至楚州太掠節度使韋

元甫命萬福討之未至淮陰杲爲其將康自勤所逐自勤擁兵繼掠循淮而東萬福倍道追而賊殺之免者十二三盡得其所虜掠金銀婦女等皆護至其家代宗詔以本州兵五百人防秋京西遂帶和州刺史鎮咸陽因留宿衛李正己反將斷江淮路令兵守埇橋渦口江淮進奉船千餘隻泊渦口不敢進德宗以萬福爲濠州刺史萬福馳至渦口立馬岸上發進奉船淄青將士停岸睥睨不敢進諸道繼進改泗州刺史爲杜亞所忌徵拜左金吾右將軍召見德宗驚曰杜亞言卿昏耄卿乃

如是健耶圖形凌烟閣數賜酒饌衣服并勅度支籍口
畜給其費至賀陽城等於延英門外天下益重其名二
十一年以左散騎常侍致仕元和元年卒年九十萬福
自始從軍至卒祿食七十年未嘗病一日典九郡皆有
惠愛

癸丑韋皋上表請皇太子監國又上皇太子牋尋而裴
垺嚴綬表繼至悉與皋同贈故忠州別駕陸贄兵部尚
書故道州刺史陽城左常侍贄字敬輿吳郡人也年十
八進士及第又以博學宏詞授鄭縣尉書判拔萃授渭

南尉遷監察御史未幾遷爲翰林學士遷祠部員外郎
德宗幸奉天贊隨行在天下騷擾遠近徵發書詔一日
數十下皆出於贊贊操筆持紙成於須臾不復起草同
職皆拱手嗟嘆不能有所助常啓德宗言方今書詔宜
痛自引過罪己以感人心昔成湯以罪己致興後代推
以爲聖人楚王失國亡走一言善而復其國至今稱爲
賢者陛下誠能不恡改過以言謝天下臣雖愚陋爲詔
詞無所忌諱庶能令天下叛逆者迴心喻旨德宗從之
故行在制詔始下聞者雖武人悍卒無不揮涕感激議

者咸以爲德宗尅平寇難旋復天位不惟神武成功爪
牙宣力蓋以文德廣被腹心有助焉累遷考功郎中諫
議大夫中書舍人兼翰林學士丁母憂免喪權知兵部
侍郎知禮部貢舉於進士中得人爲多八年春遷中書
侍郎平章事始令吏部每年集選人舊事吏部每年集
人其後遂三年一置選選人猥至文書多了不尋勘真
僞紛雜吏因得大爲姦巧選士一蹉跌或至十年不得
官而官之闕者或累歲無人贊令吏部分內外官員爲
三分計闕集人以爲常其弊十去七八天下稱之初竇

參出李異爲常州刺史且迫其行異常銜之至參貶爲
郴州別駕異適遷湖南觀察德宗常與參言故相姜公
輔罪參漏其語參敗公輔因上疏自陳其事非臣之過
德宗詰之知參洩其語怒未有所發會異奏汴州節度
劉士寧遺參金帛若干士寧得汴州參處其議士寧常
德之故致厚貺德宗以參得罪而與武將交結發怒竟
致參於死而議者多言參死由贊焉裴延齡判度支天
下皆嫉怨而獨幸於天子朝廷無敢言其短者贊獨身
當之日陳其不可用延齡固欲去贊而代之又知贊之

不與已多阻其奏請也謗毀百端翰林學士吳通元故
與贊同職姦巧佻薄與贊不相能知贊與延齡相持有
閒因盛言贊短宰相趙璟本贊所引同對嫉贊之權密
以贊所戢彈延齡事告延齡延齡益得以爲計由是天
子益信延齡而不直贊竟罷贊相以爲太子賓客而張
滂李充等權言事者皆言其屈贊固畏懼至爲賓客拒
門不納交親士友春旱德宗數獵苑中延齡疏言贊等
失權怨望言於衆曰天下旱百姓且流亡度支愛惜不
肯給諸軍軍中人無所食其事奈何以搖動羣心其意

非止欲中傷臣而已後數日又獵苑中會神策軍人跪馬前云度支不給馬草德宗意延齡前言卽迴馬首而歸由是貶贊爲中州別駕滂充皆斥逐德宗怒未解贊不可測賴陽城等救乃止贊之爲相常以少年入翰林得幸於天子長養成就之不敢自愛事之不可者皆爭之德宗在位久益自攬持機柄親治細事失君人大體宰相益不得行其事職而議者乃云由贊而然贊居忠州十餘年常閉門不出人人無識面者避謗不著書習醫方集古今名方爲陸氏集驗方五十卷卒於忠州年

五十二初卽位與鄭餘慶陽城同徵詔始下而城贊皆卒城字亢宗北平人代爲宦族好學貧不能得書乃求入集賢爲書寫史竊官書讀之晝夜不出經六年遂無所不通乃去滄州中條山下遠近慕其德行來學者相繼於道閭里有爭者不詣官府詣城以決之李泌爲相舉爲諫議大夫拜官不辭未至京師人皆想望風采云城山人能自苦刻不樂名利必諫諍死職下咸畏憚之旣至諸諫官紛紛言事細碎無不聞達天子益厭苦之而城方與其二弟牟容連夜痛飲人莫能窺其意有

懷刺譏之者將造城而問者城揣知其意輒彊與酒客
或時先醉臥客懷中不能聽客話約其二弟云吾所得
月俸汝可度吾家有幾口月食米當幾何買薪菜鹽米
凡用幾錢先具之其餘悉以送酒媪無留也未嘗有
貯積雖其所服用切急不可闕者客稱其物可愛城輒
喜舉而授之陳萇者候其始請月俸常往稱其錢帛之
美月有獲焉至裴延齡讒毀陸贄等坐貶黜德宗怒不
解在朝無救者城聞而起曰吾諫官也不可令天子殺
無罪之人而信用姦臣卽率拾遺王仲舒數人守延英

門上疏論延齡姦佞贋等無罪狀德宗大怒召宰相入
語將加城等罪良久乃解令宰相諭遣之於是金吾將
軍張萬福聞諫官伏閣諫趨往至延英門大言賀曰朝
廷有直臣天下必太平矣遂徧拜城與仲舒等曰諸諫
議能如此言事天下安得不太平也已而連呼太平萬
歲太平萬歲萬福武人時年八十餘自此名重天下時
朝夕相延齡城曰脫以延齡爲相當取白麻壞之慟哭
於廷竟坐延齡事改國子司業至引諸生告之曰凡學
者所以學爲忠與孝也諸生寧有久不省其親乎明日

謁城歸養者二十餘人有薛約者嘗學於城狂躁以言
事得罪將徙連州客寄有根蒂吏蹤求得城家坐吏於
門與約飲決別涕泣送之郊外德宗聞之以城爲黨罪
人出爲道州刺史太學生魯郡李儻等二百七十人詣
闕乞留住數日吏遮止之疏不得上在州以家人禮待
吏人宜罰者罰之宜賞者賞之一不以簿書介意賦稅
不登觀察使數詣讓上考功第城自署第曰撫字心勞
徵科政拙考下下觀察使嘗使判官督其賦至州怪城
不出迎而問州吏吏曰刺史聞判官來以爲已有罪囚

於獄不敢出判官大驚馳入謁城於獄曰使君何罪某奉命來候安否耳留一兩日未去城固不復歸館門外有故門扇橫地城晝夜坐臥其上判官不自安辭去其後又遣他判官崔某往按之崔承命不辭載妻子一行中道而逃城孝友不忍與其弟異處皆不娶給侍終身有寡妹依城以居有甥年四十餘癡不能如人常與弟負之以遊初城之妹夫亡在他處家貧不能葬城親與其弟舁尸以歸葬於其居之側往返千餘里卒時年六十餘

戊午以戶部侍郎潘孟陽爲度支鹽鐵轉運副使其日
王伾詐稱疾自免自叔文歸第伾日詣中人并杜佑請
起叔文爲相且總北軍旣不得請以威遠軍使平章事
又不得其黨皆憂悸不自保伾至其日坐翰林中疏三
上不報知事不濟行且臥至夜忽叫曰伾中風矣明日
遂輿歸不出

戊子以禮部侍郎權德輿爲戶部侍郎以倉部郎中判
度支陳諫爲河中少尹伾叔文之黨於是始去

乙未詔軍國政事宜權令皇太子某句當百辟羣后中

外庶僚悉心輔翼以底于理宣布朕意咸使知聞上
自初卽位則疾患不能言至四月益甚時扶坐殿羣臣
望拜而已未嘗有進見者天下事皆專斷於叔文而李
忠言王伾爲之內主執誼行之於外朋黨喧譁榮辱進
退生殺造次惟其所欲不拘程度旣知內外厭毒慮見
摧敗卽謀兵權欲以自固而人情益疑懼不測其所爲
朝夕伺候會其與執誼交惡心腹內離外有韋皋裴垪
嚴綬等牋表而中官劉光奇俱文珍薛盈珍尙解王等
皆先朝任使舊人同心怨猜屢以啓上上固已厭倦萬

機惡叔文等至是遂召翰林學士鄭綱衛次公王涯等
入至德殿撰制詔而發命焉又下制以太常卿杜黃裳
爲門下侍郎左金吾衛大將軍袁滋爲中書侍郎並平
章事又下制吏部尙書平章事鄭珣瑜刑部尙書平章
事高郢並守本官罷相皇太子見百寮於東朝百寮拜
賀皇太子涕泣不答拜

景申詔宰臣告天地社稷皇太子見四方使於麟德殿
西亭

順宗實錄卷五

起八月盡
至山陵

唐史臣韓愈撰

八月庚子詔曰惟皇天命烈祖誕受方國九聖儲祉萬
方咸休肆予一人獲纘丕業嚴恭守位不遑暇逸而天
祐匪降疾恙無瘳將何以奉宗廟社稷之靈展郊禋之
禮疇咨庶尹對越上元內愧于朕心上畏于天命夙夜
祗慄惟懷永圖一日萬機不可以久曠天工人代不可
以久違皇太子某睿哲溫文寬和慈惠孝友之德愛敬
之誠通于神明格于上下是用推皇王至公之道遵父

子傳歸之制付之重器以撫兆人必能宣祖宗之重光
荷天地之休命奉若成憲永綏四方宜令皇太子卽皇
帝位朕稱太上皇居興慶宮制勅所司擇日行冊禮

永貞元年八月辛丑太上皇居興慶宮誥曰有天下者
傳歸于子欽若大典斯爲至公式揚耿光用體文德朕
獲奉宗廟臨御萬方降疾不瘳庶政多闕乃命元子代
予守邦爰以令辰光膺冊禮宜以今月九日冊皇帝於
宣政殿命檢校司徒杜佑充冊使門下侍郎杜黃裳充
副使國有大命恩俾惟新宜因紀元之慶用覃在宥之

澤改貞元二十一年爲永貞元年自貞元二十一年八月五日昧爽已前天下應犯死罪特降從流流已下遞減一等 又詔曰人倫之本王化之先爰舉令圖允資內輔式表后妃之德俾刑邦國之風禮之大典也良娣王氏家承茂族德冠中宮雅修彤管之規克佩姆師之訓自服勤蘋藻祇奉宗祧令範益彰母儀斯著宜正長秋之位以明繼體之尊可冊爲太上皇后良媛董氏備位後庭素稱淑慎進升號位禮亦宜之宜冊爲太上皇德如令所司備禮擇日冊命宣示中外咸使知聞

壬寅制王伾開州司馬王叔文渝州司戶並員外置馳
驛發遣 叔文越州人以碁入東宮頗自言讀書知理

道乘閒常言人閒疾苦上將大論宮市事叔文說中上
意遂有寵因爲上言某可爲將某可爲相幸異日用之
密結韋執誼并有當時名欲僥倖而速進者陸質呂溫
李景儉韓曄韓泰陳諫劉禹錫柳宗元等十數人定爲
死交而凌準程异等又因其黨而進交遊蹤跡詭祕莫
有知其端者貞元十九年補闕張正買疏諫他事得召
見正買與王仲舒劉伯芻裴蒞常仲孺呂洞相善數遊

止正買得召見諸往來者皆往賀之有與之不善者告叔文執誼云正買疏似論君朋黨事宜少誠執誼叔文信之執誼嘗爲翰林學士父死罷官此時雖爲散郎以恩時時召入問外事執誼因言成季等朋讌聚遊無度皆譴斥之人莫知其由叔文旣得志與王伾李忠言等專斷外事遂首用韋執誼爲相其常所交結相次拔擢至一日除數人日夜羣聚伾以侍書幸寢陋吳語上所褻狎而叔文頗任事自許微知文義好言事上以故稍敬之不得如伾出入無阻叔文入至翰林而伾入至柿

林院見李忠言牛昭容等故各有所主。任主往來傳授。劉禹錫陳諫韓暉韓泰柳宗元房啓陵準等主謀議。唱和採聽外事。上疾久不瘳。內外皆欲上早定太子位。叔文默不發議。已立太子。天下喜。而叔文獨有憂色。常吟杜甫題諸葛亮廟詩末句云。出師未捷身先死。長使英雄淚滿襟。因歛歔流涕。聞者咸竊笑之。雖判兩使事。未嘗以簿書爲意。日引其黨屏人切切細語。謀奪宦者兵。以制四海之命。旣令范希朝韓泰總統京西諸城鎮。行營兵馬中人尙未悟會邊上諸將各以狀辭申尉。且言

方屬希朝中人始悟兵柄爲叔文所奪乃大怒曰從其謀吾屬必死其手密令其使歸告諸將曰無以兵屬人希朝至奉天諸將無至者韓泰白叔文計無所出唯曰奈何奈何無幾而母死執誼益不用其語叔文怒與其黨日夜謀起復起復必先斬執誼而盡誅不附己者聞者皆恟懼皇太子旣監國遂逐之明年乃殺之 伍杭州人病死遷所其黨皆斥逐叔文最所賢重者李景儉而最所謂奇才者呂溫叔文用事時景儉持母喪在東都而呂溫使吐蕃半歲至叔文敗方歸故二人皆不得

用叔文敗後數月乃貶執誼爲崖州司馬後二年病死
海上執誼杜黃裳子壻與黃裳同在相位故最在後貶
執誼進士對策論高等驟遷拾遺年二十餘入翰林巧
慧便辟媚幸於德宗而性貪婪詭賊其從祖兄夏卿爲
吏部侍郎執誼爲翰林學士受財爲人求科第夏卿不
應乃探出懷中金以內夏卿袖夏卿驚曰吾與卿賴先
人德致名位幸各以達豈可如此自毀壞擺袖引身而
去執誼大慙恨旣而爲叔文所引用初不敢負叔文迫
公議時時有異同輒令人謝叔文云非敢負約爲異同

蓋欲曲成兄弟爾叔文不之信遂成仇怨然叔文敗執
誼亦自失形勢知禍且至雖尙爲相當不自得長奄奄
無氣聞人行聲輒惶悸失色以至敗死時纔四十餘執
誼自卑嘗諱不言嶺南州縣名爲郎時嘗與同舍郎詣
職方觀圖每至嶺南圖執誼皆命去之閉目不視至拜
相還所坐堂北壁有圖不就省七八日試就觀之乃崖
州圖也以爲不祥甚惡之憚不能出口至貶果得崖州
焉

永貞二年正月景戌朔太上皇於興慶宮受朝賀皇帝

率百寮奉上尊號曰應乾聖壽太上皇冊文曰維永貞
二年歲次景戌朔皇帝臣某稽首再拜奉冊言臣聞上
聖元邈獨超乎希夷彊名之極猶存乎罔象豈足以表
無爲之德光不宰之功然稱謂所施簡冊攸著涵泳道
德感於精誠仰奉洪徽有以自竭伏惟太上皇帝陛下
道繼元元業纘皇極膺千載之休厯承九聖之耿光昭
宣化源發揚大號政有敦本示儉慶裕格天恩翔春風
仁育羣品而功成不處褰裳去之付神器於冲人想汾
陽以高蹈體堯之德與神同符其動也天其靜也地巍

巍事表無得而言顧茲寡昧屬膺大寶懼忝傳歸之業
莫申繼述之志夙夜兢畏惟懷永圖今天下幸安皆睿
訓所被而未極徽號孰報君親是以台臣庶官文武之
列抗疏於內方伯藩守億兆之衆同詞於外請因壽厯
以播鴻名臣不勝大願謹上尊號曰應乾聖壽太上皇
當三朝獻壽之辰應五紀啟元之始光膺徽稱允協神
休斯天下之慶也

元和元年正月甲申太上皇崩于興慶宮咸寧殿年四
十六遺詔曰朕聞死生者物之大歸修短者人之常分


古先哲王明於至道莫不知其終以存義順其變以節
哀故存者不至於傷生逝者不至於甚痛謂之達理以
貫通喪朕自弱齡卽敦清靜逮乎近歲又嬰沈痾嘗亦
親政益倦于勤以皇帝天資仁孝曰躋聖敬爰釋重負
委之康濟而能內睦于九族外勤于萬幾問寢益嚴侍
膳無曠推此至德以安庶邦朕之知子無愧天下今厥
疾大漸不寤不興付託得人顧復何恨四海兆庶亦奚
所哀但聖人大孝在乎善繼樞務之重軍國之殷繼而
成之不可暫闕以日易月抑惟舊章皇帝宜三日而聽

政十三日小祥二十五日大祥二十七日釋服方鎮岳
牧不用離任赴哀天下吏人誥至後出臨三日皆釋服
無禁婚嫁祠祀飲酒食肉宮中當臨者朝晡各十五舉
音非朝晡臨時禁無得哭釋服之後勿禁樂他不在誥
中者皆以類從事伏以崇陵仙寢復土纔終旬邑疲人
休功未幾今又重勞營奉朕所哀矜况漢魏二文皆著
遺令永言景行常志夙心其山陵制度務從儉約並不
用以金銀錦綵爲飾百辟卿士同力盡忠克申送往之
哀宜展事君之禮布告天下明知朕懷

順宗實錄卷五
七月壬申葬豐陵諡曰至德大聖大安孝皇帝廟曰順宗

順宗實錄卷五

南海譚瑩校







道光丁未鐫

九國志

海山仙館叢書

年追尊爲武皇帝陵曰興陵

烈祖名渥字承天行密長子唐天祐二年冬嗣位五年五月戊寅爲張顥徐溫所弒年二十三諡曰威武義初改諡景王廟號烈祖乾貞元年追尊爲景皇帝陵曰紹陵

高祖名隆演初名瀛又名渭字鴻原行密第二子唐天祐五年五月己卯嗣位十六年建吳國改唐天祐爲武義元年二年四月己丑薨年二十四諡曰宣乾貞元年尊爲高祖宣皇帝陵曰肅陵

睿帝名傳行密第四子武義二年六月戊申嗣位改元
順義乾貞元年稱帝天祚三年禪位南唐昇元二年
十月辛丑薨年二十八追諡曰睿皇帝塋平陵凡改
元四順義六年乾貞二年太和六年天祚三年

吳

袁襲

襲廬江人少好學善屬文洞明緯象秦畢之亂高駢辟
行密爲行軍司馬俾率所部赴難行密猶豫不行襲言
於行密曰高駢倦於政事聽惑妖妄彥等雖以誅呂用

之爲名觀其事乃以暴易亂耳寧知非天將贊於公耶
行密善其言乃移核諸州誘集徒衆將兵數萬長驅至
廣陵秦畢害駢襲勸行密縞素舉哀於城下衆皆義之
及破賊入城招輯編戶會孫儒兵至行密問計於襲曰
今城壁未完賊且盛若儒至圍城是重擾民也不如且
避之先是海陵將高霸擁衆來附行密將令以兵屯天
長扼儒來路襲謂行密曰霸擁大衆心持兩端若使居
天長是自扼也可因犒其士卒擒而斬之行密遂斬霸
而併其兵行密聞孫儒至復欲遁歸海陵襲曰不若歸

合淝繕甲兵再議攻取今稽諸乾象公必再來及孫儒
逼城行密果自天長返謂襲曰無子吾幾不得歸行密
平宣州獲趙錙留與其弟同館錙與梁祖有素果遣使
來求錙時襲寢疾行密使人問襲襲曰但斬首送之必
無慮也未幾卒襲剛忍好克每欲殺人必折節下之行
密哭之曰吾每恤刑而襲好殺享年不永深可哀也

劉威

威廬州慎縣人少爲小吏豪爽有志節與田頔陶雅俱
爲行密奔走之舊行密起淝上及平秦畢有功表領寶

州刺史大順初與安仁義敗孫儒別將劉建鋒於武進
其後儒兵益集威與顧屢爲所敗行密將歸銅官威曰
今衆寡勢殊殆難與爭然儒焚室掃壘絕後而來糧若
不繼何從供饋公宜勿與戰堅壁以禦之坐待其弊行
密然之儒果敗乾寧初表授廬州刺史及行密承制封
拜就遷淮南節度副使行軍司馬東西行營副都統未
幾加使相天祐三年授鎮南軍節度使撫州危全諷率
虔吉撫信之衆十餘萬將復鍾傳舊地時州兵無多士
庶大駭威獨傲然日縱酣飲全諷屯象牙潭不敢輕進

及周本破全諷四州初平渭令威巡視四境撫諭而還
先是行密疾病問周隱以後事隱以威爲請威初聞不
能無意及移鎮鍾陵復多專刑徐溫請討威威聞之沮
喪計無所出有幕客黃訥謂威曰公受謫雖深反本無
狀能挺身入覲必解前疑也威曰善遂遣訥爲先容渭
果復令之鎮天祐十一年卒於鎮年五十八

陶雅

雅字國華合肥人本儒家子儀形魁偉眉目甚秀乾符
中天下將亂始投筆和門會西蕃入寇徵四方兵防秋

靈夏雅與行密淝上軍偕往未幾改隸諸葛爽征沙陁
有功從爽鎮河陽還補廬州衝山指揮使行密據合淝
遣雅平鄉盜秦定過修己等遷入營主將光啓初破桐
城吳迥擊李本於柳子山乘勝攻舒州下之以雅爲舒
州刺史爲蔡盜許勛潛兵夜至雅奔歸文德初從行密
破趙鐸授池州刺史大順中破孫儒軍於人頭山儒平
授常州刺史遷池州團練使田頔攻歙州時給事中裴
樞守新安將歸款於行密以宣州副使魯邵往代之是
時諸將授郡鮮不以虐斂爲事惟雅寬厚人多便之樞

因遣問政山人聶師道往說頽曰苟得池陽陶牧爲守
州人孰不承命頽驛報行密因令雅治新安入見樞盡州
郡禮樞奇之及樞至京師奏雅爲歙州刺史天復三年
田頽以宣州叛雅以州兵助臺濛伐之頽出戰橋陷墮
馬爲帳下小卒許渥王綬所殺宣州平兼西南面招討
使先是順義軍使汪武聚盜據婺源行密以爲滁州刺
史婺源歙屬邑武恃險未嘗謁雅及頽叛武多行剽劫
至是雅移檄聲言討洪饒由婺源往武引弟姪十餘人
就路迎謁雅顧左右擒殺之緩轡入其營中無敢動者

天祐初陳詢以睦州歸款吳越遣萬眾攻詢雅率兵救之軍士夜驚多踰營遁去將吏白雅欠伸不應乃下令曰明旦有軍士不在營者俱斬遞相傳告未頃而定明年破婺州虜越州刺史沈夏以功遷衢睦團練使江南都招討會宣州王茂章叛奔越雅虜茂章伏兵斷其歸路乃令大將軍金師會領睦州事遂班師新安而越兵大至衢睦婺三州復沒八年移鎮武昌雅利黥川殷阜上書請之遂遙領武昌軍節度加同平章事知歙州團練觀察等事十年八月卒於任年五十七雅性沉靜好

讀書手不釋卷雖臨陣敵常褰衣博帶自幼年戲弄未嘗有錐刀傷手及爲大將每矢石交飛終莫能中接賓佐有禮事父兄以孝敬非公宴不舉音樂疎財重士人以此歸之典黥川二十餘年民感其化生男女或以陶爲字焉

李神福

神福洺州人幼執親喪哀毀過瘠鄉里異之及長沈厚勇敢唐末四境交募勁兵因逮上黨軍籍時高駢兼諸道行營都統神福從州將王重屯淮海因投於行密中

和中同安賊陳儒攻刺史高瀛遣使來告行密未能救
謀於神福對曰此羣盜烏合易與耳公但聲言赴援可
不勞尺刀爲公解之乃請本軍旌旗間道以入旣夕引
州兵出外名持旌旗入列大陣之狀儒果夜遁行密大
奇之光啓二年壽州張鄴叛寇淝上神福率兵與戰敗
之於楮城秦畢之亂高駢召行密因遣神福諭曲谿劉
金旰賁賈令威各以義兵來附破秦畢軍神福功居多
會選卒爲黃頭軍遷神福爲左右黃頭都尉龍紀中涇
縣王賞太平嵇常滿俱聚盜剽鄉里神福引兵破之但

誅其首惡餘皆不問大順二年孫儒前鋒兵屯溧水行
密遣神福將兵禦之神福謂諸將曰兵倍不戰况儒眾
十倍於我當且避其銳以驕之乃退舍而儒眾果怠神
福乃選銳卒躋險夜襲之果大潰又擊儒要山寨破之
擒其將李宏以功改左游奕將銅官鎮遏使田頵爲孫
儒所敗行密欲退守銅官神福諫曰儒掃境而來利在
速戰宜堅壁清野以老其師神福願以本軍據險結柵
時出輕騎抄其糧運彼前不得戰退無儲糧此送死之
道行密曰善因以神福爲宣池兩路都游奕使是夏儒

食盡果敗以功奏授左千牛衛將軍景福二年廬州刺史蔡儔叛遣何瓌來寇神福迎擊於青斗山大破之遂傳城下賊平遷左衛都校未幾授舒州刺史天福元年與呂師造攻臨安錢鏐使顧全武來援神福退師令羸老行又令師造設伏青山路自將一軍殿後夜未半全武果盡銳來追神福僞北走伏軍發前返夾攻越軍大敗擒全武復攻臨安久不克先是神福遣使護鏐先塋禁其樵採及獲全武又遣通家問越人皆感之因納其犒賂而返二年改昇州刺史行密以女妻其子承鼎三

年攻杜洪於鄂州大敗洪軍時城中積荻山上神福謂將軍曰今夜焚此諸將皆不測是夕遣人乘舟載火炬至灊口分焚樹僞爲梁軍來援之狀城中焚荻應之諸將伏其智梁祖遣將韓勅率步騎萬餘屯灊口又令荆南以舟師赴援成汭盡衆浮江而下神福登岸望之曰舟人雖盛然首尾懸絕宜急擊之乃迎戰大別山汭果敗溺水死勅亦引衆遁去自是洪勢益孤會宣州田頔叛襲昇州劫神福與帳下妻子俱歸宛陵厚養之以誘神福行密急書召神福覽書卽袖之揚言曰鄂州尙未

下又令急取荆南因號令諸軍逮閬順流而下預遣將
王壇汪建以舟師援洪又別遣人遺神福書約分地而
治神福斬其使擊壇建破之復戰於皖口又敗其衆浮
尸棄舟蔽江而下壇建以輕舟遁去四年以兵屯田梁
加西面行營招討使光州團練使疾甚求醫於江都卒
年五十

臺濠

濠字頂雲廬州合肥人少爲金牛鎮將行密據合肥始
來歸從征秦畢趙鐔俱破敵有功大順中馬敬言爲孫

儒敗於廣德初儒與李從立乘勝至東谿時城守未固
軍士大恐濛以一族巡谿西會天晦詐令士卒傳諭往
返者數四謂大眾屯集中夜皆遁去及儒柵陵陽濛於
魯江五堰作輕舟饋糧終儒之世軍無饑色從行密歸
廣陵以功遷楚州刺史乾寧三年破蘇州以濛守之越
人水陸大至濛擊敗之錢鏐親率舟師至會糧盡濛拔
衆遁歸光化二年行密初得朐山以濛爲海州刺史在
任貪殘爲郡民所訴又爲田頔所譖降爲漣水制置使
天復三年田頔叛於宣州行密歷數諸將無敵頔者乃

謂濛曰非公莫可濛曰頽不守富貴自取滅亡濛今仗
大王威武以順弱逆往必擒頽願王無慮行密大悅濛
初入其境卽翻陣以往軍士俱笑其怯濛曰頽宿將多
謀當自過防翌日果遇陣於廣德濛欲奪其銳先以行
密書遺頽將校皆下馬拜受因其擾亂濛麾衆擊之頽
兵大敗乘勝遂圍宣城冬十月頽出州外求戰登橋馬
墜爲外軍所殺宣州平行密承制加濛檢校太保宣州
觀察使天祐元年卒於治所年五十

張訓

訓字克明滁州清流人身長八尺餘腰帶十圍中和三年歸行密於合肥行密訪以方畧悅之令從石令言攻同川克其城從田頔擊張勣於褚城因入擊趙鐸昌山兵破之克宣州訓功居多遷左右黃頭指揮使以所部戍廣德拒孫儒於黃池從李神福襲歷陽下滁州孫儒焚廣陵悉銳攻宣州行密命訓潛軍入廣陵滅其餘燹獲軍儲數十萬以賑饑民行密令馬爽守廣陵爽叛爲諸將所殺城中大囂訓整師以出衆乃定孫儒之起也毗陵守將劉建鋒從儒俱西土豪陳可見據毗陵訓率

兵奄至城下可見倉卒出迎訓於馬上手刃殺之奪其
兵入城中又率兵絕儒糧道於安吉馬頭儒敗訓論功
爲最景福元年從行密歸江都路經毗陵行密顧左右
曰毗陵大城也訓以一劍下之不亦壯哉卽授温州刺
史乾寧二年屯兵漣水以備梁師劉知俊聚糧石碭戍
守皆潰盡焚其儲積訓歸路出東海爲知俊所邀訓擊
大破之青口之役吳師悉起訓帥所部迎行密行密喜
以兵千人令爲前鋒會朱瑾假梁人兵鋒先入其壘訓
登岸疾戰踰柵而入遂破龐從軍以功授淮海游奕使

天福三年王茂章平密州以訓爲刺史會梁祖以大軍
至訓謂諸將曰城孤師少何以待之皆欲焚城掠聚而
去訓曰不可如此則我師難歸遂封府藏下懸門立虛
幟於城上遣老弱居前訓自以銳兵殿其後梁軍前鋒
至見城上旗多未敢逼數日方入城又見府庫城邑晏
然如故亦不追之天祐七年遷黃州刺史卒於治所訓
質直勇而多力曾渡毗陵西橋馬畏不渡乃持尾鬣舉
之以濟然不恃其勇故多功保全焉

李遇

遇合肥人始事行密帳下光啓中禦梁軍於慎縣遇單
騎按槊率先破敵以伍長遷馬軍副指揮使從平秦畢
趙鐙孫儒皆有功遷淮南馬步諸軍都尉累遷常州刺
史天復三年安仁義以潤州叛夜襲毗陵仁義善射諸
軍多畏避遇背城逆戰仁義喪師自是不敢東顧天祐
中宣州王茂章奔越乃以遇爲淮南行軍司馬宣州團
練使徐溫專政遇不能下之常言曰徐溫何人吾所未
識溫怒命柴再用將兵送王壇代遇不受命再用攻其
城逾月不克時新王遣典客何羨說遇曰公本圖反請

斬蕘以徇本無反心可隨納款遇聞王命遂開門委命
溫族之孫仁義方嬰爲人匿之而免李昇秉政以仁義
爲縣令

劉金

金淮陰洪澤人光啓中江淮兵亂從鄉酋李章保曲谿
章死金代有其衆行密營廣陵金盡以其衆來附破秦
彥金有力焉文德初從攻趙鐙於陵陽明年金度鐙必
遁思以計擒之因僞與鐙通好約爲外應鐙大以金帛
爲遺復夜迎金入卧內許妻以女金歸營慮鐙兵盛出

不能制乃遣人臨城大譟云劉郎不能與爾爲女壻也
鍾聞之沮喪果宵遁大順中孫儒寇宛陵行密遣金拒
之屢破儒軍以功授滁州刺史行密破鍾離移濠州刺
史未幾遷團練使天祐二年卒子仁規嗣仁規娶行密
女渥襲位遷過口兩城使乾貞初授清淮軍節度使

秦裴

裴慎縣人少驍勇頗好獵以鷹隼爲事嘗云天上黃鷹
地下黃金餘不足貴也行密起合肥因隸帳下大順元
年奏授檢校左散騎常侍行密據廣陵以裴知楊子縣

有虎入縣郭裴親殺以獻行密召褒賞之裴曰此衆共殺非能獨制也行密歎曰勇而能謙必享富貴厯高郵無錫令俱有能名乾寧五年率兵破越崑山鎮以千兵守之錢鏐遣顧全武引萬衆來復裴援絕全武以檄說裴裴封函納款全武頗自負召諸將聚觀全武曾爲僧發函乃佛經一卷全武大慙裴戰無虛日士卒多病傷死未幾糧盡告降錢鏐預設千人食以待之及出土卒不滿百鏐讓之曰軍孤衆寡何苦相拒裴曰但事君盡節死而後已今食盡歸命非本志也鏐大賞之因熟視

裴曰君有藩侯相他日必歸君餘勿爲念裴在越三年寂無歸耗忽一日裴遣人告行密遣李神福攻越臨安鏐遣顧全武方字救之爲神福所擒明年行密送全武及宇易裴以歸天復三年從李神福攻鄂州荆南成汭乘大艦來援裴率兵泝流逆戰汭敗溺水死又攻田頔衆於吉陽磯以功授諸軍都尉從劉存攻夏口破之加昇州刺史天祐三年洪州鍾傳率州人立其子匡時江州刺史延規傳之養子忿不得立以其郡納款因授裴西南面行營招討使攻匡時至蓼州時軍欲限水爲柵

裴不聽匡時果遣將劉楚據之諸將相顧失色俱咎裴
裴曰城中驍銳惟楚耳若令總衆拒守此城何由卒破
吾固留此要害以謀致之旣而分軍晨出盡銳破柵旣
擒楚方傳於城下未幾城陷擒匡時以獻諸將皆服其
智號令嚴肅兵士無敢殺戮洪之士卒俱來就營求其
戚屬爲出府帛贖還之洪人感悅授洪州制置使張顥
用事慮裴爲變急召歸及湖口遇鄂帥劉存與潭軍戰
沒復授裴鄂岳觀察使會重午裴宴諸將而潭人入寇
裴遣弟師鐸師虬乘戰艦先往裴食訖登黃鶴樓以望

乃以平頭舫顧小校曰但乘此卷旗奪潭人船以戰及
與師鐸軍合乃建大將旗潭人聘貽裴因擊敗之六年
入覲因求歸故里以民禮謁縣宰見里中故老必拜坐
以少長爲齒九年加武昌軍節度使遇疾求歸至湓中
卒年五十九裴在治七年積軍儲二十萬開青山大冶
公家仰足

馬珣

珣廬江人少驍勇有機畧初以貨財商於江都會泰畢
圍城乃歸鎮鉤軍畢師鐸於城南立高樓以望城中呂

用之患焉募壯士摧其樓珣應募夜半獨仗劍入賊營
倒之用之厚賞遷十餘級行密入城聞其名錄爲偏將
與朱延壽相友善乾寧初授珣舒州刺史移守漣水三
年梁將朱友恭圍瞿章於黃州命珣率兵援之黃州陷
戰不利與張訓呂師造成知進石率等收散兵三百人
自黃州間道緣分寧絕山谷而東道經撫州危全諷聞
其來布四壘於路壘皆萬餘人珣語諸將曰彼謂我可
坐縛也今與諸將擊其中堅逐其軍帥取其資而食其
穀可以歸矣會夜擊全諷之壘大破之全諷僅免乃飲

宴於賊營擇其利兵而用之明日廣張旗幟揚麾伐鼓
從山直下衝其連營鋒若雷電賊皆潰走珣凱唱而歸
謁行密言其戰狀行密罵之曰懦監子何不遂據其城
珣拜謝不敏珣滑稽好妓樂歌舞雖出師登騎俳諧不
輟旣而臥疾謂所親曰若患愈當乞師數千可以蕩平
西南夷獠俄而卒衆惜其智勇部下將校見其二子無
不感慨申敬朱延壽錄其孤而字之延壽敗行密收其
二子給與第宅

劉存

存陳州人善拳勇從行密起合淝破秦畢趙錕皆有功
孫儒入寇身先苦戰爲賊斷足三指而戰不輟翊日行
密出城與儒戰存請先登行密諭以指痛不許因求皮
履裹足而往是日平儒以功遷壽州馬軍都尉乾寧中
預破葛從周於淠河遷舒州刺史改團練使天復中副
李神福攻杜洪於江夏會田頔叛遣將汪建王壇率舟
師泝流而上存與神福下瀝池磯逆戰爲流矢中目存
戰自若建敗存殺獲居多四年復攻江夏時神福病歸
存代爲招討使引十數騎巡城憇於高崗張樂命飲酒

酣鄂兵大至存以旗向江三招而止鄂人望之仡然有
頃自退軍中服其膽畧存急焚鄂城樓梁援兵將突圍
而出諸將欲急擊之存曰擊之賊必復入復入則城愈
固矣不若聽其遁去諸將皆曰善是日城陷擒杜洪父
子斬於廣陵市以功授淮南行軍司馬鄂岳都團練使
天祐三年率舟師攻潭州大雨不止軍回至瀏陽爲潭
人所敗執存以歸馬殷親解其縛欲授以官存大詬曰
汝昔歲宣城潰散偶漏我鋒刃今反欲臣我耶殷知不
可留乃斬之唐保大中邊鎬平湖南遣使就墳致祭贈

宣武軍節度使武衛上將軍

李簡

簡上蔡人有膽勇資質瓌偉始隸陳蔡軍中趙鏗選武幹之士因任爲帳下親信龍紀初鏗爲行密所圍糧盡將逸簡給守門者得出因奔行密補黑雲隊長大順二年孫儒寇廣德行密將逆戰會夜屯於行密柵及旦儒軍圍之數重率百餘人挺身突戰自外破柵援行密以出遷黑雲都指揮使乾寧二年從攻濠州濠水深濶簡手搴重甲口銜大刀先渡踰壘破其關鍵擒刺史張遂

以獻從攻壽州加淮南右廂馬步軍都虞侯先是江都
多盜令雖嚴莫能禁止及是爲簡獲者必詢其部分姓
名所盜之物盡黥於面於是寇竊皆息三年從田頔破
蘇州虜刺史成及從行密破龐從於青口敗梁軍於淠
水河副王茂章援青社從臺濠圍田頔於宣州皆有功
簡本姓陳旣貴欲復其氏行密謂之曰天下皆知有李
簡何知有陳簡也以是不易渥襲位王茂章將以宛陵
叛命簡率衆攻之茂章聞簡至率衆奔越改楚州團練
使杭人屢寇無錫以簡爲常州刺史改鄂岳觀察使天

祐十二年授武昌軍節度使武義初加鎮西大將軍襲復州破之俘知州鮑唐以獻乾貞二年加西南面招討使入覲卒於采石江年六十九簡鎮上游之地十餘年重關洞啓敵人不敢侵軼然忍而好殺又非法重斂鄂民之高貲者無不破產時論以此鄙之

柴再用

再用蔡州汝南人性至孝七歲遇龐勛亂舉族避地祖訓鼓不能去唯再用獨留侍賊見而去之以是大爲鄉里所異及長沈毅有斷面黑如鐵人號爲柴黑子會秦

宗權召募驍勇再用以騎射應選時軍令亡馬者斬一
日戰回藉韁而臥寢既寤而馬逸再用追之遇賊於林
中環樹而射一發人樹俱貫賊畏走遂奪馬而歸光啓
中從孫儒攻廣陵再用本名存嘗與軍中小校結爲死
友會有告小校謀反者儒斬之執再用至儒問何故反
再用不對旣伏質又問之始對曰某與彼相結爲死友
則某反矣公旣誅之復何問焉儒奇之曰汝果不反吾
再用汝因令改名再用儒敗歸行密授先鋒馬軍指揮
使乾寧中朱延壽辟爲衙將因遷壽州團練都押衙敗

梁兵於壽春遷團練副使從延壽平劉存於弋陽授知
光州軍州事一日大震電家人皆伏匿再用當戶坐不
動俄見青襦袴者四人昇再用所坐牀出庭中復大震
屋楣折有龍出焉梁兵寇光山再用擊走之以功遷光
州刺史天祐二年梁祖平趙匡凝於襄漢乘勝畧淮上
遣使謂再用曰苟以城降遷爾蔡州本郡爲賞再用乘
圍而拜曰此州城小衆寡王若先下壽州回當自送款
梁祖信之攻壽州不拔而返再用襲之斬首二十餘級
以功加檢校太保渥襲位遷楚州刺史俄授淮南左廂

步軍都指揮使越人寇東洲遣再用率兵禦之賜長稍五十戰敗艦破水滿再用爲長稍所泛得不溺家人聞敗飯千僧爲禱再用戰歸取其飯召麾下以犒之曰此輩濟我佛何力之有十一年袁州劉崇景叛引潭將許真爲援令再用攻之近城有萬勝岡再用欲奪之每旦出師岡下不與戰袁人頗怠一日列大陣岡南崇景望之氣奪因出戰再用躍馬徑入陣中斬首數十袁人大敗崇景棄城而遁武義元年破越軍於無錫遷鎮西將軍領天平軍節度使未幾移鎮武昌改德勝軍節度使

加中書令卒年七十二再用寬厚淹雅有儒者之風好
讀左氏春秋未嘗省視廚廐寮屬白事有不如意但對
之假寢諸子娶聘必擇平昔舊族史官王振請述戰功
以補方冊再用曰鷹犬之效出自偶然何足紀也累歷
藩鎮敦尚儉素車馬導從不過十人亦一時之良將也

陳璋

璋潁川人少橫恣不羈歷事諸帥俱無成乃歸行密未
幾復委質於錢鏐景福初授杭州武勇都指揮使改鎮
海軍踏白使乾寧中領賓州刺史從平董昌詔賜佐忠

去僞功臣天復二年鏐將許再用叛據外城召田頵爲
援頵將樹柵於杭州咽喉之地鏐乘圍觀之大懼出金
彩十輦募諸將有能奪其地者與之仍以頵爲賞璋應
募選饒健三百假護軍白馬以出免胄馳擊往返者數
四竟奪之鏐大喜飲之巨觥卽授璋衢州刺史與軍校
葉讓不協因斬之與睦州陳詢連衡復歸欵於行密鏐
以兵圍其州踰月不能出行密遣周本援之拔璋盡室
以歸天祐二年行密遣陶雅平婺復授璋衢婺州諸
軍事充都招討副使會王茂章叛雅棄其地改璋池州

團練使署淮南節度副使越將張仁保陷東洲授璋水
陸行營都招討使擊仁保於海曲奪戰船三百艘盡復
東州舊地復乘輕舟入松江九谿偵還越師大集團之
數重璋獨射舵工心目皆應弦而倒因奮銳衝擊長圍
遂解軍回泊洞庭見橘林意欲除之謂士卒曰若食膾
用此木研酸醑不假他物自有香辛味諸軍皆爭取樹
立盡九年以舟師破岳州擒刺史苑玫荆人潭人會於
江口邀璋歸路璋乃方舟並貫夜過其所敵人後出已
無及矣璋每入敵境或晚泊戒士卒整舟楫待令下當

行此必宿軍之所也若移帳下岸修堦習射及夜多前去越兵寇上饒璋引兵侵蘇湖上饒之兵乃解乾貞元年加鎮北大將軍領平盧軍節度使溥遣王彥章苗彥舉兵西伐璋謂嚴可求曰朝廷攻湖湘何不用璋與周本彥章與潞可當其偏裨耳其後彥章果敗三年加使相大和二年改鎮東將軍充寧國軍節度使遇疾歸江都求醫至江陽縣卒年六十五

侯瓚

瓚字信美城濮人黃巢聚兵於曹濮瓚從之時年十六

巢陷京師瓚逃歸鄆州時僖宗幸蜀徵十道兵討巢朱
瑄以鄆兵應命瓚爲偏將預行尋復與諸道兵伐秦宗
權皆以勇果聞頃之隨瑄弟瑾襲兗州瓚與瑾逆殺齊
克讓破宿州瑾據有兗州瓚爲爪牙梁祖攻兗州力戰
以却梁兵梁祖圍時溥於徐州兗鄆兵救之不利溥死
梁兵遂攻兗鄆戰於城下者數年長圍三合而三却之
時瓚常在瑾之左右大小數百戰隨瑾搏擊馳突出入
敵中殺傷不可勝計乾寧四年隨瑾與太原將史儼掠
徐泗瑾將康懷貞以兗州叛瑾無所歸與瓚等率兵數

千走海州遂來歸行密授瓚衙將是歲梁祖大舉兵伐吳龐從古聶金率衆入自青口葛從周以精甲圍壽陽江淮大恐行密以兵萬二千會戰於青口時兵起倉卒加以陰寒戰士皆攘食飲雪而行甫及梁營則豎戈植足鬪志未決瑾與瓚率五十餘騎潛濟淮入自壘北舞梁而馳囂聲雷沸梁兵皆殞眩不能舉遂斬龐從大將繼之死者大半鳴鼓西行破葛從周於壽陽沉其卒萬餘人於淠河梁人大震瓚功爲多授左右隨從騎軍副使隨王茂章救王師範於青州破梁兵五萬餘殺友寧

瓚復有功從周本攻蘇州戰於黃天蕩從徐溫却王景
仁於壽陽逐劉崇於兗州朱瑾救徐州之圍及攻潁州
瓚皆預戰累授滁州刺史大和三年卒年七十

朱景

景壽陽霍邱人少豪猾驍壯有胆畧爲邑中所服行密
得淮南以霍邱地界南北盜賊交會難可防限聞景之
勇爲遠近所畏故以委之且伺北鄙之奔突景招合無
賴年少得絕技者百餘人撫馭之晝與捕獵暮分巡警
月餘而材技疆力無有及景者以是服從如一公淮羣

盜莫敢犯之梁祖聞其名命寇彥卿率勁騎三千襲霍邱圖取景且諭梁祖之意令降景率其徒戰於邱墟林澤中射死者無數彥卿兵折力殫而去康懷貞之至復爲景所困王茂章來寇度淮水可涉處立表識之景易置於深潭水中立表浮木之上茂章軍敗望表而涉溺死者大半積其尸爲京觀後破李進金何駟涉騎數千尋拜滁州刺史移光州刺史卒於任

張崇

崇廬州慎縣人少以驍勇隸軍籍光啓中始補戎職從

行密破趙鏐有功乾寧二年行密攻蘇州崇爲越人所
獲行密欲嫁其妻妻曰崇忠孝必不負公請待之未幾
崇果返以爲諸將都尉遷蘇州防遏使越人攻蘇州崇
從臺濛敗越兵於小白天復中安仁義叛崇與茂章率
兵攻之擒仁義以功授常州刺史累遷廬州團練觀察
處置等使天祐十一年加檢校太傅光州軍校王言叛
崇討平之授平南軍節度使武義元年累加安西大將
軍梁祖遣將合湖南兵攻荊州以崇爲應援招討使引
軍攻安州降其騎兵二百而還遷德勝軍節度使加中

書令大和中封清河郡王卒於治所年七十二崇殘酷
暴斂淝人畏之嘗入覲議者咸言不返鄺市少年皆將
頤相慶崇歸聞之因斂捋頤錢數萬貫尤好使酒殺人
重掌奏刀鎔每謂左右曰吾醉慎勿令鎔出一日醉甚
三召鎔至竟殺之詰旦召鎔左右曰已殺矣崇大悔取
其首視之揖曰罪過員外其輕人命如此頗信鬼神家
人求以厭息崇者先是后土廟塑韋安道配座乃遣巫
女詐云天上謫后土與公爲偶崇往視之巫女潛執異
香以爲后土至矣崇乃命樂對像酣飲一夕家人竊其

兵器盡寘廟中巫女報曰列仙不喜殺戰故遣六丁取至公不得更用此傷害崇因是大爲改悔厯藩鎮二十一年掠下以奉上每歲一入覲輸貢絡繹國中執事無不受賂故任其肆虐凌下保全祿位終身恣橫耳

王綰

綰廬江人勇敢有謀光啓中始從行密破趙鏐下蘇濠累有戰功署行營諸軍都尉兼漣水防遏使光化三年青州戍將陳漢賓殺海州刺史牛從義歸欵於行密行密命綰與張訓率勇士二千乘勢來附襲之漢賓設備

不暇果出迎謁遂入府中諭以利害漢賓乃解甲聽命以功授檢校左僕射是歲青州王師範告沂密內叛授綰海州刺史兼沂密兗鄆諸州副使與臺濠攻密州下之將擊沂州覘者曰城中偃旗臥鼓寂若無人綰曰此必有備而援兵近矣諸將曰密城旣下沂易與耳綰不能禁但於茂林設伏以待果攻沂不克援兵具至師旣退爲沂兵持其後綰伏兵擊之沂人大北未幾代臺濠爲海州刺史天復三年改漣州制置使天祐中復刺海州就加平盧軍節度使明年改定南大將軍知處州防

禦使谿洞民多爲盜至皆平之順義元年授百勝軍節度使召歸乾貞初卒年七十二

王稔

稔廬州人少驍勇始以騎射隸行密帳下累從征討有功乾寧中梁祖遣將葛從周討揚州稔與柴再用率兵禦之稔以六騎登高山覘梁軍爲梁軍所圍候者望見之請以救兵往再用曰王稔辦事不須憂也稔與其徒解鞍而臥梁兵不敢上會暮圍兵漸合稔乃走依林木轉戰而行因是解去時亡馬令峻遂重襲梁兵奪馬而

還軍中壯之袁州劉崇景叛湖南將許貞率衆來援貞
單騎求鬪稔獨援長槊逐走之袁州平以功授滁州刺
史又從徐溫破寇於山南遷壽州團練使未幾授清淮
軍節度使稔好儒學性寬厚褻衣博帶有同儒者先是
壽春人多尙武復警夜至嚴稔至唯閱經籍下帷肄業
通宵無禁不數載鼓篋待問者四境鱗萃每講肄開必
饋以束修旨酒鄉里薦舉歲常百餘人稔多力每選二
勁弓弦加兩耳分手前引雙滿者數四乾貞三年歸授
左右雄武統軍卒年六十六

李厚

厚蔡州人乾寧初歸行密爲黑雲隊長破濠壽有功加
檢校兵部尙書改隸朱延壽將戰會立新軍每旗以五
伍爲制遣厚以十旗擊其西偏不克而返延壽將斬之
厚曰彼衆我寡願更益師以往苟不勝敵死未晚也乃
增以五旗厚力戰梁人亂延壽乘之遂大敗行密聞之
召歸授黑雲都指揮使天復中從臺濠破宣州天祐三
年以兵援宜春深掠越境師還以功遷黃州刺史溥襲
位授泰寧軍節度使同中書門下平章事卒於金陵年

六十

陳知新

知新廬江人從行密起兵攻畢師鐸孫儒皆有功屢以
親軍攻定南北諸郡多立奇績累授先鋒指揮使天祐
元年率兵攻邑陵破其水柵逐楚將許貞盡收其地拜
岳州刺史三年加團練使是歲從劉存大舉師伐湖南
會天大雨旋至瀏陽江爲楚兵所襲存與知新戰敗俱
被擒楚王馬殷親釋其縛且慰勉之冀爲已用知新叱
罵曰吾豈能負楊公而反事汝耶殷知不可留乃殺之

家悉陷敵

朱虔祐

虔祐潁川人少多力善戰初爲義興令行密惜其材召居帳下常率衆居前從王茂章援青州去爲前鋒歸則殿後我軍背險虔祐以五百人當之追兵大至茂章亦留解鞍而寢虔祐促茂章亟去自與梁人戰殺傷無數日暮兵盡被擒士卒無求生者以故我軍行遠追兵不能及梁人執虔祐見太祖太祖壯其事欲釋之虔祐請死不得瞋目大罵被害行密厚恤其家後數年嫁其妻

九國志卷一
詰旦行矣其妻沐浴禱之曰王愍我窮獨恐終不能自
存嫁我於某氏嗟乎今日猶君之妻明日他適矣君忠
烈若是歿豈無神遂棄我耶是夜無疾而卒夫忠婦義
如此

九國志卷二

宋 路 振 撰

吳

劉信

信字興遠兗州中都人少豪勇善騎射始陷蔡盜許勅
軍中勅敗自滁州奔於行密及破秦畢頗著戰功大順
中行密與孫儒對壘一日召信受事信醉不能起行密
罵之信出投賊左右請追信行密曰信醉耳豈負吾者
耶明日信果返孫儒平以功轉騎軍副指揮使從破濛

泗遷滁州刺史改左右隨從馬軍都尉王師範據青州
密人叛師範求濟師行密遣臺濛率兵破之信先登破
敵冒重創及青人犒師先求白甲軍增其賞蓋信所部
兵皆鐵鎧也天祐六年袁吉信撫州結潭人將復豫章
改信鎮南軍節度副使率兵敗潭將苑玫於上高遷袁
州刺史危全諷新破其將黎汾王藻聚殘黨爲盜南城
間信盡破之一郡遂寧十一年授鎮南軍兩使留後劉
崇景以袁州叛信擊走之授鎮南軍節度使信爲治苛
猛民流言將反會王祺率舟師南上信意其圖已乃乘

小舟解其冠詣祺請罪祺大驚謂曰奉命討譚全播於南康請公駐吉州以警潭人非他也時虔城險攻之久不克祺以疫死遂改信爲招討使全播懼因納款信受其質而還徐溫方執政聞之大怒杖其使者信子彥英時爲親軍校溫令將三千人往援之溫戒之曰汝父據上游之地擁數萬之衆取一小郡不克而還是反也今授汝此兵可往助父反信聞之大懼卽返旆疾趨克其城而還先是有譖於溫言其逗撓故縱全播至是信自獻捷於江都溫大喜復遣還鎮十六年吳王開國加信

征南大將軍後唐莊宗卽位遣諫議大夫薛昭文冊閔
王假道豫章信勞之謂昭文曰皇帝知有信否昭文曰
主上新有河南未熟公之名信曰漢有韓信吳有劉信
異代其人也因指牙旗銀首舉卮酒以屬昭文曰射中
此願公飲一箭而穿之觀者無不稱快信親吏吉况輩
聚歛財貨置櫝廳事日納銀滿其中莊宗伐蜀溫恐信
爲變急召歸江都爲左統軍溫卒又傾心事知誥復歸
鎮明年卒於治所年七十信將上章請立廟於洪州許
之

馮宏鐸

宏鐸漣水人少與張雄友善雄以事爲吏所抑因與其
徒亡入海爲盜宏鐸隨之聚衆千人自號天成軍遂據
上元雄卒宏鐸繼其位詔水軍於金陵樓艦之盛聞於
天下大順元年詔復以上元爲昇州命宏鐸刺史遂增
版築大其城爲戰守之備行密定淮浙因請歸附時田
頔在宣州常欲窺伺宏鐸介居二大國之間又郡中數
有妖怪居人相驚恐負抱嬰孩奔走諭之不可止宏鐸
心不自安遂悉衆南上其日淮口大風發屋拔樹大石

巨木皆飄于空聲言將討豫章實欲襲顏顏自帥舟師
與戰于昌山宏鐸敗沿流將入海行密自出東塘邀之
先使人謂宏鐸曰用兵者勝負豈有常哉今衆力未損
公何憂一郡而欲自屏于海外吾府雖小足以容君之
衆使無失所若欲淮南節度吾亦當讓君捨此而去無
他也宏鐸左右聞之皆哭于是聽命行密乃升宏鐸舟
執手慰勉一軍皆歡呼遂以宏鐸歸署揚州節度副使
館給甚厚將吏皆分部安堵嘗與行密同祀漢高廟有
二鳥鬪于樹行密命射之宏鐸引弓伺便一發而二鳥

俱墜天祐四年卒

公鐸

鐸字聲遠唐相耽之嫡孫生于上蔡遇亂爲秦宗權愛將宗權暴虐不軌鐸諫之不聽反見疑懼禍及乃挈家夜與屬卒千人出奔宗權嚴兵追之鐸且戰且走數日乃渡淮遇故人馮敬章導之襲蘄春破其城推敬章爲師鐸爲牙將塹城厲兵以自固行密命朱延壽攻之鐸方出獵延壽潛軍掩至圍其城鐸走還度不得人以兵伏林中選士二人衣皮夜入延壽所掠羊羣中因得人

城約城中夜半開門舉火爲應再以羊皮復命鐸如期
領兵趨城南門門中火舉乃力戰突圍得入延壽知其
狀驚曰吾恐其潰圍而出今反潰圍而入如是則城安
可卒平乃以鐸報行密令召軍中與鐸有舊者持誓書
金帛與之和仍令延壽與之約婚小將柴再用應召而
行鐸乃請盟延壽以妹妻其子匡浩行密復授鐸左監
門衛將軍乾寧二年加壽州左右軍光化二年授檢校
右僕射天復三年加金紫光祿大夫檢校司空授黃州
刺史天祐三年移光州刺史七年卒于治所

危全諷

全諷臨川南越人世爲農夫初生赤而毛醜狀駭人父
母欲勿舉其姊保護之僅而得全及長體質明秀豪勇
任氣乾符末所在寇亂乃招合同縣少年卽其居爲軍
營鄉里賴焉時安南都護謝肇受詔安撫江嶺聞而嘉
之補爲討捕將表加憲職賊帥黃天感據龍安鄉朱從
立據石牛洞皆竊稱名號官軍屢敗肇遣全諷討之期
年悉平中和五年黃巢餘黨柳彥章攻破臨川逐郡守
大掠而去全諷遂入之詔卽以全諷爲撫州刺史郡署

及鄆郭焚蕩畧盡乃悉心爲理招懷亡散興緝圯壞不數年完復如故時南平王鍾傳亦乘亂據有豫章朝廷因命爲帥諸郡亦多自立者皆不能恭承節度而全諷最強尤驕傲不遜遂爲勅敵久之傳不能忍自率兵討之旣薄其城而城中夜失火士民驚亂諸將請急攻之傳曰君子不逼人之危乃掃地而祭曰全諷之罪無害于民烟焰遽止天之惠也翌日全諷聞之遣使謝罪聽命請以其女嫁傳之長子匡時傳許之乃盟而還由是稍修支郡之禮然豫章之人常畏之傳卒軍中以匡時

爲留後全諷曰聽鍾郎三年爲節度吾當爲之旣而我
師圍豫章全諷不能救及城陷乃謀東兵時宣州刺史
王茂章叛入越假道臨川以之梁問全諷曰君欲大舉
願見君之將士以卜濟否乃陳師于野與茂章登城而
觀之茂章曰衆凡幾何曰十萬茂章曰淮南有三等將
如公此衆可當下將爾益更益十萬乎全諷不聽悉衆
屯象牙潭自稱江西留後旁郡皆以兵資之湖南馬殷
又遣將高安以爲之援軍勢甚盛豫章大恐將軍周本
攻象牙潭大破之擒全諷于陣諸軍皆潰楚撤高安之

圍而遁于是克定八郡之地送全諷維揚親詰之全諷
不答初行密之攻趙鏗遣使通聘于臨川全諷報禮甚
至糧運兵器皆取給焉至是以舊恩釋之先是潤州刺
史安仁義築第於邗溝之西因以賜全諷資給甚厚天
祐六年以壽終諸子隨才敘錄全諷敬愛賓客善撫士
民頗有巧思多所興創今城郭館署皆其遺構也

譚全播

全播南康人昭宗末嶺表寇亂全播與鄉人盧光稠相
與聚兵謀署首領衆推全播怒曰諸君舉事必望成功

須藉良帥盧公軀貌堂堂真諸君帥也衆唯唯未定全
播拔劍三擊庭樹曰不從令者與此樹同乃立光稠而
全播爲謀主所向多捷兵勢漸盛遂破王潮之衆入據
虔州推光稠爲兵馬留後全播分掌城中兵天復三年
與潭人共伐番禺下韶州潭人不利乃引還光稠命其
子延昌守韶州其弟光睦戰敗奔還潮人乘之伏兵四
起大破之擒其首將鄭廉遂從光牧圍潮州番禺救之
乃引還劉巖劉隱以廣州之衆伐光稠以報韶州之役
旌旂相繼數十里圍城十餘里光稠大懼全播曰吾諳

劉公易與耳無足憂也光稠喜曰虔與韶昔與君所共
定也此日之事非君不能辦之於是治戰場於城南告
戰期於劉巖巖令諸軍曰戰之日勿殺虔兵悉可生擒
之全播選精甲萬餘伏於隍壑邱嶇之間與老弱五千
鼓行而前數戰乃退巖縱兵長驅伏發巖等大敗單騎
遁免斬首萬餘級光稠議功全播悉讓諸將而不受自
是光稠大歎賞之俄有疾將以符印授全播不從光稠
死延昌自韶州奔喪全播立事之延昌好游獵荒傲無
度大將黎球俟其出獵閉壁門而殺延昌於城外球以

全播不與已同謀將害之全播請老閉關不出後球方欲蒞事見延昌持彈叱責之球中丸而死衙將李圖復知州事全播懼禍稱疾篤杜門李圖疑之與議親姻多方以覘其動靜全播應覘爲狀終不可識廣州聞全播之病乃北侵陷韶州李圖卒其子不肖閉子城以自衛州人無歸相率詣全播第請爲帥拒之不可遂從之遣使詣梁俄授萬勝軍防禦使五嶺虔韶二州節度開通使檢校太尉開國侯在任七年人物殷盛俄而徐溫命劉信伐之信以大衆填其城濠全播令人潛爲地道運

其土濠深如故信以爲神莫之測也攻擊萬端不能尅
遣使說之令欵服全播請從溫聞之怒曰信以十倍之
衆不能下一城何以取威敵國命回兵攻尅之擒全播
以歸授左威衛將軍領虔州如故卒於江都年八十五
當盧光稠之未舉南康先有謠言曰盧破黎頭出李子
始花開潭深魚正聚楊柳西邊栽旣而光稠有南康至
于延昌而破黎球繼球死李圖繼之全播方盛柳耆劉
也而楊氏命劉信攻取之一郡之地何冥數之豫定若
是乎

李濤

濤趙郡人祖遠唐杭州刺史父逸壽安令濤涉書史會
唐末四方盜起乃投筆從軍光啓三年秦彥囚高駢濤
從行密舉義列八寨維揚西彥盡以步騎背城求戰俄
而彥軍已破一寨諸將以兵勢相懸宜堅壁勿出濤怫
然曰今以順伐逆豈論衆寡設令欲退將焉歸濤願以
所部爲前鋒請觀破賊行密壯之遂出戰果敗彥軍自
是無復敢出濤以功遷騎軍都尉渥襲位授和州刺史
初行密旣率張顥陰有異志以都統符印送宣諭使李

儼行事嗣王意未決一日諸將共議四座畏顥無敢言者濤曰都統符印是昭皇御翰所賜王父子承襲用在不疑苟付他人中外安仰諸將以其辭正皆伏羲顥獨默然投袂而去渭襲位遷吉州刺史十年授行營招討使攻越臨安濤敗陷於越順義元年吳越通好杭人厚禮歸之授左雄武統軍加泗州防禦使遷寧遠軍節度使天和四年卒年七十二

鍾章

章字憲明廬州合肥人少不拘細行雄果有四方之志

中和中行密據合肥召置帳下累從征討皆克獲有功
天復三年朝使李儼至行密得承制拜授以功歷左監
門衛將軍天祐五年張顥弑渥將出徐溫守潤州以圖
自立溫與嚴可求謀非章不可除顥章知之因選士三
十人夜集軍舍椎牛享之刺血而飲以爲誓溫謂曰吾
有老母不若且止章曰斯事一言旣出寧可中輟耶明
日章與姚克瞻殺顥於衙堂遷檢校尙書左僕射左衙
副指揮使從周本攻越州拔衆夜歸越人襲之章以二
百人散樹旌旗於菰蒲間越兵退去絕糧三日章壯氣

無衰章自以除顥功大賞薄會與言爭握槩因譁語較
軍功以及之溫聞而歎曰斯固吾過也明日加章滁州
刺史滁民有訴章者章詣金陵自理溫過謂之曰無事
爲理已改授公光州矣章遂之任未幾遷壽州團練使
會疆吏告章侵市官馬因遣王稔以巡霍邱爲名往代
章章歸中途改饒州刺史俄召歸金陵在郡二年加同
中書門下平章事章多力嘗怒其家人其人匿避章愈
怒因拉折鐵杵後卒於治所年六十二

朱瑾

瑾宋州下邑人也雄武倜儻有吞噬四方之志光啓元年汶陽曹全是遇害無帥鄆兵共推瑾兄瑄爲留後瑾之季仲俱爲列校明年兗州齊克讓妻女於瑾瑾伏兵仗假稱聘禮改服甲士作爲舁夫而往親迎夜發卒殺兗州軍校王稠膚遂虜克讓詰且自稱留後三年夏秦宗權併兵攻夷門梁祖幾至不守會瑄援至合梁祖兵大戰城北瑾單騎嘗寇馳突往返當者無不被靡宗權敗走自是瑾與梁軍互爲犄角屢破宗權朝廷以功授瑾兗州節度使未幾梁祖交惡於瑾遂成仇敵大順二

年冬瑾率兵萬人攻單父梁祖遣丁會禦之瑾軍大敗於金鄉景福初梁祖攻徐州瑾率全軍來援時溥擊梁軍殺其將霍存因席卷十餘寨乾寧元年梁祖親攻鄆瑄瑾合兵迎戰敗之於東河二年春梁祖將朱友恭攻瑾塹其城守之是時連歲交兵四郊無耕織瑄瑾勢蹙因間遣使乞師太原李克用假步騎五千濟河梁人退舍十月梁祖復親攻兗州塹圍之瑾單騎求鬪梁將無應敵者瑾兄瓊先以齊州納欵於梁梁祖使瓊臨兗州說瑾瑾怒瓊無急難之義僞遣使告降梁祖自至延壽

門與瑾交說瑾謂梁祖曰充城符印他人莫可付願得
兄來付與旣而梁祖遣掌謁劉捍與瓊偕至瑾馬立橋
上遙謂捍云願兄先來乃麾將士擒瓊徑入未頃城上
大譟擲瓊首於外梁祖大悔因班師焉四年正月鄆州
先下瑾亦糧盡與晉將李承嗣史儼求軍食於野梁將
龐從奄至城下瑾將康懷貞率瑾子私以充城送款歸
不得入引承嗣諸軍將保沂州爲其將尹處賓拒關不
納瑾狼狽將奔海上復追之迫乃渡淮歸於行密行密
迎之於高郵待以殊禮立解所服玉帶爲贈授甲第遣

財帛鉅萬表瑾領武寧軍節度淮南行軍副使是冬梁祖遣將龐從大寇青口行密親征之令張訓以羸兵前導從意輕吳師貪奕棋不顧瑾請假梁人旌旗率騎潛濟突入從中軍營行密得引兵急渡爭破諸寨遂擒從斬之乘勝攻淠河軍葛從周敗走光化二年春從行密攻彭門移師侵宋梁祖屯睢陽以禦瑾會天大雨與瑾交綏而退天復三年授瑾東面諸道行營都統平盧軍節度使同中書平章事天祐十三年淮南小校馬謙李球乘酒脅衆挾渭登橋樓發武庫兵爲亂陳於門橋北

外衆屢却會瑾自浙西至惟引一騎視其坐起云此不足爲禍因返顧外衆推手一呼亂兵皆潰去遂擒謙是冬與行軍副使徐知訓率兵攻潁州梁人援至而解渭將開國知訓患瑾位加於己請以泗州建靜淮軍出瑾爲節度先是瑾因朔望令女妓通候問於知訓知訓搖縱強欲私之瑾心已不平復有是行會知訓夜張祖筵瑾中宵先起詰旦度知訓酒方困復留刺以去旣盱知訓果來謝瑾因延入室出其妻陶氏知訓方拜瑾以笏擊之踣於地左右自外突入殺之初瑾先繫二惡馬於

廡下及將圖知訓密令釋其羈紲馬果蹄嚙外人莫得聞變因斬首以出知訓從人數百瑾扼臂叱之俱辟易散去復乘知訓馬馳入府中訴於渭云今日爲大王除患渭曰此事吾不敢知因命瑾疾去瑾忿以知訓首擊柱詬渭曰懦夫安足與成事攜劍復出望府門已闔因踰垣折足大呼曰吾爲萬人除患今以一身當之耳遂自刎夷其族時年五十二

米志誠

志誠沙陀部人少嫻騎射以驍勇聞乾寧四年奔於行

密隴從寇青口葛從周寨淝河志誠俱爲前鋒連戰皆
勝以功遷馬軍指揮使田頔叛於宣州志誠與臺濛敗
頔於廣德天祐六年危全諷將伐鍾陵湖南遣苑玫屯
上高以爲全諷聲援命志誠與王祺率兵破之十年從
徐溫敗錢瑛於梁谿後又破王茂章於淮上十一年隨
柴再用討劉崇景於袁州敗袁人於萬勝岡崇景棄城
遁去遂入之先是袁人兒童聚戲穴地爲釜圈箸爲甑
曰將柴米來至是果應以功加檢校太傅領泰寧軍節
度使十五年朱瑾殺知訓攜其首入府中志誠聞之被

甲引其子并親從十餘騎至天興門問瑾所向聞瑾已死乃歸徐溫疑其助瑾遣使殺之嚴可求懼其不克遣人僞自袁州至告大破楚人諸將皆賀志誠亦入因伏壯士斬於棘門之下諸子皆棄市

翟虔

虔彭城人也乾寧初徐方將陷虔盡室南渡謁行密於廣陵及徐溫典右衙以虔爲軍佐屬張顥之亂溫與嚴可求陰計其事密遣虔往復傳道及誅顥虔有力焉因授子城甲仗諸庫院鈴轄等使天祐十五年朱瑾殺徐

知訓挈首突人府門時兵衛倉卒莫敢抗禦虔驅率散卒共閉關瑾以是不得出遂踰垣折足自刎而死會米志誠引十餘騎問瑾所向聲言以襲瑾爲名虔乘闕謂曰瑾已戮矣何不急自歸營因是志誠遂返渭喜其應機却賊以瑾宜陵莊賜虔爲賞及吳國建復旌其勲授閤門宮城武備等使領光州刺史順義四年溥幸白沙對徐溫呼雨爲水溫請其故溥曰此是翟虔父名吾慣諱矣因言宮內諸王須索虔多阻限不時進納溫欲斬之爲溥救護而免黜於撫州未幾授行軍副使及廉使

徙任虔知本州軍事七年卒年六十三

張可琮

可琮不知何處人中和之亂奔於江淮行密識其勇毅擢在左右破孫儒於宛陵先登陷陣稍遷列校時吳人初得宣城毗陵之地無錫居越人之衝患其攻擾天復中選可琮守之錢鏐忌其名棟驍將卒二千中夜襲之邑中大擾可琮閱兵得百餘人皆乘城疾戰越人驚潰而去吏士皆賀可琮笑曰彼衆我寡其勢未已方復勞諸軍一陣爾於是息燈火屏旂鼓若空邑然越人偵之

以爲宵遁果復至可琮約將士候其附城突擊大破之
寇盡潰去方告於郡守李簡簡雖怒其不時告且壯其
事列上其功後以徐溫之命掠東洲下之卽以爲制置
使天祐中除江陰縣鎮遏使遂城江陰沙山之役可琮
以江陰之衆供軍旅展斥候無闕謀徐溫喜之擢拜常
州刺史大修城隍民賴以安順義五年卒年六十五

鄭璠

璠汝南人始事秦宗權後隸孫儒入淮南尋歸行密前
後戰伐皆預行光化四年授左先鋒兵馬使是歲從李

神福攻臨安擒越將顧全武方宇等四十餘人遷左衙將天祐初王茂章征安仁義於潤州洎城陷中十餘創以功遷左先鋒都尉從攻豫章璠以所部發機飛火燒龍沙門率壯士突火先登入城焦灼被體以功授檢校司徒復從柴再用與越人戰敗及陳璋復東洲璠城而守之復會呂師造攻蘇州與之戰虜其次將陳綰璠左脇中弩幾死授蘇州行營都指揮使周本擒危全諷於象牙潭璠所部功多又攻新淦縣克而守之尋以張宣代歸復佐周本攻袁吉緣山疾戰悉收其巖壁焚之民

皆復業十五年從王祺劉信攻虔州克之授璠羅城使
順義元年領饒州刺史六年知楚州率兵援汀州軍事
乾貞元年就拜團練使二年授鎮南軍節度副使知軍
府事大和三年授饒州刺史五年遷金陵行軍副使卒
年六十六

楊彪

彪宿州人身長七尺餘呼聲如鐘侔儻有武幹善騎射
行密見而壯之擢授衙內散指揮使渥嗣位潭人犯邊
授西南面行營護軍副將謂諸將曰彼衆我寡未可輕

動乃守其要津以輕兵挑戰登高以望之見其麾下進
退不一彪笑曰非勍敵乃縱兵出戰親射其首將殺之
順風焚其艦溺殆盡凱旋擢授江寧鎮遏使徐知誥鎮
潤州充都尉以從越人寇無錫東南大震知誥東征彪
與陳再過領死士千人於路次弓弩忽發越人驚擾又
竊賊號令以入其壘殺獲其衆明日又戰自旦及辰未
決彪躍馬疾馳之越人遂退師還以功授殿直軍副使
與郭棕分直宿衛徐知誥謂之曰郭棕猛而少機警宿
衛之職唯爾是賴大和三年卒年五十二

陳祐

祐歷陽人年十七歸行密於合肥從入廣陵孫儒來襲吳師亂祐之卒伍獨成列泊入宛陵稍遷爲偏校時行密修貢於天子祐應募而行達於朝廷制授兼御史中丞從攻滁濠壽等州重甲先登戈傷身墜而復上敗龐從葛從周朱友寧皆預戰有功秦裴下豫章時宋思勅范師從陳鐔以兵戍之鐔等皆渥之腹心也張顥忌焉令祐以渥命往誅之三校皆勇士也顥旣遣祐行甚憂之祐踰險輕行六日至豫章微服懷短兵入秦裴帳下

裴驚其來具告之故因責裴以不能制三帥而令有異
謀裴懼未及對祐乃令召思勅等宴會及至則祐已與
裴飲矣三校入見祐皆色變俄而酒三行祐數其罪悉
叱而斬之以歸徐溫之誅張顥祐有力焉天祐七年越
人侵無錫徐溫自征之祐率黑雲都尉以從諸軍未集
祐告溫曰寇謂我勞頓而至未能陣也願以所部先薄
之大軍見可則進溫從之祐詭道以出賊後會大軍夾
攻大敗之十三年溫在潤州小將周郊詐稱役旋懷短
兵入府多殺軍吏而衛士無兵仗拔武庫之槌出兵仗

授之以戰或有自後擊祐傷腦踣於地從者負之息於門下稍蘇時賊雖息府中尙擾升樓傳呼不能止祐舉首叱之衆皆投兵仗罷去溫手封其傷授黑雲都尉溫遷金陵制宮室府署命祐董其事以功加檢校司空大和元年授饒州刺史卒於任年六十五

劉權

權許州人少從軍於蔡州景福元年來歸行密入淮南隸田頔麾下累遷同州節度副使光化二年頔與越人戰權乘勝深入爲寇所得錢鏐見而慰之曰爾壯士也

吾終不以俘虜相畜洎通和縱之歸渥襲位補衙將渭
開國以權侍衛勤肅授左衙副校檢校右僕射從周本
攻蘇州同授右衙列校爲毗陵子城使率海船與越人
戰勝充洪州都督長史領吉州刺史潁川之役授行營
都虞侯時徐知訓爲帥而軍政皆委朱瑾梁將袁象先
帥部騎救潁瑾晨興望西北皆昏黑知梁兵將至召權
與議值天大寒權幅巾錦袍而至瑾問曰爾何職曰行
營都虞侯瑾曰是職也動必爲諸軍見今氛興西北陰
霾閉天此梁人至矣爾司斥候尙爲此服且軍禮何在

叱左右執之就戮知訓徒跣而往救之僅免時梁祖兵已至戰少不利乃引還及瑾殺知訓城中恐懼將從而爲變權出師而瑾自殺衆乃肅然徐知誥至自丹陽遷左右軍都押衙事武義元年領雄武大將軍六月從徐溫與越人戰於沙山洛社敗之俘其卒數千七月從知誥戰無錫太破越人二年卒

崔太初

太初淮西人父亮蔡州監牧副使太初身長七尺勇力過人中和宋以大刀長槊應募行密見而偉之召居帳

下歷壽州衙內副指揮使天復中田安將謀叛行密疑
朱延壽與之交結太初累從延壽征討曾諫延壽及延
壽擒行密嘉其意遷太初衙內都指揮使天祐十五年
從徐溫破王茂章遷本州司馬權知壽州團練事先是
壽春自乾符後守卒俱爲多謀彊力者據而後奏報以
要恩及陳紹卒宣王遣王定持虛衙官告以往令度可
授者與之定以軍政雖出太初而職在衙將甯審言之
次因潛報太初曰詰朝若州之符印再至於君慎勿更
讓明日召諸將齒先以符印置坐末以次第遞捧而上

及審言而止定曰王府之命非甯公而誰然合更相推以成禮也審言如教復至太初定曰唯公不可多讓乃麾其下位者俱令列賀復數日軍州無異議始以官告授之人有密譖太初常蓄鄉關之念者會徐知訓征潁州路出壽春且觀其意太初著烏帽草履徒步至塌山爲知訓馭馬十餘里知訓見其屈降前疑大釋太初不喜儒生多疑好察每通衢交會之所牆必置耳常謂人曰還聞牆有耳否又曰非牆耳乃吾也由是行路之人鮮敢偶語者召歸授右雄武大將軍加檢校太傅同中

書門下平章事守左殿直統軍太和三年卒年六十六

陳彥謙

彥謙毗陵人少負壯節有理繁治劇之才行密定江表
召爲潤州司馬以幹畧聞徐溫鎮浙右以機務爲寄彥
謙亦坦然不疑言行計從人莫能間溫欲居金陵問策
於彥謙對曰金陵昔爲王者都今實近畿關輔也作鎮
於彼其誰不往溫從之遷彥謙金陵大都督府右司馬
營度外城府署三年而畢上經費之籍天祐十五年朱
瑾殺徐知訓溫急召之謂之曰蛇豕雖亡枝蔓猶在令

就廣陵除其餘孽及梁祖卽位隴蜀建號彥謙勸溫諷
渭建朝廷及更章服彥謙頗有力焉溫嘗閱帑藏見金
帛委積因曰此三軍物吾豈敢有焉致此盈衍公之力
也因授鎮海軍節度判官無錫之役未戰而溫疾吳越
兵攻其帳我軍相顧失色彥謙卽引旗鼓詭遷於左其
攻稍息及敗越兵遷楚州團練使諸藩郡歲時伏臘事
獻賂遺溫悉令納之病溫親往慰問自調湯藥臨卒手
疏十餘事首卽以用嫡嗣爲請順義五年卒年六十

高澧

澧越州人祖實唐武寧軍節度使父瑰湖州刺史澧爲錢鏐之將累功遷特進湖州刺史武義軍使天祐七年以受疑挈家屬二百餘口甲卒五千來奔授淮南節度副使澧嗜酒好俠殺人而飲其血日暮必於宅前後掠行人而食之一日醉在樓上王寬經其下澧召之登而命左右去其梯操鋌於旁而以酒虐寬寬爲所圖乃以大觴酢之澧皆推觴寬躍而取其鋌橫之於膝乃慢罵澧速以觴罰之澧辭不飲寬乃引鋌逐之澧環席而走叩頭乞哀併飲十觴臥不能興寬乃下樓徐去泊上馬

命以鋌還之十五年徐知訓爲朱瑾所殺徐溫遷怒誅之

九國志卷二

三

九國志卷二 終

九國志卷三

朱路振撰

吳

田頽

頽字德臣廬州合肥人博覽書傳容止儒雅雄果有大志少與行密同鄉及戍塞上情好愈密軍回俱遷入營主將中利二年行密圖有淝上頽首爲輔翼光啓二年壽春張勣遣將魏虔率衆來寇行密使崔自審禦之敗復命頽往大破虔衆於楮城鎮三年從行密破秦軍于

維揚顧功稱最文德元年圍趙錕於宛陵明年夏錕糧
盡舟出東溪乘瀑流以逸將奔淮南錕度行密皆步騎
限水無從復至因泊永陽解甲登岸初顧疑錕將遁密
造輕舟縱之至是追及錕奔不暇爲顧親執以獻奏授
顧馬步軍都虞候檢校尚書左僕射是冬與安仁義攻
杜稜於常州下之十二月復爲孫儒所敗大順元年秋
顧屯浙右懼儒兵盛焚浙右營散於野二年春退軍黃
池廣德與孫儒軍寨壘相望顧兵屢戰多北會夏大雨
儒等多墊溺避水而歸是秋儒盡焚維揚復濟師廣德

十月頽率敢死士千人夜襲儒將張景思沈粲二寨破之擒粲而返十二月頽與劉威大爲儒所敗行密怒盡奪其衆儒遂乘勝逼城戴友規言於行密曰疆敵匝壘不用田頽恐非長策行密遽復起之明年六月盡破賊寨頽親與其下范文感等臨陣擒之秋行密歸淮海表頽寧國軍節度累遷檢校太保同中書平章事乾寧三年夏同安仁義破越之蘇州光化末馮宏鐸以樓櫓自將介守上元頽以厚利購得其工令速成大艦工曰馮公每一舟必遠求梗楠旣成數十歲爲用餘木性不禁

水非久必敗。頽云：汝但以此地木造之，吾只圖一用，不假多年。爾因而急就。天復二年四月，果與宏鐸戰於葛山。宏鐸大敗，舉族奔淮海。遂以上元地歸行密。頽隨入覲，會行密左右要賂者眾，下及獄吏，亦有私請。頽愀然不懌，謂所親曰：「斯吏亦欲吾下獄哉！」頽方求池歛爲屬郡行密復未之許。頽意望素高，由是愈不能滿。及回指維揚南水門云：「此門不復經入矣。」初行密克定江淮，方撫循百姓，而頽與安仁、義朱延壽等皆猛鷙驍勇，以攻取爲務。行密憚其難制，每抑之。是秋，錢鏐遊臨安，其下

許再思徐綰以餘杭外城叛召顧爲應鏐得夜從水路
入保子州時顧圍之愈急鏐屢遣間使哀求行密行密
亦以顧若得志杭越爲患必深不若存鏐別圖進取因
召顧歸鎮鏐復輸錢二百萬貫以元瓘爲質顧始旋軍
自是財富兵盛復以取杭越垂下爲行密所召乃與錢
鏐和親反意遂決三年秋顧與潤州安仁義同叛初召
其謀將康儒議多忤意行密因而間之遣使授儒廬州
刺史顧果疑儒私納欵遂旋師先是行密遣李神福攻
武昌及顧反行密急召神福旋師顧聞之復以兵襲上

元初神福子承鼎遣喻意云苟見機從吾事平之後當分地以治別命將汪建以樓橈踵其後神福不顧此左右射承鼎以誓諸軍明日大破建於吉陽磯額聞建敗自督親軍求戰神福收兵皖口際水爲堅柵是時行密別遣臺濛王茂章率步騎以往額復委舟師於汪建王壇自出廣德迎戰大爲臺濛所敗遂率殘衆遁保宛陵壇建聞其敗因盡以舟師歸欵於行密十二月額出外州棚疾戰橋陷馬墜爲外軍所殺時年四十六額母老行密哀而捨之初額與行密微時約爲兄弟渥渭俱以

子孫禮事其母顧善撫將卒通商惠民復疎財愛樂文士時游其門者楊夔康輶夏侯淑殷文圭杜荀鶴王希羽晚年楊夔知顧以兵賦自恃將謀爲變因著溺賦以諷之顧終不顧以至於敗

安仁義

仁義沙陀人初事李國昌於塞上以過奔南河隸秦宗權軍中光啓三年擢爲馬軍指揮使從宗權弟宗衡攻維揚及宗衡遇害復奔行密行密得之甚喜盡以騎軍委之刻在田頔上文德元年從行密破趙鏐於葛山與

頽攻杜稜於常州破之大順初梁祖遣將龐從率衆十萬至高郵孫儒盡衆禦之行密乘虛襲據浙右命仁義率衆敗儒將劉建鋒於武進儒復渡江陷蘇州自是與儒春夏鬪黃池秋冬戰廣德儒軍竟以衆勝圍行密仁義於宛陵時儒亦以久戰不決貽書仁義敘舊款密欲令行密猜間之行密待遇愈至辟爲行軍副使依前馬軍都指揮使景福元年行密仁義及田頽背城晨戰儒軍大敗破五十餘寨以功奏授檢校尙書左僕射潤州刺史仁義蓄性好貨雖凋弊之後科歛尤急初儒之亂

士庶多奔豫章及諸郡平流者皆復行密皆以循吏守之唯浙右人聞仁義所爲相與悲歎曰獨吾郡乃得蕃人以是多無歸者天復三年仁義遣衆盡焚東塘戰掉結連宣州田頔以叛潛兵襲常州刺史李遇設伏於路率兵前戰因極罵仁義仁義止其衆曰遇何敢辱我至此是有伏兵也偵之果然仁義戰久而敗遇因襲之至夾岡仁義立二幟於岡上乃解甲而食無敢追者行密遣王茂章李德誠及仁義仁義不毀濠梁常開門出戰與茂章對敵無不先告所中而後射之故諸將多挫銳

而止以是歷年不能破天祐二年仁義之衆漸寡自度
終不濟乃擁其家屬登城樓外衆無敢登者呼李德誠
謂曰汝最福人可以委吾命擲去弓矢令德誠執之父
子俱斬於廣陵市

朱延壽

延壽廬州舒城人行密之妻弟也美姿容未冠事行密
從征秦畢孫儒皆以摧堅陷陣受賞行密鎮維揚授延
壽以干城之任時軍中多盜行密方務寬恕求得士伍
心知延壽好殺每捕至者必并所盜物遺而賞之仍誠

之曰慎勿使延壽知既而密報延壽俱復擒殺之乾寧
初黃州吳某歸歛遣延壽援之狗地蘄陽而還從圍壽
春城堅不可拔將捨之延壽請以所部試往臨城一舉
而破城中市不易肆以功署淮南節度副使壽州刺史
明年取蘄光二州以功遷團練使四年從征葛從周於
淝河敗之是後梁將屢寇淮上延壽每開關延敵未嘗
敢逼天復初北司擁駕西幸昭宗聞延壽有武幹遣李
儼間道賫詔授延壽蔡州節度使令促行密與諸道騎
角共誅梁祖會鳳翔圍解而止田頌安仁義結構延壽

叛將分地而治行密憂形於色卽詐爲目疾每接延壽使必錯亂所見以示之嘗誤觸楹柱而朱夫人救之良久始蘇因泣曰吾今喪目軍府事大兒子輩俱幼不如得三舅代治吾無憂矣夫人因以書召之延壽不疑遂來覲行密迎至寢門使人刺殺之年三十四出夫人嫁蘄州刺史石膳旣而朱瑾入賀行密曰彼二大賊不足憂惟憂此小賊今得之無事矣延壽善用兵有鈴畧好以寡擊衆不勝敵而反者無不盡戮之嘗與梁人戰遣衆二百持大劍而往內指一卒留之卒云願攻賊自效

延壽亦斬之其令出必行皆此類也性疎財每得賞賜皆分資將士李昇建國以延壽子鄴列於環衛復其官爵

徐溫

溫字敦美東海朐山人少無賴入羣盜中以販鹽爲事中和二年行密起合淝遂隸帳下爲伍長常從行密征討先登陷陣敵人畏之及平秦彥虜趙鐸敗孫儒溫皆有功奏授衙內右直都將左長劍都虞侯又從平濠泗有功授隨身都知兵馬使檢校工部尙書天復二年昭宗徵兵入援行密將赴之議以戰艦運糧溫曰人

吳舟楫不敢南行岸谷旣變葭葦且深必不繼矣遂令
以小艦易之師次宿州重載不能進士卒甚饑惟小艇
先至一軍賴之行密嘉之由是參預謀議討安仁義於
京口諸軍頻戰不勝行密遣溫率兵援之溫至城下盡
易新製衣服旗幟悉用舊者仁義不知如常而陣溫乃
麾軍奮擊遂賊之朱延壽入覲行密聞其來慮有內應
召溫歸陰爲之脩旣殺延壽營中軍亂溫奮劍大呼斬
其首惡者部分遂定旣誅三叛以功授尙書右僕射廬
州長使隨授右衙都指揮使天祚二年行密疾病渥出

鎮宣城將行溫謂渥曰公有病而令嫡嗣出外必姦臣
爲之不可不防他日有徵召非王令某手書非某之使
幸勿應命也渥泣謝而行後行密問後於判官周隱隱
以劉威對諸將皆無言溫進曰宣州旣賢且長國之令
嗣不可廢也乃召渥歸行密疾甚召溫與左衙都指揮
使張顥同受顧託渥旣嗣位憤大臣擅權政非已出乃
置東院馬軍置立親信以爲心腹溫與顥頗忌之故顥
將圖弑逆溫知其謀而無所諫止但引嚴可求與之計
事顥旣弑渥白溫議分國兵共歸歟於梁祖溫僞許之

乃與可求謀使鍾章姚克瞻程思忠等入殺顥溫稱疾
不朝嚴兵於第以防不克是日章等斬顥溫乃入悉收
賊黨紀祥等誅之遂兼左右衛事無大小皆專斷始立
制度戢兵明禁人漸安堵溫謂可求曰大事定矣與公
等克已行善政使人家解衣而寢於是聞者莫不感激
渭襲位遷溫昇州刺史淮南節度副使七年起復檢校
太尉潤州刺史浙西觀察使內外馬步軍指揮使是時
大臣劉威陶雅李簡之徒皆與行密同起義勲高任重
溫以一旦之功起居其上皆內意不服李遇嘗謂人曰

徐溫何人吾素所未識而遽至此豈可入覲耶乃密議
誅溫溫知其謀遣柴再用討之遇出降遂夷其族於是
雅等始懼而來覲溫盡禮事之如見行密雅等乃安中
外遂定以平李遇功加平章事遷行軍司馬領浙西節
度十二年溫請就藩以治舟師乃加浙西招討使封齊
國公以金陵京口毗陵宣城新安池陽六郡爲都督府
溫以金陵形勝之地乃大城昇州建大都督府十四年
溫徙治金陵以第三子知訓爲淮南行軍副使留廣陵
以輔政十五年知訓爲朱瑾所殺以長子知誥代焉時

中朝多事南北道絕諸將分守郡府雖尊奉盟主而政令征伐多以便宜從事溫以都統權不足臨制乃定冊建吳國改年武義稱制拜溫大丞相封東海郡王越人攻常州溫率衆拒之戰於無錫大敗越軍越人多舟師是歲旱江河皆竭諸將白溫曰此天亡越之時也可盡車徒之勢一舉而滅之溫曰天下紛紜民甚困矣錢公亦未可輕也若連兵不解方爲諸君之憂今戰勝以懼之戢兵以懷之其勢不得不服使兩地之民各保室家吾輩亦高枕爲樂豈不快哉多殺何爲乃遣使盡以俘

歸之於是越人請和順義三年後唐莊宗滅梁始通使
於朝五年封溫東海王賜車輅黻冕七年十月卒於金
陵年六十六追封齊王謚忠武

九國志卷三

終

九國志卷四

宋路振撰

南唐烈祖以晉天福二年受吳禪至後主煜乙亥歲國滅蓋宋開寶八年也歷三主凡三十九年

烈祖姓李名昇字正倫小字彭奴徐州人初爲徐溫養子冒姓徐氏名知誥吳太和二年嗣溫位天祚元年封齊王三年受禪改元昇元國號齊尊溫爲太祖武皇帝昇元三年二月乙亥改太祖廟號爲義祖己卯改國號曰唐復姓李氏更今名七年二月庚午薨年

五十六諡曰光文肅武考高皇帝廟號烈祖塋永陵
元宗名璟字伯玉初名景通昇長子昇元七年三月己
卯嗣位改元保大十五年改元中興是年臣屬於周
奉正朔蓋周顯德五年也宋建乾元年六月己未薨
年四十六請於宋許復帝號諡曰明道崇德文宣孝
皇帝廟號元宗塋順陵

後主名煜字重光初名重嘉璟第六子宋建隆二年六
月嗣立在位十七年至開寶八年十一月宋將曹彬
滅其國後主降太平興國三年七月辛卯薨年四十

二是日七夕也贈太師封吳王塋洛陽北邙山

南唐

周本

本舒州宿松人漢南郡太守瑜之後祠廟隴畝皆在子
孫守故土者猶數十戶本少孤貧嘗在田里獨格猛虎
唐末大亂投楊行密軍中以勇敢聞常先登深入蒙犯
矢石身無完肌及歸營自燒鐵烙其瘡飲啗言笑自若
軍中猛將皆服之累遷淮南馬步軍使天祐五年楊氏
始得江西撫州刺史危全諷率諸郡兵十萬來爭其地

屯於象牙潭楚人取高安爲之援江南守將劉威告急
判官嚴可求荐本可用時本從軍圍蘇州不克恥之稱
疾不出可求卽臥內強起之本曰蘇州之役非彼彊我
弱也蓋上將權輕下將專命故爾今必見用願無任偏
裨可求爲言楊氏許之得選兵七千使救高安本曰楚
人非欲取高安也爲全諷聲援爾若先敗全諷楚人必
走乃疾趨象牙潭劉威要之宴犒不留或曰賊勢甚盛
宜審觀形勝定計而後進何其遽也本曰賊有十倍之
衆使吾軍知之必將奪氣須乘其銳而用之旣至指授

諸將戮力急攻大破其軍擒全諷諸郡之兵皆潰楚人
果遁吉州刺史彭玕信州刺史危仔昌棄城走於是江
西之地始定以本爲信州刺史越將陳璋據衢州歸歟
越人圍之本受命以兵迎璋旣至越人解圍陣於城下
璋以其衆來奔裨將呂師造曰賊去我咫尺而勒陣不
動是輕我也必擊之本曰吾受命迎陳使君陳君今在
此吾事訖矣何爲復戰且彼近而不動必有以待我也
擊可勝乎待其先動擊未晚也璋亦以爲然乃還越人
躡之至中道宿半夜佯驚棄輜重走先設伏於道左越

人急追至伏所前後夾擊盡殲其衆越人累至皆敗之
唐莊宗入濟陽吳遣司農卿盧蘋使於濟陽莊宗問吳
之名將存否而本預焉由是召入爲雄武統軍出爲壽
州節度使移鎮廬州拜太尉中書令封西平王本不知
書而愛重儒士賓禮寮屬不撓其權吏民愛之性純朴
技藝無能者唯軍旅之事則如夙習烈祖將受禪徐玠
周宗等以本及李德誠皆位望隆重故諷之以爲推戴
之首本以昏耄仍不知時變皆少子祚左右其事時吳
宗室臨川王濛廢處厯陽聞將授終乃殺監守者與親

信二騎趨詣本本將見之祚固執不可本怒曰我家郎
君也何不使我一見祚開中門拒之濛被殺吳室遂移
本隨衆至建康勸進由是愧恨數月而卒子鄴有戰功
亦至廬州節度使

九國志卷四 終

九國志卷五

宋 路 振 撰

吳越武肅王以唐乾符二年起臨安至宋太平興國三年忠懿王納王歸朝凡三世五主有國九十八年武肅王姓錢名鏐字巨美杭州臨安人唐乾符二年二十四起兵討賊厯事四朝累加天下兵馬都元帥開府儀同三司尚父尚書令兼中書令上柱國吳越王後唐長興三年三月庚戌薨年八十一在位四十一年諡武肅以王禮塋安國縣衣錦鄉茅山之原

文穆王名元瓘字明寶初名傳瓘鏐第七子後唐長興三年四月己未嗣位先是鏐以中原喪亂於梁開平元年改元天寶私行境中凡改元四天寶十六年寶大二年寶正六年至是以遺命用藩鎮禮仍遵中國年號在位十年於晉天福六年八月辛亥薨年五十
五勅諡文穆塋於國城龍山之原

忠獻王名宏佐字元佑元瓘第六子晉天福六年九月庚申嗣位在位七年於晉開運四年六月乙卯薨年二十勅諡忠獻塋於龍山之西南原

忠遜王名宏侔字隆道元瓘第七子晉開運四年六月
丙寅嗣位是時猶稱契丹會同十年閏七月漢以宏
侔爲吳越王遂遵正朔十二月晦內牙統軍使胡進
思等作亂刦幽衣錦軍傳位於弟宏俶居東府二十
年始薨年四十四諡忠遜以王禮葬會稽秦望山之
原

忠懿王名俶字文德初名宏俶元瓘第九子漢乾祐元
年正月乙卯嗣位宋開寶九年正月入朝四月歸國
太平興國三年納土歸朝賜居禮賢宅端拱元年八

月二十四日薨諡忠懿以鹵薄鼓吹塋於洛陽縣之
賢相里陶公原

吳越

杜建徽

建徽字延光新登人父稜廣明中爲鎮海軍節度副使
歷常潤二州刺史兩浙行軍司馬黃巢之亂稜歸鄉黨
保聚徒衆得十餘人號武安都鏐與董昌起兵石鏡及
平劉漢宏其衆漸盛稜謂諸子曰吾每責人不過十罰
則爲之傷心竊觀錢公每臨斬決皆談笑自若成大事

者必此人也遂率衆歸附於鏐光啓中從征薛朗以稜
爲常州刺史尋遷潤州乾寧中安仁義逼東陽命稜率
師討之仁義宵遁鏐平宣州以其降卒隸中軍號武勇
都爲腹心稜常患之密遣人白鏐曰狼子野心稜觀武
勇都士卒終非大王所蓄願易之鏐不聽及徐綰叛鏐
思稜言遣祭其墓建微少彊勇不與諸昆弟類嘗自署
軍事押衙稜聞之頗加詬責建微出顧左右而歎曰大
丈夫何止一軍校耶後隨稜歸鏐稜治常州爲淮人所
攻建微率兵馳赴父難未及境而城已陷遂還新登後

稜自淮南歸軍中嚴整無改稜甚嘉之累從征伐未嘗
介甲所至輒有功軍中謂之虎子乾寧初從征董昌流
矢貫臂而戰不輟開平中從征姑蘇與敵遇於河河梁
斷策馬徑渡及岸而馬斃因葬之至今馬塚存焉徐綰
之亂建徽率所部自新登來赴難或有勸鏐東保會稽
者鏐未之答建徽按劍叱之曰事若不濟當同死於此
誰敢東渡耶鏐甚壯之睦州陳詢叛建徽之姻也鏐疑
建徽不言俄有睦州聽吏來降持建徽所遺詢書以示
鏐皆戒勵語鏐大嘉歡賜建徽錢百萬從兄建思嘗譖

建徽言其第中蓄兵仗將爲異圖鏐遣人密視之一日
建徽方食堂上使者至徑抵臥內建徽但食不顧鏐感
悟益加殊待性儉率出入導從不過數人凡得賜予皆
散施鄉里親族每朝使至鏐與之宴必指建徽以示之
曰此杜丞相今日至此皆其力也其孫昭達爲宏佐內
都監使盛治第宅建徽乳臭兒不諳事乃爾後昭達果
以罪誅嘗從擊踣于廣場盤辟大呼舊所中箭鏐忽自
臂中迸出人皆壯之初稜之將死也散財物於諸子至
建徽但得一笏謂曰此吾所秉者唯汝能保之建徽自

授節鉞至於丞相封鄖國公皆奏授朝命子弟多至二千石連姻公室人稱其盛乾祐三年卒年五十八

鮑君福

君福字慶臣餘姚人少羈貧性淳厚有膽勇餘姚有井面濶丈餘橫以雙梁水深不可測君福每醉必寢其上及從軍以驍勇聞初事劉漢宏及鏐東討乃率其黨來附號曰歸明都累從征討有功能馬上輪兩劍望之若飛電沈默少語軍中謂之鮑不閤淮人寇三衛以君福爲應援使屬刺史陳章叛淮人入其城楊行密令其將

李元嗣監守君福署以郡職君福不受鏐聞之恐其被害也乃密與絹書令其就職君福竟拒之一夕與元嗣飲伺其醉而殺之奔歸錢塘授衢州刺史淮人屢寇其境君福每擊破之及罷歸鏐勞之曰公在郡數年戰鬪而已豈爲優賢邪因復遣之任元瓘領清海軍節度辟爲副使同平章事兼侍中天福五年卒年七十七

成及

及字宏濟錢塘人祖克平唐嘉王府長史父貞國子監博士及性純厚爲鄉里所知光啟初江浙兵亂及保聚

於富春稱靜江都劉漢宏作亂及以所部兵從鏐討之
漢宏平鏐宴犒諸軍北關鎮將孟安亂於席上拔劍將
擊鏐坐中驚愕不敢動及徐起舉胡牀格孟安仆於地
左右因擒殺之以功奏遷散騎常侍靜江軍都指揮使
潤州刺史薛朗常州刺史丁從實叛鏐命及討之破朗
軍於陽羨進圍毗陵從實具牛酒以犒之並遣美女於
諸將及大怒曰我當菹醢從實而食之今乃以酒炙女
子悅我耶因盡索諸女斬之親督諸將攻陷其城從實
遁走以功奏授越州防禦副使潤州刺史阮結卒命及

代之遷蘇州刺史乾寧三年淮人攻姑蘇常熟鎮將陸
郢等以兵應之及不能守遂降於楊行密行密入城閱
府庫多圖書藥物由是重之與歸淮南署行軍司馬及
拜泣曰及以百口託於錢塘姑蘇城陷不能忍決豈忍
更圖富貴願以一介之軀贖百口之命乃引佩刀將自
刺行密遽起執其手因厚禮而歸之鏐迎勞郊外把袂
以泣署鎮海軍節度副使徐綰之叛從鏐還至北郊鏐
微服將入城及代乘其車行與賊鬪鏐遂得入綰平奏
授保大軍節度使遷彰義軍加開府儀同三司乾化三

年卒年六十七

顧全武

全武越州餘姚人少時常爲僧博通外學機警有才畧
鏐每延接與語甚器之及入都建國因辟令從戎以爲
裨將軍中號曰顧和尚討賊有功累遷武勇都知兵馬
使乾寧三年董昌據越州叛遣裨將崔溫李蕙率兵屯
石侯全武率衆擊破之臨陣斬溫蕙湖州將徐應起兵
以應昌與淮人圖嘉禾全武擊破其烏墩光福二柵以
屯西陵三年昌將徐珣李元賓據肅清四封九卿之地

全武自西陵擊破之珣元賓皆乞降盡總其衆昌又遣
裨將湯白守石城袁邠守餘姚全武自西陵趨石城與
白遇大戰石城東斬首十餘級白僅以身免去會稽三
十里不敢出援復攻餘姚袁邠堅壁自守昌遣將徐宣
率兵援邠全武潛師斷其要衝俟軍半過橫出擊之殺
二百餘人擒徐宣翌日袁邠以城降全武進軍圍會稽
昌閱戰五雲門懸玉帛以誘我師全武率勵諸將并力
擊之昌懼退入城中遷全武諸軍都虞侯東面都知兵
馬使遂攻五雲門時淮將臺濛陷姑蘇鏐欲遣全武屯

西陵以備北寇全武曰賊之根本繫於越州豈以失一
姑蘇而遂緩大衆耶當先拔越州後復茂苑未爲晚也
鏐從之俄而越州陷執董昌以歸奏加全武檢校太保
明州刺史四年與沈夏許再思率師由海路以赴嘉禾
諸將欲緩入全武曰嘉禾圍閉久矣莫知我之勝負宜
速往慰之因倍道而進城中見我軍旂幟皆稱萬歲全
武與昌將李宗禮頓全戰於城外大破之獲頓全宗禮
以歸餘衆遁去俘千人以歸嘉禾平時吳將田頴守吳
興聞之亦遁去全武追襲百餘里斬馘沈溺者千計遂

督衆克復蘇州吳將臺濛棄城遁去時淮軍屯崑山全武擊破之擒吳將秦裴光化二年加贊忠去僞功臣天復初淮將李神福攻衣錦城鏐遣全武率兵禦之全武素輕神福領衆夜掩其軍爲神福所敗執全武送於淮南鏐方食聞之大驚以匕擊案曰喪我良將二年楊行密遣使來求秦裴因歸全武鏐大喜以秦裴報之是歲徐綰許再思援叛圍外城鏐懼綰據會稽將令全武領兵屯越州全武曰東府不足往當詣邗溝鏐曰何也全武曰綰急必召田頔來則淮南興師矣鏐乃令全武行

成於吳全武又曰獨行必不濟請擇諸公子與之同往
鏐乃以元璩聘楊氏與全武俱行至廣陵楊行密乃遣
使召頽還師明年全武與元璩同歸長興初以疾卒年
六十五全武寬裕有謀畧善撫士卒喜怒未嘗形色每
大敵在前鼙鼓動地分布行陣頽指口授怡怡加也嘗
圍淮將秦裴於崑山裴援絕不降頽殺傷士卒全武自
爲長檄以諭裴裴乃封函納欵全武喜召諸將觀之旣
發函乃佛書一卷蓋以全武曾爲僧也諸將失色全武
大笑曰爾不卽死何暇相諠也及裴降乃爲言於鏐卒

全活之時人稱其長者

黃晟

晟明州鄞縣人少驍勇始應募於望海鎮鎮中立表選
魁梧者晟以矮陋不中選隸都虞侯林膺膺甚倚之後
潛歸鄞江募衆據平嘉埭權知州事楊俱召補平嘉鋪
將有衆千餘人初劉漢宏以台州賊婁文知明州事俱
率兵擊破之其黨杜宗自寧海鎮率鄉豪據奉化晟自
平嘉以所部兵擊之擒杜宗赦而不殺盡驅使還台州
獲其粟帛悉屬於東道遷欽飛都副兵馬使徙奉化鎮

將餘姚鎮將相喜率衆侵越州董昌禦之不利晟領兵
追喜殺之昌奏授晟左散騎常侍充浙東道東面副指
揮使會明州刺史鍾季文卒晟遂據其郡晟好禮尙文
士江東儒學之流多往之辟前進士陳鼎羊紹素以爲
賓介頗加優待築居於城中謂之措大營董昌將僭竊
晟每移書諭之及鏐舉兵乃率衆來應破越州晟功居
多在任十八年開平三年卒時屬郡刺史卒多遺疏請
立其子晟疾亟獨上疏不請以子爲嗣凡府庫所蓄必
題曰送使鏐頗歎其忠順

九國志卷六

宋 路 振 撰

前蜀高祖以唐大順二年入成都至後主咸康二年國滅父子二世凡三十五年

高祖姓王名建字光圖許州舞陽人會黃巢亂與鹿宴宏等西迎僖宗於蜀時中和三月十二日也明年赴行在僖宗以爲諸衛將軍光啟二年三月再西幸李昌符焚棧道幾斷建控僖宗馬過煙焰中旣至興元命爲壁州刺史大順二年破陳敬瑄入成都爲西川

節度使天復七年九月建號曰蜀明年改元凡改元
五武成三年永平五年通正一年天漢一年光天一
年共在位十二年於光天元年六月薨梁貞明四年
也年七十二諡曰神武聖文孝德明惠皇帝廟號高
祖塋永陵

後主名衍字化源初名宗衍建第十一子光天元年六
月癸卯嗣位改元乾德至六年改咸康是年十二月
爲後唐魏王繼岌破滅出降時唐同光三年也明年
四月己丑被殺於秦州驛年二十八

前蜀

王宗裕

宗裕建之宗屬幼從建入爲牙校善遁甲絕甘分苦得將士心大順二年與王宗祐克州遷青衣刺史建伐梓潼爲第二指揮使建親督諸軍力戰宗裕必冒矢石以掖衛之東川平諸將爭功宗裕口未嘗言戰謙和接下人皆服其沈厚爲東川留守昭宗下詔加以眞命武成初召歸總成都城內外諸軍事其導從不避成都尹崔隱隱懲其僕宗裕大怒入白建建曰京尹五大長官

汝有識之士也不能教戒參從反令我責大尹耶宗裕
僂俛而出再爲東川節度副大使班白者攜幼以迎於
道封通王永平初建興師取秦鳳州再至縣谷宗裕饋
輓貢獻道路相望建以其盡瘁明年乃改東川爲武德
軍以宗裕爲節度使宗裕旣秉旄鉞遂貪冒財貨以白
金百兩作鋌鑄記年月每五鋌爲一束以生牛革裹之
子諫曰牛革著物堅韌後難可開宗裕叱之曰何更開
罷歸衍慰諭久之自謂功高以征伐爲已任築第蜀城
中頗侵損民舍有酤者青陽家不徙去宗裕遣人以巨

虺真其舍中復投以污穢酤者將訴於建宗裕懼而止
又於郊外開廣林莽壤掘邱墓立亭榭鑿池沼樹花木
攜妓縱酒爲樂一日方醉坐軒檻中見數人衣冠甚偉
謂宗裕曰與君幽顯異路何相陵太過因相顧大笑宗
裕亦笑遽仆於地寢不數日卒

王宗壽

宗壽建宗人之子幼從征伐警悟有機辯好琴碁篇什
方術皆臻其妙建入蜀奏署懷節度使以所部鎮遏江
原縣嘗於許汝間得一鐵鏡晦不可鑒屢令工人瑩之

了無所睹著巾奩中有日矣至是忽覽之光采煥發因見市舍中一小兒青衣卅角獨坐宗壽異而使人召之小兒曰何以知我至此宗壽以言怛之不懼因曰我與鐵鏡來耳公不見還神物終當化去若以還我他年當有報也宗壽出鏡與之乃長揖謝去後宗壽得辟穀行氣之術或謂小兒傳之乾寧初建令率所部兵平南充遂知果州事安輯離散得郡牧之體武成初封嘉王荆南高李昌略地三峽建以壽爲忠州節度使兼行營招討使以鐵槩斷夷陵江李昌戰艦不能進宗壽禦之大

敗荆人李昌奔歸以功加中書令宗壽性方正樂於恬
退自歸成都以修鍊自娛與孟繼平許寂楊珍爲入室
清談之友未幾爲金吾上將軍持法平正院吏周郃受
贓鬻獄宗壽捕鞠得其實郃以重貨求救於大閹爲解
宗壽不聽竟弃郃市建討鳳翔以宗壽爲第三招討使
取陳倉還衍襲位宗壽請閒久之衍耽酒色時宣華苑
初成數爲長夜飲宗壽在坐諫衍請以社稷爲念少近
盃酌因感激流涕佞臣潘在迎顧在珣韓昭等奏曰嘉
王酒悲無怪也乃大爲諧謔而罷後起爲武信軍節度

使破雞子槽賊擒其魁李茂章請納賂以求免宗壽曰
吾歷官四十年未嘗受同僚之遺况爾賊乎遽命斬之
唐師入境郭崇韜遣使遺宗壽書宗壽不納聞衍降乃
治裝赴闕時衍先次岐陽宗壽請於李嚴求謁衍衍見
之泣下曰早從王言豈至今日及衍遇害奔入熊耳山
依定林寺明宗卽位詣闕自陳賜與甚厚授保義軍節
度使行軍司馬上表請葬衍許之初衍至秦川驛母妻
及子弟遇害者十八人並藁葬道左至是宗壽盡易棺
歛編素徒步親自營護偕葬於三起村聞者義之明年

授淄州刺史卒

王宗鑑

宗鑑建從子也以偏裨從征建入閬州署都知兵馬使從征東川有功遷廣都鎮遏使天復中僖宗反正建令宗鑑以所部兵奔問行在授北路第二班馬步軍排陣使建親征山南以宗鑑爲御營使師還留屯平利時岐將劉知俊等統領大軍分路來攻由階成路奪固鎮糧宗侃唐襲等禦之至青泥嶺爲知俊所敗退保西縣會大雨漢江漲宗鑑自羅村得鄉導緣山而行數百里與

宗播遇於鐵谷合軍出湯頭時知俊自斜谷山南直抵
興州圍西縣軍人散掠巴中宗鑷與宗播襲之會建亦
至遂解西縣之圍以功遷山南節度使同平章事從征
秦鳳遷中書令衍襲位加太保乾德六年卒

王宗佶

宗佶豫章人本姓甘氏幼穎利建討徐堂舉於江西獲
之憐其慧黠是時諸子未生遂收爲養子每給事帳下
後從建入閩中隨諸將征討有功補貔虎都指揮使遷
嘉州刺史乾寧中建克緜州以宗佶爲兵馬留後尋加

檢校太傅知節度事未幾移鎮梓州昭宗幸鳳翔建遣宗佖與宗滌等率步騎迎駕至山南降節度使王萬宏以功加檢校太尉武成初進爵爲公拜開府守中書令宗佖恃其位隆地長頗專征伐而諸將皆避之多樹朋黨策勲錄舊高下在心附順者超擢違戾者擠之散地及宗懿等兄弟成長內不自安遂與御史中丞鄭騫判官李綱謀求爲方鎮欲爲亂建知之因進封晉國公罷其機務宗佖憤怨陰養死士出入臥內將圖不軌鄭騫等又教宗佖求爲大司馬盡總六軍并乞爲儲貳表連

上而辭甚不遜建未之罪也忽一日請對言詞甚悖建
勉諭令出終不肯因叱衛士撲殺之騫鋼並賜死

王宗翰

宗翰建之姊子也本姓孟氏建爲神軍使僖宗封其姊
爲晉國夫人宗翰最被親愛建入蜀以宗翰爲拱辰軍
使累遷眉彭二州刺史封集王賜姓王氏授文成等州
招討制置使宗翰好蓄妓妾後庭珠翠常百餘人性殘
虐吝嗇刺彭州日部民史氏有胡讓莊號爲沃饒宗翰
殺史氏而取之元膺之亂以兵入衛建令安撫元膺倉

卒而死建疑宗翰殺之竟無以自辯通正初授通義軍
節度使同平章事守興元尹以杜堯嗣爲之佐令規正
焉宗翰於泉倉置寨於捍龍山與上清寨相接分鄉兵
屯守建畧地秦隴以宗翰爲第一招討使拔大散關取
陳倉耀兵三壘而還宗翰所爲不法堯嗣多諫止之及
爲招討使請堯嗣同行至大散關堯嗣腹疾請歸府乃
自木皮店泐流而去宗翰令以膠船載之中流而溺天
漢元年宗翰被病若見堯嗣旣而堂宇藩溷隨其大小
皆堯嗣在焉疾遂亟數日卒

王宗滌

宗滌潁川人本姓華名洪建將入蜀寡勇敢之士以宗滌爲廐將宗滌膂力驍果輕財好施爲士卒所推得隸神策軍爲小校建入成都以宗滌領前鋒兵奪星宿寨進攻七里亭以功奏授威信都指揮使邠州王行瑜與鳳翔李茂真攻楊守亮於山南鳳州節度使滿存禦之爲茂真等所敗存與守亮退保山南茂真逼之因同奔閬中建令宗滌率兵禦之破存等衆斬其將梁承裕俘數千人景福元年授邛州刺史爲都指揮使攻九隴守

亮遣將符昭率兵解九隴之圍直趨成都營三學山建
丞召宗滌歸夜至古城去昭營數里乃多設更鼓遲明
益張旂幟徧諸山谷昭疑蜀師不敢出戰宗滌命發機
石擊昭營中聲震山谷昭恐懼乃夜遁去宗滌回攻九
隴拔之後從建攻梓州宗滌以衆五萬先趨東川與岐
將李繼徽遇於元武宗滌擊敗之以功賜名五十三指
揮之首梓州陷顧彥暉降其兵七萬餘衆遂以宗滌爲
東川留守光化初奏授東川知節度副大使事二年歸
覲遂以疾乞解職建不許昭宗反正梁祖與崔允吁通

盡誅中官更相引兵輦轂之下咫尺不通昭宗密遣中官仇承坦諭旨於建建遣宗滌與宗佶宗播率步騎迎駕至山南逐王萬宏據其城授山南節度宗佶等以其功高構以飛語建疑之因至詰讓將加之罪宗滌對曰天下寇盜平矣是大王聽邪說誅功臣之秋也建曰昨在大謾天寨中已有不軌之言矣我念汝之勤尙爲隱忍今又狂率如此豈憲章之所容也宗滌不顧而起建因令人監歸本營明日盡削官爵流於松州旣行縊之於城外營中將士聞之皆相對掩泣初建開國造端門

新樓名曰紅樓采繪既畢都人士女競往觀之曰看盡紅樓建以宗滌得軍情復有是識故誅之人稱其寃

王宗侃

宗侃許昌人本姓田名師世爲鄉豪隸名忠武軍籍建爲部將奏署宗侃決雲都兵馬使光啟中田令孜逼僖宗西幸道出陳倉建率宗侃同扈蹕又從建起閬中賜姓名討陳敬瑄敬瑄遣漢州刺史張頊領萬餘人來遂戰宗侃擊破之敗句惟立於學射山韋昭度來鎮西川敬瑄遣將山行章將兵六萬拒戰宗侃破之於浣寨縣

州刺史常厚奪留東川顧彥暉旌節建令宗侃討之破
其七寨厚奔緜谷奏授宗侃雅州刺史遷眉州團練使
未幾授武信軍節度使建開國以宗侃有佐命功進侍
中城內外都指揮使尋加中書令充北路行營都統岐
將李彥琛寇漢川宗侃保安遠城與宗鑑等三將同破
岐軍斬彥琛衍襲位封侃爲魏王卒年六十六子承肇
入洛爲行軍司馬

王宗瑤

宗瑤字寶臣燕人也本姓姜名郅以騎射隸許昌軍籍

中建擢爲隊長建迎駕山南宗瑤以勇伉得隸左神策
軍能馬上盤槊長丈八尺每臨陣馳突人望而畏之遷
威猛副兵馬使建入閬州爲先鋒十九都都頭左威猛
都知兵馬使賜姓王氏更今名軍至縣竹誘諸蠻酋帥
蹇諫等得其兵數千人破常厚授蜀州刺史昭宗幸蜀
石門詔建赴難以宗瑤爲北路行營都指揮使奏授嘉
州刺史天復中授武信軍節度使建開國加太子少傅
後封臨淄郡王建病亟以宗瑤爲金吾使參預顧命衍
襲位授太傅嘗自作高冢遇暇則酣酒高歌於其中無

疾忽一旦默坐而卒年六十七人以爲知死

王宗播

宗播字昌遠上蔡汝陽人本姓許名存少有膽勇秦宗權據上蔡召募豪傑以宗播爲裨校宗權爲梁祖所破部下皆逃散宗播亡抵荊州聞郭禹在歸州頗完聚得士卒心遂往依焉禹知其材令統青州元從兵三萬人時襄州兵圍逼荊州靜江遊奕將牟權領衆屯清江源據大山列寨諸營危窘宗播言於禹請計權於是伏兵清江岸中遣列校蔡行能捨舟直抵山下權素輕行能

罄軍來戰行能遁歸舟中權盡銳逐之宗播發伏兵掩
其後擒牟權收其軍實以歸於禹禹大喜俄而荆師張
瓌求救於禹命宗播率岐州兵解其圍禹度瓌懦弱因
據其城秦宗權上蔡別將常厚以數千人由均房來攻
夔州刺史毛湘棄城遁去保白帝厚圍之禹與宗播以
十櫓子兵寨於南山以攻厚厚令夔校韓楚言罵禹禹
不勝其辱宗播請以壯士五十人夜斫其營上赤甲山
揭巨石投厚寨中厚恐懼與百人遁去遂破其寨復取
夔州毛湘奔成都禹令捕韓楚言已爲其妻所殺矣先

是楚言妻李氏語其夫曰君嘗爲常司空罵郭尙書今
寨柵危急鋸解之苦旦夕至矣不如早爲之所楚言不
忍曰且看事勢李度楚言終不引決乃以刃自後斷其
首并殺二男一女曰無爲他人所魚肉也遂自刎死禹
聞之大驚駭爲給棺殮刻石以旌之留行軍劉昌美守
夔州與宗播泝江而上郡縣望風而潰號宗播爲許掃
土禹至萬州賞功以宗播爲萬州刺史宗播不得志居
歲餘禹遣人偵之見宗播不治州務但出蹴踘乃曰萬
州必背我勾脚力耳遣卒三百襲之宗播踰垣夜遁遲

明其衆稍至遂保豐都禹攻之宗播奔成都建得之甚喜命以所部屯蜀州賜姓名奏授緜州刺史建討王萬宏以宗播爲前鋒破金牛黑水西縣褒城四寨乘勝傳其城萬宏降以功奏授漢州刺史加檢校太保建卽位改金吾衛上將軍預彭州團練使岐將劉知俊圍西縣宗播爲四面招討馬步使夾廉讓水置連珠寨首尾相應以勁卒二百出五動礮擊之岐軍大敗遷武信軍節度使又敗諸蠻於潘倉加兼中書令爲三招討攻隴州降李繼岌封臨穎郡王被病歸建至其第執手曰北面

開拓公之力也衍襲位授太子少傅乾德五年卒年六十八

王宗鉢

宗鉢許昌人本姓李名武父裕爲忠武軍小校鉢少無賴善騎射建募義兵迎駕得宗鉢以隸帳下至岐山屢有戰功署爲隊長節遷爲裨將以勇過人號爲武子路建入蜀賜姓名常寘左右遇敵必自挑戰挾入奪馬而還遂爲軍中所推建攻成都一日城內出數騎直抵七里橋宗鉢因躍馬奪關子門蜀將宗行能策馬援槩而

至將及宗鉢佯墜馬奪槊以刺行能徑走入城宗鉢逐之至門而還建慰勞久之撫背曰吾得成都當宥汝十死洎建開國授普州刺史性輕率好貨恃勇不法未周歲以訟免官歸成都

王宗弼

宗弼許州人本姓魏名宏夫以家籍隸忠武軍建討王仙芝尙君長皆在帳下建取閬中補義勇都十將賜姓名及入成都改左驍騎都知兵馬使累遷嘉眉二州刺史建征果州宗弼掠地於飛鳥爲顧彥暉所獲彥暉責

之曰王公是討而君爲大將不能諫止何敢來見宗弼
曰罪固當死但念平昔與相公有素故敢來也彥暉笑
而釋之先是岐將常厚攻梓州彥暉乞援於建建遣宗
弼等援之臨行建謂宗弼曰汝等破賊彥暉必犒汝汝
當報宴俟彥暉至營中則擒之俱來庶免後舉也宗弼
如其約及將報宴而宗弼告之彥暉遂以疾辭故宗弼
以爲言於是厚待宗弼以爲養子及彥暉兵敗建圍之
益急彥暉弟彥瑤有武勇知其城必陷請彥暉聚族沈
飲自裁無爲它人之所魚肉一日城陷彥瑤仗劍入室

宗弼與諸子尙在彥暉顧宗弼曰爾非我子可自求生
也因壞垣而出彥瑤遂刃彥暉與諸子而自刎建入梓
州宗弼束身自歸建待之如故逾年復令將上軍再授
嘉州刺史封鉅鹿郡王天貞軍節度使衍襲位拜宮城
內外都指揮使判六軍事封齊王衍將往秦州宗弼曰
唐兵壓境秦州何可去耶又上表切諫衍怒擲之於地
衍次利州唐師已入散關陷鳳州衍遂遣三招討屯三
泉以拒唐師未戰三招討俱遁走因令宗弼守緜谷而
誅三招討宗弼遂與三招討同送欵於魏王乃還成都

斬宋光嗣等函首送於魏王遷衍及母妻於西宮貴戚
納金寶進妓妾救死於宗弼者不可勝計微有絀誤者
咸遭戮焉盡輦內藏之寶貨歸於其家魏王遣使徵犒
軍錢數千萬宗弼輒勒之魏王甚怒及王師至今其子
承班齎衍玩用直百萬獻於魏王并賂郭崇韜請以已
爲西川節度使魏王曰此我家之物也焉用獻來魏王
入城翌日數其不忠之罪并其子斬之於毬場軍士取
其尸爓而食之先是蜀有謠言曰我有一點藥其名爲
阿魏賣與十八子至是宗弼背國歸唐果其驗也

王宗範

宗範本姓張氏幼喪父隨母周氏再適建爲九夫人宗範年十歲冒姓王氏及建開國立周氏爲后宗範沈厚寡言好延納名士親從軍晉暉以女妻之封夔王加太子少師永平四年黎州蠻入寇以宗範爲第一招討使宗播宗壽副之乃以所賜金募果敢士出邛崃關至潘倉大破蠻衆斬其首領趙嵯政追奔至山口城與宗壽合殺八千餘人擒蠻王子趙龍眉等三人以歸加中書令後隨衍入洛至長安張錢爲節度留後宗範以珍玩

新唐書卷一百一十五

賂錢請復姓爲猶子易名師範後唐天成初王宗壽改
葬衍師範來弔贈宗壽不與齒後爲雍州行軍司馬而
卒

周博雅

博雅潁川人唐光啓中爲龍州司倉參軍考滿將歸闕
以川路梗澁乃寓止縣谷建至博雅袖策謁建於軍門
建素聞其名一見忻然接待甚厚置之賓博因說建曰
唐祚將終有土疆者恣爲吞噬以強併弱然以僕觀之
皆非濟世之具也明公御衆有術臨事能斷僕昨在龍

州已爲明公籌之矣自主上蒙塵明公親鞚乘龍匍匐
棧道懷國璽以從周旋患難險阻之中勤亦至矣及論
功受賞不過刺史今端守一隅坐待窘迫非君子豹變
之象也且葭萌四會五達之郊非久安之地若不薄人
人將薄我不如果閬地與民豪楊行遷爲陳田之肘腋
控扼要害不修職貢以明公臨之可一鼓而擒也得其
地以廣形勝得其士以增卒伍此策之上不可失也建
然之遂取閬中之地乃奏署博雅爲判官建赴成都爲
陳敬瑄所拒退無所保建甚危之博雅曰兵家勝負無

常古者出師自非晉重耳之賢豈有一戰而霸者今邛
南城壁完粟支數歲取之可以斷蜀右臂願明公留意
建曰吾少在戎行備知民意若無受鉞之將必謂自圖
其利今欲請朝廷命將出征吾當助成其事博雅曰善
乃令博雅作奏牘朝廷嘉之下詔褒獎乃授韋昭度西
川節鉞令與建同討敬瑄割邛蜀黎雅四川爲永平軍
節度使建壁靈池與王師戮力逾年會糧運不繼建欲
請韋公班師因謂博雅曰韋公歸闕我當以兵塞劍門
朝廷謂我何博雅曰今皇綱不振疆臣掣肘朝廷命令

不出閨壺明公當折節爲軍民計豈得顧此也於是建
乃請韋公歸闕而上表自陳急攻成都克之奏授博雅
觀察判官後出知渝州未幾詔加節度判官遷嘉州刺
史建開國召拜成都尹遷御史中丞俄拜中書侍郎平
章事建薨塋永陵博雅議山陵事俄請老遷左僕射出
爲永平軍節度使雲南安撫使依舊平章事卒年六十
六博雅本名詳

犯孟知祥名
蜀史追改之

晉暉

暉許州人父和爲忠武軍列校暉少有膽氣杜審權鎮

許昌以暉爲頭營十將從鹿宴宏迎駕至山南宴宏遲
留不行暉素與建相善謂建曰鑾駕將回宴宏觀望不
進而姑息吾輩甘言見誘苟不自圖去就禍且及矣不
如以所部兵爲勤王之舉不爾爲晏宏所累且宮車反
正以吾等爲賊黨何面目行於天下建然之遂俱行迎
至三泉僖宗嘉之名其軍曰忠義以暉爲指揮使隸右
神策軍及再幸褒斜復統南營兵與建同爲先鋒天子
居梁暉統四部兵屯黑水修營棧道往來無阻朝廷慮
其疆盛因罷拱衛授集州刺史以散其朋衆一歲之中

凡厯數郡蓋欲窘之也建圖梓州遂往會焉建以暉爲
壕寨使建開國授武泰軍節度使同平章事黔中郡縣
多屬涪陵比部員外郎陳凝爲涪州守以暉制銜中不
帶涪州刺史遂不納牌印暉上疏歸之凝責授瀘州司
戶暉招來逋竄剗除蠹弊州民愛之罷上表請老日夕
與親友宴談噓爲娛嘗自言曰吾生罹多難學執干戈
者爲求飽煖耳今至此矣復有何望我嘗拔王宗魯於
行陳今致位將相女復爲王妃矣分封宏農郡王卒年
七十九

張造

造長社人父公素齊州長史造幼好兵家之學年二十應募隸忠武軍從鹿宴宏出征及宴宏據襄中心無回志因與建謀曰吾輩遠離鄉土保聚無名今大駕將回主帥反側或隨其逃遁則皆賊也不如率衆拱衛以取美名建納之遣使上表僖宗驛召旌賞遂參翊衛隸神策軍及再常褒中以扈從功授萬州刺史道阻不能去會建起兵閬中以造爲行軍司馬廣漢糧盡建慮軍情有變謀各據一郡以自固造首倡大義慰諭將士衆皆

感悅龍紀初詔授行營諸軍馬步都虞侯遷茂州刺史
從討陳田引軍攻笮橋爲陳敬瑄所敗歿於陣年四十
王建以其死事聞詔贈司徒子彥昭爲感德都知兵馬
使從建收巴西破葛佐授劍州刺史建圍梓州彥昭攻
堅力戰歿於陣建痛惜撫其尸以泣曰父死於前子繼
於後忠勇之節出卿一門矣

張勅

勅長葛人善推步之學少隸忠武軍籍從討王仙芝以
勇敢稱建以所部迎駕署勅義勇都判官復隸神策軍

乃總占候之要著太一元精秘訣謨七十一首以獻僖
宗奇之詔與建同列從建起閬中破得陽寨斬王彥儔
時建屢爲山行章所困勅每臨陣拔槊蒙輪殺十餘人
敵爲之稍却奏署定信軍都知兵馬使大順中與王宗
保同破浣花寨建將入成都城中多亡命不逞之徒建
恐其構亂乃令勅爲諸都斬斫使兼左右廂都虞侯以
誘掖鎮撫之勅旣入城索無賴者得百餘人悉鞭其冒
死者相藉中外帖然不敢偶語建卽位厯眉邛二州刺
史卒

李簡

簡許州長葛人少以驍勇隸忠武軍從鹿宴宏出征有
功遷爲列校建起閬中簡爲義勇都副兵馬使大順二
年陳田遣將屯西浦簡以所部擊破之武定節度使楊
守忠與常厚舉兵援陳田建令簡逆擊之相遇於鍾陽
簡謂諸校曰賊遠來多疲及其未成列擊之遂豎陣鳴
鼓而進連破其七寨斬首千餘級擒其將楊知宥楊行
立等獲其軍資甲兵不可勝計建攻毛湘於邛州以簡
爲前鋒晉原守任從誨領步騎二萬銜枚奄至解邛州

之圍簡曰賊輕而驕正可用奇不勞與戰乃分步騎三千爲兩翼潛河村俟其半過夾擊之從誨敗俘甲馬數千俄而邛州軍使任可知斬湘以降建令簡入城慰撫景福中彭州部將李蕘率兵焚繁雒以援常厚建令簡逆擊之臨陣斬蕘遂進攻其城連拔七寨常遁走建獻捷於朝以簡爲邛州刺史卒於治所


潘在迎


在迎字亞卿前蜀樞密使炆之子身長六尺精神警悟少任俠不修細行交結屠狗天復中起家節度押衙王


建開國以爲扈蹕軍使檢校司徒守羽林大將軍內皇城使唐宸構難謀害宿將委在迎以腹心黜者旣行多以後命誅在迎妻徐氏后兄女爲營護之獲免衍荒於酒色在迎與韓昭輩多預宴宮中自昏達旦王宗壽泣諫衍在迎等給以酒悲自是大臣結舌無敢言者王宗壽鎮果州以在迎爲都指揮使知州事渠江賊杜處齊招納亡命據巴王城在迎討平之以功授果州團練使魏王繼岌平蜀補爲右職知祥鎮成都復令典兵未幾出爲蜀州刺史董璋遣使并韜於郡中置邸同易在迎


給事蓋仁達盜官麥以逃誣告在迎因井韜密餽金於董璋知祥命執仁達送於蜀州在迎斬之尋命在迎以州兵安撫後田乃服藥下痢以疾告召歸知祥親臨問焉遂請致仕從之嘗謂人曰我於前蜀有誅唐展安社稷功當合秉旄鉞今逮事霸王

一鎮不得命矣夫明德末卒於成都年五十六在迎以財發跡至於權門要地悉啗以厚利曰未必盡仗之但其冷語爾









PL 2457
P-9
v.17
九國志卷七

宋 路 振 撰

後蜀高祖自後唐同光三年入蜀至後主廣政二十八年國滅父子二世凡四十一年

高祖姓孟名知祥字保胤邢州龍岡人晉王弟克讓婿也莊宗建號爲太原尹同光三年破蜀以爲成都尹充劍南西川節度副大使明年莊宗遇弑明宗立加封太原公長興三年破董璋兼有兩川爲蜀王明年建國改元明德是年七月甲子薨年六十一謚文武

聖德英烈明孝皇帝廟號高祖葬和陵

後主名昶字保元初名仁贊知祥第三子明德元年七月丁卯嗣位不改元仍稱明德元年四年改廣政至二十八年宋將王全斌軍至城下出降五月至汴京改封秦國公越七日薨時宋乾德三年六月也年四十七追封楚王葬洛陽

趙季良

季良字德彰濟陰人父胤唐穀熟令季良幼涉書史長於吏治尤善騎射王檀聞其名辟爲保義軍節度推官

楊師厚鎮鄴署元氏令徙魏州都督府司錄參軍後唐
莊宗入鄴召見與語以季良有文武才略卽授大理評
事依舊司錄參軍充義勝都指揮使軍中謀議多以諮
之時兵革屢興屬邑租賦逋久一日莊宗召至切責之
季良對曰殿下何時當平河南莊宗正色曰爾掌興賦
而稽緩安問我勝負乎季良曰殿下方謀攻守復務急
徵一旦衆心有變恐河南非殿下所有莊宗歛容前席
曰微君之言我幾失吾大計自是益加禮遇遷興唐府
少尹司錄參軍如故嘗夢手扶御座自謂輔佐之象繇

是頗述天時人事以諷莊宗深納其言及卽位授光祿少卿兼洛南水陸營由都制置使明宗卽位遷太僕卿會宰相任圜兼鹽鐵事薦季良爲判官明年授檢校戶部尙書爲西川官告使兼三川都轉運制置使知祥素重其名一見遂悅奏留爲節度副使累表不許會李嚴來爲監軍知祥深懷疑慮乃誅嚴而署季良爲副使天咸三年明宗下詔徙季良爲果州團練使知祥匿其詔書密上表留之明宗不能奪遂允其請自是傾心接待情好款洽或入謁稍晚知祥必顧左右曰副使來何遲

也及至則讌語竟日每有謀議無不見從時朝廷以夏
魯奇李仁矩分鎮遂聞季良言於知祥曰朝廷增兵二
鎮張犄角之勢將有不測之變也公處親賢之地以忠
信見疑儻失先機則禍不旋踵矣知祥曰計將安出季
良曰我甲兵雖衆然而勢孤易動請與東川董璋合從
先平遂聞則朝廷兵至我無內顧之憂矣知祥從之及
王師入劍門而遂聞已平果無功而還及捷書至知祥
匿之謂季良曰北軍漸邇奈何季良曰徐北軍至絳州
已來必遁知祥問其故對曰縣師千里饋運不繼彼勞

我逸不走何待知祥大笑以捷書示之及克黔夔二州以季良爲武泰軍節度使董璋率衆入廣漢知祥領兵拒之季良留守成都制置經度軍用無闕先是季良嘗與知祥從容語及璋植性狠戾下多怨憤若堅守一城攻之難克矣及聞璋起兵知祥憂形於色季良曰璋不守巢穴自來迭死此天以璋授公也俄而璋果敗加檢校太保明宗崩知祥建號加特進守司空平章事宏文館大學士判三司昶襲位加守司徒領山南節度使行興元尹廣政九年卒年六十四謚文肅季良性寬厚居

常無喜愠之色母早亡事從母如所生季札季友皆從弟也並寘位清顯所上遺表言不及私蜀人謹之

趙庭隱

庭隱開封人世爲卿家庭隱少知兵律尙氣義始事梁祖子友亮因擊踣墜馬死庭隱董璋等十數人皆追赴汴州知其無過竟釋不問令結事左右末帝卽位唐莊宗入鄴兩河對壘十有餘年時庭隱爲邢州都監累立戰功節度使劉重霸嫉之誣庭隱將所部兵降於莊宗因械送汴州末帝知其非罪又重違邊臣之請乃貶庭

隱於南陽未幾追復舊職王彥章守中都庭隱在其軍中及彥章敗庭隱爲莊宗所獲將以就戮大將夏魯奇奏曰此矧也其材可用遂釋之魏王繼岌討西川以庭隱爲先鋒監押自入敵境卽禁兵士燒廬舍剽財物蜀人德之魏王平成都錄其功奏授左廂馬步軍都指揮使知祥至蜀康延孝陷漢州遣庭隱率兵擊破之擒延孝檻送闕下知祥奏加檢校司空漢州刺史因留屯成都長興初明宗將議伐蜀乃以夏魯奇李仁矩分鎮遂闐以分其勢知祥令庭隱與李仁罕張業率步騎十萬

經略遂聞魯奇堅壁不出戰會唐師入劍門知祥急召
庭隱令統銳兵五千至東川與董璋合軍以拒之至中
路大寒士卒不能前庭隱撫諭勞問將卒皆奮遂營於
普安深溝固柵以養銳一日唐師奄至又分兵斷三鵠
久水及土橋庭隱密遣軍中善射者五百人伏唐師之
歸路乃領軍出營久而不戰至暮唐師退庭隱縱兵追
之伏卒齊起表裏合擊唐師大敗初唐師之入劍門也
內有堅壁外有勍敵遠近駭震及庭隱之捷人心乃安
知祥遣使慰勞賜書以褒之明年別將平魯奇唐師至

葭萌而還庭隱班師知祥親勞於郊翌日至其第錫賚甚厚卽授昭武軍節度使留後以鎮遏葭萌知祥送於北郊親舉觴以勸之在鎮踰月上言三泉餘寇盡去乞假一旅之師以拓漢中及秦鳳之地知祥答書慰勉且令休息董璋襲廣漢將攻成都時東川廩藏充實部下多敢死之士其來也衆皆畏之知祥親督諸將召庭隱爲副以率勵士旅璋遺書庭隱而詐達於知祥以書授庭隱投書褚中曰彼必反間之辭不足觀也族擒董璋而後閱之與璋戰雞蹤橋前頗爲所挫庭隱僞遁璋逐

之知祥與公鐸領兵繼進璋軍亂不成列庭隱復整陣
與知祥公鐸合擊之璋軍大敗斬首數千級璋領數騎
遁歸東川爲部下所殺庭隱追至東川頓兵城下以待
知祥梓州平以庭隱爲節度使會李仁罕自遂州至求
領東川庭隱將讓之知祥以庭隱功多且怒仁罕之貪
愎遂自領兩川節度使以庭隱爲保寧軍節度使以閬
果蓬渠開五州隸之昶襲位李仁罕求總六軍將圖非
望以庭隱爲六軍副使以制之未幾仁罕誅改衛聖諸
軍指揮使明年移鎮東川廣政初加中書令庭隱久居

大鎮積金帛鉅萬窮極奢侈不爲制限營構臺榭役徒
日數千計十年被病懇讓兵柄疏再上從之仍就第冊
爲宋王經歲不能起賜肩輿入朝旣謁見昶感動涕泣
賜金沃盥及繪錦加太師卒年六十六子崇祚崇韜

趙崇韜

崇韜少驍勇有父風累從征討有功署副兵馬使及庭
隱卒昶以崇韜領衛聖諸軍使以襲父任廣政二年周
師復至境上昶以崇韜與控鶴指揮使袁可鈞同爲北
面招討崇韜率勵將士行陣整肅士卒有黥其額爲斧

形者號曰破柴周師前鋒屢爲崇韜所敗至歸安而退
二十七年王師來伐崇韜與李廷珪等率兵拒之遇王
師於漢源崇韜策馬先登我師大敗崇韜力戰不止兵
器皆斷折猶手擊殺數人爲王師所擒

張業

業開封浚儀人性沈厚有果斷事梁爲東頭供奉官時
兩河兵革未息業頻領監護之任皆立戰功法令峻整
士卒畏之莊宗入洛聞業有幹略擢爲列校繼岌伐蜀
以業監先鋒兵補右廂馬步軍都指揮使蜀平以所部

兵駐成都知祥入蜀奏授檢校司空簡州刺史時蜀漢賊盜羣起燒劫鎮戍百姓驚擾知祥遣業率兵捕之業令五家爲小保五十家爲大保旬日之內擒獲殆盡討夏魯奇於遂州以功授寧江軍節度使兵馬留後董璋襲成都業在夔州聞之率所部赴難東川平正授節鉞加檢校太傅明德初領右匡聖步軍都指揮使會武定興元兩鎮來附令業將兵二萬屯漢水業至褒梁分布塞柵控扼駱谷秦鳳諸隘會武定軍衙將與蒲谷鎮將任漢謙同謀導晉師入武定業遣戍卒擊走之昶襲位

改武信軍節度使同平章事是歲昶殺判六軍事李仁
罕業仁罕之甥也昶慮其爲變詔歸本道未幾召入依
舊同平章事兼判度支新收征稅多爲主吏乾沒業作
盜稅法犯者十倍征之吏民不堪其命業多視事私第
中宰相之門被桎梏者常滿昶知之遽除十倍之法業
子繼昭好擊劍嘗與淨衆寺僧歸信同訪劍術士右匡
聖指揮使孫漢韶與業不協告業與繼昭同謀不軌翌
日令壯士就都堂擊殺之年五十七

武漳

漳字巨川太原文水人父玉汾州別駕漳少勇敢善騎射事莊宗爲定塞都虞侯莊宗以全軍援澤潞漳與裨將數攻其別寨斬首千餘級擢太原衙前兵馬使改匡聖軍指揮使同光初從魏王繼岌入蜀因留成都知祥鎮蜀補衙內右第二指揮使天成初漳與張公鐸迎瓊華公主於北都中國兵革之後盜賊充斥漳被堅執銳通夕不寐至蜀改左第二指揮使奏授檢校僕射其後東討果閬北拓劍利漳屢有功授絳州刺史知祥開國改邛州遷山南節度使漳以褒中用武之地營田爲急

務乃鑿大洫以導泉源溉田數千頃人受其利入爲奉
鑾肅衛指揮使未幾改山南加同平章事廣政七年卒
於治所年六十四漳質厚儉約所至有治迹俸入之外
不營貲產蜀人稱之

李肇

肇汝陰人父璟唐神策兵馬使肇少以材勇從父征伐
後隸宣武軍補左建牙都頭累遷陝虢馬步軍都指揮
使莊宗平梁恢復平洛割宣武一軍隸於河東時知祥
爲北京留守待之甚厚同光中以所部兵從魏王繼岌

討蜀蜀平班師康延孝至普安叛擁衆回據廣漢肇在
其伍中延孝敗肇被俘而知祥親釋其縛擢爲衙內都
指揮使未幾奏授嘉州刺史長興初我師圍夏魯奇於
遂州唐師來援劍門不守肇領兵赴普安以拒唐師不
得進以功改漢州刺史駐軍綿谷明年董璋率兵攻成
都軍勢甚盛遣使致書於肇諭以禍福肇素不知書擲
之於地曰此不過勸我叛爾因并其使殺之梓州平加
昭武軍節度使昶襲位肇以足疾不卽時來朝昶怒罷
其軍權授太子少師致仕於邛州安置坎壈不得意廣

政八年卒年七十

李仁罕

仁罕字德美陳留人少隸宣武軍爲小校容貌瓌偉梁祖爲四鎮節度署爲衙內昭宗幸鳳翔梁祖遣仁罕奔間行在因修貢禮梁祖革命補宮苑儀鸞等使歷許蔡華三州馬步軍都指揮使莊宗伐蜀令監先鋒軍知祥領鎮奏授馬步軍都指揮使康延孝叛知祥命仁罕討平之以功授彭州刺史遷蜀州夏魯奇鎮遂州稟朝廷之命繕治兵甲將圖蜀知祥與董璋謀先討魯奇令仁

加國志卷十一
一
罕攻遂州拔之以仁罕爲兵馬留後未幾承制授武信
軍節度使又以所部兵定三峽走夔將安崇院知祥卒
命仁罕輔政昶嗣位令判六軍事仁罕奉幼主無隱情
自以先朝舊老遇事必諫時控鶴指揮使張公鐸內醫
韓繼勳封德庫使韓保貞弓箭庫使安思謙等皆昶在
東府時舊所親狎素不爲仁罕所禮皆懷怨怒每譖仁
罕欲納王衍妃徐氏爲側室遂誣以姦昶大怒俟仁罕
入謁令武士擊殺之年六十二

李延厚

延厚洛州平恩人父及唐邢州別駕延厚少有膽畧善騎射從父琮爲洛州節度使率衆歸於梁祖延厚亦從焉梁補左拱辰指揮第二都頭後唐同光中以所部兵從魏王入蜀改馬軍右驍銳第一指揮使康延孝入漢州知祥遣延厚率精兵二千會李仁罕往討之將行延厚集將卒於營口誓之曰今出師征討不三旬必破賊乃立功圖賞之日也士率有誓國報恩不以家爲慮者立東廂衰疾怯懦厭爲征行者立西廂無自苦也得請行者七百人逐延孝西寨斬首百餘級竟拔其城以功

奏授檢校右散騎常侍改右廂馬軍都指揮使歷陵果
州刺史源州押衙文景琛叛延厚討平之岐軍逼文州
延厚率衆赴援卽日解其圍昶襲位遷雅州刺史永平
軍節度使未幾移鎮昭武軍廣政九年卒年六十一

張公鐸

公鐸太原樂平人父頊唐儀州兵馬使公鐸身長七尺
倜儻有節義好文史之學知祥爲北京留守錄爲親從
及出鎮成都補爲牙校從高敬柔迎公主於晉陽轉義
勝定遠都知兵馬使董璋舉兵襲我廣漢先鋒兵將至

成都公鐸率諸軍從知祥逆戰於雞蹤橋我師不利公
鐸率所部兵力戰直衝其腹璋兵大敗梓州平以功授
簡州刺史遷奉聖控鶴都指揮使知祥病公鐸與趙季
長趙庭隱李肇等同受遺命輔政昶襲位授保寧軍節
度使爲政嚴猛寮吏畏憚時承前蜀之弊獄訟繁多案
牘堆積公鐸量其所犯隨意裁決無不稱當在任六年
民被其惠先是屬邑連歲多逋租公鐸詰其由乃豪民
猾胥乾沒賦稅時令佐已有授代者公鐸悉勒止之令
盡徵其租而後解由是不數日徵錢糧數萬貫斛時論

以爲嚴而不殘遷寧江軍節度使公鐸馭下嚴正宿衛
二十餘年宮禁寧謐初染心疾昶憂之爲玉局洞開靈
室壇親署青詞以醮焉廣政八年卒年六十二

張虔釗

虔釗遼州榆林人父簡唐檢校尙書左僕射虔釗少以
武勇事唐武皇莊宗之世累補左右突騎軍使莊宗嘗
以偏師取鎮陽命虔釗率騎勇爲前鋒屢挫賊銳遂陷
其城明宗卽位以虔釗有將帥才擢爲隨駕親軍都指
揮使歷遼春二州刺史天成中鎮定節度王都阻兵連

結契丹爲邊患命虔釗爲北面行營兵馬都監進討契丹殺傷甚衆虜不敢南下遂圍定州百日而城陷斬王都降其餘衆師還以功遷還海將軍節度使未幾移鎮山南兼西面諸州馬步軍都部署應順初閔帝卽位以鳳翔節度使潞王從珂有異志發兵討之詔虔釗爲犄角師次岐陽人心離散降於從珂虔釗憤之乃退歸南鄭率孫韶以山南之地納欵於蜀知祥遇之甚厚委以節鉞昶襲位加中書令厯左右匡聖馬步軍都指揮使出爲昭武軍節度使及漢祖卽位乃移鎮梁州以觀朝

廷之變會晉昌軍節度使趙匡贊鳳翔節度使侯益俱
謀歸蜀遂以虔釗爲北面行營招討使應接經畧俄而
趙匡贊侯益請昶出師掠定三秦因命虔釗與韓保貞
等總師五萬出散關雄武軍節度使何重建出隴右奉
鑾肅衛都虞侯李廷珪出子午谷會於雍州廷珪始出
子午谷聞匡贊爲王景崇所逼棄城自拔東去遂先退
師時虔釗福誠保貞師次陳倉謀不相協而侯益聞匡
贊已去廷珪班師亦誠欸中變閉壘不出司天監趙廷
樞累以雲氣候不利諷於保貞保貞惑之乃與福誠率

所部取隴州道會重建歸蜀虔釗留寶雞以勢孤不可
深入遂班師士卒夜發部伍不整至興州自以功業不
成感憤而卒年六十六

潘仁嗣

仁嗣浮陽東光人父廷訓密州都指揮使仁嗣少倜儻
尙氣起家爲保義軍兵馬使後唐魏王繼岌西伐仁嗣
以所部兵從入蜀蜀平改左右廂馬步軍都指揮使知
祥受節鉞留在麾下康延孝襲漢州知祥遣仁嗣率兵
救之連破數寨遂屯於漢州董璋興兵趨成都城外皆

爲敵境仁嗣以所部兵陣於赤水璋以全軍二萬擊之
仁嗣大敗以十數騎潰圍而出身被十餘創卧於血中
及璋敗獲免知祥親至其第以藥傳之明德二年奏授
武定軍節度使源壁等州觀察營田處置等使之任卒
於成都年四十六

龐福誠

福誠河東太谷人少善騎射倜儻交結豪俠傾竭家產
中原兵亂福誠聚徒鄉里剽掠孫鎮知祥爲北都留守
署昭爲太谷主簿令招諭福誠因相率歸附從知祥入

蜀補衙內指揮使王師陷劍門從趙庭隱率兵據石橋
福誠夜領兵數百人循水次東北上山攻王師夾其腹
背王師不虞其至舉軍驚擾因奮擊破之以功遷茂州
刺史知祥建國加檢校右散騎常侍昶襲位厯資縣印
三州刺史奉鑾肅衛馬步軍都指揮使會張處釗經畧
秦中以福誠爲行營馬步軍都虞侯克寶雞分兵吳山
進攻隴州以歸改左驍騎軍都指揮使武寧軍節度使
廣政十五年授口衛上將軍以目疾罷卒年七十一

李彥琦

彥琦字子溫京兆長安人本姓楊氏祖父皆隸神策軍
彥琦善騎射有權畧唐中和初鳳翔李彥真委以心腹
之任易姓李氏齒於諸子後昭宗西幸梁祖迎駕攻逼
岐下者累年及昭宗東遷長圍方解大軍之後府庫空
竭彥琦請使甘州以通回鶻往復二載美玉名馬相繼
而至所獲萬計茂真賴之劉知俊自靈武班師途經長
城嶺梁將率精銳數萬躡其後彥琦與俊同設方畧擊
敗之潞王之守岐下也諸道將急攻其壘彥琦時在圍
中罄家財以給軍用潞王篡位以功授檢校太傅知河

陽軍府事俄授鎮州兵馬留後晉祖入洛陽彥琦罷職
西歸家財素厚乃閉關自奉游心釋氏專務散施廣政
十年王景崇納欵於蜀彥琦因歸成都授左將軍維州
刺史卒年八十八

孫欽

欽幽州安次人性忠烈善騎射少遇亂隸安義軍節度
使充衙內都頭後改補合州衙內都頭兼土客都虞侯
從本州刺史徐章入蜀會知祥鎮成都長興初轉充右
截山都頭董璋來寇戰雞蹤橋有功遷普州刺史祖襲

位累遷東川武德軍左奉聖都指揮使廣政十五年令以所部兵北攻欽將行白於都監王承丕承丕將謀亂欲害判軍府事郭延鈞曰詰朝當領部卒二千人介冑閱於雄義營欲與府公觀之欽未知其由從容謂承丕曰卒閱習舊皆木刀竹槍今都監令執帶器甲將士臨行又是詔旨或有不虞如何承丕遂止又明日欽已具行裝入辭承丕承丕止之同詣府中謁延鈞及延鈞送承丕上馬承丕頤指數卒擊殺延鈞自稱准詔處置軍府事卽據府廳指揮放諸司罪人分遣將校領兵屯果

閩縣劍州拒守劍門關發帑廩以賞將士自辰至己亡
命之徒應募而至者千餘人明日大會將校寮屬欽言
於衆中曰郭延鈞旣抵朝憲遠近未知其由公受命權
總留務願出詔書以示軍府承丕曰作好官何問詔書
欽知其已判乃給之曰州城内外人情未安願爲公督
部下兵以伺察之因躍馬而出承丕連呼不止馳至本
軍立召將士告其事遂率衆徑趨府中承丕左右皆奔
散因擒斬之傳首成都加檢校太子賓客二十五年寢
疾卒年七十二

何重建

重建其先回紇之別部居雲朔間祖允慶父懷福從後唐武皇世著勲闕因家於太原重建初事晉祖爲奉德馬軍都指揮使歷驩睦曹三州刺史檢校司徒會延州節度使丁審琪殘暴貪冒蕃部苦之重建以所部兵攻其城審琪遁去晉祖卽以重建權節度兵馬留後下車諭以威福邊民安堵就加昭武軍節度使累遷涇鄧貝澶孟五鎮節度使皆以廉儉簡易稱未幾移鎮秦州廣政十年契丹犯中原虜使賁僞詔至重建不勝其憤謂

將吏曰吾事石氏二主八擁旄節人臣之榮已極矣豈能交臂以事戎狄乃斬其使以秦成階三州歸欵於我昶遣右千牛衛上將軍李繼勲馳往慰諭賜予甚厚加特進同平章事依前雄武軍節度使時固鎮與鳳州未平重建悉經畧討平之昶大舉兵北伐遣張虔釗出大散關以重建爲招討使由隴州路以進師無功而還堅請入覲昶不許二十一年加兼侍中卒年六十九

孫漢韶

漢韶太原人祖昉唐嵐州刺史父存進振武節度使漢

韶幼有器局風儀峻整存進尤愛之起家安定軍使知
祥留守晉陽屬蕃渾侵擾邊郡表令漢韶督軍進討莊
宗知其可用遂委以戎律大破虜寇擒獲甚衆以功授
檢校右僕射蔡州刺史明宗卽位遷彰國軍節度使觀
察留後累遷昭武武定等軍節度使閔帝嗣位加特進
漢韶以其父名上表讓之改檢校左僕射制曰改會稽
之字抑有前聞換懷寶之文非無故事及潞王入洛遂
與張虔釗等奉表歸附及謁見與知祥敘汾上舊事及
洛中更變相對感泣知祥曰豐沛故人相遇於此何樂

如之於是賜第宅金帛供帳什物悉官給之授永平軍
節度使昶襲位加同平章事明德三年入爲匡聖馬步
軍都指揮使廣政十年爲山南節度使何重建以秦階
成三州歸附鳳州石奉頤堅守不通我使昶遣漢韶入
城宣慰號令嚴肅秋毫無犯駐數日乃還加檢校太師
雄武軍節度使後以疾乞解兵柄封樂安郡王賜肩輿
昇入謁卒年七十二漢韶忠勇有父風而重厚過之居
藩閫皆有治迹始以去危卽安委質於我頗竭股肱之
力終保富貴識者多其淳慤

高彥儔

彥儔太原人少善騎射慷慨有大節知祥留守太原召爲軍校從入成都授親衛指揮使昶襲位遷茂州刺史廣政十年泰州何重建以城降以彥儔領雄武軍節度使領衆守其城未幾召歸領右衛聖馬步軍都指揮使十八年周師攻秦鳳以彥儔爲北路行營招討使與李廷珪呂彥琦率兵赴援與周師遇於唐倉大戰我師敗績彥儔保退青泥嶺周師遂克偕成秦鳳等州彥儔歸成都昶釋不問改寧江軍節度使二十七年王師來伐

分兵由峽路攻夔州彥儔謂副使趙崇濟監軍武守謙曰北軍涉險遠來利在速戰宜堅壁待之守謙曰寇據吾城下而不擊將何待也乃獨領麾下千餘人以出時王師頓白帝廟西遣騎將張廷翰引兵與守謙戰我師敗走廷翰乘勝登城彥儔整衆將出拒戰王師已乘而入彥儔力戰於城下不勝身中十餘槍左右皆散去彥儔奔入府中反拒其門判官羅濟勸彥儔單騎歸蜀彥儔曰我昔已失天水今復不能守夔州縱不忍殺我何面目見蜀人乎濟又勸其降彥儔曰老幼百口俱在成

都以前人偷生舉族何負今日止有死爾卽解符印授
濟曰君自爲計俄而王師壞門彥儔挺劍拒之殺十餘
人於是登樓縱火自焚而死大將劉光又憐其忠蓋收
其骨以葬焉

李廷珪

廷珪太原人幼慧黠七歲隸知祥帳下爲給使從入蜀
爲牙軍指揮使征康延孝有功遷陵州刺史知祥征東
川廷珪權領親軍以從董璋平轉資州刺史累改眉蜀
二州昶襲位遷奉聖控鶴都指揮使領興元節度使歷

雅遂闔三鎮加兼侍中廣政十八年周師攻秦鳳以廷珪爲北路行營都統高彥儔呂彥珂爲招討廷珪遣先鋒指揮使李進以兵據馬嶺分兵出斜谷營於白澗將腹背以攻周師又遣染院使王巒領兵出唐倉與周師遇我師敗走王巒死之而馬嶺斜谷之兵聞之皆退奔高彥儔與諸將謀退守青泥嶺由是秦鳳階我之地皆陷於周矣廷珪上表請罪昶釋不問明年來朝遷左右衛聖諸軍馬步軍都指揮使仍分衛聖步騎爲左右十軍以武定軍節度使呂彥珂爲之使並隸於廷珪二十

八年王師拔劍門加廷珪太子太傅令從元喆統兵以拒王師至縣州聞王昭遠趙崇韜之師皆敗元喆懼退保東川翌日奔歸成都所過盡焚其儲蓄及王師入成都行營都監王仁贍按籍詰所在軍資將歸罪於廷珪廷珪問計於部將康延澤曰吾觀王公志在聲色苟足其欲則置而不問矣廷珪素儉約不蓄妓樂遂求於姻戚家得女妓四人復假貸金帛直數百萬以遺仁贍繇是獲免歸朝爲右千牛衛上將軍卒

王彥銖

彥銖太原人祖義方汾州長史父德成贈太子少保彥銖性仁弱不好弄讀書究大義天祐中事知祥於太原後入蜀累補節度押衙詔使李嚴之爲監軍也密懷異謀知祥數其過命彥銖擒斬之嚴之左右無敢動者知祥破董璋擇腹心有權畧者俾護其軍於是以彥銖爲東川監押及建國轉授右僕射昶襲位厯逢嘉雅三州刺史出爲山南兵馬都監數載罷歸補左右羅城使眉州刺史遷昭武軍節度使轉右衛聖馬軍都指揮使罷歸改左金吾衛上將軍復授昭武軍節度使廣政二十

四年卒於治所年六十五

李奉虔

奉虔太原人本姓王氏祖欽唐隰州刺史父存賢佐唐武皇累著功因賜姓李氏梁人攻上黨莊宗親總大軍以援之存賢先登陷州授盧龍軍節度使奉虔幼有才畧不循小節年十四爲幽州衙內都指揮使居父喪骨立數歲及知祥鎮蜀奉虔懇請從行補廳直左押衙明宗卽位充貢奉使諸將進攻遂寧王師掩至劍門不守知祥命趙庭隱督兵往拒之畧奉虔爲兵馬監押時衆

寡不敵人心動搖奉虔與庭隱率勵士卒竟敗王師以
功授檢校右僕射昶襲位領嘉州刺史文思使遷右金
吾衛大將軍爲昭武軍都監屬夏秋多雨嘉陵江溢出
城奉虔置堰開湍瀨二十餘處洩其蓄水築堤以護之
城池克完人被其利授昭武軍節度自監護擁節旄自
奉虔始人皆榮之入爲左右街功德使卒年六十三

王昭遠

昭遠成都人幼孤貧年十三依東都僧知誣爲童子知
祥入蜀飯僧於府署昭遠持巾履從知誣得入時昶方

就學見昭遠聰慧留給事昶左右昶嗣位以爲卷簾使
遷諸司使會樞密使王處回得罪乃以昭遠爲通奏使
知樞密事機務一以委之府庫財帛恣其所取不問未
幾遷山南節度使判官張廷偉言於昭遠曰公素無勲
業一旦位至樞近不自建大功何以塞時論莫若遣人
致書通好并閤令其發兵南下我卽自黃花子午谷出
兵應之使中原表裏受敵可坐有關右之地則君之功
無有出其右者昭遠然之乃言於昶遣人問行齎蠟書
以往太原爲疆吏所獲及王師來伐昶令昭遠與韓保

貞趙崇韜等領兵以抗王師昭遠好讀兵書頗以將畧
自任始發成都昶遣宰相李昊等餞於郊外昭遠酒酣
攘臂而言曰是行也非止克敵當以此數萬彫面惡少
取中原如反掌爾及行執鐵如意指揮軍事自方諸葛
亮時王師已破劍門昭遠大懼俄與王師遇於漢源趙
崇韜布陣將戰昭遠據胡牀不能起崇韜敗乃免胄棄
甲走投東川爲追騎所獲送闕下授左領軍大將軍開
寶中卒

安思謙

思謙并州人幼事知祥於太原以勤恪聞知祥入蜀補
爲軍校昶襲位頗見親信厯簡卽彭三州刺史奉鑾控
鶴馬步軍都指揮使武泰軍節度使未之任改匡聖馬
步軍都指揮使山南節度時鳳翔監軍王景崇以城歸
順命思謙率兵應接且畧地關中會漢兵圍鳳翔燒其
雙門景崇遣使來求救昶遣思謙及韓保貞等率兵救
之兵次右界漢兵屯寶雞城思謙令保貞分兵趨隴州
逼汧陽以分其勢又遣先鋒將申貴等分兵走摸壁設
伏時家林貴以數百人晨壓寶雞列陣以誘漢兵漢兵

爭出戰貴僞遁漢兵逐之爲伏卒所擊退入寶雞城思
謙次渭水將引軍濟會羅睺保義軍與東 相應掩我
不備多殺士卒而漢兵復振思謙與諸將議曰糧儲將
盡而賊勢且盛不如釋之以圖後舉遂班師十二月景
崇又來告急昶復督思謙令進兵思謙請先運糧四十
萬斛然後進軍昶覽表不悅謂左右曰古之良將因敵
取資近者契丹以數十萬衆入中原豈先事飛輓耶揣
思謙此意必不爲朕進取也乃發興州乾渠渡糧食及
山南諸倉米數萬斛屯鳳州以益之思謙不得已遂進

軍次大散關申貴以所部先進擊漢兵燒箭筈寨毀閣道遁去貴盡銳追之及安都思謙進軍玉女潭又殺漢兵千人漢兵退屯寶雞城思謙駐軍摸壁時保貞之師攻隴州不能下思謙遂遷延不進會漢兵陷鳳翔景崇死乃班師上表待罪昶釋不問召歸移鎮閬州仍留宿衛思謙以受任無狀爲物議所薄頗不自安昶旣誅張業宮禁門衛悉加嚴警思謙以其疑已頗惡之言多悖慢三子展嗣裔恃父權恣橫國人畏之會翰林王藻乘間奏思謙出怨言將圖不軌昶懼翌日俟其入朝伏壯

士擊殺之并其三子廣政十七年也

焦彥賓

彥賓字英服滄洲清池人父軫唐兗海節度使彥賓少聰敏多智畧事後唐武皇尤所委信及莊宗卽位遷左監門衛將同正四方館使出護邢州兵知祥移鎮成都詔以彥賓爲監軍使與知祥同入蜀康延孝據廣漢彥賓說知祥令召董璋與之協力討賊遂擒延孝明帝卽位忿閹監輩怙勢擅權先朝使四方及逃遁不出者皆就戮之死者殆盡彥賓爲知祥保護獲免朝廷因以李

嚴代之彥賓辭疾不歸朝知祥因令判都提學院事未幾轉左驍衛上將軍以年老乞代從之彥賓乃營別墅鑿池沼植蒲莢養魚以自給昶襲位以先君舊友命全給俸祿而不令覲謁俾遂其性廣政十五年卒年七十八

趙進

進定州人少以膽勇隸天雄軍籍時河北宿兵進累戰有功洎莊宗入洛猶在行間屯於清廩祿既薄又不時給士卒多怨憤思亂者十七同光末與本軍皇甫暉等

共推副趙在禮相率夜犯鄴城城中士卒莫有鬪志進等因陷其城未踰旬兵數萬在禮署進衙內都虞侯三城巡檢使莊宗遣元行欽以其言聞因詔明宗馳往招諭及入城乃共推戴遽有洛中之變天成初除貝州刺史鄴都衙內指揮使明年移典寧州屬慶州判遣進討平之遷雅州刺史知祥入蜀進來謁觀知祥以進始謀叛逆將誅之進大懼趙季良諫曰莊宗季年天下思亂匪獨貝魏一境公國之懿親所宜責以干紀加其顯戮進自知必死歸命於我所以撫納以責其後效知祥納

之董璋之亂我師致討進戎服謁見而言曰進荷明公
不殺之恩今日有所報矣請前蹈白刃決命破賊乃署
爲前鋒監陣使先登立功璋平轉左衝山指揮使昶襲
位歷忠鳳邛普四州刺史右匡聖步軍都指揮使所至
軍政修舉戍卒有疾苦者必撫問周悉當盛暑沍寒未
嘗勞役將士以此樂爲之用廣政十七年督部兵戍漢
中逾月以疾聞召還卒於道年六十一

石處溫

處溫萬州人本波斯之種仕前蜀爲利州司馬同光中

知祥入蜀補萬州管內諸壇點檢指揮使率義兵同收
峽路時通州大將王允瓊侵擾邊鄙及草寇杜景溫劫
束鄉豪殺縣令牟孟剽畧戶口焚燒村落處溫與諸軍
討平之知祥遺書褒美轉寧江軍節度都知兵馬使萬
州管內義軍都指揮使昶襲位遷獎州刺史處溫初據
石市招納亡命遠近多歸之由是廣事耕墾常積穀數
萬千石前後累獻軍糧二十餘萬石加之以寶貨昶嘉
之加檢校司空未幾授萬州刺史移簡州卒年八十

孟思恭

思恭字近禮潁川人父彥暉嘗爲許州獄吏前蜀王建
嘗隸忠武軍坐事被繫謂彥暉曰卿能免我他日將厚
報彥暉遂縱之令亡去及建霸蜀遣使迎之授簡州刺
史遷漢州團練使思恭弱冠奇峭猿臂善射起家保信
軍使建嘗集文武射苑中思恭屢中的建大悅賜衣服
以其女妻之爲駙馬都尉累遷靜塞軍團練使王衍襲
位爲北路行營都指揮使知祥鎮蜀以其宗姓補先登
指揮使以所部兵從董璋遣思恭分兵討集州誠之曰
賊少則與戰賊衆則退守要害我將濟師及遇賊思恭

與之戰不利退求濟師璋怒放思恭歸知祥免之明年
隨趙庭隱破璋於雞蹤橋以功改清遠指揮使昶襲位
加檢校司空改雄義都指揮使屯梓州累遷飛棹都指
揮使厯劍階忠三州刺史思恭有膽畧善撫士卒廣政
二十年爲峽路行營都指揮使屯赤英山時秋暑未退
思恭苦熱食冷物浴寒水致疾卒於任年七十二

申貴

貴潞州人弱冠有勇力初事李彥珂爲帳下卒天成中
歸於知祥累補定遠都頭從征伐身當矢石深爲諸將

之所推許改決勝耀武指揮使昶襲位遷右衛聖都指
揮使歷昌渝文眉四州刺史貴貪鄙殘虐所在聚斂財
貨民不勝其弊典眉州受財鬻獄尤恣暴橫嘗指獄門
謂左右曰此我家錢爐其不道如此初兼五縣巡檢令
其子元寶與州吏許延祺誣構民連賊枷禁以求賂被
訴下獄責授貴維州司戶參軍馳驛發遣至犀浦賜自
盡

九國志卷八

宋 路 振 撰

東漢世祖以乾祐四年稱帝至英武帝廣運六年國滅
歷四王凡二十九年 十國紀年及通鑑作北漢此
與五代史同

世祖姓劉名旻初名崇後漢高祖母弟也爲河東節度
使乾祐三年隱帝遇弒郭威篡漢四年正月戊寅卽
位於晉陽仍用乾祐年號受契丹冊命在位四年薨
年六十廟號世祖

睿宗名鈞初名承鈞旻次子受契丹冊命仍稱乾祐七
年行三年喪服除改乾祐十年爲天會元年至十二
年七月戊申薨年四十三諡曰孝和皇帝廟號睿宗
少主名繼恩本姓薛鈞養爲子嗣位六十餘日爲郭無
爲所弑

英武帝名繼元本姓何亦鈞養子旣襲位仍稱天會十
二年越五年改元廣運廣運六年五月癸未降於宋
降封彭城郡公淳化中薨追封彭城郡王

東漢

蔚進

進太原人少有膂力身長七尺日行二百餘里高祖鎮并汾進以材官給事及高祖領軍令負霸勒開運未南行留進於太原爲崇翊衛卽授馬步軍指揮使釣襲位領建寧軍節度使典親軍如故繼恩監國郭無爲受詔輔導世子無爲與進不協出爲代州刺史時無爲專政繼恩潛欲圖之進知其必亂自以居親衛之地頗懷危感及有中山之命忻然卽路未幾繼恩遇弑國人皆以進爲先見以城納歛歸朝授左衛大將軍領檀州刺史

卒年七十二進無他能惟掌兵方嚴所至不敗事劉氏
四主以質直聞歸老中國祿至二千石亦武夫之終吉
也

張元徽

元徽邢州武安人少以沈勇隸本城爲兵累轉至列校
高祖鎮并汾召置帳下累從征討有功晉開運末破契
丹於三交以功授代州刺史歷雲州防禦使遷代州與
崇素相友善及崇建號侍衛親軍遷武寧軍節度使崇
舉兵南下將圖周室以元徽爲前鋒與周師遇於巴公

原元徽以東軍先登陷陣擒監軍使一人降其步卒千人而旋崇大褒賞之元徽乘勝復入馬劄爲周師所擒殺之其麾下十餘騎畢力血戰奪其尸而出俄而崇衆亦敗先是前鋒兵將次巴公一夕營中刁斗皆噀元徽亟遣詣崇大寨易之凡易數十皆噀而不可擊因以白崇崇怒曰故要吾金鉦耶遂止是夜有大星墜元徽營中明日果敗元徽沈厚有將帥材善撫士卒輕財好施雖爵祿豐厚而家無餘貲旣而軍吏爲立廟晉陽城西北隅塑其像歲時祀之見者必掩泣

鄭進

進開封陽武人身長七尺餘翹勇多力漢祖鎮并汾以材官給事累從征討有功卽位遷侍衛馬步軍都指揮使鈞襲位以先朝勲舊賜予彌厚進性慷慨重然諾好施家無餘貲繼元立馬峯典機密性鄙吝與進不協峯怒悉奪其兵柄進不堪辱詬之於朝繼元怒翌日送定襄安置遣人殺之於路

衛偉

偉吐渾族人少事鈞爲蕃落小底善騎射驍勇絕倫明

書計通六蕃語釣襲位遷如京使令專掌吐渾一軍以從征討所向多克捷虜援兵每至卽遣儔居前鋒軍中凡布列烽燧措置寨柵皆儔爲之繼元立爲閭人衛德貴所嫉出爲遼州刺史吐渾數千人遮道請留繼元不許自是一軍失帥不復可用矣儔少長蕃中不樂爲郡頗出怨言繼元慮其爲變潛遣人殺之

李隱

隱雁門人少以驍勇隸緣河十寨善騎射有膽畧釣襲位以軍功擢授馬步諸軍都引進使累從征討性純直

九國志卷八
未嘗曲事權要衛儔出知遼州隱惜其忠勇爲倖臣所
逐頗憤惋形於言德貴聞而惡之白於繼元卽日送嵐
州安置未幾殺之

九國志卷九

宋 路 振 撰

南漢唐天祐元年烈宗爲廣州節度使至後主大寶十四年國滅凡六十七年斷自高祖乾亨元年爲始凡四主實五十五年

烈宗姓劉名隱父謙爲封州刺史有三子曰隱台巖乾亨元年冬謙卒士民謀亂隱誅之嶺南節度使劉崇龜表爲封州刺史天祐元年朱全忠奏爲清海軍節度使梁開平元年封大彭王三年改封南平王四年

進封南海王乾化元年三月丁亥薨年三十八諡曰襄乾亨元年追尊曰襄皇帝廟號烈宗陵曰德陵

高祖名龔初名巖又名陟謙庶子乾化元年五月甲辰梁以爲清海軍節度使三年正月龔封南平王眞明二年八月癸巳稱帝建國號曰越改元乾亨追尊祖安仁曰太祖父謙曰代祖兄隱曰烈宗乾亨二年十一月改國號曰漢凡改元三乾亨九年白龍三年大有十五年三月丁丑薨年五十四諡天皇大帝廟號高祖陵曰康陵

殤帝名玢襲第三子初名宏度封賓王改封秦王及嗣位更今名改大有十五年爲光天元年二年三月丙戌遇弒年二十四諡曰殤

中宗名晟初名宏熙封晉王旣弒玢遂嗣位改光天二年爲應乾元年十一月丁亥改乾和十六年八月辛巳薨年三十九諡曰文武光聖明孝皇帝廟號中宗陵曰昭陵

後主名鋹晟長子初名繼興封衛王乾和十六年八月辛巳襲位改是年爲大寶元年至十四年二月宋師

入城出降封恩赦侯時宋開寶四年也八年進封彭城郡公太平興國初進封衛國公五年薨年三十九追封南越王或云歸葬於韶州之越王山

南漢

劉洪操

洪操字貞度龔第九子洪澤之母弟也幼知書及長有識量大有中封萬王十一年吳權攻交趾皎公羨求救於龔龔欲乘其亂而取之遣大將梁克真率兵南下龔自護其軍以洪操爲靜海軍節度使封交王令統衆趨

白藤時吳權已殺公羨而據交趾親率衆來逆戰先於海口多植捷櫪悉銳其首以鍔冒之潮水方漲權乘輕舟引兵挑戰洪操逐之須臾潮退戰艦爲棧櫪所絀士卒皆覆溺死者過半遂擒洪操殺之

劉洪杲

洪杲字日宣龔第十子母尙儀謝氏名宜清有寵洪杲十歲封循王好步鬪復便弓馬以膽勇聞諸兄皆尙儒學或勸令讀書洪杲曰我家立功立事皆起馬上獨使我老一經乎龔以兵書教之遂畧通大義光天初循州

賊張遇賢自稱中天八國王擁衆數萬攻下郡邑洪杲請統衆討賊玠以其尙幼不許洪杲曰兵法尙變不尙齒也因令越王爲都統洪杲副之次錢帛館軍士方食賊衆奄至洪杲率親信數百人介甲躍馬徑入賊中殺數百人賊爲之少却俄而越王領衆繼至與賊大戰自辰及午賊衆益盛圍我師數重矢下如雨軍人多死洪杲矢盡挺劍力戰流血滿袖裨將萬景忻等蒙以大楯翼二王以出賊解去洪杲以戰功授桂州觀察使未幾與晉王同謀篡弑應乾初爲諸道兵馬副元帥參政事

晟初立國中謗議騰沸洪杲請歸罪於劉思潮等晟不從反爲思潮等所謂以洪杲謀爲亂晟遣思潮偵之一日洪杲與親信飲酒第中思潮與譚令禔領衛兵排闥而入斬其首以徇

蘇章

章封州人少事隱爲牙將性忠敢有勇力從征譚玘盧琚有功薛王奏署衙內馬步軍都指揮使從隱討盧延昌於韶州隱率舟師出雙石會天大霧昏暝如夜韶人四出以鑊纜繫巨鈎投隱舟中士卒驚撓章引弓射殺

數人以巨斧擊鈎鈎皆斷折纜不能施韶人乃退翌日
進逼其城城上望樓中有人罵隱言頗穢褻隱慙甚不
敢視左右章伏舵樓中引弓射罵者應弦而斃舟中皆
鼓譟時江水暴漲自清遠峽以北湍瀨尤惡糧運不繼
會延昌父光憫自虔州擁兵來援隱與戰屢敗乃班師
韶人以兵襲我後遂捨舟而徒士卒不成列隱馬斃章
以所乘馬援隱因徒行爲後殿韶人不敢逼以功遷封
州刺史充左右衛使龔龔位命章典禁衛諸軍曰龍中
楚人乘舟師來伐圍封州敗我師於賀江溺死者千人

龔乃遣章領神弩軍三千人戰艦百艘援之章至賀江
沈鍊索水中兩岸設巨輪以挽索築連堤以隱之伏壯
士堤中章以輕舟逆戰佯不利楚人逐之堤中挽輪舉
索楚艦不能進退乃以強弩夾水射之楚人殲焉收戰
船百艘以歸遂解封州之圍以功遷團練使章子五人
俱爲中郎將豪俠任氣所爲不軌番禺號爲五郎將章
年老不能教訓會有告其謀叛者逮捕下獄悉斬之章
以功得不坐慙悸成疾大有十年卒

吳懷恩

懷恩番禺人事襲爲內府局丞性謹愿典宿衛二十餘
年未嘗有小過玠襲位遷內常侍玠好宴樂東西兩教
坊伶官千餘人常晝夜出入宮中懷恩屢言於玠曰今
禁中自有簫船府內樂工百餘皆善音律夜宴用此足
矣焉用教坊若夜雜入禁中不拘闌籍恐姦人竊發不
可不慎玠不聽未幾果爲陳道庠所弑晟襲位授宮闈
諸衛押番乾和六年加開府儀同三司西北面招討使
與指揮使吳珣領兵侵楚親冒矢石半歲間取梧桂六
州之地以功加濮陽縣公大寶中王師取郴州張懼以

懷恩爲桂州團練使令治戰艦懷恩馭下方嚴臨事精
至每舟成必自臨視材有良窳不等及制度疏畧不如
法者必榜役工役者多怨之又造龍舟十以備銀親征
舟成懷恩以綿幕其手徧捫鈎楯匠區彥希在側運斤
斬之首墮船中左右皆驚走後數日擒彥希斬於市懷
恩治兵嚴整所至輒有功及被害國人憂之

陳道庠

道庠潁川人父璫唐末避亂於封州膂力絕人隱聞其
忠勇召至帳下隨隱入廣州遷雄虎將軍卒道庠幼俊

爽起家爲虎賁郎驍勇有父風大有乘給事晉王府龔
疾亟命以道庠爲元帥府馬步軍都指揮使光天初張
遇賢起循州大掠郡邑道庠與萬景忻從越王循王東征
遇賊錢帛館賊圍之數重自辰及午我師殆盡道庠與
景忻奮劍大呼殺十餘人賊衆披靡於是掖二王而出
玠旣立所爲不法疑羣弟圖己每宴集則令宦官守閤
供奉將吏悉露索而後入及晟將爲亂謀於道庠玠好
角抵於晉王府中道庠因引多力者劉思潮等數人習
角抵於晉王府中玠聞而悅焉翌日大置酒長春宮召

角抵與諸王觀之至夕玠大醉旣罷晟遣道庠等掖之
因拉殺玠血濺寢門左右皆散走晟立以道庠爲功臣
領英州刺史出入宮中賞賜優厚旣得志頗誅殺勲舊
功臣劉思潮等皆相次被誅道庠不自安特進鄧伸與
璫有舊嘗遺道庠漢紀問其意伸叱曰慙獠此書有韓
信彭越事審讀之道庠大懼遂謀亂事未及發而晟覺
之乃收道庠伸下獄翌日同斬於市夷其族

邵廷琄

廷琄循州人幼爲黃門給事禁中言論峭直與羣閹異

及長有文武材幹博覽書史尤善騎射玠襲位爲內謁
者遷內府局令總宿衛兵軍務嚴整尤重儒士有自遠
方來者廷珪必先見之爲具貲糧而後引薦多被任用
大寶中遷內常侍時鏐春秋已長而未知稼穡荒於游
宴人心危惴廷珪每從容言曰男兒十五奪父志今宗
社安危繫於陛下願加檢慎鏐建禹餘宮在城東南六
十里山水奇絕鏐避暑多往焉廷珪雅所愛尙因請解
兵職願爲宮使鏐從之而令典兵如故廷珪以諸戎器
不甚犀利弓弩不能及遠甲鎧銷薄不可以禦大敵乃

爲式親督工匠造之累言於鋹曰中國亂離久矣我先
朝乘其間故有南越之地五十年來嶺表無事師之耳
目不識旗鼓今中國已有真主陛下未嘗遣一介之使
馳咫尺之書珠貝犀象璫珣翠羽積於內府歲久而不
一用陛下未嘗以修聘一旦兵至何以禦之鋹懵然不
以爲慮七年王師克郴州招討使暨彥贇戰死王師乘
勝取連州鋹始懼乃加廷珣開府儀同三司東南面招
討使以舟師屯浣口王師旣退廷珣撫循將士招輯亡
叛境上肅然稱爲良將因繕治甲兵親加訓練將復郴

連會同列者嫉之投匿名書言廷瑁將圖不軌銀信之遣使賜廷瑁死士卒排軍門爭入對使者哀訴言廷瑁無反狀請加考驗弗許軍民冤痛爲立廟於洸口至今祀之

潘崇徹

崇徹南海人事龔爲內侍省局丞頗知書有鈴畧乾和中晟遣崇徹率兵攻郴州時江南將邊鎬據湖南發兵來援相遇於宜章崇徹令部將康崇保分兵爲兩翼以掩賊江南兵大敗遂克郴州明年潭州節度使王逵率

兵五萬來復郴州晟遣崇徹領衆赴之與達遇於壕石
達軍遠來罷乏不成列崇徹登壕而望喜曰此成擒也
乃縱兵擊之潭人大敗達僅以身免桂州吳懷恩爲部
下所殺遣崇徹代領其衆加西北面招討使歲餘以飛
語見疑於鋹遣崇岳來覘其軍戒之曰崇徹果有異志
卽就誅之崇岳至崇徹知其意悉以所部兵自衛以見
崇岳不敢發還以白鋹曰崇徹日夕領伶官百餘輩並
衣錦繡吹玉笛爲長夜之謔不恤軍政鋹方怒命崇徹
單騎來歸束身請罪鋹釋而不問但奪其兵柄自是常

快快及王師圍賀州刺史陳守忠告急於鋹召大臣議
皆請以崇徹領兵以拒王師崇徹難之辭以目疾鋹怒
曰何須崇徹伍彥柔獨無方畧耶乃以彥柔代領其衆
彥柔至賀州爲王師所擒賀州陷鋹憂迫計無所出乃
加崇徹內太師馬步軍都統領衆三萬屯賀江會王師
徑趨昭州崇徹但擁衆自保不爲之援王師度馬徑崇
徹請降從鋹歸朝太祖知其事特散崇徹以爲汝州別
駕卒

郭崇岳

崇岳番禺人宮媼梁鸞真之養子也幼爲閹人以慧黠
聞乾和中爲內侍監銀襲位遷內侍中太微宮使大寶
十三年王師來伐都統李承渥以全師出韶陽爲王師
所敗銀震駭顧諸將無可使者鸞真卽薦其子可用乃
以爲招討使與大將植廷曉統泉六萬守馬逕去番禺
裁百餘里時王師已過瀧頭翌日人馬逕去我寨十里
游騎據雙女山直瞰我軍頻摩壘挑戰崇岳本無將材
所統之衆皆韶英敗卒絕無鬪志廷曉欲出戰崇岳不
從但堅壁自守晝夜禱祠鬼神而已王師繼至廷曉謂

崇岳曰北師乘席卷之勢其鋒不易當也吾士旅雖衆然皆傷痍舊卒今不驅策而前將坐受其斃亡無日矣於是領前軍據水而陣令崇岳殿後禦其奔衝旣而王師濟水廷曉力戰而死崇岳奔入營王師攻之初一夕南風甚厲至是北風大起王師縱火燒寨崇岳大敗死於亂尸之下

九國志卷十

宋 路 振 撰

閩司空以唐景福二年有泉汀五州地爲節度使至天德帝天德三年滅於南唐歷七主凡五十三年

司空姓王名潮字信臣光州固始人唐末爲縣佐史與弟審邦審知以才氣知名號三龍屠者王緒聚衆自稱將軍署潮爲軍正旣誅緒衆推爲主時光啓三年八月也至景福二年盡有泉汀五州之地九月戊戌唐以爲福建觀察使三年九月庚辰升福建爲威武

軍拜節度四年十二月丁未薨贈司空

太祖名審知字信通潮季弟景福四年冬潮有疾託審知以大事既卒自爲留後光化元年三月己丑受朝命十月癸卯授本軍節度使天祐元年四月封瑯琊王梁開平三年四月封閩王後唐同光二年十二月辛未薨在位二十九年年六十四諡曰忠懿龍啓初追諡昭武孝皇帝廟號太祖陵曰宣陵

嗣主名延翰字子逸審知長子初審知寢疾命權知軍府既卒自爲留後同光四年三月辛酉唐授爲節度

使明宗天成元年十月己丑建國曰閩稱王十二月
辛卯遇弒

惠宗名鱗初名延鈞審知次子建州刺史王延稟審知
養子也既與延鈞弒延翰推爲留後天成二年五月
癸丑唐以爲節度使封瑯琊王三年七月戊辰進封
閩王長興四年正月稱帝改元凡改元二龍啓二年
永和元年十月庚辰遇弒共在位十年諡曰齊肅明
孝皇帝廟號惠宗

康宗名繼鵬鱗長子既弒鱗明日辛巳卽位更名昶既

而稱節度使奉表於唐明年改元通文四年閏七月
辛巳夜控辰控鶴二都兵作亂比明遇弒永隆諡曰
聖神英睿文明廣武應道大宏孝皇帝廟號康宗

景宗名義初名延義審知第二十八子先是被幽私第
及繼鵬遇弒控鶴軍使連重遇等迎立自稱節度使
閩國王時通文四年閏七月壬午也是月改爲永隆
元年又奉表於晉在國仍用天子制六年正月乙酉
爲朱文進連重遇等所弒諡曰睿文廣武明聖元德
隆道大孝皇帝廟號景宗

天德帝名延政延義弟也延義旣立封爲富沙王繼昌
延義肆爲酗虐貽書切諫遂成讐敵久之自立爲帝
以建州開國號曰殷改永隆五年爲天德元年二年
三月朱文進弑延義延政討之十二月衆殺朱文進
連重遇於天德三年正月迎延政爲帝復號曰閩是
年八月丁亥唐兵破建州出降時晉開運二年爲唐
保大三年也保大五年唐封爲鄱陽王九年徙封光
山王未幾薨贈福王諡恭懿

閩

黃仁諷

仁諷建州浦城人少有武幹隸本城爲鄉兵以陣敵立功累遷飛捷指揮使福州林仁翰殺連重遇送首於建安迎延政歸王閩中時唐兵壓境不果行遣仁諷護送從子繼昌入守閩中以仁諷爲福州在城鎮遏使繼昌庸懦無馭下才人以不安會江南兵逼建安將吏知其必破上下思亂仁諷因之遂與李仁達等同謀殺繼昌而自立延政大怒收仁諷妻子戮於市發兵討之時仁達已推立卓儼明令仁諷爲城西門軍帥以捍

建兵仁諷知妻子已戮臨敵不顧出入奮擊建軍大敗
退而謂繼珣曰忠信仁義士之所守舍此無以立吾頃
在建安嘗攻伐今見利忘義不能慎守晚節是不忠也
富沙託子於我曾不營救中道而變是無信也與建軍
對敵所殺者皆鄉曲故人不仁也棄妻子使爲魚肉
是不義也此身十沉九浮旦夕歸地下何面目見之因
拊膺而哭繼珣曰大丈夫殺身徇名何顧妻子且置是
事無輕泄也建軍旣退左右以其言白仁達翌日擒斬
之并殺繼珣

許文稹

文稹泉州同安人少事審知爲給事使累歷內職昶襲位遷文思院使延義立改金吾使率兵屯臨汀未幾授汀州刺史朱文進竊位以其黨黃紹頗守泉南而臨汀亦叛以應文進留從效殺紹頗以其首送建安文稹怒乃諭都人歸歎於延政加太尉兼侍中爲治嚴整賞罰必當吏民畏而愛之江南兵圍建州遣將時厚卿分兵攻汀州文稹率衆拒戰擒厚卿遣歸金陵因上表謝罪及建州陷明年文稹率軍吏赴金陵璟復以爲汀州刺

史未幾改蘄州召歸授建州刺史周顯德中王師圍壽
春潘承祐薦文稹有武幹璟令統兵數萬屯紫金山爲
周師所破擒文稹世宗釋不誅璟割地歸欵世宗放文
稹歸璟以其失律不復用歸同安坎壈而卒

王仁達

仁達延鈞從子也幼聰悟博覽羣書及長魁梧有機畧
善用鍊槊每環甲持槊上馬馳刺觀者稱其妙延鈞襲
位仁達爲樓船指揮使王延稟叛與其子繼雄領兵攻
福州仁達率舟師禦之僞立白幟請降繼雄登舟與語

因刺殺之以首示延稟大慟士卒擾亂遂擊破其軍擒
延稟以獻遷親從都指揮使領台州刺史性慷慨自以
功高又居親衛言事頗肆胷臆延鈞忌之一日延鈞宴
羣臣酒酣顧謂仁達曰趙高指鹿爲馬以愚二世其理
安在仁達對曰秦二世幼冲爲強臣所蔽故有此弊今
朝中官吏不滿百人長短美惡陛下皆見之動息飲啄
陛下皆知之敢有蒙蔽聰明擅作威福召族滅之禍者
耶延鈞大慙因賜金帛以慰之翌日加檢校太傅自是
延鈞每醉卽欲殺仁達私謂所親曰仁達多智畧當吾

之世猶可駕馭觀其詞氣非幼主臣也後竟誣以叛誅之

楊思恭

思恭建州建陽人少俊爽好學有心計事昶爲同安尉延政聞其名辟爲節度巡官及襲位遷戶部尙書時兵革屢興國力空匱命思恭爲僕射錄國事增山澤壠畝之稅魚鹽蔬果皆倍其算道路側目號楊剝皮唐兵至建陽延政遣統軍陳望帥衆拒之列寨相屬斥堠甚明唐人不敢逼凡月餘不戰思恭遣使以延政之命詰責

之望對曰江淮間多積兵將帥練習戰事未可輕敵陛下不以臣不肖舉國中之衆以屬於臣安危之機在此一決今之曠師非臣之怯也且欲觀其變爲萬全之策耳思恭大怒復遣讓之曰淮兵侵陵百姓叛逆睡不交睫食不知味且彼之衆不過數千跋涉山川師無停糧將軍擁衆盈萬兵精馬壯今乘危授隙與之角戰是以石破卵也若曠日持久使其營壘堅固芻粟豐備復何望哉將軍受國重恩宜盡死力立功立事以報萬一江淮懼而自退將軍無血刃之勞何面目見陛下乎望不

得已乃引兵渡水唐人張左右翼以擊我軍大敗溺死者尤衆延政降思恭遂歸金陵斬於建康市

留從效

從效衆州桃林人少隸本城爲衙兵征臨汀以功遷冗員指揮使朱文進殺延義竊據福州以其黨黃紹頗爲泉州刺史從效與其裨校王忠順董思安謀同殺紹頗迎立王繼勳爲刺史從效自署爲平賊統軍俄而文進率兵來攻從效開城門與戰文進敗走於是人心悉歸於從效會江南兵已平建州從效遂刼繼勳送於金陵

李璟以從效爲清源軍節度使發兵屯郡中一日從效
謂屯將曰此一方東漸於海與福州世爲讐敵南限廣
州瘴癘之地人使不通西連鄞水皆狃徑鳥道近歲干
戈屢動三農廢業冬征夏歛僅足自贍不煩大軍久駐
於此屯將皆不對翌日置酒餞之郊外屯將不得已皆
卷旗而去從效遂有漳泉之地李璟不能制累授從效
同平章事兼侍中封晉江王從效起自行陣知人疾苦
勤儉養民常衣布素涉獵史傳延納名士部內清治吏
民愛之王氏有二女嫁爲郡人妻從效每給其衣食歲

取進士明經謂之秋堂周世宗征淮南從效遣衙將蔡仲興爲商人以帛書置革帶中由岳鄂送款內附又請置邸京師世宗以其素附江南恐其非使不許宋朝建隆初上表稱藩李璟遷於洪州從效遣使假道吳越入貢太祖遣使賜詔書以慰之未至而衙校張漢思陳洪進刼從效遷於東亭漢思自稱留後從效疽發背卒

王忠順

黃思安

忠順泉州人隸本城爲鄉軍與從效同殺黃紹頗遷爲軍校江南兵禍建州黃思安與忠順同領衆赴難延政

屯西門數戰不利延政諭之曰孤以不德致寇公等與從效首誅兇黨克定泉南踰越巖險以兵來援見公等之忠赤也今當勉之思安等俯伏對曰臣以必死奉報時城中衆心離散或說以去就之計思安曰吾輩世爲王氏臣今視其危而叛去天下皆皆有容我者乎衆感其言遂無叛者翌日城陷忠順力戰死之思安整衆歸泉州追兵不敢逼

陳洪進

洪進泉州仙游人少材勇選爲州兵留從效殺紹頗遷

爲指揮使從效將送紹顥首於建安迎延政爲閩王羣
下以道阻賊盛莫有肯行者獨洪進請往時尤溪賊數
千衆遮道不得前洪進神氣自若語賊曰朱福州已爲
義師所襲殺之矣爾輩更爲何人戍守卽持紹顥首示
之曰我倍道兼送之建州以嗣君返國爾等無所歸矣
賊遂潰散渠帥數人皆聽命因從洪進至建州延政大
悅擢洪進爲建州馬步軍都指揮使及江南克建州延
政歸金陵李璟以留從效爲清源軍節度使洪進佐之
出戰入守十五年餘以功遷統軍使從效卒其子紹鏌

使江南未復小子紹鑑領留後事月餘吳越遣使來聘
紹鑑夜召其使與之宴語洪進疑之乃誣紹鑑謀叛欲
以其地入吳越執之送於建康推副使張漢思爲留後
自爲副使漢思老且淳謹事無巨細皆決於洪進漢思
諸子患洪進之專因大宴伏甲府署中將殺洪進酒數
行地忽大震屋宇皆傾動甲未及發而同謀者告之洪
進遽起去洪進子文顯文顯俱爲牙校請以所部兵擊
之洪進不許一日洪進置大鑊於袖從子常服安步以
入府中漢思方處閣內洪進自外鑊其門中使人叩門

謂漢思曰郡中軍吏以公耄荒不能治請洪進知郡事
衆情不可遏望以郡印相授漢思錯迂不知所爲乃以
印與之洪進出召將吏告之曰漢思昏耄不能治事以
印見授矣將吏皆賀卽日置漢思於別館以兵監守之
遣使如江南請命李煜以洪進爲清源軍節度使建隆
初太祖平李重進於揚州江浙皆納款洪進懼乃遣牙
校奉表自稱副使言張漢思請老歸第以已領軍事太
祖賜詔書慰諭乾德二年刺授平海軍節度使仍鑄印
以賜開寶八年江南平洪進遣其子文顯來朝貢因降

九國志卷十
詔洪進入覲至建州聞太祖崩乃還鎮發哀太宗卽位
加檢校太師太平興國二年入朝遂獻所管漳泉二州
之地願朝請加平章事卒年七十二贈中書令諡曰順

九國志卷十一

宋 路 振 撰

楚武穆王於唐乾寧三年丙辰自立於湖南至後唐保
大九年辛亥國滅凡五十七年

武穆王姓馬名殷字霸圖唐中和時孫儒劉建鋒戍蔡
州殷隸軍中及儒敗死衆推建鋒爲帥殷爲先鋒建
鋒被殺衆推張佖佖讓於殷時乾寧三年五月也九
月唐授殷潭州刺史光化元年三月命知武安軍留
後未幾進本軍節度使梁開平元年四月辛未封楚

王後唐天成二年六月封楚國王許自開國長興元年十一月己巳薨年七十九諡武穆塋於衡陽之上黃

衡陽王名希聲字若訥殷次子殷有子數十人嫡子希振長而賢次希聲與希範同日生以母寵得立長興元年十一月丙戌襲位去建國制十二月唐以爲節度使三年七月辛卯薨追封衡陽王

文昭王名希範字寶規殷第四子希聲旣沒長興三年八月辛酉襲位九月唐以爲節度使四年正月乙卯

封扶風郡侯應順元年正月壬辰封楚王晉天福四年四月加天策上將軍十一月開天策府開運四年五月壬辰薨年四十九諡文昭是年六月劉知遠改國號曰漢

廢王名希廣希範同母弟希範病以希廣屬拓跋恆將佐以希萼爲長恆以勸希廣讓希萼指揮使劉彥瑫等不欲遂奉希廣權軍府事時越希範薨之四月乙未也七月甲午漢封爲楚王十月希萼來奔喪拒之遂構兵乾祐三年十一月希萼陷長沙戊申被害塋

瀏陽門外

恭孝王名希萼殷第三子既害希廣遂自爲楚王時
漢乾祐三年爲南唐保大八年十一月丁未也保大
九年二月入貢於唐三月唐以爲楚王九月戊寅同
母弟希崇指揮使徐威作亂執希萼幽於衡山縣希
崇既襲位國人不附復立希萼爲衡山王希崇求援
於唐唐命邊鎬將兵趨長沙十月鎬入醴陵遂趨希
崇入朝十一月辛酉盡遷於唐辛未鎬遣先鋒李承
戩將兵如衡山趨希萼入唐十二月唐仍賜希萼爵

楚王以希崇爲節度使數年希萼薨於金陵諡恭孝
希崇率兄弟十七人奔於周

張佖

佖京兆長安人少通經史咸通初以明經中第累遷宣
州從事秦彥牧宣城陰養亡命將圖江淮而兇暴多忌
不爲吏民所信佖慮其害已乃辭疾去職將歸京師至
汝陽值秦宗權阻兵佖往依之宗權與語大悅署爲行
軍司馬會宗權叛遣衆四出屢爲梁祖所破佖謂劉建
鋒曰今天下方亂英豪角逐吾觀秦公剛鷲猜忍終不

能濟大事梁王軍政精明將士悉力一旦全師奄至吾等無類矣不如早自爲謀建鋒孫儒俱從儒殺宗衡自領其衆以佶爲行軍號令嚴肅衆皆憚之及破楊行密佶有力焉行密逐趙鐸據宣州儒與建鋒領衆西上將討行密建鋒謂佶曰今與孫公權全軍爲公刷耻於宣州如何佶唯唯謝之於是儒盡焚維揚積聚驅其民人大屯廣德將先平行密而後北渡及圍宣州糧道阻絕士卒大疫乃爲行密所破佶與建鋒率餘衆據湖南推建鋒爲帥建鋒多私狎每飲酒部曲間有長直兵陳瞻

者其妻有殊色建鋒通之瞻怒以鐵撾置袖中擊殺建
鋒建鋒將吏推佶爲帥佶將入府常所乘馬忽蹉嚙不
止正中佶髀仆地不能起者久之時殷征蔣勛於邵州
佶謂其將吏曰吾非汝主當迎馬公爲之於是礫陳瞻
於東市遣姚彥章等逆殷及殷至佶乘肩輿入府受其
拜謁訖命殷升廳佶卽降階率將吏拜賀請代殷攻邵
州梁開平中奏授佶朗州永平軍節度使累遷檢校太
保同平章事乾化初移鎮桂林卒於治所子少敵有武
畧事殷爲軍校希範襲位遷永州刺史天福中卒

許德勲

德勲蔡州朗山人少爲縣吏好讀書史任氣不羣秦宗
權據淮西德勲往依之擢爲左軍判官與殷同在帳下
有州里之舊情好歎洽從孫儒討揚州以德勲爲蹋白
都指揮使時淮上饑饉德勲所至必先固圉廩以待儒
謂左右曰成吾事者許蹋白也自是軍中謀議皆得預
焉及儒敗於宣城與劉建鋒同入湖南以軍功奏授檢
校太傅兼侍中殷代王以德勲爲內外馬步軍都指揮
使乾寧四年淮南楊行密遣使來通好以梁祖擅朝政

願與殷爲兄弟之國以絕梁殷欲許之德勲諫曰行密盜據淮南抗衡中國明公義修職貢於朝爲附庸一旦棄之前功盡廢他日朝廷問罪江表以我爲同惡卽王師先至湖上矣不如拒絕之乃心王室久長之策也殷從之天復中淮人攻鄂杜洪求救於朝廷詔發荆湖澧朗兵以援之殷遣德勲與秦彥暉率舟師東下時荆南成汭知梁祖將篡曲意事之乃自擁衆乘巨艦直抵夏口爲淮人所敗汭溺死德勲遂與朗州雷彥恭襲破荆南盡俘其府實及士女伶倫工巧之徒凡數千人以歸

天祐二年又領兵畧地荆南還經岳州刺史鄧進忠以城歸附遷岳州刺史梁開平初淮將冷業寇平江以德勲爲東面行營步軍都指揮使去淮軍五里下營業以遊騎偵邏晝夜不絕德勲選習水者五十人斬木取其枝葉戴之各持長刀浮江而下夜犯業營令舉火爲號俄而營中擾亂自相蹂藉火舉德勲以勁兵奄至大敗淮軍斬首千餘級擒業及裨將二十餘人以歸天成中淮將王彥章苗倫等寇岳州舟師萬餘人蔽江而下屯君山側殷遣德勲率艨艟戰艦千艘以禦之德勲謂諸

將曰淮人遠來掩吾不備今若以全師臨之必懼而遁
矣乃潛師屯角子湖偃旗臥鼓夜遣裨將王環以戰艦
二百斷楊林浦絕其歸路淮人覺之遲明淮人移軍荆
江口將會荆南兵合攻岳陽德勲選輕艦三百令裨將
詹信先襲淮人且行且戰德勲擁艨艟自後而至大戰
荆江中淮人大敗斬首千餘級溺死者甚衆擒彥章及
倫以歸而行密遣使來行成且請二將殷以禮歸之遣
德勲餞彥章等德勲謂之曰楚國雖小舊臣宿將尙在
願公此歸勿以湖南爲念若須得志當待馬子爭草然

後可圖也彥章等媿謝而去是後馬氏諸子果爭立爲
江南所滅人以德勳爲知言天成二年殷建國拜右相
卒年七十餘子可瓊

鄧進忠

進忠湘陰人世爲土豪兄進思唐中和初爲瀏陽鎮將
黃巢之亂江湖荒饑進思陰養死士千人以防寇盜會
巢弟黃浩領惡少數千剽劫江左號浪岩軍轉入湖外
大掠瀏陽進思患之乃與進忠謀率壯士伏山塚間候
浩軍半過橫出擊之浩軍大敗前後皆遁走浩僅以身

免縣以事聞於州奏授進思嶽州刺史天復中進思率
進忠襲位天祐二年許德勲襲京南同出戰艦臨其城
進忠遣人獻牛酒開門納德勲大亨將士德勲諭以禍
福翌日舉族南歸長沙賜進忠鞍馬繒帛金銀器令權
知衡州軍州事未幾奏授刺史同光中卒

姚彥章

彥章字繼徽汝南人少倜儻有武畧乾符中黃巢盜起
秦宗權召募豪俊以彥章隸帳下善用鐵槊重百餘斤
每上馬盤辟疾如旋風觀者壯之隨孫儒渡淮拔廣陵

儒死宣城隨劉建鋒入湖南領廳直軍最被親信及建
鋒遇害張佖傷髀不能視事佖與彥章首議迎殷遂遣
彥章率所部逆殷於邵州殷初疑之猶豫未卽還彥章
入白殷曰劉龍驤張行軍與足下同功一體之人也不
幸龍驤有不測之禍行軍以髀病廢是天意人望歸於
足下何遽疑也殷釋然遂令彥章統衆先歸國內既定
翌日殷至代立以功遷長直都指揮使彥章建議平嶺
北七州薦李瓊爲游奕使桂州平奏授靜江軍行軍司
馬監軍府事遷檢校工部尙書橫州刺史容南龐巨昭

歸欵彥章率兵迎之遷寧遠軍節度副使知容州事殷
建國拜左相遷昭順軍節度使清泰中加兼侍中卒

秦彥暉

彥暉上蔡人宗權之族弟父轍仕郡爲牙校彥暉少伉
勇有智畧宗權將敗族人懼禍彥暉請隨族兄宗衡討
揚州宗衡爲儒所害彥暉從儒攻宣州儒敗又從劉建
鋒入湖南爲捉生指揮使光化中殷將平嶺北以彥暉
及李瓊爲七州游奕使率兵平桂林虜劉士政以功奏
遷檢校太保天祐末淮將劉存劉威領戰棹攻湖南殷

以彥暉爲在城都指揮使領兵三萬以禦之彥暉潛艘
艫於上流以待淮人又遣副指揮使黃璠分戰棹三百
艘潛瀏陽口存以舟師至越隄屢戰不利乃遣使送書
於殷以請和殷欲許之彥暉曰淮人多詐將緩我師而
爲變不可信也使者的同以其言白存時彥暉與存對水
爲陣存登岸遙呼彥暉曰我降矣而公弗許古人有言
殺降不祥公豈不爲子孫計彥暉怒曰賊踞吾城下而
不擊奚顧子孫耶乃鼓譟齊進淮人遁走黃璠自瀏陽
口列戰艦橫絕大江合擊之淮人大敗擒劉存至夕劉

威以輕舸遁去彥暉親戮其裨校百餘人以功奏加檢校太傅開平三年領兵攻朗州殺其將區景思擒節度使雷彥恭及其宗屬雷彥雄等七人以歸朗州平遷道州刺史乾化中代歸卒

王環

環許州人少隸忠武軍秦宗權據淮西以環有勇力召置帳下後與劉建鋒從孫儒渡淮儒死宣城又隨建鋒入湖南爲捉生指揮使剽畧郡邑先登陷陣衆推其果毅建鋒死殷代立遷水軍都指揮使畧地上高擒淮將

劉靖奏授檢校司徒真明初徙岳州刺史許德勲以舟
師巡境上夜中南風暴起環乘風鼓棹直抵齊安城中
纔四鼓矣環挂繩梯登城殺守卒十餘人引戰士直入
州廨擒刺史馬鄴遲明城中驚擾德勲乃驅其官屬將
吏寘入舟中大掠而歸至纔口德勲謂環曰鄂人其邀
我乎環曰我師入黃州而鄂人不覺今奄至城下迅雷
不及掩耳當自救無暇安能邀我乃展旗鳴鼓成列而
行鄂人不敢出至岳陽以所俘獻殷大喜奏以環領黃
州刺史天成初史光憲自京師還爲荆南高季昌所執

奪明宗所賜名馬妓女殷遣環與袁詮詹信率戰艦三百艘討之大畧於境上季昌遣將屯劉郎狀環進兵擊破之奪戰艦百餘艘遂逼荆渚季昌懼請和取光憲以歸殷建國以環爲左六軍副使長興二年卒環善治舟師能以寡擊衆布衣糲食與士卒同甘苦每戰罷必盡索傷者扶至帳前手自療治之鍼鉤鈐夾名膏上藥常置坐右殷每部分諸將使之出征士卒得隸環麾下者咸相賀曰吾輩不畏死但獲居王六軍隊伍中足矣其爲士卒所愛如此

王贊

贊事希範爲衡山指揮使時十五餘年境內無事但以所部營飾宮室剏修佛廟而已贊求自試乃以爲岳州刺史乾祐初希萼率兵攻湖南希廣以贊爲都部署率衆禦之敗朗軍於僕射洲奪戰艦三百艘希萼奔歸武陵密遣人以珍幣通好於贊贊拒而不答三年希萼復大舉兵攻長沙路由岳陽贊堅壁自守希萼不敢逼遣人謂贊曰比約與君同行今何異心也贊曰大王兄弟尙不相容何責將吏之異心也願大王入長沙無傷同

氣臣守岳陽敢不盡臣節希萼感其言及篡位奏授贊
永州防禦使淮將邊鎬據湖南有占者云王氏繼馬氏
時議以贊有世功當應其識鎬白於李璟乃授贊鎮南
軍節度使賜襲衣巾帶以毒冥巾帽中未幾贊腦裂而
卒

李瓊

瓊蔡州汝陽人少以翹勇選隸秦宗權帳下後隨孫儒
渡淮儒敗又從劉建鋒入湖南爲親從都裨校殷代立
遷本軍指揮使時湖外初霸土宇未廣議者復請窺取

嶺北七州之地乃命瓊與秦彥暉爲七州游奕使張國英李唐爲之副兵克永道郴連四州因水陸齊進屯全義嶺時桂州劉士政遣副使陳可璠營嶺下指揮使王建武營秦城以拒我師彥暉三戰不利會全義民請爲鄉導瓊詰之對曰此去西南有古路背嚴闕抵秦栽五里雖生荆棘可通單騎瓊乃白彥暉請以步卒三百騎兵六十以巨槩長劍銜枚夜襲秦城至建武營纔三鼓矣時營中士卒不虞我師之至皆熟寢令騎兵分布柵外自以牛革蒙柵門踰入士卒隨之營中亂自相蹂

躡斬首百餘級衆遁走擒建武而歸遲明至大寨係建武以素練示可璠營中可璠不知我師已破秦城寨猶鼓譟未信乃斬建武投首營中士卒震駭彥暉因其驚擾以全軍擊破之擒可璠降其將吏二千餘人欲部送歸湖南瓊曰我以七千人討桂林若分兵以送降者前有大敵何以當之此敗軍烏雜其心不一不如殺之以全軍直趨桂林此席卷之勢也於是盡坑降兵自秦城以南猶有二十餘柵皆迎風而潰瓊以先鋒兵躡之比至桂林殺戮萬計遂圍其城九日而士政降彥暉班師

殷以瓊爲桂州刺史令經畧嶺南遂襲容州降龐巨昭
明年又與呂師周克昭賀梧三州瓊魁岸多力每食肉
十餘斤踞案大嚼眈眈然軍中號曰李大蟲先是桂林
兒童聚戲衢路中忽相驚走曰大蟲來大蟲來至是果
應瓊治桂州三年招納逋遁法令寬簡吏民便之開平
中卒於治所年六十八

呂師周

師周廣林人吳將蒙之裔孫也父珂少以勇敢隸楊行
密帳下累戰有功遷黑雲都指揮使師周少勇敢任氣

隨父征討臨陣未嘗介甲金創被體而談笑自若衆皆服其果毅珂卒行密令代其父爲指揮使天祐初副指揮使綦母章以所部兵屯上高與湖南爲敵境累戰殺傷者萬餘人遷袁州刺史師周性豪率頗通緯候及兵書自言世將家子不可保富貴每恣爲杯酌狎客常十餘醉必起舞或擊節狂歌慷慨泣下行密聞而疑之密遣人偵其動靜師周不自安乃謀於綦母章曰吾與湖南對壘有日矣觀其營上雲飛常紛紛然未易敗也馬公寬仁待士有禮吾欲逃死焉公以爲如何章曰公自

圖之章舌可斷而言不洩也乃遣牙將呂蔚通欵於我
開平初以所部兵大獵境上因歸於湖南章縱其親隨
之人殷聞師周至甚喜曰吾方圖嶺表得師周足矣卽
以爲步軍都指揮使領袁州刺史明年率兵攻昭賀梧
蒙龔富等州與劉隱兵十餘戰而克之奏授韶州刺史
乾化中領兵破飛山蠻斬其帥潘全盛諸蠻悉歸欵奏
遷檢校太傅清泰中卒

廖光齊

光齊有武幹事殷爲決勝副指揮使天成未從許德勳

討荆南屯兵沙頭高季昌之子從嗣爲雲猛指揮使驍
勇無敵一日單騎薄德勲營衆不敢出光齊怒言於德
勲曰此驂也請爲公擒之乃介馬援槍而出與從嗣格
鬪良久光齊僞墮馬從嗣奪撻以擊之反爲光齊所擒
時季昌以數十騎觀於臺上見其子被擒亟令騎士來
請及入營光齊已拉殺之矣季昌大慟翌日遣使請成
光齊以功遷決勝指揮使性簡傲使酒因爭飲令毆同
列黜爲邵州教練使未幾復舊職討溪州蠻中流矢而
卒

彭玕

玕吉州廬陵人世居赤石洞爲酋豪黃巢之後江表寇盜蜂起玕於鄉里保聚徒衆得數千人自爲首領捕逐羣盜有功本州補玕永新制置使玕雅好儒學精左氏春秋當兵荒之歲所在饑饉玕延接文士曾無虛日治具勤厚人多歸之廣陵筆工李鬱者善爲詩什玕嘗貽書於鬱以白金十兩市一筆又令鬱訪石本五經卷以白金百兩爲直廣陵人相謂曰玕以十金易一筆百金酬一卷况得士乎於是蕭謨等數人咸往依之鍾傅據

江西其裨將韓德師叛傅令其弟瑊攻破之斬獲甚衆
軍政嚴肅樵採不犯傅以瑊爲吉州刺史未幾以玠代
之玠以傅爲輔車之勢會傅死楊行密將攻破豫章虜
鍾匡時玠懼將圖據湖南先遣其黨敖瞻李緒來致書
於殷且覘殷之起居殷勞之翌日大宴府中將吏畢集
以瞻爲上客瞻等歸以語玠曰馬公龍髯鳳眸大人之
表其將吏輯睦少長有禮未可圖也玠默然開平中撫
州危全諷率袁吉之兵以復豫章至象牙潭淮將周平
擊破之玠乃以所部并其族千餘人歸歟於我殷發兵

境上援其輜重至卽奏授郴州刺史隴西郡公以希範
聘玕女天成中玕卒年七十三兄鄴弟瑊子繼英繼勲

劉昌魯

昌魯字安國相州鄴縣人唐末明經登第釋褐項城主
簿累遷至尙書郎乾符中出爲高州刺史黃巢寇嶺南
郡縣離析昌魯使其居民據保障以自守一境獲安就
遷防禦使劉隱入廣州遣其弟襲領兵攻高州昌魯率
勵丁壯逆戰於城外大破襲軍自以地小力寡終慮爲
隱所吞開平初乃致書於殷曰僕昔占籍鄴中受恩唐

室蒞高三歲遏黃巢之亂收合生齒堡於涼山因深爲
塹憑高作壘攻苦食淡以勸士率洎盜賊平定一境獨
全高涼之民至今相戴而中原多故嶺南不賓劉隱亂
常僭興師律舉蠻貊之衆成吞噬之心僕嘗訓勵甲兵
躬當矢石掃壘一戰劉巖遁走雖仗義者必勝恃力者
必亡然而山越之人瘡痍衆矣殘民以逞所不忍爲昔
古公去豳竇融歸漢千古之下迭爲推美僕雖顓愚景
慕前烈竊惟明公負江湖之固有桓文之業土宇至廣
仁風素厚願以所部歸欵於執事謹刺血染翰上達誠

惴惴惟明公圖之殷覽書甚喜卽遣指揮使張球率兵迎之昌魯盡輦其帑庫及士卒千餘人歸於湖南奏授永順軍節度副使兼行軍司馬天成中卒

鄧處訥

處訥邵州龍潭人少爲州兵累遷至軍校唐乾符中從閔頊征蠻於安南黃巢之亂盜殺潭州觀察使李巢城中無主會頊自安南回以所部兵駐郡中傳檄諸州同捍寇盜境內以安遣使奉表於朝詔以頊爲檢校右僕射欽化軍節度使潭州刺史處訥從頊久在安南及是

欲歸邵州省其親族頊回署處訥爲邵州兵馬留後未
幾衡州刺史周嶽舉兵襲頊殺之因據長沙處訥縞素
發哀召集將吏諭之曰閔僕射駐軍長沙親捍寇盜布
衣糲食以養士卒救民於塗炭恩德厚矣不幸爲鼠輩
所圖今欲與諸軍問罪於周嶽可乎衆皆曰留後爲善
人雪冤敢不從命乃以精卒二千襲嶽殺之梟首於東
市遂據其城慰撫將吏中外胥悅時景福二年也旣而
州人以狀聞於朝廷詔以處訥爲湖南節度兵馬留後
乾寧元年劉建鋒領衆自豫章處訥遣其鄉豪首蔣勛

等領兵卒三千斷龍回關殷先至關召勛等諭以禍福
仍許奏授官秩勛衆皆喜是夕乃棄鎧甲旗幟潰邵州
明日建鋒令前鋒兵盡被邵軍鎧甲張旗幟直趨潭州
薄城東門守陴者不之覺且謂邵軍之回也門啓前鋒
兵徑趨府中將吏驚走是日處訥內宴集寮屬而無備
禦裨將宋全節就擒處訥斬於長史橋側

龐巨昭

巨昭不知何許人唐末爲容州觀察使精天文緯候之
學黃巢入廣南巨昭括部內諸蠻得數千人親自選練

分屯險隘巢寇憚之不敢犯其境以功加寧遠軍節度使開平初高州劉昌魯率衆歸附殷遣姚彥章李瓊率兵迎之長驅而南前鋒至容州巨昭將歸欵於我乃大享將士而謂之曰李瓊甲馬雄盛乘席卷之勢必來侵我何策以禦之裨將莫彥昭對曰瓊軍遠來士卒疲乏請盡徹儲糧潛兵山谷空城以待之瓊至當據吾城外無救援我以全師掩其不備浹旬之間瓊可擒也巨昭曰吾觀楚氛甚銳未易破也不如以牛酒犒其軍爾輩不失爲富家翁足矣彥昭不從巨昭殺之迎勞瓊瓊以

軍徑赴城中俄而廣南劉隱率衆來我師不能守於是
盡輦其府實驅其人民以歸巨昭挈其族數百口隨歸
長沙殷久聞巨昭之名遣使慰勞卽日奏授檢校太傅
領容管經畧使巨昭在嶺南嘗占翼軫間有善星因謂
所親曰劉隱兄弟不道殘害良善吾終當逃難於長沙
至是果歸附人或問湖南與淮南國祚長短巨昭曰吾
入境來聞童謠曰三羊五馬馬子離羣羊子無舍自今
以往馬氏當五主楊氏當三主後皆如其言真明中卒

彭師曷

師曷溪州人世爲諸蠻酋長父士懋唐末溪州刺史其地西接牂牁羽林南抵桂林象郡東北控澧朗方數千里山水險惡舟車不能通其蠻有六種盤氏爲大卽槃瓠之種也俗無文法約束繫於酋長當士懋之世昆弟強力多積聚故能誘脅諸蠻皆歸之統兵萬餘人春夏則營種秋冬則暴掠而長沙四境最被其惡天福五年士懋遣使通款於蜀且請兵同寇澧朗辰三州大略縣邑希範遣指揮使劉勍全師率衡山步卒五千人以救

之勅等擊敗其兵士懋遁去遂進兵襲溪州州在山頂
爲堡四面斗絕勅選壯士緣崖梯山縛棧道以圍守之
士懋夜舉烽火以集蠻軍勅於溪澗中置毒蠻軍至飲
其水者皆病嘔不能戰死者甚衆一日南風暴起勅以
火箭射堡中盡焚其廬舍蠻軍多死士懋乃率所部夜
踰絕險遁入獎州遣師曷率諸蠻酋長田汧贊覃行方
向存祐羅君富等攜牌印納款於勅勅班師與師曷等
歸長沙釋其罪厚賜而遣之奏授士懋溪州刺史兼溪
洞招撫使以師曷補武安軍牙校師曷有勇力善射累

從諸將征討有功遷衡山指揮使希廣襲位改強弩指揮使領辰州刺史希萼舉朗州之衆以攻湖南列戰棹於水西軍勢甚盛師曷登城觀之白希廣曰朗人驕而輕雜以蠻兵其勢易破請假臣步卒三千人南自巴溪渡江趨嶽麓後夜擊之請令許可瓊以舟師陣於山前破之必矣希廣因與可瓊謀堅沮止之翌日師曷見可瓊於軍門坐談戰事師曷瞋目叱之曰汝反文在面卽曰當投賊何庸論戰耶拂衣而去乃白希廣請誅可瓊希廣不從師曷退而歎曰禍亂如此王稔惡無斷敗亡

可待矣及朗軍攻長樂門可塙果束甲以入於賊城陷
師曷被擒希萼命釋之師曷溪洞人性獷直不喜阿附
屢爲希萼以罪笞責及希崇篡立令師曷衛送希萼囚
於衡山欲使殺之於路而師曷奉事彌謹終以保全囚
與指揮使廖偃同謀立希萼爲衡山王後隨希萼歸江
南李璟聞其忠節擢爲殿直都指揮使後卒於金陵

劉言

言吉州廬陵人少事彭玕爲伍長以勇幹聞開平中玕
納欵於湖南言從歸長沙希範卽玕之壻也出鎮朗州

召言爲牙校及希範襲位溪洞酋長多求款附乃以言知辰州軍事以鎮撫諸蠻使之未幾奏授辰州刺史希萼入湖南百役繁興靜江軍指揮使王逵周行逢叛歸朗州初希萼令其子光贊爲朗州留後逵至廢之以馬希振子光惠權軍州事光惠庸懦不能馭羣下但酣營淫戲而已將吏患之逵等懼亂遂與行逢謀遣人往辰州請言爲副使言素知逵等兇暴謂其徒曰南方禍亂方始今若不往必加於我矣於是留書所部以單騎行逵等遂廢光惠推言權留後事時周廣順元年也言旣

收言囚於別館誣奏言與江南通謀誘引淮賊并潭朗之地以歸金陵八月周祖下詔奪言官勒歸私第委逵以便宜安置復下詔令逵歸治潭州乃以潘叔嗣權知朗州軍府事未幾令叔嗣殺言於武陵初民間謂爲劉齧牙馬氏將亂湖南有謠言曰馬去也不用鞭齧牙過今年及邊鎬入長沙盡俘諸馬歸金陵鎬尊爲王逵所逐奔歸江南是歲言亦爲叔嗣所殺皆其驗也

王逵

逵朗州武陵人或名進逵少以驍勇選爲靜江兵希萼

入朗州累遣討賊有功遷本軍指揮使乾祐三年希萼
攻湖南令逵領戰棹爲前鋒陷長沙希萼旣立逵有力
焉時剽掠之後城中帑庫盡以焚毀賞賜不足又重構
府署執役者皆靜江士卒相與怨憤聚而謀亂副指揮
使周行逢聞之以告逵曰士卒怨懟深矣不早爲計難
將及我是夕乃擁其衆以長柯巨斧斬關以出遂歸武
陵時希萼方醉遲明始遣裨將唐翥領兵追之不及因
徑趨朗州士卒皆重趼不復成列逵先已入城伏卒門
下翥至逵縱兵擊之翥軍大敗追殺殆盡翥僅以身免

達乃逐留後馬光惠請辰州刺史劉言爲帥未幾長沙
兵亂指揮使徐威等廢希萼而立其弟希崇囚希萼於
衡山行軍司馬廖偃與指揮使彭師暉共立希萼於衡
山王將納之希崇懼納歛於江南且請兵爲援李璟遣
其將邊鎬率師入長沙盡遷馬氏之族歸於金陵璟以
鎬爲武安軍節度使又遣將劉仁贍率師取岳州鎬將
圖朗州密白璟請召言入覲言不行謀於達曰江南召
我不往必加兵於我矣爲之奈何達曰鎬之此來以制
置潭朗爲名公如東行正入其算武陵負江湖之阻帶

甲萬衆乃欲拱手臣異姓乎鎬新至長沙經畧未定乘
人心憤怨引兵攻鎬可一鼓而擒也言然之乃遣與何
景真等同起兵於武陵號十指揮使以攻邊鎬達率舟
師南上至長沙邊鎬大駭以所部奔歸江南諸州屯守
皆罷去盡復湖外之地時廣順二年冬也達遂據長沙
與劉言同遣使上表於朝三年正月周祖下詔褒諭以
達爲武安軍節度使達出於行陣本無鈴畧不能馭羣
下時諸指揮使受詔爲節度副使者數人各留長沙各
置牙兵分廳案事軍政淆亂將吏患之每宴集府中喧

呶如市達莫能禁止會廣兵乘間盡取梧桂郴連之地
達率衆南征敗於壕石而還時何景真朱全琇同在武
陵與劉言不協各謀爲亂言又以達專制湖南慮其難
制將并長沙之地達大懼因與周行逢謀召景真全琇
領兵討桂林至皆殺之又殺張傲於府中景真之姻也
乃率所部兵襲武陵幽言於別館誣奏言欲併潭朗歸
歟於江南周祖下詔委達以便宜處置達旣殺言遂移
治武陵時顯德元年也世宗下詔以達爲武平武安等
軍節度使三年世宗征江南詔達爲南面行營都統以

所部兵逼鄂州攻其長山寨而還復領衆逼宜春道出
長沙耀兵金波亭有蜜蜂集繖蓋中占者以爲不利遂
留長沙令行營副使毛立領兵南下以潘叔嗣張大表
爲前鋒叔嗣怒至澧陵擁衆而還達聞兵叛乃乘輕舸
奔歸武陵叔嗣追殺之於朗州城外

周行逢

行逢武陵人少無賴與王逵同里俱爲靜江兵事希萼
爲小校從希萼攻湖南陷長沙靜江軍叛隨逵入朗州
破追兵於城門下殺千餘人逵攻邊鐫令行逢領步卒

親衛都指揮使彭萬和爲永州防禦使觀察判官李觀
象通判軍府事釋毛立爲水軍都指揮使行逢旣得志
恣行誅戮達之子弟及門將吏死者百餘輩性猜忌每
遣人伺察郡縣守宰有聚飲偶語者必逮捕下獄以謀
反誅宇文瓊彭萬和與行逢族兄飲酒疑其謀叛夜遣
甲士圍其第盡擒殺之麾下之人皆重足脅息五年朝
廷遣使儲魚監於境上行逢懼乃繕治戎器增築城壁
閱諸州鄉兵大修武備皇朝建隆三年以疾卒年四十
六葬武陵之肩山子保權嗣行逢性殘忍然爲治嚴整

不徇私黨躬履儉約以率羣下辟署官吏必取廉介之士條教簡約民甚便之有女壻求補吏不許給以耒耜而語之曰吏所以治民也汝才不能任職豈敢私汝以祿姑歸墾田以自治也其妻嚴氏不入府署躬率奴僕耕織以給賦調人民化之率務稼穡四五年間倉廩充實尤崇信釋氏常設大會齋緇徒畢集行逢徧拜之捧旒執輓親侍湔洗因謂左右曰吾殺人多矣不假佛力何以解其冤報乎

何景真

景真武陵人少以強勇隸朗團軍希萼入朗州署步軍都指揮使乾祐三年希萼攻湖南命景真率步騎三千出竹柵屯兵楊柳橋以逼其城湖南指揮使韓禮率步騎五千陣於橋而景真登橋望之見旗幟不整曰此非我敵也乃縱兵擊之潭人大亂奔入城中禮被破傷至其家而卒明日城陷希萼之攻長沙也以其子光贊守武陵至是旣平湖南乃以景真爲朗州衙內指揮使以翊爲光贊王逵周行逢叛於長沙以所部兵奔歸朗州廢光贊奪其印綬而立馬光惠景真不能拒後又與王

逵同請劉言爲帥會希崇逐希萼而自立請援於江南
邊鎬率師入長沙劉言王逵同謀逐鎬乃結景真爲十
指揮使率舟師同攻湖南鎬遁走奏授景真檢校太尉
靜江軍節度使景真求歸治所言不許留於長沙與王
逵不協求歸朗州許之時劉言已爲使相景真不能下
之每使酒悖慢言不勝其忿且意王逵等遣景真伺已
也將誅逵景真亦欲殺言以據朗州事未及發逵皆偵
知之因與周行逢密謀將先誅景真後圖劉言會廣南
兵入境因僞召景真爲招討使會兵於長沙景真卽日

以牙兵百餘人徑往湖南達迎勞於郊相見甚歡館於馬氏之故第宴飲彌日多選妓女寘帳幄中景真留連月餘達乃遣人僞自朗州來者傳劉言之命就詰景真曰邊寇搶攘委公以戎事公耽淫縱酒遲留不發太師以公觀望命械公歸西府時景真已醉恟恍不知所爲乃俛首就縛送朗州殺之於路

九國志卷十二

宋 張 唐 英 補 撰

北楚武信王於梁開平元年據有荊州旋得歸峽至宋
乾德改元國除傳襲四世五帥凡五十七年

武信王姓高名季興字貽孫陝州硤石人本名季昌避
後唐諱更今名初隸朱友讓得見全忠奇其才命友
讓畜爲子冒姓朱氏補制勝軍使天復三年拜宋州
團練使徙潁州防禦使復姓高氏梁開平元年五月
拜荆南節度使乾化四年八月封渤海王龍德三年


十月戊寅梁亡入覲於後唐同光二年三月丙午封南平王天成二年因掠唐所部送蜀貨削官爵乾真二年六月稱藩於吳是年十二月丙辰薨年七十一諡武信塋於江陵城西之龍山鄉


文獻王名從誨字遵聖季興長子既襲位吳以爲節度使懼唐見討復修職貢時爲嗣位之明年唐天成四年也是年七月甲申唐復以爲節度使追封季興爲楚王長興三年二月賜爵渤海王應順元年正月改封南平王荆南介於吳楚自吳稱帝而南漢閩楚皆


修貢中原假道境上自季興以來常邀掠貨物諸道
移書自請責卽復還之無慚色其後南漢與閩稱帝
從誨所嚮稱臣利其賜予諸國目爲高賴子又曰高
無賴漢乾祐元年十一月癸卯薨年五十八塋龍山
鄉明年漢加諡文獻

真懿王名保融字德長從誨第三子漢乾祐元年十二
月丁丑漢以爲荆南節度使周廣順元年封渤海郡
王顯德元年正月丙子進封南平王宋建隆元年八
月薨年四十一塋龍山鄉宋加諡真懿

有九十九洲若滿一百則有王者興自武信王之初江
心深浪之中忽生一洲而滿百昨此洲漂沒不存茲亦
可憂繼冲又不聽景威知計不行自扼吭而死及王師
入城繼冲悔不用其言太祖聞景威之計曰彼忠其主
也命王仁瞻厚恤其家







道光丙午鐫

靖康傳信錄

海山仙館叢書

仙山新業書

壯康鄭西原

蓬萊丙午歲

PL
2451
P29
v.18

自序

元年正月三日差充行營司參謀官四日除尚書右丞
充畱守五日改充親征行營使二月三日以姚平仲事
罷職五日以士庶伏闕復舊職改充都大提舉京城四
壁守禦使金寇退師除知樞密院事六月差充河北河
東路宣撫使七月出師次懷州八月召赴闕議事九月
還次封邱除觀文殿學士知揚州十月以言者改差提
舉亳州明道宮尋落職責授保靜軍節度副使建昌軍
安置尋移寧江以二年行次長沙聞召命復官除資政

殿大學士領開封府事時金寇再犯闕半年京師之圍未解四方盜賊蜂起余荷兩朝厚恩國步艱難不敢自愛方率義旅以援王室追念自乙巳之冬迄今纔歲餘一身之進退榮辱天下之安危利害紛然如此豈非眞夢耶然一歲之間再致大寇雖曰天數亦人事也去春致寇其病原於崇觀以來軍政不修而起燕山之役去冬致寇其病原於去春失其所以和又失其所以戰何也賊以孤軍深入前阻堅城而後顧邀擊之威當是時不難於和而朝廷震懼其所邀求一切與之旣割三鎮

又質親王又許不貲之金幣使賊有以窺中國之弱此失其所以和也諸道之兵旣集數倍於賊將士氣銳而心齊朝廷畏怯莫肯一用懲姚平仲劫寨之小衄而忘周亞夫困敵之大計使賊安然厚有所得而歸此失其所以戰也失此二者之機會故令賊志益侈再舉南牧無所忌憚遂有并吞華夏之心譬猶病者證候旣明當用毒藥而不用雖暫得安疾必再來此必至之理也以今日而視去歲人心國勢之不相侔何止相什伯哉臣子之義惟當奮不顧身死以殉國家之急及其成功則

天也然自是之後朝廷非大有懲創士風非大有變革
內外大小同心協力以扶持宗社保全家室爲事掃去
偷惰苟且之習媚嫉譖愬之風雖使寇退亦豈易支吾
哉故余於此錄記其實而無隱庶幾後之覽者有感於
斯文

靖康傳信錄卷之一

宋 李 綱 撰

宣和七年冬金人敗盟分兵兩道入寇其一以戎子幹
離不爲帥寇燕山郭藥師叛燕山諸郡皆陷遂犯河北
其一以國相粘罕爲帥寇河東李師本叛忻代失守遂
圍大原邊報猝至朝廷震懼不復議戰守惟日謀避狄
之計然其事尙祕外廷未聞也至十二月中旬聞賊馬
逼近始遣李鄴借給事中奉使講和降詔罪已召天下
勤王之師且命皇太子爲開封牧宰執日聚都堂茫然

無策惟遣家屬散之四方易置東南守臣具舟楫運寶
貨爲東下計於是避狄之謀外廷始聞余時爲太常寺
少卿素與給事中吳敏厚善夜過其家謂敏曰事急矣
建牧之議豈非欲委以畱守之任乎東宮恭儉之德聞
於天下以守宗社是也而建以爲牧非也巨盜猖獗如
此宗社不守中原且無人種自非傳以位號使招徠天
下豪傑與之共守何以克濟公從官以獻納論思爲職
曷不以非時請對爲上極言之使言不合意不過一死
死有輕於鴻毛者此其時也敏曰監國可乎余曰不可

唐肅宗靈武之事當時不建位號不足以復邦家而建
號之議不出於明皇後世惜之上聰明仁慈倘感公言
萬一能行此金人且將悔禍退師宗社底寧豈徒都城
之人獲安天下之人皆將受賜非發勇猛廣大慈悲之
心忘身殉國者孰能任此敏翌日求對具道所以且曰
陛下能用臣言則宗社靈長聖壽無疆上曰何以言之
敏曰神霄萬壽宮所謂長生大帝君者陛下是也必有
青華帝君以助之其兆已見於此上感悟嘆息因言李
綱之論蓋與臣同有旨召余赴都堂稟議訖隨宰執至

文字庫祇候引對實二十三日也其日余懷所論著劄
子待對文字庫上御玉華閣先召宰執吳敏等對至日
晡時內禪之議已決催吳敏與門下侍郎草傳位詔百
官班垂拱殿下宣示詔旨余不復得對是夕命皇太子
入居禁中覆以御袍皇太子俯伏感涕力辭因得疾召
東宮官耿南仲視醫藥至夜半方蘇翌日又固辭不從
乃卽大位御垂拱殿見宰執百官時日有五色挾珥赤
黃色有重日相摩蕩久之乃尊道君皇帝曰太上皇帝
居龍德宮道君太上皇后居顯景園以李邦彥爲龍德

宮使蔡攸吳敏副之皆奉道君太上皇帝旨也大赦天下翰林學士王孝迪實草赦書而不著上自東宮傳位之意致四方疑士論非之詔有司討論所以崇奉道君太上皇帝者余時猶在太常條具以聞詔遣節度使梁方平將騎七千守濬州步軍都指揮使何灌將兵二萬扼河津探報虜騎漸逼故也二十八日有旨召對延和殿上迎謂曰卿頃論水章疏朕在東宮見之至今猶能誦憶嘗爲賦詩有秋來一鳳向南飛之句余敘謝訖因奏曰陛下養德東宮十有餘年恭儉日聞海內屬望道

君太上皇帝觀天意順人心爲宗社計傳位陛下授受之際燦然明白下視有唐爲不足道也願致天下之養極所以崇奉者以昭聖孝今金寇先聲雖若可畏然聞有內禪之舉勢必銷縮請和厚有所邀求於朝廷臣竊料之大槩有五欲稱尊號一也欲得歸朝人二也欲增歲幣三也欲求犒師之物四也欲割疆土五也欲稱尊號如契丹故事當法以大事小之義不足惜欲得歸朝人當盡以與之以昭示大信不足惜欲增歲幣當告以舊約以燕山雲中歸中國故歲幣增於大遼者兩倍今

既背約自取之則歲幣當減國家敦示和好不校貨財
姑如原數可也欲求犒師之物當量力以與至於疆土
則祖宗之地子孫當以死守不可以尺寸與人願陛下
畱神於此數者執之之堅無爲浮議所搖可無後艱并
陳所以禦敵固守之策上皆嘉納翌日有旨除兵部侍
郎日下供職靖康元年正月一日上御明堂受文武朝
賀退詣龍德宮朝賀道君太上皇帝百官班於門外宰
執進見三日有旨以吳敏爲行營副使以余爲參謀官
團結軍馬於殿前又以蔡攸爲恭謝行宮使宇文粹中

副之以治道君太上皇帝東幸之具蓋幹離不之兵距
潛州不守梁方平戰衄燒橋而遁何灌軍馬望風潰散
賊遂渡河是日聞報故也夜漏二鼓道君太上皇帝出
通津門東下道君太上皇后及皇子帝姬等相續以行
侍從百官往往潛遁是時從官以邊事求見者皆非時
賜對四日余待對班於延和殿下聞宰執奏事議欲奉
鑾輿出狩襄鄧間余窮思之以爲不可適遇知東闔門
事朱孝莊於殿廷間語之曰有急事欲與宰執廷辦公
能奏取旨乎孝莊曰宰執奏事未退而從官求對前此

無例余曰此何時而用例耶孝莊許諾卽具奏得旨引
對余拜訖升殿立於執政之末自啟奏曰聞諸道路宰
執欲奉陛下出狩以避狄果有之宗社危矣且道君太
上皇帝以宗社之故傳位陛下今捨之而去可乎上默
然太宰白時中曰都城豈可以守余曰天下城池豈復
有如都城者且宗廟社稷百官萬民所在捨此欲何之
若能激勵將士慰安民心與之固守豈有不可守之理
語未既有內侍領京城所陳良弼自內殿出奏曰京城
樓櫓創脩百未及一二又城東樊家岡一帶濠河淺狹

決難保守願陛下詳議之上顧余曰卿可同蔡楙良弼
往視朕於此俟卿余既被旨同楙良弼亟詣新城東壁
遍觀城濠回奏延和殿車駕猶未興也上顧問如何楙
對以爲不可守余曰城堅且高樓櫓誠未備然不必樓
櫓亦可守壕河惟樊家岡一帶以禁地不許開鑿誠爲
淺狹然以精兵强弩占據可以無虞上顧宰執曰策將
安出宰執皆默然余進曰今日之計莫若整飭軍馬揚
聲出戰固結民心相與堅守以待勤王之師上曰誰可
將者余曰朝廷平日以高爵厚祿畜養大臣蓋將用之

於有事之日今白時中李邦彥等書生未必知兵然藉其位號控馭將士以抗敵鋒乃其職也時中怒甚厲聲曰李綱莫能將兵出戰否余曰陛下不以臣爲庸懦倘使治兵願以死報第人微官卑恐不足以鎮服士卒上顧宰執曰執政有何闕趙野對曰尙書右丞闕時宇文粹中隨道君東幸故也上曰李綱除右丞面賜袍帶并笏余致謝且敘以時方艱難不敢辭之意車駕興進膳賜宰執食於崇政門外廡再召對於福寧殿去畱之計未決故也宰執猶以去計勸上有旨命余畱守李梈副

之余爲上力陳所以不可去者且言唐明皇聞潼關失守卽時幸蜀宗社朝廷碎於賊手屢年然後僅能復之范祖禹謂其失在於不能堅守以待勤王之師今陛下初卽大位中外欣戴四方之兵不日雲集虜騎必不能久畱捨此而去如龍脫於淵車駕朝發而都城夕亂雖臣等畱何補於事宗社朝廷且將爲邱墟願陛下審思之上意頗回而內侍王孝孺從傍奏曰中宮國公已行陛下豈可畱此上色變降御榻泣曰卿等毋畱朕朕將親往陝西起兵以復都城決不可畱此余泣拜俯伏上

前以死邀之會燕越二王至亦以固守爲然上意稍定
卽取紙御書可回二字用寶俾中使追還中宮國公因
顧余曰卿畱朕治兵禦寇專以委卿不令稍有疎虞余
惶恐再拜受命與李稅同出治事是夕宿於尙書省而
宰執宿於內東門司中宮國公之行已遠是夕未還中
夜上遣中使令宰執供軍令狀詰旦決行五日余自尙
書省趨朝道路紛紛復傳有南狩之事太廟神主已出
寓太常寺矣至祥曦殿則禁衛皆已擐甲乘輿服御皆
已陳列六宮襍被皆將升車矣余惶遽無策因厲聲謂

禁衛曰爾等願以死守宗社乎願扈從以巡幸乎禁衛
皆呼曰願以死守宗社不居此將安之余因拉殿帥王
宗楚等入見曰陛下昨已許臣畱今復戒行何也且六
軍之情已變彼有父母妻子皆在都城豈肯捨去萬一
中途散歸陛下孰與爲衛且虜騎已逼彼知乘輿之去
未遠以健馬疾追何以禦之上感悟始命輟行余謂宰
執曰上意已定敢有異議者斬因出祥曦殿傳旨宣示
禁衛皆拜伏呼萬歲其聲震地復入勸上御樓以見將
士上可之駕登宣德門宰執百官將士班樓前起居上

臨闕千久之復降步輦勞問將士余與吳敏撰數十語
敘金人犯順欲危宗社決策固守各令勉勵之意俾閣
門官宣讀每讀一句將士聲諾須臾六軍皆感泣流涕
於是固守之議始決是日以余爲親征行營使馬軍太
尉曹矜副之白時中罷相以李邦彥爲太宰張邦昌爲
少宰吳敏知樞密院事趙野爲門下侍郎王孝迪邦彥
之姻家故薦之耿南仲出城已累日上遣使追還之以
東宮官故有是命親征行營使置司於大晟府辟參謀
官書寫機宜句當公事管句當文字准備差遣統制統

領將領准備差使等擇文武官處之吏房戶房兵房工
房選三省人吏處之上賜銀絹錢各一百萬貫匹兩文
臣自朝請大夫以下武臣自武功大夫以下及將校官
告宣帖三千餘道一切許以便宜從事自車駕御樓之
後方治都城四壁守具以百步法分兵備禦每壁用正
兵二千餘人而保甲居民廂軍之屬不與焉修樓櫓掛
檀幕安砲坐設弩牀運磚石施燎炬垂櫛木備火油凡
防守之具無不備四壁各有從官宗室武臣爲提舉官
諸門皆有中貴人大小使臣又團結馬步軍四萬人爲

前後左右中軍八千人有統制統領將領兵步隊將等
日肄習之以前軍居東水門外護延豐倉倉有粟豆四
十萬石其後勤王之師集城外者賴之以濟以後軍居
東門外占樊家岡使賊騎不敢近而左右中軍居城中
以備緩急自五日至八日治防守之具麤畢而賊馬已
抵城下寨於牟駝岡牟駝岡者京城外西北隅地也岡
勢隱嶙如沙磧然三面據水前枕霧澤陂卽孳生馬監
之所芻豆山積異時郭藥師來朝道君命打毬於其間
故知可以爲寨地金人兵至徑趨其所寔藥師導之人

謂藥師忠於國家與金人戰偶不利而從之吾弗信也
是夕金人攻西水門以大船數十隻順汴流相繼而下
余臨城捍禦募敢死士二千人列布拐子弩城下大船
至卽以長鉤摘就岸投石碎之又於中流安排叔木及
運蔡京家山石壘門道間就水中斬獲百餘人自初夜
防守達旦始保無虞入對垂拱殿方奏事問傳報賊攻
酸棗門封邱門一帶甚急上命余往督將士捍禦余慮
城上士卒不足用卽告上乞禁衛班直善射手千人以
從上遣御藥盧端同行傳旨如所乞曰禁中如新城酸

棗門幾二十里行夾道委巷中惟恐賊之已登城也抵
門賊方渡壕以雲梯攻城余命班直乘城射之皆應弦
而倒余時坐酸棗門下有自門上擲人頭下者至六七
不已詢之云斬獲姦細俾認卽皆漢人首級也蓋擾攘
中兵卒妄行殺戮捕獲數人卽斬以徇因使號令如獲
奸細捕人親執出頭驗實推賞輒殺者斬自是乃止余
與官屬數人登城督戰激勵將士人皆賈勇近者以牀
子弩座砲及之而金賊有乘棧渡濠而溺者有登梯而
墜者有中矢石而踣者甚眾又募壯士數百人縋城而

下燒雲梯數十座斬獲首十餘級皆耳有金環是日賊攻陳橋封邱衛州等門而酸棗門尤急虜箭集於城上如蝟毛士卒亦有中傷者皆厚賞之上遣中使勞問降御筆褒諭給內庫酒銀椀綵絹等以頒將士人皆歡呼自卯至未申間殺賊數千賊知守城有備不可以攻乃退師因遣使隨李鄴請和抵城下已昏黑矣堅欲入城余傳令敢輒開門者斬竟候乃入實初十日也上御崇政殿宰執起居訖升殿奏事引使人對出幹離不書進呈道所以舉師中國之意聞上內禪願復講和乞遣大

臣赴軍前議所以和者上顧宰執未有對者余因請行上不許曰卿方治兵不可命李悅奉使鄭望之高世則副之余畱身問所以不遣之旨上曰卿性剛不可以往余對曰今虜勢方銳吾大兵未集不可以不和然所以和者得策則中國之勢遂安不然禍患未已宗社安危在此一舉臣懼李悅柔懦恐誤國事也因爲上反覆具道所以不可割地及過許金帛之意以謂金狄之性貪婪無厭又有燕人狡獪以爲之謀必且張大聲勢過有邀求以窺中國如朝廷不爲之動措置合宜彼當戢斂

而退如朝廷震懼所求一切與之彼知中國無人益肆
覬覦憂未已也先定然後能應安危之機願陛下審定
之上頗以爲然余退巡歷城中因乞宰執分提舉四壁
上命蔡楙分提舉京城四壁守禦使而李稅是日至金
人軍中果辱命幹離不者南向坐稅望之等北面再拜
膝行而前幹離不遣燕人王洸傳道語言謂都城破在
頃刻所以斂兵不攻者徒以上故存趙氏宗廟恩莫大
焉今議和須犒師之物金五百萬兩銀五千萬兩絹綵
各一百萬匹馬駝驢騾之屬各以萬計尊其國主爲伯

父凡燕雲之人在漢者悉歸之割太原中山河間三鎮之地又以親王宰相爲質廼退師出事目一紙付稅等達朝廷稅唯唯不能措一詞金人笑之曰此乃一婦人女子爾自是有輕朝廷心十一日稅至自金人軍前宰執同對於崇政殿進呈金人所須事目且道其語宰執震恐欲如其數悉許之余引前議力爭以謂尊稱及歸朝官如其所欲固無害犒師金幣所索太多雖竭天下不足以充其數况都城乎當量與之太原河間中山國家屏蔽號爲三鎮其實十餘郡地塘灤險阻皆在焉割

之何以立國又保塞翼順僖三祖陵寢所在子孫奈何
與人至於遣質卽宰相當往親王不當往爲今日計莫
若擇使與之往返孰議道所以可不可者金幣之數令
有司會計所有陸續具報宿留數日大兵四集彼以孤
軍入重地勢不能久留雖所得不滿意必求速歸然後
與之盟以重兵衛出之彼且不敢輕視中國其和可久
也宰執皆不以爲然方謂都城破在旦夕肝腦且塗地
尙何三鎮之有而金幣之數又不足較也上爲羣議所
惑默然無所主凡爭踰兩時無一人助余言者余自度

力不能勝眾說因再拜求去曰陛下擢臣自庶僚不數日與大政臣亦受之而不辭者徒以議論或有補萬分之一今與宰執異議不能有所補願還庶僚以安愚分慰諭曰不須如此卿第出治兵益固城守恐金人款我此徐議可也余被旨不得不出復前進曰金人所須宰執欲一切許之不過欲脫一時之禍不知他日付之何人能爲陛下下了此願更審處後悔恐無所及因出至城北壁復回尙冀可以力爭而誓書已行矣所求悉皆與之今上皇帝方在康邸俾同少宰張邦昌爲質於金人

軍中已無可奈何則爲畱三鎮詔書戒書吏以輒發者
斬庶幾俟四方勤王之師集以爲後圖而宰執哀聚金
銀自乘輿服御宗廟供具六宮官府器皿皆竭取之復
索之於臣庶之家金僅及三十萬兩銀僅及八百萬兩
翌日對於福寧殿宰執以金銀之數少惶恐再拜謝罪
余獨不謝於是孝迪建議欲盡括在京官吏軍民金銀
以犒大金軍所遣多揭長榜於通衢立限俾悉輸之官
限滿不輸者斬之許奴婢及親屬人等及諸色人告以
半賞之都城大擾限旣滿得金二十餘萬兩銀四百餘

萬兩而民間藏蓄爲之一空余因對於福寧殿奏上曰
搜括金銀限滿民力已竭復許告訐恐生內變外有大
敵而民心內變不可不慮上曰卿可往收勝毋得告訐
余因巡城過勝所令傳聖旨收勝歸行營司移牒孝迪
照會人情乃安自十五日四方勤王之師漸有至者數
萬人乃於四壁置統制之官招集之給芻糧授器械踏
寨地團隊伍皆行營主之晝夜竭力無少休息至十七
八日間統制官馬忠以京西募兵至遇金人於鄭州南
門外乘勢擊之殺獲甚眾於是金人始懼遊騎不敢旁

出而自京師城以南民始獲奠居矣二十日靜難軍節度使种師道承宣使姚平仲以涇原秦鳳路兵至余奏上曰勤王之師集者漸眾兵家忌分節制歸一乃克有濟願令師道平仲等聽臣節制上降御筆曰師道老而知兵職位已高與卿同官替曹曦可也蓋上意欲以師道爲親征行營副使余竊嘆上裁處之當而宰執間有密建白以爲不可者上入其言於是別置宣撫司以師道簽書樞密院事充河北河東京畿宣撫使以平仲爲宣撫司都統制應西兵及四方勤王之師並隸宣撫司

又撥前後軍之在城外者屬之而行營司所統者獨左
右中軍而已上屢申飭兩司不得侵紊節制既分不相
統一宜撫所欲行者托以機密不復關報余竊憂之自
金人議和誓書既行之後朝廷日運金帛之屬輸其軍
中名果珍膳御醞之餉冠蓋絡繹相望上又出御府珠
玉玩好寶帶鞍勒以遺之品數甚眾其價不可勝計余
每爭以謂此不足以爲德適所以啟戎心雖上恭儉視
珠玉如糞土然戎之生心何厭之有眾方稱美上德不
以余言爲然金人益肆須索無所忌憚至求妓樂珍禽

馴象之類靡不從之及勤王之師既集西兵將帥日至
上意方壯又聞金人擄掠城北屠戮如故而城外后妃
王子帝姬墳墓攢殯發掘殆盡始赫然有用兵之意余
贊上曰易於謙之上六稱利用行師征邑國師之上六
稱開國承家小人勿用蓋謙之極非利用行師不足以
濟功師之成非戒用小人不足以保治今陛下之於金
人屈已講好其謙極矣而金人貪婪無厭克悖愈甚其
勢非用師不可然功成之後願陛下以用小人爲戒而
已使金人有所懲創不敢有窺中國之心當數十年無

夷狄之禍不然一日縱敵數世之憂患未艾也

靖康傳信錄卷之一終

南海譚瑩校

靖康傳信錄卷之二

宋 李 綱 撰

二十七日余與李邦彥吳敏種師道姚平仲折彥質同
對於福寧殿議所以用兵者余奏上曰金人之兵張大
其勢然探得其實不過六萬人又大半皆契丹渤海雜
種其精兵不過三萬人吾勤王之師集城下者二十餘
萬固已數倍之矣彼以孤軍入重地正猶虎豹自投於
檻穽中當以計取之不可以角一旦之力爲今之計莫
若扼河津絕糧道禁抄掠分兵以復畿北諸邑俟彼遊

騎出則擊之以重兵臨賊營堅壁勿戰如周亞夫所以
困七國者俟其芻糧乏人馬疲然後以將帥檄其誓書
復三鎮縱其歸半渡而後擊之此必勝之計也上意深
以爲然眾議亦允期卽分遣兵以二月六日舉事蓋陰
陽家言是日利行師而姚平仲之師亦將至故也約已
定而姚平仲者古之子屢立戰功在道君朝爲童貫所
抑未嘗朝見至是上以驍勇屢召見內殿賜予甚厚許
以功成有茅土節鉞之賞平仲武人志得氣滿勇而寡
謀謂大功可自有之先期於二月一夜親率步騎萬人

以劫金人之寨欲生擒所謂幹離不者取今上皇帝以歸
种師道宿城中弗知也余時以疾給假卧行營司夜半
上遣中使降親筆曰平仲已舉事決成大功卿可將行
營司兵出封邱爲之應余具劄子辭以疾且非素約兵
不預備斯須之間中使三至責以軍令不得已力疾會
左右中軍將士詰旦出封邱門勒兵班荆館天駟監分
命諸將解范瓊王師古等圍虜騎出沒鏖戰於幕天坡
所獲甚眾復犯中軍余親率將士以神臂弓射却之是
夜宿於城外而平仲者前一夕劫寨爲虜所覺殺傷相

當所折不過千餘人既不得所欲恐以違節制爲种師道所誅卽遁去而宰執臺諫閥然謂西兵勤王之師及親征行營司兵爲金人所殲無復存者上震恐有詔不得進兵而幹離不遣使以謂特將帥所爲不出上意請再和宰相李邦彥於上前語使人曰用兵乃大臣李綱與姚平仲結構非朝廷意僉議欲縛余以與之而使人反以爲不可遂罷尙書右丞親征行營使以蔡楙代之因廢行營使司上以守禦使總兵事而种師道亦罷宣撫使余是時得止兵詔知事且變卽振旅以入城詣崇

政殿求對既至殿門聞罷命乃不果退浴室院待罪時
初三日也蔡楫會計行營司所失纔百餘人而西兵及
勤王之師折傷千餘人外並如故乃知朝廷前所聞之
非是夕上降親筆慰勞錫賚白金緡錢五百貫兩且令
吳敏宣諭且將復用之意余感泣謝恩歸田廬而有初
五日士民伏闕之事初太學生陳東與書生千餘人是
日詣闕上書明余及師道之無罪不當罷軍民間之不
期而集者數千萬人填塞馳道街巷呼聲震地昇登聞
鼓於東華門擊破之上遣吳敏耿南仲慰諭諸生俾之

退爲軍民所擁不得行必欲見余及師道乃去不得報
則殺傷內侍二十餘人又詬詈宰執李邦彥蔡絛王孝
迪趙野等欲毆擊之皆散走藏匿於是上遣中使召余
及師道入對余聞命惶恐固辭不敢行而宜召者絡繹
而至中使迫促不得已上馬出浴室院由東門街抵馳
道趨東華門軍民壅積幾不可進宜召中使朱拱之復
爲眾所殺蓋怒其傳旨之緩也入見上於福寧殿閣子
中余泣拜請死上亦泣有旨復尙書右丞充京城四壁
守禦使余固辭上不允俾出東華門至右掖門一帶安

撫軍民余稟上旨宣諭乃稍散去再對於福寧殿上命
余復節制勤王之師先放遣兵民蓋不復有用兵意也
先是所畱三鎮詔書余旣罷迺遣宇文虛中齎詣金人
軍中復差臧禹秦檜爲割地是夕宿於咸豐門以金人
進兵門外治攻具故先是蔡楙號令將士金人近城不
得輒施放有引砲及發牀子弩者皆杖之將士憤怒余
旣登城令施放有引砲自便能中賊者厚賞夜發霹靂
砲以擊賊軍皆驚呼翌日薄城射却之乃退有告梁方
平欲爲賊內應者余召至帳中執之以付御史臺推治

凡內侍之守城者皆罷京師浮浪不逞之徒乘民殺傷
內侍擾攘中劫掠內侍十餘家取其金帛而以所藏器
甲弓劍赴官司納自以爲功凡千餘人都城懼再有變
余命悉集守禦使司以次納訖推其倡者將賞之自言
其姓名凡二十餘人審問得實悉皆斬之餘者逐去是
日并斬殺傷部將隊將者亦二十餘人然後民情安戢
姦宄不作初賊馬旣抵城下余晝夜巡視有盜衲襖一
領者有強取婦人絹一匹者有妄以平民爲奸細而斫
傷者皆卽斬以徇故外有強敵月餘日間雖竊盜無有

也都城素多火亦無作者至是乃始紛擾數日彈壓然後定金人請以越王代康王爲質上以越王叔父不可遣乃遣肅王及駙馬都尉賈成以行康王得歸上喜賜予良厚康王素有膽氣膂力善射居金人軍中幾月姚平仲劫寨之夕恬然無所驚怖及歸國人皆喜爭出觀之金人自平仲劫寨及封邱門接戰之後頗有懼意旣得三鎮之詔及肅王爲質卽不俟金幣足數遣使告辭上賜燕於軍中初十日遂退師十二日肆赦天下十三日宰執對延和殿余奏上曰澶淵之役雖與大遼盟約

而退猶遣重兵護送之蓋恐其無所忌憚肆行擄掠故也金人退師今三日矣初謂其以船筏渡河探聞乃繫橋濟師一日而畢蓋遣大兵用澶淵故事護送之宰執皆以爲太早余固請之上以余言爲然可其請是日分遣將士以兵十餘萬數道並進且戒諸將度便利可擊卽擊之金人厚載而歸輜重旣衆驅虜婦女不可勝計氣驕甚擊之決有可勝之理將士踴躍以行十四日以吳敏爲少宰余知樞密院事徐處仁中書侍郎耿南仲左丞李稅右丞初李邦彥蔡楙王孝迪趙野旣爲國人

所斥逐皆藏匿不敢復出上章乞罷上初未許至是邦
彥罷相除觀文殿學士中太一宮使楸罷右丞除資政
殿學士提舉亳州明道宮故有是命十五日簽書樞密
院事唐恪供職初恪以延康殿學士知杭州李邦彥薦
用之至是始到闕也十七日澤州奏大金國相粘罕兵
次高平縣初粘罕旣破忻代觀察使折可求以麟府兵
承宣使劉光世以鄜延兵援河東皆爲所敗遂圍太原
頃之月餘不能下而平陽府義軍叛義軍者童貫張孝
純所招雲中人也分布河東諸郡平日養贍蓄積爲之

一空及金人入寇孝純以義軍五萬人守石嶺關既叛以從金人矣至是諸郡往往殺戮或逐出之而平陽府者破城叛去攻陷威勝軍遂引金人入南北關陷隆德府遂次高平朝廷震懼恐其復渡河而南宰執咎余盡遣城下兵以追幹離不之師將無以支吾余曰幹離不之師既退自當遣大兵護送初不虞粘罕之來也粘罕之師雖來聞旣和亦當自退必無復渡河之理又太行琅車之險已遣統制官郝懷將兵三萬屯河陽控扼險道決無他慮而執政中有密啟上者於是御前以金字

牌悉追還諸將之兵諸將之兵及幹離不之師於邢趙
間相去二十餘里金人聞大兵且至莫測多寡懼甚其
行甚速而諸將得詔卽還余聞之上前力爭得旨復遣
而諸將之還已五程矣雖復再遣猶與金人相及於滹
沱河然將士知朝廷之論二三悉解體不復有邀擊之
意第遙護之而已於是金人復旁出抄掠及深祁恩冀
間其去殊緩而粘罕之兵聞已和果退如余言乃命种
師道爲河北河東宣撫使駐滑州而以姚古爲制置使
總兵以援太原以种師中爲制置副使總兵以援中山

河間諸郡時朝廷僉議以三鎮爲果不可割有如兵民爲國家堅守不下卽遣使再議以租賦歸之求保祖宗之地故也有旨宇文虛中罷簽書樞密院事除資政殿大學士知青州李稅罷左丞除資政殿學士予宮觀以翰林學士何臬爲右丞許翰爲同知樞密院事中書侍郎徐處仁供職初處仁以觀文殿大學士知大名府上聞其老成有士望方倚以爲相故以中書侍郎召之至是到闕供職未旬日遂拜太宰時三月初間也詔以道君太上皇帝迴鑾議所以奉迎者以門下侍郎趙野爲

奉迎使初道君正月三日夜出通津門乘舟以行獨蔡
攸及內侍數人扈從猶以舟行爲緩則乘肩輿又以爲
緩則於岸側得搬運磚瓦船乘載饑甚於舟人處得炊
餅一枚分食之是夜行數百里抵南都始館於州宅得
衣被之屬市駿騾乘之至符離始登官舟及泗上少憩
宇文粹中童貫高俅之徒始至童貫以勝捷兵三千扈
從渡河以如維揚高俅以禁衛三千畱泗上控扼淮津
旣抵淮揚父老邀車駕不可渡江而道君決意南幸遂
如鎮江道君太上皇后居維揚皇子帝姬皆流寓沿路

州縣聞賊退多先歸者初恭謝行宮所以都城圍閉止絕東南遞角又止東南勤王之師又令綱運於所在卸納泗州官吏以聞朝廷不以爲然道路藉藉且言有他故而太學生陳東上書乞誅六賊謂蔡京蔡攸童貫朱勔高俅盧宗原於是議遣聶山爲發運使密圖之山請詔書及開封府使臣數十人以行余因奏事福寧殿畱身奏上曰此數人者罪惡固不可恕然聶山之行恐朝廷不當如此措置昔肅宗欲發李林甫墓李泌諫謂其如明皇何肅宗抱泌頸泣曰思不及此使山之所圖果

成驚動道君此憂在陛下所圖不成爲數人所覺萬一
挾道君於東南求劍南一道陛下何以處之上感悟曰
奈何余對曰不若罷聶山之行顯謫童貫等乞道君去
此數人者早回鑾輿可以不勞而事定上以爲然山迺
不果行而童貫等皆相繼去道君還次南都徘徊不進
欲詣亳州上清宮燒香及取便道如西都上以爲憂又
每月晝至必及朝廷改革政事又批道君太上皇后當
居禁中出入正陽門於是喧傳有垂簾之事又批吳敏
李綱令一人來莫曉聖意皆言事且不測余奏上曰所

以欲臣及吳敏來者無他欲知朝廷事耳吳敏不可去
陛下左右臣願去奉迎如蒙道君賜對臣且條陳自圍
城以來事宜以解釋兩宮之疑決無他慮上初不許余
力請之乃聽上令余齎御前書達道君且賜行宮官屬
茶藥銀合有差以十七日離國門十八日早次陳畱縣
遇道君太上皇后船余具榜子拜謁道左道君太上皇
后艤舟令內侍楊修傳教旨勞問余附奏曰陛辭日有
所得聖旨令具奏知乞依趙野例幄前奏事復傳教旨
允余遂登舟入幄中簾前拜訖具道皇上聖孝思慕且

敘方艱危中蒙上擢任感激之意道君太上皇后親加
獎諭余再拜謝訖道君太上皇后曰朝廷欲令於何處
居止余對曰朝廷見以櫛景園爲寧德宮奉道君太上
皇后蓋遵稟道君太上皇帝十二月二十三日聖旨指
揮道君太上皇后曰已得令旨居禁中余對曰以皇帝
聖孝殿下聖慈母子之情豈復有間但稽之三從之義
道君太上皇帝居龍德宮而殿下居禁中於典禮有所
未安朝廷討論但欲合於典禮以慰天下之望兩宮安
則天下安矣道君太上皇后曰朝廷須是合宜方得因

泛及他事余拜辭登岸因呼內侍楊修李侁等三人坐
幄次與再道前語三人者巨璫也以余言爲然入白之
復傳教旨曰相公所論甚有理但旣居寧德宮後欲一
到龍德宮神御前燒香可乎余對曰道君太上皇后旣
居寧德宮皇帝自當時詣省問萬一欲暫到禁中豈有
不可之理因遣賜香茶酒食等錢五百貫給散隨行使
臣從人余以前語具劄子奏知且云道君太上皇后已
有許居寧德宮意願一切不須示以疑阻以昭聖孝而
道君太上皇后入國門日聶山請以禁衛護宣德門道

路喧然識者笑之二十日抵南都得旨二十一日引對
是日道君御幄殿余起居訖升殿奏事具道上聖孝思
慕欲以天下養之意道君泣數行下曰皇帝仁孝天下
所知且獎諭曰都城守禦宗社再安相公之力爲多
余再拜謝訖因出劄子二紙進呈其一乞道君早回鑾不
須詣亭社西都以慰天下之望其一自敘素蒙道君教
育擢用於國家艱危之中得效犬馬之力欲乞身歸田
廬之意道君慰勞再四因曰相公頃爲史官緣何事去
余對曰臣昨任左史得侍清光者幾一年以狂妄論列

都城水災復蒙恩寬斧鉞之誅迄今感戴道君曰當時
宰執中有不喜公者余愧謝因奏曰臣昨論水災實偶
有所見自古雖無道之國水猶不冒其城郭天地之變
各以類應正爲今日兵革攻國之兆大抵災異變故譬
猶一人之身病在五臟則發於聲色形於脈息善醫者
能知之非有物使之然氣之先至者爾所以聖人觀變
於天地而修其在我者故能制治保邦而無危亂之憂
也道君以爲然因詢虜騎攻圍都城守禦次第余以實
對復曰賊旣退師方渡河時何不邀擊余曰朝廷以肅

邸在金人軍中故不許道君曰爲宗社計豈可復論此
余於是竊嘆道君天度之不可及也語旣浹洽道君因
詢諭行宮止遞角等三事只緣都城已受圍恐爲人得
知行宮所在非有他也余對曰方艱危中兩宮隔絕彼
此不相知雖朝廷應副行宮事亦不容無不至者在聖
度照之而已道君因詢朝廷近事如追贈司馬光及毀
拆夾城等凡三十餘事余逐一解釋謂追贈司馬光正
欲得民心毀拆夾城止欲防奸細之類因奏曰皇上仁
孝小心惟恐一有不當道君意者每得御批詰問輒憂

懼不進膳臣竊譬之人家尊長出而以家事付之子弟
偶遇強盜劫掠須當隨宜措置及尊長將歸子弟不得
不恐爲尊長者正當以其能保田園大計慰勞之不當
問其細故今皇帝傳位之初陛下巡幸適當大敵入寇
爲宗社計政事不得不小有變革今宗社無虞四方以
寧陛下回鑾臣以謂宜有以大慰皇帝之心者其他細
故一切勿問可也道君感悟曰公言極是朕只緣性快
問後卽便無事因內出玉帶金魚袋古象簡賜余曰行
宮人得公來皆喜以此慰其意便可佩服余固辭不允

因服之以謝而退二十二日扈從道君詣鴻慶宮燒香
初余次拱州見奉迎道君禁衛寶輦儀物等畱不進因
以便宜作奉聖旨令趨南都至是道君燒香禁衛寶輦
儀物等適至南都士庶夾道聳觀得旨來早辭訖先還
闕賜酒食香茶等二十三日辭再對於幄道君出青詞
藁一紙俾宣示宰執百官迺道君初傳位奏天所作者
道君宣諭曰本欲往亳州太清宮以道路阻水不果又
欲居西洛以皇帝懇請之勤已更指揮更不戒行公先
歸達此意慰安皇帝因袖出書付余仍宣諭曰公輔助

皇帝捍城守宗社有大功若能調和父子間使無疑阻
當書青史垂名萬世余感泣再拜受命辭訖卽先具劄
子以所得道君聖語奏知上批答曰覽卿來奏知奏對
之語忠義煥然朕甚嘉之二十五日還抵闕下對於垂
拱殿進呈道君御書具道所以問答語上嘉勞久之以
道君太上皇帝所賜玉帶牙簡銀絹等具劄子進納有
旨不允

靖康傳信錄卷之三

宋 李 綱 撰

二十七日宰執奏事延和殿進呈車駕出郊詣資福寺迎奉道君儀注耿南仲建議欲盡屏道君左右內侍出勝宮門敢畱者斬先遣人搜索然後車駕進見余以爲不若止依常法不必如此示之以疑必欲過爲之防恐却有不可防者南仲曰或之者疑之也古人於疑有所不免余曰古人雖不免於疑然貴於有所決斷故書有稽疑易曰以斷天下之疑倘疑情不解如所謂竊鈇者

則爲患不細南仲紛紛不已余奏曰天下之理誠與疑
明與暗而已誠則明明則愈誠自誠與明推之可以至
於堯舜疑則闇闇則愈疑自疑與闇推之其患至於有
不可勝言者耿南仲當以堯舜之道輔陛下而其人闇
而多疑所言不足深採上笑之而南仲怫然怒甚旣退
再召對於睿思殿賜茶訖南仲忽起奏曰臣適遇左司
諫陳公輔於對班中公輔乃二月五日爲李綱結構士
民伏闕者豈可處諫職乞送御史臺根治上及宰相皆
愕然余奏曰臣適與南仲辨論於延和殿實爲國事非

有私意而南仲銜臣之言故有此奏伏闕之事陛下素
所鑒察臣不敢復有所辨但臣以非材冒處樞輔仰荷
特達之知未能有所補報區區素志欲俟賊騎出疆道
君鑾輿還闕然後求歸田廬臣之願也今南仲之言若
此臣豈敢畱願以公輔事送有司臣得乞身待罪上笑
曰士庶以億萬計如何結構朕所洞知卿不須如此南
仲猶不已余再拜辭上而出居啟聖院不復歸府入劄
子求去章凡十餘上上皆批答封還不允差御藥宣押
造朝及押赴樞密院治事復卽時上馬四月朔車駕詣

寧德宮復遣御藥宣押扈從道君太上皇帝以三月入國門余以守禦使職事迎拜於新東門內道君於輦上顧揖翌日扈從朝於龍德宮訖復上章懇請求罷知樞密院事上降手詔數百言不允復令徐處仁吳敏諭旨又詔至內殿面加慰諭且曰賊馬方退正賴卿協濟艱難今遽欲捨朕何之前事不足介懷宜爲朕少畱辭意懇惻余不得已再拜受命就職他日畱身奏上曰金人退師割交三鎮官吏軍民不肯陷沒夷狄其勢必爲朝廷堅守天時寢熱而虜有輜重之累必不能久畱當卽

出疆臣恐秋高馬肥虜必再至以責前約及今宜飭武
備邊防勿恃其不來當恃吾有以待之於是爲上條具
所以備邊禦敵者凡八事其一謂唐之藩鎮所以拱京
師故雖屢有變故卒賴其力而及其弊也有尾大不掉
之患祖宗鑒之銷藩鎮之權罷世襲之制施於承平邊
備無事則可在今日則手足以捍頭目爲今之計莫若
以太原真定中山河間建爲藩鎮擇鎮帥付之許之世
襲收租賦以養將士習戰陣相爲唇齒以捍金人可無
深人之患又滄州與營平相直隔黃河下流及小海其

勢易以侵犯宜分濱棣德博建橫海軍一道如諸鎮之制則帝都有藩籬之固矣其二調自熙豐以來籍河北保甲凡五十餘萬河東保甲凡二十餘萬比年以來不復閱習又經燕山雲中之役調發科率逃亡流移散爲盜賊今所存者猶及其半宜專遣使團結訓練令人置器甲官爲收掌用印給之蠲免租稅以償其值武藝精者次第遷補或以官激勸之彼旣自保鄉里親戚墳墓必無逃逸又平時無養兵之費有事無調發之勞此最策之得者其三謂祖宗以來養馬於監牧擇陝西河東

河北美水草高涼之地處之凡三十六所比年廢罷殆盡而更給地牧馬民間雜養以充官使吏虛文以塞責而馬無復有善者又驅之燕山悉爲敵人所得今諸軍闕馬者大半宜復祖宗監牧之制權時之宜括天下馬量給其值則不數月間天下之馬可具也其四謂河北塘灤東距海西抵廣信安肅深不可以涉淺不可以行舟所以限隔胡騎爲險固之地而比年以來淤泥乾涸不復開濬官司利於稻田往往洩去積水隄防弛壞又自安肅廣信以抵西山地形低下處可益增廣其高仰

處卽開乾濠及陷馬坑之類宜專遣使以督治之其五
謂河北河東州縣城池類多隤圯堙塞宜徧行修治而
近京四輔郡諸邑皆當築城創置樓櫓之屬使官吏兵
民有所恃而安萬一有賊騎深入虜掠無所得可以坐
困其六謂河北河東州縣經賊馬殘破蹂踐去處宜優
免租賦以賑恤之往年方臘擾浙東猶免三年今三鎮
之民爲朝廷固守安可不議所以大慰其心者其七謂
河北河東諸州最以儲峙糴買糧草爲急務宜復祖宗
加擡糧草鈔法一切以見緡走商賈而實塞下使沿邊

諸郡積蓄豐衍則虜不敢動矣其入謂陝西解鹽無煮海之勞而給邊費足民食其利不貲因行東南鹽法以解鹽地分益陝西邊益貧願復祖宗舊制以慰關陝兵民之心上俾宰執同議而其間所論異同雖建橫海軍一道以安撫使總之而藩鎮之議寢雖委提舉官循舊制教閱上戶保甲三分之一而遣使盡行團結訓練置器甲之議不行雖委沿邊增修塘灤城池而輔近畿邑已降指揮旋卽罷止雖委諸路相視監牧而不復括馬雖免河北河東租稅而止及一年雖加擡糧草鈔而貼

以四分香藥雖復解鹽而地分不如舊制余力爭之不能得大抵自賊馬旣退道君還宮之後朝廷恬然遂以爲無事方建議立東宮開講筵斥王安石置春秋博士而臺諫所論不過指摘京黼之黨行遣殆盡無虛日防邊禦寇之策反置而不問余竊憂之惟兵事樞密院可以專行乃與許翰條具調發防秋之兵大槩有五一曰係將兵二曰不係將兵三曰土兵四曰民兵五曰保甲係將兵除已起發外見在者十將將以二千人爲率不過三萬人民兵弓箭社刀弩手之類是也不過一萬人

保甲除河北河東起於陝西不過三萬人并見在河北
河東通爲二十萬以控制要害之地將士得旨頒行然
後關三省其間猶有以爲不須如此者又乞降旨在京
許監察御史以上在外監司郡守帥臣各薦材武智畧
大小使臣樞密院籍記姓名量材錄用上從之又建議
以謂在京步軍十餘萬隸於三衙近年不復教閱士卒
驕惰緩急用之旋差將佐統領兵將不相識難以責成
功乞自樞密院選差大小使臣分四壁教閱因勒成步
伍以備緩急上初可之已而殿帥王宗楚等以爲侵紊

非祖宗制詔罷之余然後竊嘆事之難成也少宰吳敏
建議欲置詳議司檢詳祖宗法制及近年弊政當改革
者次第施行詔以徐處仁吳敏及余爲提舉官命旣行
爲南仲沮止敏丐去不果余奏上曰陛下卽大位於國
家艱難之時宜一新政事以慰天下之望而朝廷玩愒
一日復一日未聞有所變革近欲置司討論尋復罷之
今邊事方棘調度不給前日爵祿冒濫蠹邦財者宜稍
裁抑之以足國用此政事所宜先者上以爲然委余條
具以聞余奏上三十餘事謂如節度使至遙郡刺史祖

宗本以待勲臣故俸給特厚當時員數少今皆以戚里
恩澤得之除邊功外宜悉挨授環衛官以抑其濫又三
省堂吏祖宗轉官時止以正郎崇觀開始許轉至中奉
大夫今宜復祖宗之制餘皆類此上深然之降付三省
已而揭榜通衢曰知樞密院事李綱陳請裁減下項又
榜東華門曰守禦使司給諸軍卸甲錢多寡不均御前
特再行支給而守禦使司初未嘗給卸甲錢也余聞之
驚駭徐詢所以乃執政間有密白上以余得都城軍民
之心以此離間之余始憂懼不知死所矣方欲乞罷會

守禦使司補進武副尉二人具狀奏知上批出有惟辟
作福惟辟作威大臣專權寢不可長之語余惶懼於上
前辯明日始親征行營及守禦使司得旨一切以便宜
行事給空名文武告勅帖等三千餘道自置司以來用
過三十一道而已此二人者迺齋御前蠟書至太原當
時約以得同報卽與補授故今以空名帖補訖奏聞乃
遵上旨非專權也且敘孤危之蹤爲人所中傷者非一
願罷職任乞骸骨歸田里上溫顏慰諭以謂偶批及此
非有他意余退居定力院入劄子待罪乞去章十餘上

上悉批荅不允遣使押入余不得請卽徑出通津門欲
東下上遣中使宣押挽舟入城絡繹於道旣復鎖府門
余翌日見上曰人主之用人疑則當勿任任則當勿疑
而大臣以道事君不可則止今陛下惑於人言於臣不
得無疑又不令臣得去不知此何也上安慰久之余自
此多在告日欲去而未得會种師中歿於軍前种師道
以病告歸執政有密建議以余爲宣撫使代師道者初
幹離不之師還抵中山河間兩鎮兵民以死固守不肯
下肅王張邦昌及割地使等馳至城下說諭投以矢石

乃退沿邊諸郡亦然而种師道進兵逼之金人出境兩
鎮無虞粘罕之師至太原城下亦堅壁固守粘罕屯兵
圍之悉破諸縣爲鎖城法以困太原鎖城法者於城外
矢石不及之地築壘環繞分人防守內外不相通而姚
古進師復隆德府威勝軍扼南北關累出兵由井陘道
與姚古犄角應援太原師中進次平定乘勝復壽陽榆
次諸縣不設備有輕金人之意又輜重犒賞之物悉畱
真定不以從行金人乘間突諸軍以神臂弓射却之欲
賞射者而隨行銀碗祇十數枚庫吏告不足而罷於是

士皆憤怨相與散去師中爲流矢所中死之其餘將士
退保平定軍而師道駐滑州復以老病丐罷上納建議
者之說決意用余宣撫兩路督將士解圍一日召對睿
思殿諭以欲遣行者余再拜力辭自言書生不知兵在
圍城中不得已爲陛下料理兵事實非所長今使爲大
帥恐不勝其任且誤國事不足以塞責上不許卽令尙
書省書勅令面受余奏曰藉使臣不量力爲陛下下行亦
須擇日受勅今拜大將如呼小兒可乎上乃許別擇日
受勅余退卽移疾在告人劄子乞致仕力陳所以不可

爲大帥且云此必有建議不容臣於朝者章十餘上悉批答不允且督令受命於是臺臣余應求諫官陳公輔相繼上言余不當去朝廷上皆以爲爲大臣遊說斥去之乃無敢言者或謂余曰公知上所以遣行之意乎此非爲邊事乃欲緣此以去公則都人無辭耳公堅卧不起讒者益得以行其說上且怒將有杜郵之賜奈何余感其言起受命上錄裴度傳以賜余入劄子具道吳元濟以區區淮蔡之地抗唐室與金人強弱固不相侔而臣曾不足以望裴度萬分之一以度况臣實謂非倫且

言諸葛亮出師表謂親賢臣遠小人此先漢之所以興隆也親小人遠賢臣此後漢之所以傾頽也夫君子小人於用兵之間若不相及而亮深以爲言者誠以寇攘外患有可掃除之理而小人在朝蠹害本根浸長難去其患有不可勝言者是以吉甫贊周王以北伐必有孝友之張仲裴相贊唐王以東討必去姦邪之元稹用能成功焜耀圖史君子小人之不兩立從古已然臣竊觀陛下嗣位之初適遭金人入寇宵旰憂勤厲精圖治思刷前恥雖古帝王勤儉之德無以遠過然君子小人尙

猶混淆於朝翁訛成風殊未退黜謂宜畱神照察在於
攘逐戎狄之先朝廷旣正君子道長則所以捍禦外患
者有不難也今取裴度論元稹魏洪簡章疏節其要語
輒塵天聽上優詔寵答宜撫司得兵二萬人而闕馬余
白上曰戎事以馬爲先今乏馬如此無以奪張軍容昔
天寶末封常清出師幽薊人觀之見其軍容不整皆叛
去今臣出師安知無窺覷者所繫國體非細故也事迫
矣請括都城馬給價償之可得數千匹上以爲然令條
具以聞旣而勝於開封府曰宜撫司括馬事屬騷擾可

更不施行其意與前勝同余竊嘆息而已以二萬人分
爲五軍時捷勝軍叛於河北遣左軍往招撫之又遣右
軍屬劉韜時劉韜除宣撫副使乃唐恪所薦余初不知
也又以解潛爲制置副使代姚古以折彥質爲河東句
當公事與潛治兵於隆德府宣撫司兵凡萬二千人余
請銀絹錢於朝廷各百萬纔得二十萬期以六月二十
二日啟行而庶事皆未辦集乞量展行期上批曰遷延
不行豈非拒命余惶懼入劄子辨所以未可行者且曰
陛下前以臣爲專權今以臣爲拒命方遣大帥解重圍

而以專權拒命之人爲之無乃不可乎願并罷樞筦之
任擇信臣委之得乞骸骨因以尙書右丞知樞密院事
宣撫使告勅繳納上封還遣使趨召數四余入見上具
道所以爲人中傷致上聽不能無惑者祇以二月五日
士庶伏闕事今奉命出使無緣復望清光上驚曰卿只
爲朕巡邊便可還闕余奏曰臣之行無有復還之理昔
范仲淹自參知政事出安撫西邊過鄭州見呂夷簡語
暫出之意夷簡曰參政豈復可還其後果然今臣以愚
直不容於朝使臣既行之後無沮難無謗讒無錢糧不

足之患則進而死敵臣之願也萬一有朝廷執議不堅
臣自度不能有所爲卽須告陛下求代罷去陛下亦宜
察臣孤忠以全君臣之義上頗感動乃以二十五日戒
行前期燕於紫宸殿又賜御筵於瓊林苑所以賜勞甚
渥余犒軍訖號令將士斬裨將焦安節以徇初安節隸
姚古帳下在威勝軍虛傳賊馬且至安節鼓扇罪情勸
姚古退師至隆德又勸遁去於是兩郡之人皆驚擾走
散而初無賊馬至是從姚古還闕余召斬之人皆以爲
當翌日進師以七月初抵河陽入劄子以畿邑汜水關

西都河陽形勝之地城壁頽圯當亟修治今雖晚然併力爲之尙可及也又因望拜諸陵具奏曰臣總師道出輦洛望拜諸陵寢潛然流涕恭惟祖宗創業守成垂二百年聖聖傳授以至陛下適丁艱難之秋戎狄內侵中國勢弱此誠陛下嘗膽思報厲精求治之日願深考祖宗之法一一推行之進君子退小人無以利口善譎言爲足信無以小有才未聞君子之大道爲足使益固邦本以圖中興上以慰安九廟之靈下以爲億兆蒼生之所依賴天下幸甚初余陛辭日爲上道唐恪聶山之爲

人陛下任信之篤且誤國故於此申言之上批答有銘
記於懷之語畱河陽十餘日訓練士卒修整器甲之屬
進次懷州自出師後禁士卒不得擾民有趕奪婦人釵
子者立斬以徇拾遺棄物決脊黥配逃亡捕獲者皆斬
以故軍律頗肅無敢犯者嘗以謂步不勝車金人以鐵
騎奔衝非車不能制之有張行中者獻戰車制度兩竿
雙輪前施皮籬槍及運轉輕捷每車用甲士二十五人
執弓弩鎗牌之屬以輔翼之結陣以行鐵騎遇之皆退
遁造千餘兩日肄習之俟防秋之兵集以謀大舉而朝

延降旨凡詔書所起之兵悉罷減之余上疏力爭其大
畧曰臣昨待罪樞府伏蒙陛下委令措置防秋之兵臣
意以爲中國軍政不修幾三十年矣闕額不補者過半
其見存者皆潰散之餘不習戰陣故令金人得以窺伺
旣陷燕山長驅中原遂犯畿甸來無藩籬之固去無邀
擊之威廟堂失策使之割三鎮質親王劫取金帛以億
萬計驅虜士女屠戮良民不可勝數誓書之言所不忍
聞此誠宗廟之羞而陛下嘗膽思報者也今河北之寇
雖退而中山河間之地不割賊馬出沒並邊諸郡寨柵

相連兵不少休太原之圍未解而河東之勢危甚旁近
縣鎮爲賊兵之所占據秋高馬肥虜騎憑陵決須深入
以責三鎮之約及金帛之餘數倘非起天下之兵聚天
下之力解圍太原防禦河北則必復有今春之警宗社
安危殆未可知故臣輒不自揆爲陛下措畫降詔書以
團結諸路防秋之兵大約不過十餘萬人而欲分布南
北□□□霸等二十餘郡中山河間真定大名橫海五
帥府腹裏十餘州軍沿河一帶控扼地分翊衛王室提
防海道其甚急者解圍太原收復忻代以捍金人夏人

連兵入寇不知此十數萬人之衆一一皆到果能足用而無賊馬渡河之警乎今臣被命出使去清光之日未幾朝廷已盡改前日詔書調兵防秋之計旣罷峒丁又罷弓弩手又罷土兵又罷四川福建廣東路將兵又罷荆湖南北路係將不係將兵而京西州郡又皆特免起發是前日詔書所團結之兵罷去大半金人聚兵兩路入寇將何以支吾而朝廷何恃不畱意於此臣竊思之以兵爲不須起者大槩有五川廣福建荆湖之地遠一也錢糧犒賞之費多二也河北寇退天下已無事三也

太原之圍賊馬不多不攻自解四也探報有林牙高麗之師金人牽制可必不深入五也若以川廣福建荆湖之地遠則詔書之下以四月期天下兵以七月當時關報三省何不卽止今已七月遠方之兵皆已在道如復約回是復蹈今春勤王之師約回之弊也一歲兩起天下之兵中道而兩止之天下謂何臣恐朝廷自此不復能取信四方而將士解體矣國之大事在戎宗社安危所係而且行且止有同兒戲臣竊痛之若以謂錢糧犒賞多則今春無兵捍寇致令誤國土地寶貨人民皆爲

所取今惜小費而不爲之備臣恐後來所取又不止於前日也况原降指揮防秋之兵各令齎糧以行則錢糧犒賞之乏自非所患廟堂不深思宗社大計而惜小費臣竊所不取也若以河北寇退天下無事則邊郡日報金人聚兵聲言某月入寇當取某地強敵臨境非和非戰朝夕恐懼其復來天下果無事乎賈誼謂厝火積薪之下而坐其上火未及然因謂之安以今日觀之何止於火未及然殆處於烈焰之旁而言笑自若也若以謂太原之圍賊馬不多不攻自解則自春徂秋攻守半

年曾不能得其實數姚种二帥以十萬之師一日皆潰
彼未嘗有所傷衄不知何以必其兵之不多以爲可以
不攻而自解者臣以謂非愚則誣至林牙高麗牽制之
報理或有之然不可恃彼之不來當恃我之有備則屯
兵聚糧正今日之先務不可忽也今河北河東州郡日
告危急乞兵皆以三五萬爲言而半年以來未有一人
一騎可以副其求者防秋之兵甫集又皆遣罷不知此
何理也若必以謂不須動天下之兵而自可無事則臣
誠不足以任此責陛下胡不遣建議之人代臣坐致康

平而重爲此擾擾也除范世雄所統湖北兵聞已至襄
唐間臣已作奉聖旨令疾速發赴宣撫司外所有餘路
乞依原降詔書起發庶幾不誤國事未報間再具奏曰
近降指揮減罷防秋之兵臣所以深惜此事者一則河
北防秋闕人恐有疎虞一則一歲之間再令起兵又再
止之恐無以示四方大信防秋之計臣前奏論之已詳
請爲陛下更論不可失信之意昔周爲犬戎所侵常以
烽火召諸侯兵恐諸侯之未必至也舉烽以試之諸侯
之兵大集知其試已皆怒而歸其後真舉烽無復至者

去冬金人將犯關詔起勤王之師遠方之兵踴躍赴難
至中途而寇已和有詔止之皆憤惋而返今以防秋之
故又起天下之兵良非獲已遠方之兵率皆就道又復
約回將士卒伍寧不解體夫以軍法勒諸路起兵而以
寸紙罷之恐後時有所號召無復應者矣竟不報上日
以御批促解太原之圍於是宣撫使劉幹制置副使解
潛察訪使張灝旬當公事折彥質都統制王淵折可求
等會議於隆德府期以七月二十七日諸路進兵平定
軍遼州兩路劉幹王淵主之威勝軍路解潛折彥質主

之汾州路張灝折可求主之而宣撫副使制置副使察
訪使旬當公事皆承受御前處分事得專達進退自如
宣撫司自有節制之名特文具爾余奏上以節制不專
恐誤國事雖降指揮約束而承受專達自若也至期出
師解潛與賊相遇於南北關轉戰四日殺傷相當金人
增兵潛軍力不能勝而潰平定汾遼之師皆逗畱不進
其後張灝又違節制用統制官張思正復文水縣已而
復爲賊所奪余亟爲上論節制不專之弊又分路進兵
賊以全力制吾孤軍不若合大兵由一路進會范世雄

以湖南兵至卽薦爲宣撫判官方欲會合親率師以討賊而朝議變矣初賊騎旣出境卽遣王雲曹曦使金人軍中議以三鎮兵民不肯割願以租賦代割地之約至是遣回有許意其實以款我師非誠言也朝廷信之耿南仲唐恪尤主其議意謂非歸租賦則割地以賂之和議可以決成乃詔宣撫司不得輕易進兵而議和之使紛然於道路矣旣而徐處仁吳敏罷相而相唐恪許翰罷同知樞密院事而進用聶山陳過庭李同等吳敏復以內禪事言者謂承蔡攸密旨及初除門下侍郎亦蔡

攸矯制爲之責授散官安置涪州余竊嘆曰事無可爲者矣因入劄子奏狀乞罷初唐恪謀出余於外則處仁翰敏可以計去之數人者去則余亦不能留也至是皆如其策章數上猶降詔批答不允余具奏力道所以材能不勝任者且得昏憤之疾不罷決誤國事并敘曩日楊前之語於是上命种師道以同知樞密院事巡邊交割宣撫司職事召余赴闕且俾沿河巡視防守之具余連上章乞罷知樞密院事守本官致仕行至封邱縣得尙書省劄子有旨除觀文殿學士知揚州時九月初也


余具奏辭免不敢當且上疏言所以力丐罷者非愛身怯敵之故特事有不可爲者難以虛受其責始宣撫司得兵若干今屯駐某處皆不會用始朝廷應副銀絹錢若干又御前降到若干除支官兵食錢并犒賞外今皆椿畱懷州及在京降賜庫具有籍可考按也臣旣罷去恐不知者謂臣喪師費財惟陛下遣使覈實雖臣以不才乞罷願益擇將帥撫馭士卒與之捍敵金人狡獪謀慮不淺和議未可專恃一失士卒心無與禦侮則天下之勢去矣臣自此不復與國論敢冒死以聞旣而果有


言余專主戰議喪師費財者又指言十罪於是遂落職
宮觀責授保靜軍節度副使建昌軍安置又以余上疏
辯論謂退有後言以惑眾聽再謫寧江用舍進退者士
之常此不足道但國家艱難宗社危急扶持天下之勢
轉危爲安幾成而爲庸懦譏愚者壞之爲可惜也殆天
未悔禍生靈未有休息之期命運之行自有數也不然
何以若此余自建昌假道長沙以趨川陝適荆南爲寇
賊所據道梗少畱時都城復爲虜騎攻圍朝廷不通耗者
累月端憂多暇探篋中取自上龍飛余遭遇以來被受


御筆內批及表劄章奏等命筆吏編次之因敘其施設
去就本末大槩若此庶幾傳信於後世時靖康二年歲
次丁未二月二十五日長沙漕廳翠藹堂錄

靖康傳信錄卷之三終

南海譚堃校







道光丁未鑄

東華外史

海山仙館叢書

海山集

東山先生集

通志

庚申外史卷上

明 葛溪權 衡以制編

癸酉元統元年先是歲壬申秋文宗車駕在上都八月疾大漸召皇后及太子燕帖古思大臣燕帖木兒曰昔者晃忽义之事爲朕平生大錯朕嘗中夜思之悔之無及燕帖古思雖爲朕子朕固愛之然今大位乃明宗之大位也汝輩如愛朕願召明宗子妥歡帖木兒來登茲大位如是朕雖見明宗于地下亦可以有所措詞而塞責耳言訖而崩晃忽义者乃明宗皇帝從北方來飲毒

而崩之地燕帖木兒大懼爲之躊躇者累日自念晃忽
必之事已實造謀恐妥歡帖木兒至究治其罪姑秘文
宗遺詔屏而不發因謂文宗后曰阿婆且權守上位王
室妥歡帖木兒居南徼荒瘴之地未知有無我與宗戚
諸王徐議之可也是時燕帖木兒以太平王爲右相禮
絕百寮威焰赫赫宗戚諸王無敢以爲言者逗遛至至
順四年三月上位虛攝已久內外頗以爲言燕帖木兒
始迎明宗皇帝幼子懿璘只班登寶位不發詔不改年
號逾月而崩廟號甯宗旣而燕帖木兒建議欲立燕帖

古思文宗后苦辭曰天位至重吾兒恐年小豈不遭折
死耶妥歡帖木兒在廣西靜江可取他來爲帝且先帝
臨崩云云言猶在耳于是燕帖木兒知事不能已遂奉
太后詔旨遣使去廣取妥歡帖木兒太子來京太子行
至良鄉以郊祀鹵簿禮迎之蓋燕帖木兒欲以此取悅
太子之意旣而燕帖木兒驅馬與太子竝行馬上舉鞭
指示告太子以國家多難遣使奉迎之由太子訖無一
言以答之燕帖木兒心疑懼畱連至六月方始使登位
改元元統元年尊文宗后爲皇太后丞相燕帖木兒加

太師左丞相撒敦爲右丞相伯顏爲樞密院知院唐其勢爲御史大夫撒敦者燕太師之弟也唐其勢者太師之子也徽政院使宦者高麗人禿滿歹兒者首薦高麗女子祁氏于帝祁氏性黠慧有寵于帝秋九月太后謂大臣曰正宮未有人何不選立之衆對曰今太師丞相有女端嚴正大宜爲天下母于是立太師女伯牙吾氏爲后后權臣家女習于驕貴又輕帝年幼見帝寵祁氏心不平之日夜捶楚祁氏幾不勝一夕又跪祁氏于前籌問其罪加烙其體翼日司天奏昨夕火星犯后妃帝

雖不言甚銜之初世祖皇帝家法賤高麗女子不以入宮至是始壞祖宗家法識者知天下之將亂也

甲戌元統二年太師太平王燕帖木兒自帝卽位以來不復畱心政事惟曰溺于酒色收晉邸后爲妻諸公主嫁之者四十餘人有某王位公主嫁及門三日不得見旣而傳旨曰公主且歸我要時來取 燕帖木兒宴趙中丞家男女共坐名爲鴛鴦筵席偶坐中有一婦人顏色甚麗太師目之問曰此爲誰意欲畱之左右告曰此太師幾夫人某氏也由是酒色過度體羸溺血而死

太尉伯顏陞爲右丞相伯顏當帝在廣西來京師宿留汴梁心方不測朝廷權臣意其時伯顏適爲汴梁省左平章提所有蒙古漢軍扈從入京帝深德之旣以扈從功封太尉至是一旦爲相居唐其勢上唐其勢忿曰天下者本我家天下也伯顏何人位居我上或時衷甲帶刀至伯顏家或夜入都人家飲然猛愍無術實無他異謀也

乙亥至元元年四月右丞相伯顏奏曰御史大夫唐其勢與其弟答剌海爲文宗義子者謀爲不軌將不利社

穆有詔捕之唐其勢攀檻不肯出答刺海匿皇后袍下
右丞相復奏曰豈有兄弟謀不軌而姐妹可匿之乎并
執皇后以付有司后呼曰陛下救我帝曰汝兄弟謀害
我我如何救得徐亦絞死于東門外唐其勢旣死命撒
的爲御史大夫立翁吉刺氏爲皇后后乃世宗察必之
曾孫也性莊厚寡言笑號正宮皇后復立祁氏爲次宮
皇后居興聖宮號興聖宮皇后二宮竝爲后自此始
伯顏奏曰陛下有太子休教讀漢人書解人又其閒好
生欺負人往時我行有把馬者久不見問之曰往應舉

未回我不想科舉都是這等人得了遂罷今年二月禮部科舉

丙子至元二年詔徵西域匠刺麻至京禮爲帝師仍以故太師燕帖木兒第賜之

丁丑至元三年以伯顏爲太師答剌罕左丞相封秦王伯顏本剌王家奴也謂剌王爲使長伯顏至是怒曰我爲太師位極人臣豈容猶有使長耶遂奏剌王謀爲不軌殺剌王并殺王子數人初伯顏謀封秦王時或告伯顏曰秦王大名恐不宜居伯顏曰我聞淮東有秦郵我

索秦郵爲秦王非西秦也何不可之有時天下貢賦皆入于伯顏家省臺官多出其門下每罷朝皆擁之而退朝廷爲之空矣禁漢人南人不得持寸鐵賜高年帛禁百姓畜馬有差品官畜馬六月天下謠傳拘刷童男童女民間皆望風成婚河南棒胡者河南散山縣人好使棒棒長六七尺進退擊伎如神遠近聞者稱棒胡其徒弟百餘人有名胡山花亦善棒開州人轆軸李陳州人棒張皆起兵應之河南左丞慶童督兵敗之于鹿邑岡擒之號其岡爲得勝岡伯顏數往太皇太后宮

或通宵不出京師爲語曰上把君欺下把民虐太皇太后倚恃著 彗出紫薇垣數十丈凡十餘日占者以爲應在十五年後至年果驗京師大水朱光卿石崑山亂于廣南之惠州旣而復有李智甫羅天麟亂于閩漳皆討平之

戊寅至元四年詔郡縣舉隱逸士詔修曲阜孔廟 袁州妖僧彭瑩玉徒弟周子旺以寅年寅月寅日寅時反反者背心皆書佛字以爲有佛字刀兵不能傷人皆惑之從者五千餘人郡兵討平之殺其子天生地生母佛

母瑩玉遂逃匿于淮西民家瑩玉本南泉山慈化寺東
邨莊民家子寺僧有姓彭者年六十餘歲善觀氣色一
夕夜雪見寺東約二十丈紅焰半天翼日召其莊老詢
之曰昨夜二更時汝邨中得無失火乎抑有他異事乎
內有一老曰邨中無事惟舍下媳婦生一兒僧遽喜曰
曷與我爲徒弟可乎老遂捨爲僧于是遂以穀帛若干
酬之其子年十歲始送入寺與羣從嬉時預言禍福皆
驗年十五南泉山下忽產一泉甚冽是時民皆患疾疫
瑩以泉水施之疾者皆愈以故袁民翕然事之如神及

事敗逃淮西淮民間其風以故爭庇之卒不爲有司所
捕獲 伯顏與太皇太后謀立燕帖古思而廢帝其姪
脫脫頗聞其謀竊以告其師胡行可行可教之以密告
于帝令帝知之而預爲防 冬十一月河南范孟端反
孟端者河南杞縣人也始爲內臺知班發身掾河南省
臺其人貧無資寡交遊人皆謂不辦事鬱鬱不得志又
久不得補一日大書省壁曰人皆謂我不辦事天下辦
事有幾人袖裏屠龍斬蛟手埋沒青鋒二十春後有守
省御史來與孟端有舊力爲言之乃得補又不幫俸孟

端憾曰我必殺若輩一夕與其黨霍八失等約曰我冬
至日應直省汝四人當以黃臘爲九彈狀佩之稱聖旨
刳鋪馬乘昏夜入河南省臺中堂坐定喚當值掾史來
傳旨我則佯應之曰諾有河南廉使段惟德致仕在家
卽傳聖旨召之使居省中權事餘省官呼入者汝皆傳
聖旨槌殺之凡發號令惟聽我施行如此大事必成可
以得志富貴可共也已而皆如其言是日省憲官置酒
皆醉于家于是平章月魯不花左丞刳烈理問金剛奴
郎中完者禿黑的兒都事拜住總管撒思監司禿滿萬

戶完者不花等喚入皆若使聽聖旨然卽以鐵骨朶自後槌死棄尸後園稱聖旨除孟端爲河南都元帥拘收大小衙門卽自佩平章發兵虎符調兵守城把諸街巷中人不得往來封閉黃河大江渡船使南北毋通發各道兵來聽調孟端在省祭祖去杞縣祭祖墳經五日久用金鼓押諸衙門正官首領官凡若干人斬於市有馮二舍者孟端用爲省宣使使在外給事馮因叩孟端曰幸引我見朝廷官孟端醉不覺吐而言曰何者爲朝廷官我便是也馮覺其僞因隨孟端出竊告省都鎮撫曰

使臣者僞也可閉諸省門勿納我將圖之于是殺孟端
于外時省中猶未信擲其首示之乃開門持兵者入霍
八失等竄竹園中遂俱撲殺之當孟端反時百官俯首
聽命獨歸賜不從孟端曰朝廷以月魯輩有罪別選用
人歸先生不願仕宦耶賜曰有母在堂不願也又曰歸
先生不怕死耶賜曰死生有命元帥遂囚之事敗得出
故天下多歸賜自此始

己卯至元五年冬皇太子生名愛育失黎答臘實興聖
宮祁氏子也郭脫脫妻人皆呼脫脫爲乃公其後脫脫

因奏令正宮皇后子之 十二月伯顏請帝飛放帝疾
不往伯顏固請燕帖古思太子同往遂獵于柳林脫脫
竊告帝曰伯顏久有異志茲行率諸衛軍以行往必不
利于社稷帝幸不與之俱往無奈太子在柳林何卽夕
卽召高保哥月怯察兒與之謀討伯顏卸其軍權于是
先令月怯察兒夜開城門星馳往柳林竊負燕帖古思
太子入城又忌翰林官泄其事時特使平章沙加班召
其館客茫匯氈裏之車中以載之入賜之坐諭以伯顏
罪狀卸其軍權誅之之意使草詔四更使只兒瓦歹平

章及沙只班齎詔向柳林先卸其軍權天明閉大都諸
城上開讀詔書畢御史大夫脫脫踞坐城門上傳聖旨
曰諸道隨從伯顏者竝無罪可卽時解散各還本衛所
罪者惟伯顏一人而已伯顏養子詹因不花知院落失
蠻尙書謂伯顏曰擁兵入宮問奸臣爲誰尙未晚也伯
顏卻之曰只爲汝輩向時與脫脫不和致有今日尙欲
誤我耶情知皇帝豈有殺我之心皆脫脫賊子之所爲
也言未旣又有詔到柳林伯顏除河南省左丞相伯顏
請入辭帝使者不許曰皇帝有命命丞相卽時起行無

入辭伯顏至河南又有詔令伯顏陽春縣安置初伯顏過真定府時父老捧獻果酒伯顏謂父老曰爾曾見天下有子殺父之事父老曰不曾見子殺父但奴婢殺使長蓋暗指伯顏殺剌王事伯顏聞知俛首不語殊有慙色也臺臣奏曰太皇太后非陛下母乃陛下嫡母也前嘗推陛下母墮燒羊爐中以死父母之仇不共戴天乃貶太后安州安置太子燕帖古思瀋陽路安置乃遣云都赤月怯察兒押送瀋陽太子忽心驚知其將殺已也飛馬渡河而去月怯察兒追之拉其腰而死云都赤

者帶刀宿衛之士也太后亦每言帝不用心治天下而
乃專作戲嬉故此舉雖出于權臣實亦帝心之所欲也
尙書高保哥奏言昔文宗制治天下有曰我明宗在北
之時謂陛下素非其子帝聞之大怒立命撤去文宗神
主于太廟并問當時草詔者爲何人遂欲殺虞伯生馬
雍古祖常二人呈上文宗御批且曰臣受勅紀載實不
獲已脫脫在旁因曰彼皆負天下重名後世只謂陛下
殺此秀才故舍之而不問 國初宋江南歸附時瀛國
公幼君也入都自願爲僧白塔寺中已而奉詔居甘州

山寺有趙王者嬉遊至其寺憐國公年老且孤畱一同
同女子與之延祐七年女子有娠四月十六夜生一男
子明宗適自北方來早行見其寺上有龍文五彩氣卽
物色得之乃瀛國公所居室也因問子之所居得無有
重寶乎瀛國公曰無有固問之則曰今早五更後舍下
生一男子耳明宗大喜因求爲子并其母載以歸

庚辰至元六年伯顏行至江西豫章驛飲藥而死殮以
杉木棺寘棺上藍寺中

一云北塔寺

屍水流出戶外人皆掩

鼻過之籍其家數月掘掘不盡米糠數房燒餅至一房

其嗇也如此或言伯顏家畜西番師婆名界界每問來
歲吉凶又問自己身後事當如何界界曰當死于南人
手故其秉政時禁軍器刷馬匹蒙古色目毆漢人南人
不得回手等事皆原于此先是阿父赤大夫完者帖木
兒王二人頗有氣節見伯顏私通太后殺剌王竊相議
曰此人有無君心不除之必爲國家患于是截髮爲誓
私相約曰但得閒卽行之一日伯顏休息于家二人侍
立或言云都赤佩刀乃水總管鑕鐵善刀也阿父赤都
借觀稱善久之伯顏亦欣然起披衣觀之完者帖木兒

王喜于得閒從旁促阿父赤阿父赤懼不敢發完者帖
木兒王疑其中變害已因長跪首曰閒者阿父赤觀刀
時有害太師心伯顏大怒卽摔向前阿父赤跪曰此人
常有害太師心我不從故反告我卽併殺二人而籍其
家其酷虐如此命脫脫爲左丞相益都忽爲右丞相韓
家奴爲御史大夫汪家奴爲樞密使初伯顏旣敗其弟
馬札兒台以誅伯顏有功故繼其位爲首相僅半載于
通州置榻坊開酒館糟坊日至萬石又使廣販長蘆淮
南鹽其子脫脫不以爲然嗾參政佛喜問曰吾父喜君

所行言無不聽曷諫我父使解職閒居不然人將議我家逐其兄而攘其位衆口甚可畏也佛喜問如其言因乘閒諫之馬札兒台果辭職家居封爲太師于是陞益都忽爲首相而已副之焉 詔復行科舉 詔太廟四時祭享賜天下高年粟帛蠲天下租分 右丞相益都忽左丞相脫脫奏曰京師人煙百萬薪芻負擔不便今西山有煤炭若都城開池河上受金口灌注通舟楫往來西山之煤可坐致城中矣遂起夫役大開河五六十里時方炎暑民甚苦之其河上接金口高水河金口高

水瀉下湍悍纔流行二時許衝壞地數里都人大駭遽
報脫脫丞相丞相亟命塞之京師人曰脫脫丞相開乾
河秋河北大水

辛巳至正元年詔選儒臣歐陽元李好文黃縉許有壬
等數人五日一進講讀五經四書寫大守操琴彈古調
常宣文閣用心前言往行欽欽有向慕之志焉大興國
子監蒙古回回漢兒人三監生員凡千餘然祭酒司業
博士多非其人惟粉飾章句補苴時務以應故事而已
凡在諸生日啖籠炊粉羹一人之食爲鈔五兩君子以

監學乃作養人材之地而千百爲羣恣縱恬嬉玩愒歲月以侮嫚嘲謔爲賢行加屏風以障市人入茶酒肆不償直掉臂而去無敢誰何是壞天下人材何作養之有焉曩加孫監生也積分試中累官至秘丞在朝鬱鬱後爲分省右丞一日奉擴廓命入京師議事揚揚過市中大言曰我今日只知有總兵不知有皇帝人聞其言相過問曰此何官人也或曰此是往時國生曩加孫也人皆歎曰此官所言是報當日籠炊也又普賢奴者亦監生也積分中舉歷官至左右司員外郎因奉命至

擴廓軍中留之爲分司部尙書已而京師大饑遣戶部侍郎求糧于擴廓普賢奴知之請與相見因責之曰朝廷遣汝來求糧耶歸語汝丞相朝廷自紅軍禍亂以來前後命總兵官勦捕皆有供給官辦糧料如輦不斑也先帖木兒太不花答失八都祿等是也獨我察罕父子總兵平大河南北山東等處竝不曾費朝廷一毫供給今又起軍肅清江淮亦不索朝廷供給糧料而朝廷反求糧于我耶張志道參政在側因歎曰三十二年天子豈可使無一頓飽飯吃耶遂啓擴廓以山東糧五千運

入京師往往國生所就類如此 樞密院掾史杜遵道
棄去不仕適潁川遂爲紅軍舉首先是伯顏爲丞相馬
扎兒台爲知院遵道爲書生上言請開武舉以收天下
智謀勇力之士馬扎兒台遂補爲掾史旣而知不能行
其業遂棄去後爲賊中舉首

壬午至正二年詔曲阜衍聖公陞秩二品慶元守王元
行鄉飲酒禮詔譯唐貞觀政要二月帝出元載門耕籍
田是年秋監察御史言宦官太盛宜減其額并宮女蓋
時宦者多高麗人爲之也

癸未至正三年鹵簿冕服新成親祀南郊時春二月也
議修遼金宋三史丞相脫脫意欲成之而所費浩大
錢糧經數不足頗以爲憂掾史行文書丞相三卻之掾
史遂與國史典籍謀之數日丞相不喜或曰若非錢糧
無可措畫乎此易耳江南三省南宋田頗有貢士莊錢
糧者各路椿寄累年倉庫盈積有司亦嘗借用之此項
錢糧以爲修史費孰曰不然掾史卽日引見丞相丞相
聞其說甚喜于是奏臣使儒臣歐陽元揭傒斯等于國
史院修撰遼金宋三史 紹興守泰不花行鄉飲酒禮

詔天下立常平倉 河決白茅口 冬十月十有七日
有事于南郊前三日裸于太室拜享于列聖次第至甯
宗前帝問禮儀使曰我兄也彼弟也拜合禮儀否禮儀
使傳旨問博士劉聞對曰甯宗皇帝雖是弟然會承宗
器而爲皇帝時陛下亦嘗作他的臣子來當拜又春秋
時魯國的諸侯有閔公僖公閔公是弟先作諸侯僖公
是兄在閔公後作諸侯宗廟四時祭祀未聞僖公不拜
閔公比這例兒陛下合拜帝乃拜南郊禮畢大赦天下
蠲天下民租五分 詔天下立常平倉先是以五事備

取守令以常平倉得法湊成六事

甲申至正四年春歐陽元揭奚斯等修遼金宋三國史
告成禮部引國史合院官稟右丞相脫脫奏聞脫脫搖
首曰此秀才事我弗知三稟三卻衆皆患之或曰丞相
好美名今此史具列某修丞相見其名不列宜其愠也
盍稟之曰自古前代史書雖以史官秉筆而總裁則歸
一人如唐書則歐陽修總裁資治通鑑則司馬光總裁
今遼金宋三國史幸蒙丞相奏用儒臣某等行其文而
所以掌其事使就緒實賴丞相之力也某等謹以書丞

相爲總裁官丞相幸始終成之以爲一代之盛典豈不可乎于是脫脫大喜卽命掾史具進史儀部鼓吹導從前後輝光自史館進至宣文閣帝具禮服接之觀者以爲近代無之先是諸儒論三國正統久不決至是脫脫獨斷曰三國各與正統各繫其年號議者遂息然君子終以爲非也進史畢大宴羣臣于宣文閣脫脫奏曰給事中殿中所記錄陛下卽位以來事迹亦宜漸加修譔收入金匱上曰朕行事只在給事殿中處之待朕他日歸天去令吾兒爲之可也仍以御圖書封藏金匱自今

不許有所入然不知給事殿中邇來皆公卿膏梁子弟
爲之其實膏然全無所書也故庚申以來三十六年史
事竝廢 馬扎兒台太師告老退居甘州于是有譖言
行其間父子各相疑脫脫因乞致相位願往甘州侍親
詔許之初脫脫謀使其父辭位也嘗奏帝以其父之貪
不可使居大位且密囑帝倘其辭位陛下宜卽許之至
是帝亦因而許之蓋憶其初用詭計也以阿魯圖廣王
爲右丞相以平章帖木兒達識爲左丞相

乙酉至正五年以別怯兒不花爲丞相三月詔曰乃者

天災流行積雨害稼河失故道民罹其殃山東河南尤甚朕夙夜憂惕靖思其由皆朕菲德所致諸方賊盜竊發去限二十日悔過赦之前所免租外被災者全免之已入者準下年之數

丙戌至正六年詔遣使巡行天下黜陟幽明問民疾苦求訪賢俊分十道處之然奉使者類皆脂韋貪濁多非其人惟四川一道得王士熙武子春稍振紀綱餘皆鼓吹而已 命選天下郡守凡其人之官皆陞辭聽旨諭之曰汝守令之職如牧羊然飢也與之草渴也與之水

飢渴勞逸無失其時則羊蕃息矣汝爲我牧此民無使
之失所而有飢渴之患則爲良牧守矣時上方有勵精
圖治之意凡選轉某人爲某官必問曰此人已前行過
事跡果然一一皆善否爲我悉陳之可也 徵處士脫
因伯顏杜本張瑾爲翰林待制或議以爲擢用太峻不
可帖木兒達識曰隱士無求于朝廷而朝廷有求于隱
士識者誦爲名言

丁亥至正七年徵處士張樞不至 朶兒只班爲右丞
相賀太平爲左丞相

戊子至正八年中書省修六條政類成 淮南北大水

己丑至正九年脫脫復入爲相初脫脫侍親居甘州太子愛育失黎達獵與脫脫子加刺張同庚以故加刺張獨畱京師與帝子同嬉殿外愛育失黎使加刺張偕已作老鴉聲旋繞殿墀三市已而復使加刺作老鴉而已負之亦三市加刺跪曰加刺奴婢也太子使長也奴婢不敢使使長負太子怒撻之啼哭之聲聞于帝帝曰誰哭耶左右曰脫脫子加刺張也問何爲而哭之如是左右具以對上喜曰賢哉此子也祁后因啓曰脫脫好人

不宜久在外上遂領之會佛朗國進天馬黑色五名其
項高而下鉤躡之羣馬中若駱駝之在羊隊也上因歎
羨曰人中有脫脫馬中有佛朗國馬皆世間傑出者也
時有奸臣哈麻者在側聞此言以爲脫脫且將入復爲
相也因乘閒游說薦之于帝帝曰彼嘗罪汝杖汝一百
七汝何爲薦之對曰彼雖罪臣當也臣若仇之不當也
何怨之有其實此人好祁后于殿屏後竊聞之陰使人
走甘州召之一夕脫脫至京師乘昏入城然亦未嘗見
帝也祁后伺帝有喜色因誅加刺張于帝前曰汝亦思

汝父脫脫耶加刺張跪曰思之也帝曰脫脫今何在而
汝欲使之見也后起謝曰脫脫離闕久思見至尊今聞
其入城在某處矣上卽使人促之見至則上在樸毛殿
召入正色問曰我使汝侍親甘州誰召汝來耶祁后爲
之失色脫脫徐曰郎主使奴婢侍親今日幸親終服闕
故來爾上遽起抱脫脫相與泣慰之翌日遂有再相之
命 命中書莅祭三皇翰林應奉危素爲之樂章

庚寅至正十年戶部尙書薛世南武子春知脫脫有意
興作蓋爲前相無聞其禮樂文章制度之事漠如也欲

大有爲以震耀于天下超軼祖宗舊法垂名竹帛于無窮也薛世南武子春建言謂至元鈔法經久當變制宜爲中統交鈔交叉臥置貫大與銅錢子母相權竝用脫脫奏用其言立寶泉提舉司鑄至正通寶錢先兩日脫脫丞相率省屬下學勉勵至階祭酒呂思誠下階迎丞相向東坐祭酒西向坐省官列坐丞相下教官列坐祭酒下至是召祭酒至中書省告以將更鈔法事祭酒忽然而言曰丞相毋聽薛武兩少年之言改鈔法非祖宗舊制也丞相若聽之必亂天下後數日盡追奪思誠祭

酒所授宣勅時亦議裁減冗官併省衙門數事或曰呂
祭酒當議之時不措一詞乃議定惟有發怒罵詈而已
春三月河北大雪深三尺 南陽總管莊文昭來言
本郡鴉路有上馬賊百十爲羣突入富家計其家貲邀
求銀爲撒花或刳州縣官庫取輕資約束裝載畢乃拘
妓女置酒高會三日乃上馬去州郡初無武備無如之
何于是始命立天下兵馬分司凡五處然不究其本而
徒事其末終亦不能禁也

辛卯至正十一年歸德知府觀音奴言今河決白茅日

徙而北失其故道當疏塞以爲地利脫脫喜其言命工部尙書成遵往相視焉還言工不可興浩大難成且現今南陽安豐盜賊成羣萬一與挑河人夫相挺而雜起此大亂之機非細事也決不可從脫脫不悅左遷成遵爲長蘆鹽運使更問京畿漕運使賈魯曰汝前爲張秋都水時知河之利害可疏鑿否賈魯澤潞人素有進取志遂應聲曰可因悉言其狀乃奏魯爲工部尙書兼河防使四月二十二日發河南淮南北軍民二十萬其費以億萬計府庫爲空有龔伯遂者小有才汲汲以富貴

爲心進言脫脫曰丞相大興利除害可也然必大有誅
賞始可以懾伏衆情于是起大獄以謀害大臣寘前相
高昌王益都忽并韓家奴于死地未幾刑賞失措又興
挑河工役所在肆虐又併省衙門沙汰吏胥無所容跡
五月潁川潁上紅軍起號爲香軍蓋以燒香禮彌勒佛
得此名也其始出趙州灤城縣韓學究家已而河淮襄
陝之民翕然從之故荆漢許汝水東豐沛以及兩淮紅
軍皆起應之潁上者推杜遵道爲首陷朱皋據倉粟從
者數十萬陷汝甯光息信陽蘄黃者宗彭瑩王和尚又

推徐真逸爲首陷德陽沔陽安陸武昌江陵江西諸郡
起湘漢者推布王三孟海馬爲首布王三號北瑣紅軍
奄有唐鄧南陽嵩汝河南府孟海馬號南瑣紅軍奄有
均房襄陽荆門歸峽起豐沛者推芝麻李爲首芝麻李
者邳州人也值歲饑其家惟有芝麻一倉盡以賑人故
得此名賈魯挑黃河所在廢民業民心不安芝麻李與
鄰人趙君用謀起事曰朝廷妄興土木之功百姓貧苦
無告吾聞潁上香軍起官軍無如之何當此之時有真
男子取富貴之秋也君用者趙社長也曰我知惟某某

可用燕城南彭二其人勇悍有膽略不得其人不可舉
大事也我當爲汝致之卽訪其家入門見其人方礪斧
斤謂之曰汝礪斧斤將何爲耶彭二云州縣云有賑濟
日日伺之實悞事飢無得食我將伐薪入城換米喫可
以度日官府不足信也君用曰噫我視汝膂力過人何
處不得一頓飽飯吃耶因作色曰汝能從我謀事豈但
衣食而已富貴從汝彭二卽解其意應曰其中有芝麻
李乎曰有有我當從之遂引見芝麻李喜得八人歃血
同盟于是年八月十日伴爲挑河夫日夜倉皇投徐州

城夜留城中門卒拒之則曰我挑河夫也借一宿何傷其半夜因突入一半在外一半在內夜四更城內四人執四火城外四人亦執四火應之旣而復合爲一處城內納喊一聲城外接應一時城中大亂四人者遽奪軍器亂殺外四人因而得入同聲叫殺民久不見兵革一時見亂殺皆束手從命天明又樹大旗募人爲軍從之者亦百餘萬浮橋四出掠地亦奄有徐州近縣及宿州五河虹縣豐沛靈壁西井安豐濠泗事聞朝廷省吏抱牘題曰謀反事至脫脫前觀其牘改題曰河南漢人謀

反事識者知元朝不能有天下矣河南漢人可追乎其
後張士誠起于淮海趙明遠起于徐州毛貴起于山東
明元帥起于四川獨本朝龍興淮南卽以建康爲天下
根本東征西伐南誅北討四海人心歸附皆有後後來
蘇之望元朝之國祚可盡矣先是童謠曰富漢莫起樓
貧漢莫起屋但看羊兒年便是吳家國迨本朝定都建
康築壇于建康南門郊天受命改元朝至正二十七年
爲吳元年實丁未歲也豈不驗哉天命有所歸豈人力
之所能爲耶 朝廷聞紅軍起命樞密院同知赫廝禿

赤頌阿速軍六千并各支漢軍討頌上紅軍阿速者綠
睛回回也素號精悍善騎射與河南行省徐左丞俱進
軍其三將但以酒色爲務軍士但以標掠爲營于勦捕
之方漫不加省赫廝軍馬望見紅軍陣大揚鞭曰阿卜
阿卜阿卜者言走也于是所部皆走至今淮人傳以爲
笑其後赫廝死于上蔡徐左丞爲朝廷所誅阿速軍不
習水戰不服水土病死者過半 十二月布王三陷鄧
州南陽

壬辰至正十三年正月孟海馬陷襄陽徐真逸陷湖廣

其將會元帥陷安陸江陵脫脫爲相諱言中原兵亂而
哈麻媒孽其過帝召脫脫怒責之曰汝嘗言天下太平
無事今紅軍半宇內丞相以何策待之脫脫汗流浹背
未幾自請督軍下徐州兵出有淮東元帥遼善之者上
言官軍不習水土宜募塲下鹽丁可使攻城又有淮東
豪民王宣者亦上言鹽丁本野夫不如募城墅趨勇慣
捷者可以攻城前後各得三萬人皆黃衣黃帽號曰黃
軍脫脫知城有可克之狀下令諸將各勵乃事我至卽
攻之須臾脫脫至一鼓攻之遂夷其城又調阿吉剌太

尉攻汝甯汝甯紅軍懼退保亳州阿吉刺攻平汝甯城
赫廝旣死朝廷別命鞏卜班平章爲將領侍衛漢軍合
愛馬韃靼軍合數萬衆屯汝甯沙河岸日夜沈溺酒色
醉臥不醒敵人偷營逃失大將所在次日閔死人得其
尸死人中師遂退數百里屯項城縣又命御史大夫也
先帖木兒代爲總兵凡精兵三十餘萬金銀物帛車數
千輛河南北供億萬計前後兵出之盛無如此者也先
帖木兒駐軍河沙未及兩月軍中夜驚也先盡棄軍資
器械糧運車輛山積僅收散卒萬人直抵汴城下時文

濟王在城頭遙謂之曰汝爲大將見敵不殺何故自潰
吾將劾汝此城必不容汝也遂離城南四十里朱仙鎮
屯焉朝廷乃命蠻子平章代之也先徑歸燕京抵暮入
城明日仍爲御史大夫當時官軍不足用類如此故王
宜建言募鹽丁豈亦識時務者歟而十數年前見機最
早者惟杜遵道一人也 賈魯治黃河疏凹里邨塞黃
龍江口立回龍廟于岸上水由故道行 脫脫議軍事
每迴避漢人南人時方入內奏事回頭中書韓伯高韓
大雅隨後來遽令門者勿納奏曰方今河南漢人反宜

榜示天下令一槩勦捕諸蒙古色目因遷謫在外者皆
召還京師勿令註誤于是榜出河北之民亦有變而從
紅軍者矣 中書左司郎中田本初言江南漕運不至
宜墾內地課種昔漁陽太守張堪種稻入百餘頃今其
跡尙存可舉行之于是起山東益都般陽等一十三路
農民種之秋收課所得不償所費次年農民皆散罷去
冬復立庸田使司于江南 咬住平江陵答失入都魯
平襄陽

癸巳至正十三年脫脫奏用哈麻爲宣政院使哈麻旣

得幸于上陰薦西天僧行運氣之術者號演揲兒法能
使人身之氣或消或脹或伸或縮以蠱惑上心哈麻自
是日親近左右號倚納是時資政院使隴卜亦進西番
僧善此術者號秘密佛法謂上曰陛下雖貴爲天子富
有四海亦不過保有見世而已人生能幾何當受我秘
密大喜樂禪定又名多修法其樂無窮上喜命哈麻傳
旨封爲司徒以四女爲供養西番僧爲大元國師以三
女爲供養國師又薦老的沙巴郎太子答刺馬的禿魯
帖木兒脫懽孛的蛙麻納哈出速哥帖木兒薛答里麻

十人皆號倚納老的沙帝母舅也巴郎太子帝弟也在
帝前男女裸居或君臣共被且爲約相讓以室名曰些
郎兀該華言事事無礙倚納輩用高麗姬爲耳目刺探
公卿貴人之命婦市井臣庶之儷配擇其善悅男事者
媒入宮中數日乃出庶人家喜得金帛貴人家私
竊喜曰夫君隸選可以無室滯矣上都穆清閣成連延
數百間千門萬戶取婦女實之爲大喜樂故也脫脫
平徐州以得芝麻李奏功旣而陰構朝旨令班師使者
六七返帝始令月怯察兒代之月餘始獲芝麻李械送

京師脫脫密令人就雄州殺之 潁川沈邱探馬赤察罕帖木兒與羅山縣典史李思齊集衆號義兵克復羅山縣州奏功朝廷授察罕羅山縣達路花赤授李思齊縣尹上曰人言國家輕漢人如此果輕漢人也下吏部再議于是察罕授汝甯府達路花赤思齊知府 冬十二月二十七日天鼓響于東北

甲午至正十四年正月汴水花冰二月朔日食 張士誠起兵泰州劉福通襲據高郵截南北路 倚納十人與帝竊議脫脫在京不可于是謀令太史王監承奏連

夕相星犯帝座自是帝疑脫脫脫脫始無援矣內無后
援而外有倚納十人之譖識者皆知脫脫不返矣 秋

八月二日脫脫總天下兵出征高郵天下想望其來兵
圍高郵三日中書右丞相哈麻諷御史大夫以老師費
財彈擊脫脫帝信其言詔卸脫脫兵權淮安安置令樞
密院老張代之當是時脫脫權重內握朝柄外總兵馬
以指揮天下天下希其有功兵圍高郵日事攻擊矢石
雨注城中幾不支日議降附又恐罪在不赦圍者亦指
日收功忽有詔旨來卸軍軍中聞之皆大哭當詔未開

讀時龔伯遂進曰始丞相出師時親奉帝玉音以爲在
後事體朕再有密旨來今丞相在軍止奉皇帝密旨一
意進取可也詔書且勿聽事既久小人讒言自然明白
矣且將在軍君命有所不受爲是故也脫脫搖首曰不
可詔我而不從是與帝相抗拒也遂從詔大軍百萬一
時四散先是諸大臣子弟領軍從行者哈麻歷告其家
陰遣人先來軍中曰其長曰詔書且至不卽散者當族
誅故散之之遽如此其散而無所附者多從紅軍如鐵
一軍入襄陽號鐵甲吳者是也脫脫在淮安一月詔復

使西行鵠死于吐蕃境上是時高郵危困已甚脫脫分
兵定真州六合及將攻徐濠遠近凜然國勢漸張而
哈麻邪謀誤國遂至危亡不救可勝惜哉 是歲省吉
大夫以舟師自安慶征湖廣至湖口適與蘄黃之紅巾
遇風勢不利敗績死之紅巾遂順流而下攻安慶爲義
兵所破大敗南還旣而蠻子海牙中丞復總水軍義軍
南征破黃連大寨徐真逸等遁入黃梅山中及沔陽湖
中官軍盡復武昌等處未幾盡抽軍下據廬州官軍勢
退而賊勢復熾矣 亦憐只班丞相以馬步軍由江東

援江西至龍興逾月而卒左丞火爾赤代總其兵攻臨
江復瑞州進攻袁州與歐軍相持數年不決又卒後敗
亡

庚申外史卷上終

番禺孟鴻光校

庚申外史卷下

明 葛溪樞 衡以制編

乙未至正十五年湖廣苗軍聽調營于汴梁東其帥吳太保死裨將陳生叛入西京遂陷陳州許州西至虎牢關答失八都魯討平之以汪家奴爲右丞相鼎住爲左丞相哈麻爲平章數月鼎住薨哈麻陞爲右丞相其弟雪雪爲御史大夫倚納十人皆進職立興聖宮祁后子愛育失黎答臘爲皇太子命翰林學士行冊詞有曰家法曰齊心法曰正又曰存心養性者守身爲事親

之大任賢去邪者知人爲安民之效勿謂昊穹之高一誠意而庶徵應勿謂宮廷之奧一善言而萬方知與治同道則唐虞之俗可還主善爲師則舜禹之域斯至君子以爲徒訓也 劉福通刦敗答失入都魯長葛營趙明遠陷嵩汝以及洛陽 明元帥入四川陷之自稱蜀王香軍陷安里二日陷和州三日破廬州宣讓棄城浮海還燕香軍遂乘勝渡江破太平建康甯國遂據江東旣而池州安慶尋復皆沒

丙申至正十六年哈麻旣得相位醜前所薦西天僧所

爲恐爲當世及後人所非議乃以他事杖西天僧一百
七流于甘州僞若初未嘗薦之者又私念以爲前薦西
天僧時甚秘密惟妹婿禿魯帖木兒知之莫若併去之
以滅其口乃謬謂其父篤魯國公曰我兄弟二人一薦
而爲丞相一爲大夫皆祖宗德澤但妹婿禿魯帖木兒
在上前近行慢褻無禮爲天下士大夫所議笑我兄弟
何面目見人盍除之以爲我利不意其妹于屏間竊聞
之急歸告其夫翌日有旨哈麻伏入臺陽又有旨跟隨
哈麻人吏都散又有旨令哈麻出城又有旨哈麻安置

惠州雪雪安置太甯中途皆杖殺之上始悟哈麻譖脫
脫令脫脫骸骨還京師 河南行省平章太不花軍南
陽嵩汝招降叛民百萬軍聲大振其秋下唐隨安陸沔
陽德安以及蘄陞爲河南行省左丞相賀太平再入朝
爲右丞相初大理宣慰司同知達失人都魯爲四川參
政引兵自巴蜀來先復襄陽均房調入中原獨有功至
是陞河南行省平章兼知行樞密院是歲本朝起建康
張士誠據平江 危素爲司農司丞于京師雄霸等州
屯聚糧以給京師號曰京糧爲浙西被陷汴口不通故

也

丁酉至正十七年詔答失入都魯至京師帝見之私謂
侍臣曰此人死期至矣罷還軍先是太不花軍士失律
刼掠汴民臺御史彈之有旨鉅其軍褫其職以白衣聽
達失調至是復命爲湖廣省左丞相仍提軍前往征山
東毛貴答失入都魯率本部兵渡河征曹州盛文郁于
是二將皆渡河五月汴梁大饑守臣失烈門知院遁
紅軍劉福通自稱太保入據之迎其主小明王于亳州
入都于汴梁之皇城其軍分三支關先生破頭潘馮長

勇沙劉二王士誠入晉冀由朔方攻上都白不信大力
款李喜喜趨關中毛貴兵合田豐趨大都而帝方與倚
納十人行大喜樂帽帶金佛字手執數珠又有美女百
人衣瓔珞品樂器列隊唱歌金字經舞雁兒舞其選者
名十六天魔復命答失入都魯駐兵曹州未幾死子亨
魯帖木兒代領其衆愛詔鎮守西京答失入都魯旣死
其部下察罕帖木兒兵勢甚盛命爲刑部侍郎號長槍
侍郎毛貴由海道得海船長驅破益都義兵黃軍下萬
戶田豐叛入紅軍遂破東昌東平大名等處 罷商稅

罷寶錢提舉司 四月陳友諒陷安慶余闕死之余闕
三上宰相書不達援兵不至故城陷而死之

戊戌至正十八年太不花忿賀太平本漢人而居相位
已乃勤勞于外表索賀太平軍前供給怒朝廷不從駐
兵彰德玩寇不進賀太平以計殺之于保定併害其子
壽童駙馬以紐的該爲添設丞相 山東毛貴兵由濟

南犯直沽去京師百二十里京師大震值太不花裨將
劉哈剌領兵自晉冀來大戰卻之哈剌以功由尙書陞
平章義兵察罕帖木兒以八月克復汴梁小明王遁入

安豐關先生沙劉二破頭潘等由大同直趨上都焚毀
宮殿望虎賁司犯大甯虎賁司去上都二百里世祖皇
帝所立三十六屯在焉先是大雪人跡不通至是雪晴
暖氣如春 西京李羅饋京師數千車 帝嘗爲近侍
建宅自畫屋樣又自削木構宮高尺餘棟梁楹榱宛轉
皆具付匠者按此式爲之京師遂稱魯般天子內侍利
其金珠之飾告帝曰此房屋比某人家殊陋劣帝輒命
易之內侍因刮金珠而去祁后見帝造作不已嘗挽上
衣諫曰使長年已大大子年已長宜稍息造作且諸夫

人事上足矣無惑于天魔舞女輩不自愛惜聖躬也帝
拂然怒曰古今只我一人耶由此兩月不到后內宮祁
后亦多蓄高麗美人大臣有權者輒以此女送之京師
達官貴人必得高麗女然後爲名家高麗婉媚善事人
至則多奪寵自至正以來宮中給事使令大半爲高麗
女以故四方衣服鞋帽器物皆依高麗樣子此關係一
時風氣豈偶然哉 帝嘗謂倚納曰太子苦不曉秘密
佛法秘密佛法可以益壽乃令禿魯帖木兒教太子秘
密佛法未幾太子亦惑溺于邪道也噫 陳友諒陷江

西龍興司徒道童左丞火而赤總管安謙棄城從西門走撫州陷瑞州守臣臨江同知給事中死之至臨江守臣定住降之陷吉安宣差尙書總管海尙書皆死之陷撫州達兒花赤兒者完帖木兒被獲不屈死之陳友諒乘勢下江南至太平殺徐真逸于舟中而自立旣而大敗于金陵南還後于江州建都焉

己亥至正十九年破頭潘關先生趨金甯焚魯王宮府駐居遼陽賀太平當相位奏用其子也先勿都時也先勿都爲詹事以爲總兵大將軍取遼陽太平意謂關先

生破頭潘自晉冀西京歷上都軍常無畱行其破遼陽
必不能守可以取遼陽則其子功成至則關潘軍日治
戰馬一無退意也先勿都畏之縮跡不前竟潰而歸乘
夜入城仍陞爲翰林集賢學士先是太平嘗養聲譽用
成遵蕭庸趙中等布列省部遵等亦俛首從之及也先
勿都敗還反以功陞爲學士相與歎曰朝廷賞罰無章
紀綱埽地乃至如此將陳其罪親近者竊以告太平太
平頗以爲憾京師大饑民殍死者幾百萬十一門外
各掘萬人坑掩之鴟鴞百羣夜鳴至曉連日乃止又居

庸闕子規啼太子召指空和尚問民饑饉何以療之指
空曰海運且至何憂秋福建運糧數十萬至京師先是
朝廷以張士誠內附封爲太尉且以歲饑遣使督海運
糧儲于京師時張士誠據浙西方國珍據浙東有船二
家攻戰不和糧竟不至賴福建濱海又爲王土獨能運
糧至京師由是京師民再活當元統至元間國家承平
之時一歲入糧一千三百五十萬八千八百八十四石
而浙江四分強河南二分強江西一分強腹裏一分強
湖廣陝西遼陽一分強通十分也金入凡三百餘錠銀

人凡千餘錠鈔本出一千餘萬錠絲入凡一百餘萬斤
縣入凡七萬餘斤布帛凡四十八萬餘匹而江浙常居
其半及張士誠有浙西方國珍有浙東而京師索然識
者以爲元之氣數不推可知也 指空者西天刹帝利
王第三子狀貌魁梧不去鬚髮服食擬于王者居京師
四十年習靜一室未嘗出門王公貴人多見呵斥雖帝
亦不免年百八歲而死 甘露降文宣王廟樹上凝如
白霜啖之味甜 黃河清鄭州長數里 貴赤衛韓僉
事家次子死數年長子又爲孛羅所拘于西京父母悲

歎失二子且貧老無以爲食早夜哭泣方哭之際忽聞
次子來告曰吾兄將西京麪來且至父母可勿憂已而
果然自此以後往來聞其言語如生人者半年其家小
兒盡見其容貌服色而長者但聞其聲一日來告父母
曰阿爺阿娘可遷西房兒欲居東房以某日娶女其日
小兒果見筵席賓客甚盛又聞歌舞雜劇之聲者數日
其京師之不祥者有如此 建清甯殿外爲百花宮環
遶殿側帝以舊例五日一移宮不厭其所欲又酷嗜天
魔舞女恐宰相以舊例爲言乃掘地道盛飾其中從地

道數往就天魔舞女以晝作夜外人初不知也 帝又
造龍舟巧其機括能使龍尾鬣皆動而龍爪自撥水帝
每登龍舟用絲女盛粧兩岸挽之一時興有所屬輒呼
而幸之又令諸嬪妃百餘人皆受大喜樂佛戒太倉積
粟盡入女寵家百官俸則抵支茶紙雜物之類 冬十
二月左丞相成遵參政趙中蕭庸等六人丞相賀太平
誣以賊罪皆杖一百流死先是祁后與太子謀求內禪
使宦者樸不花邀賀太平贊帝遜位于皇太子賀太平
懼不敢從復邀太平用其黨數人又不許太子銜之太

予一日倡言于中書省堂曰我所用者汝皆沮之汝所用者今皆以賊敗何也太平對曰所知者才也故用之所不知者心也雖父子之間亦不能保其無私也太平于是稱病求免相位初祁后與太子謀內禪賀太平既不允其事后謂太子曰太平不可使居相位有元良歹其人與汝無所可否今以總兵居真定宜勸上召還京師當以代之庶幾汝事可成也旣而果有旨召還京師太平覺其有謀嗾臺官劾其罪有旨令元良歹居興州逾月以無疾卒太子疑太平害之怨之愈深

庚子至正二十年春二月九日以賀太平爲太保罷相
是月搠思監爲右丞蓋老的沙所薦也初上罷賀太平
謀相于老的沙欲自爲之而難于發言遂薦搠思監帝
以搠思監爲右丞相老的沙爲大夫老的沙恃有薦相
之恩數有請于搠思監搠思監不答二人遂成隙搠思
監恃有祁后太子之援老的沙恃有皇帝母黨之戚于
是構怨日益深矣 夏五月朔日有食之魯王阿魯輝
帖木兒擁兵數萬傳檄問京師之罪有曰祖宗付汝以
天下今何故失天下大半汝不可居祖宗大位將國璽

送與我我當代汝爲之帝聞之顏色不變徐曰他果有
天命我何不避之有乃命樞密知院哈麻刺朶兒只禿
監帖木兒八里顏逆擊之復起哈麻赤萬人爲軍哈麻
赤臨陣皆脫號衣從宗王與合勢追奔百里三知院單
馬遁入上都破頭潘關先生沙劉二軍入高麗王京
高麗王奢耽羅其臣納女請降將校皆以女子配之軍
士遂與高麗如姻婭恣情往來高麗人因而各藏其馬
于林中一夕傳王令除高麗聲音者不殺其餘竝殺之
沙劉二關先生皆死惟破頭潘裨將左李率輕騎萬人

從間道走西京降孛羅聽調已而又降擴廓初賀太
平辭相時帝賜以金帛駝馬使之歸老于故所生之地
太平既出京城沿途畱宿不進撻思監疑其徘徊顧盼
猶有希進之心諷御史彈之誣以謀害大臣并其子也
先忽都殺之于野馬川

辛丑至正二十一年帝更命老張少保率兵四十萬擊
宗王阿魯輝帖木兒老張軍未至宗王黨有脫懽知院
者內叛擒宗王獻京師宗王臨死罵不絕口舊例宗王
有罪大故用弓絃絞之名曰賜死至是帝特命殺之

陳友諒者徐真逸之臣也已而握權篡其位沈真逸于江有湖廣江西之地建都于江州至是大軍克江州友諒走武昌其僞守龍興者以江西降時八月二十四日也九月命察罕征山東山東自毛貴死其將爲復仇殺趙思用國內大亂花馬王田豐埽地王互相攻察罕乘之破其冠州東昌濟南諸郡進圍益州田豐來降豐時提兵在穆陵關使人來言總兵如不信我心且不與總兵相見當爲平沿海諸城然後相見未晚也察罕喜卽以朝命授豐爲山東平章且重犒其所部已而沿海

登萊沂密等皆降附田豐遂與察罕相見益都城西時
察罕方調兵攻圍益都俾田豐軍塞益都南門爲營圍
數日田豐頻往察罕營議事見其待朝廷使者甚簡傲
又所施設多術數無忠誠心田豐乃忿曰我以山東地
降汝又爲汝平海上諸城之不同心者誠以汝爲元朝
中興人物也今若此是漢室之曹操耳使汝爲曹操我
豈不能自爲之耶于是與同儕王士誠私謀曰十五日
察罕必巡兵圍我預椎牛釀酒至日設席邀其一切幕
官大小部帥酒行汝選驍勇者帶刀若供給然兩人夾

一人以擊鼓爲令自察罕以下皆殺之謀既定察罕于十四昧時從馬騎二人來田豐營王士誠卽埽地王也其人躁勇見察罕輕身出意謂得閒帶刀入侍田豐目之使退其人誤謬以爲使之行其所謀轉身自察罕後揮刀中其肩田豐知其不可止遂擊鼓三城中聞遂開門納田豐軍遂擁察罕入城城中人復推察罕爲主以拒朝廷田豐不允已而察罕死有王保保者察罕甥也嘗養爲子察罕入城之夕諸校惶惑不知所從軍中頗有異論同僉白瓚住乃察罕舊人有機識遂倡言曰總

兵奉朝廷命討逆寇總兵雖死朝命不可中止況今總制官王保保曾爲總兵養子朝廷又賜其名擴廓若立以爲主總兵雖死猶不死也于是率先下拜衆亦皆拜人心始定先是有白氣如小索起危宿長五丈餘埽太微帝命占之占曰山東當有大水帝曰不然山東當失一良將卽馳書戒察罕毋輕出察罕忽之故及于禍帝聞其死哭之慟孛羅帖木兒聞之在西京亦哭曰察罕若在我省用多少氣力中原聞察罕死婦人小兒皆爲流涕

壬寅至正二十二年太子酷好佛法于清甯宮殿置龍
牀中坐東西布長席西番僧高麗僧列坐滿長席太子
嘗謂左右曰李先生教我讀儒書許多年我不省書中
何意西番僧教我佛經我一夕便曉李先生者乃狀元
李好文也太子初學書甚遒勁其後放蕩無拘檢專喜
臨宋徽宗字帖謂之瘦筋書或告之曰徽宗乃亡國之
君不足爲法太子曰我但學其筆法飄逸不學他治天
下庸何傷乎 冬擴廓克益都誅田豐王士誠等餘黨
械歸京師

癸卯至正二十三年老的沙提調京北口白祿等卹千
餘頃號內府稻米供給女寵併倚納等非奉旨不得擅
支 祁后宗族在高麗者多蒙官爵封號出則恃勢驕
橫強奪人田舍子女高麗王屢戒之不改王不勝怒盡
殺祁氏一家至是后聞之謂太子曰兒年長盍爲我雪
此恥時高麗王昆弟有畱京師者乃議立搭思帖木兒
爲王而以祁族子三寶奴爲元子以將同知崔帖木兒
爲丞相以兵萬人送之國至鴨綠江爲高麗兵所敗僅
餘十七騎還京師秋七月大兵克廬州守將左君弼遁

淮西降附 野鴿巢興聖宮數年蕃息數千驅之不去

網之不盡君子以爲興聖宮祁氏之宮也蒙古以韃靼氏爲父翁吉利伯牙吾氏爲母家法相承至七八傳矣一旦家國將亡家法先變帝母回回氏太子母高麗氏此野鴿所以來巢有開必先應也 初庚子辛丑之歲李察罕與孛羅常構兵爭晉冀之地帝以晉冀分屬兩家且諭之曰土皆王土也民皆王民也何爭之有而資政院使朴不花與丞相撾思監相爲表裏專一貪黷無厭祖南北兩家賂遺厚薄而啖之以密旨南之賂厚則

謂南曰帝有密旨令汝併北而有之北之賂厚則謂北

曰帝有密旨令汝併南而有之以此兵禍纏綿不解監

察御史傅公讓

一云子敬

率同寮彈此二人后謂太子曰朴

不花是我資政院老大者看家貧人也臺家何無情而
欲逐之汝不能爲我主張耶太子曰阿婆無憂我盡有
主張明日貶傅公讓吐蕃其餘臺官皆外除惟老的沙
在臺而已旣而新除臺官陳祖仁等十餘人又彈劾二
人事又外除之旣而諸道臺憲皆以爲言于是太子怒
欲并去其老的沙老的沙畏禍隨入孛羅軍中孛羅知

其冤藏老的沙于後寢朝廷圖形徧求之不可得朴不
花見臺憲彈劾不行與其黨謀曰十八功臣家子孫朝
夕在帝左右我與汝等日之所爲渠必得知臺家亦必
知之終當爲我不利樸思監曰彼皆老的沙黨也老的
沙旣爲孛羅所庇必請兵來犯京師十八人爲內應社
稷能無危乎遂執十八人送資政院問其謀害太子之
狀十八人不勝苦楚皆自誣服未幾太子得咽喉疾甚
亟左右曰願釋十八人之冤太子之疾可無禱而免樸
思監聞其言令出十八人皆安置外郡途有死者有以

賄免者其後李羅入京師俱召還 宏農盧氏山移五
六里 八月陳友諒兵與大兵大戰于鄱陽湖中箭而
死大兵遂進圍武昌其子理出降湖廣荆襄諸郡皆歸
附 陳友諒之篡位徐真逸也僭號大漢改元大義天
完至是亡

甲辰至正二十四年三月四日申酉時黑氣圍日外有
兩耳引白氣一道貫日四月知樞密院禿堅帖木兒領
兵犯京師禿堅帖木兒初與丞相也先不花俱屯兵西
方禿堅曾往也先屯擡飯也先自恃尊屬不受禿堅忿

然坐也先不花營門外呼軍士共啖之也先不花患其
爲人剛果不測譖其有異志遂差五府官訊之禿堅怒
曰我有何罪五府來問我于是拘五府官告孛羅曰朝
廷爲佞臣作弄至尊更無公論至此我當擁兵入京問
此舉爲誰禿堅軍將行朴不花搆思監稱詔書謂孛羅
與禿堅帖木兒同反削孛羅兵柄詔到孛羅營孛羅手
裂之囚使者禿堅軍至燕京太子出古北口宜興州以
避之禿堅遣人奏帝曰我無負國家國家負我我非犯
闕願得好臣二人而已帝不得已以搆思監朴不花付

之二人囚首至營中禿堅爲之加帽易衣置糊思監中座朴不花側坐拜朴不花與糊思監交跪禿堅奏帝求擅自執縛大臣赦又求稱兵犯闕赦已得二赦然後釋兵入見帝哭曰左右蒙蔽陛下非一日矣禍及忠良倘循習不改奈天下何吾執此二人去也陛下亦宜省過卓然自新一聽正人君子所爲不可復爲邪說所惑然後天下事可爲祖宗基業可固守也帝但唯唯而已遂執此二人詣孛羅厚禮之逾三日始問以濁亂天下之罪復笑而問糊思監曰我前時賂汝七寶數珠一串今

何不見還因取似此者六串來送還李羅見之曰皆非我家故物也不要復追前物果取故物來方是李羅怒曰在君側者貪婪如此我何可以坐視而不清之乎遂殺此二人復舉兵入清君側七月二十五日遂與老的沙禿堅帖木兒擁兵俱來屯大都門外人見帝奏曰國家所用人皆貪婪輒弱不足以濟天下大事願召也速除爲右丞相臣爲左丞相禿堅不花爲樞密知院老的沙爲中書平章如此同心竭力整治庶政遂執讒佞數人并倚納九人皆殺之逐西番僧罷諸造作時方修築

宮牆立爲罷之散驅祁后出宮屏居厚載門外是時白
瓚住駐軍廬州溝因挾太子遁入擴廓軍中孛羅始見
帝退謂老的沙曰我平生不怕天下一人今見上使人
似不能言者何耶豈天威若是今後凡省中事無大小
你可與我奏陳去也孛羅入京前一日有大風從西來
黃塵蔽天人馬皆立足不定自西自東止于更鼓樓西
孛羅入住宅適在其處初削孛羅兵權時柳思監召
承旨張翥草詔翥曰此大事非見主上不能爲之執筆
乃更詔參政危素就相府客位草之草畢過中書郎中

曰我恰了一件好勾當爲朝廷草詔削李羅兵柄此正撥亂反正之舉也郎中曰此舉莫非撥正反亂也客有暢勲在座因曰撥正反亂其猶裸體縛虎豹者也李羅至京師聞之召危素貴之曰詔從天子出柵思監客位豈草詔之地乎素無以對欲將出斬之左右解曰當時素以一秀才豈敢與丞相可否乎遂止之 祁后初出厚載門外居造作提舉司局中或言李羅因夜巡警至后所畱宿故后復得入宮 雷擊延春閣西脊 大兵攻江西諸山寨攻贛州陳友諒故將熊平章拒守自冬

十月至次年正月始降遂定閩廣之地袁州歐道人亦歸款率其屬歸金陵

乙巳至正二十五年祁后納女孛羅約以某日成婚孛羅促后后曰斷送之物未畢工孛羅曰女先至斷送之物後至可也乃先兩日成婚孛羅自入京納女四十餘人早食必同坐共食廚中每早辦飯四十品隨諸夫人索食其入朝時諸夫人盛飾餞行各進酒一卮荒于酒色銳氣銷耗矣 擴廓分兵爲三駐大都城外遙制孛羅而不與之挑戰其白瑣佐領一支在通州者孛羅命

其將姚百與之戰一百被擒李羅不勝怒自將兵與之戰至通州取一女子不戰而還五月七日天雨白毛長尺許細如馬鬃或諛于帝曰此龍鬚也帝乃命收而閤之祀之如神六月二十七日天雨魚長尺許城中人家皆取而食之七月李羅索帝所愛女子帝曰欺我至此耶有秀才徐施畚者居家好奇謀而平生憤漢人不得志于當世故難仕進至是命爲待制帝欲殺李羅與之謀與謀者六人曰洪保保火兒忽答上都篤金那海和尚帖木兒不花六人中選驍勇善刀者皆挾

刀在衣中外皆寬衣若聽事伺立延春閣東古桃林內
時孛羅早朝小飯畢將上馬回去舊例丞相將上馬帶
刀侍衛之士疾趨先出上馬候丞相出諸衛士起立于
馬上丞相就騎然後衛騎翼丞相以行當時丞相出預
謀挾刀者見其不得便相顧曰今日又罷了徐施畚耜
手曰未也忽有報捷音者自西北來平章失烈門謂孛
羅曰好消息丞相宜奏去孛羅推失烈門失烈門強孛
羅偕行至延春閣側有杏枝自上垂梢冒孛羅帽而墮
之失烈門遽爲拾之孛羅曰咄今日莫有事已而又有

一人突然橫過其前。李羅方貽視，呼失烈門曰：「平章，此人面生，言未訖。」一人批其額。李羅以手禦刀，遽呼曰：「我帶刀者何在？」有一人斫其左耳而死。遂譁傳曰：「瑣住軍在西宮裏，老的沙亦被傷而出。」李羅騎士問曰：「我那顏久不出來，何也？」老的沙謬曰：「你那顏又發酒風，恰斫我一刀。」老的沙行稍遠，騎士又問老的沙曰：「已被殺矣，擴廓大軍無數在西宮裏。」李羅軍大駭，散四走。時帝居窟室，約曰：「事捷則放鵠鈴。」于是帝始出自窟室，發令百姓見川軍者，皆許殺之。百姓上屋擊以瓦石，死者填巷。老

的沙趨至苧羅營中將其甲士西北走合秃堅帖木兒
軍先是宗王辣黎謂帝已崩苧羅爲皇帝將兵來討之
故苧羅遣秃堅帖木兒將兵迎擊之秃堅帖木兒軍回
中途遇老的沙秃堅帖木兒知事變謂老的沙曰今上
膿團不可輔小婦的孩兒亦非國器不如徑赴趙王扶
立趙王南面以定天下趙王始然之終慮事不成醉以
酒縛二人送京師劓之老的沙懼而乞憐秃堅罵曰彼
非害我自害其社稷也趙王太祖之屬也當時曾與之
約曰吾與汝共天下事倘異日社稷有難汝當助之故

憶其祖父之言不從禿堅計 正宮后車必氏

元史云宏吉刺

氏聞孛羅難作薨帝賞殺孛羅者六人功徐施畚不受

賞一夕逸去 孛羅既死以伯撒里爲右丞相 九月

擴廓護太子還京師以擴廓爲太傅左丞相封河南王

居京師兩月擴廓在軍中久樂恣縱無檢束居朝怏怏

不樂朝士往往輕之謂其非根脚官人擴廓與左右謀

之左右勸以請出治兵肅清江淮詔從之 十二月朔

日食洛陽山鳴 擴廓退位伯撒里仍爲右丞相藍答

里爲左丞相

丙午至正二十六年擴廓旣出無意治兵以父死未終喪欲廬父墓側左右或曰總兵旣受朝命出而中止無乃不可乎擴廓左右有孫翥趙恆者儉人也畏江南強盛欲故緩其計以密其奸謂擴廓曰丞相受天子命總天下兵肅清江淮兵法欲治人者先自治今李思齊脫里白孔興張師道四軍坐食關中累年不調丞相合調四軍南去武關與大軍并力渡淮彼若恃頑不受調則移軍征之據有關中四軍惟丞相意所用不亦善乎擴廓欣然從之于是分撥關虎等統兵從大興關渡河以

俟先以劄付調關中四軍張師道脫里白孔興俱不受
調李思齊得調兵劄大怒罵曰乳臭小兒黃髮猶未退
而反調我耶我與汝父同鄉里汝父進酒猶三拜然後
飲汝於我前無立地處而今日公然稱總兵調我耶令
各部曰一戈一甲不可出武關王保保來則整兵殺之
擴廓自是進兵關中兩家相持一年前後百戰勝負未
分而國家大事去矣擴廓由懷慶移屯彰德彰德素蓄
積糧草十萬坐食之帝始疑擴廓有異志謂左右曰擴
廓之出爲治兵肅清江淮也其後不肅清江淮而結釁

關中今也關中之戰未定雌雄而移兵彰德其欲窺我
京師也耶又怒祁后及太子曰向者擴廓舉兵犯關今
日擴廓總兵天下不太平爾母子誤我天下土疆分裂
坐受危困皆汝母子所爲也怒氣不已太子致被捶楚
走而免朝廷屢促擴廓南征十一月擴廓不得已命母
弟脫因帖木兒及部將貊高完抖宜駐兵濟甯鄒縣等
處名爲保障山東且以南軍塞入北之路復命朝廷曰
此爲肅清江淮張本也識者哂之 先是小明王駐兵
安豐爲張士誠攻圍乘黑冒雨而出居于滁州至是朱

鎮撫具舟楫迎歸建康小明王與劉太保至瓜州渡遇
風浪掀舟沒劉太保小明王俱亡

丁未至正二十七年擴廓增兵入關日求決戰張李輩
軍頗不及遂使人求助于朝廷因差左丞相袁渙及知
院安定臣中丞明安帖木兒傳旨令兩家息兵罷攻各
率所部共清江淮孫翥進密計擴廓曰我每事功垂成
不可誤聽息攻之旨且袁渙貪賄之人也此豈其本意
可令在京賊吏私賄其家則袁必助我而我事可成也
擴廓如其計袁果私布意于擴廓曰不除張李終爲丞

相後患于是攻張李愈急七月勝負猶未決擴廓謂孫
趙二人曰今日果當何如二人因進計曰關中四軍惟
李思齊軍最強李思齊破則三軍不攻自服矣今關中
臨陣兵將通與彼兵等耳所以老師費財相持不決所
畏者惟顏高完駐兵鄒縣以吾二人觀之南軍必不能
越王宣以侵我且抽顏高一軍疾趨河中自河中渡河
急趨鳳翔覆李思齊巢穴出其不意則渭北之軍一戰
可降唐莊宗破汴梁之策關中定然後出關中以適南
軍猶未晚也擴廓卽日從其計顏高所部將多孛羅之

黨行至衛輝部將夜聚或曰我爲官軍擴廓爲總兵用
我敵南軍猶云可也今者卻聞檄我行糧星馳前往河
中渡河西趨鳳翔李思齊乃官軍也以官軍殺官軍如
何于是河西平章船張知院沙劉參政投刀誓衆曰不
必多言五鼓罷扶貊高作總兵不從則殺作血城以去
約定各率兵以待八月六日天未明如其言以叛貊高
卽使其首領兵胡安之控告朝廷使謝雪兒領精騎北
奪彰德使沙劉領精騎西奪懷慶往彰德者騎少兵精
僞作使人以據之殺擴廓守將范國英往懷慶者騎多

兵宐懷慶守將黃瑞覺之閉城不得入時擴廓在洛而其隨從部將盡在懷慶識者以爲貊高完此舉終不成大事矣先是朝廷見擴廓不受調而搆兵仇殺方議削其軍權而未得其說見貊高使來大喜升貊高知院兼平章總河兵北且詔擴廓率潼關以東兵下淮南李思齊等四軍出武關下襄漢貊高率河北軍與也速及脫因帖木兒完者仲宜兵下淮東然脫因帖木兒盡刼掠山東以西民畜而西聚衛輝擴廓盡率河洛民兵而北渡懷慶貊高懼擴廓兄弟有夾攻衛輝之勢亦盡刼掠

衛輝民畜而北歸彰德朝廷無如之何有帖臨沙伯元
臣李鳳國者進謀于太子曰向日詔書令各將將本部
分道進兵而不立大將以總之宜其不相從也古者太
子入則監國出則撫軍太子何不奏主上立大撫軍院
以鎮之凡指揮各將皆宜出自撫軍院然後行使權歸
于一而自內制外庶幾可爲而貊高一部背擴廓向朝
廷此宜別作名號以旌異之然後可也于是開大撫軍
院于京師專制天下兵馬省臺部院皆受節制以貊高
首倡大義賜其所部將士皆爲忠義功臣名號 九月

大軍攻平江擒張士誠遂平福建兩廣擒友定 貊高
率兵攻真定不克而還 張士誠者名九四初起泰州
後據高郵入平江浙西淮東諸郡號稱吳王國號天祐
至是而亡 十月國朝大軍平定河海十一月平定山
東 擴廓自懷慶北據澤州

戊申至正二十八年春朝廷誘擴廓將李景昌封爲國
公景昌以汴梁歸之誘關保亦封爲國公關保亦以晉
冀歸之擴廓自澤州退據平陽 三月貊高率兵攻懷
慶不克 武庫火 四月大軍平定汴梁河南諸州相

次降附擴廓退據太原 五月詔下勦除擴廓令關保
與貊高合勢攻其東張師道李思齊脫里白孔興合軍
攻其西 閏七月一日大軍自灤渡河三日平衛輝五
日平相七日平廣平八日平順德 是月二日貊高出
兵逼太原城爲陣貊高輕脫從數騎巡陣擴廓部將毛
翌望見之易旗幟駐兵于其西角貊高果誤入其陣卽
分擒之時關保營在貊高營西未及出布陣急縛貊高
示之營軍亦皆潰散保亦被擒二將被擒所部將士皆
降于擴廓 六月大雷雨電雨中有火燒白塔寺先是

七月二十一日大軍自通州進兵克永平也速軍潰于是檀順會利大興等處以次皆降附焉大軍又攻潼關張李脫孔四軍亦皆潰而西矣朝廷聞關貊軍敗被擒大驚遽罷撫軍院歸罪太子殺伯元臣李輔國盡復擴廓舊有爵位差哈完太子來督擴廓出援燕京且勤王禦敵擴廓得詔乃提軍向雲中或曰丞相率師勤王宜出井陘口向真定與河間也速軍合勢可以邀截南軍若入雲中至燕京迂途千里無乃不可乎擴廓曰我潛師由紫荆門口入出其不意豈不可乎趙恆曩元輝則

曰朝廷開撫軍院步步要殺丞相乃要勤王我駐軍雲
中觀其成敗爲計耳 後七月二十七日大軍至通州
帝得報大懼卽日委懷王帖木兒不花丞相慶童畱守
大都二十八夜帝卽捲其女子玉帛出居庸關遁入上
都八月三日大軍至齊化門外一鼓而克全城淮王帖
木兒不花丞相慶童大都路總管廓允中中書左丞丁
敬可皆死之是歲卽國朝洪武元年之歲也 十一月
擴廓軍數十萬駐太原十二月大軍自盩子城入破擴
廓于澤潞是月擴廓部將賀宗哲來領兵援晉冀駐龍

鎮衛子口去太原七十里而大軍至先鋒常遇春夜斫
擴廓營侵及擴廓中軍擴廓匹馬隻靴夜遁于是晉冀
之地皆平 先是大都平馳奏南京奉勅旨改爲北平
府仍令常遇春經營北方其年五月平永平等處九月
平遼陽獨上都與紅羅山未平庚申帝在上都紅羅山
在東南也速駐兵在焉上都恃有紅羅山爲之藩籬紅
羅山恃上都爲救援而不設備常遇春使人覘之卽以
大兵銳騎銜枚具十日糧晝夜兼行六月二十八日卽
破紅羅山七月二十七日破上都城庚申帝乘天未明

出城遁挈其后妃入于和林在大漠之北前太祖所都之地八月二十一日平懷慶鞏昌平涼臨洮府而天下遂大定于萬萬年矣

野史斷曰嗟夫平定江淮大事也而帝付之擴廓擴廓受之于庚申帝何其易哉且以世祖平江南言之世祖欲伐江南議論數年或以爲可伐或以爲不可伐而劉太保秉忠曰未有其人其後伯顏自西城奉使來太保見之喜而告帝曰伐江南有其人矣召之使前世祖亦喜曰汝豈諸侯王臣耶其畱事朕自伯

顏受命出師世祖日夕憂懼或日中不食或中夜起
坐夫以世祖爲之君伯顏爲之臣兢兢業業尙不敢
必其有成功也觀庚申帝漫爾而命擴廓擴廓亦漫
爾而受之其根本已非矣而又庚申帝宣淫于上擴
廓肆愚于下上淫而下愚上虐而下暗處則昧經國
之大計出則失兵家之神機及大兵一動君臣俱及
其禍豈不宜哉

帝在位三十六年當元統至元間帝受制權臣相繼
或死或誅帝恐懼之心弛而寬平之心生故至正改

元之後復興科舉行太廟時享賜高年之帛蠲免天下民租選儒臣歐陽元等講五經四書譯貞觀政要出厚載門耕藉田禮服祀南郊立常平倉因水旱盜賊下詔罪己盡蠲被災者田租又命使宣撫十道凡此皆寬平之心所爲者也惜乎元朝之法取士用人惟論根脚其餘圖大政爲相者皆根脚人也居糾彈之首者又根脚人也莅百司之長者亦根脚人也而凡負大器抱大才蘊道藝者俱不得與其政事所謂根脚人者徒能生長富貴鸞羶權毳素無學問內無

侍從臺閣之賢外無論思獻納之彥是以四海之廣
天下之大萬民之衆皆相率而聽夫嚮羶擁毳飽食
煖衣腥羶之徒使之坐廊廟據樞軸以進天下無藉
之徒嗚呼是安得而不敗哉故庚申帝寬平之心因
是益進矣是故易大傳有曰危者安其位者也亡者
保其存者也亂者有其治者也是故君子安而不忘
危存而不忘亡治而不忘亂是以身安而國家可保
也向使庚申帝持其心常如至正之初則終保天下
何至于遠遁而爲亡虜哉

庚申帝幼時常貶居廣西靜江府寓大圖寺其未至寺時朝廷命刑部侍郎哈刺入失館伴南行舟泊劉家山下忽有三猢猻拜于岸上手中有書有所獻帝命妳公受之則山東果也舟人皆異之帝因呼上船則俯拜如初帝問之曰汝更有伴侶乎猢猻手指岸上帝因使舟人隨其後視之行三四里至一洞羣猢猻多至百數皆相招呼以行至船側皆俯伏再拜帝大喜命舟人以舟皆載之以行至所寓寺中則告之以其故其長老號秋江者心獨異之放之寺後山上帝

又命寺中曰羣猢猻當餐我飯汝不可以飢之日爲
我設兩餐自後每飯聞雲板響羣猢猻皆累累然攜
負幼小而來故土人號爲猢猻寺其後寺遂以此爲
名後帝卽捨與本寺常住租五千供之帝居寺時長
老秋江亦嘗教之讀書論語孝經日寫字兩張及召
回京師收書冊紙筆藏小皮匣中手自開閉用馬駝
之前行頭髮嘗生蟣蚋使民嫗捕之告嫗曰是雖血
食于我我不忍殺之不如以紙裹之懸于屋簷下冷
殺可也然亦時薄劣常鑽地穴溺其中和成泥又嘗

領羣兒二三十餘竿紙爲旂插城上又好養八角禽而調習之或飛泊池枯木枝上卽不顧靴下水捕之嘗爲長老秋江所禁止秋江又教之曰太子乃國家金枝玉葉不比凡民見大官人來切不可妄發言亦不可不自重由是司官府官來輒坐長老法座上正身危坐一無所言司官府官出卽下座嬉戲如初蓋其性度如此一時勉強素非涵養有之哈刺入失當受密旨有侵害帝意及見羣猢猻之畏伏狀以爲終有天命始不敢有逆心後羣猢猻自帝北還復移其

類返故山有老猢猻三十六枚盡日哀號江岸逾數
日皆擲死識者以爲帝在位三十六年之驗也

予聞之友人暢申之曰帝不嗜酒善畫又善觀天象
當沙閔之陷上都也已而東行左右勸帝出避之帝
知天象無傷大言曰毋多言有福者任其自來吾何
避之有及大軍南來帝復觀天象左右勸帝守京師
以待援帝搖首不從卽日遁去始雖畱意故事終無
卓越之志自溺于倚納大喜樂事耽嗜酒色盡變前
所爲又好聽讒佞輕殺大臣致使帝舅之尊帝弟之

親男女雜揉何殊聚麀其後祁后諫已強其子使學
佛法文公有云中國一變爲夷狄夷狄一變爲禽獸
堂堂人主爲禽獸行人紀滅亡天下失矣或曰庚申
帝以昏愚而失天下非也庚申帝豈昏愚者哉觀其
欲殺是人也未嘗不假手于人外爲不得已之狀內
實行其欲殺之志其問甲則曰乙與汝甚不許也問
乙則曰甲與汝甚不許也及甲之力足以去乙則謂
甲曰乙嘗欲圖汝汝何不去之也乙之力足以去甲
則亦如是焉故其大臣死則曰此權臣殺我也小民

死則曰此割據弄兵殺我也人雖至于死未嘗有歸怨之者豈昏愚者所能爲之也

或又曰庚申帝以優柔不斷失天下亦非也庚申帝豈優柔不斷者哉自至正改元以來凡權臣赫赫跋扈有重名者皆死于其手前後至殺一品大官者凡五百餘人皆出指顧之間而未嘗有悔殺之意此豈優柔不斷者所能哉然則竟以何者而失天下曰由其陰毒故也且自古有天下之君莅九五之位惟秉陽剛之德總攬陽剛之權者爲能居之若操陰毒之


性者適足亡天下耳故大易稱聖人之德也必曰聰
明睿知神武不殺而後已夫外有聰明之聞見內有
睿知之機運外有神武之雄略內有不殺之神慈外
聰明而內睿知外神武而內不殺然後爲聖人之全
德而可以居九五之大位彼庚申帝者何足以語此
而其爲亡虜也不亦宜乎嗚乎殺之爲言豈爲人上
之心哉殺一惡人而能使天下之爲惡者懼使天下
之爲善者喜如此而後殺之是天下殺之也殺一善
人而能使天下爲惡者喜使天下之爲善者懼則爲


人上者甯不殺可也古之聖人不殺者其此之謂夫

庚申外史卷下 終

番禺孟鴻光校

葛溪先生姓權名衡字以制吉安人葛溪其號也隱
太行山彰德府黃華山二十八年不仕太不花丞相
李察罕嘗以禮聘俱不應洪武辛亥偶在海陵鹽船
中相見著書甚多年六十餘其子閒關往北尋見苦
請還鄉于是附鄉人鹽船回與予言始寓臨江蓋隱
德碩學之士也因閱此錄遂廣其傳云金華朱濂







道光己酉鐫

廿一史感應錄

海山仙館叢書

海山館叢書

廿二史劄記

道藏刊本

Pl
2451
P29
v. 20

二十二史感應錄原序

春秋者史家之祖也春秋紀裁異所以著天人感應之故甚明左氏因而傳之凡國之廢興人之生死事之成敗必先原其善惡得失之所由而究其所終極如立竿觀影持鏡取形無豪髮之爽其人也其天也其皆一心之自爲感應也自周以降二千年間史家記載事變日出不可殫窮而有不變者存焉由不變者觀之其天人感應之故可得而詳矣然感應之故有可知有不可知善者祥惡者殃此其可知者也善者不必祥惡者不必

殃此其不可知者也夫使天之與人判然其相格也冥然其不相關也是則古來感應之故類不足憑乃其可知者固已章章矣卽其可知者而推之天之與人誠若是其相關而未始相格也必無有明於此而闇於彼者也必無有通於此而窒於彼者也然而善者不必祥必其善有未至也不然彼其祥有不可見者矣惡者不必殃必其殃有未熟也不然彼其殃有不可見者矣夫不可見則不可知矣然而未始不可知吾於其可知者知之其可知者其不變者也太上感應篇出於道藏其書

導人以修身立命之學其旨足與春秋左氏相發後之
注者多雜引稗官小說不足徵信於世兄子希涑閱二
十二史取其事應之顯著者彙而錄之分爲二卷將刊
板以行使人知天人感應之故不以古今而異其豪髮
其於君子修身立命之學當有助焉易大傳曰善不積
不足以成名惡不積不足以滅身夫君子之爲善也未
始謂爲善也有去惡而已矣去惡卽善也善之所由以
積也小人之爲惡也未始謂爲惡也有自以爲善而已
矣自以爲善卽惡也惡之所由以積也是故君子曰虛

小人曰滿虛者集祥滿者集殃其天也其人也其皆一
心之自爲感應而已矣而何不可知之有讀是書者誠
能反躬自鑑決去其惡勉進於善日積而不已求自盡
於其心焉吾知天必有以應之矣乾隆四十六年孟夏
之月長洲彭紹升序

二十二史感應錄自序

自有載籍以來勸懲之書多矣其言感應之故詳矣大要在使人止惡而進善欲使人止惡而進善必先有以起人之信心信與不信善惡之所自萌也太上感應篇載善惡條類綦詳其旨通於六經而其公案具在二十二史後之爲註釋者多採取稗官說部里巷傳聞以爲之證使童騃婦豎見其書聆其說莫不形惕心惴其爲功於世教非淺而當世士君子反有以文不雅馴菲薄不屑視者始以其事爲不足信繼且以其理爲不足信

豈太上煌煌垂訓可以勸愚衆而不足以規學者哉夫
輕薄佻浮之子偁規越矩者勿論矣卽其間有志進修
者傷德喪名之行自問無之而或勉其暫不能慎其常
矜於衆不能慊於獨然則善何由而純惡何由而盡苟
非取古昔記載切於勸懲者置之左右反覆尋覽曉然
洞悉於感應之所由不以初終隱顯而或二又烏能奉
身寡過而俯仰無愧怍也哉希涑幼承家學頗知向往
稍長閱歷世故益有契于感應之理爰以讀史餘閒擇
其善惡事蹟果報最著者得一百八十餘條編爲二卷

子曰舉一隅不以三隅反則不復也二十二史無一事
而非感應之證也茲之所載二十二史之一隅也伊古
及今普天匝地無一事而非感應之證也二十二史又
古今感應之一隅也推之而稗官說部里巷傳聞苟由
此而反之其理明其事確又何不可信之有吾願讀是
書者決志進修爲善去惡如火之然如泉之達是書所
錄之善吾得取之以爲善所錄之惡吾得反觀內鏡務
使根株之胥絕焉然則太上垂訓之旨其不在斯乎彭
希涑序

一六六

卷之三

文淵閣

凡例

一史書所載善者祥惡者殃其事不勝錄也茲取天人感應之神異顯著者凡降祥降殃確知爲某善某惡之報則錄之

一事有暗相關照而其故不甚明著者如李斯譖韓非下獄非欲自陳不得後李斯爲趙高所譖亦欲自陳不得此類甚多若欲繁引殫書轉屬有心牽合且挂漏反多槩不載入

一如史記所載而復見漢書則不重錄從其較詳者錄

之

一 所載禍福報應祇錄其與本事有關者其終身名壽子孫不盡載或所作善惡之報必合終身名壽子孫而後見者則仍書

一 是書原爲士大夫修省之助至本紀所載皆不錄入若春秋列國諸侯位非至尊分有相匹仍錄之

一 書一事而義可觸類貫通或其事互見於他書中者附書於後庶理完而文備云

一 採輯旣就別作緒論數條判決疑義綜論得失以就

正於尙論之君子焉

戶部

緒論

史書體例不志怪神然有可以明人事之得失者雖涉靈異不以爲病如史記載秦繆公死七日而寤曰我之帝所甚樂且謂帝與言晉國休咎甚悉命書而藏之皆驗又趙簡子疾不知人旣寤語大夫曰我與百神游於鈞天廣樂九奏萬舞不類三代之樂亦謂帝與言晉國事亦皆驗其事兩見於趙世家扁鵲傳使人知天人相與之故則知所以事天故不厭詳也若晉書載劉聰爲遮須夷國主隋書載韓擒虎爲閻羅王義無可取乃爲

體例之病矣

司馬子長於天人之理甚明其論韓氏之昌以爲存趙氏之陰德表其微也蒙恬之誅也自謂絕地脈之咎而子長以阿意興工不惜民力爲恬罪舉其大也其必有當矣

後漢書史弼傳論曰語云活千人者子孫必封史弼全平原之黨而其後不大斯亦未可論也按弼爲平原相時詔舉鉤黨郡國所奏連及者多至數百弼獨無所上濟活者衆弼後爲河東太守爲侯覽所誣下詔獄論棄

市平原吏人奔走詣闕訟冤委曲營救以免弼罪復起
官以壽終方弼被逮時其去死也近矣卒賴平原人以
免豈非活人之報耶由是推之爲善而福不至必陰消
其無形之禍也其稟諸命者本薄也爲惡而禍不至必
陰消其當得之福也其稟諸命者本厚也迨善惡之積
既久而命迺退處無權則人定勝天也

後漢書袁安拜楚郡太守時治楚王英獄英辭所連及
者數十人吏按之急迫痛自誣死者甚衆安到郡理其
無明驗者出之爲河南尹政號嚴明然未嘗以臧罪鞠

人安後位至司空子孫貴盛史氏論曰袁安理楚獄未嘗鞠人於臧罪其仁心足以尊乎後昆子孫之盛不亦宜乎愚按安之不鞠人於臧罪非得其臧狀而故縱之也蓋推其居心仁恕不欲人人於重罪耳宋史韓億見諸路有攬拾官吏小過者輒顏色不懌史氏因以爲其後必大合而觀之皆所以覘人心術之微也

後漢書范滂被黨禍將誅顧謂其子曰吾欲使汝爲惡則惡不可爲使汝爲善則我不爲惡夫桓靈之間黨禍蔓延殘賊士類蓋亦氣數之厄然而匹夫橫議品覈公

卿裁量執政固有取禍之道矣若范滂者清心自好克有令名然疾惡過甚爲郡功曹致中人以下莫不歸怨卒以此得罪太剛必折物理之常尙不自反而慷慨仰天語多怨尤惜不奉敎於郭林宗袁夏甫諸君子也

宋書劉湛被收入獄亦謂其弟曰相勸爲惡惡不可爲相勸爲善正見今日如何湛初爲殷景仁推引共參政事乃以景仁位居已前反相傾構又附宗室義康無人臣之禮卒以伏誅宜矣若其他小節卽如生女輒殺爲士流所怪何者可自附於善邪小人之爲惡終其身不

自知其惡也吁可畏已

南齊書謝朓告王敬則反敬則女爲朓妻常懷刃欲相報朓不敢相見及朓以他罪將見誅歎曰天道其不可昧乎我雖不殺王公王公因我而死朓爲人臣知敬則反狀而具以告義也與訐發人陰私以爲己利者不同豈其以是獲罪於天哉

或以梁武崇信佛法卒遭侯景之禍疑報應之理不足憑不知梁武弑齊主東昏侯及和帝以取其位侯景之禍固其報復也朝野僉載謂東昏侯死之日侯景生焉

時人以景爲東昏侯後身其說殆信

唐長孫無忌褚遂良皆以直諫獲罪人皆哀之然無忌
遂良與江夏王道宗不協遂誣奏道宗罪配流象州病
卒無忌又陷吳王恪誅之遂良又誣劉洎罪賜自盡而
無忌遂良卒皆不得其死舊唐書以爲天網不漏豈不
信然攷劉肅唐世說亦謂遂良之敗由陷洎之報又載
無忌之害吳王恪也恪臨刑罵曰無忌竊弄威權構害
良善若宗社有靈當見其族滅不久竟如其言與史論
可互證云

爲將以嗜殺受陰禍是錄中所載多矣其理更有見於
史書論贊中者宋史王韶章榘皆用兵有功韶子案能
致天神帝試之無驗棄市案子縊或誣以私鑄錢配沙
門島論曰佳兵好還道家所禁案以左道殺縊以鑄錢
陷非其驗歟明史徐達常遇春俱爲太祖將遇春下城
邑不能無誅僂達所至不擾達後贈中山王子孫世其
爵遇春年四十暴疾卒追封開平王子茂襲爵未久以
事安置龍州贊曰中山賞延後裔世叨榮寵而開平天
不假年子孫亦復衰替貴匹勲齊而食報或爽何也太

祖嘗語諸將曰爲將不妄殺人豈惟國家之利爾子孫實受其福信哉可爲爲將帥者鑒矣

余觀古名臣事業凡拯亂救荒以及河渠工築動活數十萬人未嘗不歎仁人之利之溥也雖然尤願人反求諸心卽所能盡者而自盡焉如史稱宋曹彬總戎專征秋豪無所犯而其平居於百蟲之蟄亦不忍傷使彬不爲將而抱此不忍傷一物之心與下江南不殺一人之心無盈絀無廣狹也然則一介之士孰不可自盡其心乎賈子稱孫叔敖埋蛇而母知其陰德撫言稱裴度還

二十二 身居金糸言 五
帶而神貌頓改彼其所以動天者亦一念之力耳豈必
有憑藉而後得行其志哉

或謂伊古忠臣孝子多身際蹇屯流離患難不必盡有
風雷之感呵護之靈而身犯不韙者或竟坐享福澤終
其身何也曰天之嚮福也有五壽富康甯考終命此四
者其事無過一身之樂而其時不越百年之間若天所
以福聖賢而不與庸衆共之者則攸好德而已夫純臣
孝子處辛苦難堪之境而甘之如飴者豈有他哉彼將
以成仁而取義也仁義者天地之心而人之所以爲人

也彼體天地之心以求盡人之所以爲人浩然之氣塞於兩間流萬古而不息而天顧以憐庸庸者憐之豈因材而篤之道乎若夫罔之生也幸而免免矣仍未始免也冥然食息運動而其有生之理已盡而無餘則一行尸而已矣其與身受誅殛夷滅者何以異哉

世俗神滅之說昔人辨之甚詳然不若證以實事尤爲較著如漢書元始元年二月朔方廣牧女子趙春病死斂棺積六日出在棺外自言見夫死父曰年二十七不當死太守譚以聞後漢書建安四年二月武陵女子李

娥物故瘞於城外已十四日有聞其冢中有聲者發出
遂活註中言娥見冥中事甚悉晉書干寶父亡母生推
婢于墓中後十餘年母喪開墓而婢伏棺如生載還經
日乃蘇言其父常取飲食與之家中吉凶輒語之地中
亦不覺爲惡又寶兄常病氣絕積日不冷後遂悟云見
天地間鬼神事如夢覺不自知死寶遂撰集古今神祇
靈異人物變化名爲搜神記遼史孩里從上獵墮馬憤
而復蘇言始見二人引至一城宮室宏敞有衣絳袍人
坐殿上左右列侍持牘者曰誤執汝示之牘書官至使

相壽七十七擠之大壑而寤土聞之命書其事後皆驗
明史洪武二十四年河南龍門民婦司牡丹死三年借
袁馬頭之屍復生此皆死而再生見冥中事者也北史
魏臨漳令李庶亡後其妻元氏更適趙起夢庶謂曰吾
薄福託劉氏爲女明旦當出彼家甚貧恐不能見養夫
妻舊恩故來相見告君宜取我劉家在七帝坊十字街
東南入窮巷是也元氏不應庶曰君似懼趙公意我自
說之於是起夢亦符遂持錢帛往求劉氏如所夢得之
養女長而嫁焉魏書宋穎妻鄧氏亡後十五年穎夢鄧

氏向穎拜曰新婦今被處分爲高崇妻故來辭君泣然
流涕崇亦旋卒南史齊宗室鏗死後有陶宏景與鏗舊
識忽夢鏗來慘然言別云某日命故無罪後三年當生
某家宏景訪以幽中事多秘不出覺後訪之果與夢符
舊唐書崔咸父銳爲澤潞從事有道人自稱盧老銳館
之于家一旦辭去且曰我死當與君爲子因指口下黑
子以爲志咸之生也果有黑子其形神卽盧老也父卽
以盧老字之宋史王氏婦梁歸夫家數月會元兵至婦
謂夫曰吾不受汙必死若後娶當告我頃被掠不辱而

死夫後以無嗣謀更娶夢妻曰我死後生某氏家今十
歲矣後七年當復爲君婦明日遣人聘之一言而合詢
其生與婦死年月同此皆死此而生彼者也北史夏侯
夬亡後三日其交好相率至夬靈前時日晚天陰咸見
夬在坐衣服形容不異平昔但無語耳夬從兄欣宗忽
作夬語如平生發家人陰私竊盜皆有次緒明史毛吉
官廣東僉事戰死方出軍時賫千金牒委驛丞余文司
出入已用十之三旣死文憫其貧以所餘金授吉僕使
治喪是夜僕婦忽坐中堂作古語曰請夏憲長來舉家

大驚走告按察使夏堦堦至起揖曰吉受國恩不幸死於賊今余文以所餘官銀付吉家吉負圻地下矣願亟還官毋累我言畢仆地頃之始甦此皆死而與生人接語者也他如是錄中所載幽明感應事甚多彼執死而神滅之說者豈往古記載皆虛矯不足信乎抑別有說以解此乎益亦弗思爾已

或謂生命脩短謂有鬼神掌之如增算奪紀之說有可徵乎曰博物志謂泰山主召人魂魄司生命之長短證諸於史後漢書許峻傳峻自云嘗篤病三年不愈乃謁

泰山請命烏桓傳死者魂神歸赤山如中國人魂神歸
泰山也三國志管輅傳輅謂其弟辰曰但歸至泰山治
鬼不得治生人其說可信矣又宋書謝宏微之卒也時
有一長鬼寄司馬文宣家云受遣殺宏微宏微疾增劇
輒豫告文宣宏微既死與文宣分別而去則勾召魂魄
者又實有之矣

列史五行志有人變異形者後漢書靈帝時黃氏之母
浴而化爲黿入於深淵其後時出見晉書吳孫皓寶鼎
元年丹陽宣騫母年八十因浴化黿宋史衡湘間人有

化爲虎者夫心形之主也人之異於禽獸者在心才右
形孟子曰夜氣不足以存則其違禽獸不遠可以得輪
迴之理矣

二十二史感應錄卷上

蘇州彭希涑蘭臺輯

史記

宋景公時熒惑守心心宋之分野也景公憂之司星子
韋曰可移於相景公曰相吾之股肱曰可移於民景公
曰君者待民曰可移於歲景公曰歲饑民困吾誰爲君
子韋曰天高聽卑君有君人之言三熒惑宜有動於是
候之果徙三度

宋世家

魯桓公如齊齊襄公使力士彭生拉殺魯桓公而殺彭

生以謝魯一二年襄公獵沛邱見彘從者曰彭生公怒射之彘人立而啼公懼墜車傷足公孫無知等聞公傷乃作亂

齊世家

狐突之下國遇太子申生申生與載而告之曰夷吾無禮余得請於帝將以晉與秦秦將祀余狐突對曰臣聞神不食非其宗君之祀毋乃絕乎君其圖之申生曰諾吾將復請帝後十日新城西偏將有巫者見我焉許之遂不見及期而往復見申生告之曰帝許罰有罪矣弊於韓惠公六年秦伐晉合戰韓原秦獲晉侯以歸

晉世家

衛鞅好刑名執秦政封於商定變法之令民有言令不便者或有言令便者盡遷於邊城公子虔犯約剿之公子虔之徒告商君欲反發吏捕商君商君亡欲止客舍舍人曰商君之法舍人無驗者坐之商君歎曰嗟乎爲法之弊一至此哉去之魏不受內之秦秦人車裂以徇

商君傳

秦將武安君白起累戰有功其後秦王使武安君攻邯鄲武安君稱病不行秦王怒賜之劍令自裁武安君引劍將自剄曰我何罪於天而至此哉良久曰我固當死

長平之戰趙卒降者數十萬人我詐而盡坑之是足以

死遂自殺

白起傳

按夷堅志載江南民陳氏女年十七素不知書得病臨絕忽語人曰我秦將軍白起也爲生時殺人七八十萬在地獄受無量苦近始得復人身然只世世作女人壽不許過二十歲今日之死亦命也夫言畢而殁然則史書所載特其現生較著者耳

陳涉反秦使王翦之孫王離擊趙圍趙王及張耳鉅鹿城或曰王離秦之名將也今將彊秦之兵攻新造之趙

舉之必矣客曰不然夫爲將三世者必敗必敗者何也
以其所殺伐多矣其後受其不祥今王離已三世將矣
居無何項羽救趙擊秦軍果虜王離

王翦傳

呂氏妬戚夫人有寵遂酖其子趙王如意而殺戚夫人
後呂后過軹道見物如蒼犬據后掖忽弗復見卜之云

趙王如意爲崇呂后遂病掖傷未幾崩

呂后本紀

陳丞相平佐高祖定天下多出奇計封曲逆侯嘗曰吾
多陰謀是道家之所禁吾世卽廢亦已矣終不能復起
以吾多陰禍也其嗣何坐罪國除曾孫陳掌以衛氏親

貴戚願得續封然終不得

陳丞相世家

魏其侯竇嬰武安侯田蚡俱漢外戚時灌夫亦倚魏其而列封侯及魏其罷政武安爲丞相使人請魏其城南田魏其大望曰老僕雖棄將軍雖貴寧可以勢奪乎時灌夫聞怒罵使者武安由此大怨灌夫魏其元光四年武安取燕王女爲夫人詔召列侯宗室往賀武安劾灌夫罵坐不敬誅灌夫族魏其銳身爲救亦棄市其春武安侯病專呼服謝罪使巫視鬼者視之見魏其灌夫共守欲殺之竟死

魏其武安傳

李廣爲漢將善騎射號曰飛將軍然不得爵邑嘗謂望
氣王朔曰諸將材能不及中以軍功取侯者數十人廣
不爲後人然無尺寸之功以得封侯者何也豈吾相不
當侯乎且固命也朔曰將軍自念豈嘗有所恨乎廣曰
吾爲隴西守羌嘗反吾誘而降降者八百餘人吾詐而
同日殺之至今大恨獨此耳朔曰禍莫大於殺已降此
將軍所以不得侯者也廣後以出征失道自殺孫陵又
以降敵族誅

李將
軍傳

王溫舒好殺伐爲廣平都尉捕豪猾連坐千餘家大者

至族小者論死其治中尉姦猾窮治大抵盡靡爛其爪
牙吏虎而冠後人告溫舒姦利事罪至族自殺其時兩
弟及兩婚家以各自坐他罪而族光祿徐自爲曰悲夫
古有三族而王溫舒罪至同時而五族乎

楊僕傳

漢書

霍光爲大將軍威震海內光妻顯私使乳醫行毒藥弑
許后及光子禹嗣博陸侯緒治第宅走馬馳逐于樂館
顯夢第中井水溢流庭下竈居樹上又夢大將軍謂顯
曰知捕兒不亟下捕之第中鼠暴多與人相觸以尾畫

地鴉數鳴殿前樹上第門自壞禹夢車騎聲正謹來捕
禹舉家憂愁遂謀逆事發禹要斬顯及諸女昆弟皆弃

市

霍光傳

于公爲縣獄史郡決曹決獄平郡中爲之立生祠東海
有孝婦少寡姑欲嫁之終不肯姑謂鄰曰婦亡子守寡
久累丁壯奈何姑後自經死姑女告吏婦殺我母吏治
誣服于公心知婦冤爭之弗得乃抱其具獄哭於府上
辭疾去太守竟論殺孝婦郡旱三年後太守至于公請
祭孝婦塚表其墓天立大雨時公閭門壞父老共治之

公曰少高大門閭使容駟馬高蓋車吾治獄多陰德未嘗有所冤子孫必有興者子定國果爲丞相孫永爲御

史大夫封侯傳世

于定國傳

武帝時丙吉爲廷尉監受詔治巫蠱郡邸獄時皇曾孫亦就繫吉見而憐之擇謹厚女徒令保養之望氣者言長安獄中有天子氣上令被繫者皆殺之吉閉門拒使者不納曰皇曾孫在他人無辜死者猶不可况親曾孫乎使者還報帝悟曰天使之也因赦天下郡邸獄繫者獨賴吉得生恩及四海矣及宣帝立吉絕口不道前恩

會掖庭宮婢自陳有阿保之功詞引丙吉上始知吉有舊恩而終不言大賢之封爲博陽侯臨當封吉疾病上憂吉疾不起夏侯勝曰此未死也臣聞有陰德者必享其樂以及子孫今吉未獲報而疾甚非其死疾也病果愈乃受侯封未幾拜丞相

丙吉傳

宋陸務觀舊聞云宣和末蔡京病篤人皆謂必死矣獨晁冲之叔用曰此未死也此老敗壞至此若使冥然死牖下備極哀榮豈復有天道哉果不死至儋州之竄死於潭是則有陰德者不死可慶有陰禍者不

死可懼也

王尊爲東郡太守河水盛溢泛浸瓠子金隄老弱奔走
尊祀水神河伯請以身填金隄因止宿廬居堤上吏民
數千萬人爭叩頭救止尊尊終不肯去及水盛隄壞惟
一主簿泣在尊旁立不動而水波稍却迴還吏民奏其
狀加秩賜金

王尊傳

嚴延年爲涿郡太守後遷河南巧爲獄文所欲誅殺奏
成手中奏可論死奄忽如神冬月論囚流血數里號曰
屠伯其母從東海來欲從延年臘到雒陽適見報囚母

大驚便止都亭不肯入府延年出至都亭謁母母閉閤
不見延年免冠頓首閤下良久母乃見之因數責延年
幸得備郡守專治千里不聞仁愛敎化全安愚民顧多
刑殺人欲以立威豈爲民父母意哉延年服罪重頓首
謝因自爲御歸府舍母畢正臘謂延年天道神明人不
可獨殺我不意當老見壯子被刑戮也行矣將去汝東
歸掃除墓地耳遂去歸郡後歲餘延年果以不道棄市
東海莫不賢智其母

嚴延年傳

史載諸酷吏罕有良死者重則夷族輕則自裁此亦

感應之大彰明較著者矣故曰殺人之父人亦殺其父殺人之兄人亦殺其兄彼好殺人者其與操刃而自殺者何遠哉今錄其尤顯著者數條爲司刑者鑒其他可推類而知矣

王翁孺爲武帝繡衣御史逐捕魏郡羣盜堅盧等黨與吏畏懦逗遛當坐者翁孺皆縱不誅他部御史暴勝之等奏殺二千石誅千石以下及通行飲食坐連及者大部至斬萬餘人翁孺以奉使不稱免歎曰吾聞活千人有封子孫吾所活者萬餘人後世其興乎翁孺子禁

生女政君爲孝元皇后禁封陽平侯

元后傳

後漢書

鄧禹爲將軍時赤眉所過殘掠禹行師有紀所至輒停車駐節以勞來之父老童穉垂髮戴白滿其車下莫不感悅禹嘗曰吾將百萬之衆未嘗妄殺一人後世必有興者禹子訓建初三年拜謁者時修滹沱石臼河欲令通漕吏人苦役連年無成轉運所經沒溺死者不可勝算訓知大功難立具以上言遂罷其役更用驢輦歲全活數千人訓弟陔言常聞活千人者子孫有封天道可

信家必蒙福訓女爲和帝后鄧氏子孫累世貴寵

和熹
鄧皇

后鄧禹

鄧訓傳

陰子方至孝有仁恩臘日晨炊而竈神形現子方再拜
受慶自是以後暴至巨富子方嘗言我子孫必將彊大
至其孫識拜執金吾陰氏侯者凡四人

陰識
傳

按酉陽雜俎曰竈神姓張名單夫人字卿忌有六女
皆名察洽常以月晦日上天白人罪狀大者奪紀小
者奪算故爲天帝督使下爲地精其屬神有天帝嬌
孫天帝大夫天帝都尉天帝長兄礪上童子突上紫

官君太和君玉池夫人等其說與感應篇相孚合

長沙有孝子古初遭父喪未葬鄰人失火初匍匐上

以身扞火火爲之滅

郅惲傳

蔡順以至孝稱少孤養母常出求薪有客卒至母望順
不還迺噬其指順卽心動棄薪馳歸跪問其故母曰有
急客來吾噬指以悟汝耳母終未及葬里中災火將逼
其舍順抱扶棺柩號哭叫天火遂越燒他室順獨得免

周磐傳

宋均爲九江太守郡多虎暴前吏募設檻穽而猶多傷

害均到下記屬縣曰虎爲民害咎在殘吏勞勤張捕非
優恤之本其務去姦貪思進忠善可一去檻穽除削課
制其後虎相與東游渡江中元中山陽楚沛多蝗其飛
至九江界者輒東西散去由是名稱遠近云

宋均傳

何比干爲汝陰縣獄吏決曹掾平活數千人後爲丹陽
都尉獄無冤囚淮汝號曰何公征和三年三月辛亥天
大陰雨比干在家晝臥夢貴客車騎滿門覺以語妻語
未已而門有老嫗求寄避雨雨甚而衣履不濡漬雨止
送至門乃謂比干曰公有陰德而天錫君策以廣公之

子孫因出懷中符策狀如簡長九寸凡九百九十枚以授比干日公子孫佩印綬者如此算後子孫貴顯果如

其言

何敞傳註

陳寵爲廣漢太守先是洛縣城南每陰雨常有哭聲聞于府中積數十年寵聞而疑其故使吏按行還言世衰亂時此下多死亡者而骸骨不得葬儻在於是寵愴然矜歎卽敕縣盡收葬之自是哭聲遂絕

陳寵傳

楊寶九歲時至華陰山北見一黃雀爲鷗鵠所搏墜於樹下爲螻蟻所困寶取置巾箱中啖以黃花羽毛成飛

去其夜夢黃衣童子向寶再拜曰我西王母使者感君
愛護持獻白玉環四枚令君子孫潔白位登三事如此
環後寶生震震生秉秉生賜賜生彪四世三公清白無

比

楊震
傳註

楊震性公廉不受私謁累官至太傅進諫多切至時樊
豐等譖震悲望因飲酖而死露棺道側順帝時以禮改
葬於華陰潼亭遠近畢至先葬十餘日有大鳥高丈餘
集震喪前俯仰悲鳴淚下霑地葬畢乃飛去郡以狀上
帝感震之枉詔使太守丞以中牢具祠於是時人立石

鳥象于其墓所

楊震傳

虞經爲陳國郡獄吏案法平允務存寬恕冬月上其狀每流涕隨之嘗曰子公高爲里門而其子定國卒至丞相吾決獄六十年雖不及于公其庶幾乎子孫何必不爲九卿耶故字其孫詡曰升卿詡官至尙書以剛正稱

虞詡傳

虞詡臨終謂其子恭曰吾事君直道行已無愧所悔者爲朝歌長時殺賊數百人其中何能不有冤者自此二十餘年家門不增一口斯獲罪于天也

虞詡傳

司徒王允以王宏爲右扶風李傕爲亂欲殺允遂收宏
下廷尉并殺之宏素與司隸校尉胡种有隙及宏下獄
种遂迫促殺之宏臨命詬曰胡种樂人之禍禍將及之
种後眠輒見宏以杖擊之因發病數月死

王允傳

董卓旣伏誅暴尸市中脂流於地守尸吏然火置卓臍
中光明達曙及卓部將李傕等入長安葬董卓於郿葬
日大風雨霆震卓墓流水入藏漂其棺木

董卓傳

上虞有寡婦至孝養姑姑壽終夫女弟先懷嫌忌乃誣
婦鳩母列訟縣庭郡不加尋察婦竟寃死自是郡中連

旱二年禱請無所獲後太守殷丹到官訪問其故郡戶曹吏孟嘗具陳寡婦冤誣之事因曰昔東海孝婦感天致旱于公一言甘澤時降宜戮訟者以謝冤魂庶幽枉獲申時雨可期丹從之卽刑訟女而祭婦墓天應時澍雨穀稼以登

孟嘗傳

劉昆除江陵令時縣連年火災昆輒面火叩頭多能降雨止風後爲宏農太守先是崑黽驛道多虎災行旅不通昆爲政三年仁風大行虎皆負子渡河帝聞而異之徵拜光祿勳詔問昆曰前在江陵反風止火後守宏農

虎北渡河行何德政而致是事昆對曰偶然耳帝歎曰

此長者之言也命書諸策

劉昆傳

周暢性仁慈爲河南尹永初二年夏旱久禱無應暢因收葬洛陽傍客死骸骨凡萬餘人應時澍雨歲乃豐稔

周嘉傳

王恂嘗詣京師於空舍中見一書生疾困愍而視之書生謂恂曰我當到洛陽而被病命在須臾腰下有金十斤願以相贈死後乞藏骸骨未及問姓名而命絕恂鑿金一斤營殯葬餘金悉置棺下人無知者後數年縣使

忱爲亭長初到之日有馬馳入亭中而止俄大風飄一繡被墮忱前卽言之於縣縣以歸忱後乘馬到額縣馬奔走牽忱入他舍主人見而喜曰今擒盜矣問忱何由得馬忱具言其狀并及繡被主人曰向吾家被隨旋風與馬俱亡卿何陰德而致此二物忱自念有葬書生事因說之并道書生形貌及埋金之處主人驚慟曰是吾子也姓金名彥前往京師不知所在何意卿乃葬之大恩未報天以此彰卿德耳因與忱俱迎彥喪餘金具存忱由是顯名

王忱傳

王忱除郿令到官至墜亭亭長曰亭有鬼不可宿也忱
曰仁勝凶邪德除不祥何鬼之避卽入亭止宿夜中聞
女子稱冤之聲忱曰有何枉狀可前求理乎女子曰無
衣不敢進忱投衣與之女子乃前訴曰妾夫爲涪令之
官過宿此亭亭長無狀賊殺妾家十餘口埋在樓下悉
取財貨忱問亭亭長姓名女曰卽今門下遊徼者也忱曰
當爲汝理此冤因解衣于地忽然不見明旦召遊徼詰
問具服罪卽收繫及同謀十餘人悉服辜遣吏送其喪

歸鄉里亭遂清安

同前

戴封爲西華令汝潁有蝗災獨不入西華界時督郵行縣蝗忽大至督郵其日卽去蝗亦頓除一境奇之其年大旱封禱請無獲乃積薪坐其上以自焚火起而大雨

暴至於是遠近歎服

戴封傳

諒輔爲廣漢郡五官掾時夏大旱太守自出祈禱山川連日而無所降輔乃自暴庭中慷慨咒曰輔爲股肱不能進諫納忠薦賢退惡和調陰陽承順大意至今天地否隔萬物焦苦百姓喁喁無所訴告咎盡在輔今郡大守改服責已爲民祈福精誠懇到未有感徹輔今敢自

三才圖會卷之二十一 忠臣列傳

祈請若日中不雨乞以身塞無狀於是積薪柴聚茭茅以自環構火其傍將自焚焉未及日中時而天雲晦合須臾澍雨一郡霑濡世以此稱其志

誠諒輔傳

許楊建武中汝南太守鄧晨署爲都水掾使修鴻郤陂楊因高下形勢起塘四百餘里百姓得其便累歲大稔時豪右大姓譖楊受取賕賄晨遂收楊下獄而械輒自開獄吏恐遽曰晨晨驚曰果濫矣太守聞忠信可以感靈今其效乎卽夜出楊遣歸時天大陰晦道中若有火光

光照之時人異焉後以病卒晨爲楊起廟百姓思其功

績皆祭祀之

許楊傳

公沙穆爲宏農令縣界有螟蟲食稼百姓惶懼穆乃設壇謝曰百姓有過罪穆之由請以身禱於是暴雨既霽而螟蟲自銷百姓稱曰神明

公沙穆傳

許升妻呂氏字榮遭寇賊欲犯之曰從我則生不從我則死榮曰義不以身受辱遂殺之是日疾風暴雨雷電晦冥賊惶懼叩頭謝罪乃殯葬之

吳許升妻傳

三國志

魏皇甫謐夢至洛陽自廟出見車騎甚衆以物呈廟云

誅大將軍曹爽寤而以告邑人邑人曰君欲作曹人之夢乎朝無公孫彊如何且爽兄弟典重兵又權尙書誰敢謀之謚曰爽無叔振鐸之請苟失天機則離矣何恃於彊昔漢之閭顯倚母后之尊權國威命可謂至重矣閹人十九人一旦尸之況爽兄弟乎已而爽果爲司馬

宣王所誅

曹爽傳註

管寧客居遼東時避難者皆來就之與居井汲者多爭先鬪鬪寧乃多買器分置井旁汲以待之來者各自悔責鄰有牛暴寧田者寧爲牽牛著涼處牧之牛主大慚

是以左右無鬪訟之聲及歸海中遇暴風船及沒惟甯
乘船自若時夜風晦冥莫知所泊望見有火光趨之得
島島無居人又無火燼人咸異焉以爲神光之佑也積

善之應也

管甯傳註

魏游殷爲郡功曹與司隸校尉胡軫有隙軫誣構殺殷
殷死月餘軫得疾患自說伏罪伏罪游功曹將鬼來逐

死

張旣傳註

魏王凌都督揚州軍事司馬宣王旣誅魏大將軍曹爽
凌以帝幼制於強臣謀逆立楚王以興曹氏爲人所發

宣王自將中軍討凌先下詔赦罪又爲書喻凌而以大軍逼之凌乃乘船出迎宣王遣步騎六百人送凌還京都凌到項見賈逵祠在水側凌呼曰賈梁道王凌固忠於魏之社稷者惟爾有神知之遂飲藥死其年八月宣王有疾夢凌達爲厲甚惡之遂薨

王凌傳註

管輅父爲利漕利漕民郭恩兄弟三人皆得癡疾使輅筮其所由輅曰卦中有君本墓墓中有女鬼非君伯母當叔母也昔饑荒之世當有利其數升米者排著井中嘖嘖有聲推一大石下破其頭孤魂冤痛自訴於天於

是恩涕泣伏罪

管輅傳註

吳孫策既殺于吉每獨坐彷彿見吉在左右甚惡之既而治創方差引鏡自照見吉在鏡中顧而弗見如是再

三因撲鏡大叫須臾而死

孫策傳註

孟宗母嗜笋冬節將至時筍尚未生宗入竹林哀歎而筍爲之出得以供母皆以爲至孝所感

孫皓傳註

吳軍師張悌帥衆禦晉軍時有臨海松楊人柳榮從悌出征病死船中二日軍已上岸無有理之者忽大呼言人縛軍師人縛軍師遂活人問其故榮曰上天北斗門

下卒見人縛張悌意中大愕不覺大呼言何以縛張軍

帥門下人怒榮叱逐去便斃其日悌戰死同前

吳程普領江夏太守盪寇將軍殺數百人皆使投火卽

日病癘死程普傳註

吳陸機及弟雲並以文章見重于時吳亡入晉爲孟超等所譖俱被殺初機雲父抗爲吳都護其克步闡也誅及嬰孩識道者尤之曰後世必受其殃及機之誅三族

無遺陸抗傳

吳孫峻構諸葛恪于吳王殺之峻遂遷丞相大將軍後

峻夢爲恪所擊遂恐懼發病死

孫峻傳

晉書

鄧芝出征見獼猴山手射中之獼猴拔其箭卷木葉塞其創芝曰嘻吾違物之性殆將死矣俄卒

五行志

物之翔於空擾於原相忘於江湖皆其性也順物之性不忍有所傷而生生之機鬯于無盡矣反此則不祥南史齊宗室敏好射雉以張弩損腰死北史崔鑣走馬從禽髮挂木而死以鄧芝之言觀之所以致此者有由矣好殺者無乃自促其生乎

王祥少有至性繼母朱氏不慈每使掃除牛下祥孝事
愈恭父母有疾衣不解帶湯藥必躬嘗母嗜魚鮓會冰
凍不可得祥解衣將剖水求之冰忽自解雙鯉躍出母
又思黃雀炙復有雀數十飛入其幙遂取以奉母鄉里
驚歎祥後母弟覽亦具至性愛兄甚篤年數歲見祥被
母楚輒涕泣抱持甫成童每諫其母母虐爲之稍減母
屢以非理使祥覽輒自與分勞又虐使祥婦覽婦輒趨
而與俱母患之爲止其後呂虔贈祥一劍云佩者至三
公祥後拜太保封睢陵公年八十五將卒以劍授覽曰

汝後必興足稱此刀覽官光祿大夫其後奕世多賢才

興於江左矣

王祥王覽傳

賈充善便佞怙寵無忌嘗伐吳屯軍項城忽失充所在時帳下都督周勤方晝寢見百餘人錄充引入一徑勤驚覺聞失充乃尋夢中徑道往求之見充行至一府舍侍衛甚盛府公南面坐聲色俱厲謂充曰亂吾家事者爾與荀勗既惑吾子又亂吾孫間使任愷黜汝而不去又使庾純詈汝而不改今吳寇當平汝方表斬張華若不悛愼當旦夕加罪充叩頭流血公曰汝所以延日月

享名位者是衛府之勲耳終當使系嗣死於鐘簏之間
大子斃於金酒之中小子困於枯木之下荀勗亦宜同
然但其先德稍濃故報在汝後數世之外國嗣亦替言
畢叱去充忽忽歸營顏色憔悴性理昏喪經日始復惠
帝末充嗣孫謐遭趙王倫之難果斬於鐘下長女賈后
服金酒死少女賈午竟用大杖終悉如神言

賈充傳

阮瞻執無鬼論自以爲此理足以辨正幽明忽有一客
通名詣瞻寒溫畢聊談名理客甚有才辨瞻與之言鬼
神之事反覆甚苦客不能辨作色而起曰鬼神古今聖

賢所共傳君何得言無卽僕便是鬼於是變爲異形須

臾消滅瞻意色大惡未幾便卒

阮瞻傳

按北齊書載杜弼嘗與邢邵論死生理邵以爲神之在人猶光之在燭燭盡則光窮人死則神滅弼曰燭則因質生光質大光亦大人則神不係形形小神不小故仲尼之智必不短於長狄孟德之雄乃遠奇於崔琰邵理屈而止又隋書載李士謙善談元理嘗有一客在坐不信佛家報應之義以爲外典無聞焉士謙喻之曰積善餘慶積惡餘殃豈非休咎之應耶佛

經曰輪迴六道無復窮已此則賈誼所言千變萬化
未始有極忽然爲人之謂也佛道未東而賢者已知
其然矣至若鯨爲黃熊杜宇爲鷓鴣褒母爲龍牛哀
爲獸君子爲鵠小人爲猿彭生爲豕黃母爲鼃宣武
爲龜鄧艾爲牛徐伯爲魚鈴下爲烏書生爲蛇羊祜
前身李家之子此非佛家變受異形之謂耶客曰邢
子才云豈有松柏後身變爲樗櫟士謙曰此不類之
談也變化由心而作木豈有心乎客不能難而止附
識于此昧幽明之理者觀此可釋然矣

王坦之與沙門竺法師甚厚每共論幽明報應便約先死者當報其事後別經年師忽來云貧道已死罪福皆不虛惟當勤修道德可以升濟神明耳坦之尋亦卒

王坦之

傳之

孔愉嘗行經餘不亭見籠龜於路者愉買而放之溪中龜中流左顧者數四後以討華軼功封餘不亭侯印工鑄侯印而印龜左顧三鑄如初印工以告愉悟乃佩焉愉後爲鎮軍將軍

孔愉傳

武昌軍人有於市買得一白龜長四五寸養之漸大放

之江中及邾城戰敗溺死者六千人養龜人被鎧持刀
投於水中如覺墮一石上視之乃先所養白龜長五六
尺送至東岸遂得免焉

毛寶傳

殷仲堪遊於江濱見流棺接而葬焉旬日間門前之溝
忽起爲岸其夕有人通仲堪云感君之惠無以報也仲
堪因問門前之岸是何祥乎對曰水中有岸其名爲洲
君將爲州矣言終而沒未幾果爲荊州刺史

殷仲堪傳

許孜二親沒哀毀骨立柱而能起建墓于東山躬自負
土宿墓所列植松柏時有鹿犯其松栽孜悲歎曰鹿獨

不念我乎明日忽見鹿爲猛獸所殺置于所犯栽下攷
悵惋不已乃爲作冢埋於隧側猛獸卽於攷前自撲而
死攷益歎息又取埋之自後樹木滋茂而無犯者人號
其居爲孝順里

許攷
傳

顏含兄病躬親侍養足不出戶及親旣終兩兄繼沒次
嫂因疾失明含課勵家人盡心奉養每日自嘗省藥饌
察問息耗醫方須髯蛇膽而尋求弗得含憂歎累時晝
獨坐忽有一青衣童子年可十三四持一青囊授含開
視乃蛇膽也童子逡巡出戶化爲青鳥飛去得膽藥成

嫂病卽愈由是著名州郡

顏舍傳

劉殷七歲喪父哀毀過禮曾祖母王氏盛冬思堇而不
言食不飽者一旬矣殷怪而問之王言其故殷時年九
歲乃于澤中慟哭曰殷罪釁深重幼丁艱罰王母在堂
無旬月之養殷爲人子而所思無獲皇天后土願垂哀
愍聲不絕者半日忽若有人云止止聲殷收淚視地便
有堇生焉因得斛餘而歸食而不減至時堇生乃盡又
嘗夜夢神人謂之曰西籬下有粟寤而掘之得粟十五
鍾銘曰七年粟百石以賜孝子劉殷自是食之七載方

盡劉殷
傳

王延九歲喪母繼母卜氏遇之無道延事母彌勤卜氏
嘗盛冬思生魚勅延求而弗獲杖之延尋汾叩凌而哭
忽有一魚長五尺湧出水上延取以進母卜氏食之積
日不盡於是心悟撫延如己生

王延
傳

何琦丁母憂居喪泣血杖而後起停柩在殯爲鄰火所
逼烟焰已交家乏僮使計無從出乃匍匐撫棺號哭俄
而風止火息堂屋一間免燒其精誠如此

何琦
傳

鄧攸字伯道遇亂負妻子逃擔其兒及其弟子綏以行

攸度不能兩全謂妻曰吾弟已亡唯有一息止應棄吾
兒耳幸而得存吾後當有子妻泣而從之乃棄之其子
朝棄而暮追及明日攸繫之於樹而去後妻不復孕納

妾亦無子

鄧攸傳

攸既無嗣時人語曰天道無知使鄧伯道無兒何識
之闇也晉書本傳論曰攸棄子存姪若力所不能自
可割情忍痛何至預加徽纆絕其奔走者乎斯豈慈
父仁人之用心也卒以絕嗣宜哉勿謂天道無知此
乃有知矣允哉此論夫天之生物仁而已矣攸以殘

忍之心冀見許於造物而取償將來其可得乎

王敦爲侍中大將軍粗立功業威權莫貳遂欲專制朝廷因帝信用劉隗刁協於是率衆攻石頭害刁協周顗等後敦病見刁協乘輅車導從瞋目令左右執之俄而

敦死

王敦傳

桓溫官大司馬雄武專朝窺覬非望多所廢誅當時有位望者莫不戰懼後拜高平陵左右覺其有異旣登車謂從者曰先帝向遂靈見以不述帝所言故衆莫之知但見將拜時頻言臣不敢而已又問左右殷涓形狀答

者言肥短溫云向亦見在帝側初中軍將軍殷浩既爲

溫所廢死浩子涓頗有氣尙遂不詣溫故溫疑而害涓

竟不識也及是亦見涓爲崇因而遇疾死

桓溫傳

諸葛長民督豫揚六郡軍事驕縱貪侈所在殘虐長民

夜眠中輒驚起跳踉如與人相打云見一物甚黑而有

毛腳奇健非我無以制之一月中輒十數夜如是柱及

椽桷間悉見有蛇頭擣衣杵相與語如人聲又見巨手

長七八尺臂大數圍未幾遂伏誅

諸葛長民傳

史載世族將亡敗往往妖異百出不可殫紀而長民

所見鬼物則尤降罰之較著者也昔號公夢神人面
白毛虎爪覺以告史囂囂曰如君所言則蓐收也天
之罰神也長民所見殆類是

劉聰使其子粲攻南陽王模於長安模屢敗而降粲遂
害模聰聞之大怒謂粲曰天道至神理無不報吾恐汝
不免誅降之殃也粲後被殺

前趙
載紀

聰知天理何以篡奪而不知懼此特天良之偶露耳
然聰得壽終再世而後敗者或亦以平日尙有仁心
歟故不以人廢之

趙染事劉聰爲將軍寇長安時累敗大都督翹允索絀
東討染染狂于累捷有輕絀之色長史魯徽曰王畿雄
劣不同將軍宜整陣按兵以擊之弗可輕也染弗聽晨
率精騎數百馳出迎之敗績而歸悔曰吾不用魯徽之
言以至此何面見之於是斬徽徽臨刑謂染曰死者無
知則已若其有知當訴將軍於地下使不得伏牀枕而
死及染寇北地夢徽大怒引弓射之驚悸而寤旦將攻
城中弩而死

前趙
載紀

徐義爲慕容永所獲械埋其足將殺之義誦觀世音經

至夜中士開械脫于重禁之中若有人導之者遂奔得

脫前秦載紀

姚萇與兄襄同降苻堅後萇叛堅執堅而縊之及萇疾
夢堅將天官使者鬼兵數百突入營中萇懼走入宮宮
人迎萇刺鬼誤中萇陰鬼相謂曰正中死處拔矛出血
石餘寤而驚悸遂患陰腫醫刺之出血如夢萇乃狂言
或稱臣或稱萇殺陛下者兄襄非萇之罪願不枉臣遂

死後秦載紀

李壽僭位以左僕射蔡興爲誹謗誅之右僕射李疑亦

以直言被殺壽疾篤常見興等爲祟遂死

後蜀載紀

傳曜爲張掖郡督郵考覆屬縣邱池令尹興殺之殺諸
空井曜見夢于呂光曰臣張掖小吏邱池令尹興賊狀
狼籍懼臣言之殺臣投南亭空井中臣衣服形狀如是
光寤而猶見久之乃滅遣使覆之如夢遂殺興

後涼載紀

宋書

謝述兄純在江陵遇害述奉喪還都值暴風純喪舫流
漂不知所在述乘小船尋求之純妻庾遣人謂述曰風
波如此小郎去必無及寧可存亡俱盡耶述號泣答曰

如已致意外述亦無心獨存因冒浪而進見純喪幾沒
述號叫呼天幸而獲免咸以爲精靈所致也

謝述傳

王元謨北征戰敗主將蕭斌將殺之沈慶之固諫斌乃
止初元謨始將見殺夢人告曰誦觀音經千遍則免既
覺誦之且得千遍明日將刑誦之不輟忽傳呼停刑遣

代守碣礮遂免

王元謨傳

王彭少喪父母家貧無以營葬晝則傭力夜則號慙鄉
里哀之乃各出夫力助作塹塹須水而天旱穿井數十
丈不得泉墓處去淮五里荷擔遙汲困而不周彭號天

自訴一旦大霧霧歇塽竈前忽生泉水鄉鄰助之者並
嗟神異縣邑近遠悉往觀之葬竟水便竭太守上其事
表其里爲通靈里

王彭傳

齊書

蕭謏助明帝弑鬱林王殺高武諸王後帝深相疑阻謏
恆懷怨望上遣左右莫智明數謏罪賜之死謏謂智明
曰天去人亦復不遠我與至尊殺高武諸王是卿傳語
來去今死還取卿矣謏被殺至秋而智明死見謏爲崇

蕭謏
傳

盧度少隨張永北侵魏永敗魏人追急阻淮水不得過
度心誓曰若得免死從今不復殺生須臾見兩楮流來
按之得度後隱居山中鳥獸隨之夜有鹿觸其壁度曰
汝壞我壁鹿應聲去屋前有池養魚皆名呼之次第來
取食去逆知死年月與親友別

顧歡傳

劉虬宋大始中爲當陽令罷官歸其後屢徵不起家居
衣麤布衣禮佛長齋注法華經自講佛義齊建武二年
冬病正晝有白雲徘徊檐戶間又有香氣及磬聲是日
卒

劉虬傳

梁書

宗室秀爲郢州刺史先是夏日常爲兵衝露骸積骨于黃鶴樓下秀祭而埋之一夜夢數百人拜謝而去

安成王秀

傳

宗室恢有孝性初鎮蜀母費太妃在都不豫恢未之知一夜忽夢還侍疾及覺憂惶廢寢食俄而都信至太妃已瘳後又目有疾久廢視瞻有北渡道人慧龍得治眼術恢請之旣至空中忽見聖僧及慧龍下鍼豁然開朗

咸謂精誠所致

鄱陽王恢傳

傳昭爲信武將軍安成內史安成自宋以來兵亂郡舍號凶及昭爲郡郡內人夜夢見兵馬鎧甲甚盛又聞有人云當避善人軍衆相與騰虛而去夢者驚起俄而疾風暴雨倏忽總至數間屋俱倒卽夢者所見軍馬殘踏之所也自是郡舍遂安咸以爲昭正直所致昭所莅官常以清靜爲政居朝廷無所請謁不畜私門生不交私

利

傳昭

陸襄母猝患心痛醫方須三升粟漿是時冬月日又逼暮求索無所忽有老人詣門貨漿量如方劑始欲酬直

無何失之

陸襄傳

褚翔爲豫章太守潔已省繁苛去浮費郡之西亭有古樹積年枯死翔至郡忽更生枝葉百姓以爲善政所感翔少有孝性爲侍中時母疾篤請沙門祈福中夜忽見戶外有異光又聞空中彈指及曉疾遂愈

褚翔傳

滕曇恭年五歲母患熱思食寒瓜土俗所不產曇恭歷訪不得銜悲殊切俄遇見一沙門謂曰吾有兩瓜分一相遺還以贈其母舉室驚異尋訪沙門莫知所在及父母卒哀慟嘔血蔬食終身其門外有冬生樹二株忽有

神光自樹而起俄見佛像及夾侍之儀容光顯若自門

而入曇恭家人大小咸共禮拜久之乃滅

滕曇恭傳

庾黔婁爲孱陵令父易在家遘疾黔婁忽心驚舉身流汗棄官歸時易疾始二日醫云欲知差劇但嘗糞苦甜黔婁輒取嘗之味甜心逾憂苦至夕每稽顙北辰求以身代俄聞空中有聲曰徵君壽命已盡不復可延汝誠禱既至得申至月末至晦而易果亡

庾黔婁傳

韓懷明母患尸疰每發輒危殆懷明於星下稽顙祈禱時寒甚忽聞香氣空中有人曰童子母須臾便差無勞

自苦未曉而母平復鄉里以此異之

韓懷明傳

庾沙彌官會稽丁母憂喪還都濟浙江中流遇風舫將

覆沒沙彌抱柩號哭俄而風靜蓋孝感所致

庾沙彌傳

江紉幼有孝性父舊患眼紉侍疾將期月衣不解帶夜

夢一僧云患眼者飲慧眼水必差舊遂捨宅爲寺請敕

賜名卽曰慧眼及寺成泄故井井水清冽異於常泉依

夢取水洗眼遂差

江紉傳

劉霽母明氏寢疾霽年已五十衣不解帶者七旬誦觀

世音經數萬遍夜夢一僧謂曰夫人算盡君精誠篤至

當延數旬耳後六十餘日乃亡居喪廬墓有雙白鶴翔

於廬

劉霽傳

阮孝緒幼至孝嘗于鍾山聽講母忽有疾兄弟欲召之
母曰孝緒至性冥通必當自到孝緒果心驚而反鄰里
嗟異之合藥須得生人葠舊傳鍾山所出孝緒躬力幽
險累日不逢忽見一鹿前行至一所而滅就視果得此
草母服之遂愈

阮孝緒傳

庾詵性託夷簡不治產業普通中詔爲黃門侍郎不赴
晚年于宅內立道場禮懺六時不輟誦法華經每日一

遍夜中忽見一道人自稱願公容止甚異呼詵爲上行
先生授香而去中大通四年晝寢覺曰願公復來不可
久住言終而卒舉室咸聞空中唱云上行先生已生彌

陀淨域矣

庾詵傳

梁陳之世宗教大昌士大夫茹齋奉法翕然成風然
其真僞勤惰之分相去甚遠惟能以真實心行清淨
行者生死之際如蟬蛻焉此則積誠所致非可襲而
取也子謂子夏曰女爲君子儒無爲小人儒惟學佛
者亦然君子小人之辨則誠與僞之問而已矣可不

慎歟

劉薩阿遇疾暴亡心下猶暖其家未敢便殯經十日更
蘇說云兩吏錄向西北行不測遠近見十八地獄隨報
重輕受諸楚毒忽見觀世音語云汝緣未盡若得活可
作沙門洛下齊城丹陽會稽並有阿育王塔可往禮敬
壽終則不墮地獄語竟如墮高巖忽然醒悟因出家遊
行禮塔云

海南傳

陳書

吳明徹幼孤性至孝家貧無以葬乃勤力耕種時亢旱

苗稼焦枯明徹哀憤每之田中號泣仰天自訴居數日
有自田還者云苗已更生明徹疑爲給已及往田所竟
如其言秋而大穫足充葬用時有伊氏者善占墓謂其
兄曰君葬曰必有乘白馬逐鹿者經墳此是最小孝子
大貴之徵至時果有此應明徹卽最小子也太建中明
徹以侍中領軍北伐至秦郡高宗以秦郡爲明徹舊邑

詔具太牢令拜祠上冢時以爲榮

吳明徹傳

王固崇信佛法丁母憂遂終身蔬食夜則坐禪晝誦佛
經嘗聘於西魏因宴饗之際請停殺一羊羊於固前跪

拜又宴於昆明池魏人以南人嗜魚大設罟網固以佛

法咒之遂一鱗不獲

王固傳

徐孝克性至孝遭侯景亂嘗鬻妻以養母又篤信佛理
禎明元年爲都官尙書自晉以來尙書官僚皆攜家屬
居省省在臺城內下舍門中有閣道東西跨路通於朝
堂其第一卽都官之省西抵閣道年代久遠多有鬼怪
每昏夜之際無故有聲光或見人著衣冠從井中出須
臾復沒或門閤自然開閉居省者多死亡尙書周確卒
於此省孝克代確便卽居之經涉兩載妖變皆息時人

咸以爲貞正所致孝克卒年七十三臨終正坐念佛室

內有非常異香鄰里皆驚異之

徐孝克傳

阮卓父問道隨岳陽王出鎮遇疾卒卓年十五自都奔
赴水漿不入口者累日屬侯景之亂載柩還都在路遇
賊卓號哭自陳賊哀而不殺過蠡湖中流遇疾風船幾
沒者數四卓仰天悲號俄而風息人以爲孝感之至

阮卓傳

南史

蕭惠明泰始初爲吳興太守郡界有卞山山有項羽廟

相承云羽多處郡聽事前後太守每避居私室不敢上
惠明日烏有是哉令盛設筵榻廣接賓客厯數日忽見
一人長丈餘張弓挾矢向惠明旣而不見因發背旬日
而卒

蕭惠
明傳

按惠明從子琛亦爲吳興太守前後二千石皆以軫
下牛祀項王於聽事琛遷之於廟禁殺牛祀則以脯
代肉後竟無恙然則惠明之登堂設席以私慢神也
琛之遷祀禁宰以正服神也君子亦持其正而已

齊高祖欲禪宋尙書令袁粲不從舉兵遂被害有幼兒

方數歲乳母攜之投粲門生狄靈慶靈慶曰吾聞出郎
君者有厚賞今袁氏已滅汝匿之尙誰爲乎遂抱以首
乳母號呼曰公昔於汝有恩故冒難歸汝奈何殺郎君
以求利若天地鬼神有知我見汝滅門兒便死兒存時
常騎一大獐狗戲死後靈慶常見兒騎狗戲如平常經
年餘忽有狗走入靈慶家遇靈慶於庭噬殺之併噬殺
其妻子視之卽袁郎所常騎也

袁粲傳

袁昂父顗爲宋明帝所殺傳首建業藏於武庫以漆題
顗名以爲誌至元徽中始以還其家昂年十五號慟嘔

血絕而復蘇以淚洗所題漆字皆滅人以爲孝感仕齊
爲豫章內史丁母憂以喪還江路風潮暴駭昂縛衣著
柩誓同沈溺風止餘船皆沒惟昂船獲全位司空年八

十卒

袁昂傳

何點居父母憂幾至滅性長絕婚宦世論以爲孝隱士
點門世信佛招攜勝侶及名德沙門清言賦詠優游自
得少時嘗患渴利積歲不愈後在吳中石佛寺建講於
講所晝寢夢一道人形貌非常授九一掬夢中服之自
此而差人以爲淳德所感

何點傳

何允通內典隱若邪山後遷秦望山將築室忽見二人
著元冠容貌甚偉問允曰君欲居此邪乃指一處云此
中殊吉忽不復見乃依言而卜焉未幾山發洪水樹石
皆倒拔惟允所居室巋然獨存常禁殺有虞人逐鹿鹿
逕來趨允伏不動又有異鳥如鶴紅色集講堂馴狎如
家禽嘗於吳中武邱西寺內立明珠柱柱乃七日七夜
放光初允侈於味後去其甚者猶食白魚鮓脯糖蟹等
物汝南周顒與允書勸令食菜曰變之大者無過死生
生之所重無逾性命性命之於彼極切滋味之在我可

除若云三生理誣則幸矣如使此道果然而一往一來
生死常事則傷心之慘行亦自及允遂永絕血味允嘗
疾妻江氏夢神告曰汝夫壽盡既有至德應獲延期爾
當代之妻果得患而卒允疾乃瘳後年八十六夢一神
女併八十許人行列在前俱拜牀下覺又見之便命營
凶具未幾卒

何允傳

沈約始仕齊勸梁武受齊祚并草禪位詔書遂廢齊和
帝梁武卽位欲遷帝於南海郡沈約云今古殊事魏武
所云不可慕虛名而受實禍梁武領之於是遣使害帝

以約爲尙書僕射一日自朝還家未至牀憑空頓於戶
下因病夢齊和帝以劍斷其舌召巫視之巫言如夢乃
呼道士奏赤章於天稱禪代之事不由己出梁武聞之
大怒遣使譴責約懼遂卒

齊和帝本
紀沈約傳

齊宗室季敝麤猛無行高帝時爲蕭詵所獎說故累爲
郡守在政貪穢詵輒掩之及詵誅季敝啟求收詵弟誅
深加排苦乃至手相摧辱誅徐曰已死之人何足至此
君不憶相提拔時耶幽冥有知終當相報後季敝爲廣
州刺史白日見誅將兵入城收之少日遂爲周世雄所

襲軍敗奔山中爲蛭所噬慘楚備至肉多盡而死村人

斬其首

衡陽公
諡傳

齊宗室嶷甚爲武帝親愛嶷沒後忽見形於沈文季曰
我病未應死皇太子隱加膏中十一種藥使我癰不差
湯中復加藥一種使利不斷我已訴先帝矣因出胸中
青紙文書示文季曰與卿少舊因卿呈上俄失所出文
季懼甚秘不敢傳少時太子薨

豫章王
嶷傳

齊宗室鏗三歲喪母及有識自悲不識母常祈請幽冥
求一夢見至六歲遂夢見一女人云是其母鏗悲泣向

舊左右說容貌衣服皆如平時聞者莫不歛衽

官都王
鏗傳

齊宗室子懋年七歲時母阮淑媛病篤請僧行道有獻蓮花供佛者銅罌盛水漬其莖子懋流涕禮佛曰若使阿姨因此和勝願諸佛令華竟齋不萎七日齋畢華更鮮紅視罌中稍有根鬚當世稱其孝感

晉安王
子懋傳

陸超之爲晉安王子懋所知延興間子懋舉兵旣敗或勸超之逃亡答曰死不足懼吾若逃亡非惟孤晉安之眷亦恐田橫客笑人中護軍王元邈等以其義欲囚將還都超之亦端坐待命超之門生姓周者謂殺超之當

得賞乃俟超之坐自後斬之頭墮而身不僵元邈嘉其
節厚爲殯斂周又助舉棺未出戶棺墜政壓其頭頭折
卽死聞者以爲有天道焉

同前

齊宗室子罕母嘗寢疾晝夜祈禱以竹爲燈續照夜此

續宿昔枝葉大茂母病亦愈

南海王子罕傳

劉靈哲母嘗病靈哲晝夜祈禱夢黃衣老公與藥曰可

取此食之疾可立愈靈哲驚覺於枕間得之如言而疾

愈藥似竹根於齋前種葉似莧苳

劉靈哲傳

劉歊奉母兄以孝悌稱寢食不離左右意有所須口未

及言歎已先知母每疾病夢歎進藥及翌日疾良已其誠感如此歎隱居求志不娶不仕忽有老人無因而至謂歎曰君心力堅猛必破死生但運會所至不能久留一方耳彈指而去歎於是信心彌篤俄疾卒時有沙門寶誌遇歎於興皇寺曰隱居學道清淨登仙如此三說

劉歎傳

梁宗室業性敦篤爲湘州刺史大著善政零陵舊有二猛獸爲暴無故相枕而死郡人見猛獸傍一人曰刺史德感神明故猛獸自斃言訖不見普隆中爲金紫光祿

大夫終

梁宗室業傳

梁宗室象爲湘州刺史湘州故多猛獸爲暴及象任州日四猛獸死於郭外自此靜息故老稱政德所感

梁宗室象傳

梁宗室猷性倜儻封臨汝侯爲吳興郡守常禱於楚王廟神後官益州時齊苟兒反率衆十萬攻州城猷兵糧俱盡遙禱請救是日有田老逢一騎浴鐵從東方來問去城幾里日百四十時日已晡騎舉稍日後人來可令之疾馬欲及日破賊俄有數百騎如風而過一騎請飲

田老問爲誰曰吳興楚王來救臨汝侯猷遂大破荀兒

其時廟中侍衛士偶皆泥濕如汗

梁宗室猷傳

瀆事鬼神非爲政之道然其感應靈異若此自非有德焉以交於神明不能也道而得神是爲逢福不其然乎

陰子春爲東莞太守時青州先有神廟爲刺史王神念所毀壞子春夜夢人通名詣謁云有人見苦破壞宅舍旣無所託欽君厚德欲憩此境子春心密記之經二日而知之甚驚以爲前所夢神因請召安置一處復夢一

朱衣神謝曰得君厚惠當以一州相報經月餘魏欲襲

朐山間諜前知子春設伏破之詔授南青州刺史

陰子春傳

梁宗室賁當侯景反出投之專監造攻具以攻臺城常
爲賊耳目時宗室會理力圖匡復與柳敬禮蕭勸密謀
興兵誅侯景賁以謀告賊會理等遂被收見殺賊矯封
賁爲竟陵王改姓侯氏居嘗晝臥見柳敬禮蕭勸入室
毆之賁驚起乞恩俄而賊忽惡其翻覆殺之

梁宗室賁
勸會理傳

梁宗室偉因武帝軍東下用度不足偉取襄陽寺銅佛
毀以爲錢富僧藏鎚多加毒害遂得惡疾偉性多慈惠

晚年亦崇信佛法然終以惡疾死

南平元襄王偉傳

梁宗室恭善解吏事而性尙奢華廣營第宅酣宴終辰除雍州刺史政績有聲百姓請於城南立碑頌德詔許焉名爲政德碑是夜聞數百人大叫明旦視之碑涌起一尺恭命以大柱置於碑上使力士數十人抑之不下又以酒脯祭之強抑之下使人守視俄而復起守者竟不見之恭聞而惡焉先是武帝以雍爲邊鎮運數州粟以寶儲倉恭乃多取官米還贍私宅又典籤陳保印侵尅百姓後爲廬陵王所啟罷職

梁宗室恭傳

梁宗室脩年十二丁母憂自荊州反葬中江遇風前後
部伍多沉溺脩抱柩長號血淚俱下竟得無佗葬訖廬
墓次山中多猛獸至是絕迹野鳥馴狎棲宿檐宇武帝
嘉之以班告宗室後官漢中人號慈父時有田一頃將
秋遇蝗脩躬至田所深自咎責或請捕之脩曰此刺史
無德所致捕之何補言畢忽有飛鳥千羣蔽日而至瞬
息之間食蟲遂盡而去莫知何鳥

梁宗室
脩傳

顧協除新安令遭母喪送喪還於峽江遇風同旅皆漂
溺惟協一舫觸石而泊焉咸謂精誠所致協自丁艱憂

遂終身布衣蔬食云

顧協傳

庾域爲懷寧太守罷任歸妻子猶事井臼自衣大布餘俸專充供養母好鶴唳域所在尋求孜孜不怠一日雙鶴來下論者以爲孝感所致子子輿亦至孝域守寧蜀子輿隨侍域於路感心疾每發必叫子輿亦悶絕域卒哀痛將絕奉喪還鄉巴東有淫預石高出水面二十許丈次有瞿塘大灘時秋水猶壯部伍至此石猶不見子輿撫心長叫水忽退減安流南下及度水復舊行人爲之語曰淫預如幞本不通瞿塘水退爲庾公初發蜀有

雙鳩巢舟中及至又棲廬側每聞哭泣之聲必飛翔悲
鳴子輿欲爲父立佛寺未有定處夢有僧謂曰將修勝
業嶺南原可卽營造明旦訪之果見標度處所有若人
功因立精舍

庾域子
輿傳

徐份性孝悌父陵嘗疾篤份燒香泣涕跪誦孝經日夜
不息如是者三日陵疾豁然而愈

徐份
傳

傳緯仕陳負才使氣陵侮人物爲施文慶等所譖被收
下獄憤恚上書極論後主過失遂賜死獄中緯雖強直
有才而毒惡傲慢爲當世所疾及死有惡蛇屈尾來上

靈牀當前受祭醑去而復來者百餘日時時有彈指聲

傳
傳
緯

或以緯所上書侃侃有直臣節且善談釋典曾著明
道論疑惡蛇之說或有訛傳然緯立朝已久不聞匡
諫徒以被收繫獄憤恚上書是託婞直之詞以逞其
不平之胸臆與出自忠愛之忱者正相反其平時毒
惡傲慢可知矣若夫釋氏之教以柔和爲先以增上
慢爲大戒緯此之不明瞋習方張遽淪惡道輪迴變
化肇於一心豈一知半解所能抵敵哉

邱傑年十四遭母喪以熟菜有味不嘗於口歲餘夢母
曰死止是分別耳何事乃爾荼苦汝噉生菜遇蝦蟇毒
靈牀前有三丸藥可取服之傑驚起果得一甌甌中有
藥服之下蝌蚪子數升邱氏世保此甌云

邱傑傳

孫法宗有至行父被害海濱法宗入海求屍聞父子以
血漚骨當卽漬浸乃操刀沿海見枯骸則刻肉灌血十
餘年臂脛無完膚終不能逢遂終身衰經常居墓所山
禽野獸皆悉馴附每麋鹿觸網必解放之償以錢物後
忽苦頭創夜有女人至曰我是天使來相謝行創本不

關善人使者遠相及可取牛糞汁傅之卽差如其言果

驗遂傳其方一境賴之

孫法宗傳

王虛之喪親二十五年鹽酢不入口疾病著牀忽有一人來問病謂曰君病尋差俄不見疾果差庭中楊梅樹隆冬三實又每夜所居室有光如燭墓上橘樹一冬再

實

王虛之傳

蕭叡明母病風積年沉臥叡明晝夜祈禱時寒淚爲之冰忽有一人以小石函授之曰此療夫人病忽不見以函奉母函中惟三寸絹書日月字母服之卽平復於時

有朱緒者無行母病經年忽思菰羹緒妻到市買菰爲羹奉母緒曰病復安能食先嘗之遂併食盡母怒曰我病欲此羹汝何心併啖盡天若有知當令汝哽死緒卽利血明日而死

蕭敏明傳

蕭矯妻羊氏字淑禕居父喪哭輒吐血母疾淑禕中夜祈禱忽見一人在樹下自稱枯桑君曰若人無患今泄氣在亥西南求白石鎖之言訖不見明日如言而疾愈又永興王氏女五歲得毒病兩目皆盲性至孝年二十父死臨尸一叫眼皆血出小妹娥舐其血左目卽開又

諸暨屠氏女父母廢疾親戚相棄女晝採樵夜紡績以
供養親亡負土成墳忽空中有聲云汝至性可重山神
當効驅使汝可爲人療病時鄰舍人有患溪蟻毒者女
試療之卽愈以後爲人療疾無不驗家產日益

蕭矯妻
羊傳

解叔謙母有疾叔謙夜於庭中稽顙祈禱聞空中語云
此病得丁公藤爲酒便差卽訪醫家及本草注皆無識
者乃求訪至宜都郡遙見山中一老公伐木問其所用
答曰此丁公藤能治病療風尤驗叔謙便拜伏流涕具
言來意此公愴然以四段與之併示以漬酒法叔謙受

之顧視此人不復知處依法爲酒母病卽差又有廬陵

匡昕者有至性隱金華山服食不與俗人交母病亡已

經日昕奔還號叫母卽蘇皆以爲孝感所致

解叔謙傳

司馬申陳後主時爲右衛將軍頗作威福長應對能候

人主顏色有忤已者必以微言譖之嘗晝寢於尙書下

省有烏啄其口流血及地時論以爲譖賢之報也

司馬申傳

魏書

宗室壽興爲中庶子時王顯賤壽興嘗因事杖之及顯有寵誣壽興罪遂賜死壽興謂其子曰吾棺中可著百

張紙筆二枚吾欲訟顯於地下百日内必取顯壽興死

未幾顯尋被殺

壽興傳

宗室太興襲爵京兆王遇患請諸沙門行道所有資財一時布施乞求病愈名曰散生齋及齋後僧皆四散有一沙門方至云乞齋餘食太興戲之曰齋食已盡唯有酒肉沙門曰亦能食之因出酒一斗羊腳一隻食盡猶云不飽辭出後酒肉俱在出門追之無所見太興遂佛前乞願向者之師當非俗人若此病得差卽捨王爵入道未幾便愈遂請爲沙門詔許焉

京兆王太興傳

宗室楨爲相州刺史以旱祈雨於羣神鄴城有石季龍廟人奉祀之楨告神像三日不雨當加鞭罰請雨不驗遂鞭像一百是月疽發背死

南安王楨傳

宗室熙卽楨之孫也每從其父英征伐在軍貪暴或因迎降逐北至有斬殺無辜多增首級以爲功狀又于忠之誣郭祚裴植也忠意未決害之由熙勸獎遂至極法及熙爲元乂所殺識者以爲有報應焉

同上

于忠爲侍中領軍將軍遂執朝政權傾一時尙書左僕射郭祚尙書裴植以忠權勢日盛勸高陽王雍出之忠

聞之逼有司誣奏祚與植罪矯詔殺之朝野憤忿無不切齒又欲殺高陽王雍賴侍中崔光固執乃止神龜元

年三月寢疾見裴郭爲祟而死

于栗碑傳

崔浩非毀佛法而妻郭氏頗敬好釋典浩怒取而焚之捐灰廁中及浩以國書事獲罪詔幽浩置檻內送於城南使衛士數十人洩其上呼聲嗷嗷聞於行路宰司之被戮未有如浩者世皆以爲報應之驗

崔浩傳

西方之國有聖人焉其爲教推本還原窮幽極博卽其別白因果懲惡勸善於王法亦有助焉世人狃於

積習肆口詆誣自附儒者嗚呼何其愚也崔浩說魏主焚毀經像屠滅沙門卽以儒道論豈所謂有舉無廢與大德曰生之旨耶時寇謙之苦與浩爭謂浩曰卿今促年受戮滅門戶矣浩卒不聽不旋踵而殺身夷族豈足惜哉

刁肅平南將軍雍之子也雍汎施愛士恬靜寡欲篤信佛道卒年九十五肅少不拘小節長更修改嘗經篤疾幾死見神明救免言是福門之子當享長年肅拜龍驤將軍洛州刺史卒年七十六

刁雍傳

裴安祖曾舍於樹下有鷲鳥逐雉雉急投之遂觸樹而死安祖愍之乃取置陰地徐徐護視良久得蘇喜而放之夜夢一丈夫衣冠甚偉著繡衣曲領向安祖再拜安祖怪問之此人云感君見放故來謝德安祖年至八十

三卒

裴安祖傳

李訢爲相州刺史政頗清簡後以事爲兵人所告尙書李敷與訢少長相好每左右之或有勸敷以奏聞敷不許及獻文詔問訢罪狀會敷亦爲上所嫌有司諷以中旨誣列敷罪訢從其言敷坐是得罪訢得免死後起官

信任趙郡范櫟倚爲腹心櫟後希文明太后旨告訴外
叛訢辨其無櫟爲之證實訢曰爾不念余之厚德而忽
爲此不仁乎櫟曰公德於櫟何若李敷之德於公公昔
忍於敷櫟今敢不忍於公乎訢不能對遂伏誅

李訢傳

高允雅信佛法常設齋講好生惡殺獻文平齊徙其
族望於代多允姻媾徒步造門允散財竭產以相贍賑
每謂人曰吾在中書時有陰德濟救人命若陽報不差
吾壽應享百年允位至光祿大夫隆重朝廷當世榮之
卒年九十八卒之前微有不適不寢臥吟詠如常

高允傳

崔挺爲光州刺史風化大行州治有斧山挺於頂上欲
營觀宇故老曰此嶺夏秋之際常有暴雨迅風巖石盡
落相傳云是龍道恐此觀不可久立挺不信遂營之數
年間果無風雨之異挺旣代卽爲風雹所毀於後作復
尋壞遂莫能立衆以爲善化所感

崔挺傳

李彪爲御史中尉號爲嚴酷以姦款難得乃爲木手擊
其脇腋氣絕而復屬者時有焉及彪病體上往往創潰
病毒備極而卒

李彪傳

張彞爲征西將軍冀州大中正第二子仲瑀上封事排

抑武人由是衆口喧喧羽林武賁將幾千人相率至尙
書省求其長子尙書郎始均不獲遂直造其第曳彝捶
撻焚其屋宇始均回救其父羽林等就加毆擊生投之
於烟火中及得尸骸不復可識惟以髻中小釵爲驗彝
亦尋卒初大乘賊之亂都督元遙討之積尸數萬時始
均以郎中爲行臺念軍士以首級爲功令檢集人首數
千一時焚爇至於灰燼用息僥倖見者莫不傷心及始
均之死也在烟炭之間有焦爛之痛論者推咎焉

張彝傳

韋伯昕自以才智優於裴植常輕之植亦疾之如讎及

二十二史劄記卷一百一十一

伯昕爲中壘將軍告尙書裴植謀爲廢黜植坐死後百餘日伯昕亦病卒臨亡見植爲崇口云裴尙書死不獨

見由何以見怒遂死

裴叔業傳

夏侯道遷厯官華瀛二州刺史封濮陽侯既卒長子夬性好酒居喪不戚醇醪肥鮮不離於口父時田園貨賣畧盡弟妹不免饑寒初道遷知夬好酒不欲傳授國封後夬忽夢征虜將軍房世寶至其家聽事與其父坐屏人密語夬心懼曰世寶爲官必擊我也尋有人呼夬去遣左右杖之二百不勝楚痛大叫良久乃寤流汗徹衣

夢後二日不能言針之乃得語而猶虛劣俄而心悶而死洗浴者視其尸體大有杖處青赤傷也數百許下夏侯

傳

酒禍酷矣然罕有遭冥譴者夫之受罰於父何重也夫嗜酒者神志必昏神志昏則鬼神皆得而侮之況徇口腹而墮堂構者乎昔陶侃飲酒有定限常歡有餘而限已竭或勸少進淒然曰年少有酒失慈親見約故不敢逾君子之守身事親可知矣

奚康生爲相州刺史以天旱令人鞭石季龍像復就西

門豹祠求雨不獲令吏取豹舌未幾二兒暴喪身亦遇

疾巫以爲季龍豹之祟

奚康生傳

爾朱世隆爲尙書令生殺自由公行淫泆曾晝寢其妻
奚氏忽見一人持世隆首去奚氏驚怖就視而世隆寢
如故也旣覺謂妻曰向夢人斷吾頭去意殊不適未幾

見誅

爾朱世隆傳

盧景裕好釋氏通其大義時天竺沙門道惲每譯諸經
論輒託景裕爲之序元象元年河門邢摩訶與景裕從
兄仲禮據鄉作逆事敗景裕亦繫晉陽獄至心誦經枷

鎖自脫後竟免是時又有人負罪當死夢沙門教以經
覺時如所夢誦千遍臨刑刃折主者以聞赦之此經遂

行於世號曰高王觀世音

盧景裕傳

吳悉達父母爲人所殺兄弟三人年並幼小四時號慕
悲感鄉里及長報讎避地永安後欲改葬亡失墳墓推
尋弗獲晝夜號哭不止叫訴神祇忽於悉達足下地陷
得父銘記因遷葬曾祖以下三世九喪哀感毀悴有過

初喪有司奏聞標閭復役以彰其孝

吳悉達傳

主崇兄弟並以孝稱母喪杖而後起鬢髮墮落母喪闋

後丁父憂哀毀過禮是年夏風雹所過之處禽獸暴死
草木摧折至崇田畔風雹便止禾麥十頃並無損落及
過崇地風雹如初咸稱至行所感

王崇傳

苟金龍爲梓潼太守梁人攻圍會金龍病妻劉氏率兵
士守城井在城外城中絕水渴死者多劉集衆喻以忠
義相率告訴于天俱時號叫俄而澍雨出布絹衣服懸
之城內絞而取水所有雜器悉儲之於是人心益固會
援兵至得免

苟金龍妻
劉氏傳

張駿私署涼州牧西平公始其祖張軌之保涼州也由

陰澹之力至是駁以陰氏門宗彊盛忌之乃逼澹弟鑒
令自殺由是大失人情駁既病見鑒爲祟遂死

張駁傳

北齊書

竇泰天平中爲御史中尉神武西討令泰自潼關入未
行之前夜三更忽有朱衣冠幘數千人入臺云收竇中
尉宿直兵吏皆驚其人入數屋俄頃而去旦視關鍵不
異方知非人皆知其必敗果爲周文帝所襲遂自殺

竇泰傳

高隆之官太保爲崔季舒等所譖文帝令壯士築百餘

下竟致死後復殺其子德樞等二十人發隆之冢斬截骸骨初隆之見信高祖性陰毒睚眦之忿無不報之儀同三司崔孝芬以結婚姻不果太府卿任集以同知營構事多相乖異瀛州刺史元晏以請託不遂前後構成其罪並誅害之終至家門殄滅論者謂有報應焉

高隆之傳

韓賢爲洛州刺史民韓木蘭等作逆賢擊破之親自按檢收甲仗有一賊窘迫藏屍間見賢將至起而斫之斷其脛而卒昔漢明帝時西域以白馬負佛經送洛因立白馬寺其經函傳於此寺形制淳樸世以古物厯代藏

寶賢無故斫破之未幾而死論者謂賢因此致禍

韓賢傳

陸法和有道術有小弟子戲截蛇頭來詣法和法和曰
汝何意殺蛇因指以示之弟子乃見蛇頭齟齬袴襠而不
落法和使懺悔爲蛇作功德又有人以牛試刀一下而
頭斷後詣法和法和曰有一斷頭牛就卿徵命殊急若
不爲作功德一月內報至其人弗信少日果死

陸法和傳

張華原爲兗州刺史人懷感附州獄先有囚千餘人華
原皆決遣至歲暮惟有重罪者數十人亦遣歸家申賀
依期至獄先是州境數有猛獸爲暴自華原臨政忽有

六駭食之皆以爲化感所致

張華原傳

宋游道與李構有舊游道死後構爲定州長史游道第三子士遜爲墨曹博陵王管記誣奏構罪構於禁所祭游道而訴焉士遜晝臥如夢者見游道怒曰我與構恩義汝豈不知何謀陷清直之士士遜驚跪曰不敢不敢

旬日而卒

宋游道傳

盧斐性殘忍天保中官尙書左丞別典京畿詔獄拷掠過度於大棒車輪下死者非一後以謗史事與李庶俱

病鞭杖死獄中

盧斐傳

按還寃記北齊陽翟太守張善苛酷貪饕惡聲流布
蘭臺遣御史魏輝儻就郡治之贓賄狼籍罪狀合死
善於獄中使人通訴反誣輝儻爲納民財枉見推縛
文宣帝大怒以爲法司阿曲必須窮治令尙書令左
丞盧斐覆驗之斐遂希旨成輝儻罪狀奏報於州斬
決輝儻遺語令史曰我之情理是君所見當辦紙百
番筆二管墨一錠以隨吾屍若有靈祇必望報盧令
史哀悼爲之殯殮并備紙筆越十五日善得病唯云
叩頭未旬日而死繼兩月盧斐坐譏駁魏史爲魏收

所奏被誅其事可爲史傳之證

周書

賀拔岳爲魏大都督永熙三年與都督侯莫陳悅同討
靈州刺史曹泥悅密圖岳誘岳入營殺之時周太祖爲
夏州刺史勒兵討悅悅與子弟及同謀殺岳者並伏誅
悅自殺岳後神情恍忽不復如常恆言我纔睡卽夢見
岳云兄欲何處去隨逐我不相置因此彌不自安而致
破滅

賀拔
岳傳

達奚武爲同州刺史時以旱祀華岳岳廟舊在山下常

所祈禱武獨登峯展誠岳既高峻人跡罕通武年踰六十惟將數人攀藤援枝而上稽首祈禱晚不得還卽於岳上藉草而宿夢見一白衣人來執武手曰快辛苦甚相嘉尙武遂驚覺益用祇肅至旦雲霧四塞俄而澍雨

遠近沾洽

達奚武傳

賀蘭祥爲荊州刺史百姓安之時盛夏亢陽祥乃親巡境內觀政得失見有發掘古冢暴露骸骨者乃謂守令曰此豈仁者之爲政耶於是命所在收葬之卽日澍雨是歲大有年

賀蘭祥傳

柳慶爲雍州別駕守正明察每歎曰昔于公斷獄無私

闢高門以待封倘斯言有驗吾其庶幾乎後位終司會

封平齊縣公子機宏且肅皆貴

柳慶傳

陸政仕魏性至孝其母吳人好食魚北土魚少求之常
苦難後宅側忽有泉出而有魚遂得以供膳時人以爲

孝感所致

陸通傳

北史

魏宗室樹出奔梁梁使爲郢州刺史魏使御史中尉樊
子鵠率徐州刺史杜德舍人李昭等討之樹守城不下

子鵠遣使說之降樹請委城還梁子鵠許之殺白馬爲盟樹恃誓不爲戰備及旣降杜德背盟不許樹還南遂賜死未幾杜德忽得狂病云元樹打我不已至死驚不絕時李昭奉使向秦州至潼關驛夜夢樹云我已訴天帝待卿至隴終不相放昭覺惡之及至隴口爲賀拔岳所殺子鵠尋爲達野拔所殺

咸陽王禧傳

魏宗室勰守正不阿尙書令高肇性兇愎帝欲立肇兄女爲后勰固執以爲不可肇於是屢譖勰於上召至禁中殺之勰妃李氏號哭曰高肇枉理殺人天道有知汝

還當惡死及肇以罪見殺還於勰死之屋

彭城王勰傳

高昂佐齊神武累戰有功元象元年攻獨孤信于金墉
昂使奴京兆候西軍京兆取昂佩刀以行昂執殺之京
兆曰三度救公大急何忍以小事賜殺其夜夢京兆以
血塗已寤而怒使折其二脛時劉桃棒在渤海亦夢京
兆言訴得理將公付賊桃棒知昂將死遽奔焉昂已及
于難會喪於路

高昂傳

盧曹以勇力稱率其徒入海島得長人骨以髑髏爲馬
卓脰長丈六尺以爲二稍未幾曹遇疾恫聲聞於外巫

言海神爲崇遂卒

高季式傳

裴伯茂兄景融貧窘伯茂了無賑卹殆同行路劇飲不
已多有愆失一日忽云吾得密信將被收掩乃與婦乘
車逃避後因顧指壁中言有官人追逐其妻方知其病

數日卒

裴延
儒傳

裴俠年十三遭父憂哀毀有若成人將擇葬地而行空
中有人曰童子何悲葬於桑東封公侯俠懼以告母母
曰神也吾聞鬼神福善爾家未嘗有惡當以吉祥告汝
耳時俠宅畔有大桑林因葬焉俠仕周官工部中大夫

賜爵爲公俠居官清勤嘗遇疾沉頓忽聞五鼓便卽驚起曰可向府耶所苦因此遂瘳晉公護聞之曰裴俠危篤若此而不廢憂公因聞鼓聲疾病遂愈此豈非天佑

其勤恪也

裴俠傳

豆盧勣爲渭州刺史甚有惠政華夷悅服高武隴絕壁千尋由來乏水諸羗苦之勣馬足所踐忽飛泉湧出有白鳥翔止廳前乳子而後去有白狼見於襄武人爲之謠曰我有丹陽山出玉漿濟我人夷神鳥來翔因號其

泉曰玉漿泉

豆盧勣傳

王顯魏宣武時以醫術知遇恃勢使威爲時所疾明帝
時詔徙朔州臨執呼冤直閣伊益生以刀環撞其腋下
傷中吐血至右衛府一宿死初顯構會元景就刑南臺
及顯之死在右衛府唯隔一巷世以爲有報應之驗王顯傳

二十二史感應錄卷上終

二十二史感應錄卷下

蘇州彭希涑蘭臺輯

隋書

開皇十七年大興城西南四里有袁村設佛會一老翁
皓首白裙襦衣來食而去衆莫識追而觀之行二里許
不復見但見一陂中有白魚長丈餘小魚從者無數人
爭射之或弓折弦絕後竟中之剖其腹得稊飯始知此
魚向老翁也數日後漕渠暴溢射人皆溺死

五行志

宗室爽爲元帥殺戮過多未幾寢疾上使巫者薛榮宗

視之云衆鬼爲厲爽令左右驅逐之居數日有鬼物來

擊榮宗榮宗走下階而斃其夜爽卒年二十五衛昭王爽傳

楊素位至司徒性嚴忍又阿諛取容營仁壽宮督役嚴

急作者多死時聞鬼哭又謀廢太子構成其罪素既卒

有蕭吉者見素冢上有白氣屬天告帝曰素家當有兵

禍滅門之象也未幾素子元感謀反遂族誅楊素蕭吉傳

按隋書楊素傳論曰素幸而得死子爲亂階墳土未

乾闔門殂謝積惡餘殃信非徒語愚謂元感未反而

白氣先從素冢出戾氣所鍾尤爲較著故取蕭吉傳

中語同錄之世人多信堪輿不知置朽骨於不祥之地且曰不可況日置其心於慘忍傾側之鄉有不災及子孫者哉

高祖廢房陵王勇立晉王廣爲太子勇以廢非其罪欲見上申冤晉王遏之不得聞奏繼又矯詔賜勇死晉王卽位太子昭得勞疾帝令巫者視之云房陵王爲祟未

幾薨

元德太子昭傳

樊子蓋在軍持重未嘗負敗然嚴酷少恩果於殺戮領兵討絳郡賊善惡無所分別汾水之北村塢盡焚之臨

終之日見斷頭鬼前後重沓爲之厲云

樊子
蓋傳

隋將多不得其死者豈獨高祖猜忍之故哉觀其立功時率皆狼戾自用喜於誅戮古人云佳兵好還道家所禁豈不信然夫聖人用兵行其所不得已也爲將者誠體此不得已之心以生道殺人又誰得而怨之乎

魚俱羅累戰有功領兵討賊潛迎諸子朝廷恐其有異志發使按問不得其罪俱羅目有重瞳陰爲煬帝所忌大理司直梁敬真希旨陷之極刑未幾敬真有疾見俱

羅爲之厲數日而死

梁毗魚俱羅傳

張祥爲并州司馬漢王諒反遣將畧地至井陘祥勒兵拒守賊縱火燒其郭下祥見百姓驚駭其城側有西王母廟祥登城望之再拜號泣曰百姓何罪致此焚燒神其有靈可降雨相救言訖廟上雲起須臾驟雨火遂滅士卒感其至誠莫不用命月餘圍解以功授開府

張季珣傳

王頌父僧辨爲陳武帝所殺頌號慟而絕食頃乃蘇哀毀骨立服闋常布衣蔬食藉藁而臥至隋開皇初獻平陳之策上異之及大舉伐陳頌自請行力戰被傷不堪

復鬪悲感嗚咽夜中夢有人授之以藥比寤而創不痛

人以爲孝感

王頒傳

華秋事母至孝母疾秋容貌毀悴鬚髮頓改母亡絕櫛沐負土成墳廬於墓側時大獵有一兔人逐之奔入秋廬中匿秋膝下獵人異而免之自爾此兔常宿廬中馴其左右郡縣嘉其孝感以狀聞後羣盜起往來廬之左右相誠曰勿犯孝子鄉人賴全活者甚衆

華秋傳

梁彥光少岐嶷有至性七歲時父遇篤疾醫云餌五石可愈時求紫石英不得彥光憂悴不知所爲忽於園中

見一物彥光所不識怪而持歸卽紫石英也親屬或異

之以爲至孝所感

梁彥光傳

辛公義爲岷州刺史其俗有病卽合家避之由是多死
公義令巡檢有病者以牀輿至聽事疫時廳廊悉滿親
坐其間迎醫市藥於是悉差諸病家慚謝此風遂革後
遷牟州復著善政時山東霖雨自陳水至於滄海皆苦
水災境內犬牙相錯獨無所損山出黃銀獲之以獻詔
令就禱焉乃聞空中金石絲竹之響辛公義傳

燕榮除幽州總管貪暴放縱鞭笞左右動至千數每巡

省屬下聞官人及百姓妻女有美色輒舍其室而淫之

上遣使馳驛鞠問得實徵還京賜死先是榮家寢室無

故有蛆數斛從地墳出未幾榮死於蛆出之處

燕榮傳

辛彥之爲隨州刺史後遷潞州前後俱有善政又崇信

佛道於城內立浮圖二所並十五層開皇十一年州人

張元暴死數日乃蘇云遊天上見新構一堂制極崇麗

元問其故人云潞州刺史辛彥之有功德造此堂以待

之彥之聞自知將死其年果卒于官

辛彥之傳

韋鼎兄昂卒於京城鼎負尸出寄於中興寺求棺無所

得鼎哀憤慟哭忽見江中有物流至鼎所鼎異之往視
乃新棺也因此充斂帝聞而異之以爲精誠所感

韋鼎傳

唐書

元宗太子瑛與其弟鄂王瑤光王琬屢爲武惠妃所譖
惠妃使人詭召太子二王曰宮中有賊請介以入從之
妃白帝曰太子二王謀反甲而來帝使人視之如言遂
並廢爲庶人尋遇害其年武惠妃數見三庶人爲祟因
大病夜召巫者祈之請改葬且射行刑者瘞之訖不解
妃死崇亡

廢太子瑛傳

薛舉隋末僭帝號於蘭州唐武德元年掠岐幽秦王禦
之舉以兵掩其後死者十六舉遂病召巫占視言唐兵
爲崇舉惡之未幾死

薛舉傳

蕭遘爲韋保衡所憾繇起居舍人斥播州司馬道出三
峽方迫畏不瞑若有人謂曰公無恐予爲公呵禦遘悅
悟俄謁白帝祠見帝貌類向所覩云

蕭遘傳

陸元方位至宰相及臨終取奏藁焚之曰吾陰德在人
後當有興者子象先景倩景融皆官通顯有清聲

陸元方傳

張守珪爲瓜州都督州地沙墪不可藝常瀦雪水溉田

是時渠塲爲敵兵毀材木無所出守珪密禱於神一夕水暴至大木數千章塞流下因取之脩復堰防耕者如舊州人神之刻石紀事

張氏傳

王鉷初附御史中丞楊慎矜以貴已及與同列反佐李林甫陷慎矜覆其家凡五年而鉷亦族矣時又有盧鉉者本以御史事韋堅爲判官及堅被劾鉉發其私以結林甫又善張瑄及按慎矜則誣瑄死至鉷得罪鉉方爲開廐判官妄曰大夫以牒索馬五百我不與衆疾其反覆貶廬江長史他日見瑄如平生乃曰公何得來此願

假須臾卒死

王鉞傳

紀聞載唐監察御史王掄爲朔方節度判官乘驛在途暴卒而顏色不變猶有煖氣不敢殯凡十五日復生云至冥司與冥吏語冥吏悅之立於房內吏出掄試開其案牘乃楊愼矜於帝所訟李林甫王鉞也已斷王鉞族滅矣於是不敢開置於舊處頃謁王王庭前東西廊下皆垂簾坐掄簾下愼矜兄弟入見王稱冤王曰已族王鉞卽當到矣須臾鑣鉞至兼其子弟數人皆械繫七竅流血王令送訛所於是與愼矜同

出乃引掄歸掄既蘇月餘有邢絳之事王鉞死之

嚴郢附盧杞謀陷宰相楊炎并逮捕觀察使趙惠伯楚掠慘棘鍛成其罪卒逐炎崖州惠伯費州杞用郢敗炎內忌郢才因按蔡廷玉事出郢爲費州刺史道逢樞殯問之或曰趙費伯之殯郢內慚忽忽歲餘卒

嚴郢傳

顏真卿爲監察御史充河西隴右軍試覆屯交兵使五原有冤獄久不決真卿至立辯之天方旱獄決乃雨郡人呼之爲御史雨

顏真卿傳

元董搏霄伏巨盜之辜而天雨時人比之顏真卿一

以雪枉一以摘姦其所以感召天和一也然漢書曰
刑罰妄加羣陰不附其罰常陽然則禳災之道其尤
在恤刑乎

崔鄩四世總麻同爨一門孝友兄弟六人至三品鄩官
左金吾衛大將軍暴卒以韓約代之不閱旬李訓亂約
被難世謂鄩之亡崔氏積善之報也

崔鄩傳

柳公綽官至兵部尙書嘗曰吾蒞官未嘗以私喜怒加
於人子孫其興乎子仲郢爲天平節度使孫璞珪璧玼

皆貴顯

柳公綽傳

劉禹錫嘗言張九齡爲宰相建言放臣不宜與善地悉徙五谿不毛處議者以爲開元良臣而卒無嗣豈忤心失恕陰責最大雖宅美莫贖歟

劉禹錫傳

劉昌爲節度使城平涼當劫盟後將士骸骨不藏昌始命瘞之夕夢若詣昌厚謝者昌具以聞德宗下詔哀痛命斂以棺槨爲立冢

劉昌傳

宋申錫與王璠謀誅宦官璠反以告王守澄黨以求進遷申錫遂被誣貶謫而卒及甘露之變王涯自署反狀璠亦與焉璠見涯恚曰公何見引涯曰公昔漏宋丞相

謀於守澄今焉逃死遂腰斬

李訓傳

按逸史載宋申錫沒後其夫人夢申錫相引出城見
一大坑坑邊有小板匣申錫提示夫人曰此是那賊
因憤怒叱咤夫人問誰曰王璠也我得請於上帝矣
未幾璠果腰斬坎埋於城外然則王涯一語反爾之
道彰彰矣

崔瑄位至尙書右丞子孫之盛仕族罕比初瑄曾王母
長孫夫人年高無齒祖母唐夫人事姑孝每旦櫛縫筭
拜階下升堂乳姑長孫不粒食者數年一日病言無以

報吾婦願子孫皆如婦孝世謂崔氏昌大有所本云

崔瑄

柳玘

傳

路巖當國陰惡可畏及待罪賜死詔剔取喉骨呈驗或言巖嘗密請三品以上得罪誅殛者剔取喉骨驗其已

死俄而自及

路巖傳

宋思禮事繼母孝為蕭縣主簿母羸疾非泉水不適口會大旱井池涸思禮憂懼且禱忽有泉出於庭味甘寒

日不乏汲縣人異之

宋思禮傳

鄭潛曜母代國長公主寢疾潛曜侍左右造次不去累

三月不齷面刺血爲書請諸神丐以身代火書而神許

二字獨不化翌日全愈

鄭潛
曜傳

嚴善思爲詳審使方酷吏構大獄善思平活八百餘人
原千餘姓及坐事論死給事中韓思復固請乃流靜州
始中書舍人劉允濟爲酷吏所陷且死善思時爲御史
力訟其寃得免後見允濟語未嘗及之思復之解善思
也亦不自德時稱長者之報後遇赦得還三世皆年八

十五云

嚴善
思傳

索元禮制獄作鐵籠轂囚首加以楔至腦裂死後以罪

收下吏不服吏曰取公鐵籠來乃服罪死獄中

宋元禮傳

來俊臣作羅織經一篇按以從事凡鞫囚必注醢於鼻掘地爲牢寢以溷溺又作大枷各爲號一定百脈二喘不得三突地吼四著卽承五失魂膽六實同反七反是實八死猪愁九求卽死十求破家後斬西市死之日人爭抉目撻肝醢其肉須臾盡以馬踐其骨無孑餘先是有周興者性亦殘酷人告興反詔來俊臣鞫狀興時未知被告方對俊臣食俊臣曰囚多不服奈何興曰易耳納之大甕熾炭圍之何事不承俊臣曰善命取甕且熾

火徐謂興曰有詔按君請嘗之興駭汗叩頭遂流嶺表

爲仇家所殺

來俊臣傳

崔器性陰刻樂禍肅宗時建議殺達奚珣等人及病亟

叩頭若謝罪狀家人問之曰達奚尹訴於我三日卒

崔器

傳

高駢爲劍南節度使自將出屯罷蜀兵月稟兵亂駢悉還其衣稟然密籍所給姓名盡殺之夷其族有一婦方乳子將就刑曰且飽吾子不可使以饑就戮也見刑者拜曰渠以節度使奪戰士食一日忿怒淫刑以逞我死

當訴於天使此賊闔門如今日寃也駢後爲畢師鐸所
囚將見殺有奮而擊駢者曰公陷人塗炭多矣尙何云
駢未暇答仰首如有所伺卽斬之

高駢傳

高駢爲呂用之所惑駢府宿將多爲用之讒死駢將畢
師鐸懼死據城叛逼殺駢用之出奔時楊行密起兵攻
師鐸用之投歸之詐謂行密曰廡下有瘞金五千斤事
平願備一日乏及城下行密掘地無埋金但得銅人三
尺身桎梏釘刺其口刻駢名於背蓋用之以蠱厭駢也
行密責其罪遂斬之妻子皆死著其罪於路

同前

方用之給行密時豈不自計其敗露之至速者且給行密而卽指其埋銅人之處雖愚亦不應至是蓋不如是無以發其覆巧哉造物假其口以殺之也

溫造赴鎮漢中遇大雨平地水深尺餘乃禱雞翁山祈晴俄而疾風驅雲卽時開霽文宗嘗聞其事曾造入對言之乃詔封雞翁山爲侯

溫造傳○此以下採舊唐書

按造剛正嫉惡侃侃有大臣之節其能感通神明者蓋亦以人重也

裴炎官內史光宅元年得罪斬於都亭驛之前街先是

開曜元年裴行儉獻定襄所獲俘囚斬阿史那伏念溫傳等五十四人於都市初行儉討伐之時許伏念以不死伏念乃降時炎害行儉之功奏云伏念是程務挺張虔勗逼逐於營窘急而降乃殺之炎致國家負義而殺降妬能害功構成陰禍其敗也宜哉

裴炎傳

李繁爲亳州刺史州境嘗有羣賊剽人廬舍劫取貨財繁密設機謀盡加誅斬時議責繁以擅殺之罪遣監察御史舒元興按問元興素與繁有隙復以初官銳於生事乃盡反其獄詞以爲繁濫殺無辜狀奏賜死時人冤

之其後元興被禍人以爲有報應焉

李繁傳

李景畧在朔方節度使李懷光幕府有偏將張光者挾私殺妻前後不能斷光富於財貨獄吏不能劾景畧訊其實光竟伏法旣而亭午有女厲被髮血身膝行前謝而去左右有識光妻者曰光之妻也因授大理司直

李景畧

畧傳

道士王遠知入茅山師事陶宏景傳其道法年一百二十六歲謂弟子曰吾有仙格以少時誤損一童子吻不得白日昇天現畧少室伯將行在即翌日沐浴焚香而

卒

王遠
知傳

傷人之罪亦甚矣觀遠知無心細故終身苦行不能
償而況其大焉者乎而況以刃傷人以筆傷人以舌
傷人者乎

郭霸爲御史詔上虐下嘗按芳州刺史李思徵榜掠拷
禁不勝楚毒而死霸後屢見思徵甚惡之嘗因退朝遽
歸命家人曰速請僧轉經設齋須臾見思徵從數十騎
上其庭曰汝在陷我今取汝霸周章惶怖援刀自刳其
腹斯須蛆爛是日閭里亦見兵馬數十騎駐於門少頃

不復見矣

郭霸傳新唐書作郭宏霸今錄李思徵事舊書較詳悉故仍之

按太平廣記唐侍御史郭霸奏殺宋州三百人暴得五品經月患重臺官問疾見老巫曰郭公不可救也有數百鬼遍體流血攘袂齧齒皆云不相放有一碧衫人喝緋衣人曰早合去何因許時答曰比緣未得五品未合去俄而霸以刀子自刺乳下攪之曰大快其夜卒據此則霸之所以獲罪更不一端矣

萬國俊嘗按治嶺南流人悉矯詔戮之三百餘人一時併命然後鍛鍊曲成反狀以奏武后乃遷國俊官并分

遣劉光業王德壽諸人鞫治劍南黔中等六道流人光業等見國俊榮貴乃效其凶忍惟恐後之光業殺九百人德壽殺七百人其餘少者咸五百人未幾國俊等相次而死皆見鬼物爲祟或有流竄而終

萬國俊傳

太平廣記唐侍御史萬國俊奏斬流人殺害無數後從臺出至天津橋南有鬼滿路遮截馬足不得前進口云叩頭緩我連聲忍痛俄而據鞍舌長數寸遍身青腫輿至宅夜半而卒史所云鬼物爲祟特畧言之耳

五代史

西方鄴爲夔州節度使所爲不中法度判官譚善達數以諫鄴鄴怒遣人告善達受人金下獄死於獄中鄴病

見善達爲崇卒於鎮

西方鄴傳

漢高祖入京師以晉相李崧第賜蘇逢吉而崧別有田宅在西京逢吉遂皆取之崧卽以宅券獻逢吉而崧子弟多出怨言其後逢吉乃誘人告崧與弟與等下獄崧款自誣伏與家僮二十人謀爲亂獄上中書逢吉改二十人爲五十人遂族崧家逢吉夜宿金祥殿東閣謂人

曰昨夕未暝已見李崧在側生人接死者無吉事也周太祖兵至逢吉走趙村自殺於民舍太祖定京師梟其首適當李崧被刑之所

蘇逢吉傳

秘瓊爲成德軍節度使董溫其衙內指揮使後溫其被囚瓊乃悉殺溫其家族瘞之一穴而取其家貲鉅萬計晉高祖立以瓊爲齊州防禦使橐其貲裝道出於魏時天雄軍節度使范延光以書招瓊瓊不至延光怒選精兵伏境上伺瓊過殺之悉取其貲以戍邏者誤殺聞延光反高祖赦之許以不死乃挈其孥歸河陽其行輜重

盈路楊光遠留守河南利其貲遣兵脇之推墮水溺死
以延光自投水死聞因盡取其貲光遠反出帝亦赦之
許以不死羣臣皆以爲不可乃勅李守貞便宜處置守

貞遣使殺之以病卒聞

范延
光傳

余讀大學貨悖而入者亦悖而出而歎保家之道亦
在慎所取而已及證以耳目見聞某某起家以勤儉
閱世而寢盛矣某某起家以刻薄閱世而蕩盡矣其
有利人之死破人之家以爲已有者不逾時而災及
焉夫饑人不食烏喙爲其與餓死同患也臨財者奈

何不慮其後哉

馬殷封楚王有將高郁素教殷計策而楚以彊其後殷子希聲矯殷令殺郁是日大霧四塞殷怪之語左右曰吾嘗從孫儒儒每殺不辜天必大霧豈馬步獄有冤死乎明日吏以狀白殷拊膺大哭曰吾昏耄如此而殺吾勲舊顧左右曰吾亦不久於此矣明年殷薨

楚世家

王延翰自稱閩王多選良家子爲妾妻崔氏性妬良家子之美者輒幽之別室繫以大械刻木爲人手以擊其頰又以鐵錐刺之一歲中死者八十四人崔氏後病見

其爲崇而死

閩世家

閩王王鱗以薛文傑爲國計使文傑多籍沒富人貲閩人皆怨吳人攻建州鱗遣將救之兵行在道不肯進曰得文傑乃進乃以檻車送文傑軍中磔于市初文傑爲鱗造檻車謂古制迂濶乃更其制令上下通中以鐵芒

內向動輒觸之旣成首被其毒

閩世家

王鱗父審知有養子延稟鱗殺之其後鱗饗軍士於大鬴殿坐中昏然言見延稟來明日遂爲李倣等所殺

閩世家

家

宋史

楊廷璋周祖時爲河陽巡檢知州事涇帥史懿稱疾不朝周祖命廷璋往代之將行謂之曰懿不受命卽圖之廷璋至屏左右以詔書示懿諭以禍福懿卽日載路及宋初廷璋在晉州太祖命荆罕儒爲鈐轄罕儒以廷璋周朝近親疑有異志每入府從者皆持刀劍欲圖廷璋廷璋推誠待之殊不設備罕儒亦不敢發終亦無患議者以廷璋在涇州保全史懿陰德之報也

楊廷璋傳

王彥超官右金吾衛上將軍將致政每戒諸子曰吾累

爲統帥殺人多矣身死得免爲幸必無陰德以及後汝
曹勉爲善事以自庇及卒諸子果無達者宣化門內有
大第園林甚盛不十餘年其家已鬻之矣

王彥超傳

趙普久病以太師致政及疾篤遣親吏甄潛諸上清太
平宮致禱神爲降語曰趙普宋朝忠臣久被病亦有冤
累耳潛還普力疾冠帶出中庭神言涕泗感咽是夕

卒

趙普傳

按史稱秦王廷美盧多遜之獄普實有力焉普受昭
憲太后遺旨而卒昔之所謂冤累者此其大者矣

李超爲禁卒嘗從潘美軍中主刑刀美好乘怒殺人超每潛緩之美怒輒解得釋以是全者甚衆人謂其有陰德子濬中進士累官至右司郎中出知秦州

潘美傳

李昉年七十以司空致政至道元年正月望上觀燈乾元樓召昉賜坐酌御樽酒飲之自取果餌以賜因顧侍臣曰李昉事朕兩入中書未嘗有傷人害物之事宜其今日所享如此可謂善人君子矣

李昉傳

蘇曉累官至諫議大夫判大理寺深文少恩嘗時號爲酷吏及卒無子有一女甚鍾愛亦先曉卒人以爲深刻

所致

蘇曉傳

盧多遜之貶崖州也李符白趙普曰珠崖雖遠在海中而水土頗善春州稍近瘴氣甚毒至者必死願徙多遜處之普不荅及符以罪徙嶺表普移符知春州至郡歲

餘卒

李符傳

徐休復知廣州與轉運使王延範不協誣奏延範私養術士厚待過客撫部下吏有恩與故人書作隱語偵朝廷事反狀已具詔遣內侍閻承翰與休復同按劾之遂抵於法休復後瘍生於腦旣而疾甚若見王延範但號

二十二史劄記卷下

呼稱死罪數日卒

徐休復傳

雷有鄰舉進士不第時有詔應攝官三任詳由全者許
投牒有司卽得召試錄用有鄰素與前攝上蔡主簿劉
偉交遊知偉雖嘗三攝而一任失其詳由偉偽造呈官
由是得試遇銓遂具章告其事下御史府按鞫獄具偉
坐棄市有鄰授秘書省正字賜公服靴笏銀鞍勒馬絹
百疋自是累上疏告人陰事俄被病白晝見偉入室以
杖笞其背有鄰號呼聞於外數日而死

雷德驤傳

王旦父祐尙書兵部侍郎嘗諭杜重威使無反漢拒盧

多遜害趙普之謀以百口明符彥卿無罪世多稱其陰
德祐手植三槐于庭曰吾後世必有爲三公者此所以
志也且生幼沉默祐器之曰此兒當至公相及長進士
及第知平江縣其廨舊有物怪憑戾居者多不安旦將
至之前夕守吏聞羣鬼哨呼曰相公至矣當避去自是
遂絕後旦果居相位

王旦傳

王欽若之祖郁爲濠州判官將死告家人曰吾歷官逾
五十年愼于用刑活人多矣後必有興者其在吾孫乎

欽若位至司徒

王欽若傳

劉沆吉州永新人祖景洪始楊行密得江西衙將彭玕
據州自稱太守屬景洪以兵欲脇衆附湖南景洪僞許
之復以州歸行密退居不仕後嘗告人曰我不從彭玕
幾活萬人後世當有隆者因名所居北山曰後隆山山
有牛僧孺讀書堂卽故基築臺曰聰明臺沆母夢衣冠
丈夫曰牛相公來已而有姪生沆位終兵部尙書
或以景洪不辭賊託非君子重然諾之道顧當玕據
城跋扈赫然一大寇非委曲審機安能爲一州保命
哉尾生之信不如隨牛之誕信夫

劉沆傳

李壽朋性疏雋奉祠西太一宮飲酒食肉如常時暴得

疾卒

李壽朋傳

田況父延昭在契丹時契丹寇澶州畧得數百人以屬延昭延昭哀之悉縱去因自脫歸中國延昭生八男子多知名況長子也保州之役況阬殺降卒數百人卒無

子以兄子爲後

田況傳

查道事母以孝聞母嘗病思鰕羹方冬苦寒道泣禱于河鑿冰取之得鰕尺許以饋又刺臂血寫佛經母疾尋愈後官右司郎中出知虢州歲歉出官廩米賑之又設

粥糜以救饑者所全活萬餘人平居祿賜所得輒散施親族與人交多所周給深信內典居多茹素嘗夢神人謂曰汝位至正郎壽五十七而享年至六十四論者以爲積善所延也

查道傳

嵇穎父適嘗爲石首主簿民有父子坐重繫府檄適按之抵其父於法而子獲免父死假人言曰主簿仁人也行且生賢子後必大明年穎生官翰林博士

嵇穎傳

張洞在館閣數有建明出知棣州所奏多便民累遷淮南轉運使洞在棣時夢人稱勅召者旣出如拜官然顧

視旌旗吏卒羅于庭至是夢之如初自以年不能永部

分家事未幾卒

張洞傳

李仕衡初爲鄆縣主簿田重進守京兆命仕衡鞫死囚五人活者四人重進卽其家謂曰子有陰施此門當高

大之仕衡官至同州觀察使

李仕衡傳

杜杞爲廣南西路轉運按察安撫使時區希範與白崖山蠻蒙趕反杞遣使誘之使降趕來降杞謂將佐曰賊以窮感降我不可以恩懷不如殺之乃擊牛馬爲會伏兵發誅七十餘人後三日又得希範醢之御史梅摯劾

杞殺降失信詔戒諭之杞一日據廁見希範與趕在前
訴冤杞叱曰爾猶僭叛命法當誅尚敢訴耶未幾卒杜杞

傳

李寅爲衢州司理參軍母老棄官歸子虛已官尙書工
部侍郎太宗嘗賜虛已錢翌口語宰相曰虛已詩思可
嘉子錢五千緡矣宰相對以所予乃五十萬帝知其誤
論者謂虛已父子篤其家甚貧雖人主一時之誤殆天
賜也李虛已傳

貝州戍卒謀反推虞侯趙成雍爲首官擒其黨斬之磔

咸雍於市先是咸雍父鱗晉天福中嘗誘敵屠州城至
是五十年而其子戮於都市舊老猶記其事共異之

周審

王傳

趙抃長厚清修施德憚貧不可勝數日所爲事入夜必
衣冠露香以告于天不可告則不敢爲也位至太子少
保年七十七將終詞氣不亂安坐而逝

趙抃傳

按金海陵王問鬼神事於楊伯雄伯雄曰家有一卷
書記人死復生或問冥官何以免罪答曰汝置一書
白日所爲暮夜書之不可書者是不可爲也海陵爲

之改容元宇文公諒雖暗室必正衣冠端坐嘗挾于
記一冊識其篇首曰晝有所爲暮則書之其不可書
卽不敢爲近世袁氏功過格風行於世其法亦本乎
此有志克復者奉爲程式其亦入門之捷徑乎

王韶屢主軍事用兵有機畧其交親多楚人依韶求仕
乃分屬諸將或殺降敵老弱爭以首級爲功韶晚節言
動不常頗若病狂狀後病疽洞見五臟蓋亦多殺徵云

王韶
傳

杜常以龍圖閣學士知河陽軍苦旱及境而雨大河決

直州西上掃勢危甚常親護役徙處埽上埽潰水溢及

常坐而止於是役人盡力河流遂退郡賴以安

杜常傳

林廣討瀘蠻還疽發斷頸卒其在瀘也以勅書招蠻既降而殺之此其短也適被惡疾死或以爲殺降之報云

林廣

傳

劉安世爲章惇蔡京所忌惡徙梅州惇與京猶必真之死擢一土豪爲轉運判官使往殺之判官疾馳將至梅梅守遣客來勸安世自爲計安世色不動對客飲酒談笑判官未至二十里許忽嘔血暴卒安世遂免後赦還

卒安世忠孝正直皆則象司馬光卒後二年金人發其

冢貌如生相驚語曰異人也爲之蓋棺乃去

劉安世傳

安惇陷害忠良天下怨疾其後惇長子郊坐指斥誅流
其次子邦于涪其祀遂絕人以爲惇平生數陷忠良之

報云

安惇傳

喬執中寬厚有仁心屢典刑獄雪活以百數紹聖初以
寶文閣待制知鄆州夢神人昇以騎都尉詰旦爲客言
之少焉談笑而逝

喬執中傳

張汝明事親孝執喪水漿不入口三日日飯脫粟飲水

無醢鹽草木之滋浸病羸行輒踣夢父授以服天南星

法用之驗人以爲孝感

張汝明傳

羅汝楫爲侍御史受秦檜旨彈論岳飛後汝楫卒其子

願知鄂州有治績以父故不敢入岳廟一日自念吾政

善姑往祠之甫拜遽卒於像前

羅汝楫傳

顏師魯孝友天至初官番禺喪父歸扶柩航海水程數

千里甫三日登於岸而颶風大作人以爲孝感

顏師魯傳

高登爲靜江府古縣令帥胡舜陟謂登曰古縣秦太師

父舊治實生太師于此盍祠祀之登曰檜爲相亡狀祠

不可立舜陟大怒遂罷登官創檜祠而自爲記且誣登罪詔送靜江府獄登母死歸葬母訖事詣獄而舜陟先

以事下獄死矣事卒昭白

高登傳

高登事母至孝嘗舟行至封康間阻風方念無以奉晨

膳忽有魚躍于前

同前

吳曦以蜀叛時李好義爲興州正將率衆誅曦曦將王喜欲戕好義爲曦復讎及好義守西和喜遣其黨劉昌國聽節制好義與之酬酢歡飲達旦好義心腹暴痛而卒口鼻爪指皆青黑旣而昌國白日見好義持刀刺之

驚怖仆地疽發而殂

李好義傳

柳約天性至孝母病甚泣禱於天願損壽以益親壽母

尋愈約後竟先母兩月卒

柳約傳

袁韶父爲郡小吏夫妻俱近五十無子其妻資遣之往臨安置妾旣得妾察之有憂色且以麻束髮外以綵飾之問之泣曰妾故趙知府女家四川父歿家貧鬻妾爲歸葬計耳韶父卽送還之其母泣曰計女聘財猶未足給歸費且用破矣將何以酬韶父曰賤吏不敢辱娘子聘財盡以相奉復罄橐中資給之遂獨歸妻迎問之告

以故且曰吾思之無子命也吾與汝周旋久若有子汝豈不育必待他人婦乃育哉妻喜曰君設心如此行當有子矣未幾而妻孕生韶累官參知政事袁韶傳

向士璧官湖南制置副使數立軍功賜金帶進兵部侍郎兼轉運使時賈似道入相疾其功效罷之送漳州居住又稽守城時所用金穀逮至行部責償幕屬方元善者極意逢迎似道意士璧坐是死復拘其妻妾而徵之其後元善知吉水縣俄得狂疾常呼士璧向士璧傳江萬里自其父始業儒大父璘鄉稱善人其鄰史知縣

者常與璘言誇其能杖譁健士璘俛首不答歸語子曰
史祖父故寒士今居官以杖士人自意於我心有不釋
然審爾史氏且不昌汝其戒之是夕璘子婦陳氏夢貴
人入其家曰以汝家長有善言故來已而有娠生萬里
位至左丞相

江萬里傳

陳仲微官莆田尉委以縣事囊山浮屠與郡學爭水利
久不決仲微按法曰曲在浮屠他日沿檄過寺其徒久
揭其事於鐘上以爲冤旦暮祝詛然莫省爲仲微也仲
微見之曰吾何心哉吾何心哉質明首僧無疾而死

陳仲

微傳

李文饒爲台州司理參軍每謂人曰吾司臬多陰德後

有興者子韶官至端明殿學士數諫諍爲名臣

李韶傳

蘇緘知邕州交趾入寇邕受圍緘守城援兵不至城遂陷緘猶領傷卒戰愈厲而力不敵亟還州泊縱火自焚緘沒後交人謀寇桂州行數舍其衆見大兵從北來呼

曰蘇城隍領兵來報怨懼而引歸邕人爲緘立祠

蘇緘傳

蕭雷龍官臨安府學教授通判衢州及州守棄城遁朝命雷龍權知府事北兵薄城不降脫去還建昌與里人

起兵時元兵四合雷龍度不可支奔入閩未出城爲同
安武人徐浚沖獲送縣權縣尹劉聖仲素與雷龍有怨
殺之後聖仲北來泊舟小孤山有巨艦衝前建大旗書
曰蕭知府兵繼見雷龍坐船上聖仲大呼有頃不見以
驚死

蕭雷
龍傳

郭琮事母極恭順居常不過中食絕飲酒茹葷者三十
年以祈母壽母年百歲耳目不衰飲食不減鄉里異之
至道三年詔書存恤孝悌轉運使狀琮事以聞有詔旌
表門閭明年母無疾而終

郭琮
傳

顧忻以母病葷辛不入口者十載母老目不能覩物忻
日夜號泣祈天刺血寫佛經數卷母目忽明不燭能縫
維年九十餘無疾而終

顧忻傳

朱泰家貧鬻薪養母常適數十里外易甘旨以奉母一
日雞初鳴入山及明憩于山足遇虎搏攫負之而去泰
已瞑眩行百餘步忽稍醒厲聲曰虎食我恨母無託耳
虎忽棄泰于地走不顧如人疾驅狀鄉里稱其孝感曰

爲朱虎殘

朱泰傳

張氏羅江士人女母楊氏寡居一日親黨有婚會母女

偕往其典庫雍乙者從行既就坐乙先歸會罷楊氏歸則乙死於庫莫知殺者主名提點刑獄張文饒疑楊有私殺乙以滅口楊言與女同榻實無他遂逮其女拷掠無實吏乃掘地爲坑縛母於其內旁列熾火絕而復蘇者屢辭終不服一日女謂母曰母寧死筮楚不可自誣女今死將訟冤於天言終而絕於是石泉連三日地大震有聲如雷屋瓦皆落天雨雪邦人震恐勘官李志寧疑其獄夕具衣冠禱於天俄假寢坐廳事恍有猿墮前驚寤呼吏卒索之不見志寧自念夢兆非殺人者袁姓

乎有門卒言張氏饋食之夫曰袁大明日使吏執之曰
殺人者汝也袁色動遽曰吾憐之久矣願就死問之曰
適盜庫金會雍歸遂殺之楊乃得免時女死才數日也
獄上郡榜其所居曰孝感坊

張氏傳

呂仲洙女名良子父得疾瀕殆女焚香祝天請以身代
刲股爲粥以進時夜中羣鵲遶屋飛噪仰視空中大星
煜煜如月者三越翌日父瘳

呂仲洙女傳

王仔昔能道人未來事政和中召見封通妙先生仔昔
資倨傲帝常待以客禮故其遇巨闢殆若僮奴旋坐言

語不遜下獄死仔昔之得罪宦者馮浩力最多未死時
書示其徒曰上蔡遇冤人其後浩南竄至上蔡被誅

王仔

昔傳

章惇爲尙書左僕射報復讎怨謫蘇轍於雷州不許占
官舍轍遂僦民居惇又以爲強奪民居追民究治徽宗
時惇亦貶雷州適問舍於是民曰前蘇公來爲章承
相幾破吾家今不可也後徙睦州卒

章惇傳

嘗於他書中見宋盧多遜南遷朱崖見一店嫗舉止
和淑能談京華事盧訪之嫗不謂盧也曰家故汴都

累代仕族一子事州縣爲盧相國誣竄南方到方周
歲盡室淪喪獨殘老軀流落居此意有所待盧相欺
上罔下倚勢害物天道有知行當南竄未亡間庶見
於此以快宿憾耳盧不待食促駕而去此可見小人
結局大率相似

李全爲節度使作亂據揚州官軍討之追至新塘全騎
陷淖官軍奮長槍刺之遂碎其尸及事平提點刑獄趙
葵使人瘞新塘骸骨得左掌無一指蓋全支解也先是
全乞靈茅司徒廟無應全怒斷神像左臂或夢神告曰

全傷我全死亦當如我至是果然

李全傳

遼史

耶律制心位至南院大王嘗曰吾雖不知佛法惟心無私則近之矣一日沐浴更衣而臥家人聞絲竹之聲怪而入視則已逝矣

耶律制心傳

耶律庶成方進用爲妻胡篤所誣以罪奪官法當離婚時胡篤適有娠至期不產而死剖視之其子以手抱心識者謂誣夫之報

耶律庶成傳

王鼎正直不阿宰縣時憩於庭俄有暴風舉臥榻空中

鼎無懼色但覺枕榻俱高乃曰吾中朝端士邪無干正

可徐置之須臾榻復故處風遂止

王鼎傳

蕭文知易州兼西南面安撫使高陽土沃民富吏其邑者每黷於貨民甚苦之文始至悉去舊弊時大旱百姓憂甚文禱輒雨屬縣又蝗議捕除之文曰蝗天災捕之何益但反躬自責蝗盡飛去遺者亦不食苗散在草莽爲烏鵲所食會霖雨不止文復隨禱而霽

蕭文傳

耶律劉哥欲因進酒弑逆帝覺之不果被囚帝問汝實反耶劉哥誓曰臣若有反心必生千頂疽死詔免死流

烏古部果以千頂疽死

耶律劉哥傳

金史

移刺溫鎮武定歲旱且蝗溫割指以血漑酒禱而酹之
既而雨霑足有羣鴉啄蝗且盡人以爲至誠之感云

移刺

溫傳

石琚父皋補郡吏稱長者從魯王闍母攻青州州人堅
守不降闍母怒之及城破命皋計州民人將使諸軍分
掠之皋緩其事闍母讓之皋曰大王將爲朝廷撫定郡
縣當使百姓安堵若取城邑而殘其民則未下者必死

守以拒我皋之稽緩安敢逃罪闍母感悟乃下令曰敢有犯州人者以軍法治指其坐謂皋曰汝之子孫必有居此坐者琚後拜右丞相封莘國公

石琚傳

崔立僭亂淫虐不道及爲李伯淵等所殺以屍挂闕前槐樹上樹忽拔人謂樹有靈亦厭其爲所汙

崔立傳

王震母患風疾刲股肉雜飲食中疾遂愈母沒哀泣過禮目生翳服除目不療而愈皆以爲孝感所致

王震傳

李慶嗣學醫洞曉其理天德間歲大疫貧者往往闔門臥病慶嗣攜藥與米分遺之全活者衆慶嗣年八十餘

無疾而終

李慶嗣傳

醫之利人大矣方當牀第呻吟驚惶莫措而能出手相援不擇貧富此卽仁人同體之悲非小道也夫以活人爲心而造子孫數世之福與以求利爲心不旋踵而輒敗者其果孰得而孰失哉予於良醫之報聞見頗多而以慶嗣之善終標其一焉

元史

至正三年秋興國路永興縣雷擊死糧房貼書尹章於縣治時方大旱有朱書在其背曰有旱却言無旱無災

却道有災未庸殲厥渠魁且擊庭前小吏

五行志

哈刺章夜夢太祖召見語之曰吾子孫廢壞我家法達禮麻識理其人頗識事宜然知而不言將焉用之我其殛之矣明旦哈刺章入朝而出達禮麻識理已無疾而

死矣

達禮麻識理傳

劉伯林爲將破潞絳及火山聞喜諸州時論欲徙聞喜民實天成伯林力爭而止之部曲所獲俘虜萬計悉縱之所至與民休息稱爲樂土嘗曰吾聞活千人者後必封吾之所活何啻萬餘人子孫必有興者乎子黑馬位

太傅封秦國公孫元振元禮皆顯

劉伯林傳

李德輝生五歲父且卒指德輝謂家人曰吾爲吏治獄不任苛刻人蒙吾力者衆天或報之是兒其大吾門乎

德輝官至安西行省左丞

李德輝傳

高郵千戶狗兒妻崔氏爲其小婦所譖虐死其鬼憑七歲女詣縣訴冤備言死狀已見瘞舍後官率吏卒卽其所發土得尸拘狗兒及小婦鞫之皆伏辜

張積傳

許維禎爲淮安總管府判官屬縣鹽城及丁渙場有二虎爲害維禎默禱於神祠一虎去一虎死祠前境內旱

蝗維禱禱而雨蝗亦息是年冬無雪父老言於維禱曰
冬無雪民多疾奈何維禱曰吾當爲爾禱已而雪深三

尺

許維
禱傳

劉秉直官衛輝路總管賊刼汲縣民張聚鈔而殺之賊
不獲秉直具詞致禱城隍祠而使人伺於死所忽有村
民阿蓮者戰怖仆地具言賊之姓名及所在乃命尉襲
之果得賊於汴遂正其罪秋七月蟲螟生秉直禱於八
蜡祠蟲皆自死天不雨禾日槁秉直詣城北大行之蒼
峪神祠具詞祈祝有青蛇蜿蜒而出觀者異之辭神而

返行及數里雷雨大至

劉秉直傳

元之吏治非能古若也而慈惠之政所在多有如塔
海田滋卜天璋林興祖觀音奴劉天孚諸人有禱輒
應事蹟畧同不勝錄錄其尤異者使人知爲民請命
之心果出於至誠未有不其應如響者有司牧之責
者可以興矣

王伯顏知福寧州爲賊所執不屈被殺暴屍數日色不
變伯顏旣死賊時覩其引兵出入明年州有僧林德誠
者起兵討賊乃望空呼曰王州尹王州尹宜率陰兵助

我斬賊時賊正祠神覩紅衣軍來以爲僞帥康將軍亟
往迎之無有也四面皆青衣官軍賊大敗福寧俱平

王伯

顏傳

胡光遠母喪廬墓一夕夢母欲食魚晨起號天將求魚
以祭見生魚五尾列墓前俱有嚙痕鄰里驚異方其聚
觀有獺出草中浮水去衆知是獺所獻以狀聞於官表
其閭至順間永平龐遵母病腫三年不能起忽思食魚
迎求於市不得歸途歎恨忽有鯉躍入其舟作羹以獻
母悅病瘥

胡光遠傳

李忠晉甯人幼孤事母至孝大德七年地大震郇保山
移所過居民廬舍皆摧壓傾圯將近忠家分爲二行五
十餘步復合忠家獨完吳國寶雷州人性孝友父喪廬
墓大德八年境內蝗害稼惟國寶田無損人皆以爲孝
感所到云

李忠傳

李茂大名人徙家揚州奉母孟氏至謹母嘗病目失明
茂禱於泰安山三年復明又願母壽每夕祝天乞損已
年益母孟氏竟八十四而終大德元年揚州再火延燒
千餘家火及茂廬皆風返而滅

李茂傳

王薦性孝父嘗疾甚薦夜禱於天願減己年益父壽父
絕而復甦曰適有神人黃衣紅帕首恍惚語我曰汝子
孝上帝命錫汝十二齡疾遂愈後果十二年而卒

王薦傳

楊皞母牛氏嘗病劇皞叩天求代遂痊如是者再後牛
氏失明皞登太白山取神泉洗之復如故牛氏沒哀毀
特甚葬之日大雨獨皞墓前後數里密雲蔽之雨不沾
土送者大悅

楊皞傳

趙榮母強氏有疾榮割股肉啖之者三復負母登太白
山禱於神得聖水飲之乃痊後年七十五卒葬之日白

雲庇其墓前後十五里葬畢而散

趙榮傳

王庸以孝聞母有疾庸夜禱北辰至叩頭出血母疾遂愈及母卒哀毀幾絕露處墓前旦夕悲號一夕雷雨暴至鄰人持寢席往欲蔽之見庸所坐臥之地獨不露溼咸歎異而去

王庸傳

黃贊省父永平父歿已三年矣求父墓弗得贊哭禱於神一夕夢老父以杖指葬處曰見片輒卽可得明日就其地求之果得父骨以歸

黃贊傳

陸思孝紹興山陰樵者性至孝母病思孝醫禱不效方

欲刲股肉以進忽夢寐間恍若有神人者授以藥劑思

孝得而異之卽以奉母疾遂愈

陸思
孝傳

黃道賢父病篤道賢夜禱於天願減己一紀之算以益

父壽其父遂愈至元統二年乃歿果得一紀之數

黃道
賢傳

史彥斌有孝行至正十四年河溢彥斌母柩爲水所漂

彥斌縛草爲人置水中仰天呼曰母棺被水不知其處

願天矜憐哀子之心假此芻靈指示母棺言訖涕泗橫

流乃乘舟隨草人所之經十餘日行三百餘里草人止

桑林中視之母棺在焉

史彥
斌傳

湯霖母病熱更數醫弗能效母不肯飲藥曰惟得冰我疾可愈時天氣甚煖霖求冰不得累日號哭於地上忽聞池中戛戛有聲拭淚視之乃冰漸也取以奉母疾果

愈

湯霖傳

趙孝婦早寡事姑孝嘗念姑老一旦有不諱無由得棺乃以次子鬻富家買杉木治棺置於家南鄰失火南風烈甚火勢及孝婦家孝婦亟扶姑出避而棺重不可移乃撫膺大哭曰吾爲姑賣兒得棺無能爲我救之者苦莫大焉言畢風轉而北孝婦家得不焚人以爲孝感所

致趙孝婦傳

張義婦夫戍福寧死張求夫骨至福寧問夫葬地榛莽四塞不可識張哀慟欲絕夫忽降于童言動無異其生時告張死時事甚悲且指示骨所在處如其言果得之

張義婦傳

武用妻蘇氏用疾蘇氏刲股爲粥以進疾卽愈生子德政四歲而寡德政長事蘇氏至孝蘇氏死時天方大早德政方掘地求水以供葬事忽二蛇躍出德政因默禱焉二蛇一東一北隨其地掘之果得泉

武用妻蘇氏傳

明史

宗室恩鑑招羣小奪軍民商賈利惠王恩鑑發其事朝廷遣官按實幽恩鑑等鳳陽謫戍其黨有差恩鑑陰使送者刑梏之斃八十餘人不數日世子暴卒恩鑑疽發

背薨

遼王植傳

恩鑑不道殺之固當至其黨類不過聲援相附乃背王命而盡殲之其能逃陰責乎

劉基曾祖濠仕宋爲翰林掌書宋亡邑子林融倡義旅事敗元遣使簿錄其黨多連染使者道宿濠家濠醉使

者而焚其廬籍悉毀使者計無所出乃爲更其籍連染者皆得免基幼穎異其師鄭復初謂其父曰君祖德厚此子必大君之門矣基博通經史尤精象緯之學佐明太祖定天下封誠意伯

劉基傳

詹徽官吏部尙書有才智然性險刻李善長之死徽有力焉藍玉下獄語連徽及子尙寶丞紱並坐誅

詹徽傳

王瑜以總旗隸趙王府永樂末告常山護衛指揮孟賢等變按治有驗賢等伏誅而授瑜千戶而所發不軌事有枉者正統四年得疾束兩手如高懸狀號救求解而

卒 王瑜傳

孟賢等既罪狀屬實則瑜之知情而告變於義當矣
顧不當連及無辜耳

牟俸撫蘇松中官汪直有事南京或譖俸十四年俸議
事至京直請執俸下詔獄謫戍湖廣俸在江西時其成
許聰獄人多議其深文至是被禍皆知爲直誣然無白
其寃者逾年卒戍所 牟俸傳

周新官浙江按察使初入境羣蚘迎馬頭跡得死人榛
中身繫小木印新驗印知死者故布商密令廣布布視

印文合捕鞠之盡獲諸盜一日視事旋風吹葉墜案前
葉異他樹詢左右獨一僧寺有之寺去城遠新意僧殺
人發樹果見婦人屍鞠實磔僧

周新傳

錦衣衛指揮紀綱使千戶緝事浙江攫賄作威福廉使
周新欲按治之遁去綱誣奏新罪逮新戮之臨刑大呼
曰生爲直臣死當作直鬼帝後若見人緋衣立日中曰
臣周新已爲神當爲陛下治姦貪吏後紀綱以罪誅新
事益白

同前

張曷官鉛山知縣鉛山俗婦人夫死輒嫁曷欲變其俗

令寡婦皆具牒受判署二木曰羞嫁者跪之曰節不嫁者跪之民傳四妻祝誓死守舅姑給令跪羞木下曷判從之祝投後園池中死邑大旱曷夢婦人泣拜覺而識其里居姓氏往詰其狀及啟土貌如生曷哭之慟曰殺婦者我也爲文以祭改葬焉天遂大雨

張曷傳

尹昌隆初爲皇太子傅後改禮部主事尙書呂震方用事當其獨處精思以手指刮眉毛則必有密謀深計官屬相戒無敢白事者昌隆前白事震怒不應昌隆退白太子取令旨行之震大怒奏昌隆蓄無君心下獄置極

刑死震後病號呼尹相言見昌隆守欲殺之云

尹昌隆傳

劉球官翰林侍讀正統四年帝以王振言大舉征麓球上疏諫振銜之欽天監正彭德清球鄉人也倚振勢爲姦球絕不與通德清恨之遂摘疏中攬權語謂振曰此指公耳振大怒逮下詔獄屬指揮馬順殺球順深夜攜一小校持刀至球所球方臥起立頸斷體猶植遂支解之瘞獄戶下順有子病久忽起捽順髮拳且蹴之曰老賊令爾他日禍逾我我劉球也順驚悸俄而子死小校亦死球死數年瓦剌果入寇英宗北狩振被殺朝士立

擊順斃之而德清自土木遁還下獄論斬尋瘐死詔戮

其屍

劉球傳

范廣爲都督同知與都督張軌不相能軌誣廣謀立外藩下獄論死明年春軌早朝還途中爲拱揖狀左右怪問之曰范廣過也遂得疾不能睡痛楚月餘而死

范廣傳

商輅官大學士旣謝政劉吉過之見其子孫林立歎曰吾與公同事厯年未嘗見公筆下妄殺一人宜天之報公厚輅曰正不敢使朝廷妄殺一人耳居十年卒年七

十三

商輅傳

黃紱官四川左參政按部崇慶旋風起輿前不得行紱
曰此必有冤吾當爲理風遂散至州禱城隍神夢若有
言州西寺者寺去州四十里倚山爲巢後臨巨塘僧夜
殺人沉之塘下分其貲且多藏婦女於窟中紱發吏兵
圍之窮詰得其狀誅僧

黃紱傳

楊爵官御史疏詆符瑞言過切直下詔獄榜掠血肉狼
籍死而復甦逾年工部員外郎劉魁再逾年給事中周
怡皆以言事同繫嘉靖二十六年十一月大高元殿災
帝禱於露臺火光中若有呼三人忠臣者遂傳詔急釋

楊爵
之傳

永邵卜爲西甯患誘殺副使李魁邊臣不能報二十三年直入南川參將達雲設攻要害大敗之手馘其帥一人卽前殺李魁者其地卽魁陣亡處時又皆九月也

達雲

傳

鄒元標觀政刑部張居正奪情元標上疏極諫居正大怒廷杖八十謫戍都勻衛元標處之怡然巡按御史承居正指將害元標行次鎮遠一夕御史暴死元標遂免

鄒元
標傳

賀逢聖官大學士致政張獻忠陷武昌執逢聖叱曰我
朝廷大臣若曹敢無禮賊麾使去遂投墩子湖死也賊
來自夏去以秋云大吏望衍而祭有神夢於湖之人我
守賀相殊苦汝受而視之有黑子在其左手其徵是覺
而異之族於湖赫然而尸出驗之果是蓋沉之百有七
十日面如生以冬十一月壬子殮大吏揮淚而葬之

賀逢

聖傳

施邦曜官工部營繕司員外郎魏忠賢興三殿工諸曹
奔走其門邦曜不往忠賢欲困之使拆北堂期五日適

大風拔屋免譙責又使作獸吻倣嘉靖間製莫考夢神

告之發地得吻嘉靖舊物也忠賢不能難

施邦曜傳

史可法祖應元官黃平知州有惠政語其子從質曰我

家必昌從質妻尹氏有身夢文天祥入其舍生可法以

孝聞官至太傅爲明忠臣

史可法傳

何騰蛟以兵部右侍郎總督湖廣諸省軍務左良玉舉

兵反邀騰蛟偕行不可則盡殺城中人以劫之士民爭

匿其署中良玉破垣舉火騰蛟急解印付家人令速走

將自剄爲良玉部將擁去良王欲與同舟不從乃置之

別舟以副將四人守之舟次漢陽門乘間躍入江水漂
十餘里一漁舟救之起則漢前將軍關壯繆侯廟前也
家人懷印者亦至相視大驚覓漁舟忽不見遠近咸謂
騰蛟忠誠得神佑云

何騰蛟傳

方克勤官濟甯知府永嘉侯朱亮祖常率舟師赴北平
水涸役夫五千濬河克勤不能止泣禱於天忽大雨水
深數尺舟遂達民以爲神

方克勤傳

謝子襄官處州知府郡有虎患歲旱蝗禱於神大雨二
日蝗盡死虎亦遁去有盜竊官鈔子襄檄城隍神盜方

閱鈔密室忽疾風捲墮市中盜卽伏罪民鬻牛於市將屠之牛逸至子襄前俛首若有訴乃捐俸贖還其主謝子

襄傳

葉宗人官錢塘知縣嘗視事有蛇升階若有所訴宗人曰爾有冤乎吾爲爾理蛇卽出遣隸尾之入餅肆爐下發之得僵屍蓋肆主殺而瘞之也又常行江中有死人挂舟舵推問則里無賴子所沉者遂俱伏法

葉宗人傳

徐九思官句容知縣訟者扶不過十諸所催科預爲之期逾期則令里老逮之而已隸莫敢至鄉落歲稔煮粥

食餓者全活甚衆官至高州知府致仕句容民爲建祠

茅山九思年八十五抱疾抗手曰茅山迎我遂卒

徐九思傳

孫燧巡撫江西宸濠反縛燧與副使許達二人且縛且罵不絕口同遇害死之日天忽陰慘烈風驟起凡數日城中民大恐走收兩人屍屍未變黑雲蔽之蠅蚋無近

者

孫燧傳

史載捐軀殉節諸人盛暑體不變烏犬不敢近者其事甚多不勝錄茲錄其尤異者

徐學顏母疾禱於天請以身代夜夢神人授藥旦識其

形色廣覓之得荆漚遂卽愈

徐學顏傳

姚玘母疾思食魚暮夜無從得家養一烏忽飛去攫魚

以歸

姚玘傳

劉鎬父允中官憑祥巡檢卒於任鎬赴憑祥莫知葬處鎬晝夜環哭一蒼頭故從其父已轉入交趾忽暮至若有憑之者因得塚所在

崔敏傳

包實夫途遇虎銜衣入林中釋而蹲實夫拜請曰吾被食命也如父母失養何虎卽舍去後人名其地爲拜虎岡其後筠連諸生蘇奎章從父入山猝遇虎奎章倉皇

泣告願舍父食己虎曳尾徐去

謝定住傳

史五常父萱官廣東僉事卒葬南海和光寺側五常方七歲母攜以歸比長恨父不得歸葬往迎父櫬寺沒於水久矣五常泣禱有老人以杖指示寺址發地果得父

櫬

史五常傳

王原文安人父珣以家貧役重逃去原稍長問父所在母告以故號泣辭母遍厯山東南北一日渡海至田橫島假寐神祠中夢至一寺當午炊莎和肉羹食之一老父至驚覺原告之夢請占之老父曰若何爲者曰尋父

老父曰午者正南位也莎根附子肉和之附子膾也求諸南方父子其會乎原喜謝去至輝縣帶山有寺曰夢覺原心動天雨雪臥寺門外及曙一僧啟門出駭曰汝何人曰文安人尋父而來時珣方執爨竈下僧謂之曰若同里有少年來尋父者若倘識其人珣出見原皆不相識問其父姓名則王珣也珣亦呼原乳名抱持慟哭父子相持歸夫妻子母復聚原子孫多仕宦者

王原傳

邱緒鄞縣諸生也生母黃爲嫡余所逐適江東包氏未幾轉適他所遂不復相聞緒父沒事余至孝余疾謹奉

湯藥不解衣帶者數月余重感其孝病革與訣曰我卽
死汝無忘若母時母被逐已二十年矣一夕夢人告曰
若母在台州金鰲寺前覺而識之次日與人憩於途詰
之則包氏故養馬廐也叩以母所向曰有周平者曾悉
其事今已戍京衛矣緒姊壻謁選在京遺書囑訪平久
之未得一日有避雨於邸門者其聲類鄆人叩之則周
平也言黃已適台州李副使子緒得報卽至台而李已
沒其嗣子漫不知前事緒徬徨掩泣於道有傷之者導
謁老媒妁王四曰已再適仙居吳義官吳仙居巨族也

緒至厯閭數十家無所遇已而抵一儒生吳秉朗家語
之故生感其意留止焉有叔母聞所留者異鄉人也恚
而咻之生告以緒意叔母者黃故主母也頗憶前事然
不詳所往呼舊蒼頭問之云金鰲寺前去歲經之棺已
殯寺旁矣緒以其言與夢合信之行且泣牛觸之墜於
溝則輿夫馬長之門也駭而出問所從來緒以情告長
曰吾前輿一婦至縉雲蒼嶺下殆是也輿緒至其處緒
徧物色無所遇俛行委巷中爲一媼立門外探之知
鄞人告以所從來媼亦轉詢邱氏耗則緒母也抱持而

哭閭里皆感動寺旁棺者蓋其妣氏云所適陳翁貧而

無子緒并迎以歸備極孝養

邱緒傳

趙重華雲南太和人父廷瑞遊江湖間久不返重華長
謁郡守請路引榜其背曰萬里尋親久之竟無所遇過
丹陽盜攫其貨所遺獨路引且行且乞遇一老僧呼問
其故笑曰汝父客無錫南禪寺中語訖忽不見華急趨
至寺果其父出路引示之相與慟哭留數日乃還雲南

趙重

華傳

招遠有孝女不知其姓父採石南山爲蟒所吞女哭云

願見父屍同死俄傾大雷電擊蟒墜女前腹裂見父屍

女負土掩埋觸石而死

姚孝女傳

蔡烈女少孤與祖母居一日祖母出有逐僕爲僧者來乞食挑之不從挾以刃女徒手搏之受傷十餘處死賊遁去官行驗忽來首伏官怪問故賊曰女拘我至此遂

抵罪

孫烈女傳

王亭縣君伊府宗室典柄女適楊仞不兩月仞卒號慟不食或勸以舅姑年老且有遺孕乃忍死襄事及生男家曰落萬曆二十一年河南大饑宗祿久缺紡績三日

不得一餐母子相持慟哭夜夢神語曰汝節行上聞於
天當有以相助母子所夢皆符其子曰取屋後土作坯
易粟其日掘土得錢數百自是每掘輒得錢一日舍旁
地陷得石炭一窖取以供爨延兩月餘官俸亦至人以
爲苦節所感

王亭縣
君傳

馬節婦適諸生劉濂十七而寡翁家甚貧利其再適必
欲奪其志不與飲食百計挫之志益厲嘗閉門自經救
之漸蘇翁陰納沈氏聘其姑誘與俱出令女奴抱納沈
舟婦投河不得疾呼天救我須臾風雨晝晦疾雷擊舟

欲覆者數四沈懼乃旋舟還之事聞於縣縣令婦別居

官贍之以老

馬節
婦傳

李孝婦名中姑適桂廷鳳姑疾將不起婦涕泣憂悼聞有言乳肉可療者一日煮藥熟香禱竈神自割一乳昏仆於地氣已絕廷鳳呼藥不至出視見血流滿地大驚呼救傾駭城市邑長佐皆詣其廬命亟治俄有僧踵門曰以室中蘄艾傳之卽愈如其言果甦比求僧不見矣

乃取乳和藥進姑姑竟獲全

李孝
婦傳

劉烈女鄰富兒張阿官屢窺之一夕緣梯入女呼父母

共執之將訟官張之從子倡言劉女誨淫縛人取財人多信之女呼告父曰賊汙我名不可污矣我當訴帝求直耳卽自縊盛暑待驗暴日中無屍氣張延訟師丁二執前說女傳魂於二曰汝以筆污我我先殺汝二立死時江濤震吼岸上裂崩數十丈人以爲女冤所致有司立杖殺阿官及從子

劉烈女傳

二十二史感應錄卷下終

